

গ্রন্থাবলী-সিরিজ

বৈষ্ণব-মহাজন-পদাবলী

[প্রথম খণ্ড]

মহাকাব্য



জীবনী ও প্রতিভাবিশ্লেষণী সহ—সমগ্র—সটীক—পরিবর্দ্ধিত সংস্করণ



সতীশচন্দ্র মুখোপাধ্যায় প্রকাশিত

বঙ্গ-মতী - সাহিত্য - মন্ডির

১৬৬, বহুবাজার স্ট্রিট, কলিকাতা

বসুমতী সাহিত্য মন্দির
১৬৬, বহুবাজার স্ট্রীট
কলিকাতা—২২

মূল্য—২।।০ টাকা

প্রকাশক ও মূদ্রাকর
শ্রীশশিভূষণ দত্ত,
বসুমতী প্রেস, কলিকাতা।

সূচীপত্র

বিষয়	পৃষ্ঠা	বিষয়	পৃষ্ঠা
১। জীবনী ও প্রতিভাবিশ্লেষণ		৩৩। আক্ষেপ	৬৪
—সূচনায়	১—৪৬	৩৪। অভিসারিকা	১৬৭
২। নাট্যিকার পূর্ববাগ	১	৩৫। দানলীলা	১৬৯
৩। নায়কের পূর্ববাগ	৭	৩৬। নৌকাবিলাস	১৮১
৪। সখার উক্তি	১১	৩৭। বন-বিহার	১৮৪
৫। গোষ্ঠবিহার	২৫	৩৮। মেঘু-হরণ	১৮৭
৬। রাই রাখাল	২৬	৩৯। মা বশোদা	১৯৩
৭। শ্রীবলরামের রূপ	২৯	৪০। রাইরাজা	১৯৫
৮। প্রৌঢ়ার উক্তি	৩০	৪১। যুগল-মিলন	১৯৮
৯। শ্রীকৃষ্ণের আশুদত্তী	৩০	৪২। নব-নারী কুঞ্জর	২০৩
১০। শ্রীকৃষ্ণের স্বয়ং দৌত্য	৩১	৪৩। গো-চারণ	২০৮
১১। প্রেম-বৈচিত্র্য	৩৭	৪৪। অক্ষুর-সংবাদ	২১১
১২। রাসলীলা	৪২	৪৫। শ্রীরাধার স্বপ্নবর্ণন	২১৪
১৩। কুঞ্জভঙ্গ	৫১	৪৬। মথুরা-যাত্রা	২১৫
১৪। রসোদগার	৫৩	৪৭। ব্রজবিলাপ	২১৮
১৫। অভিসার	৫৪	৪৮। সুবল-সংবাদ	২২২
১৬। নায়ক-সম্বোধনে	৬২	৪৯। ব্রজনারীর খেদ	২২৭
১৭। সখী-সম্বোধনে	৬৪	৫০। মথুরা-প্রবেশ	২৩৮
১৮। রাসকসজ্জা	৯০	৫১। মথুরাবিলাস	২৪০
১৯। উৎকর্ষিতা	৯০	৫২। কুঞ্জা-মিলন	২৪২
২০। বিপ্রলক্ষা	৯১	৫৩। কংসবধ ও পিতৃমিলন	২৪৩
২১। খণ্ডিতা	৯২	৫৪। নন্দ-বিলাপ	২৪৫
২২। মান	৯৬	৫৫। হরিশে বিষাদ	২৪৮
২৩। কলহাস্তরিভা	৯৭	৫৬। বর্ণামুক্রমিক পদলহরী	২৫২
২৪। রাধার মান	১১৪	৫৭। চতুর্দশ পদাবলী	২৬৩
২৫। মানাস্তে মিলন	১১৭	৫৮। বিবিধ	২৭৩
২৬। বাঁশরী-শিক্ষা	১২০	৫৯। পরিশিষ্ট—	
২৭। কাকমাল্য মান	১২৫	(ক) গোষ্ঠবিহার	২৭৯
২৮। কলহাস্তরিভা	১২৫	(খ) স্বপ্নরসোদগার	২৭৯
২৯। প্রবাস	১২৬	(গ) অক্ষুরাগ—	
৩০। মাথুর	১২৯	সখী-সম্বোধনে	২৮০
৩১। ভাবসম্মিলন	১৪০	(ঘ) প্রকারাস্তর	২৮০
৩২। রাগাঙ্ঘিক পদ	১৪৯	(ঙ) অপ্রকাশিত পদাবলী	২৮০

চণ্ডীদাস

জীবনী ও প্রতিভাবিশ্লেষণ

প্রথম অধ্যায়

সাধারণ পরিচয়

বাঙ্গালী কবি কোন একটি কবিতায় ইংলণ্ডের সেক্সপিয়ারকে ভারতের অমর কবি কালিদাসের সহিত তুলনা উপলক্ষে বলিয়াছিলেন,—

“ভারতের কালিদাস, জগতের তুমি।”

মহাকবি চণ্ডীদাসকে লক্ষ্য করিয়া বাঙ্গালী অসঙ্কোচে বলিতে পারে,—

“শুধু বাঙ্গালীর নহ, মানবের তুমি।”

চণ্ডীদাসের পদাবলী প্রেমের জগতে যে শ্রেষ্ঠ স্থান অধিকার করিয়া অতুলনীয় গৌরবে ও অস্মান মহিমায় বিরাজিত রহিয়াছে, পৃথিবীর কোন দেশের কোন কবির কবিতা, কোন রচনা, পদলালিত্যে, ভাষার কোমলতায় ও বাক্য-মাধুর্য্যে, প্রেম-বৈচিত্র্যের সুপরিষ্কৃত চিত্রাঙ্কন-কৌশলে, এবং কামগন্ধহীন অপার্থিব ভাবসম্পদের বিশেষত্বে সেই শীর্ষ স্থানে আসন লাভ করিতে পারিয়াছে কি না, এ বিষয়ে সন্দেহের যথেষ্ট অবকাশ আছে। অথচ মহাকবি চণ্ডীদাস যে যুগে, বঙ্গদেশের যেকোন সামাজিক অবস্থায়, তাঁহার চিরসুন্দর ‘নিতুই নব,’ অশ্রুতপূর্ব্ব অক্ষয় পদাবলী রচনা করিয়াছিলেন, শতদলবাগিনী জননী বাগীশ্বরীর অশেষ কৃপা ভিন্ন তাহা তাঁহার লেখনী-মুখে প্রকটিত হইয়া যুগ-যুগান্ত কাল তাঁহার স্বদেশবাসী কোটি কোটি ভক্ত, সাধক, রসজিহ্বু পাঠক-পাঠিকা, এবং শোভবর্গকে স্বর্গীয় প্রেমের সুরধুনী-স্রোতে অবগাহন করাইতে, প্রেমামৃত পরিবেষণে তাঁহাদের তৃপ্তিতাপিত চিত্তকে সরস ও পরিতৃপ্ত করিতে সমর্থ হইত না। শতাব্দীর পর শতাব্দী অতীত হইয়াছে, কত নূতন যুগ আসিয়া অতীতের অন্ধকার-গর্ভে বিলীন হইয়াছে; দেশের উপর দিয়া কত বার প্রলয়ের ঝটিকা বহিয়া গিয়াছে, রাষ্ট্রীয় অবস্থার ও ব্যবস্থার কত পরিবর্তন ঘটিয়াছে; হিন্দুসমাজ ভাঙ্গিয়া-চুরিয়া নূতন ভাবে গড়িয়া উঠিয়াছে;

শিক্ষা ও সভ্যতার পরিবর্তনে বাঙ্গালীর রুচি-প্রবৃত্তি, এগন কি, প্রকৃতি, আচার-ব্যবহার পর্যন্ত পরিবর্তিত হইয়াছে, কিন্তু মহাকবি চণ্ডীদাসের মধুচক্র হইতে যে মধু শতধারায় ক্ষরিত হইয়াছে, তাহার চিরমধুর রসাস্বাদন করিয়া তাঁহার স্বদেশবাসী চিরদিনই সমান তৃপ্তি উপভোগ করিতেছেন। পঞ্চদশ শতাব্দীর অবসান কালে প্রেমাবতার শ্রীচৈতন্যদেব যে প্রেমামৃত-পরিপূর্ণিত বৈষ্ণব-পদাবলীর অপার্থিব রসাস্বাদন করিয়া জীবনের প্রত্যক্ষলক্ষ ধ্যান ধারণাকে তত্ত্ববস্তুর ত্রায় স্বদেশীয় পাপী তাপী মুমুকু সর্বসাধারণকে সমভাবে বণ্টন করিয়া দিয়াছিলেন, যে সুরসঙ্গীতের প্রভাবে প্রেমের বিপুল বতায় ‘শান্তিপূর ডুবুডুবু’ হইয়াছিল, সঙ্গে সঙ্গে ‘নদে (নবদ্বীপ) ভেসে’ গিয়াছিল, এবং যাহা শ্রীচৈতন্যদেবের সাধনায় তাঁহার স্বদেশবাসীর হৃদয়ে অমৃতনিশ্চন্দিনী মন্দাকিনী ধারার ত্রায় কলপ্রবাহবাকারে প্রবাহিত হইয়া, তাহাদিগকে এই দুঃখ-দৈন্ত্যপূর্ণ, শোকতাপ ও অশান্তির বঙ্কাবিক্ষুক মরজগতে অপার্থিব সুখ ও চির-আকাজিক্ত শান্তির অধিকারী করিয়াছিল, তাহাই শত শত বৎসর পরে বিগত উনবিংশতি শতাব্দীর অবসান-কালে ভগবান্ শ্রীরামকৃষ্ণদেবের হৃদয় প্রেমভক্তিতে অভি-ষিক্ত করিয়াছিল। ভগবান্ শ্রীরামকৃষ্ণদেব উদার বিশ্বজনীন ধর্মের মহিমা কীর্তন করিয়া— কেবল বঙ্গদেশের নহে, আসমুদ্র-হিমাচল ভারতেরও নহে, সমগ্র সভ্য জগতের ভক্তি-পিপাসু, ধর্মপ্রাণ নরনারীবর্গের অতৃপ্ত হৃদয়ে অপূর্ব প্রভাব বিস্তার করিয়াছিলেন; সমগ্র সভ্য জগৎকে বিম্বিত ও বিমোহিত করিয়া অগণ্য ভক্তের বৃত্তকু হৃদয় তাঁহার বিশ্ববন্দিত শ্রীচরণ-সরোজে মধুমত্ত মধুকরের ত্রায় আকৃষ্ট করিয়াছিলেন; তাঁহার সেই ভক্তিরসাপ্লুত, পুণ্যপ্রভা-সমুদ্ভাসিত হৃদয়কে মহাকবি চণ্ডীদাসের পদাবলীর প্রভাব কি পরিমাণে ভাবাভিভূত করিয়াছিল—তাহা প্রেমভক্তিবহীন, মোহামগ্ন, মূঢ় আমরা কিরূপে অনুভব করিব? তবে আমরা এটুকু বুঝিতে পারি যে, শ্রীরাধার পূর্ব্বরাগের

অপূর্ব অভিব্যক্তি—চণ্ডীদাসের সেই চিরমধুর অতুলনীয় পদটি যখন দয়াল ঠাকুর শ্রীরামকৃষ্ণদেবের শ্রবণপথে প্রবেশ করিয়া তাঁহার হৃদয়কে ভাবাবেশে সমাধিমগ্ন করিয়াছিল, সুরলোকের সুধাবর্ষা বংশী-ধ্বনিবৎ তখন তিনি শ্রবণ করিলেন,—

‘সই, কেবা শুনাইল শ্রাম-নাম ।

কানের ভিতর দিয়া মরমে পশিল গো,

আকুল করিল মোর প্রাণ ॥

না জানি কতক মধু শ্রাম-নামে আছে গো,

বদন ছাড়িতে নাহি পারে ।

জপিতে জপিতে নাম, অবশ করিল গো,

কেমনে পাইব সই, তারে ॥’

তখন এই মধুর সঙ্গীত দেশ-কালের সীমা অতিক্রম করিয়া, ভগবানের আঁচরণে চিরনির্ভরশীল ভক্তের আকুল আত্মনিবেদনবোধেই তিনি ভাবাভিভূত হইয়াছিলেন। এই প্রেম সঙ্গীর্ণ মানবীয় প্রেমের কত উর্দ্ধে বিরাজিত—তাহা তিনি যেমন বুঝিয়াছিলেন, তেমন করিয়া তাহার মধুরতা, আস্তরিকতা, অপাখিবতা আর কে বুঝিতে পারিবে? যেমন প্রাতঃসূর্যের উজ্জ্বল রশ্মি মহামূল্য স্তম্ভ-জ্যোতিঃ হীরকখণ্ডে প্রতিফলিত হইলে, তাহা হইতে সপ্তবর্ণের সহস্র জ্যোতিষ্কটা চতুর্দিকে বিচ্ছুরিত হইয়া প্রভা বিকীর্ণ করে—সেই রূপ নাম্নরের এই ভক্ত কবির এক একটি অমূল্য পদের সম্পদ, মাধুর্য্য, মহিমা শ্রীরামকৃষ্ণদেবের হৃদয়ে প্রতিফলিত হইয়া যে অলৌকিক প্রভা বিস্তার করিত, তাহা তাঁহার কৃপাপ্রার্থী, সংসারদাবদন্ধ, শরণাগত কত ভক্তের মানস নেত্র হইতে অজ্ঞানাক্রকার অপসারিত করিয়া তাহাদের প্রজ্ঞানেত্র বিকশিত করিয়াছিল, আমাদের শ্রায় মোহাচ্ছন্ন বিশ্বাসহীন, জীবনের বুদ্ধে ক্ষতবিক্ষত ধূলি-ধূসরিত সংসারী নরনারী তাহা কিরূপে হৃদয়ঙ্গম করিবে?

ভগবান্ শ্রীরামকৃষ্ণদেব বৈরাগ্য-সমাহিত প্রথম যৌবনে দক্ষিণেশ্বর-মন্দিরে পৌরোহিত্যের ভার গ্রহণ করিয়া সিদ্ধিলাভ করিলে, যেমন তাহার ফলে ধর্ম-জগতে যুগান্তর উপস্থিত হইয়াছে, চণ্ডীদাসও সেইরূপ পঞ্চদশ শতাব্দীতে নাম্নুর গ্রামে বাণুলী দেবীর মন্দিরে পৌরোহিত্য করিয়া যে সাধনায় সিদ্ধিলাভ করিয়াছিলেন, তাহার ফলে তাঁহার রচিত অমৃতময় পদাবলী কাব্য-জগতে এক নূতন ভাবধারা প্রবাহিত করিয়াছে। চণ্ডীদাস বঙ্গভাষায় রাধাকৃষ্ণের বিরহ, মিলন, অপার্থিব

প্রেম-লীলার বর্ণনা দ্বারা যে অপূর্ব সুযমাপূর্ণ সুললিত পদাবলীর হীরকহার গাঁথিয়া বঙ্গভারতীকে উপহার প্রদান করিয়াছিলেন, তাহার গৌরবে বঙ্গভাষা চিরদিনই গৌরবান্বিত; এবং ইহা বিশ্ব-সাহিত্যে বঙ্গভাষার সমৃদ্ধিরই পরিচয় প্রদান করিবে। তিনি আড়ম্বরবর্জিত প্রাণস্পর্শী সরল ভাষায় স্বর্গীয় প্রেমের যে অতুলনীয় চিত্র অঙ্কিত করিয়াছেন, তাহা একরূপ হৃদয়গ্রাহী, একরূপ রস-মাধুর্য্যপূর্ণ যে, কত লেখক, কবি, ভাবুক ভক্ত তাঁহার ভাবে অনুপ্রাণিত হইয়া তাঁহারই অনুকরণে শ্রীরামকৃষ্ণের প্রেম ও মিলন-বিরহ-সংক্রান্ত অসংখ্য পদ রচনা করিয়া গিয়াছেন; তাঁহার অনুকৃত বহু পদে তাঁহার নামের ভণিতা পর্য্যন্ত সংযুক্ত দেখিতে পাওয়া যায়। এজন্য তাঁহার রচিত পদের সহিত অনুকৃত পদগুলির পার্থক্য নির্ণয় করা কঠিন। অনেকের ধারণা, একাধিক চণ্ডীদাস নানা ভাবের বহুসংখ্যক পদ রচনা করিয়াছিলেন। আমরা যথাস্থানে এই সকল বিষয়ের আলোচনা করিব।

এই তর্কের যুগে কোন কোন প্রসিদ্ধ কবির জন্মস্থান কোথায়, তাহা নিরূপণ করিবার জন্ম বহু যুক্তি-তর্কের অবতারণা লক্ষিত হইতেছে। যুরোপের মহাকবি হোমারের জন্মস্থান কোথায়—ইহা লইয়া যুরোপীয় বিদ্বজ্জনসমাজে বহুদিন পূর্বে যে তর্কবিতর্ক আরম্ভ হইয়াছিল, এখনও তাহার শেষ হয় নাই। এক এক দল তাঁহাদের সিদ্ধান্তের অনুকূলে যে প্রমাণ উপস্থাপিত করেন, অন্য দল তাহার প্রতিবাদে অন্য প্রমাণ প্রদর্শন করিয়া তাহা খণ্ডনের চেষ্টা করেন। ইহাতে বাক্বিতগু ক্রমেই বাড়িয়া যায়, এবং সংশয়ের তিমিরে সত্য আচ্ছাদিত হয়। মহাকবি কালিদাস বাঙ্গালী ছিলেন কি না এবং তাঁহার বাসস্থান কোথায় ছিল—এই তত্ত্ব নিরূপণের জন্ম এ দেশের এক দল ভাষাতত্ত্ববিৎ পণ্ডিত এবং প্রত্নতাত্ত্বিক যথাসাধ্য চেষ্টা করিতেছেন।

মহাকবি চণ্ডীদাসের জন্মস্থান এবং তাঁহার সাধনার পীঠস্থল কোথায় ছিল—এ সম্বন্ধেও তর্ক-বিতর্ক আরম্ভ হইয়াছে। আমরা চিরদিন শুনিয়া আসিতেছি এবং সত্য বলিয়া বিশ্বাস করি যে, নাম্নুর গ্রামেই চণ্ডীদাসের জন্ম ও পীঠস্থান। ইহা বীরভূম জেলার সাকুলিপুর থানার অন্তর্গত ছিল। আমার শিক্ষাগুরু স্বর্গীয় অমৃতলাল মুখোপাধ্যায় মহাশয় আমাদের স্কুলের হেড-মাষ্টারী ছাড়িয়া ডেপুটী ম্যাজিষ্ট্রেট হইয়াছিলেন; পরে তিনি যোগ্যতা-বলে

জেলা-ম্যাজিষ্ট্রেটের পদে উন্নীত হইয়াছিলেন। তিনি বঙ্গসাহিত্যের অকৃত্রিম সুহৃৎ ছিলেন। তিনি যখন রাণাঘাট মহকুমার ম্যাজিষ্ট্রেট, তখন কুস্তিবাসের জন্মভূমি ফুলিয়ায় মহাকবির স্মৃতিচিহ্ন স্থাপনের জন্ত সচেষ্ট হইয়াছিলেন; আবার যখন তিনি বীরভূমের জেলা-ম্যাজিষ্ট্রেট, সেই সময় সাকুলিপুর থানার পরিবর্তে নাম্নুরে থানা প্রতিষ্ঠিত করিয়াছিলেন। মহাকবি চণ্ডীদাসের প্রতি তাঁহার আন্তরিক শ্রদ্ধাই ইহার কারণ। বস্তুতঃ, নাম্নুরই চণ্ডীদাসের বহুকালস্বীকৃত জন্মভূমি ও সাধনাস্থল হইলেও সুপণ্ডিত শ্রীযুত যোগেশচন্দ্র রায় বিদ্যানিধি মহাশয় কতকগুলি প্রমাণ উদ্ধৃত করিয়া নাম্নুবকে উড়াইয়া দেওয়ার চেষ্টা করিয়াছেন; এবং কোন কোন সুপণ্ডিত ব্যক্তি তাঁহার এই নূতন মতের সমর্থন করিতেছেন। যোগেশ বাবু গন্ধান লইয়া জানিতে পারিয়াছেন, রেজেন্সী আফিসের দলিল-পত্রাদিতে ৫০।৬০।৭০ বৎসর পূর্বে 'নাম্নুর' নামক কোন গ্রামের নাম নাই; 'নাম্নুর' ও নানোর নাম আছে। কিন্তু নাম্নুর কি শুদ্ধ ভাষায় 'নাম্নর' হইতে পারে না? 'হরিরামপুর' 'হরমপুর' হইতে পারে, 'শ্রীরামপুর' 'ছিরামপুর' হইতে পারে, 'চক্রদহ' 'চাকদা' হইতে পারে, এমন কি 'সুবর্ণগ্রাম' 'সোণারগাঁ'এ রূপান্তরিত হইলে যদি দোষ না হয়, তাহা হইলে নাম্নুরের অপরাধ কি?—কাহারও কাহারও ধারণা, বাকুড়া জেলার অন্তর্গত ছাতনা গ্রামে চণ্ডীদাস জন্মগ্রহণ করিয়াছিলেন; তিনি লমণ করিতে করিতে নাম্নুরে আসিয়া বিশালাক্ষীর মন্দিরে সিদ্ধ হন। এমন কি, ছাতনার বাসলীর পুঞ্জক, চণ্ডীদাসের অগ্রজ দেবীদাসের বংশধর বলিয়া আত্মপ্রতিচয় দিয়া এই নূতন মতের সমর্থনে তাঁহা-দিগকে সাহায্য করিয়াছিলেন। চণ্ডীদাসের জন্মভূমি কোথায়, এই প্রশ্ন লইয়া কিছু দিন বাঙ্গালা মাসিকে বাদানুবাদ চলিয়াছিল; এই উপলক্ষে কোন কোন লেখক প্রতিবন্ধীকে তীব্র ভাষায় আক্রমণ করিতেও কুণ্ঠাবোধ করেন নাই। কিন্তু চণ্ডীদাসের ভগিনী-যুক্ত পদাবলীতেই যখন একাধিক চণ্ডীদাসের উল্লেখ দেখিতে পাই, এবং রচনা-প্রণালীও যখন স্বতন্ত্র, তখন নাম্নুরের চণ্ডীদাসকেই অমর পদকর্তা মহাকবি চণ্ডীদাস বলিয়া স্বীকার করিতে আপত্তির কোন কারণ আছে কি? বাসলী দেবী অনেক স্থলেই প্রতিষ্ঠিতা আছেন, এবং অল্প কোন চণ্ডীদাস অল্প কোন বাসলীকে উপাস্ত্র দেবী মনে করিয়া তাঁহার পূজার্চনায় রত থাকিলে,

নাম্নুরের মহাকবি চণ্ডীদাসকে অস্বীকার করিবার সম্ভব কোন কারণ দেখা যায় না। এ সম্বন্ধে আমরা পরে আলোচনা করিতেছি।

মহাকবি চণ্ডীদাস কোন্ সময়ে জন্মগ্রহণ করিয়াছিলেন, এবিষয়েও মতভেদ লক্ষিত হয়। কেহ বলেন, খৃষ্টীয় চতুর্দশ শতাব্দীর শেষভাগ পর্যন্ত চণ্ডীদাসের সময় বলিয়া নির্দিষ্ট করা যাইতে পারে; কেহ বলেন, তিনি পঞ্চদশ শতাব্দীর মধ্যভাগ পর্যন্ত জীবিত ছিলেন। কিন্তু সেই সময় বীরভূমের অবস্থা কিরূপ ছিল, তাহার ইতিহাস অধিকাংশই কিংবদন্তীমূলক ও কুস্মাটিকাজালে সমাচ্ছন্ন। চতুর্দশ শতাব্দীর বীরভূমের নির্ভরযোগ্য ইতিহাস সংগৃহীত হয় নাই, এবং সেই সময় বীরভূম কাহার শাসনাধীনে ছিল, তাহাও জানিতে পারা যায় নাই; তবে চণ্ডীদাসের পদাবলী হইতে সেই সময়ের সামাজিক আচার-ব্যবহার-সংক্রান্ত কোন কোন তথ্য জানিতে পারা যায়।

চণ্ডীদাসের পিতা-মাতার নাম তাঁহার রচিত কোনও পদ হইতে জানিতে পারা যায় না; তবে তাঁহার জীবন-চরিত সম্বন্ধে যাহারা আলোচনা করিয়াছেন, তাঁহাদের কেহ কেহ বলেন, তাঁহার পিতার নাম ভবানীচরণ, এবং মাতার নাম ভৈরবী; কিন্তু শ্রীযুক্ত যোগেশচন্দ্র রায় মহাশয় বাকুড়ার ছাতনাকে চণ্ডীদাসের জন্মভূমি বলিয়া মত প্রকাশ করিবার পর সুলেখক শ্রীযুক্ত মতিলাল দাশ প্রমাণ-প্রয়োগে তাঁহার সংশয়াচ্ছন্ন মতের সমর্থন করিয়া লিখিয়াছেন, চণ্ডীদাসের পিতার নাম নিত্যনিরঞ্জন, তিনি ভরদ্বাজ-গোত্রীয় ব্রাহ্মণ; মাতার নাম বিদ্যাবাসিনী। ছাতনার বাসলীর মহিমা-সূচক যে সকল পুস্তক পাওয়া গিয়াছে, তাহার উপর নির্ভর করিয়াই তিনি এই কথা প্রকাশ করিয়াছেন। কিন্তু কিরূপে বুঝিব, ছাতনার বাসলীই চণ্ডীদাসের আরাধ্যা বাগীশ্বরী বিশালাক্ষী—যে বাসুলীর আদেশে তিনি পদরচনা করিয়াছেন? চণ্ডীদাসের জন্ম কোন্ সালে, তাহা কেহই নিঃসন্দেহে নির্দেশ করিতে পারে নাই; তবে সুপণ্ডিত যোগেশ বাবু বলেন, চণ্ডীদাসের জন্ম ১২৭৫ শকে ধরা যাইতে পারে। যত দূর জানিতে পারা গিয়াছে, তাহাতে মনে হয়, চণ্ডীদাসের পিতার আর্থিক অবস্থা স্বচ্ছল ছিল না। তিনি গ্রাম্য দেবী বিশালাক্ষী বা বাসুলীর পূজারী ছিলেন। নাম্নুর গ্রামের সেই বিশালাক্ষীর প্রাচীন মন্দির এখন ভগ্নস্তূপে পরিণত হইয়াছে।

বাল্যকালে চণ্ডীদাসের পিতামাতার মৃত্যু হওয়ায় তিনি লেখাপড়া শিখিবার সুযোগ লাভ করিতে পারেন নাই; কিন্তু তাঁহার চিরমধুর, সরল, ভাবোচ্ছ্বাসপূর্ণ পদাবলী পাঠ করিলে মনে হয়, প্রচলিত বাঙ্গালা ও সংস্কৃত সাহিত্যে এবং পুরাণাদি গ্রন্থে তিনি যথেষ্ট অভিজ্ঞতা সঞ্চয় করিয়াছিলেন।

পিতামাতার মৃত্যুর পর তাঁহাকে নিঃসম্বল হইতে হইয়াছিল; কিন্তু তাঁহার রচনা হইতেই জানিতে পারি, গ্রামে তাঁহার প্রতিপত্তিশালী আত্মীয়-স্বজন ছিলেন। সম্ভবতঃ, তাঁহারা এই পিতৃ-মাতৃহীন বালকের ভার গ্রহণ করেন নাই, কিন্তু তাঁহাকে অধিক দিন অর্থকষ্ট সহ করিতে হয় নাই। উপনয়নের পর গ্রামবাসীদের অমুগ্রহে তিনি বিশালাক্ষীর পূজারী নিযুক্ত হওয়ায় তাঁহার অন্ন-বস্ত্রের অভাব দূর হইয়াছিল। তিনি অন্ন বয়সেই কষ্ট সহ করিবার শক্তি লাভ করিয়াছিলেন। তিনি দেবীর পূজাৰ্চনা করিতেন, স্বহস্তে ভোগ রাঁধিয়া স্বয়ং প্রসাদ বিতরণ করিতেন। শ্রীযুত বসন্তরঞ্জন রায় বলেন, তিনি বিবাহিত হইয়াছিলেন, নিঃস্বও ছিলেন না; কারণ, কবি বাণুলীকে বলিয়াছিলেন, “ধনজন দারা সৌপিহু তোরে।” স্মৃতরাং ‘দারা’ ছিল। কিন্তু মহাকবির রচিত কোনও পদে তাঁহার স্ত্রী-সংক্রান্ত কোনও কথার উল্লেখ নাই। যাহা হউক, চণ্ডীদাসকে অধিক দিন ঐ সকল অনুবিধা সহ করিতে হয় নাই; কিছু দিন পরে তিনি বাণুলী দেবীর মন্দিরে একটি পরিচারিকার সহায়তা লাভ করিলেন। নাম্বুরের প্রায় তিন ক্রোশ দূরে তেহাই নামক একখানি গ্রাম ছিল; জনরবে প্রকাশ, সেই গ্রামবাসিনী রঞ্জকনন্দিনী রামমণি বা রামী ধোপানী এক দিন বাণুলী মন্দিরে উপস্থিত হইয়া চণ্ডীদাসের আশ্রয় প্রার্থনা করিয়াছিলেন। রামীর তখন প্রথম যৌবন। সে দেবী-মন্দিরের মার্জ্জন-ভার পাইল। মন্দিরেই সে প্রসাদ পাইত। কেহ কেহ বলেন, রামী সেখানে কাপড় কাচিতে আসিত, চণ্ডীদাস সেই জলাশয়ের কূলে বসিয়া ছিপ দিয়া মাছ ধরিতেন। এই উপলক্ষে চণ্ডীদাসের সহিত তাঁহার আলাপ পরিচয় ও মিলন হইয়াছিল। এইরূপে চণ্ডীদাসের প্রেমপাশে বন্দী হইয়া, সে জাতীয় ব্যবসায় পরিত্যাগ করিয়া তাঁহারই অমুরোধে মন্দিরের মার্জ্জন-ভার গ্রহণ করিয়াছিল। কিন্তু ইহা অসম্মান মাত্র বলিয়া মনে হয়; কারণ, তেহাই রামীর বাসগ্রাম হইলে, সে তিন ক্রোশ

দূর হইতে প্রত্যহ নাম্বুরে কাপড় কাচিতে আসিত, ইহা বিশ্বাস করা কঠিন; তবে সে চণ্ডীদাসের প্রীতি লাভ করিয়াছিল, এ কথা নিঃসন্দেহে বলা যাইতে পারে। রামী-সংক্রান্ত অগাধ প্রয়োজনীয় তথ্যের আলোচনা ষাণ্মাহানে সন্নিবিষ্ট হইল।

দ্বিতীয় অধ্যায়

সাধন-পথে

রামী রূপবতী ছিল। চণ্ডীদাস রামীর প্রণয়ে মুগ্ধ হইলেন। রঞ্জকিনীর প্রেমে ব্রাহ্মণ যুবক— দেবীর পূজারী—আত্মসমর্পণ করিলেন; ইহাতে বিশ্বাসের কারণ নাই। প্রেম জাতিকুল বিচার করে না; এই জন্তই বোধ হয় যুরোপের পুরাণকার প্রণয়ের দেবতা কিউপিডকে অন্ধ বলিয়া বর্ণনা করিয়াছেন। কিন্তু চণ্ডীদাসের ও রামীর প্রেমে বিশেষত্ব ছিল; কোন কবির ভাষায় সেই প্রেম—

“লালসার জ্বালাহীন, নির্মল নিষ্কাম
প্রেম—আত্মশুদ্ধি, তৃপ্তি, চিত্তের বিশ্রাম।”

চণ্ডীদাসও রামীর সহিত তাঁহার সম্বন্ধ ভাবে প্রকাশ করিয়াছেন,—

“তুমি রঞ্জকিনী, আমার রমণী,
তুমি হও মাতৃ-পিতৃ।
ত্রিসঙ্ক্যা যাজ্ঞন তোমারই ভঞ্জন
তুমি বেদমাতা গায়ত্রী ॥
তুমি বাগ্‌বাদিনী, হরের ঘরণী,
তুমি গো গলার হারা।
তুমি স্বর্গ মর্ত্য পাতাল পর্বত
তুমি গো নয়নের তারা ॥”

স্মৃতরাং বলিতে হয়, রঞ্জকিনীর প্রতি চণ্ডীদাসের এই আকর্ষণ এক অপূর্ব বস্তু; মনে হয়, দেহের ক্ষুধার সহিত এই মিলনের কোনও সম্বন্ধ ছিল না। এই প্রেমে চণ্ডীদাসের সহজ সাধনা নির্ভর করিতেছিল। ‘কেহ কেহ রামী রঞ্জকিনীর ও চণ্ডীদাসের এই মিলন কিংবদন্তী-মূলক বলিয়া উড়াইয়া দেওয়ার চেষ্টা করিতেছেন; কিন্তু যেমন রামকে বাদ দিয়া রামায়ণ হয় না, সেইরূপ রামীকে উড়াইয়া দিলে চণ্ডীদাসের রচিত পদাবলী অসম্পূর্ণ থাকিয়া যাইত।

চণ্ডীদাসের অমৃতবর্ষী রচনা-নির্বাণে রামীই রসসঞ্চার করিয়াছিল। চণ্ডীদাসের রচনায় রাধাকৃষ্ণের প্রেমের যে অপূর্ব স্ফূরণ, বিকাশ ও পরিণতি, রামীর প্রতি চণ্ডীদাসের প্রেমের সাধনায় সিদ্ধিলাভই তাহার কারণ। রামীর মধুর প্রেমের আনন্দন লাভ করিয়াই তিনি শ্রীরাধিকার প্রেমকে এমন সরল, সুন্দর, স্বাভাবিক ভাবে ফুটাইয়া তুলিতে সমর্থ হইয়াছিলেন। একান্তভাবেই প্রেমের সার্থকতা। রামমণির প্রেম চণ্ডীদাসকে সেই সার্থকতা দান করিয়াছিল। আমরা চণ্ডীদাসের পদেই এই অপার্থিব নিঃসার্থ প্রেমের বিশেষত্বের পরিচয় পাই,—

“এমন পিরীতি কভু দেখি নাই শুনি ।
পরানে পরাণ বাঁধা আপনা আপনি ॥
দুঁছ কোড়ে দুঁছ কাঁদে বিচ্ছেদ ভাবিয়া ।
তিল আধ না দেখিলে যায় যে মরিয়া ॥
জল বিনে মীন জলু কবহুঁ না জীয়ে ।
মাছুষে এমন প্রেম কোথা না শুনিয়ে ॥

* * *

কুমুমে মধুপ কহি সে নহে তুল ।
না আইলে ভ্রমর আপনি না যায় ফুল ॥
কি ছার চকোর চাঁদ দুঁছ সম নহে ।
ত্রিভুবনে হেন নাই চণ্ডীদাস কহে ॥”

সত্যই, ত্রিভুবনে এই প্রেমের তুলনা নাই ; এখানে দেহের সম্বন্ধ তিরোহিত। কিন্তু সংসারের লোক এ সকল বিচার করে না ; সকলে চণ্ডীদাসকে কলঙ্কী বলিয়া নিন্দা করিলে, চণ্ডীদাস রামীকে লক্ষ্য করিয়া বলিয়াছিলেন,—

“কলঙ্কী বলিয়া ডাকে সব লোক
তাহাতে নাহিক দুঃখ ।
তোমার লাগিয়া কলঙ্কের হার
গলায় পরিতে সুখ ॥”

ইহা শ্রীকৃষ্ণের প্রতি শ্রীরাধিকার প্রেমের অভিব্যক্তি বলিলে অত্যাক্তি হইবে না ; সুতরাং রামীর প্রতি নিষ্কাম প্রেম চণ্ডীদাসের হৃদয়-শতদল বিকসিত করিয়া সেখানে বীণাপণির আসন প্রতিষ্ঠিত করিয়াছিল, এবং মহাকবি জননী বাণীর আশীর্ব্বাদে স্বরচিত চির-মধুর পদাবলীতে রাধাকৃষ্ণের প্রেমের যে মন্থাকিনীধারা প্রবাহিত করিয়াছিলেন, তাহার মাধুর্য্য ও গৌরব কেবল যে বঙ্গসাহিত্যের

সুবিপুল স্থায়ী সম্পদরূপে সংরক্ষিত হইয়াছে, এরূপ নহে ; বিশ্বের সাহিত্যে অভিনন্দিত হইয়া তাহা অপূর্ব শোভায় চিরবিরাজিত রহিবে। তাহা অপার্থিব ও অবিনশ্বর।

আদি-কবি বাল্মীকি হইতে আরম্ভ করিয়া পৃথিবীর সকল মহাকবিই মহাকাব্য-রচনার প্রাকালে স্ব স্ব আরাধ্যা দেবীর আরাধনা দ্বারা কবিত্বের উৎস উন্মুক্ত করিয়াছেন। চণ্ডীদাসও নিদ্দাবস্থায় বাঁকুড়ার শালতোড়া গ্রামের গ্রাম্যদেবী নিত্যার সহচরী বাসুলীর নিকট ‘সহজ’ ভাবের প্রেম প্রচারের আদেশ লাভ করিয়াছিলেন। এই ‘সহজ’ ভাবটি কি, তাহা চণ্ডীদাস তাঁহার কবিতায় দুর্ভাইবার চেষ্টা করিয়াছেন। আমরা স্থানান্তরে তাহার বিস্তৃত আলোচনা করিলাম। চণ্ডীদাসের রচিত এই সকল কবিতা পাঠ করিলে বুঝিতে পারা যায়, তিনি তৎকাল-প্রচলিত বৌদ্ধ ‘সহজ’ মতের প্রভাবে অল্পপ্রাণিত হইয়াছিলেন। খৃষ্টীয় দ্বাদশ শতাব্দীতে বঙ্গদেশে বৌদ্ধ ধর্মের অগ্রতম অনুষ্ঠান সহজিয়া-মতের প্রভাব অক্ষুণ্ণ ছিল, এবং তাহার দুই শতাব্দী পরেও বঙ্গভূমি হইতে তাহা বিলুপ্ত হয় নাই ; সুতরাং চণ্ডীদাস সময়ের প্রভাবে সহজিয়া-মতের উপাসক হইয়াছিলেন—ইহাতে বিশ্বয়ের কোন কারণ নাই। সহজ-যান বৌদ্ধ ধর্মেরই একটি শাখা ; কিন্তু বৌদ্ধ ধর্মের অগ্ৰাণ্ড শাখার জায় ইহাতে কঠোর নিয়ম পালন করিতে হয় না। কালক্রমে বৌদ্ধ ধর্মের অনেক বিধি-ব্যবস্থা ও নিয়মাদি হিন্দুধর্মের অন্তর্ভুক্ত হইলে সহজ-যানের সাধনাদির বিভিন্ন প্রণালী সম্ভবতঃ কিয়ৎপরিমাণে রূপান্তরিত ভাবে বৈষ্ণব ধর্মে গৃহীত হইয়াছিল ; এবং সহজ-ভজন স্বকীয়া ও পরকীয়া এই দুই প্রণালীতে বৈষ্ণব-সমাজে অনুষ্ঠিত হইতেছিল।

সহজ-ভজনে পরকীয়া-প্রণালীই উভয়ের মধ্যে অধিকতর সমাদৃত হইয়াছিল। চণ্ডীদাস এই পরকীয়া-সাধনে সিদ্ধিলাভ করিয়াছিলেন। কিন্তু পূর্বেই বলিয়াছি, তাঁহার এই পরকীয়া-সাধনায় কামগন্ধ ছিল না। চণ্ডীদাস বাসুলীর আদেশেই রজকিনী রামীকে বলিয়াছিলেন,—

“এক নিবেদন করি পুনঃ পুন
শুন রজকিনী রামী ।
যুগল চরণ নীতল দেখিয়া
শরণ লইলাম আমি ॥

রজকিনীরূপ কিশোরী-স্বরূপ
কামগন্ধ নাহি তায় ।
না দেখিলে মন করে উচাটন
দেখিলে পরাণ জুড়ায় ।”

কথিত আছে, চণ্ডীদাস সহজ-মার্গে এই পরকীয়া-সাধনের জন্ত রামীর সহিত বৈষ্ণব ধর্মে দীক্ষা গ্রহণ করিয়াছিলেন। কিন্তু কোথায় তাঁহাদের দীক্ষা হইয়াছিল, এবং তাঁহাদের দীক্ষাগুরু কে, তাহা জানিবার কোন উপায় নাই। তিনি বৈষ্ণব ধর্মে দীক্ষা গ্রহণ করিয়া থাকিলে সমাজের কঠোর শাসন হইতে নিষ্কৃতি লাভ করিতে পারেন নাই কেন? এই জন্তই মনে হয়, তাঁহার বৈষ্ণব ধর্মে দীক্ষা গ্রহণের কাহিনী অমূলক; তাঁহার পদাবলীতে বৈষ্ণব ধর্মের মাধুর্য, বিশেষত্ব ও প্রভাবই সম্ভবতঃ এই জনগণের উৎপত্তির কারণ। তিনি কোন্ প্রেমের প্রেমিক, তাঁহার প্রেমের প্রকৃতি কিরূপ, তাহা তাঁহার আত্মীয়-স্বজন, গ্রামের লোক, সমাজের নায়কেরা বুঝিতে পারিল না। সমাজের শিরোমণিরা কেবল তাঁহার কলঙ্ক রটাইয়াই ক্ষান্ত হইল না। সে কালে সমাজশাসনে সমাজ-পতিদের ক্ষমতা ছিল অসাধারণ। ব্রাহ্মণনন্দন, দেবমন্দিরের পুরোহিত চণ্ডীদাস একটা অস্পৃশ্য রজকিনীর প্রেমে উন্মত্তপ্রায় হইয়া, লোক-লজ্জা কলঙ্ক-ভয় ত্যাগ করিয়াছেন, সমাজের সম্মান নষ্ট করিয়াছেন, আচারনষ্ট হইয়াছেন, এই অপরাধে তিনি বিশালাক্ষীর সেবা বঞ্চিত হইলেন। তাঁহাকে সমাজচ্যুত করা হইল। কিন্তু তিনি এই নির্ধ্যাতনে কাতর হইলেন না; লোকনিন্দায়—কলঙ্ক রটনায় তাঁহার প্রেমিক হৃদয় বিচলিত হইল না। তিনি বিশালাক্ষীর মন্দির হইতে বিতাড়িত হইলেও, তাঁহার জীবনের একমাত্র অবলম্বন প্রেম-সাধন ত্যাগ করিলেন না। তিনি অসঙ্কোচে রামী ধোপানীর গ্রামপ্রান্তবর্তী কুটীরে আশ্রয় গ্রহণ করিলেন; সেই স্থানে তাঁহার অবলম্বিত সহজ-মার্গের সাধনা চলিতে লাগিল।

চণ্ডীদাসকে সঙ্কল্পচ্যুত করিতে না পারিয়া গ্রাম্য-সমাজের দলপতিরা গ্রামের জনসাধারণের সহিত মিলিত হইয়া নানা ভাবে তাঁহার নির্ধ্যাতন আরম্ভ করিল। সেই সকল নির্ধ্যাতন, শ্লেষ, তীব্র কটুক্তি তিনি অসীম ধৈর্য সহকারে সহ করিয়া নিরীকারচিত্তে সাধনমার্গে অগ্রসর হইলেও, সেই সকল অত্যাচার উৎপীড়ন কোমলমতি যুবতী

রামীর সহ হইল না; সে চণ্ডীদাসের সহিত নাম্নুর ত্যাগের সঙ্কল্প করিয়া যে মর্ষভেদী আক্ষেপে হৃদয়ের গভীর ক্ষোভ পরিব্যক্ত করিল, তাহা বঙ্গ-সাহিত্যে চিরদিন অশ্রয় অক্ষরে লিখিত থাকিবে। সেই উৎপীড়িতা লাঞ্ছিতা নারী কাতর কণ্ঠের উচ্ছ্বসিত ভাষায় বলিল,—

“তাক পিটিয়ে অপবাদ গ্রামে গ্রামে দেয় হে ।
চক্ষে না দেখিয়ে মিছে কলঙ্ক রটায় হে ॥
তাক-ঢোলে যে জন স্মৃজন-নিন্দা করে ।
বাঙ্কনা পড়ুক তার মস্তক উপরে ॥
অবিচার-পুরী দেশে আর না রহিব ।
যে দেশে পামণ্ড নাই সেই দেশে যাব ॥
আপনার নাক কাটি পরে বলে বোঁচা ।
সে ভয় করে না রামী নিজে আছে সাঁচা ॥”

রামীর চিত্তবৃত্তি যদি কলুষিত হইত, চণ্ডীদাসের সহিত তাহার প্রেম-সাধনা আত্মত্যাগের, সখ্যা, দাস্ত ও মধুর ভাবের নির্মল আদর্শরূপে প্রতিষ্ঠিত না হইয়া নেড়া-নেড়ীর বীভৎস কামপ্রবণতার বাহ্যিক নিদর্শন হইত, তাহা হইলে সে মাথা তুলিয়া তেজের সহিত এইরূপ মৃত্তকণ্ঠে মিথ্যা কলঙ্কের ও হীন অপবাদের প্রতিবাদ করিতে পারিত না।

মিথ্যা কলঙ্ক-প্রচারে, সমাজের অবিচারে, গ্রামবাসীদের অত্যাচারে রামীর ধৈর্যক্ষা করা কঠিন হইলেও, তাহার মানসিক চাঞ্চল্য এইরূপ শ্লেষপূর্ণ কঠোর ভাষায় আত্মপ্রকাশ করিলেও, প্রেমিক কবি সাধকশ্রেষ্ঠ চণ্ডীদাসকে তাহা বিচলিত করিতে পারিল না। তিনি রামীকে সান্ত্বনাদানের জন্ত সুধাকণ্ঠে বলিলেন,—

“হরি হরি দৈব কি গতি নাহি জান ।
কভু সুখ গম্পদ, কবছঁ রাজপদ
কবছঁ গুরু অপমান ॥
ভগ্নে চণ্ডীদাস ইহা বড় বাত ।
হানি, লাভ, জীবন, মরণ, সুখ, যশ,
অপযশ বিধি-হাত ॥”

“রূপিসে বিষের গাছ হৃদয়-মাঝারে ।
গরলে জারল অঙ্গ দোষ দিব কারে ॥
যদি ঘরে রৈতে নার কর অভিসার ।
চণ্ডীদাসেতে বলে এই সে বিচার ।”

কিন্তু লোকনিন্দায়, কুৎসা-প্রচারে, বা কঠোর নির্ধ্যাতনে অবিচলিত চণ্ডীদাস গ্রাম ত্যাগ করিলেন

না; রজকিনী রামীরও গ্রামত্যাগের সঙ্কল্প কার্যে পরিণত হইল না। দেহের সম্বন্ধ নহে, হৃদয়ে হৃদয়ে প্রেমের বন্ধন,—সে বন্ধন ছিন্ন করিয়া সে দূরে যাইতে পারিল না।

চণ্ডীদাস অবিচলিত চিত্তে সৰ্ব্বপ্রকার নির্যাতন সহ্য কারিতেছিলেন দেখিয়া, সমাজের মোড়লেরা তাঁহার শাসনের জ্ঞতা যে ব্যবস্থা করিল, আধুনিক কালের দণ্ডবিধি আইনেও সেইরূপ শাসনের নজীর দেখা যাইতেছে। শঙ্করা কি একটা অপরাধ করিয়া জেলে গেল, এবং কারাদণ্ডের উপর তাহার পঞ্চাশ টাকা অর্থদণ্ড হইল। শঙ্করার চাল-চুলি নাই, সে আমার অন্তঃস্বংস করিয়া স্বদেশ-উদ্ধারের জ্ঞতা গলাবাজি করে; জরিমানার টাকা কোথা হইতে আদায় হইবে? ধর্মান্তার নিকৃপায় হইয়া ছকুম দিলেন,—শঙ্করার মামার লেপ-কাঁথা ও গাড়ু গামছা নীলাম করিয়া জরিমানার টাকা আদায় করা হউক। শঙ্করার মামা তাহাকে দু'বেলা দু'মুঠা ভাত দিতেন কেন? শুনিয়াছি, সুপ্রসিদ্ধ হবচন্দ্রের মন্ত্রী গবচন্দ্র এই প্রকার বিচারে অভ্যস্ত ছিলেন। নাম্বুরের সমাজপতিরা গৃহবহিষ্কৃত ও সমাজচ্যুত চণ্ডীদাসের ভাই (৭) নকুলকে ও তাঁহার গোষ্ঠীর যিনি যেখানে ছিলেন, সকলকেই 'একঘরে' করিল। তখন তাঁহার নিকৃপায় হইয়া চণ্ডীদাসকে বাড়ীতে আনিয়া, প্রায়শ্চিত্ত করিয়া 'জাতে উঠিবার' জ্ঞতা পীড়াপীড়ি করিতে লাগিলেন। জাতে উঠিতে হইলে রামীকে ত ত্যাগ করিতে হইবে। রামী চণ্ডীদাসের ভজন-সাধনের উত্তরসাধিকা। তাহাকে ত্যাগ করা চণ্ডীদাসের অসাধ্য; তথাপি প্রায়শ্চিত্ত এবং প্রায়শ্চিত্তের প্রধান অঙ্গ ব্রাহ্মণভোজনের আয়োজন মহা সমারোহেই চলিতে লাগিল। নির্দিষ্ট দিন নকুলের গৃহে ব্রাহ্মণভোজন হইল। রামীর আহার-নিদ্ৰা তিরোহিত হইল। চণ্ডীদাস কি সত্যই তাহাকে ত্যাগ করিয়া সমাজে উঠিবেন? এই চিন্তা অসহ্য হওয়ায় রামী ব্রাহ্মণভোজনের সময় নকুলের গৃহ-সম্মিহিত বৃক্ষমূলে বসিয়া রোদন করিতে লাগিল। সেই সময় সে নকুলকে কার্যোপলক্ষে সেই স্থান দিয়া যাইতে দেখিয়া তাঁহার পা দুই হাতে জড়াইয়া ধরিয়া কাঁদিয়া বলিল,—

“আমি অতি হীন পিরীতি অধীন
* পিরীতি আমার গুরু।
এ তিন আখর হৃদয়ে যাহার
সে জনা কল্পতরু ॥

পিরীতি ভজিল পিরীতি সাধিল
পিরীতি একান্ত মনে।
চণ্ডীদাস সাথে ধোপানী সহিতে
মিশ্রিত একই প্রাণে ॥”

কোন পার্থিব সমাজের সাধ্য নাই—এই প্রাণে প্রাণে মিলনের বন্ধন ছিন্ন করে। নকুল ব্রাহ্মণ-ভোজন করাইয়া চণ্ডীদাসকে সমাজে চালাইয়া লইলেন বটে, কিন্তু চণ্ডীদাসের প্রেমসাধনা অক্ষুণ্ণ রহিল। তিনি রামীর সংস্রব ত্যাগ করিলেন না। কিন্তু নির্যাতনেরও সীমা আছে। দীর্ঘকাল কুৎসা প্রচার করিয়া কুৎসাকারী যখন প্রতিপক্ষের অবিচলিত ধৈর্য্য ক্ষুণ্ণ করিতে অসমর্থ হয়, তখন অগত্যা তাহার পরিশ্রান্ত জিহ্বা নীরব হয়। সৰ্ব্বপ্রকার নির্যাতন বিফল হইলে উৎপীড়ক উৎপীড়নে বিরত হয়; কখন কখন স্বকৃত কর্মের জ্ঞতা অমূল্য হইয়া থাকে, একরূপ দৃষ্টান্তেরও অভাব নাই। চণ্ডীদাসের সম্বন্ধেও ইহার ব্যতিক্রম লক্ষিত হয় নাই। তাঁহার রজকিনীপ্রেমের প্রগাঢ়তা লক্ষ্য করিয়া, এবং তাহা বিরূপ কলুষতা-বর্জিত ও নিষ্কলঙ্ক, নির্মল, তাহার প্রমাণ পাইয়া আর তাহারা তাঁহাকে উৎপীড়িত করে নাই; শ্লেষ, ঘানি, কুৎসা-প্রচারে নিবৃত্ত হইয়াছিল।

মানুষ চিরদিনই কার্যাকারণের সম্বন্ধ নির্ণয়ের জ্ঞতা ব্যাকুল হইয়া থাকে; সুতরাং চণ্ডীদাসের অমূল্যে গ্রামবাসীদের মনোভাবে এই পরিবর্তনের একটা কৈফিয়ৎ আবিষ্কারের জ্ঞতা সকলেই ব্যাকুল হইয়াছিল, ইহা বিশ্বাসযোগ্য বলিয়া সহজেই মনে হয়। এজন্য বিনোদ রায় নামক নাম্বুরের এক জন শক্তিশালী জননায়েক বা গ্রাম্য মোড়লের ক্ষুদ্রে বাগুলী দেবীর ভয় হইল। বাগুলী বিনোদ রায়কে স্বপ্নে দেখা দিয়া ভয় দেখাইলেন; যে কথা বলিলেন, তাহার মর্ম্ম এই যে, “তোমাদের এত বড় গোস্তাকি। আমার ভক্ত চণ্ডীদাসকে লইয়া তোমরা নাস্তা-নাবুদ করিতেছ? তোমাদের কি দুর্দশা করি, তা শীঘ্রই জানিতে পারিবে।”—বিনোদ রায় সতর্ক হইল; দলের লোকদের বলিল, বাগুলীর ছকুম, চণ্ডীদাসকে লইয়া খোঁচাখুঁচি করিলে বিপদে পড়িতে হইবে। গ্রামের লোক ভয় পাইয়া চণ্ডীদাসের ও রামীর প্রসঙ্গ ত্যাগ করিল। চণ্ডীদাস স্বস্তির নিশ্বাস ফেলিয়া বিনোদ রায়ের জয়গান করিলেন—

“বিনোদ রায়, বন্ধু বিনোদ রায় ।
ভাল হলো ঘুচাইলে পিরীতের দায় ॥”

অর্থাৎ পিরীতের পথে যে বাধা-বিঘ্ন উপস্থিত হইয়াছিল, বিনোদ রায় তাহা অপসারিত করিয়া বন্ধুর কার্য্য করিলেন। বাস্তবীর প্রত্যাশা! সমাজের আর কেহ চণ্ডীদাসের ও রামীর বিরুদ্ধে উচ্চবাচ্য করিতে সাহস করিল না। এইরূপে দীর্ঘকালের নিগূহীত চণ্ডীদাসের অপার্থিব প্রেমের সম্মান রক্ষিত হইল; সঙ্গে সঙ্গে সমাজও চণ্ডীদাসের উৎসাহে নিরস্ত হইবার একটা উপলক্ষ পাইয়া হাঁপ ছাড়িয়া বাঁচিল।

বাস্তবীই চণ্ডীদাসকে পরকীয়া-ভজনের উপদেশ দান করিয়াছিলেন,—

“চণ্ডীদাস কহে, সে এক বাস্তবী,
 প্রেম প্রচারের শুরু।
তাহারই চাপড়ে, নিদ্রা ভাঙিল,
 পিরীতি হইল শুরু ॥”

* * * *

“রতি পরকীয়া, যাহারে কহিয়া,
 সেই সে আরোপ সার।
ভজন তোমারি, রজক-ঝিয়ারি,
 রামিনী নাম যাহার ॥”

রজকিনী রামীও বাস্তবীর আদেশে চণ্ডীদাসের সহিত মিলিত হইয়া তাঁহার হৃদয়ে কবিতার উৎস প্রবাহিত করিয়াছিল।

“বাস্তবী-আদেশে কহে চণ্ডীদাসে,
 ধোপানী-চরণ সার।”

তাহার ফলে—

“জগতে জানিল, কলঙ্ক ভাগিল,
 কাণাকানি লোকজনে ॥”

চণ্ডীদাসকে এজন্ত কত নির্ঘাতন সহ্য করিতে হইবে, কলঙ্ক প্রচারিত হইলে তাঁহার কিরূপ দুর্গতি হইবে—বাস্তবী দেবীর তাহা অজ্ঞাত ছিল না; তিনি রামীর সহিত চণ্ডীদাসের মিলনের সময়েই চণ্ডীদাসকে রক্ষা করিবার ব্যবস্থা করিতে পারিতেন; তাঁহাদের মিলনপথের সকল বিঘ্ন প্রথমেই অপসারিত করিতে পারিতেন। বিনোদ রায়ের মত যে কোন গ্রাম্য মোড়লকে স্বপ্নে দেখা দিয়া যদি সতর্ক করিতেন, যদি বলিতেন, ‘আমিই রজকিনী রামীর সহিত চণ্ডীদাসের মিলন ঘটাইয়াছি,

তোমরা তাহাদের প্রেমের বাদী হইও না; আমার আদেশ অগ্রাহ্য করিলে’—ইত্যাদি। তাহা হইলে কি চণ্ডীদাসের কবিতার এরূপ ক্ষুরণ হইত? চণ্ডীদাসের পরকীয়া-প্রেম-সাধনার সকল বাধা-বিঘ্ন তাহাতে অপসারিত হইত বটে, কিন্তু সহস্র নির্ঘাতনের ভিতর দিয়া যে সুনির্মল মধুর প্রেম নিকষিত হেয়ের আভা লাভ করিয়া শতদলের স্নায় বিকসিত হইয়াছিল, এবং যাহা শতরূপে শতভাবে ভাষায় আত্মপ্রকাশ করিয়া প্রেমের, ভক্তির, করুণা ও মাধুর্যের অপার্থিব সৌন্দর্য্য বিকাশ করিয়াছিল, তাহাতে আমাদের চিরদিনের জন্ত বঞ্চিত থাকিতে হইত। ইক্ষুদণ্ডকে সর্বমে নিষ্পেষিত না করিলে তাহা হইতে সুমধুর রসধারা ক্ষরিত হয় না। চণ্ডীদাস সমাজ কর্তৃক নিগূহীত, নানা ভাবে নিত্য উৎসাহিত না হইলে, শ্রীরাধাকৃষ্ণের প্রেমের সুখা তাঁহার লেখনীমুখে নিঃসৃত হইয়া শতাব্দীর পর শতাব্দী ধরিয়া লক্ষ লক্ষ ভাবুকের, ভক্তের, প্রেমিকের হৃদয় অমৃতরসে অভিষিক্ত করিতে সমর্থ হইত না। কঠোর নির্ঘাতনের নির্মম আঘাতের ভিতর দিয়াই চণ্ডীদাসের জীবনের ব্রত সফল হইয়াছিল। মায়াবিনা দুঃখভোগে জীবনের কোনও মহৎ সাধনায় সিদ্ধিলাভ করিতে পারে না। চণ্ডীদাসকেও কি কঠোর সাধনায় সিদ্ধিলাভ করিতে হইয়াছিল, তাঁহার নিষ্কাম প্রেমের ইতিহাসই তাহার উজ্জ্বল প্রমাণ।

—

তৃতীয় অধ্যায়

বিভাপতি-সম্মিলনে

কবি গাহিয়াছেন,—

“বিকশিত পুষ্প থাকে পল্পবে বিলীন, গন্ধ তার নুকাবে কোথায়?” মহাকবি চণ্ডীদাসের কবিত্ব সম্বন্ধে এ কথা অক্ষরে অক্ষরে সত্য। সে কালে এ কালের মত যান-বাহনের প্রাচুর্য্য ছিল না; দেশদেশান্তরে গমনাগমনও সহজসাধ্য ছিল না। রেলপথ, মোটর-বাস, এরোপ্লেন, টেলিফোন, রেডিও—বিশ্বের সহিত আমাদের আলাপ-পরিচয়ের উপায় উদ্ভাবন করিতে পারে নাই; কিন্তু সে কালেও চণ্ডীদাসের মধুর পদাবলী অল্প দিনেই বঙ্গদেশের সর্বত্র সুপরিচিত হইয়াছিল। স্নকণ্ঠ কীর্তনীয়া-কণ্ঠে তাহা গ্রামে গ্রামে নগরে

নগরে গীত হইয়া বঙ্গীয় নরনারীগণের হৃদয় আনন্দরসে আপ্ত করিতেছিল। এ কথা সত্য যে, চণ্ডীদাস শৈশবে সুশিক্ষা লাভ করিতে পারেন নাই; রামীর সহিত পরকীয়া-সাধনায় প্রবৃত্ত হইয়া তিনি সুমধুর কবিতা-রচনার শক্তি লাভ করিয়াছিলেন; কিন্তু সংস্কৃত ভাষায় অভিজ্ঞতা না থাকিলে চণ্ডীদাস বঙ্গ-সাহিত্যের সেই শৈশব অবস্থায়, বিশেষতঃ, রাষ্ট্রীয় জীবনে যখন মুঘল সত্যতার প্রভাব অক্ষুণ্ণ ভাবে বিরাজিত ছিল, সে সময় স্বদেশবাসিগণকে এই সকল মহার্ঘ রত্ন দান করিতে পারিতেন না; তাঁহার পদাবলী পাঠে সুস্পষ্টরূপে প্রতীতি হয়, সংস্কৃত ভাষায় এবং ভাগবতেও তাঁহার যথেষ্ট পারদর্শিতা ছিল। যদি তাঁহার কবিতাগুলি 'খুট আখুরে' লিখিত পদের ত্রায় গ্রাম্যতাদোষে পূর্ণ হইত, বা তাহাতে দুর্কৌধ্য প্রাদেশিক শব্দের বাহুল্য লক্ষিত হইত, তাহা হইলে তাঁহার জীবিতকালে তাঁহার কবিত্বের খ্যাতি সমগ্র বঙ্গে পরিব্যাপ্ত হইত না, এবং তাহা বঙ্গের বাহিরে সুদূর মিথিলায় প্রবেশ করিয়া মিথিলার রাজকবি বিছাপতিকে মুগ্ধ করিতে পারিত না। এই সময়টিকে কাব্য-জগতের মহা গৌরবময় যুগ বলিয়া নির্দেশ করা যাইতে পারে। বঙ্গে চণ্ডীদাস, বিহারে বিছাপতি, ভাষার লালিত্যে ও পদের অতুলনীয় মাধুর্য্যে বঙ্গ-বিহারের বিদ্বজ্জনসমাজকে মুগ্ধ করিয়াছিলেন। উভয়েই যে সমসাময়িক ছিলেন, এ বিষয়ে সন্দেহের অবকাশ-মাত্র নাই। পদকল্পতরু ও গীতকল্পতরুর কয়েকটি পদ পাঠ করিয়া সহজেই প্রতীতি হয় যে, কবিত্বের উভয়েই পরস্পরের কবিতায় মুগ্ধ হইয়াছিলেন। এ অবস্থায় তাঁহারা পরস্পরের সহিত পরিচিত হইবার জন্ত ব্যাকুল হইবেন, ইহা স্বভাবিক।

চণ্ডীদাস বিছাপতির প্রতিভার পক্ষপাতী হইলেও, তিনি মিথিলায় গমন করিয়া মহারাজ শিবসিংহের সভাকবি, সুপণ্ডিত, ভাগ্যবান্ বিছাপতিকে দর্শন করিয়া চরিতার্থতা লাভ করিবেন—এ দুরাশাকে কোনও দিন মনে স্থান দিতে পারেন নাই। উভয়ের সামাজিক অবস্থারও আকাশ-পাতাল প্রভেদ ছিল। এক জন সর্বজন-সম্মানিত সুবিদ্বান্, ধনবান্, মহারাজার প্রীতিভাজন সুহৃদ; আর এক জন পল্লীবাসী দরিদ্র, চালকলাভোজী গ্রাম্য পুরোহিত, অথবা পৌরোহিত্য হইতে বিতাড়িত, সমাজে অবজ্ঞাত ও উপেক্ষিত; অস্পৃশ্য রজকীর প্রেমাস্পদ বলিয়া লাঞ্চিত; সর্বসাধারণের সুতীত্র শ্লেষে

জর্জরিত। কিন্তু উভয়েই অভিন্ন পথের পথিক; শ্রীরাধাকৃষ্ণের অপার্থিব প্রেম উভয়েরই কবিতার উপাদান। বিছাপতি চণ্ডীদাসের কবিতার ভিতর দিয়া তাঁহার হৃদয়ের ঐশ্বর্য্যের পরিচয় পাইয়াছিলেন। তাঁহার দুঃখ-দৈন্ত, কলঙ্ক, সেই ঐশ্বর্য্যের ছায়াও স্পর্শ করিতে পারে নাই।

ইতিমধ্যে বিছাপতির চণ্ডীদাস-দর্শনের সুযোগ হইল। বিধাতাই তাঁহার আগ্রহ পূর্ণ করিলেন। মহারাজ শিবসিংহকে কোন বৈষয়িক কার্য্যোপলক্ষে বঙ্গদেশে আসিতে হইল। তাঁহার গন্তব্য স্থান বর্ধমানের মঙ্গলকোট। বিছাপতি চণ্ডীদাসের সহিত সাক্ষাৎ কামনায় 'রাজেন্দ্র-সঙ্গমে দীন যথা যায় দূর তীর্থপর্য্যটনে'—মহারাজ শিবসিংহের সহিত সুদূর বর্ধমানের মঙ্গলকোট গ্রামে উপস্থিত হইলেন, কিন্তু তাঁহার উদ্দেশ্য চণ্ডীদাস-দর্শন, চণ্ডীদাসের সহিত কবিত্বের আলোচনা। তিনি মঙ্গলকোটে অবকাশ্যাপনের জন্ত আগ্রহ প্রকাশ না করিয়া, চণ্ডীদাসের সাহচর্যালাভের জন্ত ব্যাকুল হইলেন, এবং 'সঙ্গহি রূপনারায়ণ কেবল বিছাপতি চলি গেল ॥' রূপনারায়ণ নামক এক ব্যক্তিকে সঙ্গে লইয়া বিছাপতি চণ্ডীদাস-দর্শনে যাত্রা করিলেন।

চণ্ডীদাস কিরূপে বিছাপতির মঙ্গলকোটে আগমনের সংবাদ জানিতে পারিয়াছিলেন, তাহা প্রকাশ নাই; সম্ভবতঃ লোকমুখেই এই সংবাদ তাঁহার কর্ণগোচর হইয়াছিল। চণ্ডীদাস বিছাপতি-দর্শনের আশায় মঙ্গলকোট-অভিমুখে যাত্রা করিলেন। বসন্তের এক দিন মধ্যাহ্নে সুরধুনীতীরে বটবৃক্ষমূলে বঙ্গের ও মিথিলার মহাকবিত্বের সাক্ষাৎ ও পরিচয় হইল। তাঁহাদের সেই মিলনানন্দ কেবল অশুভবযোগ্য; কিন্তু প্রাচীন যুগের একটি সুমধুর কবিতায় তাঁহাদের সেই মিলন-বার্তা সাহিত্যজগতে স্থায়িত্বলাভ করিয়াছে—

“সময় বসন্ত, যাম দিন মাঝ হি বটতলে

সুরধুনী তীর।

চণ্ডীদাস কবিরঞ্জে মিলল, পুলকে কলেবর গীর ॥

দুহঁ জন ধৈর্য-ধরই না পার।

সঙ্গহি রূপনারায়ণ কেবল দুহঁক অবশ প্রতিকার ॥”

অতঃপর, পণ্ডিতে পণ্ডিতে যেমন শাস্ত্রালোচনা হয়, সেইরূপ উভয় কবি রসালোচনায় প্রবৃত্ত হইলেন। বলা বাহুল্য, ইহা 'তৈলাধার ভাণ্ড' কি 'ভাণ্ডাধার তৈল'বৎ শুষ্ক তর্কশাস্ত্রের আলোচনা নহে। চণ্ডীদাস 'রসতত্ত্ব' সম্বন্ধে প্রশ্ন করিয়া বলিলেন,—

“কহ বিদ্যাপতি ইহ রস কারণ, লছিমা পদ
করি ধ্যান।”

বিদ্যাপতি ললিতমধুর কবিতায় চণ্ডীদাসকে
‘রসতত্ত্ব’র ব্যাখ্যা করিয়া শুনাইলেন। অবশেষে—

“ভণে বিদ্যাপতি চণ্ডীদাস তথি রূপনায়ণ সজে।
দুহ আলিঙ্গন করল তখন ভাগল প্রেম-তরঙ্গে।”

এই মিলন-প্রসঙ্গে বঙ্গ-বিহারের আদি কবিদ্বয়ের
সহৃদয়তার একটি উজ্জল দৃষ্টান্ত কবিতাটিতে দেখিতে
পাই। তাঁহাদের কেহই এই মিলন উপলক্ষে
‘রূপনারায়ণ’ নামক নগণ্য ব্যক্তিটির অস্তিত্বে
উপেক্ষা করেন নাই। কথিত আছে, বিদ্যাপতি
চণ্ডীদাসের সহিত নাম্নুরে গমন করিয়া কয়েক দিন
তাঁহার সহবাসে কালযাপন করিয়াছিলেন।

বিদ্যাপতির সহিত চণ্ডীদাসের এই মিলন
অবিশ্বাস্য ঘটনা বলিয়া কেহ কেহ উড়াইয়া দিতে
চাহেন। কতকগুলি লোক আছেন, তাঁহারা কোন
নূতন কথা বলিয়া, বা প্রচলিত সত্যকে মিথ্যা
প্রতিপন্ন করিয়া, পাঠক-সমাজকে বিস্মিত করিবার
লোভ সংবরণ করিতে পারেন না। তাঁহারা ভূয়ো
ভর্কের মুলি বাঁড়িয়া নূতন তথ্য আবিষ্কার করিতে
বসেন। তাঁহাদের কেহ কেহ চণ্ডীদাস ও বিদ্যাপতির
মিলনের কাহিনী যে যুক্তিতে মিথ্যা প্রতিপন্ন
করিতে বন্ধপরিকর হইয়াছিলেন, তাহা নিতান্ত
অসার। তাঁহারা বলেন, নাম্নুর গঙ্গাতীর হইতে
আট ক্রোশ পশ্চিমে অবস্থিত; নাম্নুরের পশ্চিম
দিক হইতেই বিদ্যাপতির আসিবার কথা। চণ্ডীদাস
নাম্নুর হইতে পূর্ব দিকে না যাইলে গঙ্গাতীরের
বটচ্ছায়ায় বিদ্যাপতির সহিত মিলিত হইতে
পারিতেন না; অতএব সপ্রমাণ হইল, উভয় কবির
মিলনটা কাল্পনিক, কেবল কবি-প্রসিদ্ধি! আমাদের
নদীয়া জেলার পশ্চিম প্রান্তে ভাগীরথী,—
ভাগীরথীর পশ্চিম তীর বর্তমান জেলায়; অথচ
যে নবদ্বীপ হইতে নদীয়া জেলার নাম, সেই
নবদ্বীপই ভাগীরথীর পশ্চিম তীরে অবস্থিত। ইহার
একমাত্র কারণ, ভাগীরথীর গতি পরিবর্তিত
হইয়াছে। পাঁচ শত বৎসর পূর্বে নদীপথের
পরিবর্তন অসম্ভব ব্যাপার নহে; এতদ্ভিন্ন,
বিদ্যাপতি স্মদুর মিথিলা হইতে বাঙ্গালায় আসিবার
সময় সনাতন গরুর গাড়ীতে বা পাল্কীতে স্থলপথে
আসিয়াছিলেন, এইরূপ অসম্ভব করিবারই বা
কারণ কি? বিদ্যাপতি জলপথে আসিয়াছিলেন
বলিয়াই মনে হয়, এবং সে কালে তাহাই সহজ

ছিল; সুতরাং উভয় কবির সুরধনীতীরে মিলন
অসম্ভব ব্যাপার নহে। সুপ্রতিষ্ঠিত সত্যকে
অসম্ভব হইয়া উড়াইয়া দেওয়ার চেষ্টায়
বাক্‌বিভূতি প্রদর্শন করিলে অনেক সময় সাধারণের
দীর্ঘকালের বিশ্বাসটুকু নষ্ট হয়, অথচ নূতন কিছুই
পাওয়া যায় না।

মহাকবি চণ্ডীদাসের শেষ জীবনের ইতিহাস
অন্ধকারাচ্ছন্ন। এইটুকু জানিতে পারা গিয়াছে যে,
চল্লিশ বৎসর বয়সেই তিনি দেহরক্ষা করিয়াছিলেন;
কিন্তু কোথায়, এ সম্বন্ধে মতভেদ আছে। শ্রীবৃন্দা-
বনের কেশীঘাটে পাণ্ডারা একটা সমাধি দেখাইয়া
বলে, তাহা চণ্ডীদাসের সমাধি; কিন্তু চণ্ডীদাস
বৃন্দাবনে গমন করিয়াছিলেন, ইহার কোনও প্রমাণ
নাই। কথিত আছে, তিনি নাম্নুরের অদূরবর্তী
কির্ণাহার গ্রামে রজকিনী রামীকে সঙ্গে লইয়া
কীর্তন করিতে গিয়াছিলেন। যে নাটমন্দিরে
কীর্তন হইতেছিল, সেই নাটমন্দির হঠাৎ চূর্ণ হওয়ার
তাঁহারা সেই ভগ্ন নাটমন্দিরের নীচে সমাহিত
হইয়াছিলেন। জনপ্রবাদ, এই নাটমন্দির হঠাৎ
ভাঙ্গিয়া পড়ে নাই; গোড়েশ্বরের এক মহিষী
চণ্ডীদাসের কীর্তনের পক্ষপাতিনী ছিলেন, তিনি
গোড়েশ্বরের অজ্ঞাতসারে দুই একবার চণ্ডীদাসের
কীর্তন শুনিয়াছিলেন, এ জন্ত গোড়েশ্বর ক্রুদ্ধ
হইয়াছিলেন। কির্ণাহারে চণ্ডীদাসের কীর্তন
হইতেছিল শুনিয়া তিনি কামানের গোলার আঘাতে
সেই নাটমন্দির চূর্ণ করিতে আদেশ করিয়াছিলেন।
কির্ণাহারের সম্মিহিত নাগডিহী পক্ষীতে চণ্ডীদাসের
সমাধি আছে। এই সমাধি তাঁহার শোচনীয়
মৃত্যুসংক্রান্ত জনশ্রুতিরই সমর্থন করিতেছে; অথচ
স্থানীয় কিংবদন্তী ঘোষণা করিতেছে, বিশালাক্ষীর
যে প্রাচীন মন্দিরে চণ্ডীদাস পূজাৰ্চনা করিতেন,
সেই মন্দির হঠাৎ ভাঙ্গিয়া পড়ায় দেবীমূর্তিসহ
চণ্ডীদাসকে সেই ভগ্নস্তূপের নিম্নে সমাহিত হইতে
হইয়াছিল। বহু দিন পরে সেই স্তূপ খনন করিয়া
দেবীমূর্তি উদ্ধার করা হইলেও, তাহাই যে চণ্ডীদাসের
সমাধি, ইহার কোন নির্ভরযোগ্য প্রমাণ নাই।

কিন্তু পূজ্যপাদ স্বর্গীয় হরপ্রসাদ শাস্ত্রী মহাশয়
১৩২৬ সালের দ্বিতীয় সংখ্যক ‘সাহিত্য-পরিষৎ-
পত্রিকা’য় চণ্ডীদাসের শোচনীয় মৃত্যু সম্বন্ধে পাঁচটি
পদ উদ্ধৃত করিয়াছিলেন; তাহাতে চণ্ডীদাসের
মৃত্যুর প্রকৃত কারণ ও বিবরণ বর্ণিত হইয়াছে।
ঐ পদগুলির মূলে সত্য নাই, এবং তাহা নিছক
কবিকল্পনা বলিয়া বর্ণিত বিষয়টি উড়াইয়া দেওয়া

যায় না। চণ্ডীদাস সমাজচ্যুত হইলে তাঁহাকে 'সমাজে তুলিবার জন্ত' যে সামাজিক ভোজ হইতেছিল—সেই ভোজে চণ্ডীদাস থালা হাতে লইয়া পরিবেষণ করিতেছিলেন, হঠাৎ রামী ধোপানী সেই স্থানে উপস্থিত হইলে চণ্ডীদাস আর দুইখানি হাত বাহির করিয়া রামীকে আলিঙ্গন করিয়াছিলেন।—এ সকল অলৌকিক গল্পে আড্ডা জমিতে পারে, দর্শকগণকে বিস্ময়াবিষ্ট করিবার জন্ত রঙ্গমঞ্চের অভিনয়েও ইহা চালাইলে বেশ মজা হয়; কিন্তু এ যুগে এ সকল কিংবদন্তী অচল। এই জন্তই আমরা চণ্ডীদাস বা রামী-সংক্রান্ত অলৌকিক কিংবদন্তীগুলি এই সঙ্গে প্রকাশ করি নাই; কিন্তু গোড়েশ্বরের ক্রোধে বঙ্গের মহাকবির শোচনীয় অকালমৃত্যুর কাহিনী বিশ্বাসের অযোগ্য মনে করিবার কারণ দেখি না। শাস্ত্রী মহাশয়ের উদ্ভূত পদগুলিতে যদি সত্য ঘটনার আভাস থাকে, তাহা হইলে নাটকমন্দিরের ছাদ পড়িয়া চণ্ডীদাস ও রামীর মৃত্যু সত্য ঘটনা বলিয়া বিশ্বাস করা কঠিন। পূজনীয় স্বর্গীয় শাস্ত্রী মহাশয় সেই পদগুলি উদ্ভূত করিয়া লিখিয়াছেন, "এই গানগুলি হইতে জানিতে পারা গেল যে, চণ্ডীদাস রামী রজকিনীর সহিত কোন গোড়েশ্বরের বাড়ীতে গান করিতে গিয়াছিলেন। গানে মুগ্ধ হইয়া রামী চণ্ডীদাসকে কামনা করেন, এবং তিনি সে কথা সাহস পূর্বক রাজাকে বলেন; রাজা শুনিয়াই হুকুম দেন যে, চণ্ডীদাসকে হাতীর উপরে কাছি দিয়া কসিয়া বাঁধিয়া হাতীকে চালাইয়া দেওয়া হউক। ইহাতেই চণ্ডীদাসের মৃত্যু হয়। কিন্তু তাঁহার দেহ হইতে প্রাণ বাহির হইবার পূর্বেই রামী প্রাণত্যাগ করেন—শুনিয়া রজকিনীও রামীর পায়ে গিয়া পড়িল।"

রামীর প্রসঙ্গে অত্র অধ্যায়ে এই দুর্ঘটনা-সংক্রান্ত কবিতাগুলির আলোচনা করিয়াছি। আমরা—সাধারণ শ্রোতারী এই গল্প শুনিয়া মহাকবির শোচনীয় মৃত্যুর জন্ত দীর্ঘনিশ্বাস ত্যাগ করিয়াই নিশ্চিন্ত হইতাম; বড়-জোর একখান নাটক লিখিয়া একটা শোচনীয় বিয়োগান্ত দৃশ্যের সৃষ্টি করিতাম। আজকাল সবাক্ চিত্রের যুগে রঙ্গমঞ্চে হস্তিপ্রদর্শন করা কঠিন নহে। চণ্ডীদাসকে হাতীর পিঠে কাছি দিয়া বাঁধিয়া ফেলিয়া রাখা হইয়াছে; রামী হস্তিপদ-তলে পড়িয়া প্রাণত্যাগ করিতেছেন; রজকিনী রামী রামীর পদপ্রান্তে আছাড় খাইয়া পড়িয়াছে। শোচনীয় ট্রাজেডি। দর্শকগণ দুই চক্ষু কপালে

তুলিয়া স্পন্দিত বক্ষে এই হৃদয়বিদারক দৃশ্য নিরীক্ষণ করিত।

কিন্তু স্বর্গীয় শাস্ত্রী মহাশয় এইরূপ অভিনয় দেখিয়াই নিরন্ত হইবার পাত্র ছিলেন না। তিনি সত্যের সন্ধানের জন্ত ইতিহাস খাঁটিতে লাগিলেন। তিনি এই আলোচনা-প্রসঙ্গে লিখিয়াছেন,—

"এই গোড়েশ্বরের কে? হিন্দু না মুসলমান? গানে তাঁহাকে পাতসাহও বলিতেছে, রাজাও বলিতেছে; রামীও বলিতেছে, বেগমও বলিতেছে। রামী কিন্তু রাজাকে যখনই বলিতেছেন, এবং চণ্ডীদাসকে ছাড়িয়া দিবার জন্ত নানারূপ অনুন্নয়-বিনয় করিতেছেন। সুতরাং গোড়েশ্বরের কে? রাজা গণেশ হইবেন কি? তিনি ত হিন্দু মুসলমান সব সমভাবেই দেখিতেন। তাঁহারই বাড়ীতে কি চণ্ডীদাস গান করিতে গিয়াছিলেন?... তিনি কি চণ্ডীদাসের মত এক জন ধার্মিক লোককে 'চিত্রবধ' করিবার আদেশ দিবেন? বিশ্বাস ত হয় না। রাজা গণেশ কখন মুসলমান ধর্ম গ্রহণ করেন নাই, তিনি শেষ পর্য্যন্ত হিন্দুই ছিলেন, সুতরাং এ গোড়েশ্বরের তিনি নহেন। তবে কি এ গোড়েশ্বরের গণেশের পুত্র যদু বা জালালুদ্দিন? ইনি ত মুসলমান ধর্ম গ্রহণ করিয়াছিলেন, সুতরাং ইহাকে পাতসাহ এবং রাজা, এবং ইহার রামীকে রামী ও বেগম, দুই বলা যাইতে পারে। তাহাতেও এক বিষম গোল উপস্থিত। কারণ, শ্রীমৎ আর, ডি, বন্দ্য মহাশয় (স্বর্গীয় রাখালদাস বন্দ্যোপাধ্যায় শাস্ত্রী মহাশয়ের শিষ্যস্থানীয় ছিলেন, তাঁহার সম্বন্ধে শাস্ত্রী মহাশয়ের এই উক্তিতে ঈষৎ শ্লেষের গন্ধ আছে) "বৈজ্ঞানিক রীতিতে গবেষণা" করিয়া গণেশ ও যদুর যে কাল নিরূপণ করিয়াছেন, তাহার সহিত তাঁহারই লিখিত কৃষ্ণকীর্তন পুথির লিপিকাল মিলিতেছ না।...যখন কৃষ্ণকীর্তনের পুথিখানি ১৩৬০ সালের পূর্বে লেখা হইল, তাহা হইলে কি গ্রন্থকর্তা চণ্ডীদাস যদুর সময়ে মরিতে পারেন? যদুর রাজত্বকাল খ্রীঃ ১৪১৪ হইতে খ্রীঃ ১৪৩১ পর্য্যন্ত। পুথি লেখার ৫৪ বৎসর পরে যদুর রাজত্বকাল আরম্ভ হইল, তাহা হইলে গ্রন্থ (কৃষ্ণকীর্তন) রচনার কত পরে? অতএব এ চণ্ডীদাস যদুর সময়ে হইতেই পারে না।" কিন্তু এই 'কৃষ্ণকীর্তন' পদকর্তা-মহাকবি চণ্ডীদাসের রচিত কি না? শাস্ত্রী মহাশয় এই প্রশ্নের সমাধানের চেষ্টা না করিয়া, কেবল বলিয়া রাখিলেন, এ চণ্ডীদাস যদুর সমসাময়িক নহেন।

অতঃপর পুঞ্জনীয় শাস্ত্রী মহাশয় নাম্বুরের মহাকবির মৃত্যুর সময় সম্বন্ধে এইরূপ সিদ্ধান্ত করিয়াছেন,—“যদি বল চণ্ডীদাসের এই মৃত্যু গণেশ ও যদুর অনেক পূর্বে ঘটিয়াছিল, গণেশের পূর্বে ইলিয়স্‌সাহিরা বাঙ্গালার রাজা ছিলেন। এই বংশে পাঁচ জন রাজার নাম পাওয়া যায়। (১৩৪৫—১৪০৯)—ইহাদের কাহারও সময়ে চণ্ডীদাস যে কৃষ্ণকীর্তন বা সহজিয়া গান গাইবার জন্ত গৌড়ে যাইবেন, এমন ত বোধ হয় না। তবে সেকালকার মুসলমান সুলতানরা অনেক সময় হিন্দুদিগের উৎসবে যোগ দিতেন এবং হিন্দু কলাবিদদের উৎসাহ দিতেন। সেই জন্তই হয় ত গৌড়েশ্বরের বাড়ীতে গান করিতে গিয়া চণ্ডীদাস প্রাণ হারাইয়াছিলেন।”

এখন কথা এই, মহাকবি যদি গৌড়েশ্বরের বাড়ীতে গান করিতে গিয়া ঐ ভাবে প্রাণ হারাইয়া থাকেন, তাহা হইলে কির্ণাহারে কীর্তন করিতে গিয়া নাটমন্দির চাপা পড়িয়া তিনি প্রাণত্যাগ করিয়াছিলেন, এই জনরব অগ্রাহ্য করিতে হয়; কিন্তু কির্ণাহারের প্রাস্তবর্তী বাগডিহি পল্লীতে তাঁহার যে সমাধি আছে, তাহা ত অগ্রাহ্য করিয়া উড়াইয়া দেওয়া যায় না; বিশেষতঃ, কির্ণাহারের সেই ভগ্ন নাটমন্দিরটি এখনও বর্তমান। অনেক ভক্ত হিন্দু বিভিন্ন স্থান হইতে কির্ণাহারে আসিয়া শ্রদ্ধাপূর্ণ হৃদয়ে তাহা সন্দর্শন করেন। গৌড়েশ্বরের রাজধানীতে হস্তিপৃষ্ঠে মহাকবির মৃত্যু হইলে, কির্ণাহারের বাগডিহি পল্লীতে কি কারণে তিনি সমাহিত হইলেন, তাহা জানিবার উপায় নাই; কিন্তু কির্ণাহারের নাটমন্দির-পতনে তাঁহার মৃত্যু হইয়া থাকিলে, গ্রামপ্রান্তে বাগডিহি পল্লীতে তাঁহার সমাধির অস্তিত্ব থাকাই স্বাভাবিক। অথচ শাস্ত্রী মহাশয় যে সকল কবিতা উদ্ধৃত করিয়াছেন, তাহা মহাকবির হস্তিপৃষ্ঠে মৃত্যুর সুস্পষ্ট প্রমাণ। গৌড়েশ্বরের ক্রোধই যে তাঁহার অপমৃত্যুর কারণ, এ বিষয়ে মতভেদ নাই; কেবল স্থানের বিভিন্নতা ও মৃত্যুর প্রকার-ভেদ। বস্তুতঃ, তাঁহার মৃত্যু-রহস্য অন্ধকারাচ্ছন্ন। কে বলিবে—সেই অন্ধকার কখন অপসারিত হইবে কি না?

চতুর্থ অধ্যায়

চণ্ডীদাস ও ‘শ্রীকৃষ্ণকীর্তন’

মহাকবি চণ্ডীদাস-বিরচিত অনেক পদ বহু স্থানে বিক্ষিপ্ত ভাবে পড়িয়া ছিল। বঙ্গীয়-সাহিত্য-পরিষৎ কর্তৃক তাহা সংগৃহীত হইয়াছে। সেই সকল পদের সংখ্যা পরিশিষ্ট সমেত ৮৩১ টি। এই সকল পদ ভিন্ন ‘শ্রীকৃষ্ণকীর্তন’ নামক নবাবিকৃত পুথিতে যে ৪১৫ টি পদ আছে, উহা নাম্বুরের মহাকবি চণ্ডীদাসের রচনা বলিয়া সাহিত্য-সমাজে আড়ম্বর সহকারে বিদ্যোষিত হইলেও, উহা নাম্বুরের মহাকবির রচনা বলিয়া স্বীকার করিতে অনেক চিন্তাশীল সাহিত্য-রসিকের ও বৈষ্ণব সাহিত্যে অভিজ্ঞ ব্যক্তির আপত্তি আছে; বিষয়টি গুরু; তাঁহাদের আপত্তি সঙ্গত কি না, কিঞ্চিৎ বিস্তৃত ভাবেই তাহার আলোচনার প্রয়োজন।

‘শ্রীকৃষ্ণকীর্তন’র আবিষ্কারক শ্রীযুক্ত বসন্তরঞ্জন রায় বিদ্বদ্বল্লভ; তিনিই ইহার সম্পাদক। এ যেন কলম্বসের আমেরিকা আবিষ্কার; কেঁচো খুঁড়িতে গিয়া কেউটে। লালগোলার রাজা বাহাদুরের বিপুল অর্থব্যয়ে বঙ্গীয় সাহিত্য-পরিষৎ হইতে আড়ম্বরের সহিত ইহা প্রকাশিত। পুথিখানি খাঁটি মাল, ইহা প্রতিপন্ন করিবার জন্ত রায় মহাশয় কিরূপ বিপুল যোগাডযন্ত্র করিয়াছিলেন, তাহা দেখিলে বিশ্বয় জন্মে। কিন্তু খাঁটি সোনাকে গিলাটি করিবার প্রয়োজন হয় না। বাঁকুড়া জেলার বন-বিষ্ণুপুরসম্বিহিত কাঁকিত্রা গ্রামনিবাসী দেবেন্দ্রনাথ মুখোপাধ্যায়ের নিকট হইতে এই লেজামুড়া-বিহীন গ্রন্থরত্নের আবিষ্কার। উহা দেবেন্দ্র বাবুর অধিকারে থাকিলেও আবিষ্কারের গৌরব বিদ্বদ্বল্লভ মহাশয়ের; এই পুথির লেখক ইহার ‘শ্রীকৃষ্ণকীর্তন’ নাম দিয়াছিলেন, তাহার প্রমাণ নাই, নামটিও বসন্ত বাবুর আবিষ্কার, এবং ইহা যে নাম্বুরের মহাকবি চণ্ডীদাসের বিরচিত—এই তথ্যেরও আবিষ্কারক বসন্তরঞ্জন বাবু। তাঁহার যুক্তি এই যে, নাম্বুরের মহাকবি পদকর্তা চণ্ডীদাস বাসুলী-আদেশে পদরচনা করিয়াছেন; বন-বিষ্ণুপুরের মহাকবি চণ্ডীদাসও ‘বাসুলী’ আদেশে শ্রীকৃষ্ণকীর্তন রচনা করিয়াছেন। কৃষ্ণকীর্তনের পদকর্তার সহিত রামীর কোন সম্বন্ধ না থাক, তিনি ‘বড়ু’ এবং ‘বাসুলীগণ’, অতএব উভয়

চণ্ডীদাসই অভিন্ন ব্যক্তি। তাঁহার এই সিদ্ধান্ত কতদূর যুক্তিসহ, তাহা আমরা দেখিতে পাইব।

স্বর্গীয় রামেশ্বর সুন্দর ত্রিবেদী মহাশয় মহাপণ্ডিত ছিলেন; বৈজ্ঞানিক বিষয় তিনি বাঙ্গালা ভাষায় জলের মত সহজ করিয়া লিখিতে পারিতেন; বঙ্গ-সাহিত্যেও তাঁহার অসাধারণ পাণ্ডিত্য ছিল। ত্রিবেদী মহাশয়কে এই পুথির মুখবন্ধ লিখিবার জন্ত ধরা হইয়াছিল। ত্রিবেদী মহাশয় সৌজ্ঞেয়ও আদর্শ ছিলেন; সাধ্যামুসারে তিনি কোন প্রার্থীর প্রার্থনায় বিমুগ্ন হইতেন না। তিনি বসন্ত বাবুর অমুরোধে এই পুথির মুখবন্ধ লিখিয়াছিলেন, তাহা পাঠ করিয়া ‘অমুরোধে ঢেঁকি গিলিবার’ কথাই মনে পড়ে।

মনে হয়, বসন্তরঞ্জন বাবুর অমুরোধ এড়াইতে পারিলে তিনি এই ফাঁদে পা দিতেন না;—ত্রিবেদী মহাশয় যাহা তাঁহার পক্ষে অনধিকারচর্চা মনে করিয়াছিলেন, সেই কার্য্য করিতেন না।

ত্রিবেদী মহাশয় প্রথমেই লিখিয়াছেন, “বসন্ত বাবুর নিতান্ত ইচ্ছা, আমি এই পুস্তকের একটা মুখবন্ধ লিখিয়া দিই। তাঁহার অমুরোধ এড়াইতে পারিলাম না। কিছু লিখিতে হইল।”—ইহাকে কি ‘অমুরোধে ঢেঁকি গেলা’ বলিলে অপরাধ হয়?

ত্রিবেদী মহাশয় মুখবন্ধের অনেক স্থলেই ‘সম্ভবতঃ’ শব্দ ব্যবহার করিয়াছেন; তিনি সন্দেহাকুল চিন্তে বলিয়াছেন, “তবে কি আমাদের চিরপরিচিত চণ্ডীদাস আর এই নবাবিহীন চণ্ডীদাস, এক চণ্ডীদাস নহেন? ... এক জন তবে কি আসল, আর এক জন নকল? কে আসল, কে নকল? ইত্যাদি নানা সমস্যা নানা প্রশ্ন বাঙ্গালা সাহিত্যে উপস্থিত হইবে। এই সকল সমস্যার মীমাংসায় আমার অধিকার নাই।”—তথাপি তিনি ‘ঢেঁকি গিলিতে’ বাধ্য হইয়াছিলেন।

ত্রিবেদী মহাশয়ের ভবিষ্যৎবাণী ফলিয়া গিয়াছে। আসল নকল লইয়া সাহিত্য-ধুরন্ধরদের মধ্যে মহাসমারোহে যুদ্ধ চলিতেছে; কলমের কালী ছিটকাইয়া কাহারও কাহারও গায়ে পড়িতেছে। বৈষ্ণব-সাহিত্যে সুপণ্ডিত স্বর্গীয় সতীশচন্দ্র রায় ও রায় বাহাদুর শ্রীযুক্ত যোগেশচন্দ্র রায় বিজ্ঞানিধি ইহার আধুনিকতাতেই বিশ্বাস করেন। রায় বাহাদুর ডক্টর শ্রীযুক্ত দীনেশ বাবু ও ডক্টর শ্রীযুক্ত সুনীতি বাবুর সিদ্ধান্ত, এই

গ্রন্থ পাঁচ ছয় শত বৎসরের পুরাতন। পূজ্যপাদ স্বর্গীয় হরপ্রসাদ শাস্ত্রী মহাশয় বলিয়াছেন, পুঁথিখানি জয়দেবেরও আবির্ভাবের পূর্বে রচিত। ‘পণ্ডিতে পণ্ডিতে তর্ক, মুখের লাগে ধন্দ।’ আমাদের ‘বাঁশবনে ডোম কানা’র অবস্থা। কিন্তু এই পুঁথিখানি জয়দেবের সুস্পষ্ট অনুকরণ, ইহার নির্ভরযোগ্য প্রমাণ আছে।

সাহিত্যের ডক্টর রায় বাহাদুর শ্রীযুক্ত দীনেশচন্দ্র সেন এবং বিশ্ববিদ্যালয়ের ‘কথক’ রায় বাহাদুর শ্রীযুক্ত খগেন্দ্রনাথ মিত্র-সম্পাদিত কয়েক জন প্রাচীন পদকর্তার পদাবলীর ‘চয়ন’ কলিকাতা বিশ্ববিদ্যালয় হইতে প্রকাশিত হইয়াছে। সম্পাদকদ্বয় সুপণ্ডিত, বঙ্গসাহিত্যের আলোচনায় যশস্বী; বিশেষতঃ, শ্রদ্ধেয় খগেন্দ্র বাবু বৈষ্ণব-সাহিত্যের প্রতি পরম শ্রদ্ধাসম্পন্ন—দরদী; তিনি বৈষ্ণব-সাহিত্যের যেমন মর্মজ্ঞ, সেইরূপ কীর্তন-গানে অভিজ্ঞ। তিনি বৈষ্ণব-সাহিত্য লইয়া অনেক ষাঁটাগাটি করিয়াছেন; বৈষ্ণবপদাবলীর একাধিক সংগ্রহের সম্পাদন-ভার গ্রহণ করিয়া যথেষ্ট কৃতিত্বও প্রদর্শন করিয়াছেন। এই যুগ্ম-সম্পাদক তাঁহাদের ‘চয়নে’ ‘কৃষ্ণ-কীর্তন’ হইতে পূর্বরাগের একটি পদ উদধৃত করিয়াছেন,—

“কে না বাঁশী বাএ বড়ায়ি কালিনী নই কূলে।

কে না বাঁশী বাএ বড়ায়ি এ গোঠ গোকূলে ॥”

ইত্যাদি,—

তাঁহারা এই পদের টীকায় বলিতেছেন, “কৃষ্ণকীর্তনের এই পদটি সর্বশ্রেষ্ঠ,—এরূপ পদ চণ্ডীদাসের আর কোন কাব্যে আছে কি না জানি না। ইহার উপর চণ্ডীদাসের করুণ-রসমিশ্র কবিত্বের এমন একটা অপূর্ণ ছাপ আছে, যাহাতে সমস্ত কৃষ্ণকীর্তন এই পদের দীপ্তিতে উজ্জ্বল হইয়া, তাহা যে আমাদেরই চণ্ডীদাসের রচিত—তাহা প্রমাণ [১] করিয়া দিতেছে।”

কিন্তু এই ‘কালিনী নই’ কি সত্যই ‘কালিন্দী নদী?’—সম্পাদকদ্বয় টীকায় লিখিতেছেন, ‘কালিন্দী’ যমুনা।’ অথচ কৃষ্ণকীর্তনের সনালোচক দক্ষিণারঞ্জন বাবু লিখিয়াছেন,—

“কালিনী”—বসন্ত বাবু ইহার টীকা করিলেন “কালিন্দী”; অথচ এই বন-বিষ্ণুপুরের সর্বত্র সাধারণ ‘নদী’ অর্থে ‘কালিনী’ শব্দের বহুল প্রয়োগ আছে। ১০০।১৫০ বৎসরের প্রাচীন, এই অঞ্চলের জনসাধারণে বহুল-প্রচারিত গ্রন্থ

মাণিকরাম গাঙ্গুলীর ধর্মমঙ্গল-গ্রন্থে সাধারণ ‘নদী’ অর্থে ‘কালিনী’ প্রয়োগ ভুরি ভুরি আছে, যথা :— (১) “কালিনী গঙ্গার ঘাট,” (২) “দক্ষিণ কালিনী-ঘাটে দিল দরশন” (৩) “নায়ে চেপে কালিনী হৈল পার” (৪) “পার হৈল অজয় কালিনী”—ইত্যাদি।...বসন্ত বাবু বিদ্যাব্যবসায়ী এবং বিশেষতঃ এ অঞ্চলবাসী হইয়াও সত্যই কি মাণিকরামের গ্রন্থের কথা জানিতেন না যে, ‘কালিনী’র টীকা করিলেন ‘কালিন্দী’—দীনেশ বাবু ও খগেন্দ্র বাবু এই ‘চাপানে’র কোন ‘উত্তোর’ খুঁজিয়া পাইয়াছেন কি না, তাহা আমাদের অজ্ঞাত। কিন্তু এই একটি মাত্রই যে, বিদ্বদ্বল্লভ টীকাকারের গোঁজামিলের দৃষ্টান্ত, এরূপ নহে। শ্রীকৃষ্ণকীর্তনেব ৩৪০ পৃষ্ঠায় দেখি,—

“ত বাহো চাহিঁয়া রবেঁ না পাহ গোপালে।
তবেঁ সি চাইঁহ গিঁয়া ভাগীরথীকূলে ॥”

এই ‘ভাগীরথীকূল’ ৬৪৬ পৃষ্ঠায় লিখিত টীকায় হইল ভাগীরথী ‘কূল’—এবং ইহার অর্থ করা হইল, ভাগীরথ নামা (কোন) গোপগৃহে।” তাহা হইলে ‘ভাগীরথী-কূলের’ অর্থ দাঁড়াইল—‘ভাগীরথ গয়লার বাড়ীতে’। কিম্বাশ্চর্য্যমতঃপরম্। বঙ্গীয় সাহিত্য পরিষৎ পরের পয়সায় মহা সমারোহে এই মৌলিক গবেষণাপূর্ণ টীকা ছাপাইয়াছেন।

শ্রীযুক্ত দক্ষিণারঞ্জন ঘোষ বি, এ, রাজকার্যো-পলক্ষে তিন বৎসর কাল বীরভূমে ছিলেন এবং প্রায় দেড় বৎসর বাঁকুড়ায় ছিলেন; তিনি বৈষ্ণব মহাজনপদাবলী সম্বন্ধে অভিজ্ঞ পণ্ডিত। তিনি শ্রীকৃষ্ণকীর্তন গ্রন্থ-নিহিত কতগুলি বিসদৃশ তথ্য এবং স্বতঃবিরুদ্ধ আভ্যন্তরীণ প্রমাণের নির্দেশ করিয়াছেন। জানি না, বিদ্বদ্বল্লভ মহাশয়ের তাহা খণ্ডন করিবার শক্তি আছে কি না।

দক্ষিণা বাবুর যুক্তি তর্ক প্রমাণ প্রভৃতি প্রণিধানযোগ্য। আমাদের মনে হয়, তিনি অনেক স্থলেই বসন্ত বাবুর গোঁজামিল ধরিয়া দিয়াছেন। ‘কালিনী’র এবং ‘ভাগীরথীকূলের’ টীকার কথা পূর্বেই বলিয়াছি। বিস্তর বাদানুবাদের পর দক্ষিণা বাবু চোখে আঙ্গুল দিয়া দেখাইয়া দিয়াছেন, শ্রীকৃষ্ণ-কীর্তন ‘হ্যামলেট-বিহীন হ্যামলেট’; কারণ, “এই গ্রন্থে কৃষ্ণ নাই, শ্যাম নাই—চণ্ডীদাসের রাধা নাই।...এই গ্রন্থে নাই সেই রাধা—**বিনি রাধা** নামে সাধা শ্রীকৃষ্ণের বানী শ্রবণে...উন্মাদিনীপ্রায় বৃন্দাবনের কুঞ্জে

প্রেমাভিসারে ছুটিতেন—নাই সেই রাধার শ্যামতন্নয়ী ভাব” ইত্যাদি।

“এই গ্রন্থে ব্রজের রাখাল নাই—সুবল সখা নাই—অস্তরঙ্গ প্রাণপ্রিয়া নর্মসখী নাই—জলিতা বিশাখা নাই—কেলি-কদম্ব নাই—জগত-ভুলান মধুর মুরলী-বাদন নাই—প্রেমতরঙ্গে উজ্জান বাহিনী যমুনা নাই—ধীর সমীর নাই—ময়ূর-ময়ূরী নাই—কেলি-নিকুঞ্জ নাই—বৃন্দাবন নাই...রাধাকৃষ্ণ-প্রেম-মন্ত্রের আদিগুরু চণ্ডীদাসের সেই সাধের ‘নব-বৃন্দাবন’ নাই। আর নাই চণ্ডীদাসের সেই জগজ্জয়ী বিশ্বমানবতার আকুল সুর :—

‘শোন রে মামুষ ভাই।

সবার উপরে মামুষ সত্য

তাহার উপরে নাই।’

এক কথায়, নাই ‘রাই কানু দুহঁক’ নওল চরিত,’ আর নাই সেই প্রেম-প্রচারের বাণুলী বাগীশ্বরী বিদ্যা দেবী।”

এ সকল ত নাই; কিন্তু উৎকৃষ্ট পদ কিছু কিছু থাকিলেও চণ্ডীদাসের “শ্রীকৃষ্ণকীর্তন” নাগদেষ্য গ্রন্থে কি সম্পদ আছে, দক্ষিণা বাবু তাহাও দেখাইতে ভুলেন নাই। “এই গ্রন্থে আছে ‘যশোদার পো’ কাহু, ‘নন্দের পো’ কাহাঞি—আছে রাধার বদলে চন্দ্রাবলী, আছে ‘শ্যালী রাধা নাগরী রাধা’ যে ‘বকুলতলাতে’ থাকে—আছে ‘রাজভাগিনী,’ ‘শঙ্খচক্রগদা-সারঙ্গধারী’ ‘চণ্ডাল কাহাঞি’—আছে ‘পামরী ছিনারী’ রাধা...আছে ‘বেশা’ ‘পরদার’,—আছে পরম্পরের ‘তুই’-‘তুকারি’র আতিশয্য—আছে ‘মাগু কিল’ (নিতম্বে মৃষ্টাঘাত।) আর ‘ঘোড়া চুল মাথে ডুসাডুসি’ (‘চ’ নহে ‘ড’)—আছে খোল করতাল বাদন—আছে শ্রীকৃষ্ণের (১) ভাগীরথী-কূলে বিহার ও (২) শ্রীজগন্নাথক্ষেত্রে বিহার। সর্বোপরি আছে বেশাগর্ভে রাধার জন্মের ইঙ্গিত এবং সুর-নর-বন্দ্য মহর্ষি শ্রীনারদের বীভৎস চিত্র (কামাতুর যুবা ছাগের সহিত তুলনা)। সর্বোপেক্ষা চমৎকারপ্রদ কথা এই গ্রন্থে আছে ‘মহারাস’ সম্বন্ধে। ঘোড়শ সহস্র গোপী সহ মহারাস—দিবাভাগে মথুরায় ‘বিকে’ যাইবার পথে ‘কুল-বাড়ীতে’। দিবা-রাস বন-বিষ্ণুপুর অঞ্চলের একটা অভিনব খাস কথা—অগ্ৰত্বে কুত্রাপি কস্মিন্ কালে কেহ শুনে নাই।

“এ বিষয়ে এ অঞ্চলের গ্রন্থ ‘দিবা-রাস’ বাং ১৪৯ লিখিত—অর্থাৎ মাত্র ৮৬ বৎসর পূর্বে।

ইহার পরেও এই গ্রন্থকে ৫০০ বৎসর আগেকার লেখা মনে করা অসম সাহসের কথা সন্দেহ নাই। এই গ্রন্থ বড় জোর শ'খানেক বৎসরের প্রাচীন বলিয়া মনে হয়।

“মূল পুথিতে আছে—‘বিরহে বিকলী হয়। গোয়ালিনী কাদে—শ্রীরঘুনন্দন গোবিন্দ হে, অনাথী নারীক সঙ্গে নে।’—অথচ বসন্ত বাবু একটিও বাক্যব্যয় না করিয়া গম্ভীর ভাবে বদলাইয়া ছাপিলেন—‘শ্রীনন্দনন্দন গোবিন্দ হে’—যেন, সাহিত্য-ক্ষেত্রটা তাঁহার খাসমহল—যথায় তাঁহার বে-পরোয়া অধিকার চলে।

“শ্রীরঘুনন্দন—শ্রীচৈতন্যের সমসাময়িক লোক—তাঁহার ‘গণের’ মুখ্যতম ব্যক্তি। ইহা শ্রীচৈতন্য-চরিতামৃত, লোচনদাসের চৈতন্যমঙ্গল প্রভৃতি গ্রন্থের পাঠক এবং বৈষ্ণব ইতিহাসজ্ঞ ব্যক্তি মাত্রেই জানেন।

“এই গ্রন্থ যে শ্রীচৈতন্যের এক শত বৎসর পূর্ববর্তী চণ্ডীদাসের রচিত নহে—তৎপক্ষে এই একটি প্রমাণই যথেষ্ট।

“লোচনদাসের চৈতন্যমঙ্গল এবং মাণিকরামের ধর্মমঙ্গল, এই দুইখানি আধুনিক গ্রন্থের ছাপ এবং প্রভাব গ্রন্থের পত্রে পত্রে পরিলক্ষিত হয়—এমন কি, পংক্তিকে পংক্তি ছবছ নকল! আশ্চর্যের বিষয়, টীকাকার বসন্ত বাবু...এই অঞ্চলের বহুল প্রচলিত, হাতের গোড়ায় বিরাজমান এই দুইখানি বিখ্যাত গ্রন্থের কাছ দিয়াও ঘেঁসেন নাই।

“বৃন্দাবনের ‘কৃষ্ণ’ শ্যামসুন্দর, নব-কিশোর, ললিত-ত্রিভঙ্গ, মোহন-মুরলীধারী...বন-বিষ্ণুপুরী ‘কাহ্ন’ কৃষ্ণের অপভ্রংশ বা প্রতিচ্ছবিক্রমে কল্পিত হইলেও স্থানীয় প্রভাব প্রভৃতির গুণে ‘চোয়াড়ী’ রূপ প্রাপ্ত হইলেন—তিনি ‘লগুড়হস্ত’—গদাধারী—‘মগরখাড়ু’ ‘ঘোড়া চুল’, ঠিক যেন রেগুলেশন লাঠিধারী—বাবরি চুল-ওয়ালী হিন্দুস্থানী সিপাই,—‘চণ্ডাল কাছাঞি’র মেজাজটাও সৃষ্টিছাড়া, কথায় কথায় ‘মার মার, কাট কাট’—‘দড়ি দিয়া বান্ধিয়া থুইব, প্রাণে মারিব’—সর্বদাই যেন ‘মার’-মূর্তি। প্রেম-সাধিতে উলঙ্গ হইয়া নিজের মাথায় ধাপড় মারিয়া শব্দ করে। এই কাহ্নর চূষন অর্থ—‘দস্তাদস্তি’ (দশনের সনে কাহ্ন চাপিল দশনে)” ইত্যাদি।

রঞ্জে রঞ্জে—হাকিমে শিককে মসীযুদ্ধ! বসন্ত বাবু যে ‘বাসলী’কে মহাকবির মুকুট ধরিয়া কৃষ্ণকীর্তনের অস্পৃশ্য বোঝা তাঁহার ঘাড়ে

চাপাইয়াছেন, দক্ষিণারঞ্জন বাবু সেই ‘বাসলী’কেই মেকী সপ্রমাণ করিয়াছেন! তিনি বলিতেছেন, “এই অঞ্চলের (বাকুড়া, মানভূম) বাসুলীগণও চামুণ্ডা-মূর্তি, রুধিরপায়িনী। নাম্বুরের বাসুলী সম্পূর্ণ ভিন্নমূর্তি। উহা সুন্দর প্রসন্ন-বদনা, চতুর্ভুজা (বীণা পুস্তক জপমালাধরা) বাগীশ্বরী-মূর্তি—বিদ্যা-দেবী ‘বজ্রেশ্বরী’...অতএব, ইহা স্বতঃসিদ্ধ কথা যে, বীরভূম নাম্বুরের চণ্ডীদাসের ‘বাসুলী’ এবং বন-বিষ্ণুপুরের অনন্ত বড় চণ্ডীদাস নামক লেখকের বা লেখকত্রয়ের ‘বাসলী’ সম্পূর্ণ বিভিন্ন দেবতা, এবং তর্জন্ত তাঁহাদের প্রেরণা এবং চালনাও সম্পূর্ণ বিভিন্ন প্রকারের। তাই উভয় চণ্ডীদাসের লেখাতে ‘আসমান্ জমিন্’ তফাৎ।”

দক্ষিণা বাবু তাঁহার সুদীর্ঘ প্রবন্ধের উপসংহারে লিখিয়াছেন, “মোট কথা, কৃষ্ণরূপ শ্রীকৃষ্ণচৈতন্যকে দামোদর পার করাইয়া মল্লভূমে উপস্থাপিত করাইয়া এ অঞ্চলের ‘শোচ্য’ অপবাদ ঘুচাইবার আধুনিক কালের প্রচেষ্টার অগ্রতম হইতেছে এই গ্রন্থ।

“মুখ্য প্রতিপাত্ত বিষয় হইল ইহা, এবং অগ্রতম মূল উদ্দেশ্য হইল, শ্রীচৈতন্যের পেমধর্মের দোহাই দিয়া পরকীয়া সহজিয়া ভ্রমের উদ্দান কাম-কলুষের পোষকতাকল্পে নজির খাড়া করা।

“কোনও গ্রন্থে, ইতিহাসে, কিংবদন্তীতে বা প্রবাদ-কথায় কোথাও কখনও যাহা কেহ শুনে নাই, তাহা আছে এই গ্রন্থে; যথা—(১) শ্রীচৈতন্য বর্দ্ধমান সহরের সন্নিকটে ‘দামোদর পার’ হইয়া চলিলেন, অর্থাৎ ঠিক একেবারে মল্লভূমে উপস্থিত হইলেন, (২) বেখা এবং সেবাদাসী জাতীয় লোকের সহিত অবাধ মেশামিশি করিয়াছেন।”

এইরূপ বহু প্রমাণ উদ্ধৃত করিয়া দক্ষিণা বাবু বলিতেছেন,—“চণ্ডীদাস হইতেছেন শ্রীচৈতন্যের প্রায় শ’খানেক বৎসর পরবর্তী। অতএব ‘কৃষ্ণকীর্তন’ নামক গ্রন্থের লেখক—যিনিই হউন—আদি কবি চণ্ডীদাস নহেন—হইতে পারেন না।”

“বক্ষ্যমাণ গ্রন্থে প্রাচীনতার কোনও চিহ্ন বা নামগন্ধমাত্রও নাই। যাহা হউক—ব্রজলী, খাটি বাঙ্গালীর খাটি বাঙ্গালা অথবা ‘কোমলকান্ত পদাবলী’র সাধ যদি কেহ এই বন-বিষ্ণুপুরী বুলি ও চোয়াড়ী ভাষা দিয়া মিটাইতে চাহেন ত বিবাদের কিছু নাই।”

দক্ষিণারঞ্জন বাবুর অভিযোগ, “আজ এই ৪০০ বৎসর ধরিয়া বৃন্দাবন-লীলা অবলম্বনে রচিত অসংখ্য

পদ এবং পুঁথির কৃত্রাপি এইরূপ বিসদৃশ তথ্য, অত্যা কথ্য, কুৎসিত ভাব, ইতর আদর্শ নাই। অথবা পূর্ববর্তী শ্রীমদ্ভাগবত, জয়দেব, বিছাপতি, কৃষ্ণ-কর্ণামৃত, ব্রজসংহিতা প্রভৃতি গ্রন্থেও নাই।

“এইগুলির অনুরূপ বিষয় কথা বা তত্ত্ব একটি মাত্রও কোন গ্রন্থে থাকিলে তাহা শুদ্ধ বৈষ্ণবের নিকট অস্পৃশ্য—অশ্রাব্য।

“চণ্ডীদাসের ভণিতায়ুক্ত বলিয়াই গ্রাহ্য হওয়া দূরে থাকুক, ‘স্বয়ং ভগবান্’ আসিয়াও যদি তাঁহার নিজ লীলা সম্বন্ধে এই গ্রন্থে যেরূপ আছে, তদ্রূপ নানা উদ্ভট কল্পনা এবং কুৎসিত কথা এবং ভাব প্রচার করেন, তাহা ভক্তিশাস্ত্রসম্মত শ্রীভগবানের বিশুদ্ধ বৃন্দাবন-লীলা বা আদি চণ্ডীদাস-রচিত পদাবলী বলিয়া গৃহীত হইবে না।

“ইহা প্রাকৃত নাগর-নাগরীর উদ্দাম কামকলা। ইহা অতি আধুনিক কালের বিষয় এবং বৈষ্ণবের শুদ্ধ প্রেমের নামে কামপরতন্ত্র প্রাকৃত সহজিয়া ভজনের কিম্বা সখী-ভেকীদলের চূড়ান্ত অধোগতির ছদ্মদিনের চিত্র।

“প্রাচীন কবিদের লেখাতে অল্প-বিস্তর আদিরস সংমিশ্রিত আছে বটে; কিন্তু তাঁহাদের কবিত্বের মাধুর্য্য এবং সুষমার প্রাচুর্য্যের পার্শ্বে এ সব অতি নগণ্য, “নিমজ্জতান্দোঃ কিরণেশ্বিবাক্ঃ

“কিন্তু এই গ্রন্থে যেমন আগাগোড়া প্রতি পদে প্রতি পদে একটা অবিমিশ্র কদর্য্যতা এবং ইতরতা, যেমনই ভাবের তেমনই কথার, ইহার জুড়ি কোথাও নাই। অথচ একটা সমগ্র পদও ‘কানের ভিতর দিয়া মরমে পশিল, আকুল করিল মোর প্রাণ’ ত দূরের কথা, সাধারণ কবিতা হিসাবেও আশ্বাদ করিবার বা নির্মল রসোপভোগের উপযোগী নহে।

“শ্রীনিবাস আচার্য্য কর্তৃক রাজা বীর হাঙ্গীরের বৈষ্ণব দীক্ষা হইতেই এই অঞ্চলে আধুনিক শিক্ষা-দীক্ষার অভ্যুদয়। সে হইল ২৫০।৩০০ বৎসরের কথা।

“বিগত ১০০।১৫০ বৎসরের মধ্যে বিষ্ণুপুর অঞ্চলে ১৪।১৫ জন বৈষ্ণব মহন্তের গদি প্রতিষ্ঠিত হইয়াছে। তাহারা এবং তাহাদের চেলাগণ সকলেই হিন্দুস্থানী। এই সবগুলির বার্ষিক আয় না কি ২।৩ লক্ষ টাকা।

“ক্রমশঃ, ‘দেবদাসী’ ‘সেবাদাসী’ ‘নাচনী’ ‘নর্তকী’ ‘ভকতিদাসী’ প্রভৃতির উদ্ভব এবং তৎসংসৃষ্ট ধর্ম্মের নামে, নানা নাগর-নাগরী-পনা বিলাস-ব্যসন এবং কাম-কলা মহোৎসবের আবির্ভাব এবং পশ্চিমা

(হিন্দুস্থানী) এবং আসামী বৈষ্ণব এবং নানা দেশীয় নানা জাতীয় লোকের সমাগম এবং বসবাস হইয়াছে।...কৃষ্ণকীর্তন এইরূপ দূষিত ‘নাগর’-নাগরীর ‘ছিনারী’ ‘অসতী’ ‘বেশ্যার’, ‘ভকতিদাসী’ দেবদাসীর কামকলার ভাবে ভরপুর।”

“কৃষ্ণকীর্তনের ‘বারহ’ বৎসর বয়স্কা পরকীয়া কন্ঠার ‘মহাদানে’র পশ্চাতে যে বীভৎস অশ্লীলতার ইঙ্গিত আছে, তাহা লেখনীতে ক্ষুটতর করা চলে না।

“এই গ্রন্থ-নিহিত অন্তঃপ্রমাণে স্পষ্ট সিদ্ধান্ত ইহাই হয় যে, বৈষ্ণবধর্ম্মের অধোগতির স্তরে ‘পরকীয়া’ সহজিয়া মতের প্রাবল্যের দিনে ঐ সব দূষিত ভাব এবং কামকলির পোষকতাকল্পে এই গ্রন্থ একাধিক ব্যক্তি কর্তৃক রচিত হইয়াছিল—যাহাদের অন্ততঃ একজন ছিল আসামী এবং তাহার নাম ছিল ‘দ্বিজ অনন্ত বড়’ বড় জোর ১০০ বৎসর আগে।

“দেবনাগরী অক্ষর এবং পুরাতন মৈথিল লেখার ভঙ্গী, শ্রীহট্ট এবং আসাম অঞ্চলের প্রাচীন পুঁথিতে যথেষ্ট দেখা যায়। এই গ্রন্থেও তাহাই আছে।

“দ্বিতীয়তঃ, আসামের গীতিনাট্যের একটা বিশেষত্ব এই যে, প্রতিপাছ বিষয় সংস্কৃতে এবং গান ভাষায়। এই গ্রন্থেও তাহাই আছে।

“১৫০ বৎসর পূর্বেকার এ অঞ্চলের প্রসিদ্ধ গ্রন্থ মাণিকরামের ধর্ম্মমঙ্গলের ছাপ এবং অনুকরণ ‘কৃষ্ণকীর্তনের’ প্রতি পদে পরিলক্ষিত হয়।”

অথচ স্বর্গীয় রাখালদাস বন্দ্যোপাধ্যায় রায় দিয়া গিয়াছেন, সম্ভবতঃ খৃষ্টীয় চতুর্দশ শতাব্দীর প্রথমার্ধ্বে কৃষ্ণকীর্তনের পাণ্ডুলিপি লিখিত হইয়াছিল।

দক্ষিণারঞ্জন বাবু ত হাটে হাঁড়ি ভাঙ্গিলেন; বসন্তরঞ্জন বাবু বহু আড়ম্বরে সপ্রমাণ করিতে চাহিলেন, তাঁহার আবিষ্কৃত এই গ্রন্থ আদি মহাকবি চণ্ডীদাস-বিরচিত। কিন্তু চণ্ডীদাস যে মূর্তিতে বঙ্গীয় ভক্তসমাজে—বৈষ্ণব-সমাজে পরিচিত, তাঁহার সেই মূর্তি কোথায়? আমরা যে চণ্ডীদাসের ভক্ত, যাহার সুমধুর পদাবলী আমাদের কানের ভিতর দিয়া মরমে পশিয়া প্রাণ আকুল করে, সেই চণ্ডীদাসকে এই কৃষ্ণকীর্তনে খুঁজিয়া পাইলাম না; তথাপি ইহা চণ্ডীদাসের রচিত! এ কোন্ চণ্ডীদাস?

বসন্তরঞ্জন বাবু সম্পাদকীয় বক্তব্যে বলিয়াছেন, ‘সই কে বা শুনাইল শ্রামনাম’, ‘সুখের লাগিয়া এ ঘর বাধিলু’ পদের ভাষা এবং ‘কে না বাঁশী বাএ বড়ানি কালিনী নই কুলে’, ‘যে কাহু লাগিআ মো আন না

চাহিলো' পদের ভাষা এক নহে; পদাবলী ও 'কৃষ্ণকীর্তনের' ভাষার সাদৃশ্য নাই। তবে কি পদকর্তা চণ্ডীদাস এবং কৃষ্ণকীর্তনের রচয়িতা দুই পৃথক্ কবি? চণ্ডীদাসের সময় এবং তৎপূর্বে বাঙ্গালা ভাষা কিরূপ ছিল, জানিতে পারিলে আমাদের উত্তর অনেকটা সরল হইয়া আসিবে, ... হস্তলিখিত সুপ্রাচীন পুথি একান্ত দুর্লভ, কবির স্বহস্তলিখিত পুথির ত কথাই নাই। কাজেই বলিতে হয়, আমরা কোন কবিরই প্রকৃত ভাষা পাই নাই।

"বধু কি আর বলিব আমি' পদের ভাষা অত্যন্ত আধুনিক, একেবারে হালি। উহা বাঙ্গালা ভাষার ইতিহাসে আদৌ খাপ খায় না। বহুল প্রচলিত পদের ভাষা গায়ক ও লিপিকারগণের রূপায় পুনঃ পুনঃ রূপান্তরিত হইয়াছে, সে বিষয়ে সন্দেহ মাত্র নাই। চণ্ডীদাসের গোড়া ভক্তেরা অবশ্য তাহা স্বীকার করিতে রাজী হইবেন না। ... পাঠকগণ কৃষ্ণকীর্তনের 'দেখিলো' প্রথম নিশি' পদের ভাষার সহিত পদাবলীর 'প্রথম প্রহর নিশি' পদের ভাষার তুলনা করিয়া দেখিবেন, চণ্ডীদাসের ভাষা কিরূপ ভাবে বিকৃত বা রূপান্তরিত হইয়াছে।"

হয়ত রূপান্তরিত বা বিকৃত হইয়াছে; কিন্তু সেই অপরাধে কি আমরা চণ্ডীদাসের পদাবলী নির্বাসিত করিব? বসন্ত বাবু যে অপাঠ্য পুথি আদি কবি চণ্ডীদাসের নামে বিকায়িত চাহিয়াছেন, তাহা যে আদৌ চণ্ডীদাসের রচিত নহে, কোন নকল চণ্ডীদাসের রচিত কামকলার উচ্ছ্বাস মাত্র—দক্ষিণা বাবুর এই উক্তির প্রতিবাদে এবং তাঁহার সংগৃহীত প্রমাণের প্রতিকূলে বসন্ত বাবু ও তাঁহার ত্রিফারী উকিলদের যদি কিছু বলিবার থাকে, তাহা তাঁহারা বলিলেই কি কৃষ্ণকীর্তনের অন্তর্নিহিত ভাবধারার পরিবর্তন হইবে? এই কুরুচিপূর্ণ জঘন্য পুথিতে চণ্ডীদাসের কোমল কান্ত মধুর পদাবলীরই কেবল অভাব, এরূপ নহে—এই গ্রন্থের বহু স্থানে যে উক্তিরসের বিরোধী কুচির, এবং বর্ণনার মধ্যে ভাবুক ভক্তের বিরক্তিজনক, কামুক কামুকীর জঘন্য লালসাপূর্ণ হাব-ভাবে অভিব্যক্তি লক্ষিত হয়, তাহা মহাকবি চণ্ডীদাসের রচনার পক্ষে লজ্জাজনক; এই কাম-কলুসিত, অসংযত, উলঙ্গ, বীভৎস চিত্র তাঁহার লেখনীমুখে কখনও প্রকাশিত হইত না; দেড় শত বা দুই শত বৎসরের পূর্ববর্তী কবিদের রচনার প্রভাব ইহাতে এতই সুস্পষ্ট যে, ইহা তাঁহার প্রথম বা কোন বয়সেরই রচনা নহে, এ

কথাও দৃঢ়তার সহিত বলিতে পারা যায়। বসন্ত: মাইকেল মধুসূদন যে শ্রেণীর গ্রন্থকে লক্ষ্য করিয়া বলিয়াছিলেন,—

"চণ্ডালের হাত দিয়া পুড়াও পুস্তকে,
ভস্মরাশি ফেলে দাও কীর্তিনাশা-জলে।"

এই কৃষ্ণকীর্তনের বিভিন্ন অংশের বিস্তর পদ সেই শ্রেণীর অপাঠ্য জঘন্য গ্রন্থের অনেক অধিক উর্দে, এ কথা অসঙ্কোচে স্বীকার করা যায় না। বসন্তরঞ্জন বাবু তাঁহার আবিষ্কৃত মহাগ্রন্থের এই সকল ক্রটি বুঝিতে পারিয়াই তাঁহার কয়েক জন সাহিত্যিক মুকবির সাহায্যে ইহার রক্ষা-কবচ নির্মাণ করাইয়া, ইহাকে নিঃশঙ্ক চিত্তে সাহিত্যের দরবারে ছাড়িয়া দিয়াছেন; এবং আত্মসমর্থনের জন্ত তাঁহাকে একাধিক সাহিত্য-বিশারদের শরণাপন্ন হইতে হইয়াছে; ইহা বঙ্গসাহিত্যের দুর্ভাগ্য, এবং ততোধিক দুর্ভাগ্য বঙ্গীয় সাহিত্য-পরিষদের সুবিজ্ঞ মুকবিরদের—যাঁহারা নিব্বিচারে সেই সকল অপাঠ্য, জঘন্য পদাবলী বহু মুদ্রা ব্যয়ে প্রকাশের ব্যবস্থা করিয়াছিলেন। ইহা পদকর্তা চণ্ডীদাসের নামে চালাইয়া মহাকবি চণ্ডীদাসের সম্মান ও গৌরব ক্ষুণ্ণ করা হইয়াছে। অনেকেই এই অপরাধ অমার্জনীয় মনে করিলে বিশ্বাসের কারণ নাই।

স্বর্গীয় ত্রিবেদী মহাশয় কৃষ্ণকীর্তনের মুখবন্ধের উপসংহারে আশ্চর্য চিত্তে লিগিয়াছেন, "কালিন্দী নদীর কূলে, গোকুলের গোষ্ঠে, অবিরত যে বংশীধ্বনি হইতেছে, বিশ্বব্রহ্মাণ্ডকে তাহা গোলোক অভিমুখে আকর্ষণ করিতেছে। বড় চণ্ডীদাস বাঙ্গালী জাতিকে তার দুরাগত প্রতিধ্বনি শুনাইয়া গিয়াছেন; সেই বাঁশীর স্বরের নিকটে সকল তন্ত্র-কথা ও শাস্ত্রকথা মিলাইয়া যায়। বড় চণ্ডীদাসের সেই হারাণ বাঁশীর উদ্ধার করিয়া সাহিত্য-পরিষদের জীবন সার্থক হইল।"—কিন্তু আজ যদি ত্রিবেদী মহাশয় জীবিত থাকিতেন, এবং কৃষ্ণকীর্তনের আবর্জনারূপ খাঁটিয়া কাম-লালসার যে সকল অশ্লীল ছবি আমাদের চক্ষুর সম্মুখে উজ্জ্বলবর্ণে পরিষ্কৃত দেখিতেছি, তাহা যদি ত্রিবেদী মহাশয় অভিনিবেশ সহকারে লক্ষ্য করিতেন, এবং নাম্নুরের চণ্ডীদাসের পদাবলীর সহিত এই কুমুর গানের তুলনা করিয়া নিরপেক্ষ অভিমত প্রকাশের সুযোগ পাইতেন, তাহা হইলে তিনি কি মুক্তকণ্ঠে এ কথা বলিতে পারিতেন যে, 'বড় চণ্ডীদাসের সেই হারাণ বাঁশীর উদ্ধার করিয়া সাহিত্য-পরিষদের

জীবন সার্থক হইল ?—কোথায় সাধক চণ্ডীদাসের সেই প্রেমের বাঁশী—যাহার স্বরলহরীতে যমুনা উজানে বহিত, যাহার সুমধুর বংশীধ্বনি গত পাঁচ শত বৎসর ধরিয়া বঙ্গের লক্ষ লক্ষ সংসারতাপদগ্ন নর-নারীর হৃদয় অমৃতরসে অভিবিক্ত করিয়াছে, —আর কোথায় বাঁশীর পরিবর্তে অনন্ত বড় চণ্ডীদাসের 'কাহ্ন'র হাতের কদর্য কঁাৎকা—যাহা কৃষ্ণকীর্তনের দূষিত পরকীয়া ভজনে নাগর-নাগরীর কামানলে যেন ইন্ধন যোগাইতেই নিশ্চিত হইয়াছিল। শ্রীযুত বসন্তরঞ্জন রায় বিদ্বৎসভ মহাশয় তাঁহার আবিষ্কৃত কৃষ্ণকীর্তন গ্রন্থখানি নাম্বুরের মহাকবি চণ্ডীদাসের বিরচিত বলিয়া তুমুল ঢকা-নিনাতে বিঘোষিত করিলেও, এবং পুজ্যপাদ স্বর্গীয় হরপ্রসাদ শাস্ত্রী মহাশয়কে মুকুর্ষি করিয়া তাঁহার সহায়তার জন্ত কৃতজ্ঞতা প্রকাশ করিলেও, শাস্ত্রী মহাশয় কৃষ্ণকীর্তনের চণ্ডীদাসই 'পদাবলী'র চণ্ডীদাস, এ সম্বন্ধে নিঃসন্দেহ হইতে পারেন নাই। তিনি ২৬ ভাগ সাহিত্য-পরিষদ-পত্রিকার দ্বিতীয় সংখ্যায় 'চণ্ডীদাস' নামক প্রবন্ধের শেষ ভাগে সন্দ্বিগ্ন চিত্তে জিজ্ঞাসা করিয়াছেন, "তবে কি একজন চণ্ডীদাস কৃষ্ণকীর্তনের গ্রন্থকর্তা, পদকর্তা আর এক চণ্ডীদাস ? দুই জনেই বাণুলীর ভক্ত। কৃষ্ণকীর্তনে কিন্তু রামীর নামও নাই, নাম্বুরের নামও নাই। বাণুলী যখন মঙ্গলচণ্ডী, তখন 'চণ্ডীদাস' শব্দেরও মানে বুঝা গেল। বাণুলিচণ্ডীর যাহারাই দাস, তাঁহারাই হইলেন চণ্ডীদাস। তাঁহারা সহজিয়া ছিলেন, অত্র সহজিয়ার মত গান করিয়া বেড়াইতেন, সঙ্গ যোগিনীও থাকিত।

"অন্ততঃ দুই জন চণ্ডীদাস স্বীকার করিলে প্রথম চণ্ডীদাস জয়দেবের মত বৈষ্ণব হইয়া গিয়া কৃষ্ণকীর্তন লিখিয়াছেন, আর এক জন বৈষ্ণব হয়েন নাই, কখন তিনি খাটি সহজিয়া গান গাহিতেন, কখনও বা রাধাকৃষ্ণকে লইয়া সহজিয়ার গান গাহিতেন, সম্ভবতঃ ইহার মৃত্যু গোড়েশ্বরের বাড়ীতে হইয়াছিল।"

স্বর্গীয় শাস্ত্রী মহাশয়ের এই অভিমত হইতে প্রতীতি হইতেছে যে, ইনি নাম্বুরের চণ্ডীদাস, রজকিনী রামীর বঁধু, সুবিখ্যাত পদকর্তা চণ্ডীদাস— যিনি বঙ্গসাহিত্যে চিরস্মরণীয় কীর্তি অর্জন করিয়াছেন; কৃষ্ণকীর্তনের চণ্ডীদাসের সহিত ইহার কোন সম্বন্ধ নাই। পদাবলীর চণ্ডীদাস আসল হইলে ইনি 'মেকী' অথবা নকল। কিন্তু এই মেকী চালাইবার প্রয়োজন হইয়াছিল, তাহা শ্রীযুত

দক্ষিণারঞ্জন বাবুর আর একটি মন্তব্যে প্রকাশ। ইহা শ্রুতিকঠোর হইলেও এরূপ সুসঙ্গত যে, এই প্রসঙ্গে আলোচনার অযোগ্য নহে। তিনি লিখিয়াছেন, "যেহেতু, এই দেশ 'পাণ্ডব-বর্জিত'— 'গঙ্গা-হরিনাম-বর্জিত'—অতএব, 'শোচ্য' (শ্রীচৈতন্য ভাগবত দ্রষ্টব্য) বলিয়া গণ্য ছিল।

"এই হীনতা শোধরাইবার জন্ত, এ দেশে শ্রীচৈতন্য, শ্রীকৃষ্ণ এবং বৃন্দাবনের অবতারণা প্রয়োজনীয় হইল।

"শ্রীচৈতন্য 'শেষ লীলায় নাম ধরে শ্রীকৃষ্ণচৈতন্য—কৃষ্ণ জানাইয়া বিশ্ব কৈল ধন্য' [চৈঃ চঃ]। পূর্বপশ্চিম, আর্ষ্যাবর্ত, দাক্ষিণাত্য—সমগ্র ভূভারত এই 'জন্ম' নারায়ণের পরিক্রমা-গুণে ধন্য হইল,— পার্শ্ববর্তী অঞ্চল বর্ধমান (শ্রীখণ্ড), মেদিনীপুর (দাঁতন) প্রভৃতি ইন্দুক ঝাড়িখণ্ডের জঙ্গলী লোকও বাদ গেল না—এমন কি, বনের পশু-পাখীও কৃষ্ণকীর্তনে মাতিল—শ্রীচৈতন্যের পুণ্য সঙ্গে ধন্য হইল।—শুধু হইল না 'দামোদর পারের' এই বন-বিষ্ণুপুর। মুখ্যতঃ এই নানতাপূরণকল্পে এই গ্রন্থের অবতারণা। শ্রীচৈতন্য কর্তৃক আশ্বাদন জন্ত চণ্ডীদাসের পদাবলীর মর্যাদা এবং আভিজাত্য কয় শতাব্দীর মধ্যে সর্বজনমাণ্য হইয়া গিয়াছিল। অতএব, গ্রন্থে তাঁহার নামের ছাপটা জুড়িয়া দেওয়া হইল।

"হিন্দুস্থানী মোহন, নানা দেশীয় বৈরাগী, বাবাজী, আসামী, বঙ্গবাসী, উড়িয়া নানা শ্রেণীর লোকসমাগম এবং তাহাদের স্থায়ী বসবাস ঘটিয়াছিল। নানা লোকের নানা বুলি-মিশ্র একাধিক ব্যক্তির মিলিত চেষ্টায় এই গ্রন্থের উদ্ভব। বহিরাবরণ বৃন্দা (বনীয়) হইলেও মর্শ্বের সুর, ভাব, উপমা, তুলনা, অলঙ্কার ইত্যাদি ফুটিয়াছে 'বনীয়' অর্থাৎ বন-বিষ্ণুপুরীয়, চোয়াড়ী, জঙ্গলীয়।"

আরও একটা কথা,—

'মনের উল্লাসে দেখি তোর পয়োভার
মজি গেল মোর নয়ন-চকোর।'
'দূঢ় করে ভুজ যুগে ধরি কৈল আলিঙ্গন।'
'হৃদয়েব মাঝে তোর কেনে নাহি হার।'
'সব নারীজন মোর করিল সম্মানে।'
'কর যোড় করি রতি ভিক্ষা মাগি
রতিভাবে রাধা গেল কাহ্নের পাশে।'

এই সকল কি সাড়ে পাঁচ শত বৎসরের পূর্বের বাঙ্গালা ভাষা ? এরূপ ভাষা কৃষ্ণকীর্তনের পদে

পদে। অথচ চণ্ডীদাসের পদাবলীর ভাষা বিকৃত হইয়াছে বলিয়া গভীর দুঃখ প্রকাশ করা হইয়াছে। এই সকল প্রমাণ হইতে প্রতিপন্ন হইতেছে, 'শ্রীকৃষ্ণকীর্তন' একাধিক পদকর্তার লেখনীধারণের ফল। ইহার বহু পদাংশের ভাষার সহিত বাঙ্গালা ভাষার সংস্রব নাই। ইহা প্রাচীনতার ছাপ মারা ভাষার সহিত আধুনিক ভাষার সংমিশ্রণে অর্ধসিদ্ধ খিচুড়ী।

—

নৌকাখণ্ডের দুইটি পদ

একই কবি একই বিষয়াবলম্বনে পদ রচনা করিলেন; কিন্তু তাঁহাদের ভাষা বিভিন্ন, ভাবের সামঞ্জস্য নাই, রসের মাধুর্য্যেও আকাশ-পাতাল প্রভেদ,—ইহা কি কখন স্বাভাবিক বা সঙ্গত বলিয়া মনে করা যাইতে পারে? এখানে আমরা নাম্নুরের মহাকবি চণ্ডীদাসের রচিত নৌকাখণ্ডের একটি পদ এবং শ্রীকৃষ্ণ-কীর্তন রচয়িতা অনন্ত-বড়ু-রচিত নৌকাখণ্ডের একটি পদ উদ্ধৃত করিতেছি; রসজ্ঞ পাঠকগণ এই দুইটি পদের তুলনা করিয়া কিরূপ সিদ্ধান্ত করিবেন?

নাম্নুরের মহাকবি গাহিয়াছেন,—

দেখিয়া যমুনা নদীর তরঙ্গ

উঠিছে দারুণ ফেনা।

দেখিয়া নাগরী সকল গোয়ালী

লাগিল বিশ্বয়-পনা ॥

কেমনে এ নদী যমুনা পেরাব

মোর মনে হেন লয়।

তরঙ্গ অপার বহিছে দু-ধার

হইছে সবার ভয় ॥

কোন গোপী বলে কোন গোয়ালিনী

এ বড়ি বিষম দেখি।

ইহার উপায় কি বুদ্ধি করিব

বলহ সকল সখী ॥

কোন বা সাহসে যদি জলে নামি

ডুবিয়া মরিব তবে।

উপায় হইলে তবে সে যাইবে

নহে বা কি আর হবে ॥

কিসে হব পার না জানি সঁাতার

কেমনে যাইব পার।

বড়াই কহিছে চাহি রাখা পাশে

শুনগো আমার বাণী।

কাহুর চরণে বিনতি করহ

পার করে গুণমণি।

চণ্ডীদাস দেখি যমুনাতরঙ্গ

ইহার উপায় কই।

এই দরিয়াতে আনের শক্তি

নাহিক কালিয়া বই ॥

এই মধুর পদটি শ্রবণ করিলেই ভক্তের হৃদয়-মন মগ্নিত করিয়া এই শঙ্কাবিজড়িত ধ্বনি উথিত হইবে—এই অপার তরঙ্গসঙ্কুল সংসার-দরিয়া উত্তীর্ণ হইতে হইলে কালিয়া ভিন্ন আর গতি নাই।

'শ্রীকৃষ্ণকীর্তনে'র অনন্তবড়ু, চণ্ডীদাস গাহিলেন—

মন গমনে চলে না খানি তোমার।

আপণে কাহাঞি তাত ভৈল কাণ্টার ॥

নাঅত চটিলৌ কাহু তোর সত্য বোলে।

মাঝ যমুনাত তোম্কে না করিহ বলে ॥

পার কর নারায়ণ বড়ায়ির সঙ্গে জাইবো।

যমুনাত পার হইলে আলিঙ্গন দিবো ॥ ধ্রু ॥

সাত ঘটি গেল হএ দুঅজ পহর।

গোঠে হৈতে আসিবে গোআল মোর ঘর ॥

ঘরে না দেখিঅঁ বড় খজায়িবে মোরে।

দয়া ধরম কি না বসে তোম্কারে ॥

গোসাঞি সোঁঅরি কাহাঞি কাঁট বাহ নাএ।

মাঝ যমুনাত বহে ধর বড় বাএ ॥

যমুনার জলে টলবল করে নাএ।

চমক চমকী উঠা মোর প্রাণ জাএ ॥

মোল শত গোপী মোর রহি চাহে বাটে।

মোহোর করমে নাএ ভাঁগিল পাটে ॥

একবার রাখ কাহাঞি আন্ধার জীবন।

গাইল বড়ু চণ্ডীদাস বাসলীগণ ॥

'গোআল' বাড়ী ফিরিয়া নায়িকাকে ঘরে না দেখিলে ক্রুদ্ধ হইয়া গর্জন করিবে, নায়িকা এই ভয়ে আকুল।—এই কি সেই শ্রীকৃষ্ণপ্রেম বিমূগ্ধা, আত্মত্যাগের আদর্শ নায়িকা শ্রীরাধিকা—যিনি শ্রীকৃষ্ণে সর্বস্ব সমর্পণ করিয়া বলিয়াছিলেন—

“জাতি কুল বলি দিলুঁ তিলাঞ্জলি

কি আর সতী-চরচা তে

তমু ধন জন জীবন যৌবন

নিছিলাঙ শ্যামের পিরীতে ॥”

শ্রীকৃষ্ণকীর্তন হইতে উদ্ধৃত দুর্কোধ্য 'বুমুর' গান পাঠ করিয়া পাঠকের হৃদয়ে কোন রকম রেখাপাত হয় কি না, তাঁহারাই বিবেচনা করিবেন।

এই উভয় পদই নান্নুরের মহাকবির রচনা—ইহা কেহ বিশ্বাস করিতে পারিবেন কি? বাহুল্য ভয়ে আমরা একাধিক দৃষ্টান্ত প্রদর্শনে বিরত হইলাম। ইহাই না কি মহাকবির রচিত, পাঁচ-শ বৎসর আগেকার অবিকৃত খাটি ভাষা। যে সকল পদের রসমাধুর্যে, শব্দবাহুকারে, ভাবের গভীরতায় আমরা মুগ্ধ, ভাবাবেশে বিহ্বল—সেগুলি না কি মেকি, ‘সাত নকলে আসল খাস্ত!’ তাহা হইলে মহাকবি চণ্ডীদাসের অস্তিত্ব কোথায় থাকে?

পঞ্চম অধ্যায়

চণ্ডীদাস কয় জন?

নান্নুরের মহাকবি চণ্ডীদাসের জীবনী আলোচনা করিতে গিয়া বড় গোল বাধিল। স্বর্গীয় ত্রিবেদী মহাশয় ‘শ্রীকৃষ্ণকীর্তনে’র মুখবন্ধে লিখিয়াছেন,— “আমাদের এমনই ভাগ্যদোষ যে, পুরাণ পুথির শেষের দিকটাই হয়ত খণ্ডিত হইয়া পড়ে, অথবা শেষ পাতাটা বর্তমান থাকিলেও বাঙ্গালা দেশের পোকা ঠিক তারিখের অঙ্কটাই পছন্দ করিয়া কাটিয়া ফেলে।...চণ্ডীদাসের কৃষ্ণকীর্তন গ্রন্থ এত দিন লুপ্ত ছিল, এত কালে ব্যস্ত হইল বটে, কিন্তু শেষ দিকে খণ্ডিত হইয়া দেখা গেল। কাজেই পুথির মধ্যে উহার কাল-নির্ণয় হইল না। এখন পুথির হরপ দেখিয়া পণ্ডিতেরা তর্ক-বিতর্ক করুন।...এই পুথি চণ্ডীদাসের স্বহস্তলিখিত হইতেও পারে, এরূপ কল্পনাতেও আনন্দ পাওয়া যাইবে। চণ্ডীদাসের নিজের হাতের লেখা না হইলেও, তিনি জীবিত থাকিতেই তাঁহার সম-সাময়িক লোকের হাতে লেখা হইতে পারে। বাঙ্গালা হরপের উৎপত্তি ও পরিণতি বিচার যে সকল পণ্ডিতের ব্যবসায়, এই পুথি তাঁরা সমাদরে গ্রহণ করিবেন।

“...তবে সত্যই কি এই ভাষাই চণ্ডীদাসের ভাষা?...তবে আমরা যে ভাষার সুরে মুগ্ধ, অভিভূত, অবসন্ন হইতেছিলাম, সে ভাষা কি চণ্ডীদাসের নিজের ভাষা নয়? একই চণ্ডীদাস কখনও এই দুই ধরনের ভাষায় কথা কহিতে পারেন না। তবে কি আমাদের চির-পরিচিত চণ্ডীদাস, আর এই নবাবিস্কৃত চণ্ডীদাস এক নহেন? চণ্ডীদাস কি দুই জন ছিলেন? দুই জনেই বড় চণ্ডীদাস, বাঙ্গালীর আদেশে গান রচনায় নিপুণ, রামী রজকিনীর বঁধু। তাহা ত হইতে পারে না। এক জন তবে কি

আসল, আর এক জন নকল? কে আসল, কে নকল?”

স্বর্গীয় ত্রিবেদী মহাশয় এই প্রশ্নের যীমাংসা করিতে পারেন নাই। এই জন্ত তিনি লিখিয়াছেন, “কৃষ্ণ-কীর্তনের ভাষায় চণ্ডীদাসের সুর পাওয়া যায় কি না, চণ্ডীদাসের পদের রস, তাহার উন্মাদনা, এই কৃষ্ণ-কীর্তনের ভাষায় আছে কি না, রসজ্ঞেরা তাহার বিচার করিবেন। আমাদের পক্ষে এই কৃষ্ণকীর্তনের ভাষা অপরিচিত, অনভ্যস্ত, নূতন—আমাদের কাণে উহা অভ্যস্ত নহে।” অর্থাৎ উহা শ্রুতিকটু; কিন্তু শ্রদ্ধাবুদ্ধিবশতঃ ত্রিবেদী মহাশয় কথাটা একটু মোলায়েম করিয়া বলিয়াছেন।

বৈষ্ণব সাহিত্যে অভিজ্ঞ দক্ষিণারঞ্জন বাবু কৃষ্ণ-কীর্তনের আলোচনা করিয়া যে সকল তথ্য আবিষ্কার করিয়াছেন, তাহা অসার বলিয়া উড়াইয়া দেওয়ার উপায় নাই; এই জন্ত আমরা তাহার সারমর্ম পূর্বেই প্রকাশ করিয়াছি। ত্রিবেদী মহাশয়ও বলিয়াছেন,—“প্রত্যেক প্রশ্নের উত্তরে পণ্ডিতদের মধ্যে বিচার-বিতর্ক, আলোচন চলিবে। কিন্তু এ সকল প্রশ্ন যতই গভীর হউক, এ সকল তত্ত্বকথার যতই মাহাত্ম্য থাকুক, চণ্ডীদাসের নামের মাহাত্ম্যে সে সকলই ক্ষুদ্র হইয়া যায়। চণ্ডীদাসের নামের ছাপ যে কবিতার উপর আছে, তাহা তখনই তাহার প্রাদেশিকতা হারাইয়া মানব-সাহিত্যের কোঠায় গিয়া পৌঁছে—বাঙ্গালা সাহিত্যকে তখনই তাহা নিম্ন হইতে অতি উর্দ্ধে তুলিয়া দেয়।”

দক্ষিণারঞ্জন বাবু এ কথা স্বীকার করিয়াছেন, এবং বন-বিষ্ণুপুরে কৃষ্ণকীর্তন রচনার কি প্রয়োজন হইয়াছিল, তাহারও উল্লেখ করিয়াছেন। ‘সাহিত্যের কোঠায়’ উহা কোন্ স্থান অধিকার করিয়াছে, তাহাও প্রদর্শন করিতে আমরা কর্তব্যানুরোধে কুণ্ঠা বোধ করি নাই। পূর্বে অধ্যায়েই প্রতিপন্ন হইয়াছে—উহা রজকিনী-বঁধু—নান্নুরের চণ্ডীদাসের রচিত নহে। ইহা সুস্পষ্টরূপেই প্রতীয়মান হইয়াছে যে, নান্নুরের চণ্ডীদাস ব্যতীত একাধিক চণ্ডীদাস বঙ্গ-ভারতীর সেবা করিয়াছিলেন। মঙ্গলচণ্ডী বাসলীর দাস অনন্ত বড়ু ‘নামক’ এক চণ্ডীদাস তাঁহাদের অন্ততম।

দক্ষিণারঞ্জন বাবু প্রতিপন্ন করিয়াছেন—এই বড়ু চণ্ডীদাসের পুথি একাধিক কবির রচনা, এবং তাহা আধুনিক; কিন্তু পূজনীয় শাস্ত্রী মহাশয় বিশ্বাস করিয়াছিলেন, বড়ু চণ্ডীদাসের পুথিখানির হাতের লেখা ১৩০০ হইতে ১৪০০ ইংরাজী সনের। অনেক

গবেষণার পর পুথির রচনাকাল তিনি আরও পিছাইয়া দিতে চাহিয়াছেন। তিনি লিখিয়াছেন,—“(সাহিত্য-পরিষৎ-পত্রিকা, ৪র্থ সংখ্যা, ১৩২৯) ১৪ শতকের শেষাংশে বাঙ্গালায় কতকটা শাস্তি থাকিলেও, ১২০০ হইতে ১৩৫০ পর্য্যন্ত এখানে কিছু মাত্র শাস্তি ছিল না। এই যোর অরাজকতার সময় যে বড় চণ্ডীদাস বসিয়া এত বড় একখানা বই লিখিলেন, এ কথা আমি ত বিশ্বাস করিতে পারি না। তাই আমার মনে হয়, বইখানা হিন্দু আমলের রচনা।” ইহা শাস্ত্রী মহাশয়ের অনুমান মাত্র হইলেও, “সেকালে বাঙ্গালা দেশে কৃষ্ণরাধা সম্বন্ধে নানারূপ কথা প্রচলিত ছিল। চণ্ডীদাস সেগুলি সব লইয়াছেন।” ইহা প্রমাণ-সিদ্ধ।

‘গাথা সপ্তশতী’তে রাধা-কৃষ্ণের নাম প্রথম পাওয়া গিয়াছে। এই বই না কি ইংরাজী ৬৯ সালের লেখা। সেই সময় হইতেই কৃষ্ণ-রাধা প্রেমের কথা, রাসের কথা চলিয়া আসিতেছিল। ‘বড়’ চণ্ডীদাস সেগুলি অবলম্বন করিয়া তাঁহার পুথি লিখিয়াছিলেন। শাস্ত্রী মহাশয়ের অনুমান, বড় চণ্ডীদাসের বই হইতেই জয়দেব রাস এবং মানের বিবরণ সংগ্রহ করিয়াছিলেন।

এখন কথা এই যে, যদি এই বড় চণ্ডীদাসকে হিন্দু রাজত্বে ঠেলিয়া দেওয়া হয়, এই বড়কেই আদি চণ্ডীদাস বলিয়া কৃষ্ণকীর্তনের লেখকরূপে খাড়া করা হয়—তাহা হইলে নানুরের মহাকবি চণ্ডীদাস—যাঁহার পদমাধুর্য্যে সাবা বাঙ্গালা মত্তমুগ্ধ হইয়াছিল, বঙ্গ-সাহিত্যাকাশের যিনি শুকতারার,—বিদ্যাপতি যখন স্বরচিত পদাবলীর লালিত্যে, মধুরতায় ও বাহুরে বঙ্গ বিহারকে বিনোহিত করিয়াছিলেন, সেই সময় যে মহাকবির সহিত সুরধুনীতীরে তাঁহার সাক্ষাৎ হইয়াছিল,—যিনি রজকিনীর সহিত প্রেমসাধনার ফলে অপূর্ব-সুন্দর অতুলনীয় পদাবলী রচনা দ্বারা বঙ্গভাষাকে দিব্য-শ্রীসম্পন্ন ও গৌরবান্বিত করিয়াছেন, রজকিনীর প্রেম যাহার নিকট ‘নিকষিত হেম’, এবং যাহার জন্ম তিনি সহস্র প্রকার নির্যাতন, নিগ্রহ, বিক্রম, ঘৃণা, কটুক্তি অবনত মস্তকে সহ করিয়াছিলেন—সেই চণ্ডীদাসের অস্তিত্ব কোথায় থাকে? তিনি ও বড় চণ্ডীদাস একই ব্যক্তি—বৈষ্ণব সাহিত্যের বিশেষজ্ঞগণ ইহা কোন্ যুক্তিতে স্বীকার করিবেন? নানুরের চণ্ডীদাসকে স্বীকার করিতে হইলে হিন্দু-রাজত্বের আমলের বড়টিকে অস্বীকার করিতে

হয়। এ অবস্থায় বসন্তরঞ্জন বাবু কোন্ যুক্তিতে নানুরের চণ্ডীদাসকে কৃষ্ণকীর্তনের বড় চণ্ডীদাস বলিয়া জাহির করিলেন—তাহা কি তিনি বুঝাইতে পারেন? “গোল খায় হরিদাস, মাধাই দেয় কড়ি?”

পূজনীয় শাস্ত্রী মহাশয়ও বড় চণ্ডীদাসকে ও তাঁহার রচিত ‘কৃষ্ণকীর্তনকে’ হিন্দুরাজত্বে ঠেলিয়া দিয়া ভাল সামলাইতে পারেন নাই; তাই তিনি অন্ধকারে হাতড়াইতে হাতড়াইতে বলিতেছেন,—“এত দিন পর্য্যন্ত আমরা জানিতাম, চণ্ডীদাস নামে এক জন কবি ছিলেন। তাঁহার বাড়ী নানুরে। নানুর বীরভূম জেলায়। তিনি কবি; বামুনের ছেলে। তিনি বাসুণী দেবীর পূজারী। বাসুণী তাঁহাকে বলিয়া যান, ‘তুমি রামী রজকিনীর সহিত প্রেম কর, নহিলে তোমার সিদ্ধিলাভ হইবে না।’ রজকিনী মন্দিরের পেটলী ছিল, অর্থাৎ মন্দির কাঁট-পাট দিত।

“...নানুরে যে চণ্ডীদাসের বাড়ী, তাহারও কোন প্রমাণ নাই। চণ্ডীদাসের কৃষ্ণলীলার বইয়ে সে কথা নাই। আছে নীলরতন বাবুর সংগৃহীত ‘রাগান্বিতিক পদাবলীর’ মধ্যে। সেগুলিকে কতদূর প্রমাণ বলিয়া গ্রহণ করা যায়, আমি জানি না। সেগুলিকে যদি অগ্রাহ্য করি, তাহা হইলে এ দেশে চণ্ডীদাস সম্বন্ধে যে সকল কথা প্রচলিত আছে, তাহার একটিও টিকে না। নানুরও টিকে না, রামী—রজকিনীও টিকে না। চণ্ডীদাসের কৃষ্ণকীর্তন পুথিখানার বয়স ১৩০০ হইতে ১৪০০। না হয় এই ১০০ বছরের শেষাংশেই হইবে। চণ্ডীদাস ১৩৫০ হইতে ১৪৫০ পর্য্যন্ত যদি বাঁচিয়া থাকেন, তবে এই পুথি কি তাঁহার জন্মের পূর্বে লেখা হইয়াছিল? না ওখানি তিনি নিজে লিখিয়াছিলেন? পূর্বে লেখা ত’ সম্ভবই নয়; তাঁহার নিজের হাতের লেখা বলিয়াও ত’ বোধ হয় না। তার পর আর এক কথা, এক চণ্ডীদাস কৃষ্ণলীলার জন্ম দু’খানা পুস্তক লিখিবেন কেন?...একই বিষয়ের বই, অথচ কোথাও কিছু মেলে না কেন? একখানির ভাষা বড়ই পুরাণ, আর একখানার বড়ই নূতন। একখানাতে চণ্ডীদাস আপনাকে বড় চণ্ডীদাস বা শুধু চণ্ডীদাস বলিয়াছেন, আর একখানায় তিনি নিজেকে দ্বিজ চণ্ডীদাসই বলিয়াছেন,—কখনও কখনও শুধু চণ্ডীদাসও আছে। এক জায়গায় ‘কবি চণ্ডীদাস’ বলিয়াছেন, দশ-বার জায়গায় ‘বড় চণ্ডীদাস’ও বলিয়াছেন। কিন্তু আসল

বড়ু চণ্ডীদাসের বইএর গানের সঙ্গে একটি গানও মেলে না। ইহার অর্থ কি? চণ্ডীদাস দু'জন না হইলে ইহার সামঞ্জস্য হয় না।

“বড়ু চণ্ডীদাসের রাগিণীগুলি সব পুরাণ, দ্বিজ চণ্ডীদাসের রাগ-রাগিণীগুলি প্রায়ই নূতন। দু'চারটি যে পুরাণ নাই, তাহা নহে; কতকগুলি আবার বেশী নূতন। ইহারই বা অর্থ কি? দুই জন চণ্ডীদাস স্বীকার না করিলে ইহার সামঞ্জস্য হয় না। ভাষার সামঞ্জস্য রক্ষা করিতে হইলেও, দু'জন বলিয়া স্বীকার করিতে হয়।”—বড়ু চণ্ডীদাসের নাম অনন্ত, দ্বিজ চণ্ডীদাস তাঁহার ৭৬৩ কৃষ্ণলীলার পদের কোনও স্থানে ‘অনন্তের’ নাম করেন নাই। বড়ু চণ্ডীদাসের কোনও পদে রামীরজকিনীর নামের উল্লেখ নাই। পদ উভয়েরই, উভয়েরই গান রচনা করিয়াছেন। বড়ু চণ্ডীদাসের পদগুলি পাঠ করিলে মনে হয়, তিনি গানে কৃষ্ণের একটি ইতিহাস লিখিয়াছেন। কিন্তু অত্র চণ্ডীদাসের পদের সম্বল প্রেম; রাধা-কৃষ্ণের জীবনের কোন কথা তাহাতে নাই, ভাবের সহিতই তাঁহার সম্বন্ধ। **চণ্ডীদাস দুই জন না হইলে এরূপ হইত না।**

চণ্ডীদাস দুই জন হইলেও দুই জনেই বাসুলী-দেবীর সেবক। বড়ু চণ্ডীদাস আপনাকে বাসুলীর ‘গণ’ বলিয়াছেন, বাসুলীর ‘গতিও’ বলিয়াছেন। শাস্ত্রী মহাশয় বলেন, ‘গতি শব্দের অর্থ চেলা’। তিনি বাসুলীর বরে পুঁথি লিখিতেছেন বলিয়া স্বীকার করিয়াছেন। “তাঁহার ভণিতার পর গানে আর রাধাকৃষ্ণের কথা শুনা যায় না। দ্বিজ চণ্ডীদাসের পদে ভণিতার পরও কৃষ্ণকে তিনি উপদেশ দিতেছেন দেখা যায়; তিনি কোন কোন স্থানে বাসুলীর নাম করিয়াছেন; কিন্তু এরূপ দৃষ্টান্ত খুব বেশী নাই। উভয়ে এক বাসুলীর সেবক হইলেও, উভয়ের মধ্যে যে পার্থক্য আছে, তাহা বুঝিতে কষ্ট হয় না।” উভয়েই কি অভিন্ন বাসুলীর সেবক? আমরা প্রমাণ পাইয়াছি—এক ‘বাসুলী’ চামুণ্ডামূর্তি, রুধির-পায়িনী, অত্র বাসুলী অর্থাৎ নারুরের বাসুলী বাগীশ্বরী মূর্তি—বিদ্যা-দেবী। এই জন্মই উভয় দেবীর সেবকের মধ্যে যে পার্থক্য আছে, শাস্ত্রী মহাশয়কে তাহা স্বীকার করিতে হইয়াছে।

কিন্তু শাস্ত্রী মহাশয় তর্ক-বিতর্কে কোন মীমাংসা করিতে না পারিয়া অবশেষে বলিতেছেন, “বড়ু অনন্ত চণ্ডীর চেলা ছিলেন বলিয়া তাঁহার নাম চণ্ডীদাস হইয়াছে, মনে হয়! এক একবার মনে

হয়, যেন এই চণ্ডীর দাসেরা সকলেই গান করিয়া বেড়াইতেন এবং সকলেই চণ্ডীদাস বলিত। তাহা না বলিলে বড়ু চণ্ডীদাস, দ্বিজ চণ্ডীদাস, কবি চণ্ডীদাস, আদি চণ্ডীদাস, এ সকলের অর্থ হয় না। তাই এক একবার মনে হয়, চণ্ডীর সেবক বাঁহারা গান করিয়া বেড়াইতেন, তাঁহারা চণ্ডীদাস হইতেন। সুতরাং অনেক চণ্ডীদাস থাকিতে পারেন। তাহা হইলে কিন্তু সব দিক সামঞ্জস্য হয়। বড়ু চণ্ডীদাস জয়দেবের আগে, দ্বিজ চণ্ডীদাস ১৪১৫ শতকে; তার পরও হয়ত কেহ চণ্ডীদাস ছিলেন। এক জন আবার আদি চণ্ডীদাস ছিলেন, অর্থাৎ প্রথম চণ্ডীদাস হইয়া গান করিতে বাহির হন। কিন্তু এক চণ্ডীদাসেই রক্ষা নাই, মেলা চণ্ডীদাস হইলে না জানি কি হইবে! এইরূপ নানা চণ্ডীদাস স্বীকার করিলে আর একটি বিষয়েরও সামঞ্জস্য হয়। ঐ যে গোড়ের বাদশাহের বাড়ীতে গান করিতে গিয়া এক জন চণ্ডীদাস মারা যান, তাঁহারও একটা কিনারা হইতে পারে।” পূর্বে বলিয়াছি—রাজা গণেশের পুত্র যত্ন মুসলমান হইয়া জেলালউদ্দীন নাম গ্রহণ করেন, এবং তাঁহার পৌত্র পর্যন্ত বাদশাহ্য বাদসাহী করেন। তাঁহাদের কাহারও রাণী বা বেগম চণ্ডীদাসের কীর্তন শুনিয়া ভুলিয়া থাকিতে পারেন; এবং দ্বিজ চণ্ডীদাসই সেই লোক বলিয়া মনে করা যাইতে পারে।—কখন তিনি কবি চণ্ডীদাস, কখন শুধু চণ্ডীদাস; সুতরাং শাস্ত্রী মহাশয়ের সিদ্ধান্ত, বড়ু চণ্ডীদাস লক্ষ্মণসেনের সময়ে তাঁহার বই লিখিয়াছিলেন, জয়দেব তাঁহার কেতাব অবলম্বন করিয়া গীতগোবিন্দ লিখিয়াছিলেন; এই জন্মই গীতগোবিন্দে তাঁহার রচনার ভাব ও কথা পর্যন্ত মিলিয়া যায়। দ্বিজ চণ্ডীদাস কোন পুঁথি লিখিয়া রাখিয়া যান নাই। তিনি গান রচনা করিতেন এবং কীর্তনও করিতেন। তিনিই রজকিনী রামীকে তাঁহার সাধনাপথের সঙ্গিনী করিয়াছিলেন। বড়ু চণ্ডীদাস হিন্দুরাজ্যে কৃষ্ণকীর্তন লিখিয়া থাকিলে তাহার সহিত দ্বিজ চণ্ডীদাসের কোন সম্বন্ধ নাই; নারুরই বাঁহারা ‘বাসুলী’ সেবক বড়ু চণ্ডীদাসের বাসস্থান বলিয়া সিদ্ধান্ত করিয়াছেন, এবং তাঁহার সহিত রামীর মিলন ঘটাইয়াছেন, তাঁহারা ‘উদোর বোঝা বৃন্দোর ঘাড়ে’ চাপাইয়াছেন। হিন্দু সহজিয়ারা সকলেই রাধা-কৃষ্ণের পদ কীর্তন করেন, শেষে খাটি সহজিয়া হইয়া যান। দ্বিজ চণ্ডীদাসও তাহাই হইয়াছিলেন; এই জন্মই তাঁহার জীবনে ও কবিতায় সহজিয়ার ভাব,

প্রভাব, এবং বিশেষত্ব লক্ষ্য করি। অনন্ত বড়ু নামক চণ্ডীদাসের কৃষ্ণকীর্তন সম্পূর্ণ বিভিন্ন পদার্থ। বড়ু চণ্ডীদাসের রচিত কোন কোন পদে নাম্নুরের মহাকবির রচিত কোন কোন প্রসিদ্ধ পদের ভাবসম্পদের আভাস পাওয়া যায় বটে, কিন্তু তাহা মহাকবি চণ্ডীদাসের রচিত পদ বলিয়া স্বীকার করা যায় না; কারণ নাম্নুরের মহাকবির রচিত শ্রীরাধার পূর্বরাগের পদগুলির পরস্পরের মধ্যে যে শৃঙ্খলা লক্ষিত হয়, তাহা সেই শৃঙ্খলার বহির্ভূত। দৃষ্টান্ত-স্বরূপ আমরা নাম্নুরের মহাকবির নিম্নোদ্ধৃত পদের সহিত অনন্ত বড়ু চণ্ডীদাসের কৃষ্ণকীর্তন হইতে উদ্ধৃত পদটির তুলনা করিতে পারি,—

মহাকবি চণ্ডীদাস গাহিয়াছেন—

‘বঁধু কি আর বলিব আমি ।
 মরণে জীবনে জনমে জনমে
 প্রাণনাথ হৈও তুমি ॥
 তোমার চরণে আমার পরাণে
 বাধিল প্রেমের ফাঁসি ।
 সব সমর্পিয়া একমন হৈয়া
 নিশ্চয় হইলাম দাসী ॥
 ভাবিয়াছিলাম এ তিন ভুবনে
 আর কেহ মোর আছে ।
 রাধা বলি কেহ সুধাইতে নাই
 দাঁড়াব কাহার কাছে ॥
 একূলে ওকূলে গোকূলে দুকূলে
 আপনা বলিব কায় ।
 শীতল বলিয়া শরণ লইলু
 ও দুটি কমল পায় ॥
 না ঠেলহ ছলে অবলা অথলে
 যে হয় উচিত তোর ।
 ভাবিয়া দেখিলু প্রাণনাথ বিনে
 গতি যে নাহিক মোর ॥
 আঁখির নিমেষে যদি নাহি দেখি
 তবে সে পরাণে মরি ।
 চণ্ডীদাস কহে পরশ রতন
 গলায় গাঁথিয়া পরি ॥”

ইহার সমশ্রেণীতে বড়ু চণ্ডীদাসের নিম্নোদ্ধৃত পদটির স্থান হইতে পারে। ইহা বড়ু চণ্ডীদাসের রচিত সর্বশ্রেষ্ঠ পদগুলির অন্ততম। বংশীধ্বনি শুনিয়া শ্রীরাধার আত্মসংবরণের শক্তি বিলুপ্ত হইয়াছে; তিনি আর ধৈর্য ধারণ করিতে না

পারিয়া তাঁহার অন্ততম সহচরী বৃদ্ধা দূতী বড়ায়িকে সম্বোধন করিয়া ব্যাকুল প্রাণে বলিতেছেন—

“কে না বাঁশী বা এ বড়ায়ি কালিনী নই কূলে ।
 কে না বাঁশী বা এ বড়ায়ি এ গোঠ গোকূলে ॥
 আকুল শরীর মোর বেআকুল মন ।
 বাঁশীর শব্দে মো আউলাইলোঁ রাকন ॥
 কে না বাঁশী বা এ বড়ায়ি সে না কোন্ জনা ।
 দাসী হইয়া তার পায়ে নিছিব আপনা ॥
 কে না বাঁশী বা এ বড়ায়ি চিত্তের হরিষে ।
 তার পায়ে বড়ায়ি মৌ কৈলোঁ কোন দোষে ॥
 আঝর বারএ মোর নয়নের পানি ।
 বাঁশীর শব্দে বড়ায়ি হারায়িলোঁ পরাণি ॥”

এই ইহার সহিত নায়িকার পূর্বরাগের পদগুলির ক্রমবিকাশের শৃঙ্খলা ও রসের প্রগাঢ়তা কোথায়? এতদ্ভিন্ন মহাকবি চণ্ডীদাসের রচনার সহিত বড়ু চণ্ডীদাসের রচনার ভাষাগত পার্থক্যও সুস্পষ্ট। তাঁহাদের কোন কোন পদে ভাবের কথঞ্চিৎ সাদৃশ্য থাকিলেও, তাঁহাদের উভয়ের রচনার ভাষাগত ব্যবধান সহসা বিলুপ্ত হইবার নহে। তথাপি বড়ু চণ্ডীদাসের অনেক পদ আধুনিকতার প্রভাব অতিক্রম করিতে পারে নাই; কিন্তু ভণিতাতেই তাহা ধরা পড়ে। বড়ু চণ্ডীদাসের কোন পদে ‘দ্বিজ চণ্ডীদাসের’ বা ‘কবি চণ্ডীদাসের’ ভণিতা নাই; কিন্তু নাম্নুরের মহাকবির রচিত পদের কোন কোনটিতে ‘বড়ু চণ্ডীদাসের’ ভণিতা দেখিতে পাওয়া যায়। এই ‘বড়ু’ হিন্দুরাজত্বের লোক হইতে পারেন না।

চণ্ডীদাসের রচিত পদাবলী আলোচনা করিলে একরূপ অনেক পদ পাওয়া যায়, যাহা ‘দ্বিজ চণ্ডীদাস’ বা ‘কবি চণ্ডীদাসের’ রচিত নহে। সম্ভবতঃ, অনেক অজ্ঞাতনামা পদকর্তা পদরচনা করিয়া তাহা নাম্নুরের মহাকবির নামে চালাইয়া গিয়াছেন; সেকরূপ পদের সংখ্যা খুব বেশী না হইলেও নিতান্ত অল্প নহে, এবং সেই সকল পদ কাহার রচনা, তাহাও জানিবার উপায় নাই।

নাম্নুরের মহাকবি চণ্ডীদাসের রচিত পদাবলী তিন্ন অপর কোন গ্রন্থ আছে কি না, তাহা নিশ্চিতরূপে বলা কঠিন। বঙ্গ-সাহিত্যের যশস্বী সেবক শ্রীযুত আবদুল করিম মহাশয় বত্রিশ বৎসর পূর্বের (১৩০৮ সালের কাষ্ঠিক মাসের) ‘সাহিত্যে’ চণ্ডীদাসের রচিত ‘শ্রীরাধিকার কলঙ্কভঞ্জন’ নামক একখানি গ্রন্থের সজ্জিত পরিচয় প্রদান করিয়াছেন।

এই পুঁথিতে একাধিক স্থানে চণ্ডীদাসের ভণিতা আছে। কিন্তু সেই সময় বঙ্গ-সাহিত্যে এ কালের মত চণ্ডীদাসের প্রসঙ্গে আলোচনা আরম্ভ হয় নাই; এই জন্ত করিম সাহেব লিখিয়াছিলেন, “নামের সাদৃশ্য মাত্র দেখিয়াই কোন গ্রন্থ বা পদবিশেষকে কোন স্বনামপ্রসিদ্ধ মহাজনের বলিয়া বিবেচনা করা স্মৃতিসঙ্গত নহে। এমন হইতে পারে—ঐ নামের অল্প কবিও ছিলেন। আবার তখন তখন অনেক নগণ্য ব্যক্তি নিজে কিছু রচনা করিয়া কোন প্রসিদ্ধ মহাত্মার ভণিতা দিয়া তাহা চালাইয়া দিবার চেষ্টা করিতেন। এই ‘কলঙ্কভঞ্জন’ সম্বন্ধেও আমাদের মনে সেরূপ সংশয়ের উদয় না হইতেছে, এমন নহে।...এই গ্রন্থখানি পাওয়া যাইতেছে চট্টগ্রামে, আর চণ্ডীদাসের জন্মস্থান হইতেছে বীরভূমে। পূর্ববঙ্গের এক জন কবি বীরভূমের এক জন কবির ভণিতা দিয়া গ্রন্থ চালাইয়া দিবার জন্ত প্রলুব্ধ হইতে পারেন কি না, ইহা বিচার করিয়া দেখা উচিত। অমুসন্ধান কবিলে বীরভূমে বা তন্নিকটবর্তী স্থানেও যে ইহা মিলবে না, এ কথাই বা কে বলিল?”

কিন্তু বিষয়ের কথা এই যে, বহু-প্রাচীন হিন্দুরাজত্বকালের কবি ‘বড়ু চণ্ডীদাস’-রচিত শ্রীকৃষ্ণ-কীর্তনের গ্রন্থ ‘কলঙ্কভঞ্জন’ও প্রথম কয়েক পাতা পাওয়া যায় নাই। শ্রীকৃষ্ণের কপট মুচ্ছাপনোদনের জন্ত যমুনা হইতে রক্ষ্ময়ী কলসী করিয়া বারি আনয়ন এই গ্রন্থের প্রতিপাত্ত বিষয়। ১১৮২ মধী তারিখ—১৮ই ফাল্গুন, বুধবার বৈকাল বেলা এই পুঁথির নকল শেষ হইয়াছিল। কিন্তু ইহা নানুরের মহাকবি রচিত কি না, তাহা নির্ণীত হয় নাই। তবে করিম সাহেব প্রাচীন কীটদষ্ট কাগজের মধ্যে চণ্ডীদাসের ভণিতাযুক্ত একটি পদ আবিষ্কার করিয়াছিলেন, তাহা নানুরের চণ্ডীদাসের সংগৃহীত পদাবলীর মধ্যে পাওয়া যায় নাই। সেই পদটি নিম্নে উদ্ধৃত হইল—

‘সুখের সাগরে দুঃখ উপজিল
ভাঙ্গিল যৌবন মোর।
আপনা জানিয়া পিরীতি করিলাম
বন্ধুয়া হইল পর ॥
সুজন দেখিয়া পিরীতি করিলাম
কুজন বোলিবে কে।
অমৃত বলিয়া গরল ভখিলাম
টলিয়া পড়িহু সে ॥

আপনা ভাবিয়া পিরীতি করিলাম
পর কি আপনা হয়।
মিছা প্রেম করি কাঁদি কাঁদি মরি
দ্বিজ চণ্ডীদাস কয় ॥”

সুদূর চট্টগ্রামের পল্লীপ্রান্তে এই পদ বহু পুরাতন কীটদষ্ট কাগজের তাড়া হইতে সংগৃহীত হইয়াছে; কিন্তু ইহা নানুরের মহাকবি চণ্ডীদাসের রচিত পদ কি না, তাহা ব্রিবিবার উপায় নাই। হয় ত’ ইহা কোন নকল চণ্ডীদাসের পদ। নানা স্থানে এইরূপ চণ্ডীদাসের ভণিতাযুক্ত অনেক পদ বিক্ষিপ্ত ভাবে সংগৃহীত থাকিতে দেখা যায়। তাহাদের কোন কোনটিতে চণ্ডীদাসের কণ্ঠের ক্ষীণ প্রতিধ্বনিও শুনিতে পাওয়া যায় বটে; কিন্তু ভাবমাধুর্যের, বাস্তবের কমনীয়তা এবং সর্বোপরি রসের প্রগাঢ়তার অভাবে তাহা চণ্ডীদাসের রচিত বলিয়া নির্বিচারে গ্রহণ করা কঠিন। বিশেষতঃ, যখন প্রতিপন্ন হইতেছে যে, একাধিক চণ্ডীদাস এ দেশে বর্তমান ছিলেন। দক্ষিণাঙ্গন বাবু বন-বিষ্ণুপুরের কাম-কলাকুশল একাধিক আধুনিক লেখককে শ্রীকৃষ্ণ-কীর্তনের রচয়িতা বলিয়া নির্দেশ করিয়াছেন। পূজনীয় শাস্ত্রী মহাশয় সিদ্ধান্ত করিয়াছেন—উহা অনন্ত নামক বড়ু চণ্ডীদাসের রচনা—তিনি হিন্দু-রাজত্ব কালের কবি। অথচ রায় বাহাদুর শ্রীযুত যোগেশ বাবু উহার আধুনিকতায় নিঃসন্দেহ। এ অবস্থায় আমরা উহা নানুরের মহাকবি দ্বিজ চণ্ডীদাস, চণ্ডীদাস বা কবি চণ্ডীদাসের কামগন্ধহীন প্রেমমহিমামণ্ডিত, আত্মত্যাগের গোরবসমুজ্জল পদাবলী বলিয়া স্বীকার করিতে পারি না। কৃষ্ণ-কীর্তনের রচয়িতা অনন্ত বড়ু চণ্ডীদাসের কোন পরিচয় এ পর্য্যন্ত জানিতে পারা যায় নাই। কিন্তু উহার কবিতায় বন-বিষ্ণুপুরের প্রভাব সুস্পষ্ট।

মহাকবি চণ্ডীদাসের পদের অমুকরণে কতকগুলি পদ দেখিতে পাওয়া যায়, তাহাতে “দীন” চণ্ডীদাসের ভণিতা আছে; কোন কোন পদে “দীনহীন” চণ্ডীদাসেরও সন্ধান পাই। ইনি ভিন্ন কবি বলিয়াই অমুমান হয়। বৈষ্ণব-সাহিত্যে সুপণ্ডিত শ্রীযুক্ত হরেকৃষ্ণ মুখোপাধ্যায় মহাশয়ের সংগৃহীত প্রমাণে নির্ভর করিয়া বলা যায়—সহজ ভজনের পদ, রাগাঙ্কিকা পদ, শ্রীকৃষ্ণের জন্মলীলা, রাধিকার কলঙ্কভঞ্জন, চৌত্রিশ পদ বা চিত্র পদাবলী, এবং আরও কয়েকটি (কীর্তনের) পদ ইহার রচিত। ‘ত্রিনির্ঘাস’ নামে ইহার একখানি সহজ-সাধনের

পুথিও আছে। ইনি নরোত্তম ঠাকুরের শিষ্য এবং ইহার রচিত 'নরোত্তম-বন্দনা' পাওয়া গিয়াছে।— কিন্তু নাম্নুরের মহাকবিই আমাদের একমাত্র লক্ষ্য; এ অল্প অল্প চণ্ডীদাসের রচিত পদের আলোচনা দ্বারা আমরা এই গ্রন্থের কলেবর বর্দ্ধিত করিতে উৎসুক নহি। বঙ্গসাহিত্যে মহাকবি চণ্ডীদাস ব্যতীত একাধিক চণ্ডীদাসের অস্তিত্ব বর্তমান আছে, ইহা প্রতিপন্ন করাই এই প্রসঙ্গের উদ্দেশ্য।

বস্তুতঃ, অনেক কবির রচিত পদাবলীই মহাকবি চণ্ডীদাসের রচিত পদ বলিয়া চলিয়া আসিয়াছে, এবং অনেকে ভ্রমক্রমেই অল্প কবির পদাবলী নাম্নুরের মহাকবির স্বন্ধে আরোপ করিয়াছেন, তাহার প্রমাণেরও অভাব নাই।

'শ্রীকৃষ্ণকীর্তন' যে নাম্নুরের মহাকবি চণ্ডীদাসের বিরচিত নহে, ইহার সর্বপ্রধান প্রমাণ,—নাম্নুরের মহাকবি প্রেমের উপাসক, তাঁহার পদাবলীতে তিনি নিজাম নিঃস্বার্থ প্রেমেরই মহিমা প্রচার করিয়াছেন; আর 'শ্রীকৃষ্ণকীর্তন'র লেখক অনন্ত বড়ু চণ্ডীদাস নাম গ্রহণ করিলেও রচনার বহু স্থানে উদ্দাম কামের কলাকৌশল প্রচার করিয়াছেন; এতদ্ভিন্ন শ্রদ্ধেয় শ্রীযুক্ত যোগেশচন্দ্র রায় ঐ গ্রন্থ হইতে কয়েকটি পদ উদ্ধৃত করিয়া প্রতিপন্ন করিয়াছেন, সকল পদ এক সময়ের বা এক কবির লেখা নহে; দক্ষিণা বাবুও সেই কথাই বলিয়াছেন। এই কবি সাঁওতাল পরগণার নিকটে ছিলেন। কিন্তু ইহা হিন্দুরাজত্ব কালে লিখিত হইয়া থাকিলে ইহাতে যাবনিক শব্দের এত বাড়াবাড়ি কেন? সুতরাং 'পুথিখানা অপেক্ষাকৃত আধুনিক হইয়া পড়ে। কোন্ কুল সামলান যাইবে?'—যোগেশ বাবুর এই প্রশ্নের উত্তর আছে কি? শাস্ত্রী মহাশয় বলেন, জয়দেবই এই অনন্ত বড়ুর রচনার অনুকরণ করিয়াছিলেন। যোগেশ বাবু বলেন, তিনিই জয়দেবের পদ চুরি করিয়াছিলেন। (জয়দেবের স্থানীয়) "কোন বড়ু কবি অল্প কবির পদ এমন চুরি করেন কি?"—হুই পণ্ডিতের কাহার সিদ্ধান্ত সত্য? যোগেশ বাবু লিখিয়াছেন—(সাহিত্য-পরিষৎ-পত্রিকা বৈশাখ ১৩২৬) "অনন্ত কিংবা আর কেহ নাম্নুরের চণ্ডীদাসের এবং অপর কবি ও গায়কের পদ একত্র করিয়া কিংবা সেই চণ্ডীদাসের পদের সহিত মিশাইয়া, নিজে পদ গাঁথিয়া চণ্ডীদাসের নামে বিকাইয়া গিয়াছিলেন। অর্থাৎ কৃষ্ণকীর্তন চণ্ডীদাসের ভাঙ্গা পালা। ইহাতে চণ্ডীদাসের ভাষা ও ভাব আছে কি নাই; আছে মাত্র ভণিতা,

যাহাতে তাঁহার অনুকারক ও অপহারক ধন হইয়া গিয়াছেন।...পদাবলীর চণ্ডীদাস ও কৃষ্ণকীর্তনের চণ্ডীদাস এক ব্যক্তি বলিতে পারা যাইতেছে না। মনে করি, প্রাপ্ত পুথি অনন্ত নামা গায়নের পুথি। তিনি নাম্নুরের চণ্ডীদাসের ও অল্প কবির (যেমন জয়দেবের) পদ লইয়া নিজের ও শ্রোতার কৃচি অনুসারে অনেক পদ নিজে রচিয়া গানের পালা বাঁধিয়াছিলেন।...যেমন এক কৃষ্ণবাসের নামে বহু কবি তরিয়া যাইতেন, অনন্ত ও আরও অনেক কবি চণ্ডীদাসের ভণিতার মাহাত্ম্যে লোক-সমাজে প্রতিষ্ঠালাভ করিয়াছিলেন। অতএব দেখা যাইতেছে, তদ্বজ্ঞ ও সুপণ্ডিত যোগেশ বাবুও 'কৃষ্ণকীর্তন' নাম্নুরের মহাকবির রচনা বলিয়া স্বীকার করিলেন না; তিনিও বসন্ত বাবুর সিদ্ধান্ত সত্য বলিয়া গ্রহণ করিতে অসমর্থ।

বস্তুতঃ, যে দিক হইতেই দেখা যাউক, ইহা সুস্পষ্টরূপে প্রতিপন্ন হইয়াছে যে, একাধিক ব্যক্তি নাম্নুরের মহাকবি চণ্ডীদাস নামের টিকিট কপালে আঁটিয়া খ্যাতিলাভের অল্প সাহিত্যের দরবারে প্রবেশ করিয়াছিলেন। তাহাতে নাম্নুরের মহাকবির মহিমা ক্ষুণ্ণ হয় নাই বটে, কিন্তু সেই সকল নকল-নবিশের মেকি পদগুলি বাছিয়া ফেলিয়া মহাকবির রচিত পদগুলিকে ভেজালহীন ভাবে একত্র গ্রথিত করা অত্যন্ত দুর্কর কার্য। 'বসুমতী-সাহিত্য-মন্দিরের' একনিষ্ঠ পুরোহিত যদি এ বিষয়ে কৃতকার্য হইয়া থাকেন, তাহা হইলে চণ্ডীদাসের অগণ্য ভক্তের—তাঁহার চিরমধুর পদামৃত-ধারা-লিপ্সু অসংখ্য নর-নারীর হৃদয় পরিতৃপ্ত হইবে।

ষষ্ঠ অধ্যায়

বাসুলী ও সহজিয়া মত

বড়ু চণ্ডীদাস 'সাঁহার চরণ শিরে বন্দিয়া' গান গাহিয়াছেন, তিনি 'বাসুলী।' কিন্তু নাম্নুরের মহাকবি চণ্ডীদাস সাঁহার আদেশে পদ রচনা করিয়াছেন—তিনি 'বাসুলী' বা বাসুলী। এই বাসুলী কে? চণ্ডীদাসের পদাবলী পাঠ করিয়া পাঠক-সাধারণের ধারণা হইয়াছিল—বাসুলী ও বিশালাক্ষী অভিন্ন। তিনি নিত্যার সহচরী। স্বর্গীয় হরপ্রসাদ শাস্ত্রী মহাশয় বাসুলীর পরিচয় উপলক্ষে বলিয়াছেন, বৌদ্ধদের এক দেবীর নাম নিত্যা বোড়শী। এই দেবীর বোল জন সহচরী ছিল।

বস্তুতঃ, সহজধান বৌদ্ধধর্ম-মত ; ইহার মূখ্য অঙ্গ পরকীয়া-সাধন। রাজা ধর্মপালের সময়ে বৌদ্ধদিগের মধ্যে একটি মত প্রবর্তিত হইয়াছিল, তাহা 'মহাসুখবাদ' নামে পরিচিত। এই মতাবলম্বী বৌদ্ধেরাই সহজিয়া বৌদ্ধ। ইহাদের বিশ্বাস, বুদ্ধ হইলে কেবল যে অনির্কচনীয় সৎ ও চিৎ হইবে, এরূপ নহে, অনির্কচনীয় সুখও তিনি ; এই জগুই তিনি সচ্চিদানন্দ। এই সহজধর্ম অতি পুরাতন। খৃষ্টীয় অষ্টম শতাব্দীতে অর্থাৎ সহস্রাব্দিক বৎসর পূর্বে বৌদ্ধ সিদ্ধাচার্য্য লুইপাদ ইহা প্রচারিত করিয়াছিলেন। ইনি বাঙ্গালী ছিলেন। উড়িষ্যারাজ ইন্দ্রভূতিব কন্যা লক্ষ্মীকর 'অনুয়সিদ্ধি' নামক একখানি পুথি লিখিয়াছিলেন, তাহা সহজধর্মের তত্ত্বকথায় পূর্ণ। তাহার মর্ম এই যে, দেহেরই পূজা এবং ধ্যান কবিবে। যাহাতে দেহের সুখ ও আনন্দ হয়, তাহাই কর্তব্য। যোষিৎ হইতে যে আনন্দ, তাহাই সকল আনন্দ অপেক্ষা শ্রেষ্ঠ। যোষিৎ-সম্বন্ধে জাতিবিচার নাই। এক বা দুই যোষিতে আবদ্ধ থাকাও নিষ্পয়োজন। সহজিয়া বৌদ্ধগণ বৈষ্ণব হইলে তাহারা সহজিয়া বা 'সহজে' বৈষ্ণব নামে পরিচিত হয়। এখনও ইহারা এই নামেই খ্যাত। ইহারা চণ্ডীদাস, বিদ্যাপতি, স্বরূপ ও রমানন্দকে পূর্বাচার্য্য বলিয়া স্বীকার করে।

শ্রীযুক্ত হরেকৃষ্ণ মুখোপাধ্যায় মহাশয় বৈষ্ণব-পদাবলীতে অভিজ্ঞ ব্যক্তি ; তিনি সহজিয়া ভক্তের আলোচনায় যথেষ্ট পরিশ্রম করিয়াছেন। তাঁহার আলোচনা হইতে জানিতে পারি, বৈষ্ণব সহজিয়াগণ বলেন, তাঁহাদের আদিগুরু স্বরূপ-দামোদর ; স্বরূপের শিষ্য রূপ গোস্বামী, রূপের শিষ্য রঘুনাথ দাস ; দাস গোস্বামীর শিষ্য কৃষ্ণদাস কবিরাজ ; কবিরাজ গোস্বামীর শিষ্য সিদ্ধ মুকুন্দদাস। মুকুন্দদাসের চারি শিষ্য হইতে আউল, বাউল, সাএণী ও দরবেশ, এই চারি শ্রেণীর উদ্ভব হইয়াছে। সিদ্ধ মুকুন্দদাসই ইহাদের ধর্মব্যাপ্যাতারূপে সম্মানিত হইয়া থাকেন। সহজধর্মের সূত্রের পুথিগুলি মুকুন্দদাসেরই বিরচিত। সহজ-ধর্ম 'নব-রসিকের ধর্ম' নামে পরিচিত। বিষ্ণুগঙ্গল, জয়দেব, চণ্ডীদাস, বিদ্যাপতি এবং কবি রায়শেখর এই পাঁচ জন 'রসিক' নামে পরিচিত।

শ্রীচৈতন্যদেবের সম্প্রদায়ের মধ্যে এই সহজ-সাধনা কঠোর ভাবে নিষিদ্ধ হইয়াছিল। কিন্তু কতকগুলি বাঙ্গালী বৌদ্ধ সহজিয়া নাম গ্রহণ করিয়াছিল, এবং পরে অনেক লোক এই সম্প্রদায়ে প্রবেশ করিয়াছিল। শ্রীচৈতন্যদেবের অনুসরণে

যে কয়েকটি সম্প্রদায়ের সৃষ্টি হইয়াছে, তাহাদের মধ্যে একটি দলের প্রতিষ্ঠাতা অদ্বৈত আচার্য্য ; দ্বিতীয় দলের নরনারীবর্গ নিত্যানন্দের ভক্ত। সহজিয়া দল এই সম্প্রদায়ের অন্তর্ভুক্ত। শ্রীখণ্ডের নরহরি ঠাকুরের দলকে তৃতীয় দলে ফেলিতে পারা যায়। সহজিয়া দল সাধারণতঃ 'গ্রাডা-নেড়ীর দল' বলিয়া পরিচিত। এখন ইহাদের নৈতিক অধঃপতনের সীমা নাই। চণ্ডীদাস ও রামীর শিক্ষাম সাধনা, কামগন্ধহীন প্রেম এক দিন বৈষ্ণব-ধর্ম-জগতে যে আদর্শ স্থাপন করিয়াছিল, বর্তমান কালের সহজিয়ারা তাহা হইতে কত দূরে আসিয়া কোন্ পুতিগন্ধময় নরকে আকর্ষণ নিমজ্জিত হইয়াছে, তাহা আলোচনার যোগ্য নহে।

সহজিয়া মত বর্তমানে ব্যবহার-দোষে শিক্ষিত সমাজের এবং নিষ্ঠাবান্ ভক্তগণের সহানুভূতি ও শ্রদ্ধা হারাইলেও, অতি প্রাচীন কালে ১০ শতকে নাথপেছের ৮৪ সিদ্ধ-পুরুষের অন্ততম সিদ্ধ-পুরুষ নাট পণ্ডিত ও তদীয় পত্নী বঙ্গদেশে যে সহজমত প্রচার করিয়াছিলেন, তাহার আদর্শ অতি উচ্চ ও গভীর ভক্তিমূলক ছিল বলিয়াই মনে হয়। এই মত সমগ্র ভারতের বিভিন্ন অংশে বিভিন্ন ভাবে প্রচলিত ছিল। মধ্যযুগের বিভিন্ন কবি, এমন কি, সুবিখ্যাত কবীর প্রভৃতির রচিত কবিতায় সহজভাবের প্রতিধ্বনি শুনিতে পাওয়া যায়। কেহ কেহ বলেন, অথর্ব বেদেও সহজভাবের উক্তি দেখিতে পাওয়া যায় ; কিন্তু আমাদের এ বিষয়ে প্রত্যক্ষ জ্ঞানের অভাব। সহজিয়া মত বর্তমান কালে নিন্দনীয় হইলেও, মহাকবি চণ্ডীদাস যে ভাবে ইহা আলিঙ্গন করিয়াছিলেন, তাহা লজ্জাজনক বা হীন বলিয়া মনে করিবার কারণ নাই। ইহারা মহাকবি চণ্ডীদাসকে রামীর প্রভাব-মুক্ত করিবার উদ্দেশ্যে লেখনী ধারণ করিয়াছেন, তাঁদের চেষ্টা সফল হইবে না। রামায়ণ হইতে সীতাকে বাদ দেওয়ার মত চণ্ডীদাস হইতে রামীকে বাদ দেওয়া হাত্তোদ্দীপক। সেই চেষ্টা ধৃষ্টতামাত্র।

সহজিয়া মত এ দেশের জনসাধারণে কিরূপ সমাদৃত হইয়াছিল, তাহার মূল তত্ত্বও স্বর্গীয় হরপ্রসাদ শাস্ত্রী মহাশয়ের রচনাপাঠে জানিতে পারি। তিনি বলেন,—সহজজ্ঞানে গুরুর উপদেশই লইতে হয়। ইন্দ্রিয় নিরোধের চেষ্টা করা বৃথা, কঠোর ব্রত-ধারণের চেষ্টা বৃথা, পাপ-পরিহারের চেষ্টা বৃথা, কঠিন নিয়ম পালনও বৃথা। মানুষমাত্রেরই পঞ্চকাম উপভোগ করিয়া পাপপুণ্যে লিপ্ত হয় ; কিন্তু যখন

বজ্রগুরু উপদেশ দেন, সবই শূন্য, কিছুই স্বভাব নাই, তখনই সহজিয়ারা পাপপুণ্যে লিপ্ত না হইয়া পঞ্চকাম উপভোগ করে। মহাসুখলাভে সহজিয়াদের অবস্থা যেরূপ সর্বসুখসমাচ্ছন্ন হয়, তাহা ভাষায় প্রকাশ করা অসাধ্য। শরীর যখন সংস্কৃতে মুচ্ছিত হয়, তখন ইন্দ্রিয় সকল যেন ঘুমাইয়া পড়ে, মন মনের ভিতর প্রবেশ করে; শরীর সম্পূর্ণ নিশ্চেষ্ট ভাব ধারণ করে।

এই সহজ মত (যাহা কিছুমাত্র কঠিন নহে) সাধারণ লোককে একেবারে মাতাইয়া তুলিয়াছিল। যদি বিনা কষ্টে ধর্মসাধনা হয়, তবে সে রকম মজার ধর্ম কাহার অপছন্দ হইবে? কে তাহা না চাহিবে? লোকে যাহা চাহে, সহজিয়াদের নিকট তাহাই পাইল। কেবল গুরুর উপদেশ লইলেই সাত খুন মাফ। সহজিয়ারা এই মত প্রচারের জন্ত নানা ভাবে চেষ্টা করিতে লাগিল; তাহারা মিশনারীদের মত হাটে মেলায় বক্তৃতা করিত বা করিত না, তাহা জানা নাই; তবে নানা রাগ-রাগিণীতে এই মত-প্রকাশক গান গাহিয়া বেড়াইত, এবং সেই সকল গানে দেশের সাধারণ লোক মাতিয়া উঠিত, মজিয়া যাইত। তাহারা একতারা, মাদল, ডমরু, গোপীযন্ত্র (সাধারণ ভাষায় 'গাব-গুবাগুব'), ডুগি, ও খঞ্জনী লইয়া গান করিত। শাস্ত্রী মহাশয় ঢোলের কথাও শুনিয়াছেন; ঝুমুর গানে ঢোল ব্যবহার হয় শুনিয়াছি। ঝুমুর ত সহজিয়াদেরই গান; প্রমাণ বাসলীগণ, অনন্ত বড় চণ্ডীদাসের কৃষ্ণকৌর্টন।

সহজিয়াদের ব্যবহৃত অনেকগুলি রাগ এ কালেও সক্রীর্ণনে ব্যবহৃত হইতেছে,—যথা—রাগ পটমঞ্জরী, রাগ বরাড়ী, রাগ গুঞ্জরী, রাগ শীরবী, রাগ কামোদ, রাগ রামশ্রী প্রভৃতি। সহজিয়াদের গান সন্ধ্যা-ভাষায় রচিত হইত। এই সন্ধ্যা-ভাষার অর্থ আধা-আলো আধা-আঁধারের ভাষা। আমরা যাহাকে দ্ব্যর্থপূর্ণ ভাষা বলি, তাহাই; উপরে প্রত্যেক কথা মিলাইয়া এক অর্থ, আর ভিতরে অন্য প্রকার গূঢ় অর্থ। অথচ আমরা যাহাকে রূপক বলি—ঠিক তাহা নহে। তাহাদের এই সন্ধ্যা-ভাষার অর্থ আমরা বুঝিতে পারি না, তাহা বুঝিবার জন্ত রীতিমত শিক্ষার প্রয়োজন; সেই শিক্ষা দেহঘটিত নানা প্রকার তত্ত্বজ্ঞানের উপর নির্ভর করে। যেন তাহা আধ্যাত্মিক 'এনাটমি'। সে অত্যন্ত দুর্বোধ ব্যাপার।

সহজধর্মের গুরুরা সংস্কৃত 'বজ্রগুরু' নামে পরিচিত ছিলেন; বাঙ্গালায় তাঁহাদের নাম ছিল

বাজ্রজ-বজুল ও বজ্রগু। ইহারা যে ভেক ধারণ করিতেন, অনেক সাধারণ বৈরাগী তাহার অনুকরণ করে; ইহারা দাড়িগোফ রাখিতেন না; কিন্তু মাথায় লম্বা চুল রাখিতেন, আলখেলা ব্যবহার করিতেন, এবং বর্তমান কালের আউলদের মত গান গাহিয়া বেড়াইতেন। কখন কখন তাঁহারা সিদ্ধাচার্য্য নামে অভিহিত হইতেন, এবং সাধারণের ধারণা ছিল, তাঁহারা নানা রকম অলৌকিক কাজ করিতে পারিতেন।

লুইএর কথা পূর্বেই বলিয়াছি। রাঢ় অঞ্চলে যাহারা ধর্মঠাকুরকে মানে, তাহাদের অনেকে লুইকে মানে। তাহারা লুইএর মানত করিয়া পাঁঠা ছাড়িয়া দেয়, এবং লুইপূজার দিন পাঁঠা বলি দেয়। লুইএর বংশে কেহ কেহ সিদ্ধাচার্য্য হইয়া বাঙ্গালায় গান লিখিয়াছিলেন। সিদ্ধাচার্য্যগণ ও তাঁহাদের চেলারা সমাজে অসাধারণ প্রভাব-প্রতিপত্তি আয়ত্ত করিয়াছেন। একেই ত তাঁহাদের অনুষ্ঠিত ও প্রচারিত ধর্ম অতি সহজ, মানুষের প্রার্থনায় তাঁহারা কল্পতরু ছিলেন; তাহার উপর নানা বাতের সঙ্গে নানা সুরে নানান রকম গানে তাঁহারা ভজাইতেন, 'বাপু হে, সবই ত শূন্য, সংসারও শূন্য, নির্মাণও শূন্য—তবে কেবল আমার আমার রব, ও কেবল ধোঁকা। এই ধোঁকার পশরা নামাইয়া দেখ, কিছুই কিছু নয়; সুতরাং আনন্দ কর। আনন্দই শেষ থাকিবে। আদিত্যে, মধ্যে, শেষে—সর্বত্র আনন্দ।'

এই দুঃখ-কষ্টের সংসারে এত আনন্দের ছড়াছড়ি—এ কথা শুনিয়া কি সাধারণে স্থির থাকিতে পারে? এই প্রলোভনে দেশের লোক মাতিয়া উঠিয়াছিল। যাহারা এই ভাবে সমাজের সকল স্তরের লোক নাচাইয়াছিলেন, তাঁহারা খুব ক্ষমতা-শালী পুরুষ ছিলেন, তাঁহারা মানুষের মনের উপর প্রভাব বিস্তার করিতে জানিতেন। তাঁহারা গুরুগিরি করিয়া বেশ সম্মান, প্রতিপত্তি, প্রতিষ্ঠা লাভ করিয়াছিলেন; কিন্তু তাঁহাদের চেলাদের কি পরিণাম হইবে—আনন্দের আতিশয্যে তাহা বোধ হয় তাঁহারা চিন্তা করেন নাই। কিন্তু আজ তাঁহাদের চেলাদের কি অবস্থা, উপরে তাহার কিঞ্চিৎ ইঙ্গিত করিয়াছি।

ইহাদের দ্বারা বঙ্গ-সাহিত্যের যে হিত ও উন্নতি সাধিত হইয়াছে, তাহা অস্বীকার করিবার উপায় নাই। তাঁহারা বঙ্গ-ভাষাকে সতেজ, সরল, মধুর ও ভাবরসিক করিয়া গিয়াছেন। তাঁহাদেরই চেষ্টার

ফলে বঙ্গ-ভাষা বৌদ্ধ-জগতে উচ্চ স্থান অধিকার করিয়াছে।

সহজ মতের গুরুরা যে ধর্ম প্রবর্তিত করিয়া গিয়াছেন, তাহাই এখনও চলিতেছে; তবে ইহা রূপান্তরিত হইয়াছে। পূর্বে সহজিয়ারা আপনাদেরই সহজ ভাবে মন্ত থাকিতেন, এখন তাঁহারা দেবতাদের সহজ ভাবে ভোর হইয়া থাকেন।

সহজিয়াগণ বলেন,—

“টলে বীজ অটলে ঈশ্বর।

মাঝে মাঝে খেলা করে রসিকশেখর ॥”

কাহার সাধ্য এই তত্ত্বের ব্যাখ্যা করিবে?

সন্ধ্যা-ভাষার আর একটি কবিতা বা হেমালী উদ্ধৃত করিতেছি,—

ব্রহ্মাণ্ডের মাঝে দেখ আছে এক বৃক্ষ।

তাহাতে আছে সব দেবের সে লক্ষ্য ॥

তিন মূল, চারি রস, পাতা তার দশ।

নয় কটা শত ছাল, দুই ফল পাঁচ ডাল ॥

তাথে থাকে দুটি পক্ষ।

একটি খায়, আরটি ভক্ষ্য ॥

একটি ভাবে আরটি থাকে।

সুখ পায় তারা অমৃত ভক্ষ্যে ॥

ভিন্ন হঞা চরে যবে।

জালে বন্দী হয় তবে ॥” ইত্যাদি—

কোন্ বিশ্বপণ্ডিত এই হেমালির অর্থ আবিষ্কার করিবেন?

ক্ষ্যাপাচাঁদ আউলের আর একটি গান বিখ্যাত; তাহার প্রথমংশ এইরূপ,—

“গাছের নাম চম্পক কলি পাতার নাম তার হেম।

এক ডালে তার রসের কলি, আর ডালে তার প্রেম ॥

আকাশে শিকড় তার জমিন পানে ডাল।

ফুল ছাড়া ফল তার পাতা ছাড়া ডাল ॥”

এই প্রসঙ্গে লালন ফকিরেরও একটি গানের কথা মনে পড়ে,—

“এক দিনও না দেখিলাম তারে,

আমার মনের মাঝে আরসি-নগর,

তাতে এক পড়সী বসত করে ॥” ইত্যাদি।

কাঙাল হরিনাথের অনেক গানেও সহজিয়া ভাবের প্রতিধ্বনি শুনিতে পাই। এমন কি, বিশ্বকবির রচিত অনেক পদে আলো-অন্ধকারের অভাব নাই।

পূর্বে বলিয়াছি, সহজিয়ারা আউল, বাউল, সাঁই, দরবেশ—এই চারি সম্প্রদায়ে বিভক্ত; কিন্তু বঙ্গদেশে ইহাদের কতকগুলি উপদল আছে—সেই দলগুলি গৌরবাদী, কর্তাভজা, সাহেবধনী, হাজরাটী, গোবরাই, পাগলনাথী, সখীভাবক, স্পষ্টদায়ক, কিশোরীভজনী, রামবল্লভী, জগন্মোহিনী নামে পরিচিত।

আউল, বাউল, নেড়া ও সহজিয়া বিশ্বাস করে,— রাধা ও কৃষ্ণ এই মহুয়া-দেহেই বিরাজ করিতেছেন। নর-নারীর প্রেমের ভিতর দিয়াই তাহা উপলব্ধি করিতে হয়। ইহারা প্রতিমার পূজা করে না, উপবাসও করে না; কিন্তু আমরা অনেক বাউল ও নেড়া-নেড়ীকে, রাধাকৃষ্ণের মূর্তির সম্মুখে মাথা নোরাইতে দেখিয়াছি। ইহাদের সকলেরই ভজনসাধনের প্রণালী পৃথক।

গৌরবাদীরা শ্রীচৈতন্যদেবের মূর্তি পূজা করে এবং তাঁহাকে একাধারে রাধাকৃষ্ণের অবতার বলিয়া মানিয়া থাকে।

দরবেশদের উপাসনা-মন্ত্রে মহম্মদ, আল্লা, খোদা প্রভৃতি নাম বর্তমান। কিন্তু দরবেশদের মধ্যেও শ্রেণীবিভাগ আছে। বলরামী সম্প্রদায়ভুক্ত সাধকেরা সাধারণতঃ দরবেশ নামেই পরিচিত। তাহাদের অনেক গানে সহজিয়াদের পদের প্রভাব লক্ষিত হয়; কিন্তু তাহারা রাধাকৃষ্ণের উপাসক নহে, সাকার উপাসনার বিরোধী। তাহারা তাহাদের গুরু বলরামেই ঈশ্বরত্বের আরোপ করে।

সাঁই সম্প্রদায়ের সহজিয়ারা মাংসাশী; অধিক কি, গোমাংসও তাহারা নিষিদ্ধ মনে করে না। ইহাদের মধ্যে পানদোষেরও অভাব নাই। ইহাদের উপর তান্ত্রিক মতের যথেষ্ট প্রভাব লক্ষিত হইয়া থাকে।

কর্তাভজাদলের প্রতিষ্ঠাতা আউলচাঁদ; তাহারা তাঁহাকে শ্রীকৃষ্ণ ও চৈতন্যদেবের অবতার বলিয়া বিশ্বাস করে।

রামবল্লভীরা সকল শাস্ত্রই বিশ্বাস করে, এবং তাহাদের উৎসবের সময় গীতা, কোরাণ, বাইবেল, সকল ধর্মশাস্ত্রই পঠিত হয়। ইহাদের মধ্যে সর্ব-ধর্ম সন্থয়ের চেষ্টা দেখিতে পাওয়া যায়; কিন্তু ইহাদের উপর সহজিয়া মতের প্রভাব অল্প নহে।

জগন্মোহিনী সম্প্রদায়ের উপর বৌদ্ধ ধর্মের প্রভাবই প্রবল। ইহারা সাকার উপাসনার বিরুদ্ধ-মতাবলম্বী, ইহারা ব্রহ্মার নাম-কীর্তন করে, ইহাদের ধর্ম-সঙ্গীতের নাম ‘নির্কাণ-সঙ্গীত।’

সুতরাং বর্তমান সহজিয়া মতের আলোচনা করিলে তাহাদের বিভিন্ন সম্প্রদায়ের উপর হিন্দুধর্ম, বৌদ্ধধর্ম, বৈষ্ণবধর্ম, তান্ত্রিক মত, মুসলমানধর্ম, এমন কি, খৃষ্টধর্মের প্রভাবও অস্বাভাবিক পরিমাণে পরিলক্ষিত হয়। সহজিয়ারা শাক্তমতের ভক্ত নহে, এবং শাক্তেরা ইহাদিগকে নিকটে ঘেষিতে দেয় না। এই অশিক্ষিত, অমার্জিত ধর্ম-সম্প্রদায়ে যে সর্ব-ধর্ম-সমন্বয়ের ভাব বিরাজিত, তাহা একালের শিক্ষিত সম্প্রদায়েও বিরল। ধর্মনীতি সম্বন্ধে ইহাদের এই উদারতা প্রশংসনীয়; কিন্তু ভক্তিভাব ও বিশ্বাস প্রবল হইলেও, বিভিন্ন সম্প্রদায়ের সহজিয়ারা শিক্ষার অভাবে নানা কুপ্রথা ও কুসংস্কারে আচ্ছন্ন হইয়া পড়িয়াছে, এবং বাহাডুস্বরপূর্ণ আচার-অনুষ্ঠানের অনুসরণ করিয়া শিক্ষিত সমাজের অদৃষ্টি-ভাজন হইয়াছে; কিন্তু ইহাদের কোন সম্প্রদায়ে ভাল লোকের অভাব নাই, প্রত্যেক সম্প্রদায়েই এখনও অনেক সাধু, ভক্ত দেখিতে পাওয়া যায়।

সহজিয়ামতাবলম্বী হইতে হইলে প্রত্যেক ব্যক্তিকে (১) গুরুর নিকট দীক্ষা লইতে হয়; (২) নিজের আচার সহিত সম্পূর্ণরূপে পরিচয় করিতে অর্থাৎ আত্মজ্ঞান লাভ করিতে হয়; (৩) আধ্যাত্মিক জীবনের বিভিন্ন সোপান অতিক্রম করিতে হয়; এবং (৪) নিজের দেহ-সম্বন্ধীয় সকল তত্ত্বে অভিজ্ঞতা সঞ্চয় করিতে হয়।

সহজিয়া-মত সম্বন্ধে যাহা কিছু জাতব্য বিষয়, আমরা এখানে সংক্ষেপে তাহার আলোচনা করিলাম। চণ্ডীদাসের ধর্মমতের প্রসঙ্গে এই তত্ত্বের বিস্তৃততর আলোচনা নিম্নয়োজন মনে হয়; তবে বৈষ্ণব-সাহিত্যে ইহার প্রভাবের পরিচয় পাওয়ায় সহজিয়া তত্ত্বের কথঞ্চিৎ আলোচনা করিলাম।

সপ্তম অধ্যায়

ছাত্‌না—বনাম—নাম্নুব

সম্প্রতি কিছুদিন হইতে নাম্নুবের মহাকবি চণ্ডীদাসকে বীরভূমের পরিবর্তে বাঁকুড়াবাসী বলিয়া প্রতিপন্ন করিবার চেষ্টা চলিতেছে; অনেক কৃতবিদ্য, চিন্তাশীল সাহিত্য-রসিক এই আলোচনায় যোগদান করিয়াছেন। এক পক্ষে নাম্নুব, অন্য পক্ষে ছাত্‌না। ষাঁহার নাম্নুবের চণ্ডীদাসকে ছাত্‌নাবাসী বলিয়া সপ্রমাণ করিবার জন্য সচেষ্ট, তাঁহাদের প্রকৃত

উদ্দেশ্য সত্যানুসন্ধান; তাঁহাদের কেহ কেহ বাঁকুড়া-বাসী, এজন্য তাঁহারা বাঁকুড়ার মহিমা-বৃদ্ধির অভিগমিতে এইরূপ চেষ্টা করিতেছেন, তাঁহাদের বিরুদ্ধে এই অভিযোগ অসঙ্গত। রণছকার কর্ণগোচর না হইলে এই প্রসঙ্গের অবতারণা করিতাম না। ষাঁহার বলেন—মহাকবি চণ্ডীদাস ছাত্‌নায় জন্মগ্রহণ করিয়া বাঁকুড়াকে ধন্য করিয়া-ছিলেন, তাঁহাদের এই উক্তির অনুকূলে কি যুক্তি আছে—তাহা আলোচনার অযোগ্য নহে, বরং তাঁহাদের সংগৃহীত প্রমাণগুলি কি পরিমাণ নির্ভর-যোগ্য, তাহা পরীক্ষা করাই কর্তব্য।

ষাঁহার মহাকবি চণ্ডীদাসকে নাম্নুবের পরিবর্তে ছাত্‌নায় প্রতিষ্ঠিত করিবার পক্ষপাতী, তাঁহাদের মধ্যে শ্রীযুত সত্যকিঙ্কর সাহানা, রায় বাহাদুর শ্রীযুত যোগেশচন্দ্র রায় বিদ্যানিধি এবং শ্রীযুত মতিলাল দাশ প্রভৃতি মহোদয়গণের নাম উল্লেখ-যোগ্য। তাঁহাদের উক্তি ও যুক্তির সজ্ঞপ্তসার আমরা নিম্নে উদ্ধৃত করিলাম।

ছাত্‌নায় বাসলীদেবীর আদি মন্দিরের ধ্বংসাবশেষ ভিন্ন আরও দুইটি মন্দির আছে; তৃতীয় মন্দিরটি আধুনিক। এই মন্দিরে বাসলীদেবীর মূর্তি বর্তমান। বহু দূর হইতে ভক্তগণ দেবীদর্শন ও পূজার জন্য প্রায়ই এখানে আসিয়া থাকেন; শেষোক্ত মন্দির ইষ্টকনির্মিত পঞ্চরত্ন মন্দির। অর্দ্ধশতাব্দী পূর্বে ইহা নির্মিত। দেবীমূর্তি দ্বিভূজা, দক্ষিণ হস্তে খড়্গ, বাম হস্তে খর্পর। দেবীর এক চরণ অম্বরের জজ্বায় ও অন্য চরণ অম্বরের মস্তকে স্থাপিত। দুই পার্শ্বে দুই সহচরী। বর্তমান মন্দিরের পশ্চিমাংশে একটি ভগ্ন-মন্দির আছে, তাহাই দ্বিতীয় মন্দির। এই মন্দিরের গায়ে প্রস্তরফলকে এখনও চারি ছত্র লেখা দেখিতে পাওয়া যায়। তাহা হইতে জানিতে পারা যায়, বাসলীদেবীর এই মন্দির ১৬৫৫ শকাব্দে নির্মিত হইয়াছিল। মন্দিরের অদূরে 'বাসলী পুকুর' বা 'শাঁখা পুকুর' গ্রামের একটি পথের ধারে একখানি শিলাপট্ট সংস্থাপিত আছে। জনরব, সেখানি পূর্বে 'ধোবাপুকুরের' ঘাটে ছিল, এবং রামী তাহারই উপর কাপড় কাচিত। পরে উহা সেই ঘাট হইতে স্থানান্তরিত হইয়াছিল। বহু কাল পূর্বে বাসলীদেবীর মূর্তি প্রতিষ্ঠিত হইলে, স্থানীয় রাজা স্বপ্নাদেশে বৃক্ষমূলশায়ী দুই জন পথিক যুবককে সংগ্রহ করিয়া আনিলেন, এবং তাঁহাদিগকে বাসলীদেবীর পৌরোহিত্যে নিযুক্ত করিলেন।

দেবীও স্বপ্নলক্ষ, পুরোহিতও স্বপ্নলক্ষ। ইহাদের এক জন দেবীদাস মুখোপাধ্যায়, দ্বিতীয় যুগক তাঁহার সহোদর চণ্ডীদাস। বাঁকুড়া জেলার শালতোড়া গ্রামের নিকট তাঁহাদের বাস (ছাত্‌নায় নহে)। তাঁহারা কবিবিকার্কজনের চেষ্টায় মল্লভূমের রাজধানীর পথে চলিতে চলিতে রাজস্বপ্ৰভাবে অপ্রত্যাশিত ভাবে ছাত্‌নায় পুরোহিতগিরি চাকরী পাইলেন;—দেবীদাস বিবাহ করিয়া গৃহী হইয়াছিলেন। চণ্ডীদাস বাণ্ডুলীকে সঙ্ঘোধন করিয়া বলিয়াছিলেন,—

“চণ্ডীদাসু কহে তুমি সে গুরু।
তুমি সে আমার কল্পতরু ॥
যে প্রেমরতন কহিলে মোরে।
কি ধন রতনে তুষিব তোরে ॥
ধন জন দারা সৌঁপিহু তোরে।
দয়া না ছাড়হ কখন মোরে।”

এই যে “ধন জন দারা”—ইহার কি কোন অর্থ নাই? যদি তিনি বিবাহ না করিয়া থাকেন, তাহা হইলে ‘দারা’ পাইলেন কোথায়?

যাহা হউক, ছাত্‌নার সমর্থকদের কথাই বলি। দেবীদাস বিবাহ করিয়াছিলেন, তাঁহার বংশ বর্তমান, এবং তাঁহারাই বাসলীর পূজারী। বর্তমান পূজারী দেবীদাসের বাইশ তেইশ পুরুষ অবস্থান। যদি ইহাদের কুরসিনামা থাকিত, তাহা হইলে মহাকবি চণ্ডীদাসের বংশের সহিত তাঁহাদের সংস্বের পরিচয় পাওয়া যাইত; কিন্তু তাহা পাওয়া যায় নাই এবং বংশের কেহ চণ্ডীদাসের রচিত কোন পদও দেখাইতে পারেন না। এক্ষণে কোন নির্ভরযোগ্য প্রমাণ নাই, যাহা হইতে জনসাধারণ বিশ্বাস করিতে পারে যে, ইহার চণ্ডীদাসের সহোদরের বংশধর; তবে ছাত্‌নার অধিবাসীরা বিশ্বাস করেন—চণ্ডীদাস ছাত্‌নার বাসলীর উপাসক ছিলেন, এবং ধোপাপুকুরের ঘাটে যে শিলাপটে বসিয়া ছিপ দিয়া মাছ ধরিতেন, সেই শিলাপটে বসিয়াই তাঁহার অমৃতোপম পদাবলী রচিত হইয়াছিল। কিন্তু ইহার অকাট্য প্রমাণ কোথায়? বিশেষতঃ, চণ্ডীদাসের রচিত পদে আমরা দেখিতে পাইতেছি,—

নাম্বুরের মাঠে গ্রামের নিকটে
বাণ্ডুলী আছে যথা।
তাহার আদেশে কহে চণ্ডীদাসে
সুখ সে পাইবে কোথা ॥”

এই নাম্বুরের মাঠকে অগ্রাহ্য করিবার উপায় কি? এই ছাত্‌নার অমুকুলে শাঁখাপুকুর

ও বাসলীপুকুর সম্বন্ধে যে কিংবদন্তীর অবতারণা করা হইয়াছে, ঐরূপ কিংবদন্তী বহু স্থানেই প্রচলিত আছে; তাহা অকাট্য প্রমাণ নহে।

তাহার পর আরও একটা কথা আছে। প্রাচীন পদাবলীর সর্বত্রই দেখিতে পাই,—

“ডাকিনী বাণ্ডুলী নিত্য সহচরী
বসতি করয়ে তথা ॥
* * * * *
চণ্ডীদাস কহে সে এক বাণ্ডুলী
প্রেম-প্রচারের গুরু।
* * * * *
নিত্যের আদেশে বাণ্ডুলী চলিল
সহজ জানাবার তরে।
* * * * *
বাণ্ডুলী আশিরা চাপড় মারিয়া
চণ্ডীদাসে কিছু কয়।”

সর্বত্রই আমরা বাণ্ডুলী পাইতেছি; কিন্তু ছাত্‌না গ্রামে যে মন্দিরের পরিচয় পাইতেছি, তাহা ‘বাসল’ দেবীর মন্দির। যাহারা ছাত্‌নার মহিমা প্রচারের পক্ষপাতী, তাঁহারা মহাকবির ‘বাণ্ডুলী’কে ‘বাসলী’ বলিয়া প্রচার করিতেছেন; তাঁহারা কি উদ্দেশ্যে ‘বাণ্ডুলী’কে ‘বাসলী’ নাম দিয়া পদের বিকৃত ঘটাইয়াছেন?

“বাণ্ডুলী কহায় বলে চণ্ডীদাস গাত।
আপনা আপনি চিত করহ সম্বিত ॥”

এই যে ‘বাণ্ডুলী’ কহাইতেছেন, ইনিই ‘বাসলী’—ইহার প্রমাণ কোথায়? বিশেষতঃ, নাম্বুর গ্রামের নাম অত্যন্ত কষ্ট-কল্পনার সাহায্যে ছাত্‌নায় টানিয়া আনা হইয়াছে। তবে নিত্যের অধিষ্ঠান-ভূমি শালতোড়া গ্রাম বাঁকুড়া জেলায় বটে; কিন্তু স্বর্গীয় শাস্ত্রী মহাশয় বলিয়াছেন, বাণ্ডুলী নিত্যাদেবার ষোড়শ সহচরীর অন্ততমা। বিশেষতঃ, চণ্ডীদাসের পূজিতা নাম্বুরের ‘বাণ্ডুলী’ প্রসন্ন-বদনা বাগীশ্বরী; ছাত্‌নার ‘বাসলী’ খড়্‌খর্পূরধারিণী, শোণিত-লোলুপা, ভীষণদর্শনা, দ্বিভূজা। তাহা হইলে গোড়াতেই গলদ রহিয়া গেল। বস্তুতঃ, বাদী প্রতিবাদী উভয় পক্ষই মহাকবি চণ্ডীদাসকে নিজের এলাকাভুক্ত করিবার জন্ত বহু প্রমাণ সংগ্রহ করিয়াছেন; কিন্তু আমরা নাম্বুরকে ত্যাগ করিয়া চণ্ডীদাসের অস্তিত্ব কল্পনা করিতে পারি না। এই পাঁচ শত বৎসর ধরিয়া মহাকবির জন্মস্থান বা

কার্যক্ষেত্র সম্বন্ধে একটা মিথ্যা জনরব চলিয়া আসিতেছে, ইহাও সহজে বিশ্বাস করিতে প্রবৃত্তি হয় না।

কিন্তু অপর পক্ষের কথা অগ্রাহ্য করিয়া উড়াইয়া দেওয়া সঙ্গত নহে। শ্রদ্ধেয় যোগেশচন্দ্র রায় বিদ্যানিধি ও মতিলাল দাশ মহাশয়েরা পণ্ডিত লোক ; বৈষ্ণব-সাহিত্যে তাঁহাদের যথেষ্ট অভিজ্ঞতা আছে।—চণ্ডীদাসের জন্মভূমি কোথায়—বীরভূমের নাম্বুরে না বাকুড়ার ছাত্‌নায়, এ সম্বন্ধে তাঁহারা বিস্তর গবেষণা করিয়াছেন। এ অবস্থায় তাঁহাদের বক্তব্যের মর্ম্ম এখানে প্রকাশ করা সঙ্গত মনে করি। চণ্ডীদাসকে ছাত্‌নায় স্থাপিত করিয়া বঙ্গদেশের জনসাধারণের চিরদিনের বিশ্বাসের মূলে দণ্ডাঘাত করিবার জন্ত যোগেশ বাবু যাহা লিখিয়াছেন, তাহা পাঠকগণের নিকট প্রকাশ না করিলে, তাঁহারা নিরপেক্ষ ভাবে এই প্রসঙ্গের আলোচনার সুযোগ পাইবেন না।

যোগেশ বাবু লিখিয়াছেন, “ছাত্‌নাবাদে যত প্রশ্নের উত্তর পাই, বীরভূমবাদে তত পাই না। ছাত্‌নায় নাম্বুর হাট ছিল, বীরভূমে নাম্বুর গ্রাম আছে, কোন্‌টা চণ্ডীদাসের নাম্বুর? ছাত্‌নায় বাসলীর ছড়াছড়ি, গ্রামদেবীরও অস্ত নাই। ছাত্‌না নগরে বাসলী মূর্ত্তিমতী, অল্প দিনের নন। পূজক দেঘরিয়া-বংশও দুই এক পুরুষের নয়। চণ্ডীদাস পর্যটন করিতে করিতে বাসলী দেখিয়া তাহার বড়ু কর্ম্মে বসিয়া যান নাই। বীরভূমে এই সকল প্রশ্নের একটারও উত্তর পাই না। এখন দেখি, চণ্ডীদাস সম্বন্ধে প্রচারিত কাহিনী এক কল্পনা-সূত্রে ছাত্‌না অবলম্বনে গাঁথিতে পারা যায় কি না।

“...মল্লভূমের পশ্চিমোত্তরে সামন্তভূম ছিল। এই ভূমের প্রধান নগর পরে ছাত্‌না নামে খ্যাত হইয়াছে। বহু কাল হইতে বাসলী, সামন্তভূমে গ্রামদেবী আছেন। সামন্তেরা বাসলী-পূজা করিতেন। লোকে বলে, এক সামন্ত তাঁহার কুপায় রাজা হন এবং তদবধি তাঁহার খ্যাতি বাড়িয়া যায়। সে বংশের এক রাজা বিদেশী ও দরিদ্র ব্রাহ্মণ দেবীদাসকে বাসলীর পূজক, এবং তাঁহার কনিষ্ঠ ভ্রাতা চণ্ডীদাসকে বড়ু নিযুক্ত করেন।... রাজার যত্নে দেবীদাসের বিবাহ হইল, কিন্তু চণ্ডীদাসের হইতে পারিল না। (কিন্তু চণ্ডীদাসের ভগিনী তিনি স্বয়ং ইহার প্রতিবাদ করিয়াছেন, তাহা পূর্বে প্রকাশ করিয়াছি)।

“ইহারা কবে কোথা হইতে ছাত্‌নায় আসিয়া পড়িয়াছিলেন, তাহা জানা যায় নাই। সে সময়ে বঙ্গদেশে পাঠান সুলতানের রাজত্ব।...দুই ভাই রাজার আশ্রয়ে রহিয়া গেলেন। ছাত্‌না হইতে ১২ মাইল দূরে বর্ত্তমান গন্ধাজলঘাট থানার নিকটে সালতড়া গ্রামে নিত্যাদেবীর তখন প্রবল মহিমা। একদা তাঁহারা নিত্যাদেবীর গিয়া নিত্যার আবরণ-দেবতা আর এক বাসলী দর্শন করেন। সে গ্রামে বহু রজকের বাস ছিল। যুবা চণ্ডীদাস রামী নামে এক রজক-কন্ঠার সহিত পরিচিত হন।...এক দিন স্বপ্নে দেখিলেন, নিত্যার বাসলী তাঁহাকে সহজমার্গে যাইতে বলিতেছেন। তাঁহার স্বাভাবিক প্রবৃত্তি সেই দিকে ছিল।...তখন ছাত্‌নার বাসলী প্রসুরথগুরুপে গ্রামদেবী। নাম্বুর হাটের পাশে গ্রামের নিকটে এক নির্জন মাঠে তিনি থাকিতেন। নিকটে তাঁহার ভোগ-পাকের নিমিত্ত তূণের এক কুটার ছিল। রামীও তখন ছাত্‌নায় আসিয়া বাসলীর ‘কামিনী’ (পাটকরনী) হইয়াছে। এক দিকে স্বাভাবিক প্রবৃত্তি, অত্র দিকে বাসলীর আদেশ ও বাল্যের বৈষ্ণব-সংস্কার ; চণ্ডীদাস সেই নির্জন মাঠে রাধাকৃষ্ণের প্রেমলীলা গান ও সহজ সাধন করিতে লাগিলেন। বাসলীর নিত্যভোগে মাছ নহিলে নয়। বড়ুকে কখন কখন মাছ ধরিতে হইত। তিনি জলাশয়ে ছিপ দিয়া মাছ ধরিতেন, রামী খাট সরিতে আসিত।...গ্রামস্থ ব্রাহ্মণ তাঁহার চরিত্রে বিরক্ত হইয়া তাঁহাকে একঘরে করিল।...ইত্যাদি।

“চণ্ডীদাসের কবিত্ব-সৌরভ দিগদিগন্তে প্রসারিত হইল। মিথিলার বিদ্যাপতির কাণে পৌঁছিল। তিনি শ্রীক্ষেত্র দর্শনের পথে ছাত্‌নায় আসিলে দুই কবির সাক্ষাৎ ও প্রীতি-বিনিময় হয়।...

“ছাত্‌না নগর বনরক্ষিত ছিল, দুর্গরক্ষিত ছিল না। একবার এই নগর বনচারী দস্যু দ্বারা অবরুদ্ধ এবং পরে তাহাদের সাহায্যে এক মুসলমান ফৌজের দ্বারা আক্রান্ত হয়। রাজা পাশবদ্ধ হইয়া ফৌজদারের নিকটে নীত হন। দেবীদাস ও চণ্ডীদাস রাজার অনুগমন করিয়াছিলেন। রাজা পরে মুক্তি পাইলেন বটে, কিন্তু বাসলীর পূজকত্ব রক্ষা পাইলেন না, এক নির্ধর মুসলমানের হাতে চণ্ডীদাস নিহত হইলেন। ছাত্‌নাবাসী এই নিদারুণ কাহিনী ভুলিয়া গিয়াছে ; কিন্তু চণ্ডীদাসের এক ভক্ত কবি ভুলিতে পারেন নাই। দেবীদাসের দুই পুত্র ছিল। তাঁহাদের বংশ অত্ৰাপি বাসলীর দেঘরিয়ার কর্ম্ম করিতেছেন।”

রায় মহাশয় এক নিখাসে সাত কাণ্ড রামায়ণ বলিলেন; কিন্তু তিনি তাঁহার কল্পনা-সূত্রে চণ্ডীদাস সংক্রান্ত যে বিবরণটি গাঁথিয়াছেন, তাহাতে ছাত্তনার পরিবর্তে নাম্নুর বসাইলে কল্পনার গৌরব কোথায় য়ান হইত, তাহা বুঝিবার সামর্থ্য আমাদের নাই। দেবীদাসের বংশ ছাত্তনার বাসলীর দেঘরিয়ার কৰ্ম করিতেছেন—ইহা সত্য হইতে পারে, কিন্তু এই প্রমাণের বলে চণ্ডীদাসকে নাম্নুর হইতে নির্কাসিত করা কতদূর সঙ্গত, তাহা প্রমাণ-সাপেক্ষ। বিশেষতঃ, চণ্ডীদাসের মৃত্যু সম্বন্ধে তিনি যে প্রবাদের উল্লেখ করিয়াছেন, তাহার সহিত স্বর্গীয় শাস্ত্রী মহাশয়ের উদ্ধৃত প্রমাণের আকাশ-পাতাল তফাৎ। শাস্ত্রী মহাশয়ের সেই প্রমাণ অগ্রাহ্য করিবার হেতু কি? চণ্ডীদাসের মৃত্যুসংক্রান্ত যে পদগুলি শাস্ত্রী মহাশয় উদ্ধৃত করিয়াছিলেন, তাহা অগ্রাহ্য করিয়া পাঠক-সাধারণ বিদ্যানিধি মহাশয়ের কল্পনাসূত্রে অধিক বিশ্বাস-যোগ্য, অধিক আদরণীয় মনে করিবে—এরূপ আশা করা তাঁহার ও তাঁহার মতাবলম্বিগণের দুরাশা নহে কি? স্বর্গীয় শাস্ত্রী মহাশয় ইতিহাসের ঘুণ ছিলেন; চণ্ডীদাস-প্রসঙ্গে তিনি অনেক আলোচনা করিয়াছেন, পুঁথি খাঁটিয়াছেন, মাথা ঘামাইয়াছেন। চণ্ডীদাস ছাত্তনার কবি ছিলেন, এ সম্ভাবনা মুহূর্তের জন্ম তাঁহার মস্তিষ্কে উদ্ভিত হয় নাই; তিনি ঘুণাক্ষরে কোথাও এই প্রসঙ্গ উত্থাপিত করেন নাই, ইহার কারণ কি এই নহে যে, তিনি মহাকবি চণ্ডীদাসকে নাম্নুরের কবি বলিয়াই বিশ্বাস করিতেন? চণ্ডীদাসকে ছাত্তনায় সংস্থাপিত করিলে যদি সত্যের মহিমা প্রচারিত হইত, তাহা হইলে শাস্ত্রী মহাশয় সর্বাগ্রে সেই সত্য-প্রচারে কদাচ কুণ্ঠিত হইতেন না। কিন্তু তিনি চণ্ডীদাসকে বীরভূম হইতে বাকুড়ায় নির্কাসিত করিবার কোন যুক্তি আবিষ্কার করিতে পারেন নাই; বরং তিনি এই কথাই বলিয়াছেন যে, “সে-(প্রমাণ?) গুলিকে যদি অগ্রাহ্য করি, তাহা হইলে এ দেশে চণ্ডীদাস সম্বন্ধে যে সকল কথা প্রচলিত আছে, তাহার একটিও টিকে না।” কিন্তু তিনি ত চণ্ডীদাসকে ছাত্তনায় আনিয়া সেগুলি টিকাইবার জন্ম কলমবাজি করেন নাই। ইতিহাসে তিনি কি এতই অঙ্গ ছিলেন? না, তাঁহার কল্পনাশক্তির অভাব ছিল? বস্তুতঃ, জনসাধারণের বহু শতাব্দীব্যাপী বিশ্বাস শ্রীযুত বিদ্যানিধি মহাশয়ের কল্পনা-প্রভাবে নির্ভর-

যোগ্য প্রমাণের অভাবেও ক্ষুণ্ণ হইবে, এরূপ আশা করিতে পারি না।

অষ্টম অধ্যায়

চণ্ডীদাসের রামী

চণ্ডীদাসের ধর্মবিশ্বাস সম্বন্ধে স্বর্গীয় মহা-মহোপাধ্যায় হরপ্রসাদ শাস্ত্রী মহাশয় একটু ধাঁধায় পড়িয়া সন্দিগ্ধ-চিত্তে লিখিয়াছিলেন (ষড়বিংশ ভাগ—দ্বিতীয় সংখ্যা, সাহিত্য-পরিষৎ-পত্রিকা) “তিনি (চণ্ডীদাস) গোড়ায় ছিলেন বাসুলীর সেবক, তার পর হইলেন রামী রজকিনীর চরণচারণ-চক্রবর্তী, তাহা পর তাঁহার দেবতা হইলেন রাধাকৃষ্ণের যুগল মূর্তি।...তাহা হইলে চণ্ডীদাসের তিন মূর্তি। এক মূর্তি হইতে আর এক মূর্তিতে কেমন করিয়া গেলেন, সেটাও একটি ভাবিবার কথা। বাসুলী তাঁহাকে রামী রজকিনীর সঙ্গে মিলাইয়া দিলেন, আবার তিনিই কৃষ্ণের নির্মাল্য একটি ফুল চণ্ডীদাস যখন তাঁহাকে অর্পণ করিলেন, তখন বলিলেন—‘ঐ ফুল আমার গুরুকে দেওয়া হইয়াছে, আমি আর কি করিয়া লইব?’ চণ্ডীদাস বলিয়া উঠিলেন,—‘সে কি মা! তোমার আবার গুরু। তিনি আবার কে।’—দেবী বলিলেন,—‘জান না? কৃষ্ণ আমার গুরু।’—তখন চণ্ডীদাস বলিলেন,—‘তবে আমি কৃষ্ণকেই ভজিব।’ এ পর্যন্ত যত দূর লেখাপড়া হইয়াছে, তাহাতে জানা যায়, চণ্ডীদাসের জীবনে এই তিন বার তিন রকম পরিবর্তন ঘটিয়াছিল। যখন তিনি বাসুলীর সেবক, তখন তিনি খাটি বৌদ্ধ; যখন রামী রজকিনীর সেবক, তখন খাটি সহজিয়া; আবার রাধাকৃষ্ণের যুগল মূর্তির সেবা করিয়া তিনি বৈষ্ণব সহজিয়া হইয়া গেলেন। তাঁহার মধ্যে এইটুকু বিচিত্র যে, তিনি যে ভাবেই থাকুন, যে রসেই মজুন, আগেকার দেবতাটিকে ভুলেন নাই। বাসুলীও তাঁহার সঙ্গের সাথী, রজকিনীও দেখা হওয়া অবধি তাঁহার সঙ্গের সাথী।”

সুতরাং বাসুলী দেবীর আদেশেই চণ্ডীদাস রাধাকৃষ্ণের উপাসনায় প্রবৃত্ত হইয়াছিলেন, এবং বাসুলীই তাঁহাকে পরকীয়া-ভজন-সাধনের আদেশ দিয়াছিলেন, আমরা যথাস্থানে এই প্রসঙ্গের অবতারণা করিয়াছি। চণ্ডীদাস পরকীয়া নাস্তিকার সন্মানে ছিলেন; তিনি দেবীর ভোগের জন্ম প্রত্যহ জলাশয়ে ছিপ দিয়া মাছ ধরিতেন, সেই ঘাটে এক

রজকিনী কাপড় কাচিত। ক্রমশঃ এই রজকিনীর সহিত তাঁহার প্রণয় হইল। এই রজকিনী রামীই তাঁহার ভজন-সাধনের সঙ্গিনী হইয়াছিল।

রজকিনীর নাম রামী ছিল—ইহার ভূরি ভূরি প্রমাণ আমরা চণ্ডীদাসের পদাবলীতেই পাইয়াছি; কিন্তু পরবর্তী কালে কবি নরহরি দাস লিখিয়াছিলেন, চণ্ডীদাসের এই উত্তর-সাধিকার নাম ছিল “তারা ধুবনী।” আমরা তাহার রামী বা রামমণি ভিন্ন অণ্ড নাম জানি না; কিন্তু সুপণ্ডিত স্বর্গীয় জগবন্ধু ভদ্র মহাশয় তাঁহার সংগৃহীত পদাবলীতে চণ্ডীদাসের যে সংক্ষিপ্ত জীবনী প্রকাশ করিয়াছেন, তাহাতে চণ্ডীদাসের ‘রামী’র নাম লিখিয়াছেন “রামতারা।” সম্ভবতঃ সাধু ভাষায় রজকিনী রামীর নাম ‘রামমণি’র পরিবর্তে ‘রামতারা’ই ছিল। রামীর প্রকৃত নাম ‘রামতারা’ হইলে আমরা প্রচলিত ‘রামী’ এবং নরহরি দাসের লিখিত ‘তারা ধুবনী’ এই উভয়েরই সামঞ্জস্য করিয়া লইতে পারি। আমাদের এক জন আত্মীয়ের নাম ছিল ‘রাধাবিনোদ’, কিন্তু সকলে তাহাকে ‘বিনোদ’ বলিয়া ডাকিতেন; সুতরাং এইরূপ অনুমান অসঙ্গত নহে। এই রজকিনী না কি নাম্নুরের অদূরবর্তী তেহাই গ্রামের অধিবাসিনী ছিল। কিন্তু চণ্ডীদাসের পদাবলীর অন্ততম সংগ্রহকার বৈষ্ণব-সাহিত্যে সুপণ্ডিত শ্রীযুক্ত নীলরতন মুখোপাধ্যায় মহাশয় বলেন, “রামীর বাড়ী যে তেহাই গ্রামে ছিল, বা রজকিনী যে বিশালাক্ষীর গৃহ-মার্জনা করিত, এ কথা ত আমরা শুনি নাই। নাম্নুরে এখনও লোকে রামীর ভিটা দেখাইয়া থাকে, ইহাতে বোধ হয়, রামীর বাড়ী নাম্নুরেই ছিল। আর বিশালাক্ষীর পুরোহিত বা পূজক যে এত জাতি থাকিতে সুপবিত্র রজককুল (এই স্থল রসিকতাটুকু প্রবীণ ও ভক্ত বৈষ্ণবের পক্ষে কর্ণপোড়াদায়ক ও কুচিবিগহিত নহে কি ?) হইতে বিশালাক্ষীর গৃহ-মার্জনের জন্ত এক জন পরিচারিকা নিৰ্ব্বাচন করিবেন, ইহা আমরা অনুমান করিতে পারি না। ধোপার জল যে অম্পৃশ্য, দেবতার গৃহ-মার্জনের জন্ত যে ধোপানী নিষুক্ত হইতে পারে না, ইহা যে এ কালের লোককে বুঝাইতে হইতেছে, ইহা অপেক্ষা দুঃখের বিষয় আর কি হইতে পারে ?”

ইহা, এ কালের লোককে ইহা বুঝাইয়া দেওয়া কঠিন বটে; কারণ, এ কালে ‘বিলাত-ফেঁটা টান্ছে হুঁকা, সিগারেট ফুকে ভাঙ্গাঘিয়া!’ কিন্তু রামী যে দেবীমন্দির মার্জনা করিত, ব্রাহ্মণ-সমাজের অলঙ্কার

মহাপণ্ডিত পূজনীয় শাস্ত্রী মহাশয় এই জনশ্রুতির প্রতিবাদ করেন নাই বা ইহা অসম্ভব ছিল, এরূপ কোন সন্দেহও তাঁহার মনে স্থান পায় নাই। রামীর জীবনের পরবর্তী সকল ঘটনাই এই কিংবদন্তীর উপর নির্ভর করিতেছে; সুতরাং বাণুলী-মন্দির হইতে রামীকে ছাটিয়া ফেলিবার উপায় নাই। বৃক্ষের শাখায় তাহাকে উপবিষ্ট দেখিতে আপত্তি থাকিলে, সমগ্র বৃক্ষটিকেই কুঠারাঘাতে আমূল বিধ্বস্ত করিয়া অপসারিত করিতে হয়। তবে তেহাই গ্রামে রামীর বাড়ী ছিল, এবং সেই গ্রাম হইতে রজকিনী প্রত্যহ চণ্ডীদাসের ছিপ ফেলিবার ঘাটে কাপড় কাচিত আসিত বলিয়াই তাহার সহিত চণ্ডীদাসের আলাপ হইয়াছিল, এবং তিনি তাহার প্রেমে মজিয়াছিলেন, ইহা সহজে বিশ্বাস করা কঠিন। রামী অস্বাভাবে কষ্ট পাইয়া চণ্ডীদাসের সাহায্যপ্রার্থিনী হইয়াছিল এবং চণ্ডীদাস তাহাকে আশ্রয় দিয়াছিলেন—ইহাই সঙ্গত মনে হয়। বিশেষতঃ, গ্রামপ্রান্তে রামীর কুঠীর ছিল, এবং চণ্ডীদাস ‘উত্তমকূলে’ জন্মগ্রহণ করিয়া রজকিনীর সংসর্গে কালযাপন করায় যখন তিনি সমাজ কর্তৃক পরিত্যক্ত হইয়াছিলেন, তখন রামীর সেই কুঠীরেই আশ্রয় গ্রহণ করিয়াছিলেন, পদাবলী পাঠে ইহাও আমরা জানিতে পারি। নাম্নুরের নিকট এখন কোন নদী নাই; সুতরাং চণ্ডীদাস নদীতে মাছ ধরিতে ‘ধরিতে রামীকে প্রেমের বঁড়ীতে গাঁথিয়া ফেলিয়াছিলেন, এই কিংবদন্তীর মূলেও কোন সত্য আছে বলিয়া মনে হয় না। ইহা প্রমাণহীন কষ্টকল্পনামাত্র।

চণ্ডীদাসকে আমরা নাম্নুরের চণ্ডীদাস বলিয়াই জানি, কিন্তু বাণুলীর মন্দিরের বর্তমান পুরোহিত স্বীকার করিয়াছিলেন, বাঁকুড়া জেলার ছাতনা গ্রামে তিনি জন্মগ্রহণ করিয়াছিলেন; তিনি পর্যটন উপলক্ষে নাম্নুরে আসিয়া দেবীমন্দিরে সিদ্ধিলাভ করিয়াছিলেন। ছাতনার অমুকূলে ও প্রতিকূলে আমরা অনেক কথাই শুনিয়াছি, এবং যথাস্থানে তাহার আলোচনাও করিয়াছি। অণ্ড কোন পণ্ডিতের মতে মঙ্গলপুর জেলার উঁচোট গ্রামে চণ্ডীদাস জন্মগ্রহণ করিয়াছিলেন। তাহার পর তিনি নাম্নুরে আসিয়া দেবীমন্দিরে বাস করিতে করিতে সাধনায় সিদ্ধিলাভ করিয়াছিলেন। কিন্তু এই কিংবদন্তীর মূলে কতটুকু সত্য আছে বা নাই, তাহা নির্ণয়ের উপায় নাই; মহাকবির স্মরণে যিনি যে নতুন কথা বলিবেন, তাহাই বিনা-

প্রমাণে সত্য বলিয়া কেহই গ্রহণ করিবে না, এবং প্রমাণ থাকিলেও সেগুলি সাবধানে ওজন করিতে হইবে।

যাহা হউক, রামী যে অনাথা ছিল, এবং অল্পবয়সেই মন্দিরের কার্যে নিযুক্ত হইয়াছিল, তাহা চণ্ডীদাসের পদ হইতেই জানিতে পারি,—

“অলপ বয়সে দুঃখিনী রামিনী
সেবাতে নিযুক্ত হ’ল।
চণ্ডীদাস কহে শশিকলার ত্রায়
ক্রমে বাড়িতে লাগিল।”

এই পদাংশ আমরা অগ্রাহ করিয়া উড়াইয়া দিতে পারি না ; বিশেষতঃ,—

“রামিনী কামিনী কাজেতে নিপুণা
সকলের প্রিয়তমা।”

এই পদাংশ হইতে আমরা ধরিয়া লইতে পারি, রামীর উপর মন্দির-সংস্কার-সংক্রান্ত যে সকল কার্যের ভার অর্পিত হইয়াছিল—তাহা সে নৈপুণ্য সহকারেই সম্পন্ন করিত বলিয়া গ্রামবাসীদের সহানুভূতি লাভ করিয়াছিল। তাহাকে সকলে অস্পৃশ্য বলিয়া ঘৃণা করিত—এ পরিচয় ত কোথাও পাওয়া যায় না। তবে সে ধোপানী ছিল বলিয়াই এ কালের গোঁড়ারা বোধ হয় তাহাকে দেবমন্দিরের সংস্পর্শে আসিতে দিতে রাজী নহেন, কিন্তু প্রায় পাঁচ শত বৎসর পূর্বে বাঁকুড়া বীরভূম অঞ্চলের নিম্নশ্রেণীর স্ত্রীপুরুষেরা সামাজিক ছুঁৎমার্গের তাপমানযন্ত্রে কত ‘ডিগ্রি’ নামিত এবং অস্পৃশ্যতার ঠাণ্ডায় অচল হইয়া মন্দিরপ্রাঙ্গণের বাহিরে কত দূরে পড়িয়া থাকিত, এ কালে তাহা নিরূপণ করিবার জ্ঞান সেই ‘ছুঁৎমান’ যন্ত্র খুঁজিয়া বাহির করিবার উপায় নাই ; তবে এ কালে দেখিয়াছি, হাড়ী-বাগ্দির মেয়েরা, আমাদের পশ্চিম-বঙ্গের ত কথাই নাই, পূর্ববঙ্গেও মন্দির-প্রাঙ্গণ, মন্দিরের আঙ্গিনা, রোয়াক, বারান্দা প্রভৃতি স্থানে সম্মার্জনী প্রয়োগ করে ; তাহাতে দেবমহিমা ক্ষুণ্ণ হয় না। বিশেষতঃ, আজকাল ত অস্পৃশ্য নিম্নতম জাতির জ্ঞানও মন্দিরদ্বার উন্মুক্ত হইয়াছে। রামীর এই অধিকার ছিল না, বিনাপ্রমাণে এ কথা বলা গায়ের জোরের কথা। এখন সেই মন্দির ধ্বংসস্বরূপে পরিণত হইলেও সেই স্তূপটি চণ্ডীদাসের পবিত্র স্মৃতির সৌরভে সমাচ্ছন্ন। রামীর সহিত তাঁহার নিষ্কলুষ প্রেমের কাহিনী—যুগান্ত-পূর্বে হইতে

অমৃতবর্ষী পদাবলীর ভাবের পবিত্রতায় ও গাঙীর্ষ্যে, শব্দের ঝঙ্কারে এবং ভাষার লালিত্যে যে মাধুর্য্য বহন করিয়া আনিতেছে, তাহা কোন কালে বিলুপ্ত হইবার নহে।

অবশেষে চণ্ডীদাস রামীকে বলিলেন,

“এক নিবেদন করি পুনঃপুন
শুন রজকিনী রামী।
যুগল চরণ শীতল দেখিয়া
শরণ লইলাম আমি ॥

* * * * *

তবে দেখ মনে, এ তিন ভুবনে,
কে আছে আমার আর।
বাসুলী আদেশে, কহে চণ্ডীদাসে,
ধোপানী-চরণ সার ॥”

তাহার পর তাঁহাদের সেই অপার্থিব প্রেমের মর্যাদা গ্রামবাসীরা বুঝিতে না পারিয়া—

“পিরীতি করিল, জগতে ভাসিল,
ধোপানী দ্বিজের সনে।
জগতে জানিল, কলঙ্ক ভাসিল,
কাণাকাণি লোক জনে ॥”

অবশেষে সমাজের লোকের, গ্রামস্থ সর্ব-সাধারণের গজনা অসহ হওয়ায়, রামী চণ্ডীদাসকে লইয়া গ্রামত্যাগের সঙ্কল্প করিয়াছিল। সে তাঁহাকে বলিয়াছিল—

“তাকে ঢোলে যে জন সুজন-নিন্দা করে।
বান্ধানা পড়ুক তার মাথাব উপরে ॥
অবিচার পুরীদেশে আর না রহিব।
যে দেশে পাষাণ নাই সেই দেশে যাব ॥”

চণ্ডীদাসও তাহার আক্ষেপ শুনিয়া বলিয়াছিলেন,—

“রূপিলে বিমের গাছ হৃদয়-মানারে।
গরলে জারল অঙ্গ, দোষ দিব কারে ॥
যদি ঘরে রৈতে নার কর অভিসার।
চণ্ডীদাসেতে বলে এই সে বিচার ॥”

চণ্ডীদাসের গুরুজন, দাদা কি ঐরূপ কহে—
নকুল ঠাকুর সমাজ-নিগৃহীত চণ্ডীদাসকে গৃহে আনিয়া, প্রায়শ্চিত্ত ও ব্রাহ্মণ-ভোজনাদি করাইয়া তাঁহাকে সমাজে তুলিয়া লইবার ব্যবস্থার শেষে বলিয়াছিলেন,—

“শুন শুন চণ্ডীদাস ।
তোমার লাগিয়া আমরা সকল
ক্রিয়াকাণ্ডে সর্বনাশ ॥
তোমার পিরীতে আমরা পতিত
নকুল ডাকিয়া বলে ।
ঘরে ঘরে সব কুটুম্ব ভোজন
করিএগা উঠাব কুলে ॥”

গ্রামস্থ ব্রাহ্মণেরা প্রথমে নকুলের প্রস্তাব অগ্রাহ্য
করিয়াছিলেন, কারণ, “চণ্ডীদাস নীচ প্রেমে উন্মাদ ।”
স্মুতরাং তাঁহাদের—

“পুত্র পরিবার আছয়ে সংসার
তাহারা সম্মতি নহে ।”

যাহা হউক, নকুল ঠাকুরের অশ্রুনয়ন-বিনয়ে ও
আগ্রহাতিশয্যে গ্রামস্থ প্রধানেরা চণ্ডীদাসকে
সমাজে গ্রহণ করিতে সম্মত হইলেন, কিন্তু কথা
হইল, চণ্ডীদাস ধোপানীকে ত্যাগ করিবেন, ইহা—

“শুনি চণ্ডীদাস, ছাড়িয়া নিশ্বাস,
ভিজিয়া নয়নজলে ।
ধোপানী সহিতে, আমি যেন তাথে,
উদ্ধার হইব কুলে ॥”

এইরূপ আশা করিয়াছিলেন ; কিন্তু চণ্ডীদাসকে
ত্যাগ করিতে হইবে ভাবিয়া রামী—

“নয়নের জল, কান্দিয়া বিকল,
মনে বোধ দিতে নারে ।”

তাহার পর—

“গৃহকে জাইএগা, পালক পাড়িয়া,
শয়ন করিল তায় ।
কান্দিয়া মুছিছে, নিশ্বাস রাখিছে,
পৃথিবী ভিজিয়া যায় ॥”

কিন্তু গৃহেও সে স্থির থাকিতে পারিল না ।
ব্রাহ্মণেরা নকুলের গৃহে মহাসমারোহে আহারে
বসিলে, নকুল দেখিতে পাইলেন—রামী তাঁহার
গৃহ-সম্বিহিত বকুল গাছের তলায় বসিয়া শ্রিয়-
বিচ্ছেদাশঙ্কায় রোদন করিতেছিল ; “অঝোরে
ঝরিতেছিল নয়নের পানি ।” নকুল ঠাকুর তাহার
নিকটে আসিলে—

“নকুল-পায়েতে, ধরি দুটি হাতে
ধোপানী কান্দিয়া বলে ।
তুমি মহাজন, শুনহ ব্রাহ্মণ,
পিরীতির কিবা মূলে ॥

আমি অতি হীন, পিরীতি অধীন,
পিরীতি আমার গুরু ।
এ তিন আখর, হৃদয়ে যাহার,
সে জনা কল্পতরু ॥
পিরীতি ভঞ্জিল, পিরীতি সাধিল,
পিরীতি একান্ত মনে ।
চণ্ডীদাস সাথে, ধোপানী সহিতে,
মিশ্রিত একই প্রাণে ॥”

কিন্তু রামীর কাতর প্রার্থনা অরণ্যে রোদনবৎ
নিফল হইল । নকুল তাহার কোন কথায় কর্ণপাত
করিলেন না । ব্রাহ্মণ-ভোজন আরম্ভ হইলে, রামী
তাঁহাদের ভোজনের স্থানে উপস্থিত হইল । কেহ
কেহ এই কিংবদন্তীটিকে অধিকতর রসমধুর করিবার
জন্ত সেই সময় রামীর বগলে, মাথায়, কাপড়ের
বোঝা চাপাইয়াছেন ; কিন্তু রামী যদি ব্রাহ্মণ-
ভোজনের আঙ্গিনায় উপস্থিত হইয়া চণ্ডীদাসের
সহিত মিলিত হইবার চেষ্টা করিয়া থাকে, তখন
প্রিয়বিরহ আশঙ্কায় সে বাহুজ্ঞানরহিত, তাহার হৃদয়
ব্যাকুলতায় পূর্ণ ; সে তখন কাচা বা ময়লা কাপড়ের
বোঝা লইয়া সেখানে উপস্থিত হইয়াছিল ? ইহারা
এই কাহিনী রচনা করিয়াছিলেন, ইহাতে তাঁহাদের
বিন্দুমাত্র রসজ্ঞানের পরিচয় পাওয়া যায় কি ? তবে,
ইহাতে চণ্ডীদাসের ও রামীর অলৌকিকত্ব
প্রতিপাদনের একটা অব্যর্থ উপলক্ষ পাওয়া
গিয়াছিল বটে । আমরা তাহা বিশ্বাসের অযোগ্য
বোধে ত্যাগ করিলেও, চণ্ডীদাস-রাজকিনীর প্রেমের
গভীরতা, পবিত্রতা ও আন্তরিকতার মাধুর্য্যে বঞ্চিত
হই না । কোন লৌকিক বাধায় এই প্রেম প্রতিহত
হইবার নহে । বস্তুতঃ, আমরা অনায়াসে বিশ্বাস
করিতে পারি, যখন—

“দ্বিজগণ ডাকে, ব্যঞ্জন আনিতে,
ধোবিনী তখন ধায় ।”

সে তখন সেখানে উপস্থিত । তাহার পর
অলৌকিক কিছু ঘটিল ; কিন্তু চণ্ডীদাসের দুই হাতে
ভোজ্য দ্রব্যের খালা থাকিলেও, তিনি আর দুই হাত
বাহির করিয়া রামীকে আলিঙ্গন করিলেন, এবং
তাহা দেখিয়া ব্রাহ্মণদের জাতি-রক্ষা হইল, —এই
অদ্ভুত অলৌকিক গল্পের কিরূপে উৎপত্তি হইল,
তাহা জানিবার উপায় নাই । বস্তুতঃ, সেই ভোজন-
মজলিসে ধোপানীর উপস্থিতিতে ভোজ্য মাঠে যারা
গিয়াছিল কি না, তাহা জানা যায় নাই ; কারণ,
পৃথিবী সেই অংশ নষ্ট হইয়াছিল । এই সঙ্কটজনক

অবস্থায় সকল দিকে সামঞ্জস্য রক্ষার জন্য চণ্ডীদাসকে সহসা চতুর্ভুজ করিবার প্রয়োজন হইয়াছিল ; কিন্তু গল্পটি জটিল সামাজিক ব্যাপারের মীমাংসার সহিত বেশ খাপ খাইলেও, হইতে বিশ্বজয়ী প্রেমের মহিমা ক্ষুণ্ণ হইয়াছে ।

কিন্তু এ রকম অঘটন কিছু ঘটলে সমাজের মাথা বিনোদ রায়কে ডাকিয়া বাণুলী কর্তৃক ভয় প্রদর্শনের প্রয়োজন হইত না, এবং চণ্ডীদাসকেও কৃতজ্ঞ হৃদয়ে বলিতে হইত না—

“বিনোদ রায়, বন্ধু বিনোদ রায়,
ভাল হ'ল ঘুচাইলে পিরীতির দায় ।”

অতঃপর রামীর দুঃখ-দুর্গতির অবসান হইয়াছিল ; চণ্ডীদাসের সহিত তাহার মিলনে আর কোন বাধা হয় নাই ।

কথিত আছে, বহু দিনের সাধনার পর চণ্ডীদাস কির্গাহারের এক নাটমন্দিরে যখন রামীর সহিত কীর্তন গান করিতেছিলেন, সেই সময় হঠাৎ নাটমন্দির ভাঙ্গিয়া পড়ায় তাঁহারা উভয়ে সেই স্থানে সমাহিত হইয়াছিলেন । এ কথা আমরা পূর্বেই লিখিয়াছি ; কিন্তু চণ্ডীদাসের মৃত্যু সম্বন্ধে যে সকল পুঁতান কাগজপত্র পাওয়া গিয়াছে, তাহা পাঠে জানিতে পারা যায়, গোড়ের এক পাতশাহের প্রাসাদে তিনি গান করিতে গিয়াছিলেন । বেগম চণ্ডীদাসের সঙ্গীত শ্রবণে মুগ্ধ হইয়া তাঁহার প্রতি আকৃষ্ট হইয়াছিলেন, এ জন্য সেই গোড়েশ্বরের আজ্ঞায় চণ্ডীদাস হস্তিপৃষ্ঠে শৃঙ্খলিত হইয়া নিহত হইয়াছিলেন । সেই সময় রামী চণ্ডীদাসের প্রতি কঠোর দণ্ডদেশ শুনিয়া বিলাপ করিয়া বলিয়াছিল,—

“কাঁহা গেয়ো বন্ধু চণ্ডীদাস ।

চাতকী পিয়াসী গ(ঘ)ন না পাইআ বরিষণ

ন আনের নাগরে পিয়াস ॥

কি করিল রাজা গোড়েশ্বর ।

ন জানিঞা প্রেম লেহ প্রেয়ায় ধরিস দেহ

বধ কৈলে প্রাণের দোসর ॥

কেনে বা সভাতে কৈলে গান ।

স্বর্গমঞ্চ পাতাল পুর আবির্ভূত পশু নর

মানিনীর না রছিল মান ॥

গান সুনি পাচ্ছার (পাংশাহের) বেগম ।

অস্থির হইল মন, ধৈর্য্য নহে একক্ষণ,

রাজারে কহে জানিঞা মরম ॥

রাগি মনঃ কথা রাখিতে নারিল ।

চণ্ডীদাস সনে প্রিত, করিতে হইল চিত,
তার প্রিতে আপন খুয়াল্য ॥” ইত্যাদি ।

অতঃপর “রাগি কহে ছাড়িয়া না যায় ।

কহিতে কহিতে প্রাণ, আর দেহ সমাধান,
দুহুঁ প্রাণ একত্রে মীলায় ॥”

তখন রামী কাতর কণ্ঠে সখেদে নিবেদন করিল,—

“নাথ আমি সে রজক-বালা ।

আমার বচন, না শুনে রাজন,

বুঝিল কৃষ্ণের লীলা ॥

সুদু কলেবর হইল অর্জুনের

দারুণ সন্ধান ঘাতে ।

এ দুস্ত্র দেখিয়া বিদরএ হিয়া

অভাগিরে লেহ সাথে ॥

কহেন রামিনি সুন গুণমনি

জানিলাও তোমার রিতি ।

বাণুলি বচন করিলে লংঘন

সুনহ রসিক পতি ॥”

অবশেষে—

“চণ্ডীদাসে করি ধ্যান । বেগম তেজল প্রাণ ॥

সুনিঞা ধবিনি ধায় । পড়িল বেগম পায় ॥”

বেগমও মরিলেন, রামীও তাঁহার পায়ে পড়িয়া প্রাণত্যাগ করিল । চণ্ডীদাস ও রামীর মৃত্যুসম্বন্ধে যে সকল জনরব শুনিতে পাওয়া গিয়াছে, এইটিই সকলের শেষে আমরা জানিতে পারিয়াছি । এই পদগুলি আবিষ্কৃত হইবার পর কির্গাহারের নাট্য-মন্দির চাপা পড়িয়া চণ্ডীদাসের মৃত্যুর কিংবদন্তী চাপা পড়িয়া গিয়াছে । এই পাংশাহ কে, এবং তাঁহার যে বেগম চণ্ডীদাসের প্রেমে মুগ্ধ হইয়া প্রাণ দিয়াছিলেন, তিনি বা কে ছিলেন, আমরা চণ্ডীদাসের জীবনী-প্রসঙ্গে এই সকল বিষয়ের আলোচনা করিয়াছি । এখানে তাহার পুনরুজ্জ্বলিত বাহুল্যমাত্র ।

রামী কেবল যে চণ্ডীদাসের কবিত্বশক্তির উৎস-স্বরূপ ছিল, চণ্ডীদাস রামীর প্রেমে আত্মহারা হইয়া রাধাকৃষ্ণের প্রেম সম্বন্ধে অতুলনীয় পদাবলী রচনা করিয়াছিলেন, এরূপ নহে ; রামীও স্বয়ং অসাধারণ কবিত্বশক্তিসম্পন্ন ছিল । কোনও প্রাচীন পদসংগ্রহ-পুস্তকে রামীর রচিত যে সকল পদাবলী সংগৃহীত হইয়াছে, তাহা পাঠ করিলে তাহাতে চণ্ডীদাসের রচিত পদাবলীর প্রতিধ্বনি শুনিতে পাওয়া যায় বটে, সেই সকল পদের জালিত্য, মাধুর্য্য এবং ঝঙ্কার

চণ্ডীদাসের রচিত পদের অনুরূপ বটে, কিন্তু রঞ্জকিনী রামীর ভণিতায়ুক্ত ঐ সকল পদ চণ্ডীদাসের বিরচিত বলিয়া সন্দেহ করিবার কারণ নাই। রামীর রচিত দুইটি অপূর্ণ সুন্দর পদ আমরা নিম্নে উদ্ধৃত করিলাম,—

“কোথা যাও ওহে, প্রাণবধু মোর,
দাসীয়ে উপেক্ষা করি।
না দেখিয়া মুখ, ফাটে মোর বুক,
ধৈর্য ধরিতে নারি ॥
বাল্য-কাল হতে, এ দেহ সঁপিহু
মনে আন নাহি জানি।
কি দোষ পাইয়া, মথুরা যাইবে,
বল হে সে কথা শুনি ॥
তোমার এ সারথি, ক্রুর অতিশয়
বোধ-বিচার নাই।
বোধ থাকিলে, দুঃখ-সিন্ধু-নীরে
অবলা ভাসাইতে নাই ॥
পিরীতি জালিয়া, যদি বা যাইবা,
কবে বা আসিবে নাথ।
রামীর বচন, করহ শ্রবণ,
দাসীরে করহ সাথ ॥”

এই পদটি পাঠ করিলে মনে হয়, শ্রীকৃষ্ণ শ্রীরাধিকাকে ত্যাগ করিয়া অক্রুরের সহিত মথুরায় যাইতেছেন দেখিয়া, শ্রীমতী তাঁহার জীবনসর্বস্ব শ্রীকৃষ্ণকে সম্বোধন করিয়া এই ভাবে আক্ষেপ করিতেছেন। কিন্তু প্রকৃতপক্ষে যখন নকুল ঠাকুর চণ্ডীদাসকে সমাজে তুলিয়া লইবার জন্ত তাঁহাকে রামীর সংস্রব ত্যাগ করিতে বাধ্য করিয়াছিলেন, সেই সময় নিজের অসহায় অবস্থার কথা স্মরণ করিয়া ইহা রামীরই আক্ষেপোক্তি। এখানে ‘মথুরা যাওয়ার’ অর্থ রামীকে ত্যাগ করিয়া ‘সমাজে প্রবেশ।’ এবং ‘সারথি’ বলিতে নকুল ঠাকুরকে বুঝাইতেছে। নকুল ঠাকুরও অক্রুরের ছায় তাহার প্রতি অতিশয় নির্দয়। তাহার রথ নকুলের মনোরথ,—যে রথের সাহায্যে সে চণ্ডীদাসকে রামীর অঙ্ক হইতে বিচ্ছিন্ন করিতেছিল। রায় বাহাদুর শ্রীমুত দীনেশচন্দ্র সেনও এই কবিতার এইরূপ অর্থ-ই নির্দেশ করিয়াছেন, এবং একটু গভীর ভাবে চিন্তা করিলে রামীর আক্ষেপোক্তির এই অর্থই সমীচীন বলিয়া মনে হয়।

রামীর রচিত দ্বিতীয় কবিতাটি এই—

“তুমি দিবাভাগে, নিশা অনুরাগে,
ভ্রম সদা বনে বনে।
তাহে তব মুখ, না দেখিয়া দুখ,
পাই বহু কণে কণে ॥
ক্রটি সমকাল, মানি সুজ্ঞান,
যুগ তুল্য হয় জ্ঞান।
তোমার বিরহে, গন নহে স্থির,
ব্যাকুলিত হয় প্রাণ ॥
কুটিল কুস্তল, কত সুনির্মল,
শ্রীমুখমণ্ডল-শোভা।
হেরি লয় মনে, এ দুই নয়নে,
নিমেষ দিয়াছে কেবা ॥
চাহে সর্বকণ, হয় দরশন,
নিবারণ সেহ করে।
ওহে প্রাণাধিক, কি কব অধিক,
দোষ দিয়ে বিধাতারে ॥
তুমি যে আমার আমি হে তোমার
সুহৃৎ কে আছে আর।
খেদে রামী কয়, চণ্ডীদাস বিনা
জগৎ দেখি আঁধার ॥”

রামী সমাজের অত্যাচারে আশ মিটাইয়া সর্বদা চণ্ডীদাসকে দেখিতে পাইতেন না, তাহার উপর চণ্ডীদাস যদি তাঁহাকে ত্যাগ করিয়া সমাজে যোগদান করেন, এই জন্ত রামীর এই আক্ষেপ— শ্রীকৃষ্ণগতপ্রাণা শ্রীরাধিকার আক্ষেপেরই অনুরূপ। রামীর রচিত অন্যান্য পদও আমরা প্রসঙ্গক্রমে পূর্বে উদ্ধৃত করিয়াছি; কিন্তু এই দুইটি পদ ভাবে, ভাষায়, পদলালিত্যে, সারল্যে অতুলনীয়। তবে ইহা পাঠ করিয়া একবারও মনে হয় না—ইহা পাঁচ শত বৎসর পূর্বের রচিত পদ। ইহার ভাষা অত্যন্ত আধুনিক, কিন্তু চণ্ডীদাসের অধিকাংশ পদের ভাষাই এইরূপ আধুনিক; কালক্রমে বহু গায়কের ও নকলকারীর হাতে পড়িয়া এই ভাবে পরিবর্তিত হইয়াছে, এ কথা আমরা স্বীকার করিতে বাধ্য হইলেও, যদি কেহ বলেন,—

“সজনি, ও ধনী কে কহ বটে।
গোরোচনা গোরী, নবীনা কিশোরী,
নাহিতে দেখিহু ঘাটে ॥
শুন হে পরাণ, সুবল সান্নাতি,
কো ধনী মাজিছে গা।
যমুনার তীরে, বসি তার নীরে,
পায়ের উপরে পা।

অঙ্গের বসন, করেছে আসন,
এলায়ে দিয়াছে বেণী ।
উচ কুচ-মূলে হেম-হার দোলে,
সুমেরু-শিখর জিনি ॥”

—ইত্যাদি চণ্ডীদাসের রচিত আসল পদ নহে, ইহা রূপান্তরিত বিকৃত এবং নানা ভাবে পরিবর্তিত হইয়াছে, তাহা হইলে চণ্ডীদাসের ভক্ত এ রকম কে আছে যে, এই সর্বজনপরিচিত, চিরমধুর, অপূর্ব সুন্দর পূর্বরাগের পদটির পরিবর্তে ‘কৃষ্ণ-কীর্তনের’ অনুরূপ শ্রুতিকঠোর, অনভ্যস্ত, অপ্রচলিত, দুর্কোধ্য ভাষার ঐ ভাবের কোন পদকে শুনিতে চাহিবে, বা গ্রাহ্য করিবে? সুতরাং ভাষাতত্ত্ববিৎ পণ্ডিতদের হা-হতাশ ও অপ্রচলিত সেকলে পদের জ্ঞান আক্ষেপ অরণ্যে রোদনবৎ অগ্রাহ্য হইবে। পণ্ডিতেরা মাথা ঘামাইয়া নানা রকম টীকা টিপ্সনী জুড়িয়া, নিজের খেয়াল অনুযায়ী ব্যাখ্যা করিয়া সেই সকল পদকে যতই চিত্তাকর্ষক ও জনপ্রিয় করিবার চেষ্টা করুন, তাঁহাদের পাণ্ডিত্যে কেহ যুগ্ম হইবে না, মহাকবি চণ্ডীদাসের পদের প্রচলিত আধুনিক ভাষা ত্যাগ করিয়া সেই প্রাচীন ভাষা কেহই গ্রহণ করিবে না। হয় ত রামীর রচিত পদগুলিরও ভাষা পরিবর্তিত হইয়াছে; কিন্তু যদি কোন দিন বঙ্গ-সাহিত্যে প্রাচীন যুগের বাঙ্গালী মহিলা-কবিগণের স্থান নিদ্রিষ্ট হয়, তাহা হইলে রঞ্জকিনী রামী কেবল যে সর্বপ্রথম বাঙ্গালী মহিলা-কবি বলিয়া অভিনন্দিত হইবে, এরূপ নহে, প্রাচীন মহিলা-কবিগণের শীর্ষস্থানে তাহার আসন প্রতিষ্ঠিত করিতেই হইবে। ঐ সকল পদ রামীর রচিত কি না, এ সম্বন্ধে কেহ বিশ্বপণ্ডিতগণের গবেষণার ফলাফলের জ্ঞান প্রতীক্ষা করিবে না।

নবম অধ্যায়

চণ্ডীদাসের যশোদা

মা যশোদার কথা মনে হইলেই একটি গান মনে পড়িয়া যায়। সেই গান—যে সুমধুর সঙ্গীত মহাপ্রাণ প্রাতঃস্মরণীয় স্বামী বিবেকানন্দের বড়ই প্রিয় ছিল, যাহা তাঁহার প্রিয়জনকে, বিশেষতঃ, তাঁহার আরাধ্য দেবতা শ্রীভগবান্ শ্রীরামকৃষ্ণদেবকে, তিনি শুনাইতে ভালবাসিতেন, তাহা গাহিতে গাহিতে মনের আনন্দে তাঁহার হৃৎপদ্ম বিকশিত

হইয়া উঠিত। মঠের অনেকেই বোধ হয় এখনও সেই গানটি ভুলিতে পারেন নাই—স্বামীজীর সেই অমৃতবর্ষী সঙ্গীতধ্বনি এখনও বোধ হয় অনেকের কানে বাজিতেছে। তিনি গাহিতেন—

“যশোদা নাচাতো তোমায় ব'লে নীলমণি ।
সে রূপ লুকালে কোথা করালবদনি (গো মা) ?
একবার নাচ গো শ্যামা,—
তেম্নি তেম্নি তেম্নি ক'রে, একবার নাচ গো শ্যামা ।
করের অসি ফেলে, মোহন বাঁশী লয়ে,
একবার নাচ গো শ্যামা ।
সে রূপ কেন দেখি না গো মা ?
গগনে বেলা বাড়িত, রাণীর মন ব্যাকুল হ'ত,
বলত ধর রে ধর রে গোপাল, ক্ষীর সর নবনী ।
এলায়ে চাঁচর কেশ মা বেঁধে দিত বেণী (গো মা) !”

কত বার সুগায়ক-কণ্ঠে এই মধুর সঙ্গীত শুনিয়াছি, সঙ্গে সঙ্গে মা যশোদার মাতৃমুগ্ধি বাৎসল্যরসে অভিষিক্ত হইয়া কল্পনানৈত্রের সম্মুখে ফুটিয়া উঠিত। যেন তিনি পীতধড়া, শিগিপুচ্ছ-চুড়া, অলকা-ভিলক-লাঙ্ঘিতবদন গোপালকে ধরিয়া নাচাইতে নাচাইতে তাঁহার শ্রীমুখে ক্ষীর সর নবনী তুলিয়া দিতেছেন। তিনি গোপালের চাঁচর কেশ এলাইয়া বেণী বাঁধিয়া দিতেছেন। সে রূপ দেখিয়া নন্দরাণীর উভয় নেত্র হইতে বাৎসল্যভাব যেন ফুটিয়া বাহির হইতেছে; যশোদার এই মাতৃভাব জগতের সাহিত্যে অতুলনীয়। মহাকবি চণ্ডীদাস তাঁহার পদাবলীতে মা যশোদার করুণা-ছল-ছল নেত্রে, তাঁহার কোমল হৃদয়ে, মাতৃভাব যে ভাবে ফুটাইয়া তুলিয়াছেন, তাহার অভিব্যক্তি বহু-সাহিত্যের দুর্লভ সম্পদ। আমরা চণ্ডীদাসের কবিত্ব বৃন্নিবার চেষ্টায় যদি মা যশোদার এই মাতৃভাবের আলোচনায় বিরত থাকি, তাহা হইলে কবি যশোদার হৃদয়ে বাৎসল্যরস কি ভাবে ফুটাইয়া তুলিয়াছেন, তাহার রসাস্বাদনে আমরাদিগকে বঞ্চিত হইতে হইবে।

চণ্ডীদাসের যশোদা বাৎসল্যের সজীব মূর্তি। বৈষ্ণব-সাহিত্যে অতুল সুখ-সৌভাগ্যবতী নন্দরাণীকে অবলম্বন করিয়া প্রাচীন যুগের পদকর্তাদের অনেকে বাৎসল্যের চিত্র অঙ্কিত করিয়াছেন; কিন্তু রাধা-কৃষ্ণের প্রেমের চিত্রে যেমন চণ্ডীদাসের কেহ সমকক্ষ নাই, বাৎসল্য-রসের অভিব্যক্তিতেও তিনি সেইরূপ প্রতিদ্বন্দ্বিবিহীন। বাৎসল্যের এই মধুর চিত্র বৈষ্ণব-পদাবলীতে অতি উচ্চস্থান অধিকার করিয়া

বিরাজিত রহিয়াছে। যশোদাও শ্রীরাধিকার ঞায়
ব্রজের মধুরজন্যা গোপাঙ্গনা ; কিন্তু তিনি রাজবধু।
ব্রজগোপীদের সহিত তাঁহার কোন সম্বন্ধ নাই ;
তিনি শ্রীকৃষ্ণকে তাঁহার জন্মদিন হইতে পুত্রজ্ঞানে
প্রতিপালিত করিয়া আসিয়াছেন। তিনি জানিতেন
না—তাঁহার গোপাল দেবকীনন্দন, দুর্দাস্ত-মথুরারাজ
কংসের ভাগিনেয়। যশোদা গোপবধু, গোপরাজ
নন্দ্রের মহিষী, কিন্তু কবি তাঁহাকে গোপালের
মাতৃমূর্তিতেই ফুটাইয়া তুলিয়াছেন। তাঁহার এই
মাতৃভাব যেন জগতের চির-স্নেহময়ী, কল্যাণদায়িনী
মাতৃত্বের আদর্শ। শ্রীকৃষ্ণ তাঁহার বাল্যসখা
শ্রীদাম-সুদাম প্রভৃতি ব্রজরাখালগণের সহিত ধেমু
চরাইতে গোষ্ঠে যাত্রা করেন ; মা যশোদা ব্যাকুল-
হৃদয়ে তাঁহার পথের দিকে চাহিয়া থাকেন। শ্রীকৃষ্ণ
সখাদের সঙ্গে খেলা করিতে করিতে নন্দালয়ের
বাহিরে আসিলে তিনি শত কাজ ফেলিয়া অন্তর
হইতে ছুটিয়া বাহির হইয়া তাঁহার প্রাণের
গোপালের সন্ধান লইয়া থাকেন। শ্রীকৃষ্ণের কোন
কষ্ট বা অনিষ্ট হয়—এই আশঙ্কায় রাণী সর্বদাই
ব্যাকুল। অথচ তাঁহার এই হৃদয়ভরা বাৎসল্যে
বিন্দুমাত্র অস্বাভাবিক বাড়াবাড়ি নাই ; এই ভাবের
অভিব্যক্তি যেমন স্বতঃ পরিস্ফুট, স্বাভাবিক,
সেইরূপ সুসঙ্গ ও সুন্দর। তাঁহার হৃদয়-নিঃসৃত
এই স্নেহে কোন ভক্ত, কোন ভাবুক প্রেমিক
শ্রীরাধাকৃষ্ণের প্রেমের মত আধ্যাত্মিকতার আরোপ
করেন নাই ; তথাপি ইহা স্বমহিমাময় বৈষ্ণব-
সাহিত্যে যে স্থান অধিকার করিয়া বিরাজিত আছে,
তাঁহা অতি উচ্চ ; এবং ইহার সম্ভব কখন ক্ষুণ্ণ
হইবে না।

গোপালকে গোষ্ঠে পাঠাইয়া মা যশোদার মনে
শান্তি নাই ; কানাই যখন গোষ্ঠ হইতে ফিরিলেন,
তখন তাঁহাকে গৃহে ফিরিতে দেখিয়া মা যশোদা—

“কোলেতে লইয়া নন্দ্রের নন্দন
বদন চুষন রসে ।
কত শত শত অমিয়া পাইয়া
রসের আনন্দে ভাসে ॥
‘এতক্ষণ কোথা হিয়া দিয়া ব্যথা
গেছিলে কোন্ বা বনে ।
এখানে এ ধড় গৃহমাঝে ছিল
পরাণ তোমার সনে ॥
আঁখির তারাটি গেছিল খসিয়া
এবে আঁখি আসি বসি।’

চণ্ডীদাস বলে ক্ষণেক নেহালে
ও মুখ বদন-শশী ॥”

‘তুমি গোষ্ঠে গিয়াছিলে, আমার হৃদয়ে ব্যথা
দিয়া কোন্ বনে গিয়াছিলে ? আমার দেহ এখানে
পড়িয়া ছিল, প্রাণ তোমার সঙ্গে ছিল। চক্ষুর
তারা খসিয়া গিয়াছিল, তোমার অভাবে চারিদিক্
অন্ধকার দেখিয়াছিলাম ; তুমি ঘরে ফিরিলে চক্ষুর
তারা পুনর্বার চক্ষুতে বসিল।’—প্রাণের গোপালের
প্রতি যশোদার এই বাৎসল্যের অভিব্যক্তি, ইহার
আন্তরিকতা, প্রগাঢ়তা, শ্রীরাধাকৃষ্ণের প্রেমের
মাধুরী হইতে সম্পূর্ণ পৃথক্, কিন্তু অন্য দিক্ দিয়া
ইহার শ্রেষ্ঠতা রাধাকৃষ্ণের প্রেমের শ্রেষ্ঠতা অপেক্ষা
কোন অংশে ন্যূন নহে, অথচ এতই বিচিত্র যে,
উভয়ের তুলনা চলে না।

শ্রীকৃষ্ণের অদর্শনে শ্রীরাধিকার অতৃপ্তি, বিরহ,
হৃদয়বেদনা চণ্ডীদাস মর্ম্মস্পর্শী ভাষায় ব্যক্ত
করিয়াছেন, কিন্তু যশোদার হৃদয়বেদনা সেইরূপ
মর্ম্মস্পর্শী হইলেও ইহার স্বরূপ স্বতন্ত্র। কবির
একটি পদ হইতে এই স্বাতন্ত্র্য উপলব্ধি হয়।
শ্রীকৃষ্ণকে কোলে লইয়া নন্দরাণী বাৎসল্যরসে হৃদয়
ভাসাইয়া বলিতেছেন,—

“তুমি মোর প্রাণ- পুতলি সমান,
যতক্ষণ নাহি দেখি ।
হৃদয় বিদরে, তোর অগোচরে,
মরমে মরিয়া থাকি ॥
* * * * *
শুনহ কানাই, আর কেহ নাই,
কেবল নয়ন-তারা ।
আঁখির নিমেষে, পলকে পলকে,
কতবার হই হারা ॥
মরু মেন * * * * * যত ধেমু গাই,
তোমার বালাই লয়া ।
কালি হৈতে বাপু, ধেমু গোষ্ঠ মাঠ,
না পাঠাব বন দিয়া ॥
* * * * *
বনে ভয়ঙ্কর, বৈসে ভয়ঙ্কর
শাদ্দুল ভুজঙ্গ রহে ।
জানি বা কখন, করয়ে দংশন,
এ বড়ি বিষম মোহে ॥
আনেক অনেক, আছে কত জন,
আমার পরাণ তুমি ।
ভাল মন্দ হৈলে, আঁখির পলকে,
তখনি মরিব আমি ॥”

বিরহিণী শ্রীরাধিকাও কত বার ঠিক এই ভাবেই কথা বলিয়াছেন, কিন্তু যশোদার বাৎসল্য-পূর্ণ এই উক্তির সহিত রাধিকার সেই উক্তির পার্থক্য আমরা হৃদয় দিয়া অনুভব করি। অপার্থিব প্রেম মাতৃভাবের ভিতর দিয়া কি করুণা-বিগলিত ধারায় আত্মপ্রকাশ করিয়াছে, এই পদের ছত্রে ছত্রে তাহার পরিচয় পাইতেছি।

কানাই গোষ্ঠে গিয়াছেন, গোষ্ঠে, বনে ধেমু চরাইতে চরাইতে তিনি বেণু-রব করেন, সেই বংশীধ্বনি সাংসারিক কার্যে ব্যাপ্ততা প্রেমিকা-শিরোমণি শ্রীরাধিকার কর্ণে প্রবেশ করে, তাঁহার মন আনন্দানু করে, উদাস্তে পূর্ণ হয়, গৃহকার্যে মন বসে না; যশোদাও সেই বেণুধ্বনি শুনিতে পান, তাহা শুনিলে জন্ম গৃহকর্মের মধ্যে তাঁহার কর্ণ উন্মত্ত থাকে, কিন্তু উভয়ের তনয়তা কত বিভিন্ন। এক দিন 'গোষ্ঠবিহারী' কানাইএর বেণুরব শুনিলে না পাওয়ায় মা যশোদার মাতৃহৃদয় কিরূপ ব্যাকুল হইয়াছিল, তাহা চণ্ডীদাসের পদেয় কয়েক ছত্রে সুপরিষ্কৃত হইয়াছে। কানাই গৃহে প্রত্যাগমন করিলে, মা যশোদা তাঁহাকে কোলে লইয়া তাঁহার মুখে ক্ষীর, নবনী, ছানা, সর দিয়া করুণ স্বরে বলিলেন,—

“কহ দেখি বাপু আজু কোন্ বনে
চরাইলে সব ধেমু।
আজ কেন বাপু, শুনিলে না পাই
তোমার মোহন বেণু ॥
আন দিন শুনি বেণু-রবখানি
আজু না শুনিলে পায়ে।
মনে উঠে কত বিষম সস্তাপ
শুনিলে থাকিয়ে জীয়ে ॥”

বনে বনে ধেমু চরাইতে কত কষ্ট, কত বজ্রগা, কত বিপদের আশঙ্কা—প্রভৃতি নানা দুঃখের কথা শুনিয়া যশোদা যে আক্ষেপ করিতেছেন, তাহা যশোদার মত পুত্রগতপ্রাণা, মমতাময়ী মায়ের কর্ণেই ধ্বনিত হয়; অত্ৰ কোন দেশের কোন মায়ের কর্ণ হইতে তাহা কখন নিঃসৃত হইতে শুন! গিয়াছে কি? কানাইএর গোচারণের কষ্টের কথা শুনিয়া যশোদা বলিলেন,—

“আহা মরি মরি পরাণ-পুথলি
বাছনি কালিয়া সোনা।
কত না পেয়েছ ক্ষুধায় পীড়িত
বনে যেতে করি মানা ॥

এ দুঃখে না জীব নন্দে কি বলিব
এ শিশু পাঠায়ে বনে
এ ঘর করণে আনল ভেজাব
কিবা সে করয়ে ধনে ॥

ইহাকি অধিক আর কিবা ধন
যারে না দেখিলে মরি।
কালি আর গোষ্ঠে না পাঠাব মাঠে
কেবা কি করিতে পারি।

* * * *

তোমারে লইয়া আন দেশে যাব
না রব নন্দের ঘরে।
তোমা হেন ধন আর কোথা পাই
বিধাতা দিয়াছে মোরে ॥

কত কত বার ছেনা ননী সর
পিয়াই রজনী জাগি।
কটোরা ভরিয়ে রাখিয়ে যাপিয়ে
রাখিয়ে যাহার লাগি ॥

এ জন কেমনে এই ধেমু সনে
ফিরিবে বনেতে বনে।
অভাগী মায়ের বিষম অন্তর
ক্ষেণে কত উঠে মনে ॥”

শ্রীকৃষ্ণকে সঙ্ঘোধন করিয়া শ্রীরাধিকা যে প্রেমের কথা বলেন, তাহাতে প্রেমের মাধুর্য ও প্রগাঢ়তাই পরিষ্কৃত দেখি; কিন্তু পুত্রের কষ্ট, অভাব, ক্ষুধা, শ্রম প্রভৃতি স্মরণ করিয়া মাতৃ-হৃদয়ে একরূপ ব্যাকুলতা ও কাতর কণ্ঠের এইরূপ অন্তর্ভেদী হাহাকার সেই প্রেমের ভাষায় পরিব্যক্ত হয় না, হইতে পারে না। মা ছেলের যে দুঃখ, কষ্ট, অভাব বৃত্তিতে পারেন—প্রিয়গতপ্রাণা প্রেমিকা প্রণয়িণীও তাহা ঠিক সেই ভাবে বৃত্তিতে পারেন না। শ্রীরাধিকার নিকট শ্রীকৃষ্ণ প্রেমময় আরাধ্য দেবতা, তিনি তরুণ যুবক; কিন্তু মা যশোদার নিকট তিনি শিশু। মায়ের কাছে পুত্র ত চিরদিনই শিশু। কবি তাঁহাকে এই মূর্তিতে চিত্রিত করিয়াই মাতৃভাব প্রগাঢ়রূপে ফুটাইয়া তুলিয়াছেন। কানাইকে 'চোরা' ধবলীর সঙ্গে বনে পাঠাইয়া নন্দ অগ্রায় করিয়াছেন, তাই কানাই কতই বষ্ট পাইয়াছেন, এ জন্ম নন্দরাণী কানাইকে ঘুম পাড়াইয়া রাখিয়া স্বামী নন্দ ঘোষের নিকট উপস্থিত হইলেন এবং তাঁহাকে তিরস্কার করিতে কুঠা প্রকাশ করিলেন না। ইহাতে যশোদার মাতৃহৃদয়ের বিশেষত্ব কি ভাবে ফুটিয়া উঠিয়াছে, তাহা চণ্ডীদাসের লিপ-

কৌশলের এবং জননী-হৃদয়ের বাৎসল্য-প্রকাশের উজ্জ্বল বৃণ্ডান্ত ।

মহাকবি চণ্ডীদাস তাঁহার পদাবলীতে মা যশোদার সন্তান-বাৎসল্যের যে চিত্র ফুটাইয়া তুলিয়াছেন, তাহাতে আমরা কোন প্রকার কুণ্ঠার, হৃদয়ভাব প্রকাশে বিন্দুমাত্র সঙ্কোচের কোন পরিচয় পাই না । তিনি হৃদয়ে যাহা অনুভব করেন, তাহা মুস্পষ্টরূপে ব্যক্ত করেন । পুত্রের অমঙ্গল আশঙ্কায়, তাঁহার অদর্শনে, যশোদার হৃদয়ে যে হাহাকার পুঞ্জীভূত হইয়া উঠে, তাহা তিনি গোপন করিতে জানেন না ; তাঁহার অশ্রু কোন বাধা মানে না । শ্রীকৃষ্ণকে তিনি হৃদয়ের সকল বাৎসল্যরস ঢালিয়া তদ্বারা অভিষিক্ত করিয়াই ক্ষান্ত থাকিতে পারেন না, তাঁহাকে নানা ভাবে সাজাইয়া, ক্ষীর সর নবনী আহার করাইয়া, এবং সর্ষদা চোখে চোখে রাখিয়া তাঁহার অপরিভৃষ্ট মাতৃ-হৃদয়ের বাৎসল্য যেন চরম সার্থকতা লাভ করে বটে, কিন্তু তথাপি যেন তিনি তৃপ্তিলাভ করিতে পারেন না । তিনি নন্দের সহধর্ম্মিণীরূপে বা গোপরাজ্ঞীর পদোচিত মহিমায় ফুটিতে পারেন নাই, তাঁহার সবেধন নীলমণির পরম স্নেহময়ী মাতা পুত্রগতপ্রাণা মুগ্ধা জননীরূপেই ফুটিয়া উঠিয়াছেন ; অথচ তিনি শ্রীকৃষ্ণের গর্ভধারিণী জননী নহেন । এই জন্মই সন্তানের প্রতি প্রাণের সকল দরদ, হৃদয়ের অতৃপ্ত স্নেহের ব্যাকুলতা, অন্তরের অন্তস্তলে সঞ্চিত সকল বাৎসল্য-রস নিঙড়াইয়া ঢালিয়া দিয়াও তিনি যেন পরিভৃষ্ট লাভ করিতে পারেন না । শ্রীকৃষ্ণ তাঁহার গর্ভে জন্মগ্রহণ করিলে কবি যশোদার স্নেহার্ত্ত-হৃদয়ের ব্যাকুলতা, চাঞ্চল্য, মর্ম্মোচ্ছ্বাস হয় ত ঠিক এই ভাবেই প্রদর্শন করিতেন না । তিনি নারীচরিত্রে অভিজ্ঞ, তীক্ষ্ণদৃষ্টি, সহৃদয় ভাবকের ও রসজ্ঞের চক্ষুতে নারী-হৃদয়ের অন্তস্তল পর্য্যন্ত নিরীক্ষণ করিয়া পুত্রবৎসলা গোপরাজ্ঞীর উদার চরিত্র ভাবের তুলিতে—সহানুভূতির উজ্জ্বল বর্ণে অঙ্কিত করিয়াছেন । প্রগাঢ় বাৎসল্যরসকেই তিনি এই চিত্রাঙ্কনে নয়নরঞ্জন রাগরূপে ব্যবহৃত করিয়াছেন । সকল জননীই স্ব-স্ব পুত্রকে স্বভাবতঃ স্নেহ করেন, সেই স্নেহ মাতৃ-হৃদয়েরই স্বাভাবিক বৃত্তি এবং তাহার প্রগাঢ়তাও অকৃত্রিম ; কিন্তু যশোদার স্নেহ যেরূপ মাধুর্য্যমাখা কোমলতায় পূর্ণ, সকল জননীর হৃদয়ে সেরূপ কোমলতার ও সুদূর্লভ ঐশান্তিকতার পরিচয় পাওয়া যায় না ।

কিন্তু মাতৃহৃদয়ের বাৎসল্যরসের চরমোৎকর্ষ প্রদর্শিত হইয়াছে ইহার পর । বৈষ্ণব-সাহিত্যে

বাৎসল্যরসের এমন প্রাণস্পর্শী উদাহরণ আর কোথাও দেখিয়াছি বলিয়া স্মরণ হয় না । সে কোন সময়ের কথা ?

কৃষ্ণ-বলরাম মথুরায় যাইবেন ; কংসের আদেশে অক্রুর রথ সহ বৃন্দাবন হইতে তাঁহাদিগকে লইয়া যাইতে আসিয়াছেন । অক্রুরের আগমনে সারা ব্রজ-ধামে সাড়া পড়িয়া গিয়াছে । কৃষ্ণ-বলরাম মথুরাপুরী যাইবেন বলিয়া নানা সাজে সজ্জিত হইয়াছেন । —কৃষ্ণ মথুরায় যাইবেন শুনিয়া—

“মায়ের পরাণ ধৈর্য না রহে
 বিষম বেদনা পেয়া ।
অচেতন তনু পড়িয়া ভূতলে
 হলধর পানে চেয়া ॥
আর সে কাহারে আনিয়া নবনী
 সে চাঁদ-বয়ানে দিব ।
ঘনে ঘনে মুখ দূরে যাবে দুখ
 এ শোকে কেমনে জীব ॥
শুন নন্দ ঘোষ আমার বচন
 গোপালে বিদায় দিয়া ।
এ ঘর-দুয়ারে আনল ভেজায়
 যাব সে বাহির হয় ॥
আঁখি গেলে তার কি ছার জীবন
 বাঁচিতে কি আর সাধ ।
অনেক তপের , ফল পরশনে
 বিধি সে করিল বাদ ॥”

* * * *

“দর দর দর হিয়া জর জর
 নন্দ যশোমতী মায় ।
যাহুর সে মুখ চাঁদ নিরখিয়া
 দৌছে কাঁদে উভরায় ॥”

বৃকফাটা আগ্নেয়গিরির গলিত ধাতুস্রাবের খায় উৎসারিত, মাতৃহৃদয়-নিঃসৃত হাহাকারের যৎকিঞ্চিৎ নমুনা উদ্ধৃত করিলাম ; বিভিন্ন পদে পাঠক-পাঠিকাগণ ইহার সম্পূর্ণ পরিচয় পাইবেন ।

অতঃপর শ্রীকৃষ্ণ-বিরহে বৃন্দাবনের অবস্থা কিরূপ শোচনীয় হইল, মহাকবি তাহার যে বর্ণনা পদাবলীতে লিপিবদ্ধ করিয়াছেন, তাহা পুত্রবৎসলা জননীর হৃদয়ের ব্যাকুলতা ও হাহাকারকে অধিকতর পরিষ্ফুট করিয়াছে । ধেনু ও গোবৎস হইতে ব্রজধামের পশুপক্ষী, ভ্রমর-ভ্রমরী পর্য্যন্ত শোকার্ভ ; শ্রীকৃষ্ণবিরহে তাহাদের কণ্ঠ নীরব । বিবাদের গাঢ় অন্ধকারে

ব্রজভূমি আচ্ছন্ন। বৃন্দাবনচন্দ্র বিনা বৃন্দাবন
অন্ধকার !’

ইহার পর নন্দ-বিদায়ের পালা। নন্দ মথুরায়
কৃষ্ণবলরামকে আনিত্তে গিয়া প্রত্যাখ্যাত হইলেন।
তিনি একাকী বৃন্দাবনে প্রত্যাগমন করিলেন।
যশোদা পুত্র-সন্দর্শন আশায় যমুনাতীরে উপস্থিত
হইয়া রথে প্রাণাধিক কৃষ্ণকে না দেখিয়া শোকাकुলা
হইয়া নন্দকে বলিলেন,—

“কি লয়ে আইলে তুমি।

এ ঘর করণ দূরে ভেয়াগিয়া
জলে প্রবেশিব আমি ॥
অন্ধনার নড়ি বাছারে কানায়
কোথা না রাখিয়ে এলে।
কেমন বাঁচিব তাহা না দেখিয়া
বড় দুখ মেনে দিলে ॥

* * * *

যাহার লাগিয়া এ ঘর করণ
সেই সে রহল দূরে।
নয়নের তারা পরাণ দোসর
বাঁচিব কাহার তরে ॥”

* * * *

“আর কি শুনব তার বাণী।
শুনিয়া জুড়াব মোর প্রাণী ॥
এ ক্ষীর নবনী দিব কায়।
আর কে ডাকিবে বলি মায় ॥
মুই বড় অভাগিনী রামা।
ত্রিভুবনে নাহি কোন জনা ॥
মরিব গরল বিষ খেয়ে।
কিবা ছার এ তনু রাখিয়ে ॥”

অতঃপর নন্দরাণী পুত্র-বিচ্ছেদ-শোক সহ্য করিতে
না পারিয়া বলিলেন,—

“শুন নন্দ ঘোষ আমার বচন
চল যাব সেই ঠাম।
তু’বাহু পসারি কোলেতে লইয়া
দেখি নব-ঘন-শ্রাম।
এ ক্ষীর নবনী ছেনা, দুগ্ধ, চিনি
দিব সে দৌহার মুখে।
তবে সে যাইব আদর আগুন
হইব অতি সে স্মুখে ॥

* * * *

কানাই কানাই বলিয়া বলিয়া
নিরবধি রাণী কান্দে ॥”

মাতৃ-হৃদয়ের এই ব্যাকুলতা, যশোদার এই
অশ্রান্ত বিলাপ, প্রাণাধিক কানাই, নন্দের সহিত
ব্রজধামে প্রত্যাগমন না করায়, তাঁহার অদর্শনে
গোপরাজ্ঞীর এই হৃদয়ভেদী হাহাকার, তাঁহার
পুত্র-বাৎসল্যের অপূর্ব অভিব্যক্তি। মহাকবি
চণ্ডীদাস তাঁহার পদাবলীতে যশোদার যে চিত্র
অঙ্কিত করিয়াছেন, তাহাতে মহিমময়ী রাজ্ঞীর মূর্ত্তি
পরিস্ফুট করা হয় নাই; ব্রজাঙ্গনাগণের সহিত
তাঁহার নিবিড় ঘনিষ্ঠতারও কোন পরিচয়
চণ্ডীদাসের কোনও পদে উজ্জ্বল ভাবে ফুটাইয়া
তুলিবার অণু চেষ্টার তেমন কোন নিদর্শন নাই,
এবং স্বামীর সহিত প্রেমে, সখ্যতায়, হৃদয়-
ভাব-বিনিময়ের আন্তরিকতায়, বা আত্মীয়তা-
বন্ধনের নিবিড়তায়, তাঁহার নারীত্বের অণু কোন
গৌরবময় আদর্শেরও কোন পরিচয় লক্ষিত হয় না।
অধিক কি, গার্হস্থ্য জীবনে, এবং নারীমূলভ
সাধারণ আচার-ব্যবহারে, যা যশোদার পাকা
গৃহিণীপণার চিত্র, বা ব্রত, নিয়ম ও রাজাস্তঃপুর-
প্রবর্ত্তিত পূজার্চনাদির প্রতি পুরমহিলার যে অনুরাগ
স্বাভাবিক, তাহাও মহাকবি যশোদার চরিত্রে উজ্জ্বল
বর্ণনাগে প্রতিফলিত করিবার চেষ্টা করেন নাই।
কারণ, শ্রীরাধাকৃষ্ণের বৃন্দাবন-লীলায় চণ্ডীদাস যা
যশোদাকে রাজরাণী বা সামাজিক গুণসম্পন্ন
উচ্চশ্রেণীর ঐশ্বর্যময়ী মহিলারূপে চিত্রিত করেন
নাই। বিশুদ্ধ পরমার্থ প্রেম, নিষ্কলুষ পরাপ্রীতিই
মহাকবির রচনার প্রতিপাত্ত বিষয়। এই প্রসঙ্গে
আমাদের স্মরণ হইতেছে—হালের কোন কোন
হাতুড়ে বিশ্ব-পণ্ডিত পাণ্ডিত্যের প্রচণ্ড বেগ সংবরণ
করিতে না পারিয়া, প্রাচীন বৈষ্ণব-সাহিত্যের এক-
তরফা বিচারে প্রবৃত্ত হইয়াছেন; এবং বিচারকের
উচ্চাসনে উপবেশন করিয়া অসঙ্কোচে রায় দিয়াছেন
—‘কৃষ্ণকীর্ত্তন’ নামক উদ্দাম কাম-কলুষিত কুমুরের
পদগুলি—যাহার নায়ক কাহুর নির্লজ্জ রসিকতার
আদর্শ—‘প্রেম সাধিতে উলঙ্গ হইয়া নিজের মাথায়
খাপড় মারিয়া শব্দ করা’ আর ‘নাম্বিকার সহিত
দাঁতে-দাঁতে কামড়া-কামড়ি করা,’ পূজনীয় শাস্ত্রী
মহাশয় গয়লা-গয়লানীর কাণ্ড বলিয়া অবজ্ঞাতরে
যাহার উল্লেখ করিয়াছিলেন, এবং ‘কৃষ্ণকীর্ত্তনের’
পরিবর্ত্তে যে কেতাবের ‘কাহুকামায়ণ’ নাম দিলেই
সঙ্গত হইত,—তাহা মহাববি চণ্ডীদাসেরই উদ্দাম
ঘোবনের শিক্ষানবিশী রচনা এবং ইতোতে রাধা-
কৃষ্ণের প্রেমের ‘ঐশ্বর্যের’ দিকটাই না কি প্রদর্শিত
হইয়াছে।—বিশ্বপণ্ডিতদের ইহাই কি কবির

মনস্তত্ত্ববিশ্লেষণের নমুনা? কিন্তু মহাকবি চণ্ডীদাস তাঁহার পদাবলীতে আত্মত্যাগের মহিম-সমুজ্জল প্রেমের চিত্রই অঙ্কিত করিয়াছেন। এই জগতই তিনি মা যশোদাকে তাঁহার পদাবলীতে অপূর্ব বাৎস্যল্যের সজীব মূর্তিরূপে প্রতিষ্ঠিত করিয়াছেন। সেই ক্ষেত্রে দাঁড়াইয়া যশোদা শ্রীকৃষ্ণকে এবং তাঁহার বৃন্দাবনলীলার সহচর বলরাম ও অত্যাগত সখাবৃন্দকে যে বাৎস্যল্যের পথিবেষণ করিয়াছেন, বৈষ্ণব-সাহিত্যে তাহাই তাঁহাকে চিরকরণাময়ী, স্নেহ-বিহ্বলা, পুত্রগতপ্রাণা, মধুরহৃদয়া, মমতাময়ী জননীরা আসনে মাতৃত্বের পূর্ণগৌরবে ও অক্ষুণ্ণ মহিমায় সুপ্রতিষ্ঠিত করিয়াছে। দিগন্ত প্রসারিত, নিস্তরঙ্গ, সুবিশাল মহাসিন্ধুর ত্রায় উদার, মেঘাডম্বর-বিরহিত শরতের সুপ্রদল গগন-বিরাজিত পূর্ণচন্দ্রের অমল ধবল জ্যোৎস্নারশির ত্রায় সুনির্মল ও সুমধুর বাৎস্যল্যভাব শ্রীরাধিকার আদর্শ প্রেমের সমুজ্জল চিত্রের পার্শ্বে চিরদিনই বৈচিত্র্য প্রদর্শন করিবে, এবং মহাকবি চণ্ডীদাসের অগণ্য ভক্ত পাঠক-পাঠিকাবর্গের যখনই মা যশোদার বাৎস্যল্যের কথা স্মরণ হইবে—তখনই তাঁহারা কল্পনানৈবেদ্যে র্যাফেলের মাতৃমূর্তির ত্রায় অতুলনীয় যে মহিমাময়ী মাতৃমূর্তি পরিষ্কৃত দেখিতে পাইবেন, তাহার—

“সুন্দরীকে জাঁখি-নীরে বসন ভিজিয়া পড়ে।
বেশ বানাইতে কাঁপে কর ॥”

বাৎস্যল্যের এই স্নগ্ধতাপূর্ণ, প্রাণস্পর্শী মনোরম চিত্র সত্যই কি জগতের সাহিত্যে দুর্লভ নহে? মাতৃত্বের ইহা নিখুঁত ছবি; এ ছবি আমরা আর কোন্ দেশের সাহিত্যে খুঁজিয়া পাইব?

দশম অধ্যায়

চণ্ডীদাসের শ্রীকৃষ্ণ

চণ্ডীদাস অসমসাহসী কবি। তাঁহার রচিত পদাবলীতে তিনি ষাঁহাকে নায়করূপে চিত্রিত করিয়াছেন—তিনি পৃথিবীর সাধারণ মানব নহেন; তিনি বিশ্বব্রহ্মাণ্ডপতি, অখিলের নাথ, যোগীর আরাধ্য ধন,—যিনি রাখালমূর্তিতে সুপবিত্র ব্রহ্মধামে প্রেমলীলা প্রচার করিতে আসিয়াছিলেন; যিনি যুগ-যুগান্ত-পূর্ব হইতে শত-সহস্র ভক্তহৃদয়ে অলৌকিক লীলা-মাধুরীর বিকাশ করিয়াছেন, এবং জগতে কত ভাবে ধর্মের ও প্রেমের উজ্জল মহিমা

প্রকটিত করিয়াছেন; যিনি স্বধর্মনিষ্ঠ সাধকগণকে উৎপীড়কের কবল হইতে রক্ষা করিবার জন্ত, দুষ্কৃতগণকে বিনাশ করিয়া সনাতন ধর্ম সংস্থাপনের নিমিত্ত যুগে যুগে ধরায় অবতীর্ণ হইতেছেন। তাঁহারই সুমধুর শ্রীবৃন্দাবন-লীলা-কীর্তন উপলক্ষে তাঁহাকে নায়করূপে স্বরচিত পদে প্রতিষ্ঠিত করিয়া, তাঁহার সুপবিত্র, ও অবিনশ্বর প্রেমকাহিনী, তাঁহার হৃদয়ভাবের বিচিত্র স্ফুরণ ও বিকাশ অমুপম ভাষায়, অপূর্ব ছন্দে মানবের অক্ষুট হৃদয়-কোরকে ভগবদ্ভক্তির অরুণরাগ সংস্পর্শে পরম শোভাময় শতদল পদ্মের ত্রায় বিকশিত করিবার উদ্দেশ্যে প্রকাশিত করিয়াছেন—ইহা চণ্ডীদাসের অসাধারণ সাহসের পরিচয়। তিনি তাঁহার আরাধ্যা দেবী বাসুদেবীর আদেশেই এই অসম-সাহসের কার্যে প্রবৃত্ত হইয়া জগদগুরু শ্রীভগবানের প্রেমপ্রচারে সমর্থ হইয়াছিলেন, এবং তাঁহার রচিত অপূর্ব সুন্দর পদগুলি ভগবদ্ভক্ত লক্ষ লক্ষ মুমুক্ষুর হৃদয় শ্রীভগবানের বৃন্দাবন লীলার মাধুর্য্যরসে অভিষিঞ্চত করিয়া তাঁহাদিগকে অপার অপরিমেয় অব্যক্ত, অপার্থিব আনন্দের অধিকারী করিয়াছেন। চণ্ডীদাসের অমর লেখনী-মুখে ব্রজেশ্বর বনমালীর স্বর্গীয় প্রেম কি ভাবে পরিষ্কৃত হইয়া উঠিয়াছে,— এই নগণ্য, ক্ষুদ্র, ভক্তিতত্ত্বের অনধিকারী মূঢ় লেখকের সাধ্য কি যে, সে চিরপ্রেমময়ের অপার্থিব প্রেমের অলৌকিক লীলামাধুরী বিশ্লেষণ করিয়া দেখাইবে? এই লীলা-মাধুরীর তুলনা নাই যে! শ্রীকৃষ্ণের প্রেমে শ্রীবৃন্দাবন পরিপ্লাবিত; তাঁহার রাধা নামে সাধা বাঁশীর স্বরে কল্লোলমুখর কলস্বনা যমুনা উজানে বয়, কুলবতী কুল-মান তুচ্ছ করিয়া, সংসারবন্ধন-পাশ ছিন্ন করিয়া, সেই অকুলের কাণ্ডারীর শ্রীচরণের আশ্রয় গ্রহণ করে। ব্রজ-রাখালেরা তাঁহার সখা-প্রেমে বন্দী হইয়া তাঁহার সখা-সহচরবেশে দাসভাবে বৃন্দাবনের বনে বনে গোষ্ঠে মাঠে ধেমু চরায়। তিনি তাহাদের সঙ্গে বনে বনে খেলিয়া বেড়ান, রাখাল-বালকেরা বনে মিষ্ট ফল সংগ্রহ করিতে পারিলে তাঁহার শ্রীমুখে তুলিয়া দেয়। তিনি নন্দের পুত্ররূপে তাঁহার বাধা বহন করেন; মা যশোদা বাৎস্যল্যরসে পূর্ণ হইয়া তাঁহার মুখে ক্ষীর সর নবনী প্রদান করেন। আর প্রেমোন্মাদিনী আত্মবিশ্বতা রাজনন্দিনী শ্রীরাধিকা তাঁহার প্রেমের জগ্ন কুলত্যাগিনী; তাঁহার প্রেমপাশে চিরবন্দিনী। শ্রীকৃষ্ণের এই বৃন্দাবন-লীলায় চণ্ডীদাস তাঁহাকে কি ভাবে আদর্শ প্রেমিক-

রূপে চিত্রিত করিয়া তাঁহার লীলার বৈচিত্র্য পরিষ্কৃত করিয়াছেন, তাহার রসাস্বাদনে প্রবৃত্ত হইয়া আমরা দেখিতে পাই—কি ভাবে, কি অপূৰ্ব কোশলে চণ্ডীদাস শ্রীকৃষ্ণকে শ্রীরাধিকার সহিত পরিচিত করিয়া তাঁহাদের মিলন সংঘটন করিয়াছেন। শ্রীরাধিকার পূৰ্ব্বরাগের সহিত শ্রীকৃষ্ণের পূৰ্ব্বরাগের সম্পূর্ণ সামঞ্জস্য লক্ষিত না হইলেও মিলনের পর তাঁহাদের প্রেমের প্রগাঢ়তায় বিন্দুমাত্র বৈসাদৃশ্য অনুভূত হয় না। শ্রীরাধার চিরজীবনের অবলম্বনস্বরূপ, অন্ধকারাচ্ছন্ন অকূল মহাসমুদ্রে দিগন্তান্ত পোতচালকের পরিচালক স্থিরজ্যোতি কুবনক্ষত্রের নিনিমেষনেত্রের ভাষাহীন হৃদিতের ত্রায়, চিরনির্ভর শ্যামনাম যে দিন তাঁহার কর্ণকুহরে প্রথম প্রবেশ করিল, সেই দিন—সেই মুহূর্ত্তেই তিনি সেই নাম-শ্রবণে বিহ্বল হইয়াছিলেন। সে নাম শুনিয়া শুনিয়া তিনি তৃপ্তিলাভ করিতে পারেন নাই। যাহার নাম জপিতে জপিতে দেহ মন অবশ হইল,—তিনি কেমন, শ্রীরাধিকা কিরূপে তাঁহাকে দেখিবেন, দেখিলেই বা না জানি তাঁহার মনের অবস্থা কিরূপ হইবে—ইহাই হইল বৃন্দাবনবিলাসিনী, বৃষভাসু-নন্দিনী, সুরসিকা, সগীগণ-পরিবৃত্তা শ্রীরাধিকার পূৰ্ব্বরাগের সূচনা। তাহার প্রিয়সখী বিশাখা “বিরলে বসিয়া পটেতে লিখিয়া” সেই শিখিপুচ্ছধারী, বনমালাবেষ্টিতকণ্ঠ, পীতাম্বর-পরিহিত, ওষ্ঠে মোহন বাঁশরী, মুপুলালঙ্কৃত-চরণ, সূঠাম ত্রিভঙ্গভঙ্গিতে দণ্ডায়মান, শ্রীনন্দনন্দন বৃন্দাবনচন্দ্রের প্রতিকৃতি আনিয়া প্রেমবিহ্বলা আত্মবিশ্বস্তা শ্রীরাধিকার সঙ্গুখে ধরিল।

কিন্তু শ্রীনন্দনন্দন রাখালরাজ শ্রীকৃষ্ণের শ্রীরাধিকার প্রতি পূৰ্ব্বরাগের সূচনা ভিন্ন প্রকার। নন্দদুলাল, যশোমতীর অঞ্চলের নিধি, শ্রীদাম সুদাম প্রভৃতি ব্রহ্মরাখালগণের সখা, রাখালরাজ গোষ্ঠে ধেমু চরান। রাখালদের যেমন হইয়া থাকে—গোষ্ঠের ধেমু চরিতে চরিতে দুই একটা এদিকে ওদিকে সরিয়া পড়ে,—এ ক্ষেত্রেও তাহাই হইল। শ্রীকৃষ্ণের ধেমু ধবলী দলভ্রষ্ট হইয়া তাঁহার অজ্ঞাতসারে কোথায় অদৃশ্য হইল। শ্রীকৃষ্ণ সেই ধেমুর সন্ধান ঘুরিতে ঘুরিতে যে স্থানে উপনীত হইলেন, তাহা শ্রীবৃন্দাবনের আভীরপল্লী হইতে অদূরে অবস্থিত শ্রীরাধিকার পিতা বৃষভাসু রাজার পুরী। বৃষভাসুপুরের বনে ধবলীর সন্ধান হইল বটে, কিন্তু তিনি বৃষভাসু রাজার অন্তরমহলে হঠাৎ দৃষ্টিপাত করিয়া কি দেখিলেন?

“মহল ছাড়িয়া আসি সঙ্কে সহচরী দাসী
কনক গাগরি লই কাঁখে।
ধনীর রূপের ছটা কোটি চাঁদ জিনি ঘটা
কত সুখা বরখয়ে মুখে ॥”

এই রূপ দেখিয়া শ্রীনন্দনন্দন শ্রীহরি গোচারণ-ক্ষেত্রে ফিরিয়া আসিলেন, এবং শ্রীরাধিকার সখী যেমন বিশাখা, সেইরূপ শ্রীকৃষ্ণের প্রিয়সখা সুবলের মুখের দিকে চাহিয়া কিছু কাল মৌন থাকিয়া বলিলেন,—

“সখা হে, কহ দেখি কি করি উপায়।
হিয়া করে কেন মত সহিতে না পারি এত
নিরন্তর জ্বলিছে হিয়ায় ॥

* * * *
স্বপ্নসম দেখি তারে ছায়ার সমান পুরে
মোর অঙ্কে আভা আসি বাজে।
চণ্ডীদাস কহে তাপে শুন প্রভু যত্ননাথে
এ কথা বুঝিবে আন কাজে ॥”

তাহার পর তিনি সুবল সখার নিকট সেই নবদৃষ্টা তরুণীর রূপের যে বর্ণনা করিলেন, তাহা চণ্ডীদাসেরই লেখনীর যোগ্য। শ্রীরাধাকে দর্শন করিয়া শ্রীনন্দনন্দনের মনের ভাব কিরূপ হইয়াছিল, তাহা মহাকবি তাঁহার মুখ দিয়া বলাইতেছেন,—

“শুইতে না হয় নিদের আলিস
ক্ষুধা-তৃষ্ণা গেল দূরে।
নিরবধি হৃদে সেই সে ভাবনা
থাকি থাকি মন রুরে ॥

* * * *
মনের সহিতে মরম কোতুকে
সখীর কাছেতে যাই।
হাসির চাহনি দেখালে কামিনী
পরান হারানু তাই ॥”

পূৰ্ব্বরাগের এই আরম্ভ; কিন্তু শ্রীরাধিকার পূৰ্ব্বরাগে আমরা তাঁহার যে তন্ময়তা দেখিয়াছি, এখানে তাহা নাই; এখানে শ্রীরাধিকার ‘কোতুক’ আছে, ‘হাসির চাহনি’ আছে। কিন্তু নায়কের আগ্রহ, বেদনা, তন্ময়তা, নায়িকার পূৰ্ব্বরাগেরই অমুরূপ। নায়িকার রূপের বর্ণনা নায়কের রূপবর্ণনা অপেক্ষা জমাট হইয়া উঠিয়াছে।—ইহাই স্বাভাবিক এবং মনস্তত্ত্ববিদের সুনিপুণ লেখনীর যোগ্য।

তাহার পর স্নানের ঘাটে বনমালী হরি শ্রীরাধিকাকে ‘নাহিতে’ ও ‘সিনিয়া উঠিতে’

দেখিলেন। সেই সময় শ্রীরাধিকার যে রূপের বর্ণনা শ্রীকৃষ্ণের কর্তে ধ্বনিতা উঠিয়াছে, তাহার ঞায় সুমধুর, শ্রবণতৃপ্তিকর, অপূৰ্ণ-রক্ষারপূর্ণ, কবিত্বময় পদ বৈষ্ণবসাহিত্যে দুর্লভ। যেমন উপমা, তেমনই প্রকাশভঙ্গি। এইবার কবি শ্রীকৃষ্ণকে শ্রীরাধিকার পরিচয়প্রদান উপলক্ষে নেপথ্যে জানাইয়া রাখিলেন,—

“কহে চণ্ডীদাস বাণুলী আদেশে
শুন হে নাগর চন্দা।
সে যে বৃষভানু রাজার নন্দিনী
নাম বিনোদিনী রাধা ॥”

কিন্তু এখনও শ্রীরাধিকার প্রেমের বিহ্বলতা, তন্ময়তার অভাব। এখনও নায়কের মন মুগ্ধ করিবার আকিঞ্চন, কিশোরী নায়িকার প্রগল্ভতা বর্তমান। শ্রীকৃষ্ণকে দেখিয়া তিনি আড়-নয়নে দ্বিধা হাসেন, ফুলের গেরুয়া লুফিয়া ধরেন, গধনে পাশ দেখান, ‘উচ কুচমুগ বসন ঘুচায়’ মুচকি মুচকি হাসেন। শ্রীরাধিকার পূর্বরাগের কোন পদে চণ্ডীদাস তাঁহাকে এরূপ প্রগল্ভা নায়িকারূপে চিত্রিত করেন নাই। এই জন্ত এই বর্ণনা মহাকবি চণ্ডীদাসের কি না, এ সন্দেহ স্বাভাবিক বলিয়া মনে হয়। হয় ত কৃষ্ণকীর্তনের চণ্ডীদাসের মত অন্য কোন চণ্ডীদাস নিষ্কাম প্রেমের আদর্শস্বরূপিনী শ্রীরাধিকার এই চটুল প্রগল্ভতার জন্ত দায়ী।

কিন্তু শ্রীরাধিকাকে ‘যমুনা সিনান করি’ সখীগণ সঙ্গে কত রঙ্গে যাইতে দেখিয়া শ্রীকৃষ্ণের ব্যাকুলতা ক্রমেই বর্ধিত হইতেছিল; তিনি সখাকে ‘সই’ সম্বোধন করিয়া বলিতেছেন,—

“সই, সে নব রমণী কে।
চকিতে হেরিয়া জলত এ হিয়া
ধরিতে নারি এ দে ॥
পুন না হেরিলে না রহে জীবন
তোমাতে কহিষু দড়।”—ইত্যাদি
“চরণ যুগল জিনিয়া কমল
আলতা-রঞ্জিত তায়।
মঝু মন তাহে কাহে না ভুলব
মদন মুরছা যায় ॥”
“কাহার নন্দিনী কাহার রমণী
গোকুলে এমন কে।
কোন পুণ্য-ফলে বল বল সখা
সে রামা পাইল সে ॥”

শ্রীকৃষ্ণের এইরূপ আক্ষেপ শুনিয়া সুবল সাজাত বলিলেন,—

“তোমার মরম আমি ভালে জানি
শুনহ মরম-সখা।
বুঝিব চরিত জানিব বেকত
তোমাতে করাব দেখা ॥”

তাহার পর সুবল শ্রীকৃষ্ণের সম্মুখে অনেক ‘টোনার খেলা’ দেখাইলেন। এই ‘টোনার খেলা’কে আমরা ইঞ্জুরাল নামে অভিহিত করিতে পারি। সুবল যাদুবিদ্যায় সুনিপুণ ছিল। সে ভগবানের বিভিন্ন অবতারের মূর্তি ধারণ করিয়া শ্রীকৃষ্ণকে বিশ্বাসভিত্ত করিল। কখন জানকীর সহিত শ্রীরাম ধামুকী, কখন দত্তবক্র ও শিশুপাল, ক্রমশঃ মৎস্য, কুর্শ, বরাহ, বৃসিংহ, হলধর প্রভৃতি নানা মূর্তি প্রদর্শন করিয়া অবশেষে সে নীলগাড়ী-পরিহিতা, বসন-ভূষণে ও চাঁচর কেশে সজ্জিতা বৃষভানু-নন্দিনী শ্রীরাধিকার মূর্তি ধারণ করিল; তাহা দেখিয়া শ্রীকৃষ্ণ বলিলেন,—এই সেই মূর্তিই বটে,—

“তাহাতে ইহাতে খেদ কিছু নাই বর্ণভেদ
পশি পুন রহল অন্তরে।”

এ কথা শুনিয়া শ্রীকৃষ্ণকে আশ্বস্ত করিবার জন্ত,—

কহেন সুবল তাহে “আমি মিলাইব তোহে
ইহাতে অন্তথা নাই কিছু।
গিয়া বৃকভানুপুরে খেলাইব কুতূহলে
মোহিত করি তাহে পিছু ॥”

অতঃপর সুবল অন্ততম সখা মধুমঙ্গল প্রভৃতিকে সঙ্গে লইয়া নানা যজ্ঞ, কাঠের পুতুল প্রভৃতি সহ বাজিকরের ছদ্মবেশে বৃকভানুপুরে উপস্থিত হইল। তাহারা দলে পাঁচ জন ছিল। সেখানে রাজার আদেশে তাঁহার গোচরে খেলা আরম্ভ হইল। সেখানেও সেই দশ অবতারের রূপ ধারণ, টাকীধারী পরশুরামও বাদ পড়িলেন না। বৌদ্ধ অবতারের তিন মূর্তি—জগন্নাথ, বলরাম ও সুভদ্রাও দর্শন দিলেন।

এই স্থানে চণ্ডীদাসের কল্পনা, স্থানীয় প্রভাব, তাঁহার সংস্কার ও আবাল্যের শিক্ষা দ্বারা পরিচালিত হইয়াছে। শ্রীভগবান্ যখন বৃন্দাবন-লীলা প্রকটিত করেন, সে সময় ভারতে বৌদ্ধধর্মের অস্তিত্ব ছিল না; বৌদ্ধধর্ম বহুপরবর্তী যুগে ভারতে প্রভাব

বিস্তার করিয়াছিল, কিন্তু চণ্ডীদাসের সময় বাঙ্গালা দেশে তাহার অল্প-বিস্তার প্রভাব লক্ষিত হইত; এমন কি, প্রথম জীবনে চণ্ডীদাস বৌদ্ধ ছিলেন, পূজনীয় স্বর্গীয় শাস্ত্রী মহাশয় ইহাই প্রতিপন্ন করিয়াছিলেন। এই জন্ত চণ্ডীদাসের যাদুকর 'সুবল সাক্ষাতি' বৃকভানুরাজার সম্মুখে "বৌদ্ধ অবতার হইল মুরতি তিন।"

তাহার পর কত রূপ, কত বেশ। ধর্মপুত্র ষুধিষ্ঠির, ভীম, অর্জুন হইতে নন্দ, উপনন্দ, যশোদা, লক্ষ্মী ও ব্রজ-রমণীগণের কেহই বাকি রহিলেন না। অবশেষে—

“তাহে অপরূপ কৃষ্ণ অবতার
হইল সুবল সখা।
অতি অল্পময় যেন নবঘন
জলদ সমান দেখা ॥

দেখিয়া সে রূপ মদনে মুবছে
কুলের কামিনী যত।
মুনির মানস জপ তপ ছাড়ি
ও রূপ দেখিয়া কত ॥
বৃকভানুপুর নাগর নাগরী
পড়িছে মুরছা খাই।
ঢলিয়া পড়ল বৃকভানু রাজা
দ্বিজ চণ্ডীদাসে গাই ॥”

যাহা হউক, রাজার মুর্ছাভঙ্গ হইল শ্রীরাধিকার একজন সহচরী বৃকভানু রাজার কাছে তাঁহার কাণে কাণে বলিল,—

“দেখিতে লাগিল বাজিকার ছায়া
তোমার নন্দিনী রাধা।
আচম্বিতে কেন মুরছা খাইয়া
সে তমু হয়েছে আধা ॥”

এই সংবাদে রাজার মাথায় যেন বজ্রাঘাত হইল। তিনি কতাকে দেখিতে অস্তঃপুরে ছুটিলেন। শ্রীরাধিকার চৈতন্য-সম্পাদনের জন্ত বাড়া, ফুক, জলপড়া প্রভৃতি নানা প্রকার মেয়েলী চিকিৎসা চলিতে লাগিল। তন্ত্র-মন্ত্রাদি, বাঁধন-কষণেরও ক্রটি হইল না,—কারণ, সর্পাঘাত বলিয়া কেহ কেহ সন্দেহ করিয়াছিল।

অবশেষে সুবল শ্রীরাধিকার চিকিৎসার জন্ত অস্তঃপুরে প্রবেশ করিল :—

“গিয়া সেই গুণী প্রকার করিল
সুমন্ত্র কহিল কাণে।
কৃষ্ণমন্ত্র জপ করিতে লাগিল
শুনায় রাধার স্থানে ॥

* * * *
যবে প্রবেশিল কৃষ্ণনাম কর্ণে
তখন হইল ভাল।
আঁখি দুই মিলি করেতে কচালি
দুখ অতি দূরে গেল ॥”

ইহা ভক্তিময়ী রাধিকার, অপাধিব প্রেমরসের রসিকার প্রেম, ইহাতে চটুলতা নাই, প্রগল্ভতা নাই, নায়ককে ভুলাইবার চেষ্টা নাই। এই বর্ণনায় চণ্ডীদাসের নিজস্ব ভাব পরিষ্কৃত।

“দেবের নির্ঘাত হয়েছিল অঙ্গে
এবে জানি কোন দোষ।
যমুনাতে স্নান করাহ যতনে
ঘুচুক দেবের রোষ ॥”

তখন একজন সহচরী সজে লইয়া শ্রীরাধা যমুনার স্নান করিতে চলিলেন। সুবলাদি কৃষ্ণসখা আগেই বৃন্দাবনে প্রস্থান করিয়াছিল। সুবলের নিকট সংবাদ পাইয়া নবনাগর কালিষা মোহন-মূর্তি ধরিয়া যমুনাভীরে বংশীবট-মূলে অপেক্ষা করিতে লাগিলেন।

“সহচরী রহে পথের মাঝারে
সুবল সজেতে তথা।
দেখিতে নাগরে নাগরীর রূপ
মুরছিত ভেল তথা ॥
অবশ পরশে নয়নে নয়ান
হেরিয়া নাগরী পানে।
নাগরী-নাগরে হৃদয়ের পরে
বাঁধিল সে দুই জনে ॥

* * * *
মনে মনে বন-ফুল তুলি রাধে
পূজল চরণ দুই।
নহিল পরশ কেবল দরশ
মানস ভিতরে খুই ॥”

তাহার পর শ্রীকৃষ্ণ নানা বেশে যে দৌত্য আরম্ভ করিলেন, তাহা চণ্ডীদাসের অতুলনীয় পদাবলীতে বর্ণিত হইয়াছে। তাঁহার বর্ণিত অভিসার, কুঞ্জভঙ্গ, গোষ্ঠলীলা, নৌকাখণ্ড, রাসলীলা

প্রভৃতি পদাবলীর বিভিন্ন অংশে রাধাকৃষ্ণের প্রেমের বৈচিত্র্য ও মাধুর্য্য নানা ভাবে ফুটিয়া উঠিয়াছে। সর্বত্রই শ্রীকৃষ্ণের প্রেমময় মূর্তি; প্রেমের অপূর্ণ বিকাশ। কিন্তু এই মধুর প্রেমের ভিতর যশোদার যে বাৎসল্য-রস বিকাশ লাভ করিয়াছে, তাহা যুগ যুগ কাল ধরিয়া মাতৃ-হৃদয়ের ক্ষুধা পূরিত্ব করিবে। সাহিত্যের অন্ত কোথাও এই চিরমধুর সুগভীর বাৎসল্য-রসের তুলনা পাওয়া যায় না। বস্তুতঃ চণ্ডীদাস তাঁহার পদাবলীর ভিতর শ্রীকৃষ্ণের যে প্রেমের চিত্র ফুটাইয়া তুলিয়াছেন, তাহা চিরদিন ভক্তহৃদয়ে অমৃত-সিঞ্চন করিবে, এবং বঙ্গ-সাহিত্যে এই প্রেমের আদর্শ চিরদিন সর্গোরবে বিরাজিত থাকিবে। বাসলীসেবক বড়ু চণ্ডীদাসের কাহুর বা কাহাঞীএর প্রেমের কল্পনা ইহার শতযোজন দূরে অবস্থিত। স্বর্গে-মর্ত্যে যে প্রভেদ, শ্রীকৃষ্ণের প্রেমের সহিত কাহাঞীএর কামকলার সেই প্রভেদ। আমরা এই উভয়ের তুলনার চেষ্টায় সুপবিত্র দাবনলীলার অবমাননা করিব না।

একাদশ অধ্যায়

চণ্ডীদাসের শ্রীরাধিকা

চণ্ডীদাস তাঁহার সাধনসঙ্গিনী রামমণির বা 'রামতারার' অমুপ্রেরণায় যে রসমাধুর্য্য-পূর্ণ কোমল কান্ত অমর পদাবলী রচনা করিয়া গিয়াছেন, শ্রীরাধাকৃষ্ণের প্রেমই তাহার প্রাণ,—তাহার একমাত্র অবলম্বন। এ পর্য্যন্ত জগতে যত মহাকবি যত শ্রেষ্ঠ কাব্য রচনা করিয়াছেন, মহাকবি বাস্কীকি হইতে হোমর, কালিদাস, ভবভূতি হইতে গেটে, সেক্সপিয়র, সেলী, বায়রণ হইতে মধু, হেম, রবীন্দ্রনাথ প্রভৃতি শ্রেষ্ঠ কবিগণ যে সকল কাব্য মহাকাব্য রচনা করিয়াছেন—তাহাদের অধিকাংশ উপাখ্যান প্রেমের ভিতর দিয়াই বিবিধ বর্ণরূপে ফুটিয়া উঠিয়াছে। আমাদের দেশে সর্বজন-প্রচলিত প্রবাদ 'কানু বিনা গীত নাই।' কিন্তু কানুর প্রেম ভিন্ন এ দেশে কোনও গান জমে নাই। রসই কাব্যের প্রাণ। আমরা জীবনে নানা দিক্ দিয়া নানা ভাবে রস অনুভব করি; কিন্তু প্রেমের রস সর্বশ্রেষ্ঠ; এই রসের মাধুর্য্য আমাদের হৃদয় বেরূপ মুগ্ধ করিতে পারে, সে শক্তি অন্য কোন রসের নাই। সুনির্মল শুভ্র হীরকখণ্ডে সূর্য্যরশ্মি প্রতিফলিত হইলে যেমন সেই রশ্মিধারা সপ্তবর্ণে বিচ্ছুরিত হইয়া আমাদের

নয়ন সমক্ষে ইন্দ্রধনুর বর্ণগৌরব দীপ্যমান করিয়া তুলে, সেইরূপ প্রেমিক-প্রেমিকার হৃদয়-মুকুরে প্রতিফলিত প্রেম তাহাদের হৃদয় উদ্ভাসিত করিয়া অহুরাগ, মিলন, বিরহ, সুখ, দুঃখ, সন্তাপ, বেদনা প্রভৃতি নানাভাবে ও বিভিন্ন মূর্তিতে ক্ষণে ক্ষণে আত্মপ্রকাশ করে, এবং কাব্যে তাহা স্থায়িত্ব লাভ করিয়া আত্মবিসর্জনের অমৃতধারারূপে বিশ্বের নর-নারীর হৃদয়ে অপূর্ণ রসের উৎস প্রবাহিত করে। চণ্ডীদাস শ্রীরাধিকার প্রেম-বৈচিত্র্যের যে চিত্র পরিস্ফুট করিয়াছেন, তাহা পরকীয়া-প্রেম। আমরা সংসারী নরনারী, সংসারে আমাদের স্বামি-স্ত্রী আছে, তাহাদের পুত্রকন্যা আছে, অভিন্নহৃদয় সখাসখী আছে, তাহাদের ভালবাসি, তাহাদের ভালবাসা লইয়াই আমাদের সংসার, কিন্তু সংসারের উর্দ্ধে আর এক জন আছেন তাঁহাকে যখন ভালবাসি, তাঁহার বিরহে যখন আমাদের প্রাণ ব্যাকুল হয়, তাঁহার সহিত মিলনের জন্ম তখন আমরা সংসারের বন্ধন তুচ্ছ মনে করি। পরমপুরুষের পতি সেই প্রেম অপাধিব, সেই দুর্দমনীয় প্রেম সংসারের গণ্ডিতে আবদ্ধ নহে; তাহার আদর্শ পরকীয়া-প্রেম। এক দিন শ্রীচৈতন্য-দেব এই প্রেমে মুগ্ধ হইয়া রাধাভাবে বিভোর হইয়াছিলেন, এবং দেশে দেশে ইহার মহিমা প্রচার করিয়াছিলেন, জগতে আপনাকে বিলাইয়া দিয়া-ছিলেন। মহাপ্রাণ শ্রীরামকৃষ্ণদেব এই প্রেমামৃত-পানে বিভোর হইয়া, বাহুজ্ঞান হারাইয়া কত দিন আত্মসমাহিত হইয়াছিলেন। তাঁহাদের সেই আনন্দ সাধারণ নরনারীর অনুভব করিবার শক্তি নাই, ভাষারও তাহা প্রকাশ করিবার সামর্থ্য নাই। এই প্রেম শ্রীরাধাকৃষ্ণের লীলা-বৈচিত্র্যে যে ভাবে পরিস্ফুট হইয়াছে, মানব-মানবীর হৃদয়ে তাহা কখন রসধারায় ঐ ভাবে আত্মপ্রকাশ করিতে পারিত না। চণ্ডীদাসের শ্রীরাধিকা কৃষ্ণপ্রেমের সজীব প্রতীক; জগতে এই প্রীতির তুলনা নাই, এবং পরকীয়া বলিয়াই তাহার ঐকান্তিকতা ও প্রগাঢ়তা অপরিমেয়।

চণ্ডীদাসের বর্ণিত শ্রীরাধিকার প্রেম কামগন্ধ-হীন। কারণ, যেখানে কাম, সেই স্থানেই আত্মসুখ, দেহের সহিত তাহার সম্বন্ধ। সে সম্বন্ধ পাধিব, এবং কলুষিত; কিন্তু ভগবৎপ্রীতিই প্রকৃত প্রেমের আকর। চণ্ডীদাসের শ্রীরাধা এই প্রেমেরই পূর্ণ অভিব্যক্তি। শ্রীকৃষ্ণের—ও শ্রীরাধিকার প্রেমের ভিতর কোন পার্থক্য নাই—প্রেম—বিশুদ্ধ ভগবৎ-প্রেম শ্রীরাধিকার হৃদয়ে নানাভাবে বিকশিত

হইয়াছিল বলিয়াই শ্রীরাধিকা কেবল কাব্য-জগতে নহে, প্রেমের জগতেও সর্বশ্রেষ্ঠ নায়িকা। তাঁহার আদর্শে দেশে দেশে যুগে যুগে কত নায়িকার আবির্ভাব হইয়াছে, কিন্তু সকল প্রেমিকাকেই এই আদর্শ হইতে শতযোজন দূরে অবস্থিতি করিতে হইয়াছে; কারণ, তাহারা যে প্রেমের অর্চনা করিয়াছে, তাহা মানবী-প্রেম, রক্তমাংসের সহিত তাহার সম্বন্ধ আছে, তাহা কামনা-বিজড়িত; আত্মদানের নামাস্তর হইলেও তাহা আত্মপ্ৰীতির সঙ্কীর্ণ গণ্ডী অতিক্রম করিতে পারে নাই। বর্তমান যুগে ভগবান্ শ্রীরামকৃষ্ণদেবই এই প্রেমের প্রকৃত রসাস্বাদনে সমর্থ হইয়াছিলেন, কারণ, ভগবানের আনন্দস্বরূপ সত্তা তাহাতেই পূর্ণরূপে বিকাশ লাভ করিয়াছিল। তিনি ইহজীবনে শ্রীরাধিকার বিরহ-বেদনা সুস্পষ্টরূপে অনুভব করিয়াছিলেন, এবং শ্রীরাধাকৃষ্ণের মিলনানন্দও তিনি পূর্ণরূপে উপভোগ করিয়াছিলেন। এককালের শ্রীগৌরাজ এবং একালে শ্রীভগবান্ রামকৃষ্ণদেব চণ্ডীদাস-চিত্রিত শ্রীরাধিকার হৃদয়ের সজীব চিত্র।

চণ্ডীদাস যখন শ্রীরাধাকৃষ্ণের প্রেম তাঁহার অমর পদাবলীতে চিত্রিত করেন, তখন প্রথমে শ্রীরাধিকার কি শ্রীকৃষ্ণের পূর্বরাগের পদগুলি তাঁহার লেখনীমুখে পরিব্যাপ্ত হইয়াছিল, তাহা নিঃসংশয়ে নির্দেশ করা কঠিন। তবে মনে হয়, নায়িকার পূর্বরাগই তিনি প্রথমে লিপিবদ্ধ করিয়াছিলেন। ভক্তের ভগবান্। প্রেমিকের হৃদয় প্রথমে তাঁহার হৃদয়ের উপাশ্রয় দেবতার প্রতি আকৃষ্ট হইবে—ইহাই স্বাভাবিক। তাঁহাকে দেখি নাই, তিনি কে, জানি না, কিন্তু যে দিন তাঁহার নাম শুনিলাম, সেই দিন সেই মধুর নাম কানের ভিতর দিয়া মর্মে প্রবেশ করিল, হৃদয়কে আকুল করিল, আর ঘর-সংসারে মন বসিল না। বদন আর সে নাম ছাড়িতে চাহিল না। নাম জপিতে জপিতে দেহ মন অবশ হইল, সংসারাসক্ত মন তাঁহাকে ভুলিতে চাহে, ভুলিতে পারে না। কোথায় তিনি, কোথায় তিনি? কিরূপে তাঁহাকে দেখিব? কিরূপে তাঁহার চরণে প্রাণ-মন বিকাইয়া দিব?—ইহাই শ্রীরাধিকার মনের ভাব। এই ভাব অবলম্বন করিয়া চণ্ডীদাস শ্রীরাধিকার প্রেমের চিত্র ক্রমশঃ ফুটাইয়া তুলিয়াছেন।

তাহার পর শ্রীকৃষ্ণের রূপ-দর্শন। শ্রীরাধিকা শ্রীকৃষ্ণের নাম শুনিয়া ব্যাকুল হইয়াছেন, তখনও তাঁহার বাঁশী অর্থাৎ প্রেমময়ের আহ্বান-ইন্দ্রিতধ্বনি

শুনিতে পান নাই; এমন সময় সেই চিরসুন্দর প্রেমময়ের মোহন মূর্তি—

“বিরলে বসিয়া পটেতে লিখিয়া
বিশাখা দেখাল আনি।”

সে কি মূর্তি?—তাহা দেখিয়া শ্রীরাধিকার মনে হইল—

“নিজ পরিজন সে নহে আপন
বচনে বিশ্বাস করি।

চাহিতে তা পানে পশিল পরাণে
বুক বিদারিয়া মরি ॥”

তাহার পর শ্রীরাধা যমুনাকূলে শ্রীকৃষ্ণের দর্শন লাভ করিলেন; আর বংশীরবে আহ্বান। তিনি শ্রামরূপ-দর্শনে অধীরা হইয়া সখীকে বলিলেন,—

“স্বজনি, কি হেরিছ যমুনার কূলে।

ব্রজকুল-নন্দন হরিল আমার মন
ত্রিভঙ্গ দাঁড়িয়ে তরু-মূলে ॥

গোকুল-নগর-মাবে আর যে রমণী আছে
তাহে কেন না পড়িল বাধা।

নিরমল কুলখানি যতনে রেখেছি আমি
বাঁশী কেন বলে রাধা রাধা ॥”

চিরদিনই প্রেমময় বংশীধ্বনি দ্বারা এই ভাবে প্রেমিকের চিত্ত আকর্ষণ করিতেছেন, সেই আকর্ষণে কি ব্যাকুলতা ফুটিয়া উঠে, তাহা চণ্ডীদাস নায়িকার চরিত্রের এই চিত্রে পরিস্ফুট করিয়াছেন। এই আকুলতা-প্রকাশের চেষ্টা করিলে ভাবাকে মুক হইতে হয়।

প্রেমিকার প্রাণের এই আকুলি-ব্যাকুলি ক্রমশঃ কিরূপ প্রবল হইয়া উঠিতেছে, তাহা সখীর উক্তিভেদেই প্রকাশ। প্রেমিকের এই ভাব এমন করিয়া আর কোন্ কবি প্রকাশ করিতে পারিয়াছেন?

“ঘরের বাহিরে দণ্ডে শতবার
তিলে তিলে আইসে যায়।

মন উচাটন নিশ্বাস সধন
কদম্ব-কাননে চায় ॥

রাই কেন বা এমন হৈল।

গুরু দুর্জয় ভয় নাহি মন
কোথা বা কি দেবা পাইল ॥

সদাই চঞ্চল বসন-অঞ্চল
সম্বরণ নাহি করে।

বসি থাকি থাকি উঠয়ে চমকি
ভূষণ খসাকা পুরে ॥”

* * * *

“মা গো, রাধার কি হ’ল অস্তরে ব্যথা ।
বসিয়া বিরলে থাকয়ে একলে
না শুনে কাহারো কথা ॥
সদাই ধ্যানে চাহে মেঘ পানে
না চলে নয়নের তারা ।
বিরতি আহারে রাধাবাস পরে
যেগতি যোগিনী পারা ॥
খাউলাইয়া বেণী ফুলয়ে গাঁথনী
দেখয়ে খসিয়া চুলি ।
হসিত বদনে চাহে মেঘ পানে
কি কহে দু’হাত তুলি ॥
এক দিষ্টি করি ময়ূরা ময়ূরী
কণ্ঠ করে নিরিখনে ।
চণ্ডীদাস কর নব পরিচয়
কালিয়া বধুর মনে ॥”

প্রেমিকের সহিত প্রেমিকার নব পরিচয়ের পর প্রেমিকের অদর্শনে শ্রীরাধিকার মনের ভাব এবং তাঁহার হৃদয়-ভাবের এই বাহ্যিক অভিব্যক্তি আর কোন্ কবির কণ্ঠে এ ভাবে পরিব্যক্ত হইয়াছে? মহাকবি প্রেম-বিহ্বলা শ্রীরাধিকাকে তাঁহার সজীব মূর্তিতে অগণ্য ভক্তের চক্ষুর সম্মুখে উপস্থাপিত করিয়াছেন। কিন্তু ইহা নবীনা কিশোরীর প্রেম নহে; এ প্রেম অতলস্পর্শ মহাসিকুর জোয়ারের বিপুল জলোচ্ছ্বাসের গায় কুলপ্লাবী, দুনিবার।

এই ত নব-প্রেমের প্রথম পরিচয়। তাহার পর ক্রমশঃ প্রাণের ব্যাকুলতা, কত কাকুতি-মিনতি, ক্রোধ ও অভিমান কি মধুরভাবে প্রকাশিত; কত অশ্রুবর্ষণ, কত কাতর প্রার্থনা, কত দুঃখ, যন্ত্রণা, বিদীর্ণ হৃদয়ের আকুল হাহাকার—প্রেমিকার হৃদয়ের বিভিন্ন ভাব চণ্ডীদাসের বর্ণনায় কি মধুরভাবেই ফুটিয়া উঠিয়াছে!

“গুরুজন আগে দাঁড়াইতে নারি
সদা ছল-ছল আঁখি ।
পুলকে আকুল দিক নেহারিতে
সব শ্রামময় দেখি ।”

এই কয়টি ছন্দে চণ্ডীদাস শ্রীরাধিকার চরিত্র পরিষ্কৃষ্টরূপে অঙ্কিত করিয়াছেন। শ্রীরাধিকার সুখ কলঙ্ককালিমাময়, বিষাদঘনে সমাচ্ছন্ন। সেই চিত্রে চণ্ডীদাস নিজের কলঙ্কে স্কন্ধ, বিচলিত হইয়া, কলঙ্কিনী রামীর মনের অবস্থা আলোচনা করিয়া, ভাষার সুবর্ণরাগে রঞ্জিত করিয়াছেন। রামীর

প্রেমের অশুভূতি পূর্ণরূপে লাভ করিতে না পারিলে মহাকবি শ্রীরাধাকে এ ভাবে ফুটাইয়া তুলিতে পারিতেন কি? তিনি ভুক্তভোগীর দরদীর হৃদয় লইয়া এই চিত্র অঙ্কিত করিয়াছেন।

বস্তুতঃ, চণ্ডীদাসের বর্ণিত রাধাক্ষেত্র প্রেমের সহিত মানবীয় প্রেমের তুলনা হইতে পারে না, এই প্রেম মর্ত্যের নায়ক-নায়িকার প্রেমের বহু উর্দ্ধে প্রতিষ্ঠিত। চণ্ডীদাসের শ্রীরাধিকা শ্রীকৃষ্ণ ভিন্ন আর কিছুই জানে না, শ্রীকৃষ্ণের শ্রীচরণ-সরোজে নিজের দেহ-মন সর্বস্ব উৎসর্গ করাতেই তাঁহার প্রেমের চরম সার্থকতা। ইহা প্রকৃত ভক্তের নিষ্কাম প্রেম ভিন্ন অন্য কিছুই নহে। চণ্ডীদাস ইহাই শ্রীরাধিকার প্রেমে প্রদর্শন করিয়াছেন। এই চিত্রে কেবল বঙ্গ-সাহিত্যে অতুলনীয় নহে, হয় ত জগতের সাহিত্যে ইহার তুলনা নাই; আমরা বাঙ্গালা ভাষার অখ্যাত লেখক, পৃথিবীর বিভিন্ন দেশের সাহিত্যে প্রেমের চিত্রে কোথায় কি ভাবে কবির লেখনীমুখে ফুটিয়া উঠিয়াছে—তাহা আমরা জানি না। কিন্তু চণ্ডীদাসের লেখনীতে শ্রীরাধিকার প্রেমের চিত্র মধুরভাবে যথাযোগ্য বর্ণরাগে যেরূপে ফুটিয়া উঠিয়াছে—তাহা অপেক্ষা প্রেমের সুপরিষ্কৃষ্ট আদর্শ চিত্র কোন ভাষায় কোনও দেশের কোন কবির লেখনীমুখে পরিব্যক্ত হইয়াছে—ইহা আমরা ধারণা করিতে পারি না। কারণ, আদর্শ কত উচ্চ হইতে পারে—চণ্ডীদাস এই চিত্রে তাহা আমাদের চোখে আঙ্গুল দিয়া দেখাইয়া দিয়াছেন। মানব-কল্পনা, প্রেমের ইহা অপেক্ষা উচ্চতর আদর্শ সৃষ্টি দূরের কথা, ইহার সমকক্ষ আদর্শ কখন কোন দেশের সাহিত্য সৃষ্টি করিতে পারিয়াছে—ইহা ধারণা করা আমাদের অসাধ্য।

শ্রীরাধিকার কৃষ্ণপ্রেমের গভীরতারও তুলনা হয় না। একনিষ্ঠ ভক্তের গায় শ্রীকৃষ্ণের চিন্তাই তাঁহার জীবনের একমাত্র অবলম্বন। শ্রীকৃষ্ণের কালো রূপ দেখিয়া তাঁহার নয়ন পরিতৃপ্ত হয় না। তিনি যে কিছু কালো দেখিতেছেন, তাহা দর্শনেই কৃষ্ণরূপ মনে পড়িতেছে। ভাবুক ভক্ত যেমন আরাধ্য দেবতার চিন্তায় হৃদয়-মন সমর্পণ করিয়াও অপরিতৃপ্ত, কখন ‘হারাই’—এই আশঙ্কায় ব্যাকুল; শয়নে স্বপনে তাঁহার চিন্তাই সার; শ্রীরাধিকার মনের ভাবও সেইরূপ। তাঁহার নয়নে নিদ্রা নাই, পাছে নিদ্রাঘোরে তাঁহার আরাধ্যধনকে মনের ভিতর ধরিয়া রাখিতে না পারেন, পাছে বিশ্বৃতির অন্ধকারে সেই কাম্য-মূর্তি বিলীন হইয়া যায়!

শ্রীকৃষ্ণ শ্রীরাধিকাকে ত্যাগ করিয়া মথুরায় গমন করিলে, চণ্ডীদাস তাঁহার যে বিরহের চিত্র অঙ্কিত করিয়াছেন, তাহার সহিত অল্প কবির অঙ্কিত কোন চিত্রের তুলনা হইতে পারে না। আমরা তাহার কোন অংশ উদ্ধৃত করিয়া পাঠকের রসভঙ্গ করিব না। শ্রীবৃন্দাবনের লীলাবসানে শ্রীকৃষ্ণ মথুরায় যাইতেছেন—সখীমুখে এ কথা শুনিয়া শ্রীরাধিকা তাহা বিশ্বাস করিলেন না। কিন্তু শ্রীকৃষ্ণ তাঁহাকে ত্যাগ করিয়া মথুরায় প্রস্থান করিলে, তাঁহার মন যে ক্ষোভে, দুঃখে, বিষাদে ও মর্ষ-বেদনায় পূর্ণ হইল, শ্রীরাধিকার সেই বিরহ-চিত্র বিশ্বের কোন কবি অঙ্কিত করিতে পারিতেন—ইহা আমরা বিশ্বাস করিতে পারি না। চণ্ডীদাসের লেখনী-মুখে শ্রীরাধিকার বিরহ-চিত্রে শ্রীরাধিকা যেভাবে ফুটিয়া উঠিয়াছেন, তাহা পাঠ করিলে, আমরা এই আদর্শ-প্রেমিকার চরিত্রের প্রকৃত পরিচয় পাই। শ্রীরাধিকার এই প্রেমচিত্র চিরমধুর; বিরহ-বিষাদের কালিমায় সেই স্বর্ণপ্রতিমার কি অপূর্ষ শোভাই না পরিস্ফুট হইয়াছে! তিনি কাহারও মুখে কৃষ্ণনাম শুনিলে তাহার পদতলে পড়িয়া রোদন করিতে লাগিলেন; বিরহ-শোকে তিনি আহতা কুরঙ্গিণীর গায় ধরাতলে লুটাইতেছেন, নয়নে শতধারে অশ্রু বারিতেছে, সখীরা তাঁহাকে সাস্বনা-দানের চেষ্টা করিতেছেন; কিন্তু তাঁহাদের সকল চেষ্টাই বৃথা; তাঁহার মূর্ছা হইতেছে; আবার কোন সখীর মুখে শ্রীকৃষ্ণের নাম উচ্চারিত হইতেই তাঁহার মূর্ছাভঙ্গ হইতেছে; তিনি সচকিত-নেত্রে চারিদিকে চাহিয়া শ্রীকৃষ্ণের অদর্শনে পুনর্বার চক্ষু মুদিত করিতেছেন। সখীগণ নানা ভাবে তাঁহার পরিচর্যা করিতেছেন; কিন্তু ব্যঞ্জন-বীজনে বা অঙ্কে কস্তুরী-চন্দন-লেপনে কি হৃদয়ানল কখন প্রশমিত হয়? তখন ‘বৃন্দাবনচন্দ্র বিনা বৃন্দাবন অন্ধকার,’—কে সেই অন্ধকাররাশি অপসারিত করিবে? শ্রীরাধিকার বুঝি আর প্রাণরক্ষা হয় না। অবশেষে মথুরায় শ্রীকৃষ্ণের নিকট শ্রীরাধিকার শোচনীয় অবস্থার সংবাদ পেরণ করা হইলে, শ্রীকৃষ্ণ বৃন্দাবনে প্রত্যাগমন করিলেন।

“হেনক সময়ে এক সখী আসি
হাসি হাসি কহে কথা।
উঠ উঠ ধনি ও চাঁদবদনি
ঘুচাব মনের ব্যথা ॥
তব হুরদিন সব দূরে গেল
উঠিয়া বৈঠহ রাই।

তোমার মাধব নিকটে আওল
দেখহ নয়ন চাই ॥
এ সব ব্যস্ততা শুনি শুভ কথা
আনন্দে পুরিল হিয়া।
চকিত নয়নে চাহিল সখনে
সম্মুখে দেখল প্রিয়া ॥
এস এস বলি দুটি বাহ তুলি
হাসিয়া কহয়ে কথা।
চিরদিনে বিধি মিলায়ল নিধি
ঘুচিল মনের ব্যথা ॥

এই মিলনের পর যে মিলন-সঙ্গীত শ্রীরাধিকার কণ্ঠে গনিত হইল—বৈষ্ণব-সাহিত্যে তাহা চির-স্মরণীয় হইয়া রহিয়াছে; তাহার আন্তরিকতা, তাহার মধুরতা ও লালিত্য, তাহার প্রতি ছত্রে যে মধু ক্ষরিত হইতেছে, তাহার সরসতা শ্রীরাধিকাকে ভক্তবৃন্দের নয়ন সমক্ষে জগতের সর্বশ্রেষ্ঠ শিল্পি-ক্ষোদিত নিখুঁত মর্ষর-মূর্তির গায় সগৌরবে প্রতিষ্ঠিত করিয়াছে। প্রেমবিহ্বলা শ্রীরাধিকা সুদীর্ঘ বিরহাবসানে প্রেম-গদগদকণ্ঠে, অভিমানোন্মেলিত স্বরে বলিতেছেন,—

“এই দিন পরে বঁধুয়া এলে।
দেখা না হইত পরাণ গেলে ॥
এতেক সহিল অবলা বলে।
ফাটিয়া যাইত পাষণ হলে ॥
দুখিনীর দিন দুখেতে গেল।
মথুরা নগরে ছিলে ত ভাল ॥
এ সব দুখ কিছু না গণি।
তোমার কুশলে কুশল মানি ॥
এ সব দুখ গেল হে দূরে।
হারান রতন পাইলাম কোড়ে ॥”

কি গভীর দুঃখের পর কি পরমানন্দ ও বিপুল প্রশান্তি! যেন প্রলয়ের বিশ্ববিধ্বংসী বাগ্মীর পর বিশ্বপ্রকৃতি অন্তলম্পর্ষ মহাসিন্ধু নিবাতনিষ্কম্প জলরাশির গায় প্রশান্তমূর্তি ধারণ করিল। শূন্য মনোমন্দিরে প্রাণের দেবতার সুদীর্ঘ অদর্শনের পর ভক্তের হৃদয়-সিংহাসনে তাঁহার পুনঃ-প্রতিষ্ঠা। প্রেমের ইতিহাসে ইহার তুলনা আছে কি?

কিন্তু চণ্ডীদাসের একটি পদে আমরা ভক্তের হৃদয়-গন্দিরে প্রতিষ্ঠিতা শ্রীরাধিকাকে যেমন পরিচিত মূর্তিতে দেখিতে পাই, তাঁহাকে চণ্ডীদাসের শ্রীরাধিকা বলিয়া চিনিতে পারি, অল্প কোন বর্ণনায়

ঠাহাকে তেমন করিয়া চিনিতে পারিতাম না। এই একটিমাত্র পদে আমরা শ্রীরাধিকার সমগ্র হৃদয়ের, ঠাহার প্রীতিমুগ্ধ প্রকৃতির, ঠাহার চিরজীবনের আশা-আকাঙ্ক্ষার, ঠাহার জীবনব্যাপী অবিচলিত সাধনার, ঠাহার হৃদয়-ঢালা অপার্থিব অপরিসীম প্রেমের পরিচয় পাইয়াছি। চণ্ডীদাসের শ্রীরাধিকা দ্বিধা, শঙ্কা, সঙ্কোচ, সংশয়-বিরহিত হৃদয়ে, আদর্শ-প্রেমিকার স্বভাবসিদ্ধ অকুণ্ঠিত অনবশুণ্ঠিত মূর্তিতে, কেবল সাহিত্য-রসিকের নহে, ভক্তের, সাধকের, উপাসকের, চিরনির্ভরশীল নিষ্ঠাবান্ বৈষ্ণবের নয়ন-সমক্ষে ফুটিয়া উঠিলেন—যখন তিনি জীবনের আরাধ্য দেবতার শ্রীচরণে সম্পূর্ণভাবে আত্মনিবেদন করিয়া প্রেম-গদগদস্বরে বলিলেন—

“বঁধু তুমি সে আমার প্রাণ।

দেহ মন আদি তোমাতে সঁপেছি
কুল শীল জাতি মান ॥

অখিলের নাথ তুমি হে কালিয়া
যোগীর আরাধ্য ধন।

গোপ গোয়ালিনী হাম অতি হীনা
না জানি ভজন পূজন ॥

পিরীতি রসেতে ঢালি তমুমন
দিয়াছি তোমার পায়।

তুমি মোর গতি তুমি মোর পতি
মন নাহি আন চায় ॥

কলঙ্কী বলিয়া ডাকে সব লোকে
তাহাতে নাহিক দুখ।

বঁধু, তোমার লাগিয়া কলঙ্কের হার
গলায় পরিতে সুখ ॥

সতী বা অসতী তোমাতে বিদিত
ভাল মন্দ নাহি জানি।

কহে চণ্ডীদাস পাপ-পুণ্য মম
তোমার চরণখানি ॥”

জানি না, বিপুল ভাব-সম্পদের মণি-মঞ্জুষা বিশ্ব-সাহিত্যে কোনও প্রেমবিহ্বলা নায়িকা এই প্রকার আন্তরিকতাপূর্ণ, সক্রমণ ভাষায়, এমন মর্মস্পর্শী নির্ভরতা-সমুচ্ছ্বসিত বন্দনা-গীতে, একরূপ হৃদয়-ঢালা, মিনতিভরা, মনপ্রাণ উদাস-করা কোমল মধুর স্বরে, ঠাহার আরাধ্য দেবতার শ্রীচরণে আত্মনিবেদন করিয়া জীবনের পূর্ণ চরিতার্থতা ও অনবশু সার্থকতা লাভ করিতে পারিয়াছেন কি না। বৈষ্ণব-সাহিত্যে চণ্ডীদাসের শ্রীরাধিকা আদর্শ-প্রেমের বিশ্ববিমোহন আদর্শ-চিত্র; এই চিত্র শারদীয়

পৌর্ণমাসীর সুধাময় চন্দ্রিকারাশির জ্বায় স্নিগ্ধসমুজ্জল, চিরমধুর, চিরনবীন, চিরস্থায়ী। প্রেমের সাহিত্যের ইহা অটল মেরুদণ্ড।

দ্বাদশ অধ্যায়

চণ্ডীদাসের কবিত্বের বিশেষত্ব

চণ্ডীদাসের সুমধুর পদাবলী যে কীর্তনের উদ্দেশ্যে বিরচিত, ইহা কাহারও অবিদিত নহে। বঙ্গদেশের বিভিন্ন অংশের ভক্তিপ্রাণ কীর্তনীয়ারা অত্রাত্র মহাজন-পদাবলীর সহিত চণ্ডীদাসের পদাবলীর কীর্তনে বঙ্গের আকাশ-বাতাস মধুময় করিয়া শ্রোতৃবর্গকে চিরদিন পরিতৃপ্ত করিয়া আসিতেছেন। ঠাহারা আখরসংযোগে এই সকল পদের তাৎপর্য বুঝাইয়া দেওয়াতে শ্রোতৃবর্গ দুর্কোধ্য পদগুলির মাধুর্য পূর্ণমাত্রায় উপভোগ করিয়া থাকেন; কিন্তু বহু কাল হইতে বহু পদ বিভিন্ন লিপিকার কর্তৃক পুনঃ পুনঃ নকল হওয়ায় একই পদের ভাষার পরিবর্তন অপরিহার্য হইয়াছে; এতদ্বিন্ন অত্র কবির রচিত পদেও চণ্ডীদাসের ভণিতা দেওয়া হইয়াছে; এইরূপ নানা ব্যতিক্রম লক্ষিত হইলেও কীর্তনীয়ারাও এই পরিবর্তনের জ্ঞাত কিয়ৎপরিমাণে দায়ী। চণ্ডীদাসের রচিত বহু পদ পাঠ করিয়া মনে হয়, তিনি যেন বর্তমান শতাব্দীতে জন্মগ্রহণ করিয়া ঐ সকল পদ রচনা করিয়াছিলেন; কিন্তু ভাষা যতই পরিবর্তিত হউক, লালিত্যে, মাধুর্যে, বর্ণনা-ভঙ্গীতে চণ্ডীদাসের পদগুলিতে ঠাহার ব্যক্তিগত বিশেষত্ব সুপরিষ্কৃত।

চণ্ডীদাসের রচিত এই সকল পদ নানা ভাগে বিভক্ত; পদের বর্ণিত বিষয়ানুসারে পদগুলিকে বিভিন্ন পর্যায়ে সন্নিবিষ্ট করা হইয়াছে। প্রথমেই নায়িকার পূর্বরাগ। নায়কের পূর্বরাগের পূর্বে নায়িকার পূর্বরাগের পদগুলি বিচলিত ক রবার যুক্তি আমরা পূর্বেই প্রদর্শন করিয়াছি, এ বিষয়ে অলঙ্কারশাস্ত্রও এই পহারই অনুসরণ করিয়াছে। নায়িকার পূর্বরাগের পর নায়কের পূর্বরাগ। শ্রীরাধিকার ও শ্রীকৃষ্ণের পূর্বরাগের বহু দৃষ্টান্ত প্রসঙ্গক্রমে পূর্বেই উদ্ধৃত হইয়াছে। এখানে বিভিন্ন বিভাগের ভিন্ন ভিন্ন দৃষ্টান্তের অবতারণা দ্বারা আমরা এই রসাতাসের কলেবর বৃদ্ধি করা নিম্প্রয়োজন মনে করি। ইহার পর ‘শ্রীকৃষ্ণের স্বয়ং দৌত্য’ এবং ‘সঙ্কোচ-মিঙ্গনের’ অনেকগুলি পদ

আছে। সম্ভোগ-মিলনের পর রসোদগার। রসোদগারের পর প্রেম-বৈচিত্র্য; তাহার পর যথাক্রমে অভিসার, বাসকসজ্জা, বিপ্রলক্ষা, খণ্ডিতা, মান, কলহাস্তরিতা এবং গোষ্ঠলীলা। গোষ্ঠলীলা আবার কতকগুলি বিভিন্ন অংশে বিভক্ত; তাহাতে আছে—শ্রীরাধিকার প্রেমোচ্ছ্বাস, দান, নৌকাখণ্ড, বনভোজন, যশোদার বাৎসল্য। ইহার পর মাথুর ও মহারাস, কুঞ্জভঙ্গ প্রভৃতি বিষয়ের পদগুলি সন্নিবিষ্ট হইয়াছে। এই সকল বিভিন্ন বিষয়ের পদসংগ্রহে পদাবলীর সংগ্রহকারগণ সকলেই যে একই পন্থার অনুসরণ করিবেন, এরূপ আশা করা যায় না। বিভিন্ন সংগ্রাহক স্ব স্ব কৃতি ও ধারণা অনুসারে সংগ্রহে পদগুলি সন্নিবিষ্ট করিয়াছেন; ইহাতে বিশেষ কিছু যায় আসে না। চণ্ডীদাসের পদগুলির কোনটি হীরক, কোনটি নীলকান্তমণি, কোনটি পদ্মরাগমণি, কোন কোনটি মরকত, চুনি, পাম্বা, সংগ্রহকারগণ সেগুলি স্ব স্ব মঞ্জুমায় সংস্থাপিত করিয়াছেন। কে কোনটি উপরে, কোনটি নীচে রাখিয়াছেন, এবং তাহা কতদূর সঙ্গত হইয়াছে, তাহা লইয়া মস্তিষ্ক আলোড়ন অনাবশ্যক। তবে কতকগুলি সাধারণ নিয়ম আছে, কেহই তাহা লঙ্ঘন করেন নাই। দৃষ্টান্তস্বরূপ বলিতে পারি—কেহ নায়িকার, কেহ নায়কের পূর্বরাগ প্রথমে সন্নিবিষ্ট করিয়াছেন বটে, কিন্তু পূর্বরাগের পরেই কেহ মান, মাথুর বা রাসলীলার পদ সন্নিবিষ্ট করেন নাই। বলা বাহুল্য, পদের ভাবানুবর্তিতা, ভাবের অভিব্যক্তি ও বিকাশ, এবং তাহাদের পরিণতির মধ্যে যে শৃঙ্খলা আছে, তাহা কেহই ভঙ্গ করেন নাই। রামায়ণের আদিকাণ্ডের পর লঙ্কাকাণ্ড জুড়িয়া দিলে তাহাতে কেবল যে রসভঙ্গ হয়, এরূপ নহে, বর্ণিত ঘটনার শৃঙ্খলাও নষ্ট হয়। চণ্ডীদাসের পদাবলীর বিষয়-সন্নিবেশে এইরূপ ব্যতিক্রম করিবার অধিকার কাহারও নাই। যাহারা মনোযোগ সহকারে এই পদাবলী পাঠ করিবেন,—তাহারাই ইহার ভাবধারার ক্রমবিকাশ, উৎকর্ষ ও পরিণতির পরিচয় পাইবেন। 'বাসলিগণের' বড় চণ্ডীদাসের বিরচিত কৃষ্ণকীর্তনে মহাকবি চণ্ডীদাস-রচিত পদাবলীর এই ভাবধারার বিকাশের কোন সম্বন্ধ লক্ষিত হয় না। কেবল ভাষার দিক্ দিয়া নহে, বর্ণিত বিষয়েরও স্বাতন্ত্র্য ইহাতে সুস্পষ্ট; এ অবস্থায় এই নবাবিষ্কৃত রুমুরের পালাটিকে মহাকবির লেখনীপ্রসূত বলিয়া সপ্রমাণ করিতে যাওয়া পাণ্ডিত্য প্রকাশের বিড়ম্বনা মাত্র। সহকার-শাখায়

সুপক সুমিষ্ট আত্মের পার্শ্বে আমড়া বুলাইয়া তাহা আম বলিয়া সপ্রমাণ করিবার চেষ্টায় মুসীমানা থাকিতে পারে, কিন্তু রসাস্বাদনমাত্র তাহার প্রকৃত পরিচয় পাওয়া যায়।

আমরা পূর্বেই বলিয়াছি, প্রেমের গভীরতায় এবং আন্তরিকতায় চণ্ডীদাসের পদাবলীর তুলনা নাই। বৈষ্ণবদিগের সাধনমার্গের সর্বপ্রধান অবলম্বন 'রাধা-ভাব'। চণ্ডীদাসের রচনায় এই ভাবটি সর্বত্রই প্রস্ফুটিত শতদলের তায় বিকশিত হইয়া উঠিয়াছে। চণ্ডীদাস সর্বত্রই এই ভাবের পূর্ণ পরিণতি প্রদর্শন করিয়াছেন। তাহার বর্ণনার বহু স্থানে দৈহিক মিলনের দৃষ্টান্ত দেখিতে পাই বটে, কিন্তু তাহা পার্থিব ইন্দ্রিয়োপভোগের কামনা দ্বারা কলুষিত নহে। আমি তোমারই, আমার সর্বস্ব তোমাকে দিলাম; প্রাণ-মন-দেহের, আমার সকল ইন্দ্রিয়ের অধীশ্বর তুমি:—তুমি সব গ্রহণ কর—এই নিষ্কাম ভাব তাহাতে ওতপ্রোতভাবে বিরাজিত; সুতরাং কামনার পক্ষে তাহা কলুষিত নহে। বঙ্গের বহু কবির কাব্যে নায়ক-নায়িকার মিলনের বর্ণনায় আমিষের একটা উগ্র গন্ধ পাওয়া যায়, কিন্তু চণ্ডীদাসের ঐরূপ কোন বর্ণনায় সে গন্ধ নাই; তাহার পরিবর্তে যে সৌরভে আমরা পরিতৃপ্ত হই, তাহা সুমিষ্ট, হৃদয়োন্মাদক, তাহা পারিজাতের পবিত্র গন্ধে ভরপুর। তাহার পদাবলীর ছত্রে ছত্রে আত্মবিসর্জন, আত্মবিস্মরণ, এবং আত্মসমাহিত ভাবের পরিস্ফুট পরিচয় পাইয়া আমরা বিমোহিত হই, এবং বুঝিতে পারি, তিনি অপূর্ব প্রতিভাবলে যে সুমিষ্ট প্রেম-রসকদম্ব নির্মাণ করিয়াছেন, তাহা শ্রীভগবানের উদ্দেশ্যেই নিবেদনের যোগ্য। সেই রস বিশ্লেষণ করিয়া তাহার মাধুর্য্য ভাষায় ফুটাইয়া তুলিবে—সে শক্তি কাহার আছে? তাহা সমালোচনার অতীত। ঠাকুর শ্রীরামকৃষ্ণদেব বলিতেন,—এক শ্রেণীর মানুষ পাকা আমের বাগানে প্রবেশ করিয়া, বাগানে কতগুলি আম-গাছ আছে, কোন্ গাছের কত ডাল, কোন্ ডালে কত আম ফলিয়াছে, তাহাই গণিয়া খুসী; আর এক শ্রেণীর মানুষ সেরূপ গণনার ধার ধারে না, তাহারা মিষ্ট পাকা আম পাড়িয়া তাহার সুমধুর রসাস্বাদনেই তৃপ্তি লাভ করে। সেইরূপ যাহারা চণ্ডীদাসের কাব্য-কাননে প্রবেশ করিয়া গণিয়া দেখে, তাহার রচিত পদগুলি কত ভাগে বিভক্ত, প্রত্যেক ভাগে কয়টি করিয়া পদ আছে, কত ছত্রে কোন্ পদ শেষ হইয়াছে, কোন্ পদ আগে প্রকাশ করা উচিত,

কোন পদ পরে না দিলে অলঙ্কার-শাস্ত্রাছুগারে কি দোষ হয়, এবং কোন পদে ভাষার কি খুঁত আছে, তাহারা পণ্ডিত হইতে পারে, কিন্তু ভগবান্ শ্রীরামকৃষ্ণদেব যাহাদিগকে শেষোক্ত দলে ফেলিয়াছেন—তাঁহারা হই ভাগ্যবান্, এবং তাঁহারা হই হার সুমধুর রসাস্বাদন করিয়া পরিতৃপ্তিলাভ করিয়া থাকেন।

বঙ্গের অনেক ভাবুক ও ভক্ত কবির গ্রাম চণ্ডীদাসও এরূপ অনেক পদ রচনা করিয়াছেন, যাহাতে মানবহৃদয়ের দুঃখ-দৈন্য ব্যাকুলতা অননু-করণীয় তন্ময়তার সহিত ফুটিয়া উঠিয়াছে। তাহা এরূপ সরল, স্বাভাবিক ও স্করুণ যে, তাহা মানবের হৃদয়তন্ত্রী স্পর্শ করিবামাত্র এ ভাবে বাজিয়া উঠে—যেন মনে হয়, কেহ প্রভাতে শেফালিকার একটি শাখা স্পর্শ করিয়া তাহা আন্দোলিত করিতেই নৈশ শিশিরসিক্ত লক্ষ লক্ষ শেফালিকা বৃন্তচ্যুত হইয়া তাদের সুকোমল শুভ্র দলে বৃক্ষমূল আচ্ছন্ন করিয়া ফেলিতেছে। তাহা অঞ্জলি ভরিয়া আবাধ্য দেবতার শ্রীচরণে নিবেদন করিবারই যোগ্য। বৈষ্ণব সাহিত্যে সুপণ্ডিত শ্রীবৃক্ত সুশীল ভট্টাচার্য্য মহাশয়ের একটি উক্তি আমাদের বড় মিষ্ট লাগিয়াছে, এজন্য আমরা এখানে তাহা উদ্ধৃত করিবার লোভ সংবরণ করিতে পারিলাম না। তিনি লিখিয়াছেন, “চণ্ডীদাসের পূর্বরাগ, মিলন, প্রেম-বিচিত্রতার মধ্যে ইন্দ্রিয়-ভোগের কথা, দেহের মিলনের ও সুখের কথা থাকিলেও, একটা দিব্যদ্রুতি, স্বর্গীয় ভাবোচ্ছাস সর্বত্র ফুটিয়া উঠিয়াছে; এই দেহের রূপ, দেহের সম্বন্ধ, মিলন, বিরহ—সকলের ভিতর দিয়া এমন এক মধুর সুর বাজিয়াছে, যাহাতে সকল বাধা, সকল বিরহ, সকল মিলন, সকল সঙ্কোচ যেন অজ্ঞাতে স্বর্গদ্বারে লইয়া উপনীত করে।...চণ্ডীদাস প্রেমোন্মাদ ও ভাবোচ্ছাস-ভরা দুঃখের কবি, দিব্য প্রেম-সাধনার কবি।” অল্প কথায় ইহাই চণ্ডীদাসের প্রকৃত পরিচয়।

আমাদের দেশের তরুণ যুবকসম্প্রদায় ধর্মের ধার ধারেন না। স্কুলে কলেজে তাঁহারা যে শিক্ষা লাভ করেন—তাহার সহিত ধর্মের সম্বন্ধ নাই। অনেকের ধারণা, নীতির সম্মান রক্ষা করিয়া চলিলেই ধর্মের প্রতি আমাদের কর্তব্য পালিত হইল। তাঁহারা ভক্তির চর্চা করেন না; স্মতরাং তাঁহারা ভগবন্তক্ৰিব রসাস্বাদনে বঞ্চিত। তাঁহাদের অনেকে চণ্ডীদাসের পদ-কীর্তন শুনিতে ভালবাসেন, মিষ্ট লাগে বলিয়াই ভালবাসেন, কিন্তু ইহাতে যে পরমার্থভাব পরিস্ফুট হইয়াছে—তাহা ধারণা

করিতে পারেন না। এই জন্ম এই রসের আশ্বাদনও তাঁহারা লাভ করিতে পারেন না। স্বর্গীয় দেশবন্ধু চিত্তরঞ্জন দাশ কীর্তন-ভক্ত ছিলেন, চণ্ডীদাসের পদাবলীর রসাস্বাদন করিয়া তিনি মুগ্ধ হইতেন; তাঁহার নয়নে প্রেমাক্ষ ফুটিয়া উঠিত। ভাবুক ভক্ত চিত্তরঞ্জন ছিলেন বঙ্গীয় যুবকদের আদর্শ। তিনি বৈষ্ণব-সাহিত্য ভাল-বাসিতেন—স্মতরাং তাহা অগ্রাহ করিবার জিনিস নহে; অতএব চণ্ডীদাসের পদাবলীতে কিছু বস্তু থাকিতেও পারে—এই ধারণায় অনেক যুবক দয়া করিয়া পদ-কীর্তন শ্রবণ করেন; কিন্তু চণ্ডীদাসের বর্ণিত ব্রজগোপীদের অগাধ প্রেম, তাহাদের তন্ময়তা, তাহাদের আত্মনিবেদন—এ সকলের মর্ম্ম তাঁহারা বুঝিতে পারেন না। বুঝিতে পারেন না বলিয়াই এক দিন প্রাতঃস্মরণীয় মহাপ্রাণ স্বামী বিবেকানন্দ এ দেশের সেকালের তরুণ সম্প্রদায়কে লক্ষ্য করিয়া বলিয়াছিলেন, “প্রথমে এই কাঞ্চন, নাম, যশ, এই ক্ষুদ্র মিথ্যা সংসারের প্রতি আসক্তি ছাড় দেখি, তখনই কেবল তখনই তোমরা গোপী-প্রেম কি, তাহা বুঝিবে। উহা এত বিশুদ্ধ জিনিস যে, সর্বত্যাগ না হইলে উহা বুঝিবার চেষ্টা করাই উচিত নয়। যত দিন পর্য্যন্ত না আত্মা সম্পূর্ণ পবিত্র হয়, তত দিন উহা বুঝিবার চেষ্টা বৃথা। প্রতি মুহূর্ত্তে যাহাদের হৃদয়ে কাম-কাঞ্চন-যশো-লিপ্সার বৃদ্ধি উঠিতেছে, তাহারা আবার গোপীপ্রেম বুঝিতে ও উহার সমালোচনা করিতে যায়। কৃষ্ণ অবতারের মুখ্য উদ্দেশ্যই যে এই গোপী-প্রেম-শিক্ষা, এমন কি, দর্শনশাস্ত্রশিরোমণি গীতা পর্য্যন্ত সেই অপূর্ব প্রেমোন্মত্ততার নিকট দাঁড়াইতে পারে না। কারণ, গীতার সাধককে ধীরে ধীরে সেই চরম লক্ষ্য মুক্তিসাধনের উপদেশ দেওয়া হইয়াছে; কিন্তু এই গোপীপ্রেমে ঈশ্বর-রসাস্বাদের উন্মত্ততা—যোর প্রেমোন্মত্ততা মাত্র বিদ্যমান। এখানে গুরু, শিষ্য, শাস্ত্র, উপদেশ, ঈশ্বর, স্বর্গ, সব একাকার। ভয়ের ধর্মের চিহ্ন-মাত্র নাই; সব গিয়াছে, আছে কেবল প্রেমোন্মত্ততা। তখন সংসারে আর কিছু মনে থাকে না, ভক্ত তখন সংসারে সেই কৃষ্ণ—একমাত্র সেই কৃষ্ণ ব্যতীত আর কিছুই দেখেন না। তখন তিনি সর্ব-প্রাণীতে কৃষ্ণ দর্শন করেন, তাঁহার নিজের মুখ পর্য্যন্ত তখন কৃষ্ণের গ্রাম দেখায়, তাঁহার আত্মা তখন কৃষ্ণবর্ণে অনুরঞ্জিত হইয়া যায়। মহাত্মভব কৃষ্ণের ঈদৃশ মহিমা।”

এক দিকে স্বামী বিবেকানন্দের এই নির্ঘাত যুক্তি, অন্য দিকে স্বর্গীয় দেশবন্ধু চিত্তরঞ্জন ও তাঁহার সহোদর শ্রীযুক্ত প্রফুল্লরঞ্জন দাশের অপূর্ব পদাঙ্কুরক্তি এবং সর্বোপরি ভগবান শ্রীরামকৃষ্ণদেবের বৈষ্ণবপদাবলীর প্রতি অপার্থিব প্রীতিনিঃস্বনই বাঙ্গালার তরুণ সমাজ সনাতন ধর্মের প্রতি বীতস্পৃহ হইলেও বৈষ্ণব পদাবলীর প্রতি, চণ্ডীদাসের প্রেমপূর্ণ রচনার প্রতি আকৃষ্ট হইয়াছেন। এই জন্মই চণ্ডীদাসের কবিত্বের বিশেষত্ব-প্রদর্শনের জন্ম আমাদের এত আগ্রহ। আশা আছে, 'বসুমতী-সাহিত্য-মন্দির'-সংগৃহীত চণ্ডীদাসের এই পদাবলী তাঁহাদের নিকট সমাদৃত হইবে, ইহা তাঁহাদের গৃহে গৃহে সংরক্ষিত হইবে, সে আশা না থাকিলে আমরা এই সংস্করণের ভূমিকায় এত কথা আলোচনা করিতাম না এবং 'বসুমতী-সাহিত্য-মন্দির' হইতেও বিপুল অর্থব্যয়ে এই দুদিনে চণ্ডীদাসের এই আশাতীত সুলভ সংস্করণ প্রকাশিত হইত না!

কিন্তু চণ্ডীদাসের কবিত্বের বিশেষত্ব সম্বন্ধে সকল আলোচনা এখনও শেষ হয় নাই। বঙ্গের এই মহাকবি-বিরচিত পদাবলীর প্রসঙ্গে 'বঙ্গভাষা ও সাহিত্যের' লেখক রায় বাহাদুর ডক্টর শ্রীযুক্ত দীনেশচন্দ্র সেন যে মন্তব্য প্রকাশ করিয়াছেন, তাহাতে তিনি চণ্ডীদাসের রচনার বিশেষত্ব পরিস্ফুট করিবার উদ্দেশ্যে পরীক্ষক-সুলভ মুকুটবিন্যাস প্রকাশ করিয়াছেন। আমরা এখানে তাঁহার মন্তব্যের কিয়দংশ ঐ কেতাব হইতে উদ্ধৃত করিলাম,—

"চণ্ডীদাসের গীতি-সমূহের ভিতর একটু (৭) আধ্যাত্মিকতা আছে, তাহা এত স্পষ্ট যে, অস্বীকার করা যায় না।" যদি তিনি অস্বীকার করিতেন এবং তাঁহার হাতের হরিকেন লঠনের ধোঁয়াটে আলোকে শরতের পূর্ণচন্দ্রকে দেখাইবার চেষ্টা না করিতেন, তাহা হইলে চণ্ডীদাসের রচনার আধ্যাত্মিকতা তাঁহার প্রশংসা-পত্রের অভাবে লক্ষ লক্ষ ভাবুক ভক্তের নিকট অজ্ঞাত ও অবজ্ঞাত থাকিত, একরূপ আশঙ্কার কারণ আছে কি?

রায় বাহাদুর ডক্টর মহাশয় আরও লিখিয়াছেন—
—"সাধারণ প্রেম দ্বারা উহার সর্বত্র ব্যাখ্যা করা সুকঠিন হয়। পূর্বরাগের প্রথমই কৃষ্ণনাম-মাহাত্ম্য-প্রচার—নাম মধুময়, * * * নাম শুনিয়া অনুরাগের দৃষ্টান্ত মামুদী-ভালবাসার সাহিত্যে বিরল। কিন্তু 'জপিতে জপিতে নাম, অবশ করিল গো।' এই নাম-জপের দৃষ্টান্ত সাধারণ সাহিত্যে একেবারে

দুঃসাপ্য,—মনে হয় যেন ভগবানের নাম জপ করিতে করিতে ভক্ত-চিত্ত আপনা ভুলিয়া যায়, এই দৈহিক বন্ধন তখন থাকিয়াও থাকে না,—ইন্দ্রিয়-প্রশমিত মনে—নাগের মধুভরা মোহ সর্বত্র শিথিল ও অবসন্ন করিয়া ফেলে। এই পূর্বরাগ সাধারণ প্রেমের পূর্বরাগের উন্নততম আদর্শ বলিয়া ব্যাখ্যাত হইতে পারে, কিন্তু ইহা ঐশ্বরীয় প্রেমের স্বরূপ বলিয়া ব্যাখ্যা করা সহজ হয়। * * * চণ্ডীদাসের মামুদী-প্রেম ক্ষণে ক্ষণে এক উন্নত অমামুদিক প্রেম-রাজ্যের সামগ্ৰী হইয়া দাঁড়াইয়াছে। উপগ্রাস কি কাব্যের সাধারণ আদান-প্রদানময় প্রেমভাব তত উর্দ্ধে উঠিতে পারিয়াছে বলিয়া আমরা জানি না।"

সাহিত্যের ডাক্তারের লেখনীপ্রসূত "উপগ্রাস কি কাব্যের সাধারণ আদান-প্রদানময় প্রেমভাব তত উর্দ্ধে উঠিতে পারিয়াছে বলিয়া আমরা জানি না।"—এই কয়েক ছত্র রায় যদি আমরা তাঁহাব সাহিত্যের ডাক্তারীর সর্বশ্রেষ্ঠ কেতাব 'বঙ্গভাষা ও সাহিত্যে' পাঠ করিবার সুযোগ না পাইতাম, তাহা হইলে আমাদের ধারণা হইত—ইহা কোনও 'খৃষ্টীয় ট্র্যাক্ট সোসাইটি' হইতে প্রকাশিত 'মাথলিখিত সুসমাচার' হইতে আহরণ করা হইয়াছে। ডক্টর দীনেশ বাবু স্বর্গীয় বিচারপতি ও কলিকাতা বিশ্ববিদ্যালয়ের ভূতপূর্ব ভাইস চ্যান্সেলার সার আশুতোষের গুণগ্রাহিতার আকর্ষণে কলিকাতা বিশ্ববিদ্যালয়ে বঙ্গভারতীর মুকুট হইয়াছিলেন, তিনি ছাত্রদের বিচার বহর পরীক্ষা করেন; এখানেও তিনি চণ্ডীদাসের রচনা পরীক্ষা করিয়া তাঁহাকে 'সার্টিফিকেট' দিতেছেন। চণ্ডীদাস পরীক্ষার্থী, আর তিনি পরীক্ষক। চণ্ডীদাসের রচনা পরীক্ষা করিয়া বলিলেন, 'হাঁ, চলিতে পারে। উপগ্রাস ও কাব্যের চেয়ে তোমার 'গীতিসমূহ' বেশী নখর পাইল, পাশ!' চণ্ডীদাসের সৌভাগ্য! কিন্তু ভক্তিশূন্য হৃদয় লইয়া নীরস গবেষণার ছুরী চালাইয়া চণ্ডীদাসের বণিত শ্রীরাধাকৃষ্ণের স্বর্গীয় প্রেম বিশ্লেষণ করিতে যাওয়া প্রকৃত ভক্ত ও সাধকের চক্ষুতে কেবল নির্মম পরিহাস নহে, অমার্জনীয় বৃষ্টিতা।

'বঙ্গভাষা ও সাহিত্যের' ডক্টর যেখানেই চণ্ডীদাসের কবিত্বের প্রশংসা করিয়াছেন—সেই স্থানেই এই প্রকার অসহ মুকুটবিন্যাসের নির্লজ্জ দণ্ড স্পষ্ট। তিনি চণ্ডীদাসের 'ভাব-সম্মিলন' প্রসঙ্গে মন্তব্য প্রকাশ করিয়াছেন,—
—"চণ্ডীদাসের ভাব-সম্মিলনের পদাবলী স্তোত্ররূপে পাঠ করা যায়।

ততোধিক প্রশংসা করিলেও বোধ হয় অন্ময় হইবে না, সেগুলির মত প্রেমের সুগভীর মন্ত্র ধর্মপুস্তকেও বিরল।” ষাঁহারা নিষ্ঠার সহিত বৈষ্ণব-সাহিত্যের আলোচনা করিয়াছেন এবং চণ্ডীদাসের বর্ণিত রাধাকৃষ্ণের প্রেমের প্রকৃত মাধুর্য্য হৃদয়ঙ্গম করিয়া আশ্চর্য্য হইয়াছেন, তাঁহারা বঙ্গভাষার মুকুবি কোন যুরোপীয় অধ্যাপকের মত চণ্ডীদাসকে এভাবে প্রশংসাপত্র প্রদান, উৎকট ধৃষ্টতার নিদর্শন বলিয়া মনে করিতেন না কি? চণ্ডীদাস-বর্ণিত অলৌকিক প্রেমের পরীক্ষা কি এতই সহজ?

চণ্ডীদাস বঙ্গ-সাহিত্যের প্রথম কবি কি না, এ বিষয়ে মতভেদ থাকিতে পারে এবং এ সম্বন্ধে তর্ক-বিতর্ক নিম্প্রয়োজন; তবে তিনি ভাবের কবি—এ বিষয়ে মতভেদ নাই। যখনই তাঁহার হৃদয়ে ভাবের মন্দাকিনী-প্রবাহ ছুটিয়াছে, তখনই তিনি সেই ভাব-প্রবাহে আপনাকে ভাসাইয়া দিয়াছেন। তাঁহার ভাবের স্বাতন্ত্র্য পরবর্তী অনেক কবি অনুকরণ করিলেও উহা তাঁহার নিজস্ব। চণ্ডীদাস প্রেমের কবি; তাঁহার কবিতার উদ্দেশ্যই যেন সরল ভাষায় মধুর বাক্যের ভিতর দিয়া প্রেমের বৈচিত্র্য পরিষ্কৃত করা। দুঃখের সুর তাঁহার রচিত অধিকাংশ পদে ধ্বনিত হয়। প্রেম, বহু দুঃখ-কষ্ট ও কলঙ্ক লাঞ্চার ফল, ইহা তিনি স্বয়ং অনুভব করিয়াছেন এবং ভাবুক ভক্তগণকে তাহা অনুভব করাইতে পারিয়াছেন। ষাঁহারা সুখের আশায় প্রেম চাহে—প্রেম তাহাদিগকে দুঃখের অন্ধকারে নিক্ষেপ করিয়া দূরে চলিয়া যায়—চণ্ডীদাস ঠাকুর ইহা তাঁহার পদাবলীতে প্রতিপন্ন করিয়াছেন। চণ্ডীদাসের কবিতায় প্রেমের মহিমা যে ভাবে প্রকটিত হইয়াছে, ত্যাগের যে গৌরব প্রদর্শিত হইয়াছে—বৈষ্ণব-সাহিত্যে তাহার তুলনা নাই। চণ্ডীদাস প্রেমের কবি হইলেও দুঃখের কবি, তাঁহার বর্ণিত প্রেমে বাহ্যিক বৈভবের পরিচয় নাই। কিন্তু গার্হস্থ্য জীবনের নিত্যকালব্যাপী দুঃখই তাহাতে ফুটিয়া উঠিয়াছে, অথচ সেই দুঃখে আত্মবিসর্জনের আকাজক্ষাই পরিতৃপ্ত। তাহাতে হৃদয়ের দৈন্তের পরিবর্তে মহত্ত্বই পরিষ্কৃত হইয়াছে।

প্রায় চল্লিশ বৎসর পূর্বে বঙ্গসাহিত্যের সুলেখক স্বর্গীয় বালেশ্বরনাথ ঠাকুর বিদ্যাপতি ও চণ্ডীদাসের পদাবলীর একটি তুলনামূলক সমালোচনা প্রকাশিত করিয়াছিলেন; ক্ষোভের সহিত বলিতে হইতেছে, তিনি শ্রীকৃষ্ণের প্রেমকে প্রেম বলিয়া স্বীকার করিতেও যেন কুণ্ঠিত হইয়াছিলেন। এই প্রেম

রূপজ মোহ এবং তাহাতে অতীন্দ্রিয় ভাবের সম্পূর্ণ অভাব বলিয়াই তিনি অভিমত ব্যক্ত করিয়াছিলেন। চল্লিশ বৎসর পূর্বে আমাদের প্রথম যৌবনে শ্রীভগবানের প্রেম সম্বন্ধে আমরাও হয় ত অসঙ্কোচে ঐরূপ মতই প্রকাশ করিতাম; কিন্তু ষাঁহারা ভক্তিতরে এই সকল বৈষ্ণব-সাহিত্যের আলোচনা করিয়াছেন এবং ষাঁহারা আবাল্য হিন্দু আবেষ্টনের ভিতর প্রতিপালিত, তাঁহারা ভিন্ন মতই প্রকাশ করিবেন। বৈষ্ণব প্রেমিকের ভাববিরহিত সমালোচকের চক্ষুতে চণ্ডীদাসের পদাবলীর বিচার করিলে—কেহই কবির প্রকৃত হৃদয়-ভাবের উপলব্ধি করিতে পারিবেন না, তাহা অন্ধের হস্তিদর্শনের ত্রায় অসম্পূর্ণ ধারণার পরিচয় প্রদান করিবে। এই জন্তই বালেশ্বরনাথ অসঙ্কোচে বলিয়াছেন,—“শ্রীকৃষ্ণ গুণের অথবা উচ্চ ভাবের ধার দিয়াও যান নাই। ভোগ-লালসা-পরিতৃপ্তি বৈ তাঁহার অপর কোনও উদ্দেশ্য দেখা যায় না।”—বঙ্গ-সাহিত্যের জহুরী ডক্টর দীনেশ বাবুও চণ্ডীদাসের আরাধ্য দেবতা শ্রীকৃষ্ণ সম্বন্ধে ঐরূপ লাম্পট্যের অভিযোগ উপস্থিত করিতে পারেন নাই; এবং কোন খৃষ্টান মিশনারীর লেখনী হইতে এই উক্তি প্রকাশিত হইলে আমরা ক্ষুব্ধ বা মর্ম্মাহত হইতাম না। কিন্তু ঠাকুরবাড়ী হইতে আমরা চিরদিন হিন্দু-ধর্মের প্রতিকূল সমালোচনা শুনিয়া আসিতেছি। এ কালেও যে সেরূপ কিছু শুনিতেছি না, অভিজ্ঞগণ এ কথা বলিতে পারিবেন না।

চণ্ডীদাসের রচনায় নাট্য-কৌশলের পরিচয় পাওয়া যায়, এবং সেই রস আনন্দন করিয়া সাহিত্য-রসজ্ঞমাত্রেই তৃপ্তি লাভ করেন। বস্তুতঃ, তাঁহার রচনায় তাঁহাকে চিনিতে কষ্ট হয় না। তাঁহার ভাষা যেমন সহজ, প্রকৃত ভাবুক ভক্তের নিকট ভাবও সেইরূপ সহজ। মহাকবি রবীন্দ্রনাথ চণ্ডীদাসের মধুর রচনা কবির হৃদয় দিয়া অনুভব করিয়া যে কয়েকটি কথা বলিয়াছেন, বর্তমান প্রসঙ্গে তাহার অবতারণা করিলে আমরা মহাকবি চণ্ডীদাসকে আরও সুস্পষ্টরূপে বুঝিতে পারিব বলিয়া এখানে তাহার মর্ম্ম প্রকাশ করিলাম।

রবীন্দ্রনাথ বহু দিন পূর্বে তাঁহার যৌবনকালে বিদ্যাপতির কবিত্বের সহিত চণ্ডীদাসের কবিত্বের যে তুলনা-মূলক সমালোচনা করিয়াছিলেন, সেই সমালোচনায় তিনি বলিয়াছিলেন,—চণ্ডীদাস যে সকল কবিতা লেখেন নাই, তাহারই জন্ত তিনি কবি। অর্থাৎ তিনি এক ছত্র লিখিয়া যে ভাবটি

উহ রাখেন, তাহার রসাস্বাদনের জ্ঞান পাঠককে অনেক কথাই কল্পনা করিতে হয়। কীর্তনীয়ারা পদাবলী গাহিবার সময় আখর দিয়া তাঁহাদের ভাব পরিস্ফুট করেন, রবীন্দ্রনাথের উক্তিভে আমাদের মনে সেই কথাটিই স্পষ্ট হইয়া উঠে। সমালোচক মহাশয় ইহার দৃষ্টান্তস্বরূপ বলিতেছেন,—

“এ ঘোর রজনী, মেঘের ঘটা,
কেমনে আইল বাটে ?
আজিনার মাঝে ভিত্তিছে বঁধুয়া,
দেখিয়া পরাণ ফাটে।
সই, কি আর বলিব তোরে,
বহু পুণ্যফলে সে হেন বঁধুয়া,
আসিয়া মিলিল মোরে।
ঘরে গুরুজন ননদী দারুণ,
বিলম্বে বাহির হৈমু,
আহা মরি মরি, সঙ্কত করিয়া
কত না যাতনা দিমু।
বঁধুর পিরীতি আরতি দেখিয়া
মোর মনে হেন করে,
কলঙ্কের ডালি মাথায় করিয়া
আনল ভেজাই ঘরে।”

ইহার মধ্যে কতটা কথা রাধার মনের উপর দিয়া চলিয়া গিয়াছে; কতটা কথা একেবারে বলাই হয় নাই। প্রথমেই শ্যামকে ভিজিতে দেখিয়া দুঃখ, তাহার পরেই সখীদের ডাকিয়া তাহাদের কাছে সুখের উচ্ছ্বাস, ইহার মধ্যে শৃঙ্খলটি কোথায়? সে শৃঙ্খল পাঠকদিগকে গড়িয়া লইতে হয়। রাধা যা কহিলেন, তাহা ত সামান্য, কিন্তু রাধা যা কহিলেন না, তা কতখানি! যাহা বলা হইল না, তাহাই পাঠকগণকে শুনিতে হইবে। শ্যামকে ভিজিতে দেখিয়া রাধার দুঃখ ও শ্যামকে ভিজিতে দেখিয়াই রাধার সুখ, উভয়ের মধ্যে দ্বন্দ্ব হইতেছে। রাধার হৃদয়ের এই তরঙ্গ ভঙ্গ, এই উত্থান-পতন, কত অল্প কথায় কত সুন্দররূপে ব্যক্ত হইয়াছে। প্রথম দুই ছন্দে শ্যামকে দেখিয়া দুঃখ, দ্বিতীয় দুই ছন্দে সুখ, তৃতীয় দুই ছন্দে আবার দুঃখ, চতুর্থ দুই ছন্দে আবার সুখ। রাধা হাসিবেন কি কাঁদিবেন, ভাবিয়া পাইতেছেন না। তিনি সুখে দুঃখে আকুল। শেষে তাঁহার মীমাংসা হইল, শ্যাম আমার জ্ঞান যত কষ্ট পাইয়াছেন, আমি শ্যামের জ্ঞান ততোধিক কষ্ট স্বীকার করিয়া শ্যামের সে ঋণ পরিশোধ করিব।

সমালোচক মহাশয়ের এই মন্তব্য শুনিয়া মনে এই প্রশ্ন জাগিয়া উঠে—প্রকৃতই কি তাই? রাধা শ্যামপ্রেমের ঋণ পরিশোধ করিতে পারিবেন, শ্রীরাধিকা কখন কি একরূপ ধারণা মনেও স্থান দিতে পারিয়াছেন? চণ্ডীদাস যে শ্রীরাধিকাকে শ্যামময়প্রাণ করিয়া সৃষ্টি করিয়াছেন, যেখানে আত্মবিসর্জনের আকাজক্ষা ভিন্ন অন্য আকাজক্ষা মনে স্থান পায় না, সেখানে ঋণপরিশোধের ইচ্ছা কি কখন স্বাভাবিক হইতে পারে? সমালোচক যদি শ্রীরাধিকার প্রেমকে সাধারণ মানবী-প্রেম বলিয়া ধারণা না করিতেন, তাহা হইলে তিনি ঐ প্রকার মত প্রকাশ করিতেন না। মহাকবি চণ্ডীদাস তাঁহার পদাবলীতে রাধা-কৃষ্ণের প্রেম যে ভাবে পরিস্ফুট করিয়াছেন, বিস্তৃত সমালোচক কেন যে তাহার সমর্থন করিলেন না, তাহা পাঠক-সাধারণের বুদ্ধিবাহার শক্তি নাই। তিনি এই প্রেমের পরমার্থতা স্বীকার করেন না।

সমালোচক শ্রীরাধিকার হৃদয়ভাব বিশ্লেষণের জ্ঞান চণ্ডীদাসের আর একটি সুন্দর পদ উদ্ধৃত করিয়াছেন,—

“সই, কেমনে ধরিব হিয়া ?
আমার বঁধুয়া! আন বাড়ি যায়
আমার আজিনা দিয়া।
সে বঁধু কালিয়া না চায় ফিরিয়া
এমতি করিল কে ?
আমার পরাণ যেমন করিছে
তেমতি হউক সে ॥”

“আমার পরাণ যেমতি করিছে, তেমতি হউক সে।”—এই কথাটার মধ্যে কতটা কথা আছে! রাধা বিশ্বব্রহ্মাণ্ডে অন্য কোন অভিশাপ খুঁজিয়া পাইলেন না। শত সহস্র অভিশাপের পরিবর্তে তিনি কেবল কহিলেন, “আমার পরাণ যেমন করিছে, তেমনি হউক সে।”—ইহাতেই বুঝিতে পারিয়াছি, রাধার পরাণ কেমন করিতেছে! ঐ এক ‘যেমন করিছে’ শব্দের মধ্যে নিদারুণ কষ্ট প্রচ্ছন্ন আছে; সে কষ্ট বর্ণনা না করিলে কতটা বর্ণিত হয়, এমন আর কিছুতেই হয় না। ইহাতে রাধার সমস্ত হৃদয় দেখিতে পাইলাম।—কিন্তু ষাঁহার ভক্তের হৃদয় দিয়া এবং চণ্ডীদাসের হৃদয়ভাবের অনুসরণ করিয়া শ্রীরাধিকার এই আক্ষেপোক্তির মর্ম অনুধাবন করিবেন, তাঁহারা দেখিতে পাইবেন, প্রেমিকা ‘যোগীর আরাধ্য ধন’ শ্রীকৃন্দাবনচন্দ্রকে তুমু-

মন-প্রাণ সমর্পণ করিয়াও যখন দেখিলেন, তাঁহার চির-আকাজ্জ্বার ধন অল্প ভক্তের অশ্রুনাগের অধীন ; চির-নির্ভরশীলা প্রেমিকার হৃদয়ের সকল আগ্রহ, সকল প্রেম, তাঁহার মধুর সত্তার আত্মবিসর্জনের সকল কামনা, মর্মে মর্মে অনুভব করিয়াও অস্ত্রের হৃদয়-মন্দিরে প্রবেশ করিতে উদ্বৃত ; তখন আদর্শ প্রেমিকার হৃদয়ের হাহাকার, শ্রীরাধিকার এই উক্তিতে যেরূপ পরিস্ফুট হইয়াছে, কথার পর কথা গাঁথিয়া সে ভাব ব্যক্ত করা কখন সম্ভবপর হইত না ; এই অভিশাপ প্রেমিক ভক্তের অভিমানমাত্র, মানবী-প্রেম পরীক্ষার ওলন-দড়ী নামাইয়া এই অলৌকিক প্রেমের গভীরতার পরিমাণ স্থির করা অসাধ্য। ষাঁহার জন্ম সর্বভাগিনী হইয়া তাঁহার সামীপ্য কামনা করিতেছি, তিনি অস্ত্রের প্রেমাধীন, এই ধারণায় শ্রীরাধিকার হৃদয় ভেদ করিয়া যে অভিসম্পাত আত্মপ্রকাশ করিয়াছে, তাহা কোন মানবী প্রেমিকার কণ্ঠ হইতে নিঃসারিত হইত না, চণ্ডীদাস ইহাই সপ্রমাণ করিয়াছেন এবং ষাঁহারা কৃষ্ণ-রাধিকার প্রেমের অপার্থিবতা হৃদয়ঙ্গম করিতে সমর্থ, কেবল তাঁহারাই ইহার মর্ম ও রস উপভোগ করিয়া সাধারণের অনাস্বাদিত আনন্দ লাভ করিবেন।

বস্তুতঃ, চণ্ডীদাস শ্রীরাধাকৃষ্ণের প্রেমে মানবীয় প্রেমের ত্রুটি, অসম্পূর্ণতা, দুর্বলতা পরিহার করিয়া অপার্থিব পূর্ণপ্রেমের চিত্র অঙ্কিত করিয়াছেন বলিয়াই তিনি সুখের মধ্যে দুঃখ ও দুঃখের মধ্যে সুখ দেখিতে পাইয়াছেন। এই জন্মই তাঁহার দুঃখের প্রতি একরূপ অশ্রুনাগ এবং দুঃখের মধ্যেও আশঙ্কা বর্তমান। এই জন্মই—

“কহে চণ্ডীদাস শুন বিনোদিনী
সুখ দুখ দুটি ভাই,
সুখের লাগিয়া যে করে পিরীতি
দুখ যায় তাঁর ঠাই।”

দুঃখ না থাকিলে সুখের অস্তিত্ব থাকে না। অথচ সুখেও কি তৃপ্তি আছে ?—এ কোন্ প্রেম, যে প্রেমে মিলনেও তৃপ্তি নাই ? যে প্রেমে—“দুঃখ কোরে দুঃখ কাঁদে বিচ্ছেদ ভাবিয়া ?”

যে প্রেমে চির-জীবনের আকাজ্জ্বার ধন শ্রামসুন্দরকে হৃদয়ে পাইয়াও প্রেমময়ী শ্রীরাধিকার—

“এই ভয় উঠে মনে, এই ভয় উঠে।
না জানি কামুর প্রেম তিলে জনি ছুটে ॥

• • •

যথা তথা যাই আমি যত দূর পাই।
চাঁদ-মুখের মধুর হাসে তিলেকে জুড়াই ॥”

তথাপি তিনি অতৃপ্ত হৃদয়ে বলিতেছেন,—

“কি মোহিনী জান বঁধু কি মোহিনী জান।
অবলার প্রাণ নিতে নাহি তোমা হেন ॥
রাতি কৈমু দিবস দিবস কৈমু রাতি।
বুঝিতে নারিমু বঁধু তোমার পিরীতি ॥
ঘর কৈমু বাহির বাহির কৈমু ঘর।
পর কৈমু আপন আপন কৈমু পর ॥
কোন বিধি গিরজিল সোতের সেওলি।
এমন ব্যথিত নাই ডাকি বন্ধু বলি ॥
বঁধু যদি তুমি মোরে নিদারুণ হও।
মরিব তোমার আগে দাঁড়াইয়া রও ॥

* * *

খাইতে সোয়াস্তি নাই, নাহি টুটে ভুকু।
কে মোর ব্যথিত আছে কারে কব দুখ ॥
অমুক্ষণ গৃহে মোর গঞ্জয়ে সকলে।
নিশ্চয় জানিও মুঞি ভাখিব গরলে ॥”

অথচ শ্রীকৃষ্ণ শ্রীরাধিকাকে সম্বোধন করিয়া যে উক্তি করিয়াছেন, তাহাও ইহার সহিত তুলনার যোগ্য,—

রাই, তুমি সে আমার গতি।
তোমার কারণে রসতত্ত্ব লাগি
গোকুলে আমার স্থিতি ॥
নিশি দিশি সদা গীত আলাপনে
মুরলী লইয়া করে।
যমুনা সিনানে তোমার কারণে
বসি থাকি তার তীরে।
* * * *
তব রূপ গুণ মধুর মাধুরী
সদাই ভাবনা মোর।
করি অমুমান সদা করি পান
তব প্রেমে হৈয়া ভোর ॥
কিশোরীর দাস আমি পীতবাস
ইহাতে সন্দেহ যার।
কোটি যুগ যদি আমারে ভজয়ে
বিফল ভজন তার ॥
সাধন ভজন করে যেবা জন
তাহারে সদয় বিধি।
আমার ভজন তাঁহার চরণ
তুঁহি রসময়ী নিধি ॥

নব সন্নিপাতি দারুণ বেয়াধি
পরানে মরি ছে আমি ।
রসের সাগরে ডুবাছ আমারে
অমর করছ তুমি ॥

* * * *
সে দেখি পাথার সকলি সঁতার
শক্তি নাহিক মোর ।
বাণুলী আদেশে কহে চণ্ডীদাসে
যে হয় উচিত তাঁর ॥”

ইহা কি মানুষের প্রেমের নিদর্শন? মানব-
প্রেম কি কখন এই ভাবে আত্মপ্রকাশ করিতে
পারে?

শ্রীরাধিকা কাতর কণ্ঠে প্রেমমগ্নকে সম্বোধন
করিয়া বলিতেছেন,—

“বড় শুভক্ষণে তোমা হেন নিধি
বিধি মিলায়ল আনি ।
পরান হইতে শত শত গুণে
অধিক করিয়া মানি ॥
আনের আছয়ে আন জনা কত
আমার পরান তুমি ।
তোমার চরণ শীতল জানিয়া
শরণ লৈয়াছি আমি ॥
গুরু গরবিত তারা বলে কত
সে সব গৌরব বাসি ।
তোমার কারণে এত না সহিয়ে
হু’ কুলে হইল হাসি ॥”

এই সকল পদ পাঠ করিয়া স্বতঃই মনে প্রশ্নের
উদয় হয়,—শ্রীরাধাকৃষ্ণের এই প্রেম কি মানুষ-
প্রেম? না যে প্রেমের মধুর রসাস্বাদন করিয়া
বালক ঋব ‘পদ্মপলাশলোচন হরি’র সন্ধানে স্বাপদ-
সঙ্কুল গহন কাননে প্রবেশ করিয়া জীবনের আরাধ্য
দেবতাকে আকুল স্বরে ডাকিয়া বেড়াইয়াছিলেন;
যে প্রেমামৃত পান করিয়া বালক প্রহ্লাদ গরল-
ভক্ষণে, গিরিচূড়া হইতে পতনে, অকুল সমুদ্রে
নিক্ষিপ্ত হইয়াও বন্ধে পাষণ্ডার-বহনে—বিন্দুমাত্র
বিচলিত হয়েন নাই, ইহা সেই পরম পুরুষের প্রতি
সর্বস্ব সমর্পণ করা অপার্থিব প্রেম? আত্মীয়-স্বজন
বিমুখ, আপন পর হইয়াছে, ঘর বাহির হইয়াছে,
দিবস অন্ধকারাচ্ছন্ন রাত্রির গায় ভয়াবহ, তথাপি
দুঃখের পাষণ্ডে ঘর্ষণ করিয়া প্রেমের স্বর্গীয় সৌরভ
বাহির হইতেছে। কঠোর দুঃখের সাধনায়

অপার্থিব প্রেমের অপরূপ মূর্তি প্রকাশিত হইয়া
শ্রীরাধিকাকে কঠোর অগ্নিপরীক্ষায় রক্ষা
করিতেছে।

এই জগুই সমালোচক কবি শ্রীরাধিকার প্রেমের
তন্ময়তা লক্ষ্য করিয়া বলিতেছেন,—“পরকে আপন
করিতে হইলে যে সাধনা করিতে হয়, সে কি
সাধারণ তপস্যা? যে তোমার অধীন নহে, তোমার
নিজেকে তাহার অধীন করা, যে সম্পূর্ণ স্বতন্ত্র,
তোমার নিজেকে তাহার কাছে পরতন্ত্র করা, যাহার
সকল বিষয়ে স্বাধীন ইচ্ছা আছে, তোমার নিজের
ইচ্ছাকে তাহার আজ্ঞাকারী করা—সে কি কঠোর
সাধনা!”

এই কঠোর সাধনা মানবী-প্রেমে আয়ত্ত করা
যায় না, এই জগুই মহাকবি চণ্ডীদাস বৃন্দাবন-
বিলাসিনী শ্রীরাধিকাকে পার্থিব প্রেমের উর্দ্ধে লইয়া
গিয়া তাঁহার যে চিত্র অঙ্কিত করিয়াছেন, তাহা
কেবল ভক্তের হৃদয়-বৃন্দাবনেই চিরদিন স্থায়িতাবে
বিরাজিত থাকিবার যোগ্য। কেবল মহাকবি
চণ্ডীদাসই এই চিত্র অঙ্কিতেছেন, কারণ, তিনি
বিশ্বজগৎ অপেক্ষা প্রেমকেই বড় করিয়া দেখিয়া-
ছেন; সেই প্রেমের তুলনায় সমগ্র পৃথিবী ক্ষুদ্র,
তুচ্ছ। জগৎ এই প্রেমের আড়ালে ঢাকা
পড়িয়াছে। মহাকবি হৃদয়ের তুল্যদণ্ডে মাপিয়া
দেখিয়াছেন,—প্রাণের অপেক্ষা এই প্রেম অনেক
অধিক ভারী। ইহা নিত্য নূতন, ইহা তিল তিল
করিয়া বৃদ্ধি পাইতেছে, বাড়িবার আর স্থান নাই,
তথাপি বাড়িয়া যাইতেছে। তাহা কি মানবের
রক্ত-মাংসের দেহ ধরিয়া রাখিতে পারে? প্রেমের
বিরাত্ত্ব, বিশালত্ব, এই অতলস্পর্শ গভীরতা জগতের
অন্য কোন কবির রচনায় পরিব্যক্ত হইয়াছে কি না,
জানি না, কিন্তু তিনি যাহা দেখাইয়াছেন, মানবের
দৃষ্টি তাহা অতিক্রম করিয়া অধিকতর দূরে প্রসারিত
হইতে পারে না। কেবল ভক্তের অন্তর্দৃষ্টি সকল
অন্তরেন্দ্রিয়কে তন্ময় করিয়া তাহা প্রত্যক্ষ করে;
তখন তাঁহার বাহুজ্ঞান বিলুপ্ত হয়, এবং রাধাভাবে
ও শ্রীরাধারমণের অস্তিত্বে যে কোন পার্থক্য নাই,
ইহা হৃদয়ঙ্গম করিয়া তিনি চরিতার্থতা লাভ করেন।
ইহাই ভক্ত কবি চণ্ডীদাসের সাধনার সিদ্ধি।
তাঁহার প্রেম বিশুদ্ধ ছিল বলিয়াই তিনি প্রেমকে
উপভোগ হইতে স্বতন্ত্র রাখিতে সমর্থ হইয়াছিলেন;
অন্য কোন কবি এই স্বাতন্ত্র্য প্রদর্শন করিতে পারেন
নাই। বাণুলী-সেবক ‘কৃষ্ণ-কীর্তনে’র পদকর্তা
বড় চণ্ডীদাসের রচনার সহিত এই স্থানেই তাঁহার

রচনার পার্থক্য। এই জগুই তিনি বলিতে পারিয়াছিলেন,—

“রজনী দিবসে হব পরবশে
স্বপনে রাখিব লেহা।
একত্র থাকিব নাহি পরশিব
ভাবিনী ভাবের দেহা ॥”

ইহাই ছিল মহাকবি চণ্ডীদাসের শ্রীরাধাকৃষ্ণের প্রেম-প্রচারের মূলমন্ত্র। অন্ত কোন কবি প্রেমের সাধনায় এই কঠিন মন্ত্রকে আদর্শ রূপে গ্রহণ করিতে পারেন নাই। মহাকবি চণ্ডীদাসের ভগিনী দিয়া অন্ত যে কোন কবি পদ রচনা করুন, যিনি এই আদর্শ স্মরণ করিয়াছেন, তাঁকেই আমরা ‘মেকি’ বলিয়া চণ্ডীদাসের বরণীয় আসন হইতে নামাইয়া দিতে স্বেচ্ছা বোধ করিব না।

সমালোচক রবীন্দ্রনাথ চণ্ডীদাসের কবিত্ব-রসাস্বাদন করিয়া তাঁহার প্রবন্ধের উপসংহারে লিখিয়াছেন,—

“কঠোর ব্রত-সাধনা-স্বরূপে প্রেম-সাধনা করা চণ্ডীদাসের ভাব, সে ভাব তাঁহার সময়কার লোকের মনোভাব নহে, সে ভাব এখনকার সময়ের ভাবও নহে, সে ভাবের কাল ভবিষ্যতে আসিবে। যখন প্রেমের জগৎ হবে, যখন প্রেমের বিতরণ করাই জীবনের একমাত্র ব্রত হইবে, পূর্বে যেমন যে যত বলিষ্ঠ ছিল, সে ততই গণ্য হইত, তেমনি এমন সময় যখন আসিবে, যখন যে যত প্রেমিক হইবে, সে ততই আদর্শস্থল হইবে, যাহার হৃদয়ে অধিক স্থান থাকিবে, যে যত অধিক লোককে হৃদয়ে প্রেমের প্রজ্ঞা করিয়া রাখিতে পারিবে, সে ততই ধনী বলিয়া খ্যাত হইবে, যখন হৃদয়ের দ্বার দিবারাত্রি উদ্ঘাটিত থাকিবে ও কোন অতিথি রুদ্ধদ্বারে আঘাত করিয়া বিফল-মনোরথ হইয়া ফিরিয়া না যাইবে, তখন কবির গাইবেন,—

“পিরীতি নগরে বসতি করিব
পিরীতে বাঁধিব ঘর।
পিরীতি দেখিয়া পড়নী করিব
তা বিম্ব সকলি পর ॥”

বর্তমান ভারতের মহাকবি—বিশ্বকবি—বিশ্ব-বিজয়ী গৌরবের রথচক্র পশ্চিমদিক্চক্রবাল-সীমায় প্রাচীর বিজয়-নির্ঘোষ ধ্বনিত করিবার বহু পূর্বে তিনি বঙ্কের আদিকবি চণ্ডীদাসের কবিত্ব-বিশ্লেষণ উপলক্ষে যে মস্তব্য লিপিবদ্ধ করিয়াছিলেন, আজ

প্রায় অর্ধ শতাব্দী পরে আমরা ‘বসুমতী-সাহিত্য-মন্দির’ হইতে প্রকাশিত চণ্ডীদাসের ভূমিকায় তাহা আংশিক ভাবে উদ্ধৃত করিয়া সেকালের মহাকবির রচনা সম্বন্ধে এ কালের মহাকবির ধারণা কিরূপ ছিল—তাহা প্রদর্শন করিলাম। এই অর্ধ শতাব্দী পরে জীবনের প্রাস্তোপনীত মহাকবির পূর্ব-ধারণার কোন পরিবর্তন হইয়াছে কি না, তাহা আমরা অবগত নহি; কিন্তু এই অর্ধ শতাব্দী মধ্যে দেশের সমাজনীতি ও ধর্মনীতির বহু পরিবর্তন সাধিত হইয়াছে। ভগবান্ শ্রীরামকৃষ্ণদেব যে উদার বিশ্ব-জনীন প্রেমের—ধর্মের উপদেশ দানে জগতে নব প্রাণের স্পন্দন অমুভব করাইয়াছেন, মহাপ্রাণ স্বামী বিবেকানন্দ জগতে যে মানব-প্রেমের মহিমা প্রচার করিয়া আমেরিকার এক প্রান্ত হইতে কোথায় শুভ্র তুষার-মুকুটিত নগরাজ হিমাচলের পাদভূমি আর কোথায় চলোশ্মিমুখরা কল্যা কুমারিকার তটপ্রান্ত—আব্রহ্ম ভারতের সর্বত্র তাঁহার গৈরিক পতাকার বিজয়-বৈজয়ন্তী উড্ডীন করিয়াছেন, সেই প্রেমের ধর্ম আদিকবি চণ্ডীদাসের মোহন সঙ্গীতে এক দিন পশ্চিমবঙ্গের এক প্রান্তে প্রচারিত হইয়া গভীর নিদ্রাঘোরে সমাচ্ছন্ন বঙ্গবাসীর নিদ্রাভঙ্গের যে চেষ্টা করিয়াছিল, শতবর্ষ পরে শ্রীচৈতন্যদেব সেই নিদ্রাভঙ্গ করিয়া অর্ধ ভারতে নব যুগের প্রতিষ্ঠা করিয়াছিলেন। রবীন্দ্রনাথ যে ভাবের কাল ভবিষ্যতে আসিবে বরিয়া ভবিষ্যদ্বাণী করিয়াছিলেন, এই অর্ধযুগ পরে অগণ্য ভক্ত সাধকের হৃদয়ে আজ এই ভাবের কাল সমাগত, সুপ্রতিষ্ঠিত। এখন চণ্ডীদাসের পদাবলী বহু ভক্তকণ্ঠে গীত হইতেছে, বঙ্গবাসী বহু ভক্ত সেবক চণ্ডীদাসের পদাবলীর আলোচনায় জীবন ধন্য করিতেছেন। ইহা এখন মানবী-প্রেমের বহু উর্দ্ধে শ্রীরাধাকৃষ্ণের অপাখিব প্রেমের প্রতীকরূপে বিরাজিত। ইহা এখনও সেই প্রেমের তত্ত্ব কীর্তন করিতেছে—কবি-কণ্ঠে এক দিদি যাহা প্রণে শুনিয়াছিলাম,—

“হায়, কোন্ প্রেম লাগি, নারদ বৈরাগী
মহাদেব যোগী কোন্ প্রেমে ?
কি প্রেম কারণে ভগীরথ-জনে
ভাগীরথী আনে ভারত-ভূমে ?
কোন্ প্রেমে হরি ব’ধে ব্রজনারী
গেল মধুপুরী ক’রে আনাথা ?
কোন্ প্রেম-ফলে কালিন্দার মূলে
কৃষ্ণপদ পেলে মাধবীলতা ?”

জীবনের প্রাস্তোপনীত, রোগে শোকে মুহমান, পত্নী-পুত্র-বিরোগ-বেদনায় অশ্রুতরে রুদ্ধ-নেত্র, মানসিক অবসাদে শিথিল-হৃদয়, এই মোহাক্ষ বৃদ্ধ কোন দিন শ্রীভগবানের শ্রীচরণে আত্মনিবেদন করিয়া বা তাঁহার ধ্যান-ধারণায় জীবন সফল করিতে পারে নাই। মহাকবি চণ্ডীদাস তাঁহার বৃন্দাবন-লীলা কীর্তনের উদ্দেশ্যে, শ্রীরাধাকৃষ্ণের যে স্বর্গীয় প্রেমের মাধুর্য্যপূর্ণ পদাবলী রচনা করিয়া, কেবল সাহিত্য-জগতে নহে, প্রেম-ভক্তির জগতেও অক্ষয় কীর্তি অর্জন করিয়া গিয়াছেন, বঙ্গ-ভারতীর এই অক্ষয়, নগণ্য দীন সেবক কোন দিন তাহার রসাস্বাদনের সৌভাগ্যও লাভ করিতে পারে নাই। বসুমতী-সাহিত্য-মন্দিরের ধর্মপ্রাণ সুযোগ্য পুরোহিত মহাশয় সাধন-ভক্তিহীন এই অধম সেবকের বৈষ্ণব-সাহিত্যে অজ্ঞতার এবং মহাকবি চণ্ডীদাসের পদাবলীর মাধুর্য্য-বিশ্লেষণ-শক্তির শোচনীয় দৈন্তের পরিচয় পাইয়াও, যোগ্য ব্যক্তির হস্তে এই ভার অর্পণ না করিয়া, তাহার ব্যর্থ জীবন-সন্ধ্যায় তাহারই দুর্বল স্বন্ধে এই গুরু ভার গুপ্ত করিতে বিন্দুমাত্র কুণ্ঠাবোধ করেন নাই; এ জন্ত আমি স্বীয় অযোগ্যতায় কুণ্ঠিত হইলেও, শ্রীরাধাগোবিন্দের শ্রীপাদপদ্ম চিন্তা করিয়া ও পূর্বাগত বৈষ্ণব-সাহিত্যের লেখকগণের পদাঙ্ক অনুসরণে, আমার অনভ্যস্ত ও কল্পিত হস্ত হইতে অক্ষয় লেখনী স্থলিত হইবার পূর্বেই, দ্বিধাবিজড়িত শঙ্কাকুল-চিত্তে এই প্রসঙ্গ সমাপ্ত করিলাম এবং দুর্বল স্বন্ধে গুপ্ত এই গুরু ভার আজ তাঁহারই শ্রীচরণে নামাইয়া দিলাম।

আমি জ্ঞানি, আমি সাধ্যানুসারে চেষ্টা করিলেও যথাযোগ্য ভাবে আমার কর্তব্য সম্পাদন করিতে পারি নাই; অজ্ঞতা বশতঃ আমার রচনার যে সকল ত্রুটি হইয়াছে, তাহা অমার্জনীয় এবং আমার অনধিকারচর্চাও সমর্থনের অযোগ্য; কিন্তু আমার একমাত্র ভরসা—

“মুকং করোতি বাচালং
পশুং লজ্জয়তে গিরিষ্।
যৎকৃপা তমহং বন্দে
পরমানন্দমাধবম্ ॥”

হে বৃন্দাবনচন্দ্র পুরুষোত্তম মাধব! এই অক্ষয়, অসহা, পশু আজ দুর্লভ্য গিরি লজ্জন করিল— সে তোমারই কৃপা। এই দাসানুদাসকে অস্তিম্বে তোমার অভয়প্রদ শ্রীচরণে স্থান দান কর। সন্ধ্যার অন্ধকার নিবিড় হইয়া আসিয়াছে; পার-পণ্যহীন, রিক্তহস্ত, সর্কহারা পথিক একাকী এই অন্ধকারে ভবসমুদ্রের কূলে অশ্রুক্রুদ্ধ নেত্রে দাঁড়াইয়া কাতর-কণ্ঠে তোমাকে আহ্বান করিতেছে, অকূলের কাণ্ডারী তুমি—তাহাকে ভবসমুদ্রের পারে লইয়া যাও—যেমন করিয়া এক দিন তুমি ব্রজের গোপালনাগণের কাণ্ডারী হইয়া অভয়দানে তাহা-দিগকে যমুনা পার করিয়াছিলে।

কলিকাতা। } দীনাতিদীন সেবক
মহালয়া, আশ্বিন, ১৩৪০ } শ্রীদীনেশ্বরকুমার রায়।

চণ্ডীদাস

নায়িকার পূর্বরাগ

অনুরাগ

(ধানশ্রী)

বেলা অবসানে সখীর সহিতে
গেলুঁ যমুনার জলে ।
নয়ন-হিলোলে কিরূপ দেখিগুঁ
পরান চঞ্চল হৈলে ॥
সই এ কথা কহিব কারে ।
সাপিনী দংশিলে বিষেতে ছাইলে
তমু জরজর করে ॥
আপনার দুখ আপনা অন্তরে
কেবা পরতীত(১) যায় ।
শাশুড়ী ননদী যদি কথা কহে
গরল লাগে হিয়ায় ॥
অঙ্গের অঙ্গিনী(২) সঙ্গের সঙ্গিনী
সুখ দুখ সেহি জানে ।
চণ্ডীদাসে কহে দুখ-জ্বালা যত
না যাবে কালিয়া বিনে ॥

(কামোদ)

সই, কেবা শুনাইলে শ্রাম নাম ।
কানের ভিতর দিয়া মরমে পশিল গো
আকুল করিল মোর প্রাণ ॥
না জানি কতক মধু শ্রামনামে আছে গো
বদন ছাড়িতে নাহি পারে ।
জপিতে জপিতে নাম অবশ করিল গো
কেমনে পাইব সই তারে ॥
নাম-পরতাপে যার ঐছন করল গো
অঙ্গের পরশে কিবা হয় ।
যেখানে বসতি তার নয়নে দেখিয়া গো
যুবতী-ধরম কৈছে(৩) রয় ॥

পাসরিতে করি মনে পাসরা(১) না যায় গো
কি করিব কি হবে উপায় ?
কহে দ্বিজ চণ্ডীদাসে কুলবতী কুল নাশে
আপনার যৌবন যাচায় ॥

চিত্রপট দর্শন

(সুহই)

সেহি সে কালিয়া বলিয়া বলিয়া
সদায়ে বুরিছে আঁখি ।
কি করি কি হয় নাহিক নিশ্চয়
শুন গো বিশখা সখি ॥
সই মরম কহিলুঁ তোরে ।
গরল ভথিয়া ছাড়িব পরাণ
মন যে এমন করে ॥
যখন আমার সঙ্গে দেখা না আছিল
আমি ত তারে না জানি ।
চিত্রপট— করিয়া বিশখা
তুমি যে দেখালা(২) আনি ॥
যাহার লাগিয়া তমু জরজর
দেখিতে করিয়ে আশ ।
অতি অবিলম্বে তাহারে পাইবা
কহে দ্বিজ চণ্ডীদাস ॥

(তিরোতা)

হাম সে অবলা হৃদয় অখল(৩)
ভাল মন্দ নাহি জানি ।
বিরলে বসিয়া পটেতে লিখিয়া
বিশখা দেখাল আনি ॥
হরি হরি ! এমন কেন বা হলো ।
বিষম বাড়ব অনল মাঝারে
আমারে ডারিয়া(৪) দিল ॥

১। বিশ্বাস। ২। অঙ্গ-রূপিনী। ৩। কেমন
করিয়া।

১। বিশ্বৃত হওয়া। ২। দেখাইলে।
৩। সরলা। ৪। সমর্পণ করিয়া।

বয়সে কিশোর বেশ মনোহর
অতি সুমধুর রূপ ।
নয়ন-যুগল করয়ে শীতল
বড়ই রসের কূপ ॥
নিজ পরিজন সে নহে আপন
বচনে বিশ্বাস করি ।
চাহিতে তা পানে পশিল পরাণে
বুক বিদরিয়া মরি ॥
চাহি ছাড়াইতে ছাড়া নহে চিতে
এখন করিব কি ?
কহে চণ্ডীদাসে শ্রাম-নবরসে
ঠেকিলা রাজার ঝি ॥

—
সাক্ষাদর্শন

(কামোদ)

জলদবরণ কাহু দলিত অঙ্গন জহু
উদয় হয়েছে সুধাময় ।
নয়ন চকোর মোর পি'তে(১) করে উত্তরোল
নিমিখে নিমিখ(২) নাহি সয় ॥
সখি, দেখিহু শ্রামের রূপ যাইতে জলে ।
ভালে সে নাগরী হয়েছে পাগলী
সকল লোকেতে বলে ॥
কিবা সে চাহনি ভুবন-ভুলনী
দোলনি গলে বনমাল(৩) ।
মধুর লোভে ভ্রমরা বলে
বেড়িয়া তহি রসাল ॥
ছুইটি নয়ান মদনের বাণ
দেখিতে পরাণে হানে ।
পশিয়া মরমে ঘুচায় ধরমে
পরাণ সহিত টানে ॥
চণ্ডীদাস কয় ভুবনে না হয়
এমন রূপ যে আর ।
যে জন দেখিল সে জন ভুলিল
কি তার কুল-বিচার ॥

—
(কামোদ)

বরণ দেখিহু শ্রাম জিনিয়া ত কোটি কাম
বদন জিতল কোটি শশী ।
ভাঙ ধনুভঙ্গি ঠাম নয়ান-কোণে পুরে বাণ
হাসিতে খসয়ে সুধারাশি ॥

সই, এমন সুন্দর বর কান ।
হেরিয়া সেই মুরতি সতী ছাড়ে নিজ পতি
তেয়াগিয়া লাজ ভয় মান ॥
এ বড় কারিকরে কুঁদিলে(১) তাহারে
প্রতি অঙ্গে মদনের শরে ।
যুবতী-ধরম ধৈর্য্য-ভূজঙ্গম
দমন করিবার তরে ॥
অতি সুশোভিত বক্ষ বিস্তারিত
দেখিহু দর্পণাকার ।
তাহার উপরে মালা বিরাজিত
কি দিব উপমা তার ॥
নাতির উপরে লোমলতাবলী
সাপিনী আকার শোভা ।
ভুরুর বলনী কামধনু জিনি
ইন্দ্র-ধনুকের আভা ॥
চরণ-নখরে বিধু বিরাজিত
মণির মঞ্জীর তায় ।
চণ্ডীদাস-হিয়া সে রূপ দেখিয়া
চঞ্চল হইয়া ধায় ॥

(যতিশ্রী)

যাইতে দেখিল শ্রামে কি করিবে কোটি কামে
ভাঙ ভঙ্গিম সৃষ্টাম ।
চাঁদ-বদনে চাহে যাহা পানে
সে ছাড়ে কুল অভিমান ॥
সই, এমন সুন্দর কান(২) ।
হেরি কুলবতী ছাড়ে নিজ পতি
ভ্যজি লাজ ভয় মান ॥
অতি সে শোভিত বক্ষঃ বিস্তারিত
দেখিয়ে দর্পণাকার ।
তাহার উপরে মাল শোভিয়াছে ভাল
উপজে(৩) মদন-বিকার ॥
নাতির উপরে জহু ভমাল জিনিয়া তহু
দলিত অঙ্গন জিনি আভা ।
বড় কারিকর কুন্দিয়াছে ভাল
রামকদলীর শোভা ॥
চরণ-নখর কোণে রঞ্জিত শোভিত মনে
মণিময় নুপুর তায় ।
চণ্ডীদাসের হিয়া ও রূপ দেখিয়া
চঞ্চল হইয়া ধায় ॥

১। পান করিতে । ২। নিমেষ ।
৩। আজানুলবিত মোটা মালা ।

১। নিপুণ ভাবে নির্মাণ করিল । ২। কৃষ্ণ ।
৩। উপস্থিত হয় ।

(ধানশী)

শ্রামের বরণ ছটার কিবা ছবি ।
কোটি মদন জন্ম জিনিয়া শ্রামের তনু
উদয়িছে যেন শশী রবি ॥
কিবা সে শ্রামের রূপ সুধাময় রসকূপ
নয়ান জুড়ায় ষাহা চেয়ে ।
হেন মনে লয় (যদি) লোকভয় নয়
কোলে করি যেয়ে ধেয়ে ॥
তরুণ মুরলী করিল পাগলী
রহিতে নারিনু ঘরে ।
সবারে বলিয়া বিদায় লইলাম
কি করিবে দোসর পরে ॥
ধরম করম দূরে তেয়াগিল
মনেতে লাগিল যে ।
চণ্ডীদাস ভণে আপনার মনে
বুঝিয়া করিবে সে ॥

(কামোদ)*

সুধা ছানিয়া কেবা ও সুধা ঢেলেছে গো
তেমতি শ্রামের চিকণ দেহা ।
অজ্ঞান গঞ্জিয়া (১) কেবা খঞ্জন (২) আনিল রে
চাঁদ নিঙাড়ি কৈল খেহা (৩) ॥
সে খেহা নিঙাড়ি কেবা মুখ বনাইল রে
জবা ছানিয়া কৈল গণ্ড ।
বিশ্বফল জিনি কেবা ওষ্ঠ গড়িল রে
ভুজ জিনিয়া করি-শুণ্ড ॥
কম্বু (৪) জিনিয়া কেবা কণ্ঠ বনাইল রে
কোকিল জিনিয়া সুস্বর ।
আরদ্র (৫) মাখিয়া কেবা সারদ্র (৬) বনাইল রে
ঐছন দেখি পীতাম্বর ॥
বিস্তারি পাষাণে কেবা রতন বসাইল রে
এমতি লাগয়ে বুকের শোভা ।
দাম-কুমুমে কেবা সুষমা করেছে রে
এমতি তনুর দেখি আভা ॥

* এই পদটিতে কবি কতকগুলি চিরপ্রসিদ্ধ
উপমার সাহায্যে রূপবর্ণনা করিয়াছেন ।

- ১। লালিত করিয়া ।
- ২। নীলকণ্ঠ পক্ষী ।
- ৩। স্থির—অর্থাৎ চক্রেয় স্নিগ্ধতাকে যেন
জমাট বাধা হইল ।
- ৪। শব্দ । ৫। হরিদ্রা । ৬। ঘন পীত ।

আদলি (১) উপরে কেবা কদলী রোপল রে
ঐছন দেখি উরুযুগ ।
অঙ্গুলী উপরে কেবা দর্পণ বসাইল রে
চণ্ডীদাস দেখে যুগে যুগ ॥

(কামোদ)

সজনি, কি হেরিনু যমুনার কূলে ।
ব্রহ্ম-কুল-নন্দন হরিল আমার মন
ত্রিভঙ্গ দাঁড়াঞা তরুমূলে ॥
গোকুল নগরমাবো আর কত নারী আছে
তাহে কেন না পড়িল বাধা ।
নিরমল কুলখানি যতনে রেখেছি আমি
বাঁশী কেন বলে রাধা রাধা ॥
মল্লিকা-চম্পক-দামে চূড়ার চালনী* বামে
তাহে শোভে ময়ূরের পাখে ।
আশেপাশে ধেয়ে ধেয়ে সুন্দর সৌরভ পেয়ে
অলি উড়ি পড়ে লাখে লাখে ॥
সে কি রে চূড়ার ঠাম কেবল যেমন কাম
নানা ছাঁদে বাঁধে পাকমোড়া ।
শির বেচল বৈলান জালে (২) নবগুঞ্জামণি মালে
চঞ্চল চাঁদ উপরে জোড়া ॥
পায়ের উপর থুয়ে পা কদম্বে হেলায়ে গা
গলে শোভে মালতীর মালা ।
বড়ু (৩) চণ্ডীদাস কম্ব না হইল পরিচয়
রসের নাগর বড় কালা ॥
কাঞ্চন বরণ (৪) দেহের গঠন
তাহারে করিলুঁ কালা ।
সে পরপুরুষ লাগি করি আশ
হয়্যা কুলবতী বালা ॥
সই কি আর বলিব তোরে ।
পিরিত্তি করিয়া মরিলুঁ বুঝিয়া
আনলে বেড়িল মোরে ॥

১। আদলা ।

* টালনি (পাঠান্তরে) ।

২। চূড়াবন্ধন বেণী । ৩। ব্রাহ্মণতনয় ।

৪। এই পদটির 'কাঞ্চন বরণ' শব্দটি লক্ষ্য
করিবার বিষয়—মহাপ্রভুর উজ্জল বর্ণের কোন
ইঙ্গিত এখানে করা হইয়াছে বলিয়া মনে করিলে
এই পদটির রচয়িতা চৈতন্য-পরবর্তী যুগের চণ্ডীদাস
কি না, সে বিষয় সন্দেহ করিবার যথেষ্ট অবকাশ
জাগে ।

মন যে পামর ভাবে নিরস্তর
 কালা কাহু লাগি বুঝে ।
 কে আছে এমন করে নিবারণ
 আনিয়া মিলাবে মোরে ॥
 চণ্ডীদাস কহে মনের আনন্দে
 শুন অদভূত কথা ।
 সে বঁধু নাগর তোমা ছাড়া নহে
 অন্তরে না ভাব বেথা ॥

এলাইয়া বেণী ফুলের গাঁথনি
 দেখয়ে খসায় চুলি ।
 হাসিত(১) বয়ানে চাহে মেঘপানে
 কি কহে দুহাত তুলি ॥
 একদিঠ(২) করি ময়ূর-ময়ূরী
 কণ্ঠ করে নিরীক্ষণে ।
 চণ্ডীদাস কয় নব পরিচয়
 কালিয়া বঁধুর সনে ॥

সখীর উক্তি

(ধানশী)

ঘরের বাহিরে দণ্ডে শতবার
 তিলে তিলে আসে যায় ।
 মন উচাটন নিখাস সঘন
 কদম্ব-কাননে চায় ॥
 রাই এমন কেনে বা হলো ?
 গুরু দুর্জন (১) ভয় নাহি মন
 কোথা বা কি দেব(২) পাইল ॥
 সদাই চঞ্চল বসন-অঞ্চল
 সংবরণ নাহি করে ।
 বসি থাকি থাকি উঠয়ে চমকি
 ভূষণ খসিয়ে পড়ে ॥
 বয়সে কিশোরী রাজার কুমারী
 তাহে কুলবধু বাল্য ।
 কিবা অভিলাষে বাড়ায় লালসে
 না বুঝি তাহার ছলা(৩) ॥
 তাহার চরিতে হেন বুঝি চিতে
 হাত বাড়াইল চাঁদে ।
 চণ্ডীদাস ভণে করি অমুমানে
 ঠেকেছে কালিয়া ফাঁদে ॥

(সিন্ধুড়া) .

রাধার কি হলো অন্তরে ব্যথা ।
 বসিয়া বিরলে থাকয়ে একলে(৪)
 না শুনে কাহার কথা ॥
 সদাই ধৈয়ানে চাহে মেঘপানে
 না চলে নয়ান তারা ।
 বিরতি আহারে রাজা বাস পরে
 যেমন যোগিনী পারা ॥

(সিন্ধুড়া)

কালিয়া বরণ আঁখিতে গরল
 চাহিল যাহার পানে ।
 সেহি সে জানিল নিকটে মরণ
 প্রাণ হানে পাঁচ-বাণে ॥
 সই, আর কিছু নাহি ভায় ।
 শয়ান ভোজন সকল ছাড়িয়া
 কদম-তলে মন ধায় ॥
 বসন ভূষণ অঙ্গের আভরণ
 তাতে কিছু নাহি কাজ ।
 উনমত(৩) হৈয়া রতন মাঞ্জিব
 তেজি কুল ভয় লাজ ॥
 অপযশ কথা লোকে যে কহিবে
 তাহা কিছু নাহি মানৈ ।
 চণ্ডীদাসে কহে তাহার পরাণে
 হানিল কালিয়া বাণে ॥

(ধানশী)

কালিয়া বরণ হিরণ-পিপন(৪)
 ষখন পড়য়ে মনে ।
 মূর্ছি পড়িয়া কাঁদয়ে ধরিয়া
 সব সখি জনে জনে ॥
 কেহ কহে মাই ওঝা দে ঝাড়াই
 রাইয়েরে পেয়েছে ভুতা ।
 কাঁপি কাঁপি উঠে কহিলে না টুটে
 সে যে বৃষভামুতা ॥
 রক্ষামন্ত্র পড়ে নিজ চুলে ঝাড়ে
 কেহ বা কহয়ে ছলে ।
 নিশ্চয় কহি যে আনি দেও এবে
 কালার গলার ফুলে ॥

১। দুর্জন। ২। সম্ভবতঃ 'কুগ্রহ' অর্থে।
 ৩। ছলনা। ৪। একাকী।

১। হাস্যবুদ্ধ। ২। এক দৃষ্টে। ৩।
 উন্মত্ত। ৪। বস্ত্র।

পাইলে সে ফুল চেতন পাইয়া
তবে উঠিবেক বালা ।
ভূত-প্রেত আদি ঘুচিয়া যাইবে
যাইবে অঙ্গের জ্বালা ॥
কহে চণ্ডীদাসে আন উপদেশে
কুলের বৈরী কালা ।
দেখাও যতনে পাইবে চেতনে
ঘুচিবে অঙ্গের জ্বালা ॥

(ধানশী)

ওঝা রোঝা আনি গিয়া পাইয়াছে ভূতা ।
কাঁপি কাঁপি উঠে এই বুধভানুসুতা ॥ ১ ॥
কালিয়া কোঙর (১) হিরণ-পিঁধন যবে পড়ে মনে ।
মূরছি পড়িয়া ধরি কান্দে ভূম খানে ॥
রক্ষা রক্ষা মন্ত্র পড়ে ধরি ধনীর চুলে ।
কেহ বোলে আনি দেহ কালার গলার ফুলে ॥
কালিয়া কোঙর থাকে কদম্বের ডালে ।
বালিকা দেখিয়া পাইয়াছে শিশুকালে ॥
চেতন পাইয়া তবে উঠিবেক বালা ।
ভূত প্রেত ঘুচিবেক যাইবেক জ্বালা ॥
দ্বিজ চণ্ডীদাসে কয় যারে কহ ভূত ।
শ্রাম চিকণিয়া সে নন্দের ঘরের পুত ॥

(ধানশী)

সোনার নাতিনী এমন যে কেনি (২)
হইলা বাউরী (৩) পারা ।
সদাই রোদন বিরস বদন
না বুঝি কেমন ধারা ॥
যমুনা যাইতে কদম্বতলাতে
দেখিলা সে কোন জনে ।
যুবতী জনার ধরম-নাশক
বসি থাকে সেইখানে ॥
সে জন পড়ে তোর মনে ।
সতীর কুলের কলঙ্ক রাখিলি
চাহিয়া তাহার পানে ॥
একে কুলনারী কুল আছে বৈরী
তাহে বড়য়ার বধু ।
কহে চণ্ডীদাসে কুল শীল নাশে
কালিয়া-প্রেমের মধু ॥

(কামোদ)

সোনার নাতিনি কেন আইস যাও পুনঃ পুনঃ
না বুঝি তোমার অভিপ্রায় ।
সদাই কাঁদনা দেখি অঝর ঝরয়ে আঁখি
জাতি কুল সকল পাছে যায় ॥
যমুনার জলে যাও কদমতলার পানে চাও
না জানি দেখিলা কোন জনে ।
শ্রামলবরণ হিরণ-পিঁধন বসি থাকে যখন তখন
সে জন পড়েছে বুঝি মনে ॥
ঘরে আসি নাহি খাও সদাই তাহারে চাও
বুঝিলাম তোমার মনের কথা ।
এখনি শুনিলে ঘরে কি বোল বলিবে তোরে
বাড়িয়া (১) ভাবিবে তোর মাথা ॥
একে তুমি কুলনারী কুল আছে তোমার বৈরী
আর তাহে বড়য়ার বধু ।
কহে বড়ু চণ্ডীদাসে কুল শীল সব ভাসে
লাগিল কালিয়া-প্রেম-মধু ॥

(সুহই)

না যাইও যমুনার জলে তরুয়া কদম্বমূলে
চিকণকাল করিয়াছে থানা (২)
নব জলধর রূপ মূনির মন মোহে গো
ভেঞ্জি (৩) জলে যেতে করি মানা ॥
ত্রিভঙ্গ-ভঙ্গিয়া ভাতি রহিয়া মদন জিতি
চাঁদ জিতি মলয়জ্ব ভালে ।
ভুবনবিজয়ী মালা মেঘে সৌদামিনী-কলা
শোভা করে শ্রামচাঁদের গলে ॥
নয়নকটাক্ষ ছাঁদে ছিয়ার ভিতরে হানে
আর তাহে মুরলীর তান ।
শুনিয়া মুরলীর গান ধৈর্য না ধরে প্রাণ
নিরখিলে হারাবি পরাণ ।
কানড়া কুসুম জিনি শ্রামের বদনখানি
হেরিবে নয়ান কোণে যে ।
দ্বিজ চণ্ডীদাস ভণে চাহিয়া গোবিন্দপানে
পরানে বাঁচিবে সখী কে ?

(ধানশী)

যমুনা যাইয়া শ্রামেরে দেখিয়া
ঘরে আইল বিনোদিনী ।
বিরলে বসিয়া কান্দিয়া কান্দিয়া
ধেয়ায় (৪) শ্রামরূপখানি ॥

১। আঘাত করিয়া । ২। আড্ডা গাড়িয়াছে ।

৩। সেই কারণে । ৪। ধ্যান করে ।

১। কুমার । ২। কেন । ৩। পাগলিনী ।

নিজ করোপরে রাখিয়া কপোল
 মহাযোগিনীর পারা
 ও ছুটি নয়ানে বহিছে সঘনে
 শ্রাবণ-মেঘেরি ধারা ॥
 হেন কালে তথা আইল ললিতা(১)
 রাই দেখিবার তরে ।
 সে দশা দেখিয়া ব্যথিত হইয়া
 তুলিয়া লইল কোরে(২) ॥
 নিজ বাস দিয়া মুছিয়া পুছয়ে
 মধুর মধুর বাণী ।
 আজু কেনে ধনি হয়েছ এমনি
 কহ না কি লাগি শুনি ॥
 আজনয় সুখে হাসি বিধুমুখে
 কভু না হেরিয়ে আন ।
 আজু কেন বল কান্দিয়া ব্যাকুল
 কেমন করিছে প্রাণ ॥
 টাচর চিকুর(৩) কিছু না সংবর
 কেনে হইলে অগেয়ান ।
 চণ্ডীদাস কহে বেজেছে হৃদয়ে
 শ্রামের পিরীতি-বাণ ॥

(তুড়ি)

অঙ্গ পুলকিত মরম সহিত
 অঝরে নয়ন ঝরে ।
 বুঝি অমুমানি কালী রূপখানি
 তোমারে করিয়া ভোরে(৪) ॥
 দেখি নানা দশা অঙ্গ যে বিবশা
 নাহত এ বড় ভারে ।
 সে বর নাগর গুণের সাগর
 কিবা না করিতে পারে ॥
 শুন শুন রাই কহি তুমি ঠাই
 ভাল না দেখি যে তোরে ।
 সুভী-কুলবতী তুমি যে খেয়াতি(৫)
 আছয় গোকুলপুরে ॥

১। শ্রীরাধার অষ্টসখীর মধ্যে আঢ়া সখী ।

২। কোলে । ৩। কুঞ্চিত কেশ । ৪। বিভোর ।

৫। খ্যাতি ।

ইহাতে এখন দেখি যে কেমন
 নাহি লাজ গুরুতরে ।
 কহে চণ্ডীদাসে শ্রাম নব-রসে
 বুঝিলে বুঝিতে নারে ॥

(শ্রীগন্ধার)

সই, কি আজু দেখিল রঙ্গ ।
 আজু গিয়াছিমু যমুনার জলে
 দুই চারিজন সঙ্গ ॥
 এক কালা দেহ বসন-ভূষণ
 চূড়াটি টলিয়া বামে ।
 হেরন্ব-অনুজ(১) তাহে আরোপিত
 বেড়িয়া কুসুম-দামে ॥
 তার মাঝ দিয়া ময়ূরের পাখা
 হেলিছে ছলিছে বায়(২) ।
 যেমন রবির স্মৃতার তরঙ্গ(৩)
 লহরী তেমতি প্রায় ॥
 তাহে শশধর মলয়-চন্দন
 তার মাঝে গোরোচনা ।
 তাহার সৌরভ পেয়ে অলিকুল
 করে আসি আনাগোনা ॥
 নাসা খগ জিনি কিবা কীর(৪) গণি
 এই দুই নহিলে নয় ।
 আকর্ণপূরিত 'সে দুটি লোচন
 চঞ্চল শোভিত ভায় ॥
 কটাক্ষ মিশালে হাসির হিল্লোলে
 অমিয়া বরিখে(৫) রাশি ।
 দেখিয়া সে রূপ হেন মনে করি
 সদা থাকি নিশিদিশি ॥
 গলে বনমালা কিবা করে আলা
 যমুনা হুকুল ভরি ।
 পীত বাস অতি কাঞ্চন-মুরতি
 করেতে মুরলী ধরি ॥
 এত দিন বসি গোকুল-নগরে
 না দেখিলা শুনি কানে ।
 এমন মুরতি গড়ে কোন্ বিধি
 দ্বিজ চণ্ডীদাস ভণে ॥

১। কাঞ্চিক । ২। বাতাসে । ৩। স্মৃতের
 গ্রাম কিরণ । ৪। শুক পাখী । ৫। বসিত হয় ।

নায়কের পূর্বরাগ

(তুড়ি)

তড়িত-বরণী হরিণ-নয়নী
 দেখিছু আন্ধিনা-মাঝে ।
 কিবা বা দিঞা অমিয়া ছানিয়া
 গড়িল কোন্ বা রাজে ॥
 সই, কিবা সে সুন্দর রূপ ।
 চাহিতে চাহিতে পশি গেল চিতে
 বড়ই রসের কূপ ॥
 সোনার কটোরি(১) কুচযুগ-গিরি
 কনক-মন্দির লাগে ।
 তাহার উপরে চূড়াটি বনালে
 সে আর অধিক ভাগে ॥
 কে এমন কারিগর বানাইলে ঘর
 দেখিতে নারিছু তারে ।
 দেখিতে পাইতু'(২) শিরোপা(৩) করিতু'(৪)
 এমতি মন যে করে ॥
 হৃদয়ে আছিল বেকত (৫) হইল
 দেখিতে পাইতু সে ।
 ঐছন (৬) মন্দিরে শয়ন করে যে
 সে মেনে (৭) নাগর কে ॥
 হিয়ার মালা যৌবনের ডালা
 পসারি পসারল(৮) যেন ।
 চাকুতে কাটিয়া চাক যে করিয়া
 তাহাতে বৈসাল হেন ॥
 অধর-সুধা পড়িছে জুদা (৯)
 দশন-মুকুতা শশী ।

মোর মনে হয় এমতি করয়
 তাহাতে যাইয়া পশি ॥
 চণ্ডীদাসে কয় ও কথা কি হয়
 মরম কহিলে বটে ।
 আর কার কাছে কহ যদি পাছে
 তবে সে কুৎসা রটে ॥

(তুড়ি)

নবীন কিশোরী মেঘের বিজুরী
 চমকি চলিয়া গেল ।
 সঙ্কর সন্ধিনী সকল কামিনী
 ততই উদয় ভেল (১০) ॥

১। বাটা। ২। পাইতাম। ৩। পুরস্কার।
 ৪। করিতাম। ৫। ব্যক্ত। ৬। ঐরূপ। ৭। 'না
 জানি'। ৮। সাজাইল। ৯। 'শীঘ্র' অর্থে সম্ভবতঃ
 ব্যবহৃত হইয়াছে। ১০। হইল।

সই, (১) জনমিয়া দেখি নাই হে নারী ।
 ভঙ্গিম রঙ্গিম ঘন যে চাহনি
 গলে যে মোতিমহারি ॥
 অঙ্কের সৌরভে ভ্রমরা ধাওয়ে
 বাঙ্কার করয়ে যাই ।
 অঙ্কের বসন ঘুচায় কখন
 কখন কাঁপয়ে (২) তাই ॥
 মনের সহিতে মরম কোতুকে
 সখীর কান্ধেতে বাছ ।
 হাসির চাহনি দেখাল কামিনী
 পরাণ হারানু তহ'(৩) ॥
 চলন-ভঙ্গী অতি সুন্দরী
 চাপটিল (৪) জীবন মোর ।
 অঙ্গুলীর আগে চাঁদ যে বালকে
 পড়িছে উছলি জোর ॥
 চাহে যাহা পানে বধয়ে পরাণে
 দারুণ চাহনি তার ।
 হিয়ার ভিতরে পাজর কাটিয়ে
 বিঁধিলে বাণ যে মার(৫) ॥
 জরজর হিয়া রহিল পড়িয়া
 চেতন নহিল মোর ।
 চণ্ডীদাসে কয় ব্যাপি, সমাধি নয়
 দেখিয়া হইতু ভোর (৬) ॥

(শ্রীগাঙ্কার)

বদন সুন্দর যেন শশধর
 উদিত গগনে হয় ।
 ছটার বলকে পরাণ চমকে
 তিগিরে লাগয়ে ভয় ॥
 নয়ান চাহনি বিভঙ্গী সে যনি*
 তিথিণী তিথিণী (৭) শর ।
 দেখিয়া অন্তর উপজিল জয়
 মদন পাইল ডর ॥
 সই, কে বলে কুচযুগ বেল ।
 সোনার গুলি শোভয়ে ভালি
 যুবক বধিতে শেল ॥

১। 'সখা' এই অর্থে। ২। আচ্ছাদিত করে
 ৩। তৎক্ষণাৎ। ৪। ব্যাকুল করিল। ৫। মদন
 ৬। বিহ্বল। ৭। তীক্ষ্ণ তীক্ষ্ণ।
 * বিষের ধায়নি—পাঠান্তর।

আজ্ঞামূলধিত করিবর-শুণ্ডিত
 কনক-ভুঞ্জ সে গাজে ।
 হেরিয়া মদন গেল সে সদন
 মুখ না তুলিল লাজে ॥
 মাজা যে ডম্বরু সিংহিনী আকার
 নিতম্ব বিমান চাক ।
 চরণ-কমলে ভ্রমরা বুলয়ে(১)
 চৌদিকে বেড়িয়া কাঁক ॥
 অঙ্গুলীর মাঝে যাবক(২) গাজে
 মিহির-শোভিত জহু ।
 চণ্ডীদাসে কয় কি জানি কি হয়
 লখিতে(৩) নারিহু তহু ॥

(শ্রীগাঙ্কার)

একে যে সুন্দরী কনক-পুতুলী
 খঞ্জনলোচন তার ।
 বদন-কমলে ভ্রমরা বুলয়ে
 তিমির কেশের ধার ॥
 সহ, নবীন বালিকা সেহ ।
 দৈব উপজিল দেখিতে না পাইল
 স্মৃতি না দিল সেহ ॥
 মজরে নজরে পরাণে পরাণে
 ধৈর্য উঠাইল যে ।
 সঙ্গে কেহ নাই শুনহ ভাই
 কাহারে শুধাবে কে ॥
 দস্ত দ্বিজ(৪) দাড়িম্ব-বীজ
 ওষ্ঠ বিশ্বক-শোভা ।
 দেখিয়া যুবকে মদন কোপে
 মন যে হইল লোভা ॥
 গলায় মাল শোভিছে ভাল
 তাহুল বদনে তার ।
 চর্কিত চর্কণে পড়িছে বদনে
 শোভিত পিকন ধার ॥
 চণ্ডীদাস বলে গিয়াছিল জলে
 আইল পরাণ ঘরে ।*
 রাজার বিয়ারী সুন্দরী নারী
 তুমি কি করিব তারে ॥

(তুড়ি)

পথে জড়াজড়ি দেখিহু নাগরী
 সখীর সহিত যায় ।
 সকল অঙ্গ মদন-তরঙ্গ
 হসিত বদনে চায় ॥
 সহি । কেমন মোহিনী সেহ ।
 যদি সহায় পাই এমতি হয়
 তা সঙ্গে করি যে লেহ(১) ॥
 ললিত আকার মুকুতার হার
 শোভিত দেখিহু ভাল ।
 যেন তারাগণ উদ্ভিত গগন
 চাঁদেবে বেড়িয়া জাল ॥
 কুচ যে মণ্ডলী কনক-কটোরি
 বনালে কেমন ধাতা ।
 হাসির রাশি মনের খুসী
 দান করে যদি দাতা ॥
 চণ্ডীদাস কহে যদি না দানয়ে
 কি জানি মাগিবা তায় ।
 যে ধন মাগয়ে (২) তাহা না পাইয়ে
 অপযশ রহি যায় ॥

(তুড়ি)

বেলি অসকালে (৩) দেখিহু যে ভালে
 পথেতে যাইতে সে ।
 জুড়ায় কেবল নম্বন-মুগল
 চিনিতে নারিহু কে ॥
 সহি, সে রূপ কে চাহিতে পারে ।
 অঙ্গের আভা বসন-শোভা
 পাসরিতে নারি তারে ॥
 বাম অঙ্গুলীতে মুকুল সহিতে
 কনক-কটোরি হাতে ।
 সীতায় গিন্দুর নয়ানে কাজর
 মুকুতা শোভিত নথে ॥
 সুনীল শাড়ী মোহনকারী
 উছলিছে দেখি পাশ ।
 কি আর পরাণে সোঁপিহু চরণে
 দাস করি মনে আশ ॥

১। ঘুরিয়া বেড়ায় । ২। আলতা । ৩। লক্ষ্য
 করিতে । ৪। দাঁত দুইবার হয় এই অর্থে দ্বিজ ।

* আপন ঘরে—পাঠাস্তর ।

১। 'স্নেহ' এখানে 'প্রেম' অর্থে ব্যবহৃত হইয়াছে ।
 ২। যদি ভিক্ষা করিয়াও অবশেষে পাওয়া না যায় ।
 ৩। অবসানে ।

কুচমুগ-গিরি কনক-কটোরি
শোভিত হিম্মার মাঝে ।
ধীরে ধীরে যায় চমকিয়ে চায়
ঘন না চাহে লোকলাজে ॥
কিবা সে ভঙ্গিমা নাহিক উপমা
চলন মন্থর গতি ।
কোন্ ভাগ্যবানে পাঞাছে কি দানে
ভঙ্গিয়া সে উমাপতি ॥
চণ্ডীদাসে কয় মুরতি এ নয়
বধিতে রসিক জনে ।
অমিয়া ছানিয়া যতন করিয়া
গড়িল সে অমুমানে ॥

✓ (তুড়ি)

চম্পকবরণী বয়সে তরুণী
হাসিতে অমিয়া ধারা ।
সুচিত্র বেণী তুলিছে মণি *
কপिला চামর পারা ॥
সখি, যাইতে দেখিছু ঘাটে ।
জগত-মোহিনী হরিণনয়নী
ভানুর বিয়ারী বটে ॥৩॥
হিম্মা জরজর খসিল পাঁজর
এমতি করিল বটে ।
চম্পক কামিনী বঙ্কিম চাহনি
বিঁধিল পরাগ তটে ॥
না পাই সমাধি কি হইল ব্যাধি
মরম কহিব কারে ।
চণ্ডীদাসে কয় ব্যাধি সমাধি(১) হয়
পাইবে যবে তারে ॥

✓ স্নানকালে
(ধানশী)

সজনি, ও ধনী কে কহ বটে !
গোরোচনা-গৌরী(২) নবীন কিশোরী
নাহিতে দেখিছু ঘাটে ॥
শুন হে পরাগ সুবল সাজাতি(৩)
কো ধনী যাজিছে গা ।
যমুনার তীরে বসি তার নীরে
পায়ের উপরে পা ॥

* যনি পাঠান্তরে !

১। সমাপ্তি । ২। সোণার বরণ । ৩।
সজী বা বন্ধু এই অর্থে ।

অশ্বের বসন কৈরাছে আসন
আলাঞা(১) দিয়াছে বেণী ।
উচ কুচমূলে হেমহার দোলে
সুমেধ শিখর জিনি ॥
সিনিয়া(২) উঠিতে নিতম্বতটীতে
পড়েছে চিকুর-রাশি ।
কাঁদিয়ে আঁধার কনক চাঁদার
শরণ লইল আসি ॥
কিবা সে দুগুণি শঙ্খ ঝলমলি
গুরু গুরু শশিকলা ।
সাজেতে উদয় সুধু সুধাময়
দেখিয়ে হইলু ভোলা ॥
চলে নীল শাড়ী নিঙ্গাড়ি নিঙ্গাড়ি
পরাগ সহিত মোর ।
সেই হইতে মোর হিয়া নহে থির
মনোরথ-জরে ভোর ॥
কহে চণ্ডীদাসে বাসুলী-আদেশে
শুন হে নাগর চান্দা ।
সে যে বুধভানু-রাক্ষার নন্দিনী
নাম বিনোদিনী রাখা ॥

(তুড়ি)

থির বিজুরী বরণ গৌরী
পেখলু ঘাটের মূলে ।
কানাড়া ছাঁদে(৩) কবরী বাঁধে
নবমল্লিকার মালে ॥
সই, মরম কহিছু তোরে ।
আড় নয়নে ঈষৎ হাসিয়া
আকুল করিল মোরে ॥
ফুলের গেড়ুয়া(৪) লুফিয়া ধরয়ে
সঘনে দেখায় পাশ ।
উচু কুচমুগ বসন ঘুচায়
মুচকি মুচকি হাস ॥
চরণ-কমলে মল্ল-ঠোড়ল(৫)
সুন্দর যাবক রেখা ।
কহে চণ্ডীদাসে হৃদয় উল্লাসে
পুন কি হইবে দেখা ॥

১। আনুলায়িত করিয়া । ২। স্নান করিয়া ।
৩। কানাড়া সাপ যে প্রকার কুণ্ডলী করিয়া থাকে,
সেইরূপ ভাবে । ৪। গুচ্ছ । ৫। তোড়া বা
মল (পায়ের অলঙ্কার-বিশেষ) ।

(কামোদ)

সখীগণ সঙ্গে যায় কত রঙ্গে
 যমুনা সিনান করি ।
 অন্ধের সৌরভে ভ্রমরা খাবয়ে
 বাঙ্কার করয়ে ফিরি ॥
 নানা আভরণ মণির কিরণ
 সহজে মলিন লাগে ।
 নবীন কিশোরী বরণ বিজুরি
 সদাই মনেতে জাগে ॥
 সেই সে নব রমণী কে ।
 চকিতে হেরিয়া জ্বলত এ হিয়া
 ধরিতে নারি এ দে(১) ॥
 পুন না হেরিলে না রহে জীবন
 তোমারে কহিলু দড়(২) ।
 কহে চণ্ডীদাস পুরাহ লালস
 নাগর আতুর (৩) বড় ॥

✓ (ভূড়ি)

কাঞ্চন-বরণী কে বটে সে ধনী
 ধীরে ধীরে চলি যায় ।
 হাসির ঠমকে চপলা চমকে
 নীল শাড়ী শোভে গায় ॥
 দেখিতে বদন মোহিত মদন
 নাসাতে হুলিছে হুল ।
 সুবিশাল আঁখি মানস ভাবিয়া
 ছুটিছে মরাল-কুল ॥
 আঁখি-তারা দুটি বিরলে বসিয়া
 সৃজন করেছে বিধি ।
 নীল পদ্ম ভাবি লুবধ(৪) ভ্রমরা
 ছুটিতেছে নিরবধি ॥
 কিবা দস্ত ভাতি মুকুতার পাতি
 জিনিয়া কুন্দক(৫) কুড়ি ।
 সীতার সিন্দুর জিনিয়া অরুণ
 কানে কর্ণবালা টেঁটি(৬) ॥
 শ্রীফল যুগল জিনি কুচযুগ
 পাতলা কাঁচলি তাহে ।
 তাহার উপর মণিময় হার
 উপমা কহিব কাহে ॥

১। দেহ । ২। দৃঢ়নিশ্চয় । ৩। আর্জ ।
 ৪। লুক । ৫। কুন্দপুষ্পের ।
 ৬। কর্ণের অলঙ্কারবিশেষ ।

কেশরী জিনি কুশ মাঝখানি
 মুঠে করি যায় ধরা ।
 গজ কুম্ভ জিনি নিতম্ব বলনি
 উক্ক করি-কর পারা ॥
 চরণ-যুগল জিনিয়া কমল
 আলতা-রঞ্জিত ভায় ।
 মঝু মন তাহে কাহে না ভুলব
 মদন মুরছা পায় ॥
 কাহার নন্দিনী কাহার রমণী
 গোকুলে এমন কে ।
 কোন পূণ্যফলে বল বল সখা
 সে রামা পাইল সে ॥
 চণ্ডীদাস বলে ভেব না ভেব না
 ওহে শ্যাম গুণমণি ।
 তুমি সে তাহার সরবস(১) ধন
 তোমারি আছে সে ধনী ॥

(আশাবরী)

রমণীর মণি পেখলু আপনি
 ভূষণ সহিত গায় ।
 দেখিতে দেখিতে বিজুরি ঝলকে
 ধৈর্যে পৈরষ যায় ॥
 সেই, চাহনী মোহনী খোর(২) ।
 মরমে বান্ধিলু হেরিয়া ভুলিলু
 রূপের নাহিক ওর(৩) ॥
 বসন খসয়ে অঙ্গুলী চাপয়ে
 কর করছে(৪) খুইয়া ।
 দেখিয়া লোভয়ে মদন কোভয়ে
 কেমনে ধরিব হিয়া ॥
 বদন ছাঁদ কামের ফাঁদ
 ঝুরিয়া ঝুরিয়া কান্দে ।
 কেশের আগ চুষয়ে টাগ(৫)
 ফিরিয়া ফিরিয়া বান্ধে ॥
 জলের কান্ধারে কেশের আন্ধারে
 সাপিনী লাগয়ে(৬) খোয় ।
 কেমনে কামিনী আছয়ে আপনি
 এমন সাপিনী মোয় ॥

১। শরীর । ২। অল্প ।
 ৩। সীমা ।
 ৪। কোলে ।
 ৫। জঙ্ঘাদেশ ।
 ৬। মনে হইল ।

দশন কাঁতি মুকুতা পাঁতি
হাস উগারয়ে শশী ।(১)
পরাণপুতলী হইলু পাগলী
মরমে রছিল পশি ॥
শূন্য যে হিয়া রছিল পড়িয়া
বস্ত্র রহল তায় ।
চণ্ডীদাসে কয় পুন দেখা হয়
তবে সে পরাণ রয় ।

(তুড়ি)

কনক বরণ কিম্বে দরপণ
নিহনি(২) লই যে তার ।
কপালে ললিত চাঁদ শোভিত
সিন্দুর অরুণ আর ॥
সই, কিবা সে মধুর হাসি ।
হিয়ার ভিতর পাঁজর কাটিয়া
মরমে রছিল পশি ॥
গলার উপর মণিময় হার
গগনমণ্ডল হেরু(৩) ।
কুচমুগ গিরি কনক-গাগরী
উলটি পড়ল মেরু ॥
গুরু সে উরুতে লম্বিত কেশ
হেরি যে সুন্দর ভার ।
চরণের ফুল হেরিয়া দুকুল
জলদ শোভিত ধার ॥
কহে চণ্ডীদাসে বাসুলী আদেশে
হেরিয়া নখের কোণে ।
জন্ম সফলে যমুনার কূলে
মিলায়ল কোন জনে ॥

সখার উক্তি

(সুহই)

হেদে লো সুন্দরি প্রেমের আগরি(৪)
শুনহ নাগর কথা ।
নিকুঞ্জে আসিয়া তোহারি লাগিয়া
কাঁদিয়া আকুল তথা ॥
রাই রাই করি ফুকরি ফুকরি
পড়ই ভূমির তলে ।

ধরি মোর করে কহয়ে কাতরে
কেমনে সে ধনী মিলে ॥
রাই, অতএ(১) আইলু আমি ।
কামুর পিরীতি যতেক আরতি
যাইলে জানিবা তুমি ॥
প্রেম অমিয়া বাঢ়াও উহারে
তোহারে কে করে বাধা ।
চণ্ডীদাসে বলে রাখি কুলশীলে
পুরাহ মনের সাধা ॥

নায়ক-বাক্য

(বিভাস)

সেই কোন বিধি আনি সুধানিধি
খুইল রাধিকা নামে ।
শুনিত সে বাণী অবশ তখনি
মুরছি পড়ল হামে(২) ॥
কি আর বলিব আমি ।
সে তিন আখর কৈল জরজর
হইল অস্তরগামী ॥
সব কলেবর কাঁপে থর থর
ধরণ না যায় চিত ।
কি করি কি করি বুঝিতে না পারি
শুনহ পরাণ-মিত(৩) ॥
কহে চণ্ডীদাসে বাসুলী-আদেশে
সেই যে নবীন বালা ।
তার দরশনে বাড়িল দ্বিগুণে
পরশে ঘুচব জালা ॥

(বরাড়ী)

একদিন গোচারণে সকল সখা সনে
বসি এক তরুয়ার(৪) ছায় ।
নন্দের নন্দন হরি কহে কিছু মৌন ধরি
সুবল সখার পানে চায় ॥
সখা হে, কহ দেখি কি করি উপায় ।
হিয়া করে কেন মত(৫) সহিতে না পারি এত
নিরন্তর জ্বলিছে হিয়ায় ॥
হৃদয়ের কথা জান আমার বচন শুন
কহ দেখি আমার মরম ।

১। দস্তগুলি চন্দ্রের ত্রায় বাহির হয়। ২।
বলাই লইতে ইচ্ছা জাগে। ৩। দেখ, শোভা
পাইতেছে। ৪। আধার।

১। অতএব। ২। আমি। ৩। প্রাণ-
সম মিত্র। ৪। তরুর। ৫। যেন কেমন করে।

ময়ম-ব্যথিত তুমি কি আর বলিব আমি
 নয়ানে হইয়াছে এক ভ্রম ॥
 অপূর্ব সে অকস্মাতে দেখিলে নয়ান ভিত্তে(১)
 পূর্বাগরে যা দেখিল ভাই ।
 শুন সখা মন দিয়া যেমন করিছে হিয়া
 শ্রবণ পরশে কিছু কই ॥
 পূর্বাগর যে দেখিল তাহা কিছু রাগ হৈল
 সেইরূপ পূর্বরাগ হ'ল ।
 পূর্বরাগ আগ(২) হেন জলিয়া উঠিছে যেন
 ইহার উপায় কিছু বল ॥

* * * *

সেই হইতে তুমি মোর মরমে হয়েছে ভোর
 তুমি মন সব হৈল চল ॥
 আচম্বিতে পরদিনে ধবলী চলিল বনে
 গেল বৃকভানুপুর দিয়া ।
 দেখিল ধবলী নাই খুঁজিল অনেক ঠাই
 অনুসারে চলিল পাঁজিয়া(৩) ॥
 দেখি সে খুরের চিহ্ন রহি যাই ভিন্ন ভিন্ন
 পদ অনুসারে গেল চলি ।
 বৃকভানুপুর বনে আনের(৪) ধেমুর সনে
 ধবলী মিলিয়া গেল ভালি(৫) ॥
 তাহা যে দেখিল ভাই অকথ্য কখন এই
 কহিতে উঠয়ে মনে রাগি(৬) ।
 ছায়া সম তা দেখিল বাহির হইয়া গেল
 বৃকভানু মহলেতে উগি(৭) ॥
 মহল ছাড়িয়া আসি সঙ্গে সহচরী দাসী
 কনক গাগরি লই কাঁখে ।
 ধনী রূপের ছটা কোটি চাঁদ জিনি ঘটা
 কত সুখা বরিখয়ে মুখে ॥
 স্বপ্ন সম দেখি তারে ছায়ার সম * * পুরে
 মোর অঙ্গে আভা আসি বাজে ।
 চণ্ডীদাস কহে তাথে শুন প্রভু যদুনাথে
 এ কথা বৃষ্টি আন কাজে ॥

(কানাড়া)

মগন করিয়া গেল সে চলিয়া
 সোনার পুতুলি কায়া ।
 তাথে নীল শাড়ী ভেদিয়া আঁচল
 রূপ অহুপম ছায়া ॥

১। প্রাস্তে । ২। অগ্নি ।
 ৩। পদচিহ্ন অনুসরণ করিয়া ।
 ৪। অন্তরে । ৫। ভাগ্যে ।
 ৬। রাগ বা অমুরাগ । ৭। উদ্ভিত হইয়া ।

বসন ভেদিয়া রূপ উঠে গিয়া
 যেমত ভড়িত দেখি ।
 লখিতে নাহিলু কেমন বন্ধন
 লখিয়'(১) নাহিক লখি ॥
 কি আর কহিব নয়ান চঞ্চল
 নানা আভরণ গায় ।
 নানা পরিপাটী রসের গৌরভে
 লাখ লাখ অলি ধায় ॥
 চলিল যখন দেখিল তখন
 গমন হংসিনী প্রায় ।
 আপন গেয়ানে না দেখি নয়ানে
 এমত রূপের কায় ॥
 সোনার নুপুর বাজয়ে মধুর
 পঞ্চম শব্দ করে ।
 চলিয়া যাইতে সে মন্দগামিনী
 হেলিয়া হেলিয়া পড়ে ॥
 যেমত কেশরী নিতম্ব মাঝারি
 ঘটের মুটকে(২) পাই ।
 ঐছন দেখিলু মধুর মূর্তি
 আপন নয়ানে চাই ॥
 হাসিতে অমিয়া পড়ে কত শত
 দেখিলাম নয়ান-কোণে ।
 যেমত দেখিলু রাজার কুমারী
 দ্বিজ চণ্ডীদাস ভণে ॥

(সুহই)

দেখিয়া মূর্তি রূপের আকৃতি
 মরমে লাগিল ভাই ।
 যেই সে দেখিল তৈখন হইতে
 কিছু না সংবিত পাই(৩) ॥
 ধবলী লইয়া আইলু চলিয়া
 শুনত সুবল সখা ।
 সেই নব রামা আর পুন বেরি(৪)
 কখন হইবে দেখা ॥
 কহিল মরম তোমার গোচরে
 শুন হে সুবল তুমি ।
 মরম-বেদন জানে কোন্ জন
 বিকল হইল আমি ॥

১। দেখিয়া । ২। ঘটের যে অংশটিকে
 মুষ্টিতে ধরিতে পারা যায়, তাহাকেই সম্ভবতঃ
 বুঝাইতেছে । ৩। কিছু ধারণা করিতে পারি
 না । ৪। পুনর্বার ।

সেই কথা মোর মনে পড়ি গেল
কহিব কাহার আগে ।
কালি হ'তে মন কেমন করিছে
হৃদয়-ভিতরে জাগে ॥
শুইতে না হয় নি'দের(১) আলিস(২)
ক্ষুধা তৃষ্ণা গেল দূরে ।
নিরবধি হৃদে সেই সে ভাবনা
থাকি থাকি মন রুরে ॥
কি হ'ল অস্তরে হিয়া জর জর
বিকল(৩) সন্ধান শরে ।
জর-জর কৈল পরাণ-পুতলি
মনমস্ত হাতীবরে ॥
চণ্ডীদাসে বলে শুনহ রসিক
নাগর চতুর কান(৪) ।
হইবে দরশ(৫) করিবে পরশ
ইহাতে নাহিক আন ॥

(সুহই)

এ বোল শুনিয়া সুবল সাক্ষাত
কহেন উত্তর বোল ।
ইহার বচন জানিয়ে সকলি
করিব এখন ওর(৬) ॥
কহেন সুবল সখা ।
তোমার চরিত করিব বেকত(৭)
তা সনে করাব দেখা ॥
তোমার মরম বুঝি কয়ম
শুন রসময় কান ।
তা সনে মিলন করাব যতনে
ইহাতে নাহিক আন ॥
তোমার মরম আমি ভালে জানি
শুনহ মরম সখা ।
বুঝিব চরিত জানিব বেকত
তোমারে করাব দেখা ॥
ভাল সে জানিল মনের গুমান(৭)
আমি সে করিব ভাই ।
সুবলের বোলে অতি কুতূহলে
আনন্দ হইল ভাই ॥

১। নিদ্রার । ২। আলস্য ।
৩। বিধিল । ৪। কান্না ।
৫। দর্শন । ৬। সমাধান ।
৭। ব্যস্ত । ৮। গুপ্ত ভাব ।

মর্ষ-সখাগণ বসি পঞ্চজন
সুবল ত্রিবিট তথা ।
এ মধুমঙ্গল বিদূষক দল
কহেন মরম কথা ॥
এ পীঠ মদন* কেই সে সৃজন
কহিতে লাগিল তায় ।
সুবল বচন নর্ষভরে কথা †
কহন নাহিক যার ॥
কমল-নয়ন কহেন বচন
শুনহ বচন মোর ।
চণ্ডীদাস যায় অতি সে ত্বরায়
বৃকতাম্বুপুর ওর ॥

(কানাড়া)

শুন প্রাণসখা আমি সে জানিয়ে
অনেক টোলার (১) খেলা ।
তাহাই খেলিতে যাইব ত্বরিতে
শুন পরাণের কালা ॥
কহে তবে তায় সেই যত্নরায়
কিবা সে খেলিবে ভাই ।
দেখি তাহা আমি আপন নয়ানে
তবে সে প্রতীত যাই ॥
সখা সে সুবল এইখানে খেল
কোন সে করিবে টোলা ।
যদি মনে লাগে এই হিয়া জাগে
তবে সে যাইবে জালা ॥
বৈঠহ আনন্দে তরু আশানন্দে
আমি সে ধরিব ছলা ।
কান্নুর গোচরে সুবল সাক্ষাত
করিতে লাগিল খেলা ॥
আগে সে ধরিল আবেশ করিল
পূর্ব অবতার-লীলা ।
শ্রীরাম ধামুকী সহিতে জানকী
করিতে লাগিল খেলা ॥
তাহাই ছাড়িয়া শিশুপাল হয়
দস্তবক্র আদি করি ।
এই সব খেলা করেন সুবল
দেখেন প্রাণের হরি ॥

* এপিচ মদন (পাঠাস্তরে) ।

† মর্ষভ বেকতা (পাঠাস্তরে) ।

১। পাঠাস্তরে 'টোলার'। বন্দীকরণ মস্তের
এই অর্থে ।

তাহা ছাড়ি পুন ধরেন তখন
নৃসিংহরূপের কায়া ।
হাতে অস্ত্র টাঙ্গী প্রচণ্ড মুরতি
চণ্ডীদাস দেখে চেয়া(১) ॥

(ধাবড়ী)

ছাড়িয়া সে তনু দেখাইল জহু
ধরি হুলধর-রূপ ।
কাঁধেতে লাজল দেখি তাহা ভাল
বড়ই রসের কুপ ॥
তেজি সেই কায়া আর ধরে মায়া
ধরিল মৎস্যের তনু ।
শঙ্খ চক্র গদা পদ বিরাজিত
মুরতি হইল জহু ॥
তাহা ছাড়ি সখা আর দিল দেখা
কুর্মেয় আকৃতি অতি ।
বরাহ বামন আদি আর যত
* * অবতার তথি ॥
তাহা দেখাইল তাই সে সুবল
দেখহ কালিয়া শ্যাম ।
এ সব মুরতি তাহার পিরীতি
কহত আমার ঠাম ॥
বরাহ মুরতি দেখায়ে আকৃতি
দেখিতে সুবল সখা ।
সকল মুরতি দেখি জনে জনে
আর কোন আছে দেখা ॥
চণ্ডীদাস বলে মনেতে না লাগে
যতেক দেখিল খেলা ।
চাহি সখা পানে কমল-নয়ানে
আর কোন আছে লীলা ॥

(বরাড়ী)

পুন সে ধরিল অতি মনোহর
এ নব মুরতি বেশ ।
পরিধান নীল বসন ভূষণ
অতি সূচাঁচর কেশ ॥
নব সে নলিন ভুবন-মোহন
চিত্রের পুতলি যৈছে(২) ।
কনক-মঞ্জীর সূচাঁক গঠন
বেকত(৩) দেখিল তৈছে(৪) ॥

১। চাহিয়া। ২। যেমন। ৩। ব্যস্ত।
৪। তেমন।

সোনার প্রতিমা বিজুরি উজোর
নয়ান-ভঙ্গিমা ভায় ।
কনক-কটোরি বদরি(১) সমান
দেখি মন মুরছায় ॥
নীল শাড়ী তাহে ওড়নী(২) ভঙ্গিমা
চাহনি কটাক্ষে বাঁকে ।
মদন কম্পিত হইল বেকত
সেই সে মুরতি দেখে ॥
মধুর মুরতি দেখি যত্নপতি
হরষ পাইল ভায় ।
পুরবে দেখিল যেমন মুরতি
সেইমত অভিপ্রায় ॥
মনমথ হাতী ধরিতে না পারি
মরমে লাগিল তাহা ।
এই অনুমানে করি নিরীক্ষণে
পুলক মানিল দেহা ॥
কহেন সুবল কেন দেখাইহু
মনেতে লাগিল তাহা ।
কহ কহ ভাই প্রাণ-কানাই
এই সে কেমন দেহা ॥
ছাড়িয়া মুরতি সুবল আকৃতি
হইল যেমত সখা ।
নন্দের নন্দন মোহিত মানল*
চণ্ডীদাস দেখে একা ॥

(জয়শ্রী)

শুন শুন ভেয়া(৩) নন্দ ছুলালিয়া
যে দেখিল হেন খেলি ।
দেখাইহু এত মনেতে লাগিল
কহ দেখি বনমালী ॥
কহে নন্দসুত ভায়ে আমার মরম ভেয়ে(৪)
যে দেখিহু বৃকভানুপুরে ।
তাহাতে হাঁহাতে খেদ নাহি কিছু বর্ণভেদ
পশি পুন রহিল অন্তরে ॥
সেই যেন কমলিনী দেখিল তেমতি খানি
শুন ভাই সুবল সাক্ষাত ।
ও জন যতন করি দেখাও আমারে বেরি(৫)
কেমনে হাঁহারে দেখি সাত ॥

১। কুল ফল। ২। ওড়নার গায়।
* মানস (পাঠান্তরে) ।
৩। ভাই। (প্রিয় সম্বোধন) । ৪। নন্দসখা।
৫। আর বার।

শুন সখা মর্ম্ম বোল অন্তর হইল ভোল
 এই সেই দেখিহু সাক্ষাত ।
 কেমন উপায় মিলি সেই সে চক্ষিকা বালি(১)
 শুন শুন মরম সাক্ষাত ॥
 সুবল কহেন তাহে আমি মেলাওব(২) তোহে
 ইহাতে অত্থা নাহি কিছু ।
 গিয়া বুকভানুপুরে খেলাইব কুতুহলে
 মোহিত করিব তাহে পিছু ॥
 যাব পঞ্চ শিশু সনে সবে হৈয়া এক মনে
 খেলিব বিনোদ খেলা অতি ।
 মায়াছলে মুগ্ধ করি মোহন মুরতি ধরি
 অনায়াসে দেখাব যুবতী ॥
 এই যমুনার তটে বৈস ভাই সুনিকটে
 চম্পকের বন অল্পম ।
 চণ্ডীদাস সুখ চিতে দেখে তাহা একভিতে
 গণ্ডয়েত* বংশীগুণ গান ॥

(কানাড়া)

ধরি অল্পম বাজিকর যেন
 খেলায় কতক তানে ।
 সুবল ত্রিবিট এ পিঠ মদন
 মধুমঙ্গলের সনে ॥
 কহে বিদুষক শুন হে সুবল
 নানা যন্ত্র লেহ সঙ্গে ।
 তবে সে খেলিব নানামত খেলা
 গাইব নাচিব সঙ্গে ॥
 নানা যন্ত্র নিলা নানা সে প্রতিমা
 কাঠের পুতলি লৈয়া ।
 আর যত নিল মধুর মধুর
 বাদিয়া বাদির ছায়া ॥
 নানা বেশ ধরি যেন বাজিকর
 নাচায় পুতুলি কায়া ।
 বহু যন্ত্র তন্ত্র যার নাহি অন্ত
 কতক জানায় মায়া ॥
 চলে পঞ্চ জন হয়ে একমন
 বুকভানুপুর যায় ।
 পথে যায় তথি খেলে খেলা অতি
 চণ্ডীদাস সুখী তায় ॥

১। বালিকা। ২। মিলন করিয়া দিব।
 * সম্ভবতঃ 'গাওয়েত' হইবে।

(বরাড়ী)

বুকভানুপুরে গিয়া কুতুহলে
 সুবল এ চারি জনে ।
 বাজায় ছুয়ারে এ গান বাজন
 করেন আনন্দ মনে ॥
 কেহ গায় অতি কেহ বায় তথি(১)
 আনন্দ কোতুক মনে ।
 বুকভানু রাজা শুনি সুললিত
 অতি সে মধুর গানে ॥
 রাজা কহে কোন গুণীর গমন
 জান এক জন ছারে ।
 নেহত(২) খবর আনত গোচর
 ভেজিয়া(৩) দিল সে চরে ॥
 গিয়া এক জন বুঝল কারণ
 কেন বা আইলে তোরা ।
 কোন্ দেশে ঘর কহ ত সঙ্গর
 কি বটে তোদের ধারা(৪) ॥
 রাজা বুকভানু পাঠাইল পুন
 লইতে তোদের তরে ।
 কোন্ জন মোর ছুয়ারে প্রবেশি
 গায়ন বাজন করে ॥
 কহে বাজিকর শুনহ উত্তর
 বিদেশে মোদের ঘর ।
 গুণী জন হই আইনু হেথায়
 লহ আমাদের সর(৫) ॥
 এই সে লালসে(৬) হইল মানসে
 আইল পঞ্চম বালা ।
 রাজার গোচর কহে বাজিকর
 দেখাব বাজির খেলা ॥
 কিছু গুণগ্রাম করিব সন্ধান
 খেলিতে বাজির খেলা ।
 এই সে কারণে আইল যতনে
 এ পঞ্চ করিয়া মেলা ॥
 ভাল ভাল বলি আইল সে চর
 কহিল রাজার পাশে ।
 চণ্ডীদাস কহে শুন মহারাজা
 বড় গুণী জন সে ॥

১। তথায়। ২। লইয়া আইস।
 ৩। পাঠাইয়া।
 ৪। বৃত্তি অর্থাৎ তোমরা কি কাজ কর।
 ৫। 'কথা বা উত্তর' এই অর্থে সর, সর।
 ৬। অভিপ্রায় লইয়া।

(বরাড়ী)

চরকে পুছিল বৃকভানু রাজা
 কোন্ গুণী এই বটে ।
 কেন বা আইল কোন্ প্রয়োজন
 কহ ত বচন ফুটে(১) ॥
 করযোড় করি কহে বরাবরি
 শুনহ নৃপতি তুমি ।
 বিদেশ হইতে পঞ্চ বাজিকর
 আইল বালক গুণী ॥
 বাজির পুত্তলি অনেক আছয়ে
 নানা যন্ত্র দেখি তথি ।
 বহুগুণ জানে গাওন বাজন
 শুন মহা নরপতি ॥
 কহে গুণী জন শুনহ রাজন্
 খেলিব কিছুই খেলা ।
 ভাল ভাল বলি বৃকভানু রাজা
 ত্বরায় বাহির হৈলা ॥
 বাহির দুয়ারে বিচিত্র বিছানা
 পাড়িল সকল জনে ।
 তাহে বৃকভানু বৈঠল হরবে
 ডাকি আনি গুণী জনে ।
 নৃপে আঞ্জা দিল মহল আটনে
 রাণীবর্গ আদি করি ।
 বারকা(২) উপরে বসিল হরিষে
 সব সহচরী মেলি ॥
 বাজার জননী কৃত্তিকা মোহিনী
 বৈঠল বারকাপরে ।
 বিনোদিনী রাধা সুন্দরী অগাধা
 বৈঠল মায়ের কোরে(৩) ॥
 ললিতা সুন্দরী অনঙ্গমঞ্জরী
 বৈঠল রাধার পাশে ।
 শত সহচরী চামর তুলায়
 পাখা বুলে প্রতি আসে(৪) ॥
 নানা সেবা করে নিজ সহচরী
 আনন্দে কোতুক বড়ি ।
 কনক ঝারিতে বারি পুরি করি(৫)
 ধরে ধরে সব এড়ি ॥
 তাহুল বাটাতে রেখেছে ঝরিতে
 কর্পূর মিশাল করি ।

১। কথা খুলিয়া বল । ২। উচ্চ বাতায়ন ।
 ৩। কোলে । ৪। 'আশে পাশে' । ৫। পূর্ণ
 করিয়া ।

চণ্ডীদাস বলে নানা উপহার
 আনি খোয়(১) সারি সারি ॥

(বিহাগড়া)

রাই কহে তবে কৃত্তিকার আগে
 এ কি এ দেখিতে দেখি ।
 কহেন জননী শুন বিনোদিনী
 বাজিকর উহ(২) পেখি(৩) ॥
 কোন্ দেশ হইতে এই পঞ্চ শিশু
 এই সে করিবে বাজি ।
 তোমার পিতার আবেশ(৪) হইল
 বাজিয়ার(৫) দেখিতে বাজি ॥
 তথির কারণে বাহির দুয়ারে
 বসিল তোমার পিতা ।
 বাজিকর আগে দেখহ চাহিয়া
 এমত না দেখি কোথা ॥
 রাজা আঞ্জা দিল শুন পঞ্চজনে
 কি গুণ জানহ তোরা ।
 খেলহ আনন্দে মনের কোতুকে
 কেমন বাজির ধারা ॥
 শুন মহারাজা কি গুণ খেলিব
 কহ না উত্তর বাণী ।
 এই পঞ্চজনে গুণ গুণ ভেদ(৬)
 অনেক খেলিতে জানি ॥
 অবধান কর বৃকভানু রাজা
 খেলাতে করহ মন ।
 চণ্ডীদাস বলে রাজার গোচরে
 খেলায় সে পঞ্চজন ॥

(ধানশী)

আগে খেলে গুণী দশ অবতার
 দেখহ নয়ানে চাই ।
 খেলে নানা খেলা সেই পঞ্চবাল্য
 এক দিঠে দেখে তাই ॥
 মৎস্য অবতার চারি ভুজধর
 শঙ্খ চক্র গদা পদ্ম ।
 তার পর আর দেখায়ে গোচর
 কূর্মরাজ অহুষক ॥
 তারপর আর হইল সত্তর
 বরাহ আকৃতি কায় ।

১। স্থাপন করে । ২। উহার । ৩। দেখিতেছি ।
 ৪। ইচ্ছা । ৫। বাজিকরের । ৬। পৃথক পৃথক গুণ ।

আনন্দে মগন অস্তর হইল
 দেখিয়ে বাজির ছায়া ॥
 বৃসিংহ-মুরতি হইল আকৃতি
 প্রবল প্রতাপ বড়ি(১) ।
 হিরণ্যকশিপু জাম্বুতে ধরিয়ে
 বিদারিল নখে চিঁড়ি (২) ॥
 নখেতে ছেদিল হৃদয় ভিতর
 টানিল একুশ নাড়ী ।
 হুহু হুহু স্বরে কম্পিত ধরণী
 দীঘল(৩) নিশ্বাস ছাড়ি ॥
 তবে সে হইল বামন-মুরতি
 ত্রিপদ হইল কায়া ।
 বলিরে লইল পাতাল-ভুবনে
 দেখায়ে এ সব গায়া ॥
 তার পর হয় শ্রীরাম-মুরতি
 কাঁধেতে ধরুক শর ।
 সঙ্ঘেতে মৈথিলী জনক-নন্দিনী
 দেখি অতি মনোহর ॥
 তা দেখি রাজার মনে অতি সুখ
 এ বড়ি মূবতি সুখ ।
 দেখিতে দেখিতে আন নহে চিতে
 দূরে গেল অতি দুখ ॥
 পুন তা ত্যজিল আবেশ হইল
 ভৃগুরাগ অবতার ।
 প্রবল প্রতাপে বসুমতী কাঁপে
 মাথায় জটার ভার ॥
 অতি খরশান টানীর বাখান(৪)
 নিঃশ্বাস করিল যাতে ।
 চণ্ডীদাস বলে অতি কুতূহলে
 দেখি সুখ লাগে তাতে ॥

(শ্রীনটরাগ)

পুন বলরাম রোহিণী-নন্দন
 ধরিল ধবল কায়া ।
 হল কাঁধে করি আনন্দে মগন
 করিল বাজির ছায়া ॥
 পুন তা ত্যজিয়া বৌদ্ধ অবতার
 হইল মুরতি তিন ।
 জগন্নাথ আর ভগ্নী সহোদর
 সুভদ্রা তাহাতে চিহ্ন ॥

১। বড়ি প্রবল প্রতাপ । ২। চিরিয়া ।
 ৩। দীর্ঘ । ৪। প্রশংসা ।

বলরাম পুন হইলা তখন
 দেখি বৃকভানু রাজে ।
 দেখিয়া মুরতি পরম পিরীতি
 পাওল(১) সে সভামাঝে ॥
 পুন তা ত্যজিয়া কঙ্কি অবতার
 ধরেন মুরতি কায়া ।
 অশ্বের উপরে ধরি দুই করে
 সংহার অমুপ(২) ছায়া ॥
 নানা অবতার করিল সত্তর
 দেখিয়া মোহিত মন ।
 দশ অবতার ভেদ দেখাইল
 দ্বিজ চণ্ডীদাস গান ॥

—

(কানাড়া)

আর খেলে খেলা বাজিকর-বালা
 দেখায় পাণ্ডব-বংশ ।
 ধর্ম যুদ্ধির ভীম সহোদর
 অর্জুন ধরিল অংশ ॥
 নকুল আকৃতি ধরিল মুরতি
 সহদেবরূপ প্রায় ।
 দেখিতে রাজার চিত মনোহর
 নয়নে দেখিল তায় ॥
 ত্যজি আন রূপ ধরিল তখন
 শিশুপাল-রূপ হয় ।
 সূর্য্যবংশকুল ভগ্নীরথগণ
 অজ্ঞ আদি করি নয় ॥
 নানা রাজকুল নানা অবতার
 দেখিলা অনেক খেলা ।
 কহেন রাজন্ আর কিবা জ্ঞান
 কহ বাজিকরবালা ॥
 আর খেলা আছে বৃকভানু রাজে
 কহি যে তোমার কাছে ।
 এক মন করি হেরহ রাজন্
 খেলি এ সভার মাঝে ॥
 চণ্ডীদাস বলে পুন সে ধরিল
 নন্দ উপনন্দ যত ।
 যশোদা রোহিণী বরজ-রমণী(৩)
 তাহা দেখাইল কত ॥

১। পাইল ।
 ২। উপমা-রহিত
 ৩। ব্রজনারী ।

(সিন্ধুড়া)

তবে সে হইল ছিদাম সুদাম
 স্তোক-কৃষ্ণ বলরাম ।
 অর্জুন সুবল অংশসেন কোকিল
 বসন্ত প্রধান রাম ॥
 কিঙ্কণী বাঙ্কার অতি মনোহর
 ধবল বালক-মূর্তি ।
 করে কোন গুণ গুণের আখ্যান
 করে হয়ে নানা শক্তি ॥
 দেখিয়া মূর্তি বিলক্ষণ জ্যোতি
 নানা সে বন্ধন বেশে ।
 অমুপ সুন্দর মুরাত কিশোর
 বিনোদ বন্ধন কেশে ॥
 নানা যে কুমুম গাঁথিয়ে সুষম
 বিনোদ বন্ধন চূড়া ।
 হেরষ অমুজ তলে আরোপিত
 ভবজ অমুজ গাড়া ॥
 সে রূপ ছাড়িয়া মদনমোহন
 মূর্তি কৈশোর হয় ।
 চণ্ডীদাসে বলে বুকভামু-বালা
 দেখি পাছে মুরছায় ॥

(সিন্ধুড়া)

তাঁহে অপরূপ কৃষ্ণ অবতার
 হইল সুবল সখা ।
 অতি অমুপম যেন নবঘন
 জলদ সমান দেখা ॥
 যেমত অঙ্গন দলিত রঞ্জন
 কিবা অতসীর ফুল ।
 যেন কুবলয় দল সরোরুহ
 যেমত কানড়(১) ফুল ॥
 কোন রূপ যেন নহে নিরূপম
 দেখিয়াছে বহুরূপ ।
 বিবিধ বন্ধন(২) কুরিয়া সন্ধান
 গঢ়ল(৩) রসের কুপ ॥
 চরণ যেমত যাবক নিন্দিয়া
 হিন্দুল দলিয়া যৈছে ।
 তাহাতে অধিক বিশ্ব ফল সম
 লঘিতে(৪) না পারে কৈছে ॥

তাহাতে রঞ্জিত দশনক-চাঁদ
 চরণে শোভিত ভাল ।
 তাহার শোভাতে দশ দিক শোভা
 সকল করেছে আলো ॥
 কনক-কিঙ্কণী কলহংস জিনি
 পীতের বসন সাজে ।
 এ চূয়া চন্দন অঙ্গে সুলেপন
 মুগমদ আদি রাজে ॥
 বনমালা গলে কিবা শোভা কটর
 শোভিত কৌমুভ তায় ।
 যমুনাতে যেন চাঁদ বালমল
 দেখিয়ে তেমতি প্রায় ॥
 শিখী মনোহর অধিক সুন্দর
 শিরে পুচ্ছ শোভে তায় ।
 শ্রবণে মকর কুণ্ডল দোলয়ে
 যেনত রবির প্রায় ॥
 অধর বাকুলি সুন্দর উপমা
 দশন দাড়িম-বীজে ।
 ভাল সে শোভিত চন্দনের চাঁদ
 তাহে গোরোচনা সাজে ॥
 নয়ন-কমল অতি নরমল
 তাহে কাজরের(১) রেণা ।
 যমুনা-কিনারে মেখের ধারাটি
 অধিক দিয়াছে দেখা ॥
 নবগ্রহ বেড়ি তাহার উপরে
 মুকুতা দোসারি সাজে ।
 প্রবাল মাণিক মণির মালায়ে
 বেড়িয়া তাহার মাঝে ॥
 বিচিত্র চামর কেশের আটুনি
 বান্ধিয়া বিনোদ চূড়া ।
 নানা সে কুমুম অতি সে সুষম
 তাহে মালা দিয়া বেড়া ॥
 তাপরে ময়ূর শিখণ্ড(২) আরোপি
 করেতে মোহন বাশী ।
 ত্রিভঙ্গ ভঙ্গিমা কটাক্ষ চাহনি
 অমিয়া মধুর হাসি ॥
 দেখিয়া সে রূপ মদন মুরছে
 কুলের কামিনী হত ।
 মূনির মানস জপ-তপ ছাড়ি
 ও রূপ দেখিয়া কত ॥

১। কৃষ্ণকরবী। ২। গঠন-কৌশল।
 ৩। গঠন করিল। ৪। লক্ষ্য করিতে।

১। কাজলের।
 ২। ময়ূরের পাখা।

বুকভাঙ্গুপুর নগর নাগরী
পড়িছে মুরছা খাই ।
ঢলিয়া পড়িল বুকভাঙ্গু রাজা
দ্বিজ চণ্ডীদাসে গাই ॥

(সিকুড়া)

রূপ দেখি মোহিত হইল কত জনা ।
নগরে চাতরে(১) সব পড়িল ঘোষণা ॥
রূপবতী কুলবতী ছাড়ে নিজ পতি ।
জনমিয়া হেন রূপ নাহি দেখি কতি(২) ॥
বুকভাঙ্গুপুর যত পুরবাসিগণ ।
মুগ্ধ হইয়া রহে দেখিয়া স্মঠাম ॥
এ বড় বিষম বাজি কখন না দেখি ।
কি আনন্দ দেখিয়া মজিল যে আঁখি ॥
লাগিল মোহনিগড়া(৩) রহে এক চিতে ।
তটস্থ হইয়া রহে কেহ কোন ভিতে ॥
মদন-মুরতি দেখি রাজা বুকভাঙ্গু ।
গদগদ সর্কি ভেল পুলকিত তনু ॥
সংবিত পাইয়া রাজা বলে ধীরে ধীরে ।
দেখিলা নয়ন ভরি রূপ সুমধুরে ॥
প্রাণ কান্দে চাহিতে মধুর মুরতি দেখি ।
চণ্ডীদাস রহে তথা সে রূপ উপেখি ॥

(কানাড়া)

ঝরকা(৪) উপরে কৃত্তিকা সুন্দরী
তা সনে সুন্দরী রাধা ।
দেখিতে সে খেলা মন ভেল ভোলা
সকলি মানিল বাধা ॥
হৃদয়-ভিতরে পশি গেল রূপ
ধৈর্য নাহি রয়ে ।
এমন মুরতি এ মহীমণ্ডলে
কভু ত নাহিক হয়ে ॥
হেন রূপ সখি কোথা না আছিল
কে হেন আনিল নিধি ।
কেমন করিয়া এমন বরণ
বসিয়া গড়িল বিধি ॥
হৃদয়-মাঝারে পশিল ও রূপ
* * বিদগধি(৫) রাই ।

মানস পুরিয়া সরল হৃদয়ে
মগন হইল তাই ॥
কহিতে না পারে মরম-বেদন
মনের পোড়নি ভেল ।
হৃদয়-ভিতর তরল অন্তর
জ্বরজ্বর হইয়া গেল ॥
দেখিতে দেখিতে চলিল নাগরী
মুদল নয়ান ছুটি ।
রসের আবেশে ঠেকিলা সুন্দরী
কুলের ভরম(১) ছুটি ॥
এই সে পুরুষ- রতন যতনে
যদি বা মিলয়ে মোরে ।
তোমারে কি দিয়া তুষিব হরিষে
কিনিয়া লইবে মোরে ॥
জননে জনমে তোমারে তুষিব
ঘুষিব তোমার গুণে ।
এ বোল বলিয়া পড়িল ঢলিয়া
দ্বিজ চণ্ডীদাস ভনে ॥

(কানাড়া)

এ কথা জননী কিছুই না জানে
সঙ্কর সঙ্গতি গুণে ।
গোপত(২) আখ্যান ইহা কে জানিবে
কেহ সে নাহিক জানে ॥
মূচ্ছিত কিশোরী আপনা পাসরি
পড়ল ধরণী-মাঝে ।
যেমত সোনার গুতলি পড়ল
অবনীমণ্ডল-মাঝে ॥
কাঞ্চন-বরণী সুবলমোহিনী
দামিনী চমকে যেন ।
অগেয়ান(৩) হৈয়া সুধি(৪) নাহি রহে
পড়িল কিশোরী তেন ॥
বিস্মিত হইলা ললিতা সুন্দরী
অনঙ্গমঞ্জরী কহে ।
অচকিতে হেন রাই অচেতন
কেন বা এমন হয়ে ॥
এইমাত্র খেলা দেখিতে দেখিতে
এমন কেন বা হ'ল ।
কি হেতু ইহার বৃত্তিতে নারিন্বে
সহি হইল ভোল ॥

১। হাটে। ২। কোথাও। ৩। মোহ-
শৃঙ্খলে আবদ্ধ হইয়া। ৪। জানালা। ৫।
বিলক্ষণ রসজ্ঞা।

১। সম্মম। ২। গুপ্ত।
৩। অজ্ঞান। ৪। চৈতন্য।

কৃত্তিকা কহেন রাধা কেন হেন
 মুদিয়া নয়ান ছুই ।
 চেতন নাহিক কাঠের পুতুলি
 পড়িয়া রহল রাই ॥
 কান্দিয়া বিকল মায়ের অন্তর
 কহেন সবার আগে ।
 এ কি পরমাদ বিষম বিষাদ
 বালিকা দেখিয়া লাগে ॥
 এক সহচরী আন ডাক দিয়া
 কহত রাজার আগে ।
 আচম্বিতে রাই পড়িল অথাই(১)
 চণ্ডীদাস যায় লগে(২) ॥

(নটনারায়ণ)

গিয়া এক জনে কহে কানে কানে
 বুকভানু রাজা কাছে ।
 অপরাপ এক অন্তঃপুরে দেখ
 অদভূত কথা আছে ॥
 আচম্বিতে হেদে ঝরকা উপরে
 কৃত্তিকা বৈঠল তায় ।
 সঙ্গে সহচরী রাধিকা সুন্দরী
 বসিলা মায়ের ঠায়(৩) ॥
 দেখিতে লাগিলা বাজিকর-ছায়া
 তোমার নন্দিনী রাধা ।
 আচম্বিতে কেন মুরছা খাইয়া
 সে তমু হয়েছে আধা ॥
 তুরিতে গমন করহ রাজন্
 বিলম্বে নাহিক কাজ ।
 এ কথা শুনিয়া বুকভানু-মাথে
 পড়িল আকাশ-বাজ ॥
 যেমত আছিল সভাতে বসিয়া
 তেমতি উঠিয়া গেলা ।
 বিয়োগ অন্তরে গেলা অন্তঃপুরে
 দেখিতে আপন বালী ॥
 কি হৈল কি হৈল বলি বুকভানু
 আচম্বিতে কি বা শুনি ।
 আন কোন জন দেখাহ এখন
 কে কহে কেমন বাণী ॥

কোন দেবঘাত(১) দেবের নিশ্চিত
 কোন বা দেবের বায় ।
 আনহ চেতনী(২) কোন বা গোপিনী
 দেখাহ তুরিত তায় ॥
 চণ্ডীদাস কহে শুন মহারাজা
 আনিয়া চেতনী কেহ ।
 নাটিকা(৩) ধরিয়া দেখহ বুঝিয়া
 নিবিষ্ট করিয়া দেহ ॥

(কামোদ)

সহচরী ধায় আনিতে চেতনী
 আনি আহীরিণী এক ।
 দেখিয়া নাটিকা করে কর ধরি
 বুঝিলা যে পরতেক(৪) ॥
 নহে জ্বর-জ্বালা দেব-আঘাত
 কোন বা বায়ুর জোর ।
 বুঝিতে নারিল কি হেতু ইহার
 মনেতে হইল ভোর ॥
 বুঝিতে নারিল নাটিকা চঞ্চল
 না হয় এ জ্বর-জ্বালা ।
 নহে দেবঘাত নহে সন্নিপাত
 নহে উপদেব-খেলা ॥
 নাটিকা ভিতরে কিছু না পাওল
 শুন বুকভানু রাজে ।
 দেখি তমু মজ্জ ঝাড়িয়ে সুতম্জ
 বসিয়া ঘরের মাঝে ॥
 আনি স্বর্ণ-ঝারি তাহা করে ধরি
 পড়ে মজ্জ বারে বার ।
 ঝারি আনিবার ভুল করি সার
 চৈতন্য না হয় তার ॥
 তার পরে গলে বাঙ্কি কুতুহলে
 ঔষধি বাঙ্কিল বামা ।
 নহে নিবারণ দ্বিগুণ বাড়ল
 তাহে কিছু নহে ক্ষমা(৫) ॥
 অনেক প্রকার প্রবন্ধ করিল
 তাহাতে না হয় ভাল ।
 আর কোন মজ্জ ঝাড়িয়ে সুতম্জ
 কানে শুনাইল ভাল ॥

১। অস্থির হইয়া ।

২। সঙ্গে ।

৩। নিকটে ।

১। দেবতার দৃষ্টি । ২। চৈতন্য উৎপাদন
 করিতে সক্ষম এমন কোন নারী । ৩। নাড়ী ।
 ৪। প্রত্যক্ষ, স্পষ্ট । ৫। উপশম ।

জালিয়া অনল তাহে ধুনা দিল
 যারের(১) নিশ্চিত বাণ ।
 উপদেব হ'ত তখনি ছাড়িত
 দ্বিজ চণ্ডীদাস গান ॥

বহু ভঙ্গ মঙ্গ করিল বন্ধন
 চেতন নাহিক মানি ।
 এ কথা কেহ সে জানিতে না পারে
 চণ্ডীদাস কিছু জানি ॥

(মুহূর্ত)

(ধানশী)

হেদে গো চেতনী বুড়া আহীরিণী
 ঝাড়হ লতার(২) ছলে ।
 কি জানি দংশিল আসি কোন ঘাতে
 জনি বিষা করে বলে ॥
 দেহ পানীপড়া(৩) কর নাড়া ঝাড়া
 যদি বা ছুঁইল অঙ্গ ।
 বাক্ৰহ ধরণী(৪) শুন গোয়ালিনী
 তিলেক না কর ভঙ্গ ॥
 ঝাড়হ চৌসাপা(৫) বলি ধর্ম বাপা(৬)
 চন্দ্র সূর্য্য করি মেলা ।
 নিদান বিধান পানীসার(৭) আন
 ঝাড়হ আমার বাল্য ॥
 তথাপি না হয়ে তিলেক চেতন
 তৈছন রহল রাই ।
 পানীসার জলে নহে বিষ জ্বালে(৮)
 নাহি সংবরণ পাই ॥
 নানা সে উপায় ঝাড়িল সবাই
 না হয় কণ্ঠি বোল ।
 মুদিত নয়ান বয়ান বচন
 মরমে আছয়ে ভোর ॥
 কোন সহচরী চামর তুলায়
 শীতল বলিয়া গায় ।
 সরোরুহ দল আনি বিছাওল
 রাই শুতাওল(৯) তায় ॥
 মলয় চন্দন করয়ে লেপন
 শীতল হইবে বলি ।
 অঙ্গে উঠে জালা শুকাইছে ত্বরা
 গরল সমান ভেলি ॥

কহে বাজিকর খেলিল বিস্তর
 রাজা গেল অন্তঃপুরে ।
 গুণীর সম্মান না করিল কেন
 ত্বরিতে চলিলা ঘরে ॥
 এই সব কথা কহে বাজিকর
 সভার মাঝারে বসি ।
 গুণীর গোচরে কহিল সত্বরে
 এক সহচরী দাসী ॥
 শুন বাজিকর কহিল সত্বরে
 দেখিতে তোমার খেলা ।
 অন্তঃপুরে বড় বিষম হইল
 এক বুকভাঙ্গু-বাল্য ॥
 তার নাম রাধা সুন্দরী অগাধা(১)
 ভুবনমোহিনী রূপে ।
 তুলনা নাহিক তার সুবেশে
 দেখিতে চলিলা ভূপে ॥
 দাসীর বচনে শুনিয়া শুধার
 যত বাজিকর-বাল্য ।
 কিরূপ দেখিল নয়ান-গোচরে
 কাহার হইল খেলা ॥
 কোন দেব বটে নিশাচর ফুটে
 যোগিনী ডাকিনী হয় ।
 কাহার পরশ বুঝিলে কি হেতু
 কেমনে দেখিল ভয় ॥
 আনিয়া চেতনী এক গোয়ালিনী
 ধরিল নাটির(২) টান ।
 নহে দেবঘাত আনের নিঘাত
 না পাইল কিছু জ্ঞান ॥
 চণ্ডীদাসে বলে দেখিল যেমন্ত
 বড়ই দেবের খেলা ।
 তেমতি দেখিল উঠিল তৈছন
 অন্তর-ভিতরে(৩) জালা ॥

১। মদনের। ২। সর্পের। ৩। জলপড়া।
 ৪। ডোর বন্ধন। ৫। চৌসাপা—সম্ভবতঃ তক্ষক
 জাতীয় চতুষ্পদ বিষধর সর্পকে বুঝাইতেছে।
 ৬। ধর্মের বাপ—মিনতি বাক্যে। ৭। পানীসার
 —সর্পদংশনের চিকিৎসায় রোগীর মস্তকে জল দিবার
 যে ব্যবস্থা আছে, তাহাকে পানীসার নিদান বলা
 হয়। ৮। যায়। ৯। শয়ন করাইল।

১। অত্যন্ত।
 ২। নাড়ীর।
 ৩। অন্তঃপুরে।

(ধানশী)

এ কথা শুনিয়া সহচরী আগে
কহে বাজিকর রায় ।
আমি কিছু জানি তত্ত্ব মত্ত যত
দেবঘাত আছে গায় ॥

সহচরী দাসী কহিতে লাগিল
শুন বাজিকর তোরা ।
যদি বা পারহ ভাল করিবারে
পাবে খাসা জামাজোড়া ॥

বহু রত্ন পাবে রাজার গোচরে
কনক রত্নত দান ।
কহে বাজিকর অনেক জানিয়ে
সন্ধান বিধান আন ॥

'ভাল ভাল' বলি দাসী গেলা চলি
কহিতে রাজার কাছে ।
করঘোড় করি কহিছে গোহারী(১)
এক নিবেদন আছে ॥

যেই বাজিকর তোমার ছয়ারে
খেলায় নাটের ছায়া ।
সেই জন কহে বহু মত্ত জানি
নাটিকা দেখিতে কায়া ॥

সেই কোন দেব দেখিয়া অন্তরে
ভয় সে মানিল চিত্তে ।
সেই সে নিঘাত দেব অপঘাত
পাইল বারকা হৈতে ॥

তাহারে দেখিলে ভাল করি দিব
হঁহাতে নাহিক আন ।
রাজার গোচরে বোলাহ আমারে
কহি তোমার স্থান ॥

শুনি বৃকভামু পুনর্কিত তমু
আনত সেই সে গুণী ।
করুক গেয়ান যে হয় বিধান
তারে ডাক দিয়া আনি ॥

গিয়া সেই দাসী বাহিরে প্রবেশি
ডাকিয়া আনিল তারে ।
অতি কুতূহলে সুবল চলিল
লয়ে গেল অন্তঃপুরে ॥

গিয়া সে সুবল রাধার গোচর
ধরিল তাহার নাড়ী ।
নানা সেই তত্ত্ব মত্ত আরোপিয়া
প্রকার প্রবন্ধে কাড়ি ॥

১। উঁচু গলায় ।

চণ্ডীদাসে কহে শুনহ সুবল
আর কিছু নাহি দোষ ।
বীজ-মত্ত কহ শ্রবণ-ভিতরে
তবে হবে পরিতোষ ॥

(ধানশী)

গিয়া সেই গুণী প্রকার করিল
সুমত্ত কহিল কানে ।
কৃষ্ণ-মত্ত জপ করিতে লাগিল
শুনায় রাধার স্থানে ॥

সেই কৃষ্ণ দেহ দেখিল যে তেহ
হয়েন রসিকরাজ ।
সে পছ(১) নাগর সুগড় মুরতি
বসতি গোকুল-মাঝ ॥

কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ
কৃষ্ণ কৃষ্ণ কৃষ্ণ কৃষ্ণ দেহ ।
এই কুড়ি বর্ণ ভেদ জানাইল
পরম স্বরূপ সেহ ॥

সেই কৃষ্ণ হয় পরম রতন
সেই কৃষ্ণ প্রাণপতি ।
সেই কৃষ্ণ হয় ব্রজের জীবন
গোকুলে গোপীর পতি ॥

সেই কৃষ্ণ হয় অখিল শক্তি
এই কৃষ্ণ রূপে দেহা ।
এই কৃষ্ণ হয় গোকুল-জীবন
যেই জন রাখে লেহা(২) ॥

যবে প্রবেশিল কৃষ্ণ নাম কানে
তখনি হইল ভাল ।
আঁখি দুই মেলি করেতে কচালি
দুঃখ অতি দূরে গেল ॥

চণ্ডীদাস বলে চেতন হইল
সেই বৃকভামু-বালা ।
অঙ্গ মোড়া দিয়া উঠিল চাহিয়া
দূরে গেল যত জালা ॥

(সুহই)

চাহি চারি পানে কুরঙ্গ-নয়ানে
দেখিল সুবল সখা ।
যেমত ভড়িত দামিনী চমকে
তৈছন পাইল দেখা ॥

১। প্রভু । ২। ভালবাসা ।

সুবল মুদিল সে দুটি নয়ন
 চাহিতে নাহিক পারে ।
 রূপের ছটায় নয়ন বারিল(১)
 দেখি অতি মনোহরে ॥
 দেখিয়া নয়ন ভাবিল তখন
 গেই বাজিকর শিশু ।
 কহিতে লাগিলা বৃকভানু রাজা
 গুণীয়ে ডাকিয়ে কিছু ॥
 তুমি আসি মোর নন্দিনী জঁয়ালে
 কি দিব তোমারে দান ।
 আপন হৃদয় ভিতরে আনিয়া
 যবে দিয়ে তোরে প্রাণ ॥
 তবে কহে শিশু শুন মহারাজা
 গুণীর এ কাজ হয়ে ।
 পর উপকার বড়ই দুর্লভ
 সকল জনেতে কহে ॥
 পর-হিংসা সম নাহিক পাতক
 এ তিন ভুবন লোকে ।
 ধিক্ রহ তার জীবন অগার
 কি আর বলিব তাকে ॥
 যদি কোন ছলে করে উপকার
 যেমত বন্ধুর প্রায় ।
 ইহলোক তরে উহ(২) লোক তরে
 দ্বিজ চণ্ডীদাস গায় ॥

(কানাড়া)

এ বোল শুনিয়া বৃকভানু রাজা
 মগন হইলা চিত্তে ।
 তোমারে কি দিয়া আমি সে তুষিব
 কি তোঁর আছয়ে দিতে ॥
 পরাণ কাড়িয়া দিই তোমা হাতে
 তবে সে শোধন(৩) নয় ।
 কোন্ বস্তু দিয়া তোমা সুখী করি
 হেন মোর মনে হয় ॥
 করেতে ধরিয়া বাহির হইলা
 সেই শিশু লই সঙ্গে ।
 নানা রত্ন আদি কনকের মালা
 দিল হরষিত সঙ্গে ॥

মণি-মাণিকের মালা অতি শোভা
 দিল সে এ পঞ্চ জনে ।
 মকর কুণ্ডল দোহারিয়া(১) দিল
 অতি আনন্দিত মনে ॥
 সোনার পদক অতি মনোহর
 তাহে তাড়বালা শোভে ।
 বিচিত্র বসন সোনার জড়িত
 দিল মহারাজ তবে ॥
 বহুত কাঞ্চন রজত পুরিয়া
 যুতে যুতে(২) দিল যত ।
 হরষ বদনে তুষি পঞ্চ জনে
 আদর করিল কত ॥
 চণ্ডীদাস তাই দেখে দাঁড়াইয়া
 বৃকভানু ধরি করে ।
 আদর করিয়া ভক্ষ্যের সামগ্রী
 কত আনি দিল তারে ॥

(শ্রীনট)

কহে পঞ্চ জন শুনহ রাজনু
 এক নিবেদন আছে ।
 তোমার নন্দিনী সঙ্গে এক জন
 নিরবধি থাকে কাছে ॥
 দেবের নির্ঘাত(৩) হৈয়াছিল অঙ্গে
 এবে জানি কোন দোষ ।
 যমুনাতে স্নান করাহ যতনে
 ঘুচুক দেবের রোষ ॥
 এক তীর্থ হয় পতিত পাবনী
 করিলে তাহাতে স্নান ।
 সব দোষ ঘুচে তবে অন্ন রুচে
 ইহাতে নাহিক আন ॥
 তবে সহচরী এক সঙ্গে দিল
 যমুনা সিনান লাগি ।
 চলে সহচরী রসের নাগরী
 রসময় ধনী আগি ॥(৪)
 চলিতে গমন মন্থর সূচাক
 ভুবন করেছে আলা ।
 সেই পঞ্চ শিশু বৃন্দাবন-বনে
 আগে সে চলিয়া গেলা ॥

১। বলুগাইয়া চোখে জল আসিল ।
 ২। পরলোক ।
 ৩। শোধ ।

১। জোড়া জোড়া কবিয়া
 ২। অগণিত ।
 ৩। আবেশ ।
 ৪। অগ্রে ।

যথা নটবর নাগর-শেখর
 চতুরের চুড়ামণি ।
 সেইখানে গিয়া বলিল দেখিয়া
 রছিল সুবল জানি ॥
 চণ্ডীদাস বলে শুন হে সুবল
 গমন করল রাই ।
 সহচরী সনে যমুনা-সিনানে
 দেখিল পথেতে চাই ॥

(বরাড়ী)

যমুনা নিকট যথা বংশীবট
 অতি সে সুন্দর থল(১) ।
 নানা পক্ষীগণ তরুগণ তাতে
 ধরে নানা ফুল ফল ॥
 নানা পুষ্প ফুটে পরিমল উঠে
 কেতকী চামেলী কুন্দ ।
 নাগেশ্বর আদি নানা সে কুমুম
 চাঁপা পারুলির গন্ধ ॥
 গুলাল(২) ছুলাল(৩) ঝাঁটি গজকুন্দ
 কিংশুক আমলা কত ।
 কদম্ব দোগারি শোভা অতি বড়ি
 লাখে লাখে ফুল যত ॥
 হংস-হংসী চক্রবাক অতি
 চকোর-চকোরী ডাকে ।
 কতেক চামরী ভ্রমরা ভ্রমরী
 গুঞ্জরিছে লাখে লাখে ॥
 তরু লতা আর লবঙ্গলতারে
 বেষ্টিত মাধবী তরু ।
 সেইখানে নব নাগর কালিয়া
 মোহন মুরতি ধরু ॥
 সে হেন মুরতি জলধর অতি
 হেলিয়া মাধবীতলা ।
 চুড়ার টালনি(৪) বন্ধিম চাহনি
 ভুবন করেছে আলা ॥
 বিনোদিয়া চুড়া মাতলিয়া * বেড়া
 ময়ূর শিখণ্ড উড়ে ।
 ভালে সে চন্দন চাঁদ বিরচিত
 কে হেন বাঁধিল চুড়ে ॥

নাগিকার আগে মাণিকের চুণি
 গজমতি তাহে দোলে ।
 ত্রিভঙ্গ-ভঙ্জিম ভঙ্জিয়া হইয়া
 দাঁড়িয়ে মাধবীতলে ॥
 গলে বনমালা কিবা করে আলা
 দোলই হিয়ার মাঝে ।
 অলিকুল মত্ত লাখে লাখে কত
 সতত তাহে বিরাজে ॥
 পীত পরিধান বিনোদ বন্ধান
 চরণে নুপুর বায়(১) ।
 পঞ্চধনি শূনি মগন মেদিনী
 মধুর মুরলী গায় ॥
 চণ্ডীদাস কহে অরূপ অপার
 সুখের নাহিক ওর ।
 এবে সে এ বেশে যুবতী ভুলিল
 মরমে হইল ভোর ॥

(সিকুড়া)

পথের মাঝেতে আছেন সুবল
 হেনই সময়ে রাই ।
 সহচরী সনে ঝড়িতে মিলিল
 যমুনা সিনানে যাই ॥
 কহেন সুবল অপরূপ আগে
 স্থল জল সেই দিগে ।
 যে রূপ ছায়াতে দেখিয়ে মুচ্ছিত
 সহজ মুরতি আগে ॥
 ও পথে গমন না কর বিলম্ব
 আগে দেখ নটরায় ।
 হংস-গমনী রাজার নন্দিনী
 প্রবেশ করল তায় ॥
 সহচরী রহে পথের মাঝারে
 সুবল সাক্ষাত তথা ।
 দেখিয়া নাগরে নাগরীর মুখ
 মুরছিত ভেল(২) ওথা ॥
 অবশ পরশ নয়ানে নয়ন
 হেরিয়া নাগরী পানে ।
 নাগরী নাগরে হৃদয়ের পরে
 বাঁধল সে ছই জনে ॥

১। স্থল । ২। সুগন্ধি তুলসী । ৩। টগর ।

৪। হেলন ।

* এইখানে মালতী শব্দটিই প্রযোজ্য ।

১। বাঁধ করে

২। হইল ।

কেবল দরশ হইলা হরষ
নয়ানে নয়ানে খেলা ।
বচনে মিলন হইল যতন
হৃদয় ভিতরে মেলা ॥
বুকভাঙ্গুসুতা চরণ হইতে
নিরীক্ষণ করে চূড়া ।
মনের মানসে আপনার চিতে
হৃদয়ে বাঁধল গাঢ়া(১) ॥
মনে মনে বন- ফুল তুলি রাখে
পূজল চরণ দুই ।
নহিল পরশ কেবল দরশ
মানস ভিতরে থুই ॥

সূর্য্যপূজাছলে আনি মিলাইব
তবে সে পরশ হব ।
ললিতা বিশাখা সব সখী সঙ্গে
আনিয়া মিলায়া দিব ॥
এ কথা অনেক বিচার করিতে
রসের চাতুর্য্য বড়ি ।
সুগড় হইলে এ সব জানিলে
বুঝিব চাতুরী তারি ॥
চণ্ডীদাস বলে এ সব জানিলে
চাতুরী রসের সার ।
রসিক হইলে জানিতে পারে
কিবা সে কি রসধার ॥

গোষ্ঠবিহার

(কামোদ)

ব্রজরাজবালা রাজপথে আইলা
লইয়া খেমুর পাল ।
সঙ্গে সখাগণ ভায়(২) বলরাম
শ্রীদাম সুদাম ভাল ॥
সুবল সাদ্ধাত তার কান্ধে হাত
আরপি(৩) নাগর-রায় ।
হাসিতে হাসিতে সঙ্কত বাঁশীতে
এই দুই আখর গায় ॥
এ কথা আনেতে না পারে বুঝিতে
সুবল কিছু সে জানে ।
হৈ হৈ বলি রাজপথে চলি
গমন করিছে বনে ॥
গবাক্ষে বদন দিয়া প্রেমময়ী
রূপ নিরীক্ষণ করে ।
দৌহার নয়নে নয়ন মিলল
হৃদয়ে হৃদয় ধরে ॥
দেখিতে শ্রীমুখ- মণ্ডল সুন্দর
ব্যথিত হইল রাধা ।
এ হেন সম্পদ বনে পাঠাইতে
তিলেক না করে বাধা ॥
কেমন ষশোদা মায়ের পরাণ
পুতলি ছাড়িয়া দিয়া ।
কেমনে রয়েছে গৃহমাঝে বসি
চণ্ডীদাসে কহে ইহা ॥

গবাক্ষ হইতে শ্রীরাধিকার
আক্ষেপোক্তি

(ধানশী)

কি আর বলিব মায় ।
কিছু দয়া নাই তাহার হৃদয়ে
এ কথা বলিব কায় ॥
মায়ের পরাণ এমনি ধরণ
তার দয়া নাহি চিতে ।
এমন নবীন কুমুম বরণ
বনে নহে পাঠাইতে ॥
কেমনে ধাইব ধেমু ফিরাইব
এ হেন নবীন তমু ।
অতি খরতর বিষম উত্তাপ
প্রথর গগন-ভামু ॥
বিপিনে বেকত ফণী কত শত
কুশের অঙ্কুর তায় ।
ও রাজা চরণে ছেদিয়া ভেদিবে
মোর মনে হেন ভায় ॥
আর এক আছে কংসের আরতি
জানি বা ধরিয়া লয় ।
সঘনে সঘনে লয় মোর মনে
সদাই উঠিছে ভয় ॥
চণ্ডীদাসে কয় না ভাবিহ ভয়
সে হরি জগতপতি ।
তারে কোন জন করিব তাড়ন
এমন না দেখি কতি ॥

(শ্রীরাগ)

ঘন-শ্রাম শরীর কেলিরস
 যমুনাক ভীর বিহার বনি(১) ।
 শ্রীদাম সুদাম ভায়া বলরাম
 সঙ্গে বসুদাম সঙ্গে(২) কিঙ্কিনী ॥
 ঘন চন্দন ভাল কানে ফুল ভাল
 অঙ্গে গিরি লাল কিয়ে চলনি ।
 লুফিছে পাচনি(৩) বাজিছে কিঙ্কিনী
 পদনুপুর রুমুরুগু শুনি ॥

কত যন্ত্র স্মৃতান কলারস গান
 বাজায়ত মান করি স্ময়েলে ।
 যব বেণু পুরে(১) যুগ পাখী বুঝে
 পুলকে তরু পল্লব পুষ্পফলে ॥
 কেহ রূপ চাহে কেহ গুণ গাহে
 কেহ প্রেমক আনন্দে বোল কহে ।
 কহে চণ্ডীদাস মনে অভিলাষ
 স্বরূপ অন্তরে জাগি রহে ॥

রাই রাখাল

(ধানশী)

বঁধু যদি গেল বনে শুন ওগো সখি ।
 চুড়া বেক্রে যাব চল যেথা কমল-জাঁখি ॥
 বিপিনে ভেটিব(৪) যেয়া(৫) শ্রাম জলধরে ।
 রাখালের বেশে যাব হরিষ অন্তরে ॥
 চুড়াটি বান্ধছ শিরে যত সখীগণ ।
 পীত ধড়া পর সবে আনন্দিত মন ॥
 চণ্ডীদাস বলে শুন রাধা বিনোদিনি ।
 নয়নে দেখিব সেই শ্রাম গুণমণি ॥

(সুহই)

কেহ হও দাম শ্রীদাম সুদাম
 সুবলাদি যত সখা ।
 চল যাব বনে নটবর সনে
 কাননে করিব দেখা ॥
 পর পীত ধড়া মাথে বান্ধ চুড়া
 বেণু লও কেহ করে ।
 হারে রে রে বোল কর উচ্চ রোল
 যাইব যমুনা-তীরে ॥
 পর ফুল-মালা সাজহ অবলা
 সবারে যাইতে হবে ।
 দাম বসুদাম সাজ বলরাম
 যাইতে হইবে সবে ॥
 যোগমায়া তখন কহিছে বচন
 রাখাল সাজহ রাই ।
 চণ্ডীদাস ভণে দেখি গো নয়নে
 আমি তব সঙ্গে যাই ॥

১। বন। ২। বাজে। ৩। পাচন বাড়ি
 —গরু তাড়াইবার লাঠি। ৪। মিলিত হইব।
 ৫। গিয়া।

(বরাড়ী)

আনন্দিত হৈয়া সবে পোরে শিক্ষা বেণু ।
 পাতাল হইতে উঠে নব লক্ষ ধেনু ॥
 চৌদিকে ধেনুর পাল হাঙ্গা হাঙ্গা করে ।
 তা দেখিয়া আনন্দিত সবার অন্তরে ॥
 ইন্দ্র আইল ঐরাবতে দেখয়ে নয়নে ।
 হংসবাহনে ব্রহ্মা আনন্দিত মনে ॥
 বৃষভবাহনে শিব বলে ভালি ভালি ।
 মুখবাচ ক'রে নাচে দিয়া করতালি ॥
 চণ্ডীদাসের মনে আন নাহি ভায়(২) ।
 দেখিয়া সবার রূপ নয়ান জুড়ায় ॥

(বিভাস)

গায়ে রান্ধা মাটি কটিতটে ধটা
 মাথায় শোভিত চুড়া ।
 চরণে নুপুর বাজে সবাকার
 গলে গুঞ্জমালা বেড়া ॥
 সবাকার কুচ হইয়াছে উচ
 এ বড় বিষম জালা ।
 কমলের ফুল গাঁথি শতদল
 সবাই গাঁথিল মালা ॥
 ঠারে ঠারে চুড়া গলে দিল মালা
 নামিয়ে পড়েছে বুকে ।
 ফুলের চাপানে কুচ ঢাকা গেল
 চলিল পরম সুখে ॥
 কেহ পীত ধটা কেহ লয়ে লাঠি
 গর্জন শব্দে ধায় ।
 চণ্ডীদাসে ভণে গহন কাননে
 শ্রাম ভেটিবারে যায় ॥
 ১। যখন বংশীরব করে। ২। হয়।

(ধানশী)

দেখি নটবর ধনী গৃহেতে আইলা ।
 গোষ্ঠের ভাবের কথা মনেতে পড়িলা ॥ ৩৬ ॥
 তবে বিনোদিনী লইয়া সঙ্গিনী
 আপন মন্দিরে গিয়া ।
 ললিতা বিশাখা তারা দিল দেখা
 আনে সভে ডাক দিয়া ॥
 বোলে বিনোদিনী শুনলো সঙ্গিনী
 বচন রাখ গো তোরা ।
 সব সখী লয়্যা রাখাল সাজায়্যা
 বৃন্দাবনে যাব মোরা ॥
 ছিদাম সুদাম কেহ হব দাম
 সুবলাদি যত সখা ।
 দেখি বৃন্দাবনে নটবর সনে
 যাইয়া করিব দেখা ॥
 যত সখীগণে আনয়ে তখনে
 যতনে করয়ে সাজ ।
 যে হয় যেমন সাজয়ে তেমন
 আপন অঙ্গন-মারা ॥
 কারো রাজা ধটা(১) তাহে বেড়া(২) কটি
 ছুলিছে পাটের ডুরি ।
 করে নিরীক্ষণ মাথয়ে চন্দন
 যেই সে যেমন গোরি(৩) ॥
 বাণুলী আদেশে কহে চণ্ডীদাসে
 মজাইতে জাতি কুল ।
 বনে ফিরিতে মিলনে
 বিপিনে পড়িবে তুল(৪) ॥

(ধানশী)

সুচিত্রায় ছিদাম করিয়া বিনোদিনী ।
 ললিতারে বলরাম কানাই আপনি ॥
 প্রিয় বিশাখারে করে সুবল কিশোর ।
 বসুদাম চম্পকলতা সুচান্দ(৫) অধর ॥
 যোগমায়া পূর্ণমাসী সাক্ষাত আনিয়া ।
 লইল হরের শিঙ্গা আপনে মাগিয়া ॥
 বলরামের হৈল শিঙ্গা বলে রাই-কাহু ।
 আমার না হইল ভাল কোথায় পাইব বেণু ॥

১। বসন ।

২। বেষ্টিত ।

৩। সকলেই যেন গৌরবর্ণ ।

৪। মহা সমারোহ ।

৫। সুছাঁদ—মনোজ্ঞ ।

শিঙ্গা বেণু মুরলীহ বাজায় রাখাল ।
 বাঁশীটি নহিলে কেনে ফিরিবেক পাল(১) ॥
 চণ্ডীদাসেতে বোলে হৈলে বনমালী ।
 সলিলে আনিয়া পদ্য করহ মুরলী ॥

(ধানশী)

সুচিত্রা ছিদাম তখন পহ(২) পাঠাইল ।
 নবীন কুড়ির পদ্য পহ আনি দিল ॥
 মৃগালেতে সারি সারি রক্ত বানাইয়া ।
 বাজাইল বিনোদিনী তাথে ফুক দিয়া ॥
 সুন্দর বাঁশীর ধনি সুস্বর উঠিল ।
 বৃকভামু পুর হৈতে ধেহু আনাইল ॥
 ললিতা বিশাখা আদি যত সখী গিয়া ।
 নবীন নবীন বচ্ছ(৩) আনিল বাছিয়া ॥
 চণ্ডীদাস কহে আইজ কাহু হৈল রাই ।
 বিপিনে বিনোদ-শোভা দেখিবারে যাই ॥

(ধানশী)

রাখালে রাখালে দেই হৈ হৈ রব ।
 মাধব মন্দিরে যাই উত্তরিল সব ॥
 ক্ষীর ননী দধি ছানা ধড়াতে বান্ধিয়া ।
 খাইবার তরে রাই লইল মাগিয়া ॥
 যত সখীগণ সব হইল রাখাল ।
 শ্রীহরি বলিয়া সভে চালাইল পাল ॥
 শিঙ্গা-বেণু কলরব গগনে উঠিল ।
 যমুনার তটে কৃষ্ণ বলি উত্তরিল ॥
 গোকুলের মধ্যে মোরা গাতীর রাখাল ।
 আচম্বিতে শিঙ্গা বেণু বাহিরাইল পাল ॥
 সুবলে ডাকিয়া তখন কহিছে কানাই ।
 হেন শিঙ্গা বেণু হে কখন শুনি নাই ॥
 চণ্ডীদাস কহে আইজ পরমাদ হৈল ।
 আচম্বিতে বনে আজ রাখাল আইল ॥

(ভাটায়ারী)

সারি সারি পাল পিছেতে রাখাল
 সকলে সাজিয়া যায় ।
 যমুনার তীরে ফিরিয়া ফিরিয়া
 দেখে নটবর-রায় ॥

১। গরুর পাল ।

২। প্রভু ।

৩। বাছুর ।

একি আচম্বিতে দেখি বিপরীতে
 গোকুল মঞ্জিল পারা ।
 এত দিন বাস ঘুচিল সে আশ
 না দেখি এমন ধারা ॥
 এক শিঙ্গা মাতে(১) বলাইর হাতে
 আমার আছয়ে বাঁশী ।
 এই দুই বিনে না শুনি কখনে
 কোথা হইতে বাজে বাঁশী ॥
 জয় কলরব ঘন ঘন রব
 দেখি বিপরীত পারা ।
 চণ্ডীদাস কহে রোহিণী-নন্দন
 ভয়েতে হইল ভোরা (২) ॥

(শ্রীরাগ)

বলরামের নিজ ধেমু বাছিয়া লইল ।
 ছিদাম বোলেন তবে মুঞি(৩) যাইতে হৈল ॥
 বসুদাম বলে ভাই শুন রে রাখাল ।
 ধেমু রাখ এক ভাই ঘরে যাই চল ॥
 শ্রীমতীর রাখাল ধায় যমুনার তীরে ।
 সুবলের সহিতে কানু যায় ধীরে ধীরে ॥
 শ্রীমতীর বলরাম ঘুরায় পাচনি ।
 ঘন ঘন গগনে গরজে শিঙ্গা-ধ্বনি ॥
 চণ্ডীদাস কহে তখন শুনহ কানাই ।
 ঠেকিলে দারুণ বনে যেতে পাবে নাই ॥

(শ্রীরাগ)

কিবা নাম কোথায় থাকে কাহার রাখাল ।
 কাহার নন্দন তুমি রাখো কার পাঙ্গ ॥
 নব বৃন্দাবনে থাকো না মানো দোহাই(৪) ।
 আমার সাক্ষাতে দিয়া কেন যাও নাই ॥

১। মত্ত হয়—“সুন্দর বাজে” এই অর্থে। ৪। ‘ধবলী’ যেমন গরুর গোপালক-কল্পিত নাম,
 ২। বিহ্বল। ৩। আমার। ৪। নিবারণ। ‘শাঙলী’ও তদ্রূপ।

আপনার মান রাখো নহে যাও ফিরি ।
 তোমার গৌরব আমি ভেদিতেহ(১) পারি ॥
 চণ্ডীদাস কহে শুন আমার বচন ।
 তোমার লাগিয়া ফিরি গহন কানন ॥

(শ্রীরাগ)

যতহু মনের কথা লকল কহিল ।
 যতেক মনের সাধ সকল পুরাইল ॥
 ললিতা কহয়ে ধনি শুনহ বচনে ।
 রাখালের বেশে ধনি দাঁড়াও শ্রামের বামে ॥
 শুনিয়া ললিতার কথা হরষিত হিয়া ।
 শ্রামের বামে দাঁড়াইলা তিরিভঙ্গ(২) হৈয়া ॥
 যত সখীগণ হেরে আনন্দ অন্তর ।
 চণ্ডীদাস কহে হেন সুখের সায়র(৩)

(বিভাগ)

যমুনার তীরে সবে যায় নানা রঙ্গে ।
 শাঙলী(৪) ধবলী বলি আনন্দিত অঙ্গে ॥
 আসিয়া নিভৃত কুঞ্জে সবে দাঁড়াইল ।
 রাখাল দেখিয়া শ্রাম চমকি উঠিল ॥
 কোন্ গ্রামে বসতি রে, কোন্ গ্রামে ঘর ।
 আমার কুঞ্জেতে কেন হরিষ অন্তর ॥
 কাহার নন্দন তোরা সত্য করি বল ।
 মুখে হেসে বাক্য কহে অন্তরে বিভোল ॥
 রাধা-অঙ্কের গন্ধে কৃষ্ণের নাসিকা মাতায় ।
 আপাদমস্তক কৃষ্ণ ঘন ঘন চায় ॥
 ললিতা হাসিয়া বলে শুন শ্রাম-ধন ।
 রাধারে না চেন তুমি রসিক কেমন ॥
 চণ্ডীদাস বলে শুন রাধা বিনোদিনি ।
 হের গো শ্রামের রূপ জুড়াবে পরাণী ॥

১। খর্ব করিতে। ২। ত্রিভঙ্গ। ৩। সাগর।

বলরামের রূপ

(সুহিনী)

দেখ বলরাম ভুবন-মাবো ।
রূপ দেখি কাম মরমে লাজে ॥
টাঁচর চিকুরে চামরী মজে ।
নানা ফুল ডাল তাহাতে সাজে ॥
রজত মুকুরে মাজিয়ে মুখ ।
তা দেখিয়া টাঁদের মরমে দুখ ॥
তিলক বলিত ললিত ভালে ।
মুগ্ধ ভ্রমরা অলক জ্বালে ॥
অরুণ দীঘল নয়ন দেখি ।
বিকচ কমল কিসে বা লেখি(১) ॥
পাত সহিত কদম্ব ফুলে ।
শ্রবণে মকর-কুণ্ডল দোলে ॥
তিলফুল জিনি সুন্দর নাগা ।
নাগরী জনার মনের বাসা(২) ॥
অরুণ বরণ দশনবাস(৩) ।
বাঁধুলি ফুলের গরবনাশ ॥
কুন্দ-কোরক জিনিয়া ছিঁজ(৪) ।
কি ছার তাহাতে করক-বীজ(৫) ॥
চণ্ডীদাস কহে হাসির কাছে ।
আর কি জগতে অমৃত আছে ॥

(গান্ধার)

ফটিক অঙ্কের জম্বু রজত-সুন্দর তম্বু
রসে ঢল ঢল বলরাম ।
বিগত-কলঙ্ক চাঁদ কোটি গুঞ্জা মুখছাঁদ
মৃগমদ তিলক অনুপাম ॥
টাঁচর চিকুরে চূড়া বনফুল মালা বেড়া
টলমল শিখিদল তায় ।
পরিমলে উনমত মধুকরে কত শত
মধু পিবি(৬) মধুরিম গায় ॥

পরিসর ভাল-স্থল বিলোল অলকমাল
মুখচন্দ্র অতি অপরূপ ।
হেরিতে চকিত চিত চমকিত অতি ভীত
কত শত মনমথ ভূপ ॥
উন্নত বঙ্কিম চারু কন্দর্প কামান ভূরু
কমল পল্লব দুটি আঁখি ।
বারুণী অলস ঘোরে মেলিতে না পারে জ্বোরে
ঘূমে ঢুলু ঢুলু যেন দেখি ॥
নাগাপুটে বালমল বিজাস মুকুতাফল
সুরঙ্গ(১) অধরে সদা হাসি ।
হেরিয়া দশনপাঁতি সিন্দুর মুকুতা জ্বাতি
অমিয়া উগারে রাশি রাশি ॥
বামকর্ণে বালমল মণিময় কুণ্ডল
দক্ষিণেতে নবীন মঞ্জরী ।
কর্ণহার পরিপাটী দেখিতে সোনার কাঁঠি
উরে গুঞ্জা অতি মনোহারী ॥
রঙ্গণ(২) মালতী কুন্দ করবীর অরবিন্দ
থরে থরে লাগয়ে তাহাতে ।
কুন্দ মল্লিকা জাতা কনক চম্পক যুথি
রমণক তুলসীর পাতে ॥
মন্দার অশোক ধূপ সেফালিকা সাওলা(৩) ফুল
আর যত বনফুল ভালে ।
ভ্রমিছে ভ্রমরা তায় মধুর মধুর গায়
উরুপর দোলে বনমালে ॥
করভ-শাবকশুণ্ড সুবলিত ভুজদণ্ড
কনক-কেয়ুর তায় সাজে ।
অঙ্গদ বলয় মণি নীল পাটের থোপনি(৪)
মণিবন্ধ বাহুতে বিরাজে ॥
শ্রীদাম সুদাম সাথে চলিলা ভাণ্ডীর পথে
চণ্ডীদাস দেখে সকৌতুকে ।
দেখ দেখ রাম রায় না ঠেলিও রাজা পায়
চরণেতে রেখহ আমাকে ॥

১। লজ্জা পায় । ২। অস্ত্রনিহিত । ৩। দস্তুর
বেষ্টন—মাড়ি । ৪। দস্ত । ৫। বাঁশের ফোঁড় ।
৬। পান করিয়া ।

১। সুরঞ্জিত বঙ্কিক ।
২। রঙ্গণ—লাল ফুল ।
৩। শাফলা ফুল । ৪। গুচ্ছ ।

প্রোটার উক্তি

নীলরতন বাবুর পুস্তকে এই পদটি “বড়াইর উক্তি” বলিয়া উদ্ধৃত হইয়াছে ।

(গান্ধার)

নিতি নিতি এসে যায় রাধা সনে কথা কয়
শুনিয়াছিলাম পরের মুখে ।
মনে করি কোন দিনে দেখা হবে তার সনে
ভাল হইল দেখিলাম তোকে ॥
চেটে নেটে(১) যায় জলে তারে তুমি ধর চুলে
এমত তোমার কোন্ রীত ।
যার তুমি ধর চুলে সেই এসে মোরে বলে
নহিলে নহিতাম পরতীত(২) ॥
সুজন কখন নও পরনারী নিতে চাও
এমতি তোমার অভিলাষ ।

আমি ত শুনিলাম ভাল যদি শুনে তার কুলে
শুনিলে হইবে অপভাষ(১) ॥
নিশ্বাস-প্রশ্বাস কর আছাড় খাইঞা পড়
বুঝিলাম তোমার মনের কথা ।
নহে কেন ঘাটে মাঠে তোমার অপযশ রটে
শুনিবারে পাইব সব কথা ॥
আমার কথাটি শুন না করিহ ইহা পুন
না মজে নন্দের কুল গারি ।
চণ্ডীদাসেতে কয় এ কথা কি মনে লয়
নাগরীর পতি(২) হৈল বৈরী ॥

কৃষ্ণের আশুদূতী

(তিরোতা ধানশী)

সে যে নাগর গুণধাম্ ।
জপয়ে তোহারি নাম ॥
শুনিতে তোহারি বাত ।
পুলকে ভরয়ে গাত(৩) ॥
অবনস্ত করি শির ।
লোচনে ঝরয়ে নীর ॥
যদি বা পুছিষে বাণী ।
উলট করয়ে পাণি ॥
কহিয়ে তাহারি রীতে ।
আন না বুঝিবি চিতে ॥
ধৈর্য নাহিক তায় ।
বড়(৪) চণ্ডীদাসে গায় ॥

(শ্রীরাগ)

এ ধনি এ ধনি বচন শুন ।
নিদান দেখিয়া আইল পুন ॥
না বাঁধে চিকুর না পরে চীর ।
না খায় আহাৰ না পিয়ে নীর ॥
দেখিতে দেখিতে বাঢ়ল ব্যাধি ।
যত তত করি না হয়ে সুধি(৩) ॥
সোনার বরণ হইল শ্রাম ।
সোঙরি সোঙরি তোহারি নাম ॥
না চিনে মানুষ নিমিখ নাই ।
কাঠের পুতলি রহিছে চাই ॥
তুলাখানি দিলে নাসিকা-মাবো ।
তবে সে বুঝিহু শোয়াস আছে ॥
আছয়ে শ্বাস না রহে জীব ।
বিলম্ব না কর আমার দীব(৪) ॥
চণ্ডীদাস কহে বিরহ বাধা ।
কেবল মরমে ঔষধ রাধা ॥

১। অল্পবয়স্ক বধু (চেটো নেটো) ।

২। প্রত্যয়—(বিশ্বাস) করিতাম না ।

৩। গাত্র—দেহ পুলকিত হয় ।

৪। বিপ্র ।

১। অপযশ । ২। নাতি নাকি (কৃষ্ণকে
সম্বোধন করিয়া বলা হইতেছে) । ৩। বুদ্ধি স্থির ।

৪। দিব্য ।

শ্রীকৃষ্ণের স্বয়ং দৌত্য

(বরাড়ী)

বাদিয়ার বেশ ধরি বেড়ায় সে বাড়ী বাড়ী
আইলেন ভানুর মহলে ।
খুলি হাঁড়ি ঢাকনি বাহির করয়ে ফণী
তুলিয়া লইল এক গলে ॥
বিমহরী বলি দেয় কর ।
শুনিয়া বতেক বালা দেখিতে আইল খেলা
খেলাইছে মাল(১) পুরন্দর ॥
সাপিনীয়ে দেয় খোব(২) সাপিনী বাঢ়ায় কোপ
দণ্ড(৩) করি উঠি ধবে ফণা ।
অঙ্গুলী মুড়িয়া যায় সাপিনী ফিরিয়া চায়
ছুঁয়ে যায় বাদিয়ার দাপনা(৪) ॥
খেলা দেখি গোপীগণ বড় আনন্দিত মন
কহে 'তুমি থাক কোন্ স্থানে ?'
"থাকি বনের ভিতরে নাগদমন বলে মোরে
নাম মোর জানে সব জনে ॥
বসন মাগিবার তরে আইলু তোমার ঘরে
বস্ত্র দেহ আনিয়া আপনি ।
ছেঁড়া বস্ত্র নাহি লব ভাল একখানি পাব
দেখি দেও শ্রীঅঙ্গের খানি ॥"
"বটের(৫) ভিখারী হও বহুমূল্য নিতে চাও
নহিলে শোভিত চায় বটে ।
বনে থাক সাপ ধর তেনা(৬) পরিধান কব
সদাই বেড়াও নদীতটে ॥"
বেদে কহে ধীরে ধীরে "তোমার বস্ত্র নিব শিরে
মনে মোর হবে বড় সুখ ।
তোমার সঙ্গ করিতে অভিজ্ঞাষ হয় চিতে
তুমি যদি না বাসহ দুখ ॥"
"চূপ করে থাক বেদে যা পাও তা নেও সেধে
ভরমে ভরমে(৭) যাও ধরে ।"
"চুরি-দারি নাহি করি ভিক্ষা করি পেট ভরি
আমি ভয় করিব কাহারে ?
তোমা লঞা করি ক্রীড়া তুমি কেন মান পীড়া
সুখী কর এ দুখিয়া জনে ।"
ধ্বিজ চণ্ডীদাসে কয় বাদিয়া যে এই নয়
বুঝিয়া দেখহ আপন মনে ॥

(বালা ধানশী)

গোকুল-নগরে ইন্দ্র-পূজা করে
দেখি আইল যত নারী ।
নগর-ভিতর মহা কলরব
নাগর হইল পসারী ॥
দোকান দোকান(১) মেলিল তখন
দেখিয়া গাহকীগণ ।
কহয়ে পসারী "বহু দ্রব্য আছে
যে নিতে চাহে যে ধন ॥
মুকুতা প্রবাল মণিময় হার
পোতিক(২) মাণিক যত ।
বহু দিন মনে আনিহু যতনে
তোমাদের অভিমত ॥"
খস্তিক(৩) পুতিয়া মুকুতা বুলায়া
কহয়ে গাহকী আগে ।
শুনি গাহকিনী আসিয়া আপনি
দোকান-নিকটে লাগে ॥
সুমধুর বাণী বলে সে দোকানী
"কিসের লইবে ছড়া ।
মুকুতা মাল লইলে ভাল
কড়ি যে লাগিবে বাড়া ॥"
শুনি নারীগণ বলয়ে বচন
"গাহকী নাহি যে মোরা ।"
"কিবা ভাগ্য গেনে দেখ্যাছ জনমে
এমন ধন যে তোরা ॥"
ধুবন্তী রসাল নিল এক মাল
দিল এক সখা-গলে ।
পরিমাণ(৪) হলো আনন্দ বাঢ়িল
"কতেক লইবে" বলে ॥
আর এক জনে সাধ করি মনে
লইল সোনার সূচ ।
লেই চলি যায় বেতন না দেয়
পসারী ধরিল কুচ ॥
ফেরাফেরি করে কুচ নাহি ছাড়ে
কহে "মূল্য দেহ মোর ।"
সঘন বদনে করয়ে চূষন
"এমত কাজ যে তোরা ॥"

১। সাপের ওবা। ২। সামান্য আঘাত।
৩। দণ্ডের আকারে ফণা ধরিয়া উঠে। ৪।
জন্মা দেশ। ৫। কড়ির। ৬। ছেঁড়া কাপড়।
৭। সঙ্গমে।

১। দোকান-টোকান। ২। খনিজ।
৩। লৌহদণ্ড। ৪। মানানসই।

কাড়াকাড়ি ঘন না মানে বারণ
 অরাজক হলো পারা ।
 যাহার যে ধন কাটে সেই জন
 রক্ষক হইবে কারা ॥
 রজকী সঙ্গতি চণ্ডীদাস গতি
 রচিল অনেক বটে ।
 দোকান দাকান হলো সমাধান
 সকল গেল যে লুটে ॥

(তুড়ি)

কাহুর পিরীতি কুহকের রীতি
 সকলি মিছাই রক্ত ।
 ডাদড়ি লৈঞা গ্রামেতে চড়িয়া
 ফিরিয়ে করিয়ে সঙ্গ ॥
 গই, কাহু বড় জানে বাজি ।
 বাশ বংশীধারী মদন সঙ্গে করি
 চোলক চালক সাজি ॥
 মদন ঘুরিয়া বেড়ায় ফিরিয়া
 যুবতী বাহির করে ।
 দুইটি গুটিয়া লুফিয়া ফেলাঞা
 বৃকের উপরে ধরে ॥
 ধীরি ধীরি যায় ভঙ্গী করি চায় ।
 রঙ্গ দেখে সব লোকে ।
 দাঁড়য়ে পায়ে উঠয়ে তাহে
 থাকি থাকি দেই কোঁকে ॥
 মুকুতা প্রবাল উগরে সকল
 আর বহুমূল্য হীরা ।
 একবার আসি উগরে রাশি
 নাচিয়ে বেড়ায় ফিরা ॥
 কতক্ষণ বই বাশ হাতে লই
 যুবতী হিয়ার পাড়ে ।
 জভে জভ দিয়া পায়েতে ছান্দিয়া
 বাশের উপরে চড়ে ॥
 চড়িয়া উপরে বুজিয়া পড়য়ে
 চুম্বই যুবতী-মুখে ।
 মুখে মুখ দিয়া পান গুয়া নিয়া
 ঘুরিয়া বেড়ায় মুখে ॥
 লোক নহে রাজি কেমন সে বাজি
 রমণী ভূলাবার তরে ।
 চণ্ডীদাস কয় বাজী মিছে নয়
 রঙ্গ কে বুঝিতে পারে ॥

(কামোদ)

নামিল আসিয়া বসিল হাসিয়া
 কহয়ে বেতন দাও ।
 বেতনের কালে হাত দিয়া গালে
 যুবতী সকলে কয় ॥
 গই, বাজিকরে নিবে যে কি ?
 যত কিছু দেই কিছুই না লয়
 বলে আমারে জিজ্ঞাস কি ?
 মনে এই করি দেহ কুচগিরি
 আর তব মুখ-সুখা ।
 আর এক হয় মোর মনে লয়
 তাহে মোরে দেহ জুদা ॥
 সুন্দরীগণে বুঝিল মনে
 ইহার গ্রাহক তুমি ।
 টিটের টিটানি(১) খেতের মিঠানি
 সকলি জানি যে আমি ॥
 চণ্ডীদাস কয় তবে কেন নয়
 জানিয়া চতুরপণা ।
 বুঝিলে না বুঝে কহিলে না সুজে
 তাহারে বলি যে কাণা ॥

মানভঙ্গের পদ

(ধানশী)

না ভাঙ্গিল মান দেখি চতুর নাগর ।
 বিশাখারে ডাকি কহে বচন উত্তর ॥
 শুনহ আমার কথা বিশাখা সুন্দরী ।
 আমারে সাজিয়ে দেহ নবীন এক নারী ॥
 চূড়া ধড়া তোয়গিয়া কাঁচলি পরিল ।
 নাপিতিনী বেশ ধরি নাগর দাঁড়াইল ॥
 জয় রাধে শ্রীরাধে বলি করিল গমন ।
 রাইএর মন্দিরে আসি দিল দরশন ॥
 কি লাগিয়ে ধূলায় পড়ে বিনোদিনী রাই ।
 হের এস তুয়া পায়ে যাবক পরাই ॥
 চরণ মুকুরে শ্রাম নিজ মুখ দেখে ।
 যাবকের ধারে ধারে নিজ নাম লেখে ॥
 সচকিত হয়ে ধনী চরণ পানে চায় ।
 আচম্বিতে শ্রাম অঙ্গের গন্ধ কেন পায় ॥
 ইজিতে কহিল তখন বিশাখা সুন্দরী ।
 নাপিতিনী নহে তোয়ার নাগর বংশীধারী ॥
 বাহু পসারিয়া নাগর রাই নিল কোলে ।
 আর না করিব মান চণ্ডীদাসে বলে ॥

(ধাননী)

ধরি নাপিতিনী বেশ মহলেতে পরবেশ
 যেখানেতে বসিয়াছে রাই ।
 হাতে নিয়া দরপণী খোলে নখরঞ্জিনী(১)
 বোলে বৈস, দেই কামাই ॥
 বসিলা যে রসবতী নারী ।
 খুলিল কনক-বাটি আনিয়া জলের ঘটি
 ঢালিলেক সুবাসিত বারি ॥
 করে নখ-রঞ্জিনী চাঁহয়ে নখের কণি
 শোভিত করিল যেন চাঁদে ।
 আলসে অবশপ্রায় ঘুম লাগে আধ গায়
 হাত দিলা নাপিতিনী কাঁধে ॥
 নাপিতিনী একে শ্রামা নীর অধিক ঝামা
 বুলাইছে মনের আনন্দে ।
 ঘষি ঘষি রাজা পায় আলতা লাগায় তায়
 রচয়ে মনের হরষেতে ॥
 রচয়ে বিচিত্র করি চরণ হৃদয়ে ধরি
 তলে লিখে আপনার নাম ।
 কত রস পরকাশি হাসয়ে ঈষৎ হাসি
 নিরখি নিরখি অবিরাম ॥
 নাপিতিনী বলে “ধনি দেখহ চরণখানি
 ভাল মন্দ করহ বিচার ।”
 দেখি সুবদনী কহে “কি নাম লিখিলা উহে
 পরিচয় দেও আপনার ॥”
 নাপিতিনী কহে “ধনি শ্রাম নাম ধরি আমি
 বসতি যে তোমার নগরে ।”
 দ্বিজ চণ্ডীদাস কয় এই নাপিতিনী নম
 কামাইলা যাও নিজ ঘরে ॥

(সুহিনী)

নাপিতিনী কহে “শুন লো সই ।
 অনাধিনী জনের বেতন কই ?
 কহ তুমি যাই রাইয়ের কাছে ।
 বেতন লাগিয়া বসিয়া আছে ॥
 যদি কহে তবে নিকটে যাই ।
 যে ধন দেন তা সাক্ষাতে পাই ।”
 শুনি সখী কহে রাইএর কাছে ।
 “নাপিতিনী বসি আছয়ে নাছে(২) ॥”
 রাই কহে, “তবে আনহ তায় ।
 কতক বেতন আমায় চায় ?”

সখী যাই তবে ডাকয়ে আইস ।
 আসিয়া রাইএর নিকটে বৈস ॥
 বসিল দুখিনী নাপিতিনী শ্রামা ।
 কহয়ে “বেতন দেহ যে রাগা ॥”
 রাই কহে “কিবা হইবে তোর ।”
 সে কহে “বেতনে নাহিক ওর(১) ॥”
 হাসিয়া কহয়ে সুন্দরী রাই ।
 “হেন নাপিতিনী দেখি যে নাই ॥
 এমতে ধন যে করেছ কত ?”
 সে কহে “ভুবনে আছয়ে যত ॥
 এক ধন আছে তোমার ঠাই ।
 সে ধন পাইলে ঘরকে যাই ॥
 হৃদয়ে কনক-কলস আছে ।
 মণিময় হার তাহার কাছে ॥
 তাহার পরশ-রতন দেহ ।
 দরিদ্র জনারে কিনিয়া লহ ॥”
 হাসিয়া কহয়ে সুন্দরী গৌরী ।
 “ভাল নাপিতিনী পরাণ-চোরী(২) ॥
 পরশ-রতন পাইবা বনে ।
 এখনে চলহ নিজ ভবনে ।”
 চণ্ডীদাস কহে না কর লাজ ।
 নাপিতিনী নহে রসিক-রাজ ॥

(সুহিনী)

এক দিন মনে রভস কাজ ।
 মালিনী হইল রসিক-রাজ ॥
 ফুলমালা গাঁথি বুলায়ে হাতে ।
 “কে নিবে, কে নিবে” ফুকারে পথে ॥
 তুরিতে আইলা ভানুর বাড়ী ।
 রাই কহে “কত লইবে কড়ি ?”
 মালিনী লইয়া নিভূতে বসি ।
 মালা মূল(৩) করে ঈষৎ হাসি ॥
 মালিনী কহয়ে “সাজাই আগে ।
 পাছে দিবা কড়ি যতক লাগে ॥”
 এত কহি মালা পরায় গলে ।
 বদন চুম্বন করিল ছলে ॥
 বুঝিয়া নাগরী ধরিল করে ।
 “এত চিটপনা(৪) আসিয়া ঘরে ?”
 নাগর কহয়ে “নহি যে পর ।”
 চণ্ডীদাস কহে কি কর ডর ॥

১ নরুন ।

২ বাহির-দুয়ারে ।

১ সীমা—শেষ ২ । প্রাণচোর ৩ । দর

করে । ৪ ।

(ভাটিয়ারী)

“গোকুল নগরে ফিরি ঘরে ঘরে
বেড়াই চিকিৎসা করি ।
যে রোগ যাহার দেখি একবার
ভাল যে করিতে পারি ॥
শিরে শিরঃশূল পিরীতির জ্বর
হয়ে থাকে যে রোগীর ।
বচন না চলে আঁখি নাহি মেলে
তাহারে পিয়াই নীর ॥
কেবল একান্ত ধমন্তুরি ।
নাহি জানে বিধি এমন ঔষধি
পিয়াইলে যায় জরি ॥
ঔষধ খেয়ে ভাল যে হয়ে
বট দিও তবে পাছে ।”
এক জন তথা শুনিয়া সে কথা
কহিল রাধার কাছে ॥
“পরের মুখে শুনিয়া মুখে
হরষিত হলো মন ।
বলে যে যাইয়া আনহ ডাকিয়া
দেখি সে কেমন জন ॥”
এ কথা শুনিয়া বাহির হইয়া
কহে এক সখী ধাই ।
“মোদের ঘরে রোগী আছে জ্বরে
দেখ একবার যাই ॥”
“এই বাড়ী হইতে আসিহ ত্বরিতে
এইখানে থাক বসি ।”
সাজ সাজাইতে চলিল নিহুতে
চণ্ডীদাস কহে হাসি ॥

(ভাটিয়ারী)

আপন বসন ঘুচায়ে তখন
লেপয়ে কেশেতে মাটি ।
তকল্লবি(১) ছাদে বসন পিঁধে
রঞ্জে যে চলয়ে হাঁটি ॥
মনোহর বুলি কাঁধে ।
তাহার ভিতর শিকড়-নিকর
যতন করিয়া বাঁধে ॥
ঘুচাইয়া লাজে চিকিৎসার কাজে
বসিলা রোগীর কাছে ।
ঘুচায়ে বসন নিরখে বদন
বলে “রোগ যে হইহার আছে ॥”

১। ভদ্রতার রীতিসম্মত ।

বাম হাত ধরি অঙ্গুলি মোড়ি
দেখে ধাতু(১) কিবা বয় ।
“পিরীতির জ্বরে জ্বরেছে হইহারে
পর্যণ রয় কি না রয় ॥”
হাসিয়া নাগরী উঠি অঙ্গ মোড়ি
“ভাল যে কহিলা বটে ।
বল কি খাইলে হইবে সবল
বেয়াধি কেমনে ছুটে ॥”
“ঔষধ যে হয় মনে করি ভয়
এখনি খাওয়ায়ে যেতেম ।
ভাল যে হইত জ্বর যে যাইত
যদি সে সময় পেতেম ॥”
তখন নাগরী বুঝিলা চাতুরী
চিট সে নাগররাজ ।
বাণুলী-নিকটে চণ্ডীদাস রটে
এমন কাহার কাজ ।

(বরাড়ী)

দেয়াশিনী(২) বেশে সাজি বিনোদবর ।
ধীরি ধীরি করি চলে হরষ অন্তর ॥
গোকুল নগরে এই শব্দ উঠিল ।
একজন দেয়াশিনী ব্রজেতে আইল ॥
তাহারে দেখিবার তরে লোকের গহন(৩) ।
সব ব্রজবাসী চলে হরষিত মন ॥
প্রণমিল দেয়াশিনীর চরণকমলে ।
বয়ান ভাসিল প্রেমে নয়নের জলে ॥
দ্বিজ চণ্ডীদাসের মনে আনন্দ বাড়িল ।
কোথা হৈতে আইলা তুমি এ ব্রজমণ্ডল ॥

(শ্রীরাগ)

মথুরাপুরেতে ধাম কপটে বলয়ে শ্যাম
আইলাম এই বৃন্দাবনে ।
মম মনে বাঞ্ছা এই সকল তোমারে কই
শুন শুন বলি তোমা স্থানে ॥
দেবী আরাধনা করি ভিক্ষার লাগিয়া ফিরি
আর করি তীর্থেতে ভ্রমণ ।
হই আমি তীর্থবাসী সদাই আনন্দে ভাসি
এই সত্য বলি হে বচন ॥

১। নাড়ী ।

২। তন্ত্র-মন্ত্রে চিকিৎসা-কারিণী নারী ।

৩। ভিড় ।

জিজ্ঞাসা করিলা যেই তাহাতে তোমারে কই
ব্রজমাঝে রব কিছু কাল ।
ইহা বলি দেয়াশিনী চলে পুন একাকিনী
ঘন ঘন বাজাইয়া গাল ॥
ধ্বজ চণ্ডীদাস ভণে আনন্দিত হয়ে মনে
জিজ্ঞাসিল কোথা ভানুপুর ।
দেখিব তাহার ধাম কপটে বলয়ে শ্রাম
রস লাগি রসিক চতুর ॥

(সিন্ধুড়া)

দেয়াশিনী-বেশে মহলে প্রবেশে
রাধিকায় দেখিবার তরে ।
সুরজ্ঞ চন্দন কপালে লেপন
কুণ্ডল কানেতে পরে ॥
সাজি ধরল বাম করে ।
পিঁধিয়া বিভূতি সাজল মুরতি
রুদ্রাক্ষ জপয়ে করে ॥
কহে জয় দেবী ব্রজপুর সেবি
গোকুল-রক্ষক নীতি ।
গোপ-গোয়ালিনী সুভাগ্য-দায়িনী
পূজ দেবী ভগবতী ॥
আশীর্বাদ শুনি গোপের রমণী
আইলা দেয়াশিনীর কাছে ।
জিজ্ঞাসা করয়ে যত মন লয়ে
বোলে “গোপ ভাল আছে ॥
সবাকার জয় শত্রু হবে ক্ষয়
মনে ভয় না ভাবিবে ।
তোমাদের পতি সুন্দর সুমতি
সবাকার ভাল হবে ॥”
সঙ্কেতে কুটলা আসিয়া জটলা
পড়য়ে চরণ ধরি ।
“আমার বধুর পতির মঙ্গল
বর দেহ কৃপা করি ॥”
শুনি দেয়াশিনী হরষিত বাণী
জটলা-সম্মুখে কয় ।
“বর যে লইবে ভালই হইবে
নিকটে আনিতে হয় ॥”
জটলা যাইয়া আনিল ধরিয়
আপন বধুর হাতে ।
বসিলা হরষে দেয়াশিনী-পাশে
ঘুচায় বসন মাখে ॥

দেখি দেয়াশিনী বলে শুভ বাণী
“সব সুলক্ষণযুতা ।
গন্ধর্ষপাবনী জগততারিণী
রাধা নাম ভানুসুতা ॥”
ধরি ধনির হাতে মনের আকুতে
নিরখে বদন তার ।
দেখিতে দেখিতে আনন্দিত চিন্তে
মদন কৈল বিকার ॥
সাজিটি খুলিয়া ফুলটি তুলিয়া
বাঁধেন নাগরী-চূলে ।
“আনন্দে থাকিবে সকলি পাইবে
কলঙ্ক নহিবে কুলে ॥”
শুনিয়া সুন্দরী কহে ধীরি ধীরি
“এ কথা কহবি মোয় ।
আমার হিয়ার ব্যথাটি ঘুচয়ে
তবে সে জানি যে তোয় ॥”
“একটি শপথি রাখহ যুবতি
কহিতে বাসি যে ভয় ।
পরপতি(১) সনে বেঁধেছে পরাণে
ইহাই দেবত কয় ॥”
হাসিয়া নাগরী চাহে ফিরি ফিরি
“দেয়াশিনী, ঘর কোথা ?”
“আমার ঘর হয় যে নগর
কহিব বিরলে কথা ॥”
সঙ্কেতে বুঝিয়া নয়ন ফিরিয়া
তাক করে এক দিঠে(২) ।
নিরখি বদন চিহ্নল(৩) তখন
শ্রাম নাগর চিটে ॥
ধীরে ধীরে করি বসন সংবরি
মন্দিরে চলিলা লাজে ।
চণ্ডীদাস কয় স্মৃদ্ধি যে হয়
বেকত করয়ে কাজে ॥

(সিন্ধুড়া)

নাগর আপনি হৈলা বণিকিনী
কৌতুক করিয়া মনে ।
চূয়া যে চন্দন আমলকী-বর্তন(৪)
যতন করিয়া আনে ॥

১। পরপুরুষ ।

২। এক দৃষ্টিতে । ৩। চিন্তিতে পারিল ।

৪। বাটা—যাহা পেষন করা হইয়াছে ।

কেশর যাবক কস্তুরী দ্রাবক(১)
 আনিল বেগার জড় ।
 সোকা (২) সুকুম্ম কপূর চন্দন
 আনিল মুখা(৩) শিকড় ॥
 খালিতে করিয়া আনিল ভরিয়া
 উপরে বসন দিয়া ।
 মিছামিছি করি ফিরে বাড়ি বাড়ি
 ভানুর ছয়ায় গিয়া ॥
 চুবক(৪) লইবে ফুকরি কহয়ে
 আইল দাসী যে তবে ।
 “মোদের মহলে আসি দেহ বোলে
 অনেক নিতে যে হবে ॥”
 খালিতে ধরিয়া আসিল লইয়া
 যেখানে নাগরী বসি ॥
 চুয়া সুচন্দন করহ রচন
 বেগ্যানী মনেতে খুণী ॥
 “চন্দন চুবক লইবে কতেক
 জানিতে চাহি যে আমি ।”
 “সকলি লইব বেতন সে দিব
 যতেক আনহ তুমি ॥”
 আমলকী হাতে দিলে যে মাথে
 ঘষিতে লাগিল কেশ ।
 ঘষিতে ঘষিতে শ্রম যে হইল
 নাগরী পাইল ক্রেশ ॥
 সুমধুর বাণী কহে সে বেগ্যানী
 “আমি যে মাখায় ভালে ।
 মোরে বল সখি খানিক আমলকী
 নাখায়ে দিয়ে চুলে ॥”
 বলিয়া বেগ্যানী বসিল আপনি
 চুয়া মাখিবার তরে ।
 চুল যে ঝাড়িয়া হাত নামাইয়া
 মাখায় হৃদয়-পরে ॥
 পরশে নাগরী হইলা আগরী(৫)
 পড়িয়া বেগ্যানী-কোরে ।
 নিন্দ(৬) সে আইল অতি সুখ হইল
 সব শ্রম গেল দূরে ॥
 বেগ্যানী বলে “গেল সে বেলে
 যাইতে চাহি যে ঘরে ।”
 উঠিলা নাগরী বসন সংবরি
 কহে “কি লাগিবে মোরে ॥”

বট(১) আনিবারে কহিলা সখীরে
 শুনিয়া নাগরীরাজে ।
 কহে “না লইব আর ধন নিব
 না কহি তোমারে লাজে ॥”
 “কহ না কেনে কি আছে মনে
 শুনিতে চাহি যে আমি ।
 থাকিলে পাইবে নতুবা যাইবে
 থির হইয়া কহ তুমি ॥”
 বেগ্যানী কহয়ে “হিয়ার ভিতরে
 বড় ধন আছে সেহ ।
 রূপা যে করিয়া বাস উঘারিয়া
 সে ধন আমারে দেহ ॥”
 তখনে নাগরী, বুঝিলা চাতুরি
 হাসিয়া আপন মনে ।
 “গন্ধের বেতন হইল এমন
 জীবন যৌবন টানে ॥
 কর সমাধান বুঝিলাম কান
 আর না বলিব মোরে ।
 এতেক গুণে মারহ পরাণে
 কেবা শিখাইল তোরে ॥
 পরের নারী আশ যে করি
 মরয়ে আপন মনে ।
 কোথা বা হইয়াছে কেবা পাইয়াছে
 না দেখি যে কোন স্থানে ॥”
 চণ্ডীদাস কহে কত ঠাই হয়
 যাহাতে যাহাতে বনে(২) ।
 যৌবন ধনে কিবা বা মানে
 সাঁপে সে প্রাণে প্রাণে ॥

(ধানশী)

শুনিয়া মালার কথা রসিক সুজন ।
 গ্রহ-বিপ্রবেশে যান ভানুর ভবন ॥
 পাঞ্জি লয়ে কক্ষে করি ফিরি ঘারে ঘারে ।
 উপনীত রাই-পাশে ভানুরাজপুরে ॥
 বিশাখা দেখিয়া তবে নিবাস জিজ্ঞাসে ।
 শ্রামল সুন্দর লহ লহ করি হাসে ॥
 বিপ্র কহে ঘর মোর হস্তিনানগর ।
 বিদেশে বেড়িয়ে খাই শুন হে উত্তর ॥
 প্রশ্ন দেখাবার তরে যে ডাকে আমারে ।
 তাহার বাড়ীতে যাই হরষ অন্তরে ॥

১। নির্ঘাস। ২। সুগন্ধ। ৩। মূল।
 ৪। চুয়া। ৫। বিবশ। ৬। নিন্দ্রা।

১। অর্থ—টাকাকড়ি। ২। মিল হয়।

দ্বিজ চণ্ডীদাসে বলে এই গ্রহাচার্য্য ।
প্রশ্নেতে পারগ(১) বড় গণনাতে আৰ্য্য ॥
তোমাদের মনেতে যে আছে সে বলিবে ।
ইহায়ে জড়িয়ে ধর উত্তর পাইবে ॥

কহে চণ্ডীদাসে বাসুলী আদেশে
শুন লো রাজার বিয়ে ।
তোমা অনুগত বঁধুর সঙ্কেত
না ছাড় আপন হিয়ে ॥

(ধানশী)

(তুড়ি)

এক দিন বর নাগর শেখর
কদম্বতরুর তলে ।
বৃকভানুসুতে সখীগণ সাথে
যাইতে যমুনা জলে ॥
রসের শেখর নাগর-চতুর
উপনীত সে পথে ।
শির পরশিয়া বচনের ছলে
সঙ্কেতে করল তাতে ॥
গোধন চালায়ে শিশুগণ লয়ে
গমন করিলা ব্রজে ।
নীর ভরি কুণ্ডে সখীগণ সঙ্গে
রাই আইলা গৃহ-মাঝে ॥

যাইতে জলে কদম্বতলে
ছলিতে গোপের নারী ।
কালিয়া বরণ হিরণ(১) পিধণ(২)
বাকিয়া রহিল ঠারি ॥
মোহন মুরলী হাতে ।
যে পথে যাইবে গোপের বান্দা
দাঁড়াইল সেই পথে ॥
“যাও আন বাটে গেলে এ ঘাটে
বড়ই বাধিবে লেঠা ।”
সখী কহে “নিতি এই পথে যাই
আজি ঠেকাইবে কেটা ?”
হয় বোলাবলি করে ঠেলাঠেলি
হৈল অরাজক পারা ।
চণ্ডীদাস কহে কালিয়া নাগর
ছি ছি ! লাজে মরি মোরা ॥

প্রেমবৈচিত্র্য

(সুহিনী)

পিরীতি বলিয়া এ তিন আখর
ভুবনে আনিল কে ।
মধুর বলিয়া ছানিয়া খাইলু
তিতায়(২) তিতিল(৩) দে(৪) ॥
সই, এ কথা কহন নহে ।
হিয়ার ভিতর বসতি করিয়া
কখন কি জানি কহে ॥
পিয়ার পিরীতি প্রথম আরতি
তাহার নাহিক শেষ ।
পুন নিদারুণ শমন সমান
দয়ার নাহিক লেশ ॥

কপট পিরীতি আরতি বাচায়
মরণ অধিক বাজে ।
লোক চরচায় কুলে(৩) রক্ষা দায়
জগত ভরিল লাজে ॥
হইতে হইতে অধিক হইল
সহিতে সহিতে মনু(৪) ।
কহিতে কহিতে তনু জরজর
পাগলী হইয়া গেহু ॥
এমতি পিরীতি না জানি এ রীতি
পরিণামে কিবা হয় ।
পিরীতি পরম হয় দুঃখময়
দ্বিজ চণ্ডীদাসে কয় ॥

১। উত্তর দানে সমর্থ ।

২। বিষেতে—(পাঠান্তর) ।

৩। তিত্ত হইল । ৪। দেহ ।

১। স্বর্ণবর্ণ । ২। পরিধান—বসন

৩। কুলের খাচার (পাঠান্তর) ।

৪। মনু (পাঠান্তর)—মরিলাম ।

(শ্রীরাগ)

পিরীতি সুখের(১) সাগর দেখিয়া
 নাহিতে নাগিলাম তায় ।
 নাহিয়া উঠিয়া ফিরিয়া চাহিতে
 লাগিল দুখের বায় ॥
 কেবা নিরমিল প্রেম-সরোবর
 নিরমিল তার জল ।
 দুখের মকর ফিরে নিরন্তর
 প্রাণ করে টলমল ॥
 গুরুজন জালা জলের শিহাল(২)
 পড়সী জ্বিল(৩) মাছে ।
 কুল-পানিফল কাঁটা যে সকল
 সলিল বেড়িয়া আছে ॥
 কলঙ্ক-পানায় সদা লাগে গায়
 ছাকিয়া খাইল যদি ।
 অস্তর বাহিরে কুটু কুটু করে
 সুখে দুখ দিল বিধি ॥
 কহে চণ্ডীদাস শুন বিনোদিনী
 সুখ দুখ দুটি ভাই ।
 সুখের লাগিয়া যে করে পিরীতি
 দুখ যায় তার ঠাঞি(৪) ॥

(শ্রীরাগ)

পিরীতি বলিয়া একটি কমল
 রসের সাগর-মাবে ।
 প্রেম-পরিমল লুবধ ভ্রমর
 ধায়ল আপন কাজে ॥
 লমরা জানয়ে কমল-মাধুরী
 তেঁহ(৫) সে তাহার বশ ।
 রসিক জানয়ে রসের চাতুরী
 আনে কহে অপযশ ॥
 সেই, এ কথা বুঝিবে কে ?
 যে জন জানয়ে সে যদি না কহে
 কেমনে ধরিবে দে ॥
 ধরম করম লোক চরচাতে(৬)
 এ কথা বুঝিতে নারে ।
 এ তিন আখর যাহার মরমে
 সেই সে বলিতে পারে ॥

চণ্ডীদাস কহে শুন লো সুন্দরি
 পিরীতি রসের সার ।
 পিরীতি রসের রসিক হইলে
 কি ছার পরাণ তার ॥

(শ্রীরাগ)

পিরীতি পিরীতি কি রীতি মুরতি
 হৃদয়ে লাগয়ে সে ।
 পরাণ ছাড়িলে পিরীতি না ছাড়ে
 পিরীতি গড়ল কে ॥
 পিরীতি বলিয়া এ তিন আখর
 না জানি আছিল কোথা ।
 পিরীতি কণ্টক হিয়ায় ফুটিল
 পরাণপুতলি যথা ॥
 পিরীতি পিরীতি পিরীতি অনল
 দ্বিগুণ জলিয়া গেল ।
 বিষম অনল নিবাইল নহে(১)
 হিয়ায় রছিল শেল ॥
 চণ্ডীদাস-বাণী শুন বিনোদিনী
 পিরীতি না কহে কথা ।
 পিরীতি লাগিয়া পরাণ ছাড়িলে
 পিরীতি মিলয়ে তথা ॥

(শ্রীরাগ)

সেই, পিরীতি আখর তিন ।
 জনম অবধি ভাবি নিরবধি
 না জানিয়ে রাস্তি দিন ॥
 পিরীতি পিরীতি সব জনা কহে
 পিরীতি কেমন রীতি ।
 রসের স্বরূপ পিরীতি মুরতি
 কেবা করে পরতীত ॥
 পিরীতি মস্তুর জপে যেই জন
 নাহিক তার মূল ।
 বঁধুর পিরীতে আপনা বেচিনু
 নিছি(২) দিহু জাতি কুল ॥
 সে রূপ-সায়রে নয়ন ডুবিল
 সে গুণে বান্ধল(৩) হিয়া ।
 সে সব চরিতে ডুবল যে চিতে
 নিবারিব কি বা দিয়া ॥

১। রসের (পাঠান্তর) । ২। শেওলা ।
 ৩। শিকী মাছ । ৪। ঠাই (পাঠান্তর) । ৫।
 তেঁঞি (পাঠান্তর) । ৬। চরচাতে ।

১। নিভালে না নিভায় (পাঠান্তর) ।
 ২। নিঃশেষ করিয়া । ৩। বন্দী—(বাঁধিল) ।

খাইতে খেয়েছি শুইতে শুয়েছি
আছিতে আছিয়ে ঘরে ।
চণ্ডীদাস কহে ইন্দ্রিত পাইলে
অনল দিয়ে ছয়ারে(১) ॥

(ধানশী)

পিরীতি বঙ্গিয়া এ তিন আখর
সিরঞ্জিল কোন ধাতা ।
অবধি জানিতে শুধাই কাহাতে
ঘুচাই মনের ব্যথা ॥
পিরীতি মুরতি পিরীতি রতন
যার চিতে উপজিল ।
সে ধনী কতেক জনমে জনমে
যজ্ঞ করিয়াছিল ॥
সই, পিরীতি না জানে যারা ।
এ তিন ভুবনে জনমে জনমে
কি সুখ জানয়ে তারা ॥
যে জন যা বিনে না রহে পরাণে
সে যে হইল কুলনাশী ।
তবে কেন তারে কলঙ্কিনী বলে
অবোধ গোকুলবাসী ॥
গোকুল নগরে কেবা কি না করে
অবুধ মুঢ় সে লোকে ।
চণ্ডীদাস ভণে মরুক সে জনে
পরচরচায় থাকে ॥

(ধানশী)

সুখের লাগিয়া পিরীতি করিহু
শ্রাম বঁধুয়ার সনে ।
পরিণামে এত দুখ হবে ব'লে
কোন্ অভাগিনী জানে ॥
সই, পিরীতি বিষম মানি ।
এত সুখে এত দুখ হবে ব'লে
স্বপনে নাহিক জানি ॥
কে হেন কালিয়া নিঠুর হইল
কি শেল লাগিল যেন ।
দরশন আসে যে জন ফিরয়ে
সে এত নিঠুর কেন ॥

১। অনল দি ঘর ছারে (পাঠাস্তর)

বল না কি বুদ্ধি করিব এখন
ভাবনা বিষম হৈল ।
হিয়া দগদগি(১) পরাণ পোড়নি
কি দিলে হইবে ভাল ॥
চণ্ডীদাস কহে শুন বিনোদিনি
মনে না ভাবিহ আন ।
তুমি সে শ্রামের সরবস ধন
শ্রাম সে তোমার প্রাণ ॥

(শ্রীরাগ)

সুখের লাগিয়া রন্ধন করিহু
জ্বালাতে জ্বলিল দে ।
স্বাহু নহিল জাতি সে গেল
ব্যঞ্জন খাইবে কে ॥
সই, ভোজন বিশ্বাদ হৈল ।
কাহুর পিরীতি হেন রসবতী
স্বাদ গন্ধ দূরে গেল ॥ ৩ ॥
পিরীতি রসের নাগর দেখিয়া
আরতি বাঢ়াইহু তাতে ।
তবে সে সজনি দিবস রঞ্জনী
অনল উঠিল চিতে ॥
উঠিতে উঠিতে অধিক হইল
পিরীতে ডুবিল দেহ ।
নিমে সুধা দিয়া একত্র করিয়া
ঐছন কাহুর লেহ ॥
চণ্ডীদাস কয় হিয়াম সহস্র
সকলি গরল হৈল ।
কিছু কিছু সুধা বিষগুণা আধা
চিরঞ্জীবী দেহ কৈল ॥

(শ্রীরাগ)

সুখের পিরীতি আনন্দ যে রীতি
দেখিতে সুন্দর হয় ।
মধুর পীষুষে মদন সহিতে
মাখিবে সে রসময় ॥
সই, কিবা কারিগর সে ।
এমত সংযোগে করি অমুরাগে
কেমনে গঠিল দে ॥ ৩ ॥
সাগর মাঝারে থাকয়ে অমিয়া
কেমনে পাইবে সেহ ।

১। দক্ষ ।

মদন মাদন পাইল কোন স্থান
 রসে নিরমিল দেহ ॥
 তিন তিন গুণে বান্ধিলেক ঘুণে
 পাঞ্জর ধসিয়া গেল ।
 যতন করিয়া অবলা বধিতে
 আনিল এমতি শেল ॥
 এমত অকাজ করে কোন্ রাজ
 বুঝিতে নাহিহু মোরা ।
 কুলের ধরমে ত্যজিহু মরমে
 এমতি হউক তারা ॥
 চণ্ডীদাস কয় মিছা গালি হয়
 না দেখি জনেক লোকে ।
 আপনা আপনি কলহ কাহিনী
 আপন মনের সূখে ॥

(শ্রীরাগ)

আপনা খাইহু সোনা যে কিনিহু
 ভূষণে ভূষিত দেহ ।
 সোনা যে নছিল পিতল হইল
 এমতি কামুর লেহ ॥
 সই, মদন সোনারে না চিনে সোনা ।
 সোনা যে বলিয়া পিতল আনিয়া
 গড়ি দিল যে গহনা ॥ ১ ॥
 প্রতি(১)অঙ্গুলীতে বালক দেখিতে
 হাসয়ে সকল লোকে ।
 ধন যে গেল কাজ না হইল
 শেল রহি গেল বৃকে ॥
 যেন মোর মতি তেমতি এ গতি
 ভাবিয়া দেখিহু চিতে ।
 ধলের কথায় পাথারে সঁতারি
 উঠিতে নাহিহু ভিতে ॥
 অভাগিয়া জনে ভাগ্য নাহি জানে
 না পূরয়ে সব সাধ ।
 খাইতে নাহিক ঘরে সাধ বহু করে
 বিহি(২) করে অম্বুবাদ(৩) ॥
 চণ্ডীদাসে কহে বাণুলী-কুপায়ে
 আর নিবেদিব কায় ।
 তবু ত পিরীতি নাহি পায় যদি
 পরাণে মরিয়া যায় ॥

১। পীরীতি ভাঙ্গিতে ও পরিতে অন্ধেতে (পাঠান্তর) । ২। বিধি । ৩। অত্যা—অত্যা প্রকার ।

(শ্রীরাগ)

কামুর পিরীতি চন্দনের রীতি
 ঘষিতে সৌরভময় ।
 ঘষিয়া আনিয়া হিয়ায় লইতে
 দহন(১) দ্বিগুণ হয় ॥
 সই, কে বলে পিরীতি হীরা ।
 সোনায় জড়িয়া, হিয়ায় করিতে
 দুখ উপজিলা ফিরা ॥ ২ ॥
 পরশ-পাথর বড়ই শীতল
 কহয়ে সকল লোকে ।
 মুঞি অভাগিনী লাগিল আগুনি
 পাইহু এতেক দুখে(২) ॥
 সব কুলবতী করয়ে পিরীতি
 এমত না হয় ফারে ।
 এ পাড়া-পড়গী ডাকিনী সদৃশী
 এমত না খায় তারে(৩) ॥
 গৃহের গৃহিনী আর ননদিনী
 বলয়ে বচন যত ।
 কহিলে কি যায় কি করি উপায়
 পরাণে সহিবে কত ॥
 নাম্বুরের মাঠে গ্রামের হাটে
 বাণুলী আছয়ে যথা ।
 তাহার আদেশে কহে চণ্ডীদাসে
 সুখ যে পাইব কোথা ॥

(শ্রীরাগ)

কামুর পিরীতি মরমে বেয়াধি(৪)
 হইল এতেক দিনে ।
 মৈলে কি ছাড়িবে সঙ্গে না যাইবে
 কি না করিব বিধানে ॥
 সই, জীয়েন্তে এমন জালা ।
 জাতিকুলশীল সকলি ডুবিল
 ছাড়িলে না ছাড়ে কালা ॥ ৫ ॥
 শয়নে স্বপনে না করিয়া মনে
 ধরম গণিয়ে থাকি ।
 আসিয়া মদন দেয় কদর্থন(৫)
 অস্তরের জালায় উঁকি ॥

১। দ্বিগুণ জালা যে হয় (পাঠান্তর) ।
 ২। আমি অভাগিনী পিরীতি না জানি এতেক পাইনু শোকে (পাঠান্তর) ।
 ৩। সকলি দোষয়ে মোরে । (পাঠান্তর) ।
 ৪। মরণের সাধা (পাঠান্তর) ।
 ৫। বিড়ম্বনা ।

সরোবর মাঝে মীন যে থাকয়ে
উঠে অগ্নি দেখিবারে ।
ধীবর কাল হাতে লই জাল
তুরিতে কাঁপয়ে তারে ॥
কাহুর পিরীতি কালের বসতি
যাহার হিয়ায় থাকে ।
খলের খলনে জারে(১) সেই জনে
কলঙ্ক ঘোষয়ে লোকে ॥
চণ্ডীদাস মন বাণুলী-চরণ
আদেশ রহক নারি(২) ।
সহিতে সহিতে কিছু না ভাবিয়ে
রহিবে একান্ত করি ॥

(ধানশী)

আমরা সরল পিরীতি গরল
লাগিল অমিয়াময় ।
মহানন্দ রতি বিছুরিহু(৩) পতি
কলঙ্ক সবাই কয় ॥
সই দৈবে হৈল হেন মতি ।
অস্তর জলিল পরাণ পুড়িল
ঐছন পিরীতি-রীতি ॥ ধ্রু ॥
মাটি খেদাইয়া(৪) খাল বানাইয়া
উপরে দেওল চাপ ।
আসে আহাৰ দিয়া মারয়ে বান্ধিয়া
এমন করয়ে পাপ ॥
নৌকাতে চড়াঞা দরিয়াতে লৈঞা
ছাড়য়ে অগাধ জলে ।
ডুব ডুব করে ডুবিয়া না মরে
চলিল আপন ঘরে(৫) ॥
চণ্ডীদাস কয় এমতি সে নয়
তুমি সে ভাবহ তারে ।

(সুহিনী)

শুন সহচরি না কর চাতুরী
সহজে দেহ উত্তর ।
কি জাতি মুরতি কাহুর পিরীতি
কোথায় তাহার ঘর ॥

চলে কি বাহনে ঠিক(১) কোন স্থানে
সৈন্তগণ কেবা সঙ্গে ।
কোন্ অস্ত্র ধরে পারাবার করে
কেমনে প্রবেশে অঙ্গে ॥
পাইয়া সন্ধান হব সাবধান
না লব তাহার বা(২) ।
নয়নে শ্রবণে বচনে ত্যজিব
সোঙরি তাহার পা ॥
সখী কহে সার দেখি নরাকার
স্বরূপ কহিবে কে ।
অনুরাগ ছুরি বৈসে মনোপরি
জাতির বাহির সে ॥
মন তার বাহন রক্ষক মদন
ভাবগণ তার সঙ্গে ।
সুজন পাইলে না দেয় ছাড়িয়ে
পিরীতি অদ্ভুত রঙ্গে ॥
কহে চণ্ডীদাসে বাণুলী-আদেশে
ছাড়িতে কি কর আশ ।
পিরীতি-নগরে বসত করেছ
পরেছ পিরীতি-বাস ॥

(শ্রীরাগ)

বিবিধ কুমুম যতনে আনিয়া
গাঁথিহু পিরীতি-মালা ।
শীতল নহিল পরিমল গেল
জালাতে জলিল গলা ॥
সেই মালী কেন হেন হৈল ।
মালায় করিয়া বিষ মিশাইয়া
হিয়ার মাঝারে দিল ॥
জালায় জলিয়া উঠিল যে হিয়া
আপাদ-মস্তক চুল ।
না শুনি না দেখি কি করিব সখি
আশ্রন হইল ফুল ॥
ফুলের উপর চন্দন লাগল
সংযোগ হইল ভাল ।
তুই এক হৈয়া পোড়াইল হিয়া
পাঁজর ধসিয়া গেল ॥

১। জর্জরিত করে। ২। রজকিনী। ৩।
বিশ্মৃত হইলাম। ৪। কাটাইয়া। ৫। উঠিতে
না পারে কূলে (পাঠান্তর) ॥

১। টিকে (পাঠান্তর)—অবস্থান করে।
২। 'বাদ' বা বার্তা। আবার বাতাস বা
বায়ু এই অর্থেও প্রযুক্ত হইয়াছে ধরা যায় ।

ধসিতে ধসিতে সকলি ধসিল
নির্গম হইল দেহ ।
চণ্ডীদাসে কয় কহিলে না হয়
ঐহন কাহুর লেহ ॥

পিরীতি করিয়া মুখ যে পাইব
শুনিহু সখীর মুখে ।
অমিয়া বলিয়া গরল কিনিয়া
থাইহু আপন মুখে ॥

(শ্রীরাগ)

ভুবন ছানিয়া যতন করিয়া
আনিহু প্রেমের বীজ ।
রোপণ করিতে গাছ সে হইল
সাধল মরণ নিজ ॥
সই প্রেম-তনু কেন হৈল ।
হাম অভাগিনী দিবস রজনী
সিঁচিতে জন্ম গেল ॥

অমিয়া হইত স্বাদু লাগিত
হইল গরল ফলে ।
কাহুর পিরীতি শেষে হেন রীতি
জানিহু পুণ্যের বলে ॥
যত মনে ছিল সকলি পুরিল
আর না চাহিব লেহা(১) ।
চণ্ডীদাস কহে পরশন বিনে
কেমনে ধরিব দেহা ॥

‘রাসলীলা’

(ধানশী)

শারদ পূর্ণিমা নিরমল রাত্তি
উজর(১) সকল বন ।
মল্লিকা মালতী বিকসিত তথি
মাতল ভ্রমরাগণ ॥
তরুকুল ডাল ফুল ভরি ভাল
সৌরভে পুরিল তায় ।
দেখিয়া সে শোভা জগমনোলোভা
ভুলিল নাগর রায় ॥
নিধুবনে আছে রতন-বেদিকা
মণিমাণিক্যেতে বাঁধা ।
ফটিকের তরু শোভিয়াছে চারু
তাহাতে হীরার ছাদা(২) ॥
চারিপাশে সাজে প্রবাল মুকুতা
গাঁথনি আঁটনি কত ।
তাহাতে বেড়িয়া কুঞ্জ-কুটীর
নিরমাণ শত শত ॥
নেতের(৩) পতাকা উড়িছে উপরে
কি তার কহিব শোভা ।
অতি রম্যস্থল দেব-অগোচর
কি কহিব তার আভা ॥

মাণিকের ঘটা কিরণের ছটা
এ মতি মগুপ-ঘর ।
চণ্ডীদাস বলে অতি অপরূপ
নাহিক তাহার পর(২) ॥

(কামোদ)

রমণী-মোহন বিলসিতে মন
হইলে মরমে পুনি(৩) ।
গিয়া বৃন্দাবনে বসিলা যতনে
রমিতে বরজ-ধনী(৪) ॥
মধুর মুরলী পুরে বনমালী
রাধা রাধা বলি গান ।
একাকী গভীর বনের ভিতর
বাজায় কতক তান ॥
অমিয়া নিছনি বাজিছে সঘন
মধুর মুরলী গীত ।
অবিচল কুল(৫) রমণী সকল
শুনিয়া হর'ল(৬) চিত ॥

১। উজ্জ্বল। ২। ছাদ—আচ্ছাদন।
৩। রেশমী বস্ত্রের।

১। ‘চরণ’ এই অর্থে। ২। তুলনা।
৩। পুনঃ ৪। ব্রজনারী।
৫। যে কুলে কুলটা নাই।
৬। হারাইল।

শ্রবণে যাইয়া রহল পশিয়া
বেকতে(১) বাজিছে বাঁশি ।
আইস আইস বলি ডাকয়ে মুরলী
যেন ভেল সুখরাশি ॥
আনন্দ অবশ পুলক মানস
সুকুমারী ধনী রাধে ।
গৃহকর্ম যত হৈল বিসরিত (২)
সকল করিল বাধে ॥
রাইয়ের অগ্রেতে যতেক রমণী
কহয়ে মধুর বাণী ।
ওই ওই শুন কিবা বাজে তান
কেমনে করিছে প্রাণী ॥
সহিতে না পারি মুরলীর ধনি
পশিল হিয়ার মাঝে ।
বরজ তরুণী (৩) হইল বাউরী(৪)
হরিল কুলের লাঞ্জে ॥
কেহ পতি সনে আছিল শয়নে
ভ্যজিয়া তাহার সঙ্গ ।
কেহ বা আছিল সখার সহিত
কহিতে রভস-রঙ্গ ॥
কেহ বা আছিল দুগ্ধ আবর্তনে
চূলাতে রাখি বেসালি(৪) ।
ভ্যজি আবর্তন হই আগুয়ান
ঐছন সে গেল চলি ॥
কেহ শিশু লয়ে কোলেতে করিয়ে
দুগ্ধ করায় পান ।
শিশু ফেলি ভূমে চলি গেল লয়ে
শুনি মুরলীর গান ॥
কেহ বা আছিল শয়ন করিয়া
নয়নে আছিল নিদ(৬) ।
যেমন চোরাই হরণ করিল
মানসে কাটিল সিঁদ ॥
কেহ বা আছিল রক্ষন করিতে
তেমনি চলিয়া গেল ।
কুকুমুখী হইয়া মুরলী শুনিয়া
সব বিসরিত ভেল ॥

১। ব্যক্তে—স্পষ্ট ধনিত্তে ।

২। বিস্মৃত ।

৩। ব্রজনারী ।

৪। পাগলিনী (গ্রামে শব্দ) ।

৫। দুধ জাল দিবার পাত্র ।

৬। নিদ্রা ।

সকল রমণী ধাইল অমনি
কেহ কাহা নাহি মানে ।
যমুনার কুলে কদম্বের মূলে
মিলল শ্রামের সনে ॥
ব্রজনারীগণে দেখিয়া তখন
হাসিয়া নাগররায় ।
রাস-বিলসন করল রচন
দ্বিজ চণ্ডীদাস গায় ॥

(সুহই)

কদম্বের বন হইতে কিবা শব্দ আচম্বিতে
আসিয়া পশিল মোর কানে ।
অমৃত নিছিয়া ফেলি কি মাধুর্য্য পদাবলী
কি জানি কেমন করে মনে(১) ॥
সখি রে । নিশ্চয় করিয়া কহি তোরে ।
হাহা কুলাঙ্গনাগণ গ্রহিবারে(২) ধৈর্য্যগণ
যাহে হেন দশা হৈল মোরে ॥
শুনিয়া ললিতা কহে অণু কোন শব্দ নহে
মোহন মুরলীধ্বনি এহ ।
সে শব্দ শুনিয়া কেনে হৈলা তুমি বিমোহনে
রহ নিজ চিত্ত ধরি খেহ(৩) ॥
রাই কহে কেবা হেন মুরলী বাজায় যেন
বিষামৃতে একত্র করিয়া ।
জল নহে হিমে জম্বু কাঁপাইছে সব তম্বু
শীতল করিয়া মোর হিয়া ॥
অশ্রু নহে মনে কুটে কাটারিতে যেন কাটে
ছেদন না করে হিয়া মোর ।
তাপ নহে উষ্ণ অতি পোড়ায় আমার মতি
চণ্ডীদাস ভাবি না পায় ওর ॥

রসোদগার

[রাইয়ের উক্তি]

(ললিত)

আজুক শয়নে ননদিনী সনে
শুতিয়া আছিহু সই ।
যে ছিল মরমে বধুর ভরমে
মরম তোমারে কই ॥

১। প্রাণে (পাঠান্তর) ।

২। বিলুপ্ত করিতে ।

৩। নিজের চিত্ত স্থির করিয়া থাক ।

নিদের আলসে বঁধুয়া ধাধসে(১)
 তাহারে করিহু কোরে ।
 ননদী উঠিয়া রুঘিয়া বলিছে
 বঁধুয়া পাইলি কারে ॥
 এত টীট পনা জানে কোন জনা
 বুঝিহু তোমারি রীতি ।
 কুলবতী হইয়া পরপতি লৈয়া
 এমতি করহ নিতি ॥
 যে শুনি শ্রবণে পরের বদনে
 নয়ানে দেখিহু তাই ।
 দাদা ঘরে এলে করিব গোচরে
 ক্ষণেক বিরাজ রাই ॥
 নিঠুর বচনে কাঁপিছে পরাণে
 মরিয়া রহিহু লাজে ।
 ফিরাইয়া আঁখি গরবেতে(২) থাকি
 সঘনে আমারে যজে (৩) ॥
 এক হাতে সখি কচালিয়া আখী
 নয়ানে দেখি যে আর ।
 চণ্ডীদাস কয় কিবা কুল-ভয়
 কাহুর পিরীতি যার ॥

(ললিত)

আর এক দিন সখি শুতিয়া আছিহু ।
 বঁধুয়ার ভরমে ননদী কোরে নিহু ॥
 বঁধু নাম শুনি সেই উঠিল রুঘিয়া ।
 কহে তোর বঁধু কোথা গেল পলাইয়া ?
 সতী কুলবতী কুলে জালি দিলি আগি (৪) ।
 আছিল আমার ভালে তোর বধভাগী ॥
 শুনিয়া বচন তার অধির পরাণী ।
 কাঁপয়ে শরীর দেখি আঁখির তাজনি (৫) ॥
 কেমনে এড়াব সখি তাপিনীর (৬) হাতে ।
 বনের হরিণী থাকে কিরাতের সাতে ॥
 দ্বিজ চণ্ডীদাসে বলে পিরীতি এমতি ।
 যার যত জালা তার ততই পিরীতি ॥

১। বঁধুর ভ্রমে অর্থাৎ বঁধু মনে করিয়া ।

২। গরবখাকি (পাঠান্তর) অর্থাৎ যে নারী
 আপনার গর্ভ খাইয়াছে—গৌরব নষ্ট করিয়াছে
 (গোলাগালি বিশেষ) ।

৩। গর্জন করে (ভৎ সনা করে) ।

৪। আগুন । ৫।

৬। সাপিনীর (পাঠান্তর) ।

পরাণ-বঁধুকে স্বপনে দেখিহু
 বসিয়া শিয়র-পাশে ।
 নাসার বেশর(১) পরশ করিয়া
 ঈষৎ মধুর হাসে ॥
 পিঙ্গল বরণ বসনখানি
 মুখানি আমার মুছে ।
 শিখান(২) হইতে মাথাটি বাহুতে
 রাখিয়া শুভল কাছে ॥
 মুখে মুখ দিয়া সমান হইয়া
 বঁধুয়া করল কোলে !
 চরণ উপরে চরণ পসারি
 পরাণ পাইহু বোলে ॥
 অঙ্গ পরিমল সুগন্ধি চন্দন
 কুমুম কস্তুরী পারা ।
 পরশ করিতে রস উপজিল
 জাগিয়া হইহু হারা ॥
 কপোত পাখীরে চকিতে বাঁটুল
 বাজিলে (৩) যেমন হয় ।
 চণ্ডীদাস কহে এমতি হইলে
 আর কি পরাণ রয় ॥

(গান্ধার)

সাত পাচ সখী সঙ্গে বসিয়াছিলাম রঞ্জে
 হেন কালে পাপ ননদিনী ।
 দেখিয়া আমাকে তার কাছে ডাকে
 আইসহ শ্রাম-গোহাগিনী ॥
 রাধা বিনোদিনী তোমারে বলিতে কি ?
 দুই চারি দিন আমিই(৪) ও কথা
 কানেতে শুনিয়াছি ॥
 তুমি কোন দিনে যমুনা-সিনানে
 গিয়াছিলে নাকি একা ?
 শ্রামের সহিতে বদনতলাতে
 হৈয়াছিল না কি দেখা ?
 সেই দিন হৈতে সেই ত পথেতে
 করে নিতি আনাগোনা ।
 রাধা রাধা বলি বাজায় মুরলী
 তেই(৫) হইল জানা-শুনা ॥

১। নাকের অলঙ্কার বিশেষ । ২। শিয়র ।

৩। আঘাত করিলে ।

৪। আমি নিজেও ।

৫। তাহা হইতে ।

যে দিন দেখিব আপন নয়নে
 তাগজে কহিতে কথা ।
 কেশ ছিঁড়ি বেশ দূরে তেয়াগিব
 ভাঙ্গিব বাড়িয়া মাথা ॥
 এ কি পরমাদ দেয় পরিবাদ
 এ ছার পাড়ার লোকে ।
 পর-চরচায় যে থাকে সদায়
 সাপে থাক তার বৃকে ॥
 গোকুল নগরে গোপের মাঝারে
 এত দিন বসি(১) মোরা ।
 কভু না জানিহু কভু না শুনিহু
 শ্রাম কালো নাকি গোরা ॥
 বড়য়ার বিয়ারী বড় নাম ধরি
 তাহে বড়য়ার বউ ।
 নিরমল কুলে এ কথা যে তুলে
 সে নারী গরল খাউ ॥
 চিত দড় করি থাক লো সুন্দরি
 যেন মন নাছি টলে ।
 কাহার কথায় কার কিবা হয়
 বড়(২) চণ্ডীদাস বলে ॥

(সুহই)

এক দিন যাইতে ননদিনী সনে ।
 শ্রাম বঁধুর কথা পড়ি গেল মনে ॥
 ভাবে ভরল মন চলিতে না পারি ।
 অবশ হইল তনু কাঁপে থরহরি ॥
 কি করিব সখি সে হইল বড় দায় ।
 ঠেকিহু বিপাকে আর না দেখি উপায় ॥
 ননদী বোলয়ে হেলো কি না তোমর হইল ?
 চণ্ডীদাস বলে উহার কপালে যা ছিল ॥

(শ্রীরাগ)

আমার পিয়ার কথা কি কইব সই ।
 যে হয়, তাহার চিতে স্বতস্তুরী(৩) নই ॥
 তাহার গলার ফুলের মালা
 আমার গলায় দিল ।
 তার মত মোরে করি
 সে মোর মত হইল ॥

১। বাস করি ।
 ২। দ্বিজ (পাঠান্তর)
 ৩। ছাড়া, বিচ্ছিন্না ।

তুমি সে আমার প্রাণের অধিক
 তেঞি সে তোমায়ে কহি ।
 এ যে কাজ কহিতে লাজ
 আপন মনেই রহি ॥
 তাহার প্রেমের বশ হইয়া
 যে কহে তাহাই করি ।
 চণ্ডীদাস কহয়ে ভাষ
 বালাই লইয়া মরি ॥

(সিকুড়া)

কোন পিরীতি কভু দেখি নাই শুনি ।
 নিমিখে(১) মানয়ে যুগ কোরে(২) দূর মানি ॥
 সম্মুখে রাখিয়া করে বসনের বা ।
 মুখ ফিরাইলে তার ভয়ে কাঁপে গা ॥
 এক তনু হইয়া মোরা রজনী গোড়াই(৩) ।
 সুখের সাগরে ডুবি অবধি না পাই ॥
 রজনী প্রভাত হৈলে কাতর হিয়ায় ।
 দেহ ছাড়ি যেন মোর প্রাণ চলি যায় ॥
 সে কথা কহিতে সই বিদরে পরাণ ।
 চণ্ডীদাস কহে ধনী সব পরমাণ ॥

(সিকুড়া)

“আমি যাই যাই” বলি বোলে তিন বোল ।
 কত না চুম্বন দেই কত দেই কোল ॥
 পদ আধ যায় পিয়া চায় পালটিয়া ।
 বয়ান নিরখে(৪) কত কাতর হইয়া ॥
 করে কর ধরি পিয়া শপথি দেয় মোরে ।
 পুনঃ দরশন লাগি কত চাটু বোলে ॥
 নিগূঢ় পিরীতি পিয়ার আরতি বহ ।
 চণ্ডীদাস কহে হিয়ার মাঝারে রহ ॥

(মল্লার)

এ ঘোর রজনী মেঘের ঘটা
 কেমনে আইল বাটে ।
 আঙ্গিনার মাঝে বঁধুয়া ভিজিছে(৫)
 দেখিয়া পরাণ ফাটে ॥

১। নিমেষে । ২। কোলে ।
 ৩। যাপন করি । ৪। নিরীক্ষণ করে ।
 ৫। পাঠান্তর—“আঙ্গিনার কোণে তিত্তিছে
 বঁধুয়া”

সই, কি আর বলিব তোরে ।

বহু পুণ্যফলে সে হেন বঁধুয়া
আসিয়া মিলিল মোরে ॥

ঘরে গুরুজন ননদী দারুণ
বিজ্ঞে বাহির হৈছু ।

আহা মরি মরি সঙ্কত করিয়া
কত না যাতনা দিছু ॥

বঁধুর পিরীতি আরতি দেখিয়া
মোর মনে হেন করে ।

কলঙ্কের ডালি মাথায় করিয়া
আনল ভেজাই(১) ঘরে ॥

আপনার দুখ সুখ করি মানে
আমার দুখের দুখী ।

চণ্ডীদাস কহে বঁধুর পিরীতি
শুনিয়া জগৎ সুখী ॥

(বিভাস)

* শ্যামলা বিমলা মঙ্গলা অবলা
আইল রাইয়ের পাশে ।

যদি স্বতন্ত্রে তথাপি রাখারে
পরান অধিক বাসে(২) ॥

দেখি সুবদনী উঠিলা অমনি
মিলিল গলায় ধরি ।

কত না যতনে রতন আসনে
বসায় আদর করি ॥

রাই মুখ দেখি হৈয়া মহাসুখী
কহয়ে কোতুক কথা ।

রজনী-বিলাস শুনিতে উল্লাস
অমিয় অধিক গাঁথা ॥

হাস পরিহাসে রসের আবেশে
মগন হইল রাখা ।

চণ্ডীদাস বাণী নিশির কাহিনী
শুনিতে লাগয়ে গাধা ॥

১। পাঠাই—এখানে “অনল প্রদান করি” এই
অর্থে ।

* পদকল্পতরুতে এই পদটিকে জ্ঞানদাসের
ভণিতায় আমরা পাই—

“জ্ঞানদাস কহে এ দোষ কাহার
দৈবে সে না ভেল সঙ্গ ॥

এই পদটি সন্দেহজনক, সম্ভবতঃ চণ্ডীদাস ইহার
রচয়িতা নহেন ।

২। ভালবাসে ।

(বিভাস)

একলি মন্দিরে আছিল সুন্দরী
কোরছি শ্যামচন্দ(১) ।

তবহু তাহার পরশ না ভেল
এ বাড়ি মরম ধন্দ ॥

সজনি, পাওল পিরীতি ওর ।
শ্যাম সুন্দর পিরীতি-শেখর

কঠিন হৃদয় তোর ॥
কন্তুরী চন্দন অঙ্গের ভূষণ

দেখিতে অধিক জোর ।
বিবিধ কুসুমে বাঁধিল কবরী

শিথিল না ভেল তোর ॥
বয়ান কমল বিমল মধুর

না ভেল মধুপ সাধ ।
পুছইতে ধনি হেরসি ধরণী

হাসি না কহসি বাত ॥
বিয়ে রতিপতি বসতি বিষয়

তেজিয়া দেওলি(২) ভঙ্গ ।
চণ্ডীদাস কহে এ দোষ কাহার

দৈবে সে না ভেল সঙ্গ ॥

(সওয়ারী)

নিতুই নূতন পিরীতি দুজন
তিলে তিলে বাড়ি যায় ।

ঠাঞি নাহি পায় তথাপি বাড়ায়
পরিণামে নাহি ক্ষয় ॥

সখি হে অদ্ভুত দুই প্রেম ।
এত দিন ঠাঞি অবধি না পাই

ইথে কি কবিল হেম ॥
উপমার গণ সব কৈল আন

দেখিতে শুনিতে ধন্দ ।
এ কি অপরাধ তাহার স্বরূপ

সবারে করিল অন্ধ ॥
চণ্ডীদাস কহে দুই সম নহে

এখানে সে বিপরীত ।
এ ভিন ভুবনে হেন কোন্ জনে

শুনি না দরবে(৩) চিত ॥

১। কোলে শ্যামচাঁদ ।

২। দেখলি ।

৩। দ্রবীভূত হয় ।

(সুহই) .

এমন পিরীতি কভু দেখি নাই শুনি ।
 পরাণে পরাণ বাঁধা আপনা আপনি ॥
 দুহুঁ কোরে দুহুঁ কাঁদে বিচ্ছেদ ভাবিয়া ।
 তিল আধ না দেখিলে যায় যে মরিয়া ॥
 জল বিহু মীন জহু কবল(১) না জীয়ে ।
 মাহুষে এমন প্রেম কোথা না শুনিয়ে ॥
 ভাহু কমল বলি, সেহ হেন নহে ।
 হিমে কমল মরে ভাহু সুখে রহে ॥
 চাতক জলদ কহি, সে নহে তুলনা ।
 সময় নহিলে সে না দেয় এক কণা ॥
 কুসুমের মধুপ কহি, সে নহে তুল ।
 না আইলে ভ্রমর আপনি না যায় ফুল ॥
 কি ছার চকোর চাঁদ দুহুঁ সম নহে ।
 ত্রিভুবনে হেন নাহি চণ্ডীদাস কহে ॥

(সুহই)

একে কুলবতী ধনী তাহে সে অবলা ।
 ঠেকিল বিষম প্রেমে কত সবে জালা ॥
 অকথন বেয়াধি এ কহন(২) নাহি যায় ।
 যে করে কাহুর নাম ধরে তার পায় ॥
 পায়ে ধরি কাঁদে সে চিকুর গড়ি(৩) যায়
 সোনার পুতুলি যেন ভূমেতে লোটায় ॥
 পুছয়ে কাহুর কথা ছল ছল আঁখি ।
 কোথায় দেখিলা শ্রাম কহ দেখি সখি ॥
 চণ্ডীদাস কহে কাঁদ কিসের লাগিয়া ।
 সে কালা আছয়ে তোর হৃদয়ে জাগিয়া ॥

(সুহই)*

রসেতে আবেশ হয়ে শ্রামচাঁদের মুখ চেয়ে
 কহিছেন রসবতী রাধা ।
 ধর মোর বেসর ধর আপন আঁচরে(৪) ভর
 করের মুরলী রাখ বাক্সা ॥

১। কখনও ।

২। কহা (পাঠান্তর) ।

৩। গড়াগড়ি ।

* আমরা এই অধ্যায়ে এমন কতকগুলি পদ
 দেখিতে পাই, যাহাতে রাই-কাহুর অপূর্ক প্রেমবর্ণনা
 করা হইয়াছে, উহা সখীদের উক্তি বলিয়াই ধরিয়া
 লওয়া চলে ।

৪। অঞ্চলে ।

হারিলে বেসর(১) দিব জিনিলে মুরলী নিব
 আর নিব তোমার হাতের বাঁশী ।
 তোমারে জিনিয়া লব আপন হৃদয়ে থোব
 নতুবা হইব তোমার দাসী ॥
 শ্রাম কহে হাসি হাসি আমার মোহন বাঁশী
 পাষণ বিদরে যার গানে ।
 কত গুণের বাঁশী মোর কত ধনের বেসর তোর
 সমান করহ কোন্ গুণে ॥
 রাই কহে শুন শ্রাম বেসর যাহার নাম
 দোলয়ে নাসিকা-মুখ মাঝে ।
 যার রূপে মুখ আলা(২) আপনি ভুলেছে কালা
 হেন ধন নিন্দ কোন্ লাজে ॥
 তোমার বাঁশরী-গানে বধিলে অবলা প্রাণে
 এবে সে ঠেকেছ রাধার হাতে ।
 চণ্ডীদাসেতে কয় বাঁশী গেলে প্রাণ রয়
 খল বাঁশী না রাখিও হাতে ॥

(কামোদ)*

রমণী-মোহন রমণী মোহিতে
 সে দিনে করল বেশ ।
 চুড়ার টালনি কিবা সে বাক্সবী
 বিচিত্র সুচারু কেশ ॥
 মণি-হেম-মালে বেড়িয়া দুধারে
 তাহাতে মুকুতার মাল ।
 প্রবাল গাঁথিয়া তাহে থরি দিয়া
 দেখ না শোভিছে ভাল ॥
 নব নব ফুলে মল্লিকার মালে
 ভ্রমরা ধাওল কোটি ।
 পরিমল আশে উড়ি বৈসে তাহে
 কিবা তাহে পরিপাটী ॥
 দু'কানে শোভিত কদম্বের ফুল
 কি শোভা কহিব তায় ।
 ময়ূর-শিখণ্ড বালমল করে
 তাহা সে উড়িছে বায় ॥
 নাগর চরণ যেন নবঘন
 অঙ্গন গণিয়ে কিসে ।
 ভাঙ ধমুবাণে কামের কামানে
 রমণী হানিয়ে জিসে ॥

১। নাকের অলঙ্কার । ২। উজ্জল ।

* নীলরতন বাবুর "চণ্ডীদাস" পুস্তকে এই
 পত্রটিকে "পালা" খেলার পদপর্যায়ভুক্ত করা
 হইয়াছে ।

মন্দ মন্দ হাসি করে লয়ে বাঁশী
 যুগমদ মাথা গায় ।
 সোনার বরণ নানা আভরণ
 রতন-নুপুর পায় ॥
 রমণী-রমণ করিতে যতন
 নাগর শেখর রায় ।
 এমন মুরতি সুখের আরতি
 দ্বিজ চণ্ডীদাস গায় ॥

(কানাড়া)

মোহন মুরতি কান ।
 অবলা কি রহে প্রাণ ॥
 চূড়ায় ময়ূরের পাখা ।
 তাহে ইন্দ্রধনু দেখা ॥
 তা দেখি রমণী জিয়ে ।
 নব মধু যেন পিয়ে ॥
 হাসির হিল্লোলে তারা ।
 অমিয়া বরিখে ধারা ॥
 নবীন চাতক যেন ।
 ঘন রস পিয়ে ঘন ॥
 চাহনি চঞ্চল স্বরে ।
 তারা কি রহিব ঘরে ॥
 নব নব বেশ খানি ।
 রহিব কোন্ বা ধনী ॥
 মুরলী অপার গান ।
 পাষণ গলিয়া যান ॥
 সে নব চলন গতি ।
 মদন মোহিত তথি ॥
 চণ্ডীদাস রূপ হেরি ।
 মূর্ছিত ধরণী পড়ি ॥

(সুহই)

বেশ সে সুবেশ অতি মনোহর
 মোহিতে অবলাগণে ।
 নানা আভরণ করিল শোভন
 জননী নাহিক জানে ॥
 নিভূতে উঠিয়া নাগর শেখর
 তেজিয়া আনহি কাজ ।
 চলিলা সত্বরে বাঁশী লয়ে করে
 নানা বেশ ফুল সাজ ॥

চলিতে গমন মদমত্ত হাতী
 অক্ষুশ নাহিক মানে ।
 মদন-বেদন উপজে তখন
 আপন পর কি জানে ॥
 মনসিঙ্গ-শরে বিক্ষিপ্ত ধামুকী
 আর কি চেতন রহে ।
 নিবারণ নহে মরম-বেদন
 মনহি মাঝারে বহে ॥
 বরজ-রমণী রমণ কারণ
 চলিলা গভীর বনে ।
 এই রসতত্ত্ব সঙ্কত বেকত
 কেহ ত নাহিক জানে ॥
 প্রবেশ করল বৃন্দাবন মাঝে
 দেখিয়া নিভূত স্থান ।
 রতন-বেদিকা অতি সুশোভিত
 বৈঠল নাগর কান ॥
 চণ্ডীদাস কহে অপরূপ রাস
 বিহার করল কাশু ।
 রসসুখ-রতি করিতে পিরীতি
 শুধুই রসের তহু ॥

(জয়শ্রী)

যমুনার তট অতি রম্য স্থল
 রতন-বেদিকা তায় ।
 নানা তরুবর পুষ্প বিকসিত
 নানা পক্ষী গুণ গায় ॥
 তরুগণ যত ফুলতরে তারা
 লসিত ধরণীতলে ।
 মধু ঝরে কত দেখহ বেকত
 মধুকর লমে ডালে ॥
 ময়ূর ময়ূরী নাচে ফিরি ফিরি
 পেকম ধরিয়া তারা ।
 চাতক চাতকী ডালক ডালকী
 হংস জোড়ে ডাকে তারা ॥
 যমুনার নীরে জলধরে
 সফরী ফিরিছে তায় ।
 নানা পুষ্প ফুটে পঙ্কজ
 মধুকর মধু খায় ॥
 চণ্ডীদাস কহে কিবা সুখময়
 নিভূত সুচারু বনে ।
 সেখানে একাকী বৈঠল নাগর
 এ কথা কেহ না জানে ॥

(কাফি)

নিভু নিকুঞ্জ

মণিমাণিকের স্তম্ভ ।

রতন-জড়িত

পরশ-পাথর

অতি অমুপম রত্ন ॥

উপরে জড়িত

হেম-মরকত

মুকুর কিসে বা গণি ।

চারি পাশে শোভে

মুকুতা প্রবাল

গাঁথিয়া মাণিক মণি ॥

ঝালর ঝলকে

অতি মনোহর

ঐছন কুটার শোভে ।

নেতের পতাকা

উড়ে অমুপম

কুটার উপরে দিয়া ।

শত শত কোটি

এ কুঞ্জ-কুটার

সকল তাহার ছায়া ॥

বৈঠল নাগর

চতুর-শেখর

চতুর নাগর কান ।

এমন আনন্দ

দেখিয়া সে কুঞ্জ

চণ্ডীদাস গুণ গান ॥

(কাফি)

টল টল টল

অতি মনোহর

শরত পূর্ণিমার শশী ।

নটবর কামু

মুরলী বদনে

সদলে কুটারে বসি ॥

কলরব কর

যত পাখীগণ

ময়ূর ময়ূরী নাচে ।

ভ্রমর ভ্রমরী

ঝঙ্কার শব্দে

ডাকছে ডাকিছে সাধে ॥

মদন-বেদন

নন্দের নন্দন

করিতে রসের লীলা ।

নিভুতে বসিয়া

নাগর রসিয়া

কামেতে হইয়া ভোলা ॥

বদনে ভূষণ

মুরলী বদন

বাজয়ে কতক তান ।

সঙ্কেত নিশান

বাজে আনতান

ছুটল পঞ্চম গান ॥

প্রিয় রাধা বলি

ডাকিছে মুরলী

শুনিহু শ্রবণে যবে ।

যত গোপনারী

আন নহে কিছু

কাননে চলহ তবে ॥

বিঙ্কল মরমে

হিয়া আনচান

কহিতে কাহারে নারে ।

মনের বেদন

নহি জানে আন

শুনি মন হিয়া বুঝে ॥

শুনিতে মুরলী

যেমত পাগলী

বনের হরিণী প্রায় ।

ব্যাধ-বাণ খেয়ে

ধাওল(১) হইয়া

চারিদিকে যেন চায় ॥

চণ্ডীদাস বলে

ব্রজজনা চিত

আকুল হইয়া গেল ।

নাহি আন কথা

পাই হিয়া ব্যথা

কি বুদ্ধি করিব বল ॥

(ধানশী)

শুন গো মরম সখী ।

ঐ শুন শুন

মধুর মুরলী

ডাকয়ে কমল-আঁখি ॥

ধৈর্য না ধরে

প্রাণ কেমন করে

ইহার উপায় বল ।

আর কিয়ে জীব

গোপের রমণী

বন্দাবনে যাব চল ॥

এই অমুমান

করে গোপীগণ

শুনি সে বাঁশীর গীত ।

শুধু তমু দেখ

এই তমু মোর

তথায় আছয়ে চিত ॥

মুগধ রমণী

কুলের কামিনী

না জানে আপন পথ ।

যেমন চাঁদের

রসের পরশ

চকোর অমুহি রথ ॥

সে জন পাইলে

চাঁদের স্মৃতি

সুখের নাহিক ওর ।

কতক্ষণে মোরা

ভেটব নাগর

পাবহ(২) তাকর(৩) কোর(৪) ॥

যেন মেঘরস(৫)

তাহাতে আবেশ

চাতক না পায় বারি ।

সে জন পিয়ারে

না পায় আবেশে

সে জন হতাশে মরি ॥

জলের আবেশে

চাতক ঝরয়ে

তেমনি আমরা হই ।

তবে সে জীয়ই

অধীর রমণী

জলদ গতিক সেই ॥

১। ঘাউল (পাঠান্তর)—কতাক । ২। পাইব । ৩। তাহার । ৪। কোল । ৫। বারিবিন্দু ।

চণ্ডীদাস বলে চলহ নিকুঞ্জে
ভেটিতে নাগর কান ।
ঐ শুন বাঁশী বাজে এই নিশি
স্বরিতে চলিয়া যান ॥

(শ্রীরাগ)

কি করিতে পারে গুরু দুরজন
হয় হুটু অপযশ ।
চল চল যাব শ্যাম দরশনে
ইথে কি আনের বশ ॥
যা বিনে না জীয়ে তাঁখির পলক
তিলে কত যুগ মানি ।
সে জন ডাকিতে মূলী সঙ্কেতে
স্বরিতে গমন মানি(১) ॥
কেহ বলে শুন আমার বচন
রহিতে উচিত নহে ।
চল চল চল যাব বৃন্দাবনে
মোর মন হেন লয়ে ॥
কোন গোপী ছিল গৃহ পরিবারে
করিতে গৃহের কাজ ।
গৃহ-কাজ ত্যজি চলিলা তখনি
যেমত আছিল সাজ ॥
কোন গোপী ছিল দুগ্ধ আবর্তনে
ত্যজিল দুগ্ধের খুরি ।
আবেশে দুগ্ধেতে ঢালিয়া দিয়াছে
গাগরি ভরিয়া বারি ॥
চলিল স্বরিতে সব তেয়াগিয়া
দুগ্ধ আবর্তন ছাড়ি ।
বৃন্দাবন-মুখে তখনি চলিলা
রহল তেমতি পড়ি ॥
কোন গোপী ছিল রন্ধন করিতে
শুধুই হাঁড়িতে জাল ।
আনহি(২) ব্যঞ্নে আনহি দেওল
আনহি হাঁড়িতে ঝাল ॥
রন্ধন উপেখি(৩) চলে সেই সখী
শ্রবণে শুনিয়া বাঁশী ।
চণ্ডীদাস কহে আবেশে গমন
হইবে উখল হাসি(৪) ॥

১। উচিত বলিয়া বিবেচনা করি ।

২। অণু ।

৩। উপেক্ষা করিয়া ।

৪। 'হয় হুটু কুল হাসি' (পাঠান্তর)

(শ্রীরাগ)

কেহ বা আছিল শিশু কোলে করি
পিয়াইতে আছিল স্তন ।
দুগ্ধপোষ্য বালা ভূমে ফেলি গেলা
ঐহন তাহার মন ॥
চলিলা গমন সেই বৃন্দাবন
কান্দিতে লাগিল শিশু ।
তেমতি চলিল সব পরিহরি
চেতনা নাহিক কিছু ॥
কোন জন ছিল পতির শয়নে
ঘুমে অচেতন হৈয়া ।
হেন বোল শুনি মুরলীর ধনি
উঠিল চেতনা পায়া ॥
বিচিত্র বসনে মুখানি মুছিয়া
চলল পতির ত্যজি ।
পতি-কোল সেই ত্যজিল তখনি
চলল বনেতে সাজি ॥
কোন গোপী ছিল কোন আরম্ভণে
ত্যজিয়া তগনি চলে ।
রসের আবেশে কিছু নাহি জানে
কারে কিছু নাহি বলে ॥
কোন জন ছিল বেদনে দুঃখিত
অজ্ঞেতে আছিল দোষ ।
শুনি বংশী-গীত অঙ্গ পুলকিত
সব দূরে গেল শোষ(১) ॥
চণ্ডীদাস বলে কিবা না দেখল
অপার অখন রামা ।
তুই তো প্রেমেতে বন্ধন সবাই
গোপের রমণী জনা

(কানাড়া)

ঐহন রমণী মুরলী শুনিয়া
আকুল হইয়া চিতে ।
নিজ বেশ করে মনের সহিত
শুনিয়া মুরলী-গীতে ॥
রসের আবেশে পদ-আভরণ
কেহ বা পরল গলে ।
গল-আভরণ কোন ব্রজ-রামা
পরিছে চরণে ভালে ॥

১। শোক ।

বাহর ভূষণ কনক-কঙ্কণ
পরিল হৃদয়-মাবে ।
হিয়ার ভূষণ পরিছে যতন
কটিতে ভূষণ সাজে ॥
কেহ বা পরল একই কুণ্ডল
শোভই একই কানে ।
ঐহন চলিল বরজ-রমণী
ধৈর্য নাহিক মানে ॥
এক করে পরে কনক-কঙ্কণ
সিন্দুর পরল ভালে ।
কোন জন পরে নয়নে অঞ্জন
একই নয়ন চালে (১) ॥
নানা আভরণ পরে কোনখানে
তাহা সে নাহিক জানে ।
আবেশে রমণী গমন করিল
সেই বৃন্দাবন পানে ॥
কেহ নব রামা (২) বসন ভূষণ
উলট করিয়া পরে ।
চণ্ডীদাস কহে আশীর-রমণী
চলিয়া যাইতে নারে ॥

(শ্রীরাগ)

এইমত সব গোপেরি রমণী
চলিল নাগরী রামা ।
রাই পাশে গিয়া চলিলা ধাইয়া
সঙ্কেত বনহিঁ ধামা(৩) ॥
চল চল ধনি রাই প্রেমমণি
চল চল যাব বনে ।
রসের আবেশে কহে নব রামা
কহিছে ধনির স্থানে ॥
ইথে ধনি আসি রাধার শ্রবণে
পশিল যতনে তাই ।
তরল কথন রমণী-অস্তর
কহেন সুন্দরী রাই ॥
পুন শুন শুন ডাকে ঘন ঘন
মধুর মুরলী তান ।
শুনিতে চমকে মুরলী ধমকে
চিত্তে নাহি কিছু আন ॥

রাধার আরাতি সে নহে পিরীতি
তথায় আছয়ে মন ।
বৃন্দাবন যেতে বেশের আবেশে
কহিছে সকল জন ॥
সুখময়ী রাধা বেশ বানাইল
বন্ধন করিল জাল ।
নানা ফুলদাম বেড়ি অশুপম
দিয়া মুকুতার মাল(১) ॥
দুসারি মাণিক তার পাশে পাশে
প্রবাল গাঁথিয়া মাল ।
কনক-চম্পক কবরী বেঢ়ল
ভ্রমরা গুঞ্জরে ভাল ॥
সীতার সিন্দুব তার মাঝে মাঝে
দিয়েছে চন্দন-ফোটা ।
যেন শশধর চৌদিকে বেঢ়ল
কি তার কহিব ঘটা ॥
নাসায় বেগর অতি মনোহর
হাসিতে মুকুতা খসে ।
কনক-কাঁচুলি তার পদ্বিপাটি
মুকুতা গাঁথনি পাশে ॥
ঘাঘর কিঙ্কণী শাজে রিণি রিণি
পিঠেতে ঝুলিছে কাঁপা ।
তাহার মাঝারে গাঁথি ধরে ধরে
সুবাস কনক-চাঁপা ॥
নীল উরনী ভুবনমোহিনী
সোনার নৃপুর পায় ।
চলিতে চরণে পঞ্চম বাজই
হংস-গমনে যায় ॥
চণ্ডীদাস বলে বিনোদিনী রাধা
রূপে করিয়াছে আলো ।
দেখিতে নয়ন পিছলিয়া পড়ে
দেখিতে যাইবে চল ॥

(কামোদ)

দেখি সখি অপরূপ মনোহর ।
এ ভব-সংসার-মাবো হেন ক'ভু নাহি দেখি
বেশে যেন করে চল চল ॥
মাঝে রসবতী রাধা ব্রজজন হয়ে বাঁধা
পাছে দেখি ধরিয়া রহায় ।
ভয়েতে আকুল হৈয়া ঝরিতে রাধারে লৈয়া
বৃন্দাবনমুখে সব ধায় ॥

১। নয়ন-ভঙ্গী করে ।

২। বালিকা রমণী ।

৩। স্থানে ।

মন্দ মন্দ গতি চলে রাই কহে কুতূহলে
আজ বড় আনন্দ অপার ।
যার লাগি নিরবধি চিত মোর বেয়াকুল
সে রূপ আনন্দনিধি দেখিল চরণ দুটি তার ॥

ভাসিব আনন্দরসে পুরিবে যতেক আশে
তবে হয় কামনা পূর্ণিত(১) ।
চণ্ডীদাস কহে তাথে একা হেথা যত্নাথে
রাধানামে বাঁশী গায় গীত ॥

কুঞ্জভঙ্গ

(কামোদ)

পদ উধ(১) কাক কোকিলের ডাক
জানাইল রজনীর শেষ(২) ।
তুরিতে নাগর গেলা নিজ ঘরে
বাঁধিতে বাঁধিতে কেশ ॥
অবশ আলিসে ঠেসনা বালিসে
ঘুমে ঢুলু ঢুলু আঁখি ।
বসন ভূষণ হৈয়াছে বদল
তখন উঠিয়া দেখি ॥
ঘরে মোর বাদী শাশুড়ী ননদী
মিছা তোলে পরিবাদ ।
জানিলে এখন(৩) হইবে কেমন
বড় দেখি পরমাদ ॥
চণ্ডীদাস কহে শুন লো সুন্দরি(৪)
তুমি সে বড়য়ার বহ ।
শ্রামের মোহন গুণের(৫) কারণ
লখিতে নারিবে কেহ ॥

(ধানশী *)

প্রভাতকালের কাক কোকিল ডাকিল
দেখিয়া রজনী শেষ ।
উঠিয়া নাগর তুরিতে গেল যে
বাঁধিতে বাঁধিতে কেশ ॥
সই, তোরে সে বলিয়ে কথা ।
সে বঁধু কালিয়া না গেল বলিয়া
মরমে রহল ব্যথা ॥
রহিয়া আলিসে ঠেসনা বালিসে
ঢুলু ঢুলু দুটি আঁখি ।

বসনে বসনে বদল হইয়াছে
এখন উঠিয়া দেখি ॥
ঘরে মোর বাদী শাশুড়ী ননদী
মিছে করে পরীবাদ ।
ইহাতে এমন করিব কেমন
কি হইল পরমাদ ॥
চণ্ডীদাস কহে মনের আহ্লাদে
শুন হে রসিক জন ।
সদা জালা যার তবে সে তাহার
মিলয়ে পিরীতি ধন ॥

শ্রীকৃষ্ণের উক্তি

(সিন্ধুড়া)

আজুকার নিশি নিকুঞ্জে আসি
করিল বিবিধ রাস ।
রসের সাগরে ডুবাইল মোরে
বিহানে চলিল বাস ॥
শুন হে সুবল সখা ।
সে হেন সুন্দরী গুণের আগরি
পুন কি পাইব দেখা ?
মদনে আগুলি গলে গলে মিলি
চুষন করল যত ।
কেশ বেশ যদি বিথার হইল
তাঁহা বা কহিব কত ?
অশেষ বিশেষ বচন কহিয়া
আবেশে লইয়া কোরে ।
অঙ্গের পরশে হিয়া ডুবাইল
কেমনে পাঁসরি তারে ॥
চণ্ডীদাস কহে শুন হে নাগর
এ বড় লাগল ধন্দ ।
সে রাধা রমণী রস-শিরোমণি
তোমায়ে করল বন্ধ ॥

১। পদায়ুধ—কুকুট । ২। শুনিয়ে ষামিনী
শেষে (পাঠান্তর) । ৩। না জানি (পাঠান্তর) ।
৪। চণ্ডীদাস বাণী শুন বিনোদিনী । (পাঠান্তর) ।
৫। মায়ার (পাঠান্তর) ।

* এই পদটি পূর্ব পদের রূপান্তর মাত্র ।

১। পরিপূর্ণ ।

রসোদ্ধার

(ধানশী)

রজনী বিলাস কহয়ে রাই ।
সব সখীগণ-বদন চাই ॥
আঁখি ঢুলু ঢুলু অলসতরে ।
ঢুলিয়া পড়িল সখীর কোরে ॥
নয়নের জলে ভাসায় মুখ (১) ।
দেখি সখী কহে কহ না দুখ ॥
ফুঁপায়ে ফুঁপায়ে কাঁদয়ে রাধা ।
কহে চণ্ডীদাস নাগর ধান্দা ॥

(সিকুড়া)

রাই আজু কেন হেন দেখি ।
স্বরূপ করিয়া কহ না আমারে
মনের মরম সখী ॥
আঁখি ঢুলু ঢুলু ঘুমেতে আকুল
জাগিয়াছ বুঝি নিশি ।
রসের ভরেতে অঙ্গ নাহি ধরে
বসন পড়িছে খসি ॥
এক কহিতে আন কহিতেছ
বচন হইয়া হারা ।
রসিয়ার সমে কিবা রস রঙ্গে
সঙ্গ হয়েছে পারা ॥
ঘন ঘন তুমি মুড়িতেছ অঙ্গ
সঘন নিশ্বাস ছাড় ।
স্বরূপ করিয়া কহ না কহসি
কপট কেন বা কর ॥
ভালের সিন্দূর আধেক আছয়ে
নয়নে আধ কাজল ।
টাদ নিঙাড়িয়া এমন করিয়া
কেবা নিল এ সকল ॥
চণ্ডীদাস কয় যেবা সেই হয়
ভালে ভুলাইলে কাজ
সঙ্ঘের সঙ্গিনী বঞ্চিত নাহিবে
কিবা কর আর লাজ ॥

(ধানশী)

ঐছন শুনাইতে মুগধ রমণী(২) ।
সখীগণ ইন্দ্রিতে অবনতবয়নী(৩) ॥

- ১। ভাসয়ে বুক (পাঠাস্তর) ।
২। সখীগণের এই প্রকার কথা শুনিয়া
শ্রীরাধিকা মুগ্ধ হইলেন ।
৩। অবনতবয়নী—মাথা হেঁট করিলেন ।

লাজে বচন নাহি করে পরকাশ (১) ।
সখীগণে কহইতে প্রিয়তম ভাষ ॥
কহইতে না কহয়সি রজনীকো কাজ (২) ।
আমার শপথি তোয়ে যদি কর লাজ * ॥
পহিল (৩) সমাগমে হইল যত সুখ ।
পুনহি (৪) মিলন পাওব কত সুখ ॥
ঐছন বচন শুনি কহে মৃদু ভাসি ।
চণ্ডীদাস ইহ রস পরকাশি ॥

(সুহই)

করে সুবদনী শুন গো সজনি
দুখ কি বলিব আর ।
কি করি এখন জুড়াই জীবন
বদন দেখিব তার ॥
তাহার আরতি(৫) কিবা দিবা-রাতি
ভুলিতে নাহিক পারি ।
মনে হ'লে মুখ ফাটে মোর বুক
গুমরে গুমরে মরি ॥
সহে নাক' আর করি অভিসার(৬)
আজি হই বলরাম ।
যশোদ'-মন্দিরে যাইব সত্বরে
ভেটিব(৭) নাগর কান ॥
শুনিয়া ললিতা হাসি কহে কথা
বলাই সাজিলে পরে ।
চণ্ডীদাস ভণে যশোদা যতনে
সঁপিবে তোমার করে ॥

(বিভাস)

প্রথম প্রহর নিশি সুস্বপন রাশি (৮)
সব কথা কহিয়ে তোমায়ে ।
বসিয়া কদম্বতলে কাহু করিছে কোণে
চুম্ব দিছে বদন-কমলে ॥

- ১। প্রকাশ ।
২। রজনীবিলাসের কথা বলিতে পারিতে-
ছেন না । *। সখীগণের উক্তি ।
৩। প্রথম ।
৪। পুনরায় ।
৫। আসক্তি, আদর ।
৬। নায়ক-সহবাসার্থ সঙ্ঘেত-স্থানে গমন ।
৭। সাক্ষাৎ করিব ।

অঙ্গে দেই চন্দন	বলে মধুর বচন	ঈষৎ হাসন করি	প্রাণ মোর নিল হরি
আরে বাঁশী বাসু সুমধুরে ।		বেয়াকুলি(১) হইলু মদনে ॥	
চাহিলেন সুরতি	না দিহু যে পাপমতি	চতুর্থ পহরে কান	করিল অধর পান
দেখিলু কাহু দোয়জ (১) পহরে ॥		মোরে ভেল রক্তি আশোয়াসে ।	
তৃতীয় পহর নিশি	শ্রামের কোলেতে বসি	দারুণ কোকিল নাদে	ভাঙ্কিল গোহর(২) নিদে
নেহারিলু সে চাঁদবদনে ।		বিরহ গাইল বড় চণ্ডীদাসে ॥	

অভিসার*

অভিসার-অমুরাগ
নায়িকার প্রতি সখী
(বালা-ধানশী)

এ সখি সুন্দরী কহ কহ মোয় ।
কাহে লাগি তুয়া অঙ্গ অবশ হোয় ॥
অধর কাঁপয়ে তুয়া ছল ছল আঁখি ।
কাঁপিয়া উঠয়ে তমু বণ্টক দেখি ॥
মোন করিয়া তুমি কি ভাবিছ মনে ।
একদিঠি করি রহ কিসের কারণে ॥
বড় চণ্ডীদাসে কহে বুলিলাম নিশ্চয় ।
পাশিল শ্রবণে বাঁশী অতত্ব সে হয় ॥

চন্দ্রের প্রতি আক্ষেপ
(সিদ্ধুড়া)

চাঁদ গগনে যদি তেরে পাই লাগি ।
লোহার মুষলে ভাঙ্কিয়ে তোমারে
করিমু শতেক ভাগি ॥
শিখি সব তন্ত্র রাহ-গ্রহ-মন্ত্র
সাধন করিব আগে ।
উগারে না দিয়া চাঁদ ঘুচাইয়া
তবেই গরব ভাঙ্কে ॥
পূজি দেবরাজ সাধিব এ কাজ
ঢাকিয়া রাখিব মেঘে ।
অমাবস্তা তিথি আঁধারিয়া রাত্তি
তেমতি সদাই লাগে ॥

১। দ্বিতীয় ।

* অভিসার-লক্ষণ—

প্রিয়তার মিলন-আশে কুঞ্জেতে গমন ।
সকোচ পূর্বক অভিসারের লক্ষণ ॥—ভক্তমাল ।

পরশর তাথে মৎশুগন্ধা সাথে
কুহার সুরতরঙ্গ ।
চণ্ডীদাসে ভণে রাধিকার সনে
ঐছন শ্রামের রঙ্গ ॥

(চন্দ্র)-উক্তি
(রাগ—যতি)

শুন গো রাধিকা চাঁপার কলিকা
অধিক উজর কে ।
কত কোটি চাঁদ উদয় করেছ
একলা তোমার দে ।
তুয়া এক পদ চাঁদ শত নিদে
দস্ত অধিক শোভা ।
তোমার তরাসে উছলি আকাশে
দেখিয়া ও রূপ-আভা ॥
কেবা তোমার অধিক উজর
তোমার অঙ্গের মলা ।
বিধি আগে আনি ভাঙ্কি খানি খানি
ধরে মোর ষোল কলা ॥
সিন্দুরের ফোঁটা অধরের ছটা
অরুণ কাঁপিতে থাকে ।
অরুণ সাহসে লক্ষান্তরে থাকে
আমি পক্ষান্তর নাথে ॥
খঞ্জন-গঞ্জন ও যুগ নয়ন
নাসা যিনি তিলফুল ।
হেরিয়া বদন আকুল মদন
কি আর দিব সে তুল ॥
গৃধিনী জিনিয়া শ্রবণ-যুগল
নয়ান-বয়ান ভূষা ।
রূপের কখন নহে নিরীক্ষণ
চণ্ডীদাস করে আশা ॥

১। ব্যাকুল । ২। আমার ।

সখীর প্রতি উক্তি

(পঠমঞ্জরী)

কহিও বঁধুরে নতি কহিও বঁধুরে ।
গমন বিরোধ হৈল পাপ শশধরে ॥
গুরুজন সন্তাষিতে কৈল যত ভীতি ।
নিজ পতি সন্তাষিতে গেল আধ রাত্তি ॥
যদি চাঁদ ক্ষমা করে আজুকর রাত্তি ।
তবে ত পাইব আমি বঁধুর সংহতি ॥
অমাবস্তা প্রতিপদে চাঁদের মরণ ।
সে দিনে বঁধুর সনে হইবে মিলন ॥
চণ্ডীদাসে বলে তুমি না ভাবিহ চিতে ।
সহজে এ কথা বটে কেন পাও ভিতে(১)

(ধানশী)

কহিও তাহার ঠাই যেতে অবসর নাই
আফুরান(২) হ'ল গৃহ-কাঞ্জে ।
শান্তুড়ী সদাই ডাকে নন্দী লহরী থাকে(৩)
তাহার অধিক দ্বিজরাজে(৪) ॥
সজনি, কোপ করেন ছরস্ত ।
গৃহকর্ম করি ছলে বিপিনে যাইবার বেলে
আকাশে প্রকাশ ভেল চন্দ্র ॥
যে কুলে বিচ্ছেদের ভয় এ কুলে নহিলে নয়
সুসারিতে(৫) নিশি গেল আধা ।
আসিয়া মদন সখা হেন বেলে দিলে দেখা
কহ দূতি কি করিবে রাধা ॥
লোহার পিঞ্জরে থাকি বের হ'তে চাহে পাখী
তার হৈল আকুল পরাণ ।
দ্বিজ চণ্ডীদাসে কয় আর কি বিরহ সয়
তুরিতে মিলব বর কান ॥

অভিসার

(সুহই)

শ্রাম-মন্ত্র-মালা বিনোদিনী রাধা
জপিতে জপিতে যায় ।
রসের আবেশে আনন্দ-হিল্লোলে
তরল নম্বনে চায় ॥

১। ভয় । ২। অফুরন্ত—অশেষ । ৩।
নন্দীর চেউর মত ক্ষণে ক্ষণে ডাকে । ৪। চন্দ্রে ।
৫। গোছগাছ করিয়া বাহির হইতে ।

অপার অপার বহু বিদগধ
সুন্দরী সে ধনী রাই ।
শ্রাম-দরশনে চলিলা ধয়ানে
শুধু শ্রাম-গুণ গাই ॥
মন্দ মন্দ গতি চলন মাধুরী
যেমন সোনার লতা ।
কি বা সে তড়িত চলিল অরিত
কি কব তাহার কথা ॥
চৌদিকে গোপিনী মাঝে বিনোদিনী
চলে সে আনন্দ রসে ।
কেহ কোন যেন সম্পদ পাইয়া
সুখের সায়রে ভাসে ॥
পথে যেতে কহে রাধা শিরোমণি
কত দূরে বৃন্দাবন ।
কহ কহ দেখি কোন্‌খানে আছে
রমণীজন্যর ধন ॥
আগে হেরি দেখ দু'আঁখি চাহিয়া
এই উপবন-মাবো ।
এখানে বসিয়া নাগর আছেন
দেখহ কোন্‌ বা কাঞ্জে ॥
চণ্ডীদাস কহে গোপিনীর বোলে
চাহিয়া দেখিলা রাই ।
ঘন ঘন রব মুরলীর শব্দ
তাহাই শুনিতে পাই ॥

(কানাড়া)

রাধার আরতি পিরীতি দেখিয়া
কহেন কোন বা সখী ।
আজি সে তোমার মিলিব সুদিন
কমল-নম্বন আঁখি ॥
প্রেম-অশ্রুজলে আঁখি চল চল
হৃদয় পুলক মানি ।
প্রেমের হতাশে কহিছে নিকমে
কহেন রমণী ধনী ॥
কেমনে এ বনে যাইব সঘনে
পাছে কোন দশা হয় ।
এই দুঃখ উঠে মরম-বেদন
মোর মনে হেন লয় ॥
শ্রাম হেন ধন অমূল্য রতন
হৃদয়ে পড়িয়া আছি ।
এ দেহ তাহারে মনের মানসে
যতনে লইয়া আছি ॥

শ্রাম-পরসঙ্গ কহিতে কহিতে
 চলে রসময়ী রাধা ।
 প্রেমের তরঙ্গে আছে আন বোল
 নিগড়(১) আছয়ে বান্ধা ॥
 গোপীগণ বলে হাসি রস-রসে
 চলিল ঝরিত করি ।
 কাননে কালিয়া নিভূতে বসিয়া
 করেতে মুরলী ধরি ॥
 ঐহন ঐহন মধুর মুরলী
 এস এস বলি ডাকে ।
 চণ্ডীদাস কহে ঝরিত গমনে
 এস বৃন্দাবনমুখে ॥

(শ্রীরাগ)

চলন গমন হংস যেমন,
 বিজলীতে যেন উয়ল(২) ভুবনে,
 লাখ চাঁদ লাজে মলিন হইল,
 ও চাঁদবদন হেরিয়া ।
 সরল ভালে সিন্দুর-বিন্দু,
 তাহে বেড়ঙ্গ কতেক ইন্দু,
 কুসুম সুষম মুকুতা মাল,
 নোটন(৩) ঘোটন বাঙ্কিয়া ॥
 বিশ্ব অধর উপমা জোর,
 হিঙ্গুল-গণ্ডিত অতি সে ঘোর,
 দশনকুন্দ যেমন কলিকা,
 কিবা সে তাহার পাঁতিয়া ।
 হাসিতে অমিয়া বরিখে ভাল,
 নাসাকির(৪) পর বেসর আর,
 মুকুতা নিশ্বাসে ছলিছে ভাল,
 দেখহ রে কত(৫) ভালিয়া ॥
 চণ্ডীদাস দেখি অধির চিত,
 অঙ্গে অঙ্গে অঙ্গে অনঙ্গ রীত,
 রসভরে ধনী সুন্দরী রাই,
 চলল মরমে মাতিয়া ॥

(কানাড়া)

রাধার আবেশে গমন মধুর
 চলল আবেশ হৈয়া ।

১। নিগূঢ় (পাঠাস্তর) । ২। উদিত হইল ।

৩। কোপা । ৪। নাসিকার । ৫। বেকত (পাঠাস্তর) ।

শ্রাম-মঙ্গ-মালা জপিতে জপিতে
 প্রবেশ করল গিয়া ॥
 উপবনমাবে প্রবেশ করিল
 সুখময়ী ধনী রাই ।
 প্রেমরসভরে আধ আধ বোলে
 কহিছে সঘনে তাই ॥
 এক সখী গিয়া সেখানে যাইয়া
 কহিছে রাধার পাশে ।
 কি আর বিলম্ব করিছ তোমরা
 চলহ ঝরিত বেশে ॥
 নাগর-শেখর একলা আছয়ে
 চলহ ঝরিত করি ।
 গিয়া বৃন্দাবনে দিল দরশন
 চণ্ডীদাস কহে ভালি (১) ॥

(কামোদ)

এক গোপী ছিল পতির শয়নে
 ত্যজিয়া যাইতে তারে ।
 তার পতি হইল জানিল শয়নে
 তাহারে ধরিয়া বলে ॥
 এত নিশি বল কোথারে(২) গমন
 সরম নাহিক তোর ।
 লোকে অপযশ কুয়শ-কাহিনী
 কুলেতে নাহিক ডর ॥
 বড় বিপরীত দেখি তোর রীত
 এ নিশি কোথাএ যাবে ।
 কুঙ্গটা হইলি কলঙ্ক রাখিলি
 মারি ছুঃখ যায় তবে ॥
 ত্যজিয়া আমারে যাই কোথাকারে
 এ বড় বিষম দেখি ।
 বহুত গঞ্জনা শু ন নিশবদে (৩)
 যখন তাহার ঘুমাইল পতি
 তখন ত্যজিয়া গেল ।
 রসের আবেশে চলিল সুন্দরী
 কিছুই নাহি শুনি(৪) ॥
 ভয় পরিহারি চলিল সুন্দরী
 যেখানে নাগর কান (৫) ।
 চণ্ডীদাস ভণে কিছুই না মানে
 এমনি বাঁশীর তান ॥

১। ভাল । ২। কোথায় । ৩। নিঃশব্দে ।

৪। শুণিল (পাঠাস্তর) । ৫। কানাই ।

(কামোদ)

শুন হে কমল-আঁখি ।
এ বড় সেখানে পরাণ এখানে
শুধু দেহ আছে সাথী ॥
সকল ত্যজিয়া শরণ লয়েছি
ও দু'টি কমল-পায় ।
ঠেলিয়া না ফেল ওহে বংশীধর
যে তোর উচিত হয় ॥
তিলেক না দেখি ও মুখমণ্ডল
মরমে না শুনে আন(১) ।
দেখিলে জুড়ায় এ পাপ পরাণ
ধড়ে আগি রয়ে প্রাণ ॥
যেমন ঘরের দীপ নিবাইলে
অন্ধকার হেন বাসি(২) ।
তেন মত তুমি লোচন সভার
হেনক আমরা বাসি ॥
সকল ছাড়িয়া যে লয় শরণ
তাহারে এমতি কর ।
তুমি সে পুরুষ ভূষণ-শক্তি
বাঞ্ছাসিদ্ধি নাম ধর ॥
চণ্ডীদাস বলে শুন গোপনারি
কি শুনি দারুণ বাণী ।
সরস বচনে সিঁচহ যতনে
যতেক কুলের নারী ॥

(কামোদ)

শুন হে নাগর রায় ।
কি বলিব রাজা পায় ॥
আমরা কুলের কি ।
তোমারে বলিব কি ॥
যে ভঞ্জে তোমারে পায় ।
সে জন তোমারে ধায় ॥
আন কি জানিএ মোরা ।
তুমি নয়নের তারা ॥
যে বল সে বল মোরে ।
ছাড়িতে নারিব তোরে ॥
তোমার মুরলী শুনি ।
ধাইয়া আইমু আমি ॥
শুন হে পুরুষ-ভূষণ ।
তুয়া মুখে এমন বচন ॥

১। অত্র ।

২। মনে করি ।

কি বলিব আমরা অবলা ।
আমি হই দাসীপণ সারা ॥
চণ্ডীদাস কিছু গুণ গায় ।
অদ্ভুত শুনি হে হেথায় ॥

(কামোদ)

শুন হে নাগর রায় ।
তোমার উচিত এ নয় উচিত(১)
এ কথা কহিব কায় ॥
তোমার কারণে সব তেজাগিন্দু
কুলেতে দিষেছি ভোর ।
অবলা অথলে হেন করিবারে
এ নহে উচিত তোর ॥
আমরা স্বপনে আন নাহি জানি
কেবল দু'খানি পায় ।
এতেক বেদন তোমার কারণ
শুন হে নাগর রায় ॥
সকল তেজিন্দু তবু না পাইমু
হৃদয় কঠিন বড়ি ।
হাসিয়া হাসিয়া বঙ্কিম চাহিয়া
এবে কেনে কর ভেড়ি(২) ॥
তুমি প্রেমমণি পরম বাখানি
ছুইলে রতন হয় ।
রাজের সমান ইথে নাহি আন
এমত গতিক নয় ॥

বহু রত্ন-ধন অমূল্য রতন
যাহার নাহিক মূল ।
এ ধন লাগিয়া পাইয়ে আমরা
না পাইয়া কোন কুল ॥
চণ্ডীদাস বলে আমি জানি ভাল
কালার পিরোতি নেঠা ।
যেমন জানিবে সরোরুহ-কুল
তাহার অঙ্গের কাঁটা ॥

(কানাড়া)

তুমি বিদগধ সুখের সম্পদ
আমার সুখের ঘর ।
যে জন শরণ লইল চরণে
তাহারে বাসহ পর ॥

১। লএ চিত (পাঠান্তর) । ২। চাতুরী ।

দেখি বল নাথ এ ভব-সংসারে
আর কি আছে মোরা ।
এ গোপী জনার হৃদয় মানস
কেবল আঁখির তারা ॥
গৃহ পতি ত্যজে হা হা মরি লাজে
শুন হে নাগর রায় ।
এ সব না জানি মনে নাহি গণি
সকলি গোচর পায় ॥
শীতল চরণ যে লম্ব শরণ
তাহাতে এমনি রোষ ।
অবলা বচনে কত খেণে খেণে(১)
কত শত হয় দোষ ॥
প্রাণপতি তুমি কি বলিব আমি
আনের অনেক আছে ।
আমার কেবল তুমি সে নম্বন
দাঁড়াব কাহার কাছে ॥
চণ্ডীদাস বলে শুন সুনাগর
ইহাতে নাহিক আন ।
সব তেয়াগিয়া তোমার লাগিয়া
তুমি সে সভার প্রাণ ॥

(শ্রীরাগ)

তুমি বিদগধ রায় ।
বলিতে কি জানি কি আর বলিব
সকলি গোচর পায় ॥
যে বল সে বল মোরে নাগর-শেখর
পর কৈল আপন আপন কৈল পর ॥
মনের আগুন কত উঠে অনিবার ।
কাহারে কহিব ইহা আচার বিচার ॥
এমন ব্যথিত পাই আপন বলিতে ।
আন কথা কহিলে করএ অগ্র চিতে ॥
আকাশে পাতিয়া ফাঁদ পাপ ননদিনী ।
মিছামিছি বলে সদা শ্রাম-কলঙ্কিনী ॥
তোমার কলঙ্ক-হেমমালা করি গলে ।
মিছাই ঘোষণা পাপ ননদিনী বলে ॥
ধরে হৈল পরীবাদ লোকের গঞ্জনা ।
তাহাতে নিঠুর তুমি এবে গেল জানা ॥
পরের পরাণ হরি হাসিতে হাসিতে ।
বিলোকনে(২) প্রেম দিয়া করিলে পিরীতে ।

১। ক্ষণে ক্ষণে অর্থাৎ প্রায় সকল সময়েই
২। দেখিবা মাত্র ।

তোমার পিরীতি গোপী তেজিয়া সকল ।
দণ্ডাইতে(১) নারি মোরা হইল বিকল ॥
চণ্ডীদাস গোপীর দেখিয়া প্রিয় বাণী ।
হরষে পরশমণি পরিবে এখনি ॥

(কাফি)

নম্বন তরল বহে প্রেম-বারি
অধির কুলের বালা ।
খেণে খেণে উঠে বিরহ-আগুন
দুগুণ হইল জ্বালা ॥
মলয়-চন্দন মৃগমদ যত
অন্ধেতে আছিল মাথা ।
হৃদয় কাঁচুলি তিতিল(২) সকল
তাহা নাহি গেল রাখা ॥
প্রেম চল চল যেমন বাউল
বনের হরিণী তারা ।
ব্যাধ-বাণ খায়্যা ঘাইল হইয়া
চারিদিকে চাহি সারা ॥
ক্ষীণ গোপীগণে চাহে তার পানে
বিরহ-বেদনা পায়্যা ।
কাঠ সম যেন চিত্রের পুতলি
সারি সারি দাণ্ডাইয়া ॥
কি শুনি কি শুনি বিষম সঙ্কট
হৃদয়ে হইল বেথা ।
আর কি জীবন সঙ্কট হইল
কি আর দেখহ সেথা(৩) ॥
যাহার লাগিয়া এত পরমাদ
এমত তাহার রীত ।
চল গিয়া জলে পৈশ(৪) কুতূহলে
মরিব এ নহে চিত ॥
কি আর পরাণ রাখিব আমরা
কি শুনি দারুণ বোল ।
ষার লাগি এত বিষম বিষাদ
নম্বনে বহি এ লোর ॥
এই অনুমান করে গোপীগণ
কহত ইহার বাণী ।
নাগর বচন বিষের সমান
এবে সে ইহাই জানি ॥

১। দাঁড়াইতে । ২। সিক্ত হইল ।

৩। হেথা (পাঠান্তর) ।

৪। প্রবেশ কর—পাঠান্তরে “প্রেমকুতূলে”

দৃষ্ট হয় ।

চণ্ডীদাস কহে শুনহ গোপিনী
এই মোর মনে জয় ।
ভক্তি আদরে সরস বচনে
বিনতি করহ পায় ॥

(জয়শ্রী)

তুমি বঁধু ব্রজের জীবন ।
জাতিকুল করিয়া রোপণ ॥
তুমি নহ নিষ্ঠুরাই পণা ।
কেনে দেহ বিরহ-বেদনা ॥
যে ভজে তোমার দু'টি পায় ।
তারে নাথ হেন না জুয়ায়(১) ॥
গৃহ পরিবার পরিহরি ।
তোমারে ভজিল ব্রজনারী ॥
দেখ নাথ মনে বিচারিয়া ।
যত দুখ তোমার লাগিয়া ॥
শাশুড়ী-সুরের অতি ধার ।
খরতর তাহার বিচার ॥
কান্দিতে না পারি তব লাগি ।
তব বলে শ্রামের সোহাগী ॥
ঘরে পরে তোমার বিবাদ ।
বাহির হইএ সাথে বাদ ॥
চণ্ডীদাস দেখিএ দুঃখিত ।
শ্রামে কহিছে অমুচিত ॥

(ধানশ্রী)

তোমা হেন ধন পরম কারণ
পাইল অনেক সাথে ।
বিধি দিয়া পুনঃ করিল এমন
কি আর বলিবে রাখে ॥
যে দেখি তোমার আচার বিচার
কুটিল অন্তর বড়ি ।
সরল যে জন নাহি তার কোন
কুটিল কটক ছাড়ি ॥
ভুঞ্জকে আনিয়া কলসে পুরিয়া
যতনে তাহাকে পুষে ।
কোন কোন দিনে সেই বাদিয়ারে
দংশয়ে আপন রোষে ॥
ভুঞ্জ সমান যেন তুমি মন
তৌহার চলন বাঁকা ।

তোমার অন্তর সেই সে সোমর
এ দুই তুলনা একা ॥
যেন মুখে আছে অমিয়া-কলসী
হৃদয়ে বিষের রাশি ।
অন্তর কুটিল মুখে মধু পর
আমরা এমন বাসি ॥
যে ছিল তা হল তাহাই করিল
নিরমল যেবা ছিল ।
তাহে দিয়া কালি ঠাকুরালি ভালি
কলঙ্ক উঠিল ভাল ॥
চণ্ডীদাস কহে শুন বলি রাধা
ঐহন(১) কামুর লেহা (২) ।
শ্রমিয়া সেচনে সরল বচনে
সঁপহ আপন দেহা ॥

(সুহই)

কামু কহে শুন আমার বচন
যতেক গোপের নারী ।
নিশি নিদারুণ কিসের কারণ
জগতে এ সব বৈরী ॥
অবলার কুল অতি নিরমল
ইহিতে কুলের নাশ ।
তাহার কারণে কহিল সঘনে
যাইতে আপন বাস ॥
রাধা কহে তাহে শুন যতনাথে
আর কি কুলের ভরে ।
এক দিন জাতি কুলশীল পাতি
দিয়েছি ও দু'টি পায়ে ॥
আর কি কুলের গৌরবসূচনা
আর কি জেতের(৩) ডর ।
তোমার পিরীতে এ দেহ সঁপেছি
এখন কি কর হল ॥
কেবল গোপীর নয়ন-অঞ্জন
হিয়ার পুতলী তুমি ।
তাহে কর হেন কেন তুমি মন
এবে সে জানিহু আমি ॥
ভাল তুমি বট ব্রজের জীবন
এমতি তোমার কাজ ।
চণ্ডীদাস বলে এ নহে উচিত
শুন হে নাগররাজ ॥

১। ঐরূপ । ২। স্বভাব ।

৩। জাতির ।

১। ঐরূপ করা শোভা পায় না

(পূর্ববী)

বঁধুর আদর দেখি অনাদর
 কহেন কাহিনী যতি ।
 তুমি সুনাগর গুণের সাগর
 কি জানি তোমার রীতি ॥
 হাসি রসাইয়া কুল ভাসাইয়া(১)
 নিদানে এমনি কর ।
 এ নহে উচিত তোমর অনুচিত
 কালিয়া বরণ ধর ॥
 কালিয়া বরণ ধরয়ে যে জন
 বড়ই কঠিন সেহ ।
 তা সনে পিরীতি না জানি এ গতি
 এবে হে জানিল এহ ॥
 তখন প্রথম পিরীতি করিলে
 দেখি আকাশের চাঁদ ।
 কত মুখে হাসি বচন সেচন
 ইবে(২) সে পাতিলে ফাঁদ ॥
 হৃদয়ে যা কর কালিয়া বরণ
 সে মেনে কঠিন বড়ি ।
 হাসিতে হাসিতে পিরীতি করিতে
 এবে সে হইল গাঢ়ি ॥
 আমরা হইএ কুলের বোহারি(৩)
 কি বলিতে মোরা পারি ।
 তাহার উচিত করিব বেকত
 শুন হে প্রাণের হরি ॥
 চণ্ডীদাস কহে শুন বিনোদিনি
 সকল স্বপন সম ।
 কাহুর ঐছন পিরীতি কেবল
 কেন বা করিছ ভ্রম ॥

(পূর্ববী)

বঁধু তুমি বড় কঠিন পরাগ ।
 ইবে মোরা জানি অনুমান ॥
 কেনে তুমি বিরস-বদন ।
 কহে যত গোপ-সখীগণ ॥
 ওহে তুমি বিদগধ রায় ।
 মো সভারে হেন না জুয়ায় ॥

১। ভাসাইয়া (পাঠান্তর) ।

২। এখন ।

৩। বধু ।

স্ত্রীবধ পাতকী ভয় পাবে(১) ।
 মরিব তোমার নিজভাবে(২) ॥
 দাগুইয়া দেখহ আপনে ।
 হয় নয় বুঝ নিজ মনে ॥
 একে একে ব্রজের রমণী ।
 হেঁট মাথে খুটএ(৩) ধরণী ॥
 পাসরিলে সে সব পিরীতি ।
 পরিণামে হেন কর গতি ॥
 তুমা বিনে আর কেবা আছে ।
 আমরা দাঁড়াব কার কাছে ॥
 চণ্ডীদাস কহে হেন ভালি ।
 মুখে রসে কর রাসকেলি ॥

(শ্রীরাগ)

কাহুর বচন শুন গোপীগণ
 কহিতে লাগিয়া তাথে ।
 আমরা পরের রমণী হইয়া
 বজ্র(৪) পড়িল মাথে ॥
 পরের পিরীতি আগে না গণিয়া
 যে জন পিরীতি করে ।
 আপনার হাতে বিষ ধরি খায়্যা
 পরিণামে হেন করে ॥ .
 ছায়ার আকার ছায়াতে মিলাএ
 জলের বিশ্বিক প্রায় ।
 যেন নিশিকালে নিশার স্বপন
 তেমন পিরীতি ভায় ॥
 যেমন বাদিয়া কাঠের পুতল
 নাচায় যতন করি ।
 দেখিতে মিছাই সকল ছায়াটি
 বাজীকরে করে কেলি ॥
 তেমতি তোমার পিরীতি জানিল
 শুনহে নাগর রায় ।
 পরের পরাগ হরিয়ে যতনে
 ভাসাইলে দরিয়ায়(৫) ॥
 মুখে কত জন সরল বচন
 হিয়াতে কুটিল সারা ।
 তখনি এমন না জানি কখন
 এমত তোমার ধারা ॥

১। লাগে (পাঠান্তর) । ২। আগে (পাঠান্তর)

৩। মাথা খুঁড়ে । ৪। বজ্র । ৫। গভীর জলে ।

চণ্ডীদাস বলে শুন বিনোদিনি
কে বলে পিরীতি ভাল ।
পিরীতি-গরলে এ দেহ জ্বারল(১)
অস্তর হইল কাল ॥

(সিকুড়া)

সে নারী মরুক জলে ঝাঁপ দিয়া
যে করে পরের প্রেম ।
পরিণামে পায় অতি পরাভব
যেমত পঙ্কজ হেম ॥
তাছে কি বলিব সকল জানহ
যার লাগি যেবা জীয়ে(২) ।
সে কেনে নিদয়া নিষ্ঠুর হইয়া
এতেক যাতনা দিয়ে ॥
তোমার মুরলী ডাকিল সুস্বরে
আইল ধাইয়া বনে ।
তাছে হেন কর ওহে বাশীধর
ফিরিয়া না চাহ কেনে ॥
তোমা হেন নিধি মিলাইল বিধি
পুন তা হইল বাধা ।
এ সব বচন কহিতে কহিতে
শোকতে মরিবে রাধা ॥
তোমার কারণ এ ঘর দুয়ার
বেঁধেছি অনেক দুখে ।
তাহা ভাগাইতে এ নহে মহিমা
আর সে বলিব কাকে ॥
চণ্ডীদাস দেখি বড়ই ব্যথিত
মুখে নাহি সরে বাণী ।
চিত বেয়াকুল হইল আকুল
যতোক ব্রজের ধনী ॥

(সিকুড়া)

বঁধু আর কি ধরের সাধ ।
হাদে গো সজনি কহ মোরে বাণী
এ সুখে হইল বাদ ।
* * * * *
যে জন ব্যথিত সে জন নৈরাশ
মনে না পুরল সাধ ॥

কাষ্ঠের পুতলী রহে সারি সারি
চাহিয়া নাগর পানে ।
যেন সে চান্দ্রের রসের লাগিয়া
চকোর থাকয়ে ধ্যানে ॥
তেমত নাগরী রসের গাগরী
মুগধ তাহাতে করি(১) ।
যেন বা কো আশে ধনের লালসে
তৈছন গোপের নারী ॥
যেন মেঘবর চাতক অবশ
করিতে রসের পান ।
সফরী(২) জীবন যে জল বিনা
সে জন কুলেতে যান ॥

* * * *

সুধা মাখে যেন করি আনচান
চণ্ডীদাসে কহে তবে ॥

(কানাড়া)

এ কথা শুনিয়া রাধা বিনোদিনী
বড়ই আকুল হৈয়া ।
যা লাগি এতেক হ'ল পরমাদ
রহল বিয়োগ পেয়া(৩) ॥
উপজল মান যেন বিষতুল
সে নব কিশোরী বাধা ।
বিমুখ বিয়োগী হইলা কিশোরী
কম্পিত এ তমু আধা ॥
নমন-কমলে যেন রতোপল(৪)
তেজিয়া আনের কাছ ।
বৈঠল কিশোরী আপনা পাসরি
মাধবী লতার গাছ ॥
মাধবী লতাতে(৫) বসি একভিতে
অতি সে বিরস ভাবে ।
শ্রীমুখ-বিধুটি ধরণী-ধূসর
কছু না বচন লবে ॥
বাম সে চরণে অঙ্গুলী সঘনে
ধরণী স্বভাবে খুঁটে ।
নিখাস হতাশে তাহার বাতাসে
নানা আভরণ ছুটে ॥
ঐছন মনের উঠিল আশুনি
সে ধনী কিশোরী রাই ।
কাছে এক জন ছিল গোপীগণ
তাহারে উঠাল তাই ॥

১। জর্জরিত করিল ।

২। জীবন ধারণ করে ।

১। বড়ি (পাঠান্তর) । ২। পুঁটী মাছ । ৩। পাইয়া ।

৪। রক্তোৎপল । ৫। তলাতে (সুসজত পাঠান্তর) ।

তুমি হেথা কেন কোন অভিমান
তুমি যাহ শ্রামপাশে ।
অতি সে বিমুখী রাধা চন্দ্রমুখী
কহেন এ চণ্ডীদাসে ॥

নায়ক-সম্বোধনে

(ধানশী)

ভাদরে দেখিছু নটটাদে(১)
সেই হৈতে উঠে মোর কাহ্ন পরীবাদে ॥
এতেক যুবতীগণ আছয়ে গোকুলে ।
কলঙ্ক কেবল লেখা মোর সে কপালে ॥
স্বামী ছায়াতে মারে বাড়ি ।
তার আগে কুকথা কয় দারুণ শাশুড়ী ॥
ননদিনী দেখয়ে চোখের বালি ।
শ্রাম নাগর তোমায় পাড়ে গালি ॥
এ দুখে পীজর হৈল কাল ।
ভাবিয়া দেখিছু এবে মরণ সে ভাল ॥
দ্বিজ চণ্ডীদাসে পুনঃ কয় ।
পরের বচনে কি আপন পর হয় ॥

(সিকুড়া)

যখন পিরীতি কৈলা
আনি চাঁদ হাতে দিলা
আপনি করিতা(২) মোর বেশ ।
আঁখির আড় নাহি কর
হিয়ার উপরে ধর
এবে তোমা দেখিতে সন্দেহ(৩) ॥
একে হাম পরাধীনী তাহে কুলকামিনী
ঘর হৈতে অন্ধিনা বিদেশ ।
এত পরমাদে প্রাণ না জানি তবু ত আন
আর কত কহিব বিশেষ ॥
ননদী বিষের কাঁটা বিষমাথা দেয় খোঁটা
তাহে তুমি এত নিদারুণ ।
কবি চণ্ডীদাস কয় কিবা তুমি কর ভয়
বঁধু তোর নহে অকরণ ॥

(ধানশী)

যখন নাগর পিরীতি করিলা
সুখের না ছিল ওর(১) ।
সোতের(২) সেওলা ভাসাইয়া কালা
কাটলা প্রেমের ডোর ॥
মুঞি ত অবলা, অখলা-হৃদয়
ভাল মন্দ নাহি জানি ।
বিরলে বসিয়া চিত্রেতে লিখিয়া
বিশাখা দেখালে আনি ॥
পিরীত মুরতি কোথা তার স্থিতি
বিবরণ কহ মোরে ।
পিরীতি বলিয়া এ তিন আখর
এত পরমাদ করে ॥
পিরীতি বলিয়া এ তিন আখর
ভুবনে আনিল কে ।
অমৃত বলিয়া গরল ভথিছু
বিষেতে জারিল দে(৩) ॥
নদীর উপরে জলের বগতি
তাহার উপরে চেউ ।
তাহার উপরে রসিক বসতি
পিরীতি না জানে কেউ ॥
চণ্ডীদাস কয় দুই এক হয়
ভাবে সে পিরীতি রয় ।
(নতু)(৪) খলের পিরীতি ভূষের অনল
ধিকি ধিকি যেন বয় ॥

(পঠমঞ্জরী)

তোমার প্রেমে বন্দী হৈলাম
শুন বিনোদ রায় ।
তোমা ধিনে মোর চিত্তে কিছুই না ভায় ॥
শয়নে স্বপনে আমি তোমার রূপ দেখি ।
ভরমে(৫) তোমার রূপ ধরণীতে লেখি ॥
গুরুজন মাঝে যদি থাকিয়ে বসিয়া ।
পরসঙ্গে(৬) নাম শুনি দরবয়ে(৭) হিয়া ॥
পুলকে পুরয়ে অঙ্গ আঁখে ঝরে জল ।
তাহা নেহারিয়ে আমি হই যে বিকল ॥
নিশি দিশি বঁধু তোমায় পাসরিতে নারি ।
চণ্ডীদাস কহে হিয়া রাখ স্থির করি ॥

১। নষ্টচন্দ্র ।

২। করিতে ।

৩। এখন তোমার সংবাদ পাওয়া ।

১। শেষ । ২। সোতের । ৩। দেহ ।

৪। নতুবা । ৫। ভ্রমে । ৬। প্রসঙ্গে ।

৭। দ্রব হয়—গলিয়া যায় ।

(সুহই) •

কি মোহিনী জান বঁধু কি মোহিনী জান ।
অবলার প্রাণ নিতে(১) নাহি তোমা হেন ॥
রাতি কৈলু দিবস দিবস কৈলু রাতি ।
বুঝিতে নারিলু বঁধু তোমার পিরীতি ॥
ঘর কৈলু বাহির বাহির কৈলু ঘর ।
পর কৈলু আপন আপন কৈলু পর ॥
কোন্ বিধি সিরঞ্জিল সোতের শেওলি ।
এমন ব্যথিত নাই ডাকি রাধা বলি ॥
বঁধু যদি তুমি মোরে নিদারুণ হও ।
মরিব তোমার আগে দাঁড়াইয়া রও ॥
বাণুলী-আদেশে দ্বিজ চণ্ডীদাস কয় ।
পরের লাগিয়ে কি আপন পর হয়(২) ॥

(তুড়ি) •

তোমারে বুঝাই বঁধু তোমারে বুঝাই ।
ডাকিয়া সুধায় মোরে হেন জন নাই ॥
অক্ষুণ্ণ গৃহে মোরে গজয়ে সকলে ।
নিশ্চয় জানিও যুগ্ম ভখিমু(৩) গরলে ॥
এ ছার পরাণে আর কিবা আছে সুখ ।
মোর আগে দাঁড়াও তোমার দেখিব চাঁদমুখ ॥
খাইতে সোয়াস্তি নাই নাহি টুটে(৪) ভুক ।
কে মোর ব্যথিত আছে কারে কব ছুখ ॥
পরের বোলে কেবা প্রাণ ছাড়িবারে চায় ।
চণ্ডীদাস কহে রাই ইহা না জুয়ায় ॥

(সুহই)

হেদে(৫) হে বিনোদ রায় ।
ভাল হৈল ঘুচাইলা পিরীতের দায় ॥
ভাবিতে গণিতে তমু হৈল ক্ষীণ ।
জগতরি কলঙ্ক রহিল চিরদিন(৬) ॥
তোমার সনে প্রেম করি কি কাজ করিলু(৭) ।
মৈলাম লাজে মিছা কাজে দগদগি(৮) হইলু ॥

- ১। হরণ করিতে বা মোহিত করিতে ।
২। চণ্ডীদাস কহে হিয়া শুনিতে জুড়ায় ।
এমন পিরীতি আর না দেখি কোথায় (পাঠান্তর) ।
৩। ভখিব (পাঠান্তর)—ভক্ষণ করিব ।
৪। ক্ষুধা নিবৃত্ত হয় না । ৫। আরে মোর
(পাঠান্তর)

বিভিন্ন পাঠ—

- ৬। “জগ তরি কলঙ্ক রহিল এই চিন ।”
(পাঠান্তর) ।
৭। কিবা কাজ কৈলু (পাঠান্তর) । ৮। দক্ষ ।

না জানি অন্তরে মোর হৈল কিবা ব্যথা ।
একে মরি নানা দুঃখে আর নানা কথা(১) ॥
শয়নে স্বপনে বঁধু সদা করি ভয় ।
কাহার অধীন যেন তোমার প্রেম নয় ॥
ঘায়ে না মরিয়ে বঁধু মরি মিছা দায় ।
চণ্ডীদাস কহে কার কথায় কিবা যায় ॥

(শ্রীরাগ)

সকলি আমার দোষ হে বঁধু
সকলি আমার দোষ ।
না জানিয়া যদি কৈরাছি পিরীতি
কাহারে করিব রোষ ॥
সুধার সমুদ্র সম্মুখে দেখিয়া
আইলু আপন সুখে ।
কে জানে খাইলে গরল হইবে
পাইবেক এতেক দুখে ॥
সো(২) যদি জনিতাম অলপ ইঞ্জিতে
তবে কি অমন করি ।
জাতি কুল শীল মঞ্জিল সকল
ঝুরিয়া ঝুরিয়া মরি ॥
অনেক আশার ভরসা মরুক
দেখিতে করয়ে সাপ ।
প্রথম পিরীতি তাহার নাহিক
বিভাগের আধের আধ ॥
যাহার লাগিয়া যে জন মরয়ে
সেই যদি করে আনে ।
চণ্ডীদাস কহে এমন পিরীতি
করয়ে সুজন সনে ॥

(কামোদ)

বঁধু কহিলে বাসিবে মনে ছুখ ।
যতেক রমণী ধনী বৈঠয়ে জগতমারো
না জানি দেখয়ে তুয়া মুখ ॥
লোকমুখে জানিলু লখি আগে না রেখিলু
আমারে কুমতি দিল বিধি ।
না বুঝিয়া করে কাজ তার মুণ্ডে পড়ে বাজ
ছুগ রহে জনম অবধি ॥

- ১। “একে মরি মনোছুখে আর নানা কথা
(পাঠান্তর)
২। মো (পাঠান্তর) ।

কেন হেন বেশ ধর পরের পরাণ হর
 স্ত্রীবধে ভয় নাহি কর ।
 গগন-ইন্দু আনিয়া করে কর দর্শাইয়া
 এবে কেন এমতি আচর ?
 পিরীতি পরশে যার হিয়া নাহি দরবয়ে
 সে কেনে পিরীতি করে সাধ ?
 দ্বিজ চণ্ডীদাসে কয় মোর মনে হেন লয়
 ভাঙ্কিলে গড়িতে পরমাদ ॥

(ভাটিয়ারি)

তুমি ত নাগর রসের সাগর
 যেমত ভ্রমর-রীত ।
 আমি ত দুখিনী কুলকলঙ্কিনী
 হইলু করিয়া প্রীত ॥
 গুরুজন ঘরে গজয়ে আমারে
 তোমারে কহিব কত ।
 বিষম বেদন কহিলে কি যায়
 পরাণ সহিছে যত ॥
 অনেক সাধের পিরীতি বঁধু হে
 কি জানি বিচ্ছেদ হয় ।
 বিচ্ছেদ হইলে পরাণে মরিব
 এমনি সে মনে লয় ॥
 চণ্ডীদাস কহে পিরীতি বিষম
 শুনহ বড়য়ার বহ ।
 পিরীতি বিষদ হইলে বিপদ
 এমত না হউ কেহ(১) ॥

সখী-সম্বোধনে

(তুড়ি)

কানড়(২) কুমুম জিনি কালিয়া বরণখানি
 তিলেক নয়নে যদি লাগে ।
 ছাড়িয়া সকল কাজ জাতি কুল শীল লাজ
 মরিব(৩) কালিয়া অমুরাগে ॥
 সই । আমার বচন যদি রাখ ।
 ফিরিয়া নয়ন-কোণে না চাহিও তার পানে
 কালিয়া বরণ যার দেখ ॥

১। কাহ (পাঠান্তর) ।

২। নীলপদ্ম । ৩। মরয়ে (পাঠান্তর) ।

পিরীতি আরতি মনে যে করে কালিয়া মনে
 কখন তাহার নহে ভাল ।
 কালিয়া ভূষণ কালা মনেতে গাঁথিয়া মালা
 জপিয়া জপিয়া প্রাণ গেল ॥
 নিশি দিন অমুক্ষণ প্রাণ করে উচাটন(২)
 বিরহ অনলে জলে তনু ।
 ছাড়িলে ছাড়ন নয় পরিণাম কিবা হয়
 কি মোহিনী জানে কালা কাহু ॥
 দারুণ মুরলী-স্বর না মানে আপন পর
 মরমে ভেদিয়া যার থাকে ।
 দ্বিজ চণ্ডীদাসে কয় তনু মন তার নয়
 যোগিনী হইবে সেই পাকে (২) ॥

(শ্রীরাগ)

সজনি লো সই ।

কণেক(৩) বৈসহ শ্রামের বাঁশীর কথা কই ॥
 শ্রামের বাঁশীটি ছপুরে ডাকাতি
 সরবস হরি লৈল ।
 হিয়া দগদগি পরাণ পোড়নি
 কেন বা এমতি কৈল ॥
 *খাইতে শুইতে আন নাহি চিতে
 বধির করিল বাঁশী ।
 সব পরিহরি করিল বাউরী(৪)
 মানয়ে যেমন দাসী ॥
 কুলের করম ধৈর্য ধরম
 সরম মরম ফাঁসী ।
 চণ্ডীদাসে ভণে এই সে কারণে
 কাহুর সরবস বাঁশী ॥

১। আকুলি ব্যাকুলি ।

২। পরিণামে ।

৩। তিলেক দাঁড়াও খানিক শ্রামের
 বাঁশীর কথাটি কই ॥ (পাঠান্তর)এমতি বেভার না বুঝি তাহার
 পীরিতি যাহার মনে ।গোপন করিয়া কেন না রাখিলে
 বেকত করিলে কেনে ॥দোষ পরিহর বাঁশীটি সম্বর
 আমরা তোমার দাসী ।চণ্ডীদাস ভণে কহিলু কেমনে
 কাহু-সরবস বাঁশী ॥

৪। পাগলী (পাঠান্তর) ।

(সুহই)

বিষম বাঁশীর কথা কহন না যায় ।
ডাক দিয়া কুলবতী বাহির করয় ॥
কেশে ধরি লৈয়া যায় শ্যামের নিকটে ।
পিয়াসে হরিণী যেন পড়য়ে সঙ্কটে ॥
হা রে সই শুনি যবে বাঁশীর নিশান ।
গৃহকাজ ভুলি প্রাণ করে আনচান ॥
সতী ভুলে নিজপতি মুনি ভুলে মৌন ।
শুনি পুলকিত হয় তরুলতাগণ ॥
কি হবে অবলা জাতি সহজে সরলা ।
কহে চণ্ডীদাস সব নাটের(১) গুরু কালা ॥

(ধানশী)

কুলের বৈরী হইল ।
করিল সকল নাশে ।
মদন কিরাতি(২) মধুর যুবতী
ধরিতে আইল দেশে
সই জীবন মন নেয় বাঁশী ।
পিরীতি আঠা ননদী কাঁটা
পড়শী হইল ফাঁসী ॥
বুন্দাবন-মাবো বেড়ায় সে সেজে
ধরিতে যুবতী জনা ।
যমুনার কূলে গাছের তলে
বসিয়া করিল থানা ॥
*এক পাশ হৈয়া থাকি লুকাইয়া
দেখি যে বসিল পাখী ।
ধীরে ধীরে যাই তাহা পানে চাই
আনলা(৩) চালায় দেখি ॥
গাছের ডালে বসিয়া ভালে
তাক করে এক দিঠে ।
জড়াল আটা লাগায় কাঁটা
লাগিল পাখীর পিঠে ॥
পড়িয়া ভূমেতে ধরফড়াইতে
কিরাতে ধরিল পাখে ।
পাখে পাখা দিয়া বাঁধিল টানিয়া
ঝুলিতে ভরিয়া রাখে ॥

চণ্ডীদাস কয়

মহাজন হয়

কিনিয়া লয় সে পাখী ।
ছাড়িয়া দেয় পাখায় ধোয়ায়
তবে সে এড়ান দেখি ॥

(তুড়ি)

মুরলীর স্বরে রহিবে কি ধরে
গোকুল যুবতীগণে ।
আকুল হইয়া বাহির হইবে
না চাবে কুলের পানে ॥
কি রঙ্গ-লীলা মিলায় শিলা
শুনিলে সে ধনি কানে ।
যমুনা-পবন স্থগিত গমন(১)
ভুবন মোহিত গানে ।
আনন্দ উদয় শুধু সুধাময়
ভেদিয়া অন্তরে টানে ।
মরমেতে জালা জীয়ে কি অবলা
হানয়ে মদন-বাণে ॥
কুলবতী-কুল করে নিরমূল
নিষেধ নাহিক মানে ।
চণ্ডীদাস ভণে রাখিও মরমে
কি মোহিনী কালা জানে ॥

(ধানশী)

কালা গরলের জালা আর তাহে অবলা
তাহে মুঞি কুলের বৌহারী ।
অন্তরে মরম-ব্যথা কাহারে কহিব কথা
শুপতে সে গুমরিয়া মরি ॥
সখি হে বংশী দংশিল মোর কানে ।
ডাকিয়া চেতন হরে পরাণ না রহে ধড়ে
তজ্ঞ মজ্ঞ কিছুই না মানে ॥
মুরলী সরল হয়ে বাঁকার মুখেতে রয়ে
শিখিয়াছে বাঁকার স্বভাব ।
বিস্ম চণ্ডীদাস কয় সঙ্গদোষে কি না হয়
রাহ মুখে শশী মসি লাভ ॥

১। অভিনয়ের ।

২। ব্যাধ ।

* এই পংক্তি দুইটি পদকল্পতরুতে নাই ।

৩। নলজে (পাঠান্তর) ।

(১) “ধাকিত গগন ।” (পাঠান্তর) ।

“চৌদিকে গগন ।” (পাঠান্তর) ।

বৈষ্ণব পদাবলী

(ধানশী)*

মন মোর আর নাহি লাগে গৃহকাজে ।
নিশিদিন কাঁদি, কিন্তু হাসি লোকলাজে
কালার লাগিয়া হাম হব বনবাসী ।
কাল নিল জাতি কুল প্রাণ নিল বাঁশী ॥
হাঁরে সখি কি দারুণ বাঁশী ।
যাচিয়া যৌবন দিয়া হু হু শ্রামের দাসী ॥
তরল বাঁশের বাঁশী নামে বেড়া জাল ।
সবার সুলভ বাঁশী রাখা হৈল কাল ॥
অস্তরে অসার বাঁশী বাহিরে সরল ।
পিবয়ে অধর-সুধা উগারে গরল ॥
যে ঝাড়ে তরল বাঁশী তারি লাগি পাও ।
ডালে মূলে উপাড়িয়া সাগরে ভাগাও ॥
দ্বিজ চণ্ডীদাসে কহে বংশী কি করিবে ।
সকলের মূল কালা তারে না পারিবে ॥

(সিন্ধুড়া)

তোমরা মোরে ডাকিয়া সুধাও না
প্রাণ আনচান বাসি ।
কেবা নাহি করে প্রেম
আমি হইলাম দাসী ॥
গোকুল-নগরে কেবা কি না করে
তাছে কি নিষেধ বাধা ।
সতী কুলবতী সে সব যুবতী
কানু-কলঙ্কিনী রাখা ॥
বাহির হইতে লোক-চরচায়
বিষ মিশাইল ঘরে ।
পিরাতি করিয়া জগতের বৈরী
আপনা বলিব কারে ॥
তোমরা পরাণের ব্যথিত আছিল
জীবন-মরণের সঙ্গ ।
অনেক দোষের দোষিণী হইলে
কে ছাড়ে আপন সঙ্গ ॥
নন্দের নন্দন গোকুল কানাই
সবাই আপনা বলে ।
সোপনু ইচ্ছিয়া(১) নিছিয়া(২) লইনু
অনাদি জনম ফলে ॥

রাধা বলি আর ডাকি না সুধাও
এখনি এখানে মৈলে ।
চণ্ডীদাস কহে সকলি পাইবা
। আপন হৈলে ॥

(সিন্ধুড়া)

দেখিলে কলঙ্কীর মুখ কলঙ্ক হইবে ।
এ জনার মুখ আর দেখিতে না হবে ॥
ফিরি ঘরে যাও নিজ ধরম লইয়া ।
দেশে দেশে ভরমিব(১) যোগিনী হইয়া ॥
কালমাণিকের মালা গাঁথি নিব গলে ।
কানু-গুণ-যশ কানে পরিব কুণ্ডলে ॥
কানু-অনুরাগ-রাজা বসন পরিব ।
কানুর কলঙ্ক-ছাই অঙ্কেতে লেপিব ॥
চণ্ডীদাস কহে কেন হইলা উদাস ।
মরণের সাথী যেই সে কি ছাড়ে পাশ ॥

(তুড়ী)

আগুনি জালিয়া মরিব পুড়িয়া
কত নিবারিব মন ।
গরল ভাখিয়া মো পুনি মরিব
নতুবা লউক যম(২) ॥
সই । জালিহ অনল চিতা ।
সীমস্তিনী লইয়া কেশ সাজাইয়া
সিন্দূর দেহ যে সৌখ্য ॥ (ধ্র)
তনু তেয়াগিয়া সিদ্ধ যে হইব
সাধিব মনের মত ।
মরিলে সে পতি আসিবে সংহতি
আমারে সেবিবে কত ॥
তখনি জানিবে বিরহ-বেদনা
পরের লাগয়ে যত ।
তাপিত হইলে তবে যে জানয়ে
তাপ যে লাগয়ে কত ॥
বিনা যে বেদন না হয় চেতন
দরদে দরদী নয় ।
পর দরদের দরদ জানিবে
সেই সে সৃজন হয় ॥
আপনি সে মরে কিবা করে পরে
দোসর লহে বা কেনে ।
কাহার কারণ কে সহে মরণ
চণ্ডীদাস বলে মনে ॥

১। ক্রমিব। ২। শমন (পাঠান্তর) ।

* এই পদটি আমরা পদকল্পতরুতে বা নীলরতন
বাবুর পুস্তকে এই ভাবে দেখিতে পাই না ।

১। ইচ্ছা করিয়া। ২। উৎসর্গ করিলাম ।

(ধানশী)

সই, না কহ ও সব কথা ।
কালার পিরীতি যাহার অন্তরে
জনম হইতে ব্যথা ॥
কালিন্দীর জল নয়ানে না হেরি
বয়ানে না বলি কালা ।
তথাপি সে কালা অন্তরে জাগয়ে
কাসা হইল জপমালা ॥
বঁধুর লাগিয়া যোগিনী হইব
কুণ্ডল পরিব কানে ।
সবার আগে বিদায় হইয়া
যাইব গহন বনে ॥
গুরু পরিজন বলে কুবচন
না যাব লোকের পাড়' ।
চণ্ডীদাস কহে কামুর পিরীতি
জাতি কুল শীল ছাড়া ॥

(সুহই)

গৃহেতে বসিয়া মনরে কহিলু
আর না বলিব কালা ।
কবছ পরাণে আন নাহি জানে
কামু হইল জপমালা ॥
সই, আর না বলিস মোরে ।
কালিয়া বরণ মনেতে পড়িলে
যে বডি(১) প্রমাদ করে ॥
কালিয়া কাজল নয়ানে পরিতে
মোর মনে নাহি লয়ে ।
কালিয়া বরণে পরাণ পাগলি
না জানি আর কি হয়ে ॥
যমুনার জল গাগরী ভরিতে
দেখিলু কালিয়া চাঁদ ।
চণ্ডীদাস কহে রহিতে নারিবা
অন্তরে কালার ফাঁদ ॥

(সুহই)

কাল-জল ঢালি সই কালা পড়ে মনে ।
নিরবধি দেখি কালা শয়নে স্বপনে ॥
কাল কেশ এলাইয়া বেশ নাহি করি ।
কাল অঞ্জন আমি নয়ানে না পরি ॥
আলো সই যুক্তি গণিলু নিদান ।
বিনোদ বঁধুয়া বিনে না রহে পরাণ ॥

১। বড়ই ।

মনের দুঃখের কথা মনে সে রছিল ।
ফুটিয়া সে শ্যাম-শেল বাহির নছিল ॥
চণ্ডীদাস কহে রূপ শেলের সমান ।
নাহি বাহিরায় শেল দগধে পরাণ ॥

বরাড়ী

কাল কুমুম করে পরশ না করি ভরে
এ বড় মনের মনোব্যথা ।
যেখানে সেখানে যাই সকল লোকের ঠাই
কানাকানি শুনি এই কথা ॥
সই ! লোকে বলে কালা পরীবাদ ।
কালার ভরমে হাম জলদে না হেরি গো
ত্যজিয়াছি কাজরের সাধ(১) ॥
যমুনা-সিনানে যাই আঁখি মেলি নাহি চাই
তরুয়া কদম্বতলাপানে ।
যথা তথা বসে থাকি বাঁশাটি শুনিয়ে যদি
ছুটি হাত দিয়া থাকি কানে ॥
চণ্ডীদাস ইথে কহে সদাই অন্তর দহে
পাসরিলে না যায় পাসরা ।
দেখিতে দেখিতে হরে তনু মন চুরি করে
না চিনি যে কালা কিংবা গোরা(২) ॥

তুড়ি

পাসরিতে চাহি তারে পাসরা না যায় গো ॥
না দেখি তাহার রূপ মনে কেন টানে গো ॥
পথে চলি যাই যদি চাহি লোক পানে গো ।
তার কথায় না রয় মন তারে কেন টানে গো ॥
খাইতে যদি বসি খাইতে কেন নারি গো ।
কেশপানে চাহি যি নয়ান কেন বুঝে গো ॥
বসন পরিয়া থাকি চাহি বসন পানে গো ।
সমুখে তাহার রূপ সদা মনে জাগে গো ॥
ঘরে মোর সাধ নাই কোথা আমি যাব গো ।
না জানি তাহার সঙ্গ কোথা গেলে পাব গো ॥
চণ্ডীদাস কহে মন নিবারিয়া থাক গো ।
সে জনা তোমার চিতে সদা লাগি আছে গো ॥

১। শ্রীকৃষ্ণের রূপ মেঘের মত, সেই জন্ত
লজ্জায় আমি মেঘের দিকে তাকাই না। কাজরও
আর পরি না, কেন না, কাজর দেখিয়া শ্রীকৃষ্ণকে
মনে পড়ে ।

২। জপিতে জপিতে হরি তনুমন করে চুরি
না চিনি যে কালা কিংবা গোরা ॥

(পাঠান্তর)

(স্নহই)

এই ভয় মনে উঠে এই ভয় মনে উঠে ।
না জানি কামুর প্রেম তিলে জনি ছুটে ॥
গড়ন ভাঙিতে সই আছে কত খল ।
ভাঙ্গিয়া গড়িতে পারে সে বড় বিরল ॥
যথা তথা যাই আমি যত দূর পাই ।
চাঁদমুখের মধুর হাসে তিলেক জুড়াই ॥
সে হেন বঁধুরে মোর যে জন ভাঙ্গায় ।
হাম নারী অবলার বধ লাগে ভায় ॥
চণ্ডীদাস কহে রাই ভাবিছ অনেক ।
তোমার পিরীতি বিনে সে জীয়ে তিলেক ॥

(শ্রীরাগ)

কামু পরীবাদ মনে ছিল সাধ
সফল করিল বিধি ।
কুজ্ঞন-বচনে ছাড়িতে নারিব
সে হেন গুণের নিধি ॥
বঁধুর পিরীতি শেলের ঘা
পহিলে সহিল বৃকে ।
দেখিতে দেখিতে ব্যথাটি বাড়িল
এ দুখ কহিব কাকে ॥
হিয়া দরদর করে নিরন্তর
যারে না দেখিলে মরি ।
হিয়ার ভিতরে কি শেল সামাল(১)
বল না কি বৃদ্ধ করি ॥
অন্য ব্যথা নয় বোধে শোধে যায়
হিয়ার মাঝারে খুয়া ।
কোন্ কুলবতী কুল মজাইয়া
কেমনে রৈয়াছে সইয়া(২) ?
আমরা অখল হৃদয়ে সরল
কথায় ভুলিয়া গেলুঁ ।
পরের কথায় পিরীতি করিয়া
জনম কাঁদিয়া মলুঁ ॥
সকল কুলে ভ্রমরা বুলে
কি তার আপন পর ।
চণ্ডীদাস কহে কামুর পিরীতি
কেকল দুঃখের ঘর ॥

১। প্রবেশ করিল

২। সহ করিয়া।

(ধানশী)*

সখীর রে, মনের বেদনা কাহারে কহিব
কেবা যাবে পরতীত ।
কামুর পিরীতে বুঝি দিবা-রাতে
সদাই চমকে চিত ॥
সই ছাড়িতে নারিব কালা ।
কত তেয়াগিয়া ভরম ছাড়িয়া
লই কলঙ্কের ডালা ॥
সে ডালি মাথায় করি দেশে দেশে ফিরি
মাগিয়া খাইব যবে ।
সতী চরচার কুলের বিচার
তবে সে আমার যাবে ॥
চণ্ডীদাস কয় কলঙ্কে কি ভয়
যে জন পিরীতি করে ।
পিরীতি লাগিয়া মরে সে বুঝিয়া
কি তার আপন পরে ॥

(ধানশী)

আগে সই কে জানে এমন রীত ।
শ্রাম বঁধুর সনে পিরীতি করিয়া
কেবা যাবে পরতীত ॥
খাইতে পিরীতি শুইতে পিরীতি
পিরীতি স্বপনে দেখি ।
পিরীতি লহরে আকুল হইয়া
পরান-পিরীতি সাক্ষী ॥
পিরীতি আখর জপি নিরন্তর
এক পণ তার মূল ।
শ্রাম বঁধুর সনে পিরীতি করিয়া
নিছিয়া দিলাম কুল ॥
চণ্ডীদাস কয় অসীম পিরীতি
কহিতে কহিব কত ।
আদর করিয়া যতেক রাখিবে
পিরীতি পাইবা তত ॥

(তুড়ি)

আমার মনের কথা শুন গো সজনি ।
শ্রাম বঁধু পড়ে মনে দিবস-রজনী ॥
কিবা গুণে কিবা রূপে মোর মন বান্ধে ।
মুখেতে না সরে বাণী দুটি আঁখি কান্দে ॥

* এই পদটির রচয়িতা সম্বন্ধে যথেষ্ট সন্দেহের কারণ রহিয়াছে । পদটি বিভিন্ন পুস্তকে বিভিন্নরূপে এবং বিভিন্ন ভণিতায় আমরা পাই ।

চিত্তের অনল কত চিত্তে নিবারিব ।
না যায় কঠিন প্রাণ কারে কি কহিব ॥
চণ্ডীদাস বলে প্রেম কারে কি কহিব ॥
কুলধর্ম লোক-সজ্জা নাহি মানে চিত্ত ॥

(ধানশী)

জ্ঞানি জীবন ধন কালা ।
তোমরা আমারে যে বল সে বল
কালিয়া গলার মালা ॥
সই ! ছাড়িতে নারিব তারে ।
অস্তুর সহিত সে প্রেম জড়িত
কে তারে ছাড়িতে পারে ॥
সে দিন যেখানে সেই সব লীলা
করেন কালিয়া কাহু ।
সজ্জের সঙ্গিনী হৈয়া রহিহু
শুনিতাম মধুর বেণু ॥
এত রূপ নহে হিয়া পরতীত
যাইতাম কদম্বের তলা ।
চণ্ডীদাস কহে এত প্রাণে সহে
বিষম বিষের জালা ॥

(গিকুড়া)

বলে বলুক মোরে মন্দ আছে যত জন ।
ছাড়িতে নারিব মুই শ্রাম চিকণ ধন ॥
সে রূপলাবণ্য (১) মোর হৃদয়ে লাগি আছে ।
হিয়া হৈতে পাঁজর কাটি লইয়া যায় পাছে ॥
সই এই ভয় মনে বড় বাসি ॥
অচেতন নাহি থাকি জাগি দিবা-নিশি ॥
অলস আইসে নিদ যদি দুটি আঁখে ।
শয়ন করিয়া থাকি ভুজ দিয়া কাঁখে ॥
এমত পিয়ারে মোর ছাড়িতে লোকে বলে ।
তোমরা বলিবে যদি খাইব গরলে ॥
কাল্য রূপের নিছনি নিছিয়া দিহু কুলে ।
এত দিনে বিধি মোহে(২) হৈল অশুকুলে ॥
পুরুক মনের সাধ ধরম যাউক দূরে ।
কাহু কাহু করি প্রাণ নিরবধি বুঝে ।
চণ্ডীদাস কহে রাই ভাল ভাবিয়াছ ।
মনের মরম কথা কারে জ্ঞানি গুছ(৩) ॥

- ১। রূপলাবণি (পাঠাস্তুর) ।
- ২। আমার প্রতি ।
- ৩। চণ্ডীদাসে বলে রাই এমতি চাহ বটে ।
সুঘরের পীরিত্তি হেলে কতু নাহি টুটে । (পাঠাস্তুর)

(দাসপাড়িয়া)

দূর দূর কলঙ্কিনী বলে সব লোকে গো ।
না জানি কাহার ধন নিলাম আমি গো(১) ॥
কার সনে না কহি কথা থাকি ভয় করি গো ।
তবু ত দারুণ লোকে কহে সেই কথা গো ॥
তার সনে দেখা নাহি রটে মিছে কথা গো ।
দেখা হইলে কহিত যদি তার বোল সইত গো ॥
মিছা কথা ক'য়া পরের মন ভারি করে গো ।
পরকুছা অধর্ম বিনাকেমন ক'রে রহে গো ॥
চণ্ডীদাস কয় লোকে মিছা কথা কয় গো ।
আপন মনে বুঝে দেখ হয় কি না হয় গো ॥

(তুড়ি)

সুজন কুজন যে জন না জানে
তাহারে বলিব কি ।
অস্তুর বেদনা যে জন জানয়ে
পরান কাটয়ে দি ॥
সই কহিতে যে বাসি ডর ।
যাহার লাগিয়া সব ভেয়াগিহু
সে কেন বাসয়ে পর ॥
কাহুর পিরীতি বলিতে বলিতে
পাঁজর ফাটিয়া উঠে ।
শঙ্খবণিকের করাত যেমতি
আসিতে যাইতে কাটে ॥
সোনার গাগরী যেন বিষ ভরি
দুখেতে পুরিয়া মুখ ।
বিচার করিয়া যে জন না খায়
পরিণামে পায় দুখ ॥
চণ্ডীদাস কয় শুনহ সুন্দরি
এ কথা বুঝিবে পাছে ।
শ্রাম বঁধু সনে করিয়া পিরীতি
কেবা কোথা ভাল আছে ॥

(গিকুড়া)

পিয়ার পিরীতি লাগি যোগিনী হৈহু ।
তবু ত দারুণ চিত্তে সোয়াস্তি না পাহু ॥
কি হইল কলঙ্করব শুনি যথা তথা ।
কেন বা পিরীতি কৈহু খাইয়া আপন মাথা ॥
না বল না বল সই সে কাহুর গুণ ।
হাতের কালি গালে দিলাম মাখিলাম চুণ(২) ॥

- ১। কিবা আমি নিলু গো (পাঠাস্তুর) ।
- ২। মাখে কালি চুণ (পাঠাস্তুর) ।

আর না করিব পাপ পিরীতের লেহা ।
পোড়া করি সমান করিহু নিজ দেহা ॥
বিধিরে কি দিব দোষ করম আপনা ।
সুজনে করিহু প্রেম হইল কুজনা ॥
ষিঞ্জ চণ্ডীদাসে কহে না কর ভাবনা ।
সুজনে সুজন মিলে কুজনে কুজনা ॥

(তুড়ি)

এক জালা গুরুজন আর জালা কাঁহু ।
জালাতে জলিল দে সারা হৈল তহু ॥
কোথায় যাইব সই কি হবে উপায় ।
গরল সমান লাগে বচন হিয়ায় ॥
কাহারে কহিব কেবা যাবে পরতীত ।
মরণ অধিক হৈল কাহুর পিরীত ॥
জারিলেক তহু মন কি করে ঔষধে ।
জগত ভরিল কালা কাহু পরীবাদে ॥
লোকমাত্রে ঠাই নাই অপযশ দেশে ।
বাণুলী আদেশে কহে ষিঞ্জ চণ্ডীদাসে ॥

(সিকুড়া)

এ দেশে বসতি নৈল যাব কোন্ দেশে ।
যার লাগি প্রাণ কাঁদে তারে পাব কিসে ॥
বল না উপায় সই বল না উপায় ।
জনম অবধি দুখ রহল হিয়ায় ॥
তিতা কৈল দেহ মোর ননদী-বচনে ।
কত না সহিব জালা এ পাপ পরাণে ॥
বিষ খায় দেহ যাবে রব রবে দেশে ।
বাণুলী আদেশে কহে ষিঞ্জ চণ্ডীদাসে(১) ॥

(সিকুড়া)

সই, এ কি সহে পরাণে ।
কি বোল বলিয়া গেল ননদিনী
শুনিলে আপন কাণে ॥
পরের কথায় এত কথা কহে
ইহাতে করিব কি ।
কাহু পরীবাদে ভুবন ভরিল
বুধায় জীবনে জী(২) ॥

১। কলঙ্ক ঘৃষিবে লোকে, নিষেধিল চণ্ডীদাসে
(পাঠান্তর) ২। জীবিত রহিয়াছি ।

কাহুরে পাইত এ সব কহিত
তবে বা সে বোলে ভাল ।
মিছে পরীবাদে বাদিনী হইয়া
জরজর প্রাণ হৈল ॥
কে আছে বুঝিয়া শ্রামেরে কহিয়া
এ দুখে করিবে পার ।
চণ্ডীদাস কহে দৈর্ঘ্য ধরি রহ
কে কিবা করিবে কার ॥

(শ্রীরাগ)*

পর পুরুষে যৌবন সঁপিলে
আশা না পূরয়ে তায় ।
আপন পতি বিছুরিলে কতি
দ্বিগুণ সুখ সে পায় ॥
সই, বিধি করিল এমন রীতি ।
কুলবতী হইয়া পতি তেয়াগিয়া
পরপতি সনে প্রীতি ।
পড়শী সকল এবে সে জানিল
দুকুল ভাসিল জলে ।
পিরীতি করিতে আসিবে চটাই(১)
দুই কুল ফাঁক হ'লে ।
দুদিকে ভাসিতে উঠু-ডুবু করিতে
কিনারা হইল দেখি ।
মহাজন ঘরে চোরে চুরি করে
পড়শী দেয় সে সাথী ॥
ভলাস করিয়া বেড়ায় ফিরিয়া
ধনের না পায় লেশ ॥
মনে যে বুঝিয়া দেখিহু ভাবিয়া
তাহারি কপাল-দোষ ॥
এমন ডাকাত কাহুর পিরীতি
হরি নিল মোর মন ।
আপন পর যে দুখিল সব
ভেজিল গৃহ গুরুজন ॥
রাখ চিহ্ন পায় চণ্ডীদাস হিয়ায়
দোসর বোধিক(২) জনা ।
সকলি পাইবে কুশলে রহিবে
আসিবে নন্দ-নন্দনা ।

* এই পদটির অপর দুইটি পাঠান্তর দেওয়া
হইল। মনে হয়, পাঠান্তরগুলির অর্থ ই অধিক
সঙ্গত ।

১। বিচ্ছেদ। ২। বুঝবার ।

(সিকুড়া)

গোকুল নগরে আমার বঁধুরে
সবাই আপনা ভালবাসে ।
হাম অভাগিনী আপন বলিলে
দারুণ লোকেতে হাসে ॥
সই কি জানি কি হইল মোরে ।
আপন বলিয়া দুকুল চাহিয়া
না দেখি দোসর পরে ॥
কুলের কামিনী হম অভাগিনী
নহিলে(১) দোসর জনা ।
রসিক নাগরী গুরু জনা বৈরী
এ বড় মুরখপণা ॥
বিধির বিধান এমন করল
বুঝি করমদোষে ।
আগে পাছে বুঝি না কৈলে সমঝি(২)
কহে চণ্ডীদাসে ॥

(গান্ধার)

পিরীতি লাগিয়া হম সব তেয়াগিনী ।
তবু ত শ্রামের সঙ্গে গোঙাতে নারিনী ॥
বিধিরে কি দিব দোষ আপন বরম ।
কি খেনে করিনু প্রেম না জানি মরম ॥
ঘরে ঘরে চাতরে কুলটা বলি খ্যাতি ।
কানু সঙ্গে প্রেম করি না পোহাল রাতি ॥
চল চল আর দেখি ওঝা-বাড়ী ষাই ।
কালকূট বিষ আনি হাতে তুলি খাই ॥
পিরীতে মরিতে লাগি যেন করে আশ ।
পিরীতি লাগিয়া মরে দ্বিজ চণ্ডীদাস ॥

(পঠমঞ্জরী)

নিশ্বাস ছাড়িতে না দেয় ঘরের গৃহিনী ।
বাহিরে বাতাসে ফাঁদ পাতে ননদিনী ॥
শুন শুন প্রাণ প্রিয় সই ।
তুমি সে আমার আমি সে তোমার
তেই সে তোমারে কই ॥
বিনি ছলে ছলয়ে সদাই ধরে চুরি ।
হেন মনে করে জলে প্রবেশিয়ে মরি ॥
সতী সাধে দাঁড়াই যদি সখীগণ সঙ্গে ।
পুলকে পুরয়ে তনু শ্রাম পরসঙ্গে ॥

১। না হইল ।

২। সমঝিয়া (বিশেষ বিবেচনা না করিয়া) ।

পুলকে ঢাকিতে নানা করি পরকার ।
নয়নের ধারা মোর বহে অনিবার ॥
পোড়া লোক না জানে পিরীতি বোলে কারে
তুমি যদি বল সমাধান দেই ঘরে ॥
চণ্ডীদাস বলে শুন আমার যুক্তি ।
অধিক জালা যার তার অধিক পিরীতি(১) ॥

(সিকুড়া)

তাহারে সই বুঝাই পেলে তার লাগি ।
ননদী-বচনে যেন বুকে উঠে আগি ॥
কাহারে না কহি কথা রহি দুখে ভাসি ।
ননদী দ্বিগুণ বাদী এ পোড়া পড়শী ॥
কাহারে কহিব দুখ যাবো আমি কোথা ।
কার সনে কব আর কাল কাহুর কথা ॥
যত দূরে যায় মন তত দূরে যাব ।
পিরীতি পরাণভাগী কোথা গেলে পাব ॥
তাহারে কহিব দুখ বিনয় করিয়া ।
চণ্ডীদাস কহে তবে জুড়াইবে হিয়া ॥

(শ্রীরাগ)*

কানু সে জীবন জাতি প্রাণ ধন
এ দুটি নয়ান-ভারা ।
হিয়ার মাঝারে পরাণ-পুতলি
নিমিখে নিমিখ হারা ॥
তোরা কুলবতী ভজ নিজ পতি
যার মনে যেন লয় ।
ভাবিয়া দেখিলাম শ্রাম বঁধু বিনে
আর কেহ মোর নয় ॥
কি আর বুঝাও ধরম করম
মন স্বতন্ত্র নয় ।
কুলবতী হইয়া পিরীতি আরতি
আর কার জানি হয় ॥
যে মোর করমে লিখন আছিল
বিহি ঘটাওল মোরে ।
তোরা কুলবতী ভজ নিজ পতি
কুল লই থাক ঘরে ॥

১। অধিক যাতনা যার দ্বিগুণ পিরীতি !
(পাঠান্তর) ।

* পদকল্পতরুতে আমরা এই পদটি জ্ঞানদাসের
ভনিতায় পাই ।

যরে গুরুজন বলে কুবচন
সে মোর চন্দন চূয়া ।
শ্রাম-অনুরাগে এ তনু বেচিহু
তিল-তুলসী দিয়া ॥
পড়শী দুর্জন বলে কুবচন
না যাব সে লোক-পাড়া ।
চণ্ডীদাস কয় কাহুর পিরীতি
জাতি কুল শীল ছাড়া ॥

(ধানশী)

কে আছে বুঝিয়া শুঝিয়া বলিবে
আমার পিয়ার পাশে ।
গোপত পিরীতি না করে বেকতি
শুনিয়া লোকেতে হাসে ॥
গোপত বলিয়া কেন বা বলিলে
এমত করিল কেনে ।
এমত ব্যাপার না বুঝি তাহার
পিরীতি যাহার সনে ॥
সই, এমতি কেন বা হৈল ।
পরের যে নারী নিল মন হরি
নিচয়(১) ছাড়িয়া গেল ॥
আমি অভাগিনী দিবস-রজনী
সোঙরি সোঙরি মরি ।-
কুলের কলঙ্ক করিহু সালঙ্ক(২)
তবু যে না পান্নু হরি ॥
পুরুষ-পরশ হইল দুঃস
বিছুরিলে আপন মতি ।
জনম অবধি না পাই সোয়াতি
কাঁদিয়া মরি যে নিতি ॥
চণ্ডীদাস কয় সূজন যে হয়
এমতি না করে সে ।
তাহার পিরীতি পাষাণে লেখতি(৩)
মুছিলেও নাহি ঘুচে(৪) ॥

(ধানশী)

সই, কেমনে ধরিব হিয়া ।
আমার বঁধুয়া আন বাড়ী যায়
আমার আঙ্গিনা দিয়া ॥

১। নিশ্চয়। ২। অলঙ্কার। ৩। পাথরে
লখা। ৪। মুছিলে না মুছে সে (পাঠান্তর)

সে বঁধু কালিয়া না চায় ফিরিয়া
এমতি করিল কে ?
আমার অন্তর যেমন করিছে
তেমনি হউক সে ॥
যাহার লাগিয়া সব তেয়াগিহু
লোকে অপযশ কয় ।
সেই গুণনিধি ছাড়িয়া পিরীতি
আর জানি কার হয় ॥
আপনা আপনি মন বুঝাইতে
পরতীত(১) নাহি হয় ।
পরের পরাণ হরণ করিলে
কাহার পরাণে সয় ॥
যুবতী হইয়া শ্রাম ভাঙাইয়া
এমতি করিল কে ।
আমার পরাণ যেমতি করিছে
তেমতি হউক সে ॥
কহে চণ্ডীদাস করহ বিশাগ
যে শুনি উত্তম মুখে ।
কেবা কোথা ভাল আছয়ে সুন্দরি
দিয়া পর-মনে দুখে ॥

(গান্ধার)

দেখিব যে দিনে আপন নয়নে
কহিতে তা সনে কথা ।
বেশ দূর করি কেশ ঘুচাইব(২)
ভাঙ্গিব আপন মাথা ॥
সই, কেমনে ধরিব হিয়া ।
এমত সাধের বঁধুয়া আমার
দেখিলে না চাহে ফিরিয়া ॥
সে হেন কালিয়া যা বিনেক হিয়া
এ মত করিল কে ।
হৃদি সীদতি(৩) আমার যে মতি
তেমতি পড়ুক সে ॥
কহে চণ্ডীদাস কেন কর ত্রাস
সে ধন তোমার বটে ।
তার মুখে ছাই দিয়া সে কানাই
আসিবে তোমা নিকটে ॥

১। প্রত্যয়—বিশ্বাস ।

২। মাথা মুড়াইব ।

৩। হৃদয় শিহরিতেছে ।

(ধানশী)

সই, তাহারে বলিব কি ।
 * যেমতি করিয়া শপথি করিল
 বুথায় জীবন জী ॥
 ধরম গুণে ভয় না মানে
 এমন ডাকাতি সেহ ।
 বুঝিলাম মনে ডাকাতিয়া মনে
 ঘুচিল ভাল যে লেহ ॥
 বিনি যে পরথি(১) রূপ যে দরথি(২)
 ভুলিহু পরের বোলে ।
 পিরীতি করিয়া কলঙ্ক হইল
 ডুবিহু অগাধ জলে ॥
 গুরুর গজ্ঞন সহি সদাতন
 না জানি কিসের বলে ।
 অমিঞা ঘুচিয়া গরল হইল
 এমতি বুঝিলাম শেষে ॥
 আগে যদি জানিতুঁ সতর্কে থাকিতুঁ
 এমত না করিতুঁ মনে ।
 সে হেন পিরীতি হবে বিপরীত
 এমন মনে কে জানে ॥
 চণ্ডীদাস কহ ধৈর্য্য ধরি রহ
 কাহারে না কহ কথা ।
 কথা যে কহিবে বুথাই হইবে
 মনেতে পাইবে ব্যথা ॥

(ধানশী)

পিরীতি পসার লইয়া ব্যভার
 দেখি যে জগৎময় ।
 যতেক নাগরী কুলের কুমারী
 কলঙ্কী আমারে কয় ॥
 সই, জানি কি হইবে মোর ।
 সে শ্যাম নাগর গুণের সাগর
 কেমনে বাসিব পর ?
 সে গুণ সোঙরিতে(৩) হাহা করে চিতে
 তাহা বা কহিব কত ।
 গুরুজনা-কুলে ডুবাইয়া মূলে
 তাহাতে হইব রত ॥

* এমতি করিয়া পিরীতি করিলে (পাঠান্তর) ।

১। পরীক্ষা । ২। নিরথিয়া ।

৩। স্মরিতে (পাঠান্তর) ।

থাকিলে যে দেশে মোরে দেখি হাসে
 কহিতে না পারি কথা ।
 অযোগ্য লোকে যত বলে মোকে
 সে আর দ্বিগুণ ব্যথা ॥
 কহে চণ্ডীদাস বাস্তবীর পাশ
 এমন যদি হয় মনোরীত ।
 কার সনে হয় পিরীতি করয়
 কহিলে সে হয় পরতীত ॥

(শ্রীরাগ)

সই, মরম কহিএ তোকে ।
 পিরীতি বলিয়া এ তিন আখর
 কভু না আনিব মুখে ॥
 পিরীতি মুরতি কভু না হেরিব
 এ ছুটি নয়ন-কোণে ।
 পিরীতি বলিয়া নাম শুনাইতে
 মুদিয়া রহিব কানে ॥
 পিরীতি নগরে বসতি তেজিয়া
 থাকিব গহন বনে ।
 পিরীতি বলিয়া এ তিন আখর
 যেন না পড়য়ে মনে ॥
 পিরীতি পাবক পরশ করিয়া
 পুড়িছে এ নিশি দিবা ।
 পিরীতি বিচ্ছেদ সহনে না যায়
 কহে চণ্ডীদাস কিবা ॥

(ধানশী)

শুন শুন সই কহি তোরে ।
 পিরীতি করিয়া কি হৈল মোরে ॥
 পিরীতি পাবক কে জানে এত ।
 সদাই পুড়িছে সহিব কত ॥
 পিরীতি দুঃস্থ কে বলে ভাল ।
 ভাবিতে পাজর হইল কাল ॥
 অবিরত বহে নয়নে নীর ।
 নিলাজ পরাণে না বান্ধে ধির ॥
 দোসর ধাতা(১) পিরীতি হইল ।
 সেই বিধি মোরে এতেক কৈল ॥
 চণ্ডীদাস কহে সে ভাল বিধি ।
 এই অমুরাগে সকল সিধি ॥

১। প্রেম আমার দ্বিতীয় বিধাতাস্বরূপ হইল ।

(শ্রীরাগ)

ও সহ, আর না বলিহ মোরে ।
 পিরীতি বলিয়া দারুণ আখর
 বলিতে নয়ন বুঝে ॥
 পিরীতি আরতি কভু না স্মরিব
 শয়ন স্বপন মনে ।
 পিরীতি নগরে বসতি ত্যজিব
 রহিব গহন বনে ॥
 পিরীতি অবশ পরাণ লাগিয়া
 তেজিব নিকুঞ্জ-বাস ।
 পিরীতি বেয়াধি ছাড়িলে না ছাড়ে
 ভাল জানে চণ্ডীদাস ॥

(পঠমঞ্জরী)

কি বৃকে দারুণ ব্যথা ।
 সে দেশে যাইব যে দেশে না শুনি
 পাপ পিরীতের কথা ॥
 সহ, কে বলে পিরীতি ভাল ।
 হাসিতে হাসিতে পিরীতি করিয়া
 কাঁদিতে জনম গেল ।
 কুলবতী হৈয়া কুলে দাঁড়াইয়া
 যে ধনী পিরীতি করে ।
 তুমের অনল যেন সাজাইয়া
 এমতি পুড়িয়া মরে ।
 হাম অভাগিনী এ দুখে দুখিনী
 প্রেমে ছল ছল আঁখি(১) ।
 চণ্ডীদাস কহে যেমতি হইল
 পরাণে সংশয় দেখি(২) ॥

(সিকুড়া) *

এ দেশে না রব সহ দূর দেশে যাব ॥
 এ পাপ পিরীতির কথা শুনিতে না পাব ॥
 না দেখিব নয়নে পিরীতি করে যে ।
 এমতি বিষম চিতা জালি দিলে সে ॥
 পিরীতি আখর তিন না দেখি নয়নে ।
 যে কহে তাহারে আর না হেরি বয়ানে ॥

১। পাঠান্তর—সদাই বরষে আঁখি ।

২। পাঠান্তর—“চণ্ডীদাস কহে যে দুখ উঠিল,
 জীবন সংশয় দেখি ।”* কোন অধ্যাপকের মতে এই পদে রামীর
 উল্লেখ সহজিয়াদের কল্পনা-প্রসূত ।

পিরীতি বিষম দায়ে ঠেকিয়াছি আমি ।
 চণ্ডীদাসে কহে রামি ইহার গুরু তুমি(১) ॥

(শ্রীরাগ) •

সুখের লাগিয়া এ ঘর বাঁধিহু
 আঙুনে পুড়িয়া গেল ।
 অমিয়া সাগরে সিনান করিতে
 সকলি গরল ভেল ॥
 সখি, কি মোর কপালে লেখি ।
 শীতল বলিয়া ও চাঁদ সেবিহু
 ভানুর কিরণ দেখি ॥
 উচল বলিয়া অচলে চড়িহু(২)
 পড়িহু অগাধ জলে ।
 লছমী চাহিতে দাঙ্গিড বেঢ়ল
 মাণিক হারানু হেলে ॥
 নাগর বসালাম সাগর বাঁধিলাম
 মাণিক পাবার আশে ।
 সাগর শুকাল মাণিক লুকাল
 অভাগীর করম দোষে ॥
 পিয়াস লাগিয়া জলদ সেবিহু
 বজর পড়িয়া গেল ।
 কহে চণ্ডীদাস শ্রামের পিরীতি
 মরমে রহল শেল(৩) ॥

(শ্রীরাগ)

যাবত জনমে কি হৈল মরমে
 পিরীতি হইল কাল ।
 অস্তরে বাহিরে পশিয়া রহিল
 কেমতে হইবে ভাল ॥
 সহ, বল না উপায় মোরে ।
 গঞ্জনা সহিতে নারি আর চিতে
 মরম কহিহু তোরে ॥

১। দ্বিজ চণ্ডীদাস কহে ইহার গুরু তুমি ।
 (পাঠান্তর) ।

২। “উচল হইতে নিচলে চাপিয়া।” (পাঠান্তর) ।

৩। এই পদটি জ্ঞানদাসের বলিয়া উল্লিখিত
 আছে, ভণিতা এইরূপ—

পিয়াস লাগিয়া জলদ সেবিহু
 পাইহু বজর তাপে ।
 জ্ঞানদাস কহে পিরীতি করিয়া
 পাছে কর অনুতাপে ॥

ননদী-বচনে জ্বলিছে পরাণে
আপাদ মস্তক চুল ।
কলঙ্কের ডালি মাথায় করিয়া
পাথারে ভাসাব কুল ॥
ভাসিয়া যায় ঘুচয়ে দায়
এ বোল এ ছার লোকে(১) ।
চণ্ডীদাস কহে এমতি হইলে
মরিব তাহার শোকে(২) ॥

(সুহই)

পাপ পরাণে কত সহিবেক জ্বালা ।
শিশুকালে মরি গেলে হইত যে ভালা ॥
এ জ্বালা জঞ্জাল সহি তবে সে পরিহরি ।
ছেদন করিয়া দেও পিরীতের ডুরি(৩) ॥
তেমতি নহিলে যার এ মতি ব্যভার ।
কলঙ্ক কলসী লৈয়া ভাসিব পাথার ॥
চণ্ডীদাস কহে ইহা বাণুলী-কুপায় ।
পিরীতি লাগিয়া কেন ভাসিবে দরিয়ায় ॥

(শ্রীরাগ)

শুন গো মরম-সই ।
যখন আমার জনম হইল
নয়ন মুদিয়া রই ॥
দিতে ক্ষীর সর জননী আমার
নয়ন মুদিত দেখি ।
জননী আমার করে হাহাকার
কহিল সকলে ডাকি ॥
শুনি সেই কথা জননী যশোদা
বঁধুরে লইয়া কোরে ।
আমারে দেখিতে আইল তুরিতে
স্মৃতিকা-মন্দির ঘরে ॥
দেখিয়া জননী কহিছেন বাণী
এই ছিল কি কপালে ।
করিয়া সাধনা পেলেম অন্ধকণ্ঠা
বিধি এত দুখ দিলে ॥
উঠ উঠ বলি করে ধরি তুলি
বসান যতন ক'রে ।
হেনই সময়ে মায়ে তেয়াগিয়ে
বঁধু পরশিল মোরে ॥

গায়ে দিয়ে হাত মোর প্রাণনাথ
অস্তরে বাঢ়ল মুখ ।
হাসিয়া কাঁদিয়া আঁখি প্রকাশিয়া
দেখিহু বঁধুর মুখ ॥
ঘুটিল অন্ধ বাঢ়িল আনন্দ
জননী যশোদার মনে ।
আমার কল্যাণে আনন্দিত মনে
করিল বিবিধ দানে ॥
সুজন যে জন জানে সেই জন
কুজন নাহিক জানে ।
অনুরাগে মন সদাই মগন
ধ্বিজ চণ্ডীদাসে তণে ॥

(তুড়ি)

শুন কমলিনি চল কুল রাখি
আর না করিও নাম ।
সে যে কালিয়া মুরতি কালিয়া প্রকৃতি
কালী খল নাম শ্রাম ॥
জনক জননী তেজিয়া আপনি
অন্তের হইয়া মজে ।
রাম অবতারে জানকী সীতারে
বিনি অপরাধে ত্যজে ॥
উহার চরিত আছয়ে বিদিত
বালী বধিবার কালে ।
বলিকে ছলিয়া পাতালে জইল
কি দোষ উহার পেলে ।
উহার চরিত আছয়ে বিদিত
হৃদয় পাষণময় ।
উহার পরণে যে মত বারণে
যেই সে শরণ লয় ॥
চণ্ডীদাস ভণে মরুক সে জনে
সেবা পরচরচায় থাকে ।
পিরীতি লাগিয়া মরে সে কুলিয়া
কুলেতে কি করে তাকে ॥

(শ্রীরাগ)

আপনা আপনি দিবস-রজনী
ভাবিয়ে কতক দুখ ।
যদি পাখা পাই পাখী হয়ে যাই
না দেখাই পাপ মুখ ॥

১। না বলে ছাড় যে লোকে । (পাঠান্তর) ।

২। কি করে অধম লোকে । (পাঠান্তর) ।

৩। রজ্জু ।

সই, বিধি দিল মোরে শোকে ।
 পিরীতি করিয়া আশা না পুরল
 কলঙ্ক ঘোষিল লোকে ॥
 হাম অভাগিনী তাতে একাকিনী
 নহিল দোসর জনা ।
 অভাগিয়া লোকে যত বলে মোকে
 তাহা যে না যায় শুনা ॥
 বিধি যদি শুনিত মরণ হইত
 ঘুচিত সকল দুখ ।
 চণ্ডীদাস কয় এমতি হইলে
 পিরীতির কিবা সুখ ॥

(শ্রীরাগ)

পরের রমণী(১) ঘুচিবে কখনি
 এমনি করিবে ধাতা ।
 গোকুল নগরে প্রতি ঘরে ঘরে
 না শুনি পিরীতি কথা ॥
 সই যে বোল সে বোল গোরে ।
 শপতি(২) করিয়া বলি দাঁড়াইয়া
 না রব এ পাপ ঘরে ॥
 গুরু গঙ্গন মেঘের গর্জন
 কত না সহিব প্রাণে ।
 ঘর তেয়াগিয়া যাইব চলিয়া
 রহিব গহন বনে ॥
 বনে যে থাকিব শুনিত না পাব
 এ পাপ জনের কথা ।
 গঙ্গনা ঘুচিবে হিয়া জুড়াইবে
 ঘুচিবে মনের ব্যথা ॥
 চণ্ডীদাস কয় স্বতস্তুরী হয়
 তবে সে এমন বটে ।
 যে সব কহিলে করিতে পারিলে
 তবে সে এ পাপ ছুটে ॥

(সুহই)

না জানে পিরীতি যারা নাহি পায় তাপ ।
 পরসে(৩) পিরীতি আঁধার ঘরে সাপ ॥
 সই পিরীতি বড়ই বিষম ।
 না পাই মরমী জনা কহিতে মরম ॥

১। অধীনী (পাঠান্তর) ২। শপথ—দিব্য ।
 ৩। (পরসে—হিন্দী) পরের সঙ্গে অথবা
 পর হইতে ।—পরবশ (পাঠান্তর) ।

গৃহে গুরুগঙ্গন কুবচন-জালা ।
 কত না সহিবে দুখ পরাধীনী বালা ॥
 পিরীতি বেয়াধি যদি অন্তরে শামাইল(১) ।
 ঔষধ খাইতে তবে পরাণ জারি(২) গেল ॥
 চণ্ডীদাস কহে প্রেম বড়ই বিষম ।
 জীয়ন্তে এমন করে, লউক শমন ॥

(ধানশী)

দৈব মুকতি বিশেষ গতি(৩)
 যাহারে লাগয়ে যেহ ।
 আন আন জনে করিয়া যতনে
 প্রেমেতে গড়ায়ে দেহ ॥
 সই, এমনি কাশুর রসে ।
 জনম অবধি রহিবে পিরীতি
 বিচ্ছেদ না হবে শেষে ॥
 যেই মনে ছিল তাহা না হইল
 সোঙরিতে প্রাণ কাঁদে ।
 লোহ(৪) দাবানলে মন(৫) যে জলে
 হরিণী পড়িল ফাঁদে ॥
 পলাইতে চায় পথ নাহি পায়
 দেখে যেন আনন্দময় ।
 বনের মাঝারে ছুটফট করে
 কত বা পরাণে সয় ॥
 বাহিরে আসিয়া বাণ যে খাইয়া
 পশিতে তাহাতে পুন ।
 গরল আনলে শরীর বিবল(৬)
 শামাইতে(৭) নারে যেন ॥
 করিবর আদি না পায় সমাধি
 ফিরিয়া চীৎকার করে ।
 একে কুলনারী ফুকানিতে নারি
 ননদী আছয়ে ঘরে ॥
 এমতি আকার পিরীতি তাহার
 বহিয়া দহিছে মনে ।
 ননদী বচনে দগধে পরাণে
 পাঞ্জর বিধিল ঘুণে ॥
 নয়নে নয়নে নয়ন পিঞ্জরে
 রাখয়ে আপন কাছে ।
 জলে যাই যবে সঙ্গে চলে তবে
 শ্রামেরে দেখি যে পাছে ॥

১। প্রবেশ করিল । ২। অর্জ্বরিত হইয়া ।
 ৩। স্তুতি (পাঠান্তর) ৪। স্নেহ । ৫। বন
 (পাঠান্তর) । ৬। বলশূন্য । ৭। প্রবেশ করিতে ।

চণ্ডীদাস কয় বাণুলীর সহায়
মনেতে থাকয়ে যদি ।
যে জন যা বিনে না জীয়ে পরাণে
তার কি করে নন্দী ॥

(ধানশী)

জনম অবধি পিরীতি বেয়াধি
অস্তরে রহিল মোর ।
থেকে থেকে উঠে পরাণ যে ফাটে
জ্বালার নাহিক ওর(১) ॥
সই ! এ বড় বিষম কথা ।

কাহুর কলঙ্ক জগতে হইল
জুড়াইব আর কোথা ॥

বেয়াধি অবধি করিয়ে সমাধি
পাই এবে যার লাগি ।

এমতি ঔষধ হয় অল্প মূল্য লয়
হিয়ার ঘুচায় আগি ॥

জনম অবধি কণ্টক নন্দী
জ্বালাতে জ্বালাল মন(২) ।

তাহার অধিক দ্বিগুণ জ্বালায়
খলের পিরীতি শুন(৩) ॥

খলের সংহতি ছাড়িছু পিরীতি
ছাড়িছু সকল সুখ ।

চণ্ডীদাস কয় যদি দেখা হয়
এবে কেন বাস দুখ ?

(সিন্ধুড়া)

সখি ! কেমনে জীব গো আর !
বুকে খেয়েছি শ্রাণের শেল
পীঠে হৈল পার ॥

মহু মহু মৈলাম গো সগি
কালিয়া বাঁশীর গানে ।

সুজন দেখিয়া পিরীতি করিছু
এমতি হবে কে জানে ॥

সকল গোকুল হইল আকুল
শুনিয়া বাঁশীর কথা ।

খলের সহিত পিরীতি করিয়া
কি হৈল অস্তরে ব্যথা ॥

১। শেষ ।

২। মূল (পাঠান্তর) ।

৩। শূল (পাঠান্তর) ।

স্থির হইতে নারি প্রাণের সখি গো
বুকে খেয়েছি ঘা ।

আঁখির জলে পথ নাহি দেখি
মুখে না নিঃসরে রা ॥

পিরীতি রতন করিব যতন
পিরীতি গলার হার ।

শ্রাম বঁধুয়ার নিদারুণ বাঁশী
পরাণ বধে আমার ॥

কে জানে কেমন পিরীতি এমন
পিরীতি কৈল সব নাশ ।

গঞ্জে গুরুজনে আনন্দিত মনে
কহে দ্বিজ চণ্ডীদাস ॥

(ধানশী)

যতন করিয়া বেসালি(১) ধুইয়া
সাঁজে সাজাইছু দুখ ।

দধি সে নহিল জল সে হইল
পাইছু বড়ই দুখ ॥

সই, দধি কেন ছিঁড়ি গেল ?

কাহুর পিরীতি কুলের করাতি
পরাণ টানিয়া নিল ॥

পিরীতি ঘুচিল আরতি না পুরিল
না ঘুচিল কলঙ্কজ্বালা ।

তবু অভাগিনী না ঘুচায় কাহিনী
পরীবাদ হৈল কালা ॥

বুঝিলাম যতনে প্রবোধিছু পরাণে
ছাড়িছু তাহার আশ ।

চিত্তে আর কত ভাবি অবিরত
দৈব করিল নিরাশ ॥

আর কেহ বলে বাঁপ দিব জলে
তেজিব এ পাপ দেহ ।

চণ্ডীদাস কহে ছাড়িলে ছাড়ন নহে
শুধু সুধাময় লেহ ॥

(ধানশী)*

না বল না বল সখি না বল এমনে ।

পরাণ বান্ধিয়া আছি সে বঁধুর সনে ॥

তাজি লো কুল শীল এ লোকলাজ ।

কি গুরু গৌরব গৃহের কাজ ॥

১। ভাণ্ড ।

* গীতকল্পতরু এবং পদকল্পতরু গ্রন্থে এই পদটি
জ্ঞানদাসের ভণিতাব্যুক্ত দেখিতে পাওয়া যায় ।

ভেজিয়া সব লেহা(১) পিরীতি কৈলু ।
 যে হইবে বিরতি ভাবে ত্যজিয়া মৈলু ॥
 যে চিতে দাঁড়াইঞাছি সই সে হয় ।
 ক্ষেপিল(২) বাণ যে রাখিল নয় ॥
 ঠেকিল প্রেম-ফাদে সকলি নাশ ।
 ভাল সে চণ্ডীদাস না করে আশা(৩) ॥

(ধানশী)

ইক্ষু রোপিণ্ডু গাছ যে হইল
 নিদ্রাড়িতে রসময় ।
 কামুর পিরীতি বাহিরে সরল
 অস্তরে গরল হয় ॥
 সই, কে বলে ইক্ষুরস গুড় ।
 পরের বচনে চাকিহু বদনে
 খাইহু আপন মুড়(৪) ॥
 চাকিতে চাকিতে লাগিল জিহ্বাতে
 পহিলে লাগিল মিঠ ।
 মোদক আনিয়া ভিয়ান করিয়া
 এবে সে লাগিল সীঠ (৫) ॥
 মশলা আনিহু আগুনে চড়াহু
 বিছুরিহু আপন ভাব ।
 কামুর পিরীতি বুঝিহু এমতি
 কলঙ্ক হইল লাভ ॥
 আপন করমে বুঝিহু মরমে
 বস্তুর নাহিক দোষ ।
 চণ্ডীদাস কহে পিরীতি করিয়া
 কেবা পাইল কোথা ষশ ?

(মল্লার)

দিবস রজনী গুণ গণি গণি
 কি হৈল অস্তরে ব্যথা ।
 খলের বচনে পাতিয়া শ্রবণে
 খাইহু আপন মাথা ॥
 কে বলে পিরীতি ভাল গো সখি
 কে বলে পিরীতি ভাল ।
 সে ছার পিরীতি ভাবিতে ভাবিতে
 সোনার বরণ কাল ॥

১। সাধ ।

২। নিক্ষেপ করিল ।

৩। “ভালে সে জ্ঞানদাস না করে আশা” (পদ-
 কল্পতরু) । ৪। মাথা । ৫। স্বাদবিহীন ।

সোনার গাগরী(১) বিষজল ভরি
 কেনা আনি দিল আগে ।
 করিহু আহার না করিহু বিচার
 এ বধ কাহারে লাগে ॥
 নীর-লোভে মৃগী পিয়াসে ধাইতে
 ব্যাধ শর দিল বুকে ।
 জলের সফরী আহার করিতে
 বঁড়শী লাগিল মুখে ॥
 নব ঘন হেরি পিয়াসে চাতকী
 চঞ্চু পসারল আশে ।
 বারিক(২) কারণ বহল পবন
 কুলিশ মিলিল শেষে ॥
 ক্ষীর নাড়ু করি বিধে মিলাইয়া
 অবলা বালাকে দিল ।
 সুস্বাদ পাইয়া খাইতে খাইতে
 নিকটে মরণ ভেল ॥
 লাখ হেন পায় যতনে বাঁধিতে
 পড়ল অগাধ জলে ।
 হেম অশুচিত করে পাপ বিধি
 দ্বিজ চণ্ডীদাস বলে ॥

(নটনারায়ণ)

শুন ওগো সই আর তোমা বই
 কহিব কাহার কাছে ।
 লোক-মুখে শুনি ইহা বলে নাকি
 কামু মনে রাখা আছে ॥
 গোকুল নগরে গোপ সমাবারে(৩)
 এত দিনে আছি মোরা ।
 লোক-মুখে শুনি কখন না গুণি(৪)
 কামু কালো কিবা গোরা ॥
 ঘরের ঘরনী আছে কালবাদিনী(৫)
 পাপমতি ননদিনী ।
 শুনাইয়া মোকে আর কাকে ডাকে
 এস শ্যাম-সোহাগিনী ॥
 কেবা সে শ্যাম কামু কার নাম
 তাহা না বলিব কি ।
 শুনাইয়া মোকে আর কাকে ডাকে
 আই মাইকে জানাই দেখি ॥

১। কলস ।

২। জলের নিমিত্ত ।

৩। গোপগগনমধ্যে

৪। চিন্তা করি না ।

৫। মন্দভাষিনী ।

একা প্রাণপতি সেই মোর গতি
তা বিহু আর নাহি জানি ।
চণ্ডীদাস বলে ভাঁড়াইলা(১) ভালে
ধন্ত রাধা ঠাকুরাণী ॥

(বিভাস)

আমি ত অবলা তাহে এত জ্বালা
বিষম হইল বড় ।
নিবারিতে নারি গুমরিয়া মরি
তোমারে কহিল দড় ॥
সহজে আপন বয়স যেমন
আর নহে হাম জানি ।
স্বপনে ভালিয়া সে রূপ কালিয়া
না রহে আপন প্রাণী ॥
সই, মরণ ভাল ।
সে বর নাগর মরমে পশিল
ভাবিতে হইল কাল ॥
কহে চণ্ডীদাসে বাণুলী আদেশে
এই ত রসের কুপ ।
এক কীট হয়ে আর দেহ পায়ে
ভাবিয়ে তাহার রূপ ॥

(বিহাগড়া)

বাঁশীর নিশ্বাস কানে সাক্ষাইল(২) বিষ-স্বরে
এ অঙ্গ জলিয়া গেল মোর ।
কেবা করে প্রাণ দান সেবয়ে বা কোন্ জন
তবে যায় এ দুঃখের ওর ॥
সই, হিয়া কেনে মোর কাঁপে ।
নয়ানে ঝরয়ে নীর পরাণী না রহে স্থির
এই বাঁশীর মধুর আলাপে ॥
মিলাইছে শিলারামি চকিত হইল শশী
মোর কাছে নাচিছে আসিয়া ।
নারীর যৌবন ধন তাথে তার আছে মন
তেই পূরে হাসিয়া হাসিয়া ॥
কহে দ্বিজ চণ্ডীদাসে শব্দ যায় আকাশে
মুনীন্দ্র মুরছি পড়ে যাতে ।
সে ধ্বনি নারীর কানে হানয়ে মরম-স্থানে
কেমনে সে ধরবেক চিতে ॥

১। প্রবঞ্চনা করিলে ।

২। প্রবেশ করিল ।

(সুহই)

সই, আর যে কহিব কত ।
আপনা খাইমু ছাড়িতে নারিমু
হইতে নারিমু রত ॥
বাঁপ যে দিয়া জলেতে পশিয়া
যমুনায় থাকিব মরি ।
গোঠেতে যাইতে ধেমু চরাইতে
সেখানে দেখিবে হরি ॥
*এখনি, তখনি বচন দু'খানি
পরিমাণ কিছু নয় ।
কহিতে কহিতে সোনা যে বরিখে
রাঙ্গের তুলনা নয় ॥
ধাঙ্গর চতুর চোর যে চিট
সব যে মিছাই কয় ।
তাহার অধিক দ্বিগুণ চাতুরী
চিট চলেতে কয় ॥
এমতি নাগর গুণের সাগর
এমতি বচন তার ।
এমতি বচনে করিয়া প্রমাণে
কেবা কোথা হৈল পার ॥
চণ্ডীদাসে কয় ক্রোধী যেবা হয়
সেই না এতেক কয় ।
আপনা বুঝি মনেতে সংবরি
মনের মনেতে রয় ॥

(কর্ণাট)

সাঁজে নিবাইল বাতি কত পোহাইবে রাতি
গুণ গণি হৃদয় বিদরে ।
না হয় মরণ না রহে জীবন
মরম কহিব কারে ॥
সই, কি ছিল আমার করমে ।
রোপিল কলপলতা না হ'ল তাহার পাতা
শুকাইয়া গেল এই ঠামে ॥
জনম অবধি ক্ষীর নীরে করি
সিঞ্চিলাম(১) লতামূলে ।
ক্ষীরের গরীমা নীরের সীমা
হরিয়া লইল অনলে ॥

* তাহার বচনের কোন মূল্যই নাই । বলিবার সময় সোণার মত কিন্তু পরে রাংয়ের মত ; চোর ছেড় সকল মিথ্যা বলে, কিন্তু কাহু ইহাদের অপেক্ষা দ্বিগুণ মিথ্যাবাদী ।

১। সেচন করিলাম ।

যাহার লাগিয়া সকল ছাড়িয়া
মন হইল বনবাসী ।
চণ্ডীদাসে কয় তাহার কি ঘাট হয়
পরশে করিবে খুসী ॥

(বিহাগড়া)

সই, কি হৈল কালার জ্বালা ।
রাত্রি দিন মন সদা উচাটন
স্বপনে দেখিয়ে কালা ॥
মুদিত লোচনে যদি বা ঘুমাই
হৃদয়ে কাহুরে দেখি ।
মনের মরম তোমায়ে কহিল
শুন লো মরম-সখি ॥
ঘরে নাহি মন মন উচাটন
কিবা হইল মোর ব্যাধি ।
কি জানি জীবন বাঁচিতে সংশয়
কহ না হইহার বৃধি ॥
সদাই আমার পরাণ পুতলি
কাহুর চরণে বাধা ।
যে জন পিরীতি পাড়ার পড়শী
সদাই করয়ে বাধা ॥
দূরে রহ তার আদর পিরীতি
সে জন আঁখির বালি ।
না যাব সে ঘর পাড়ার পরশী
দেই দেউ(১) যত গালি ॥
চণ্ডীদাসে কহে লোকের বচন
কিবা সে করিতে পারে ।
আপন হৃদয়ে মনের মানসে
নিরবধি ভজ তারে ॥

(কানাড়া)

না জানি পিরীতি এমন বলিয়া
তবে কি বাড়াথু(২) পা ।
পিরীতি নিচ্ছেদে জীবন না রহে
এলায়ে পড়িছে গা ॥
কহ কি বৃদ্ধি করিব দেখি ।
একে লোকলাজ এ পাপ পরাণ
ঘরে থির নাহি থাকি ॥

আপনার বুড়া অঙ্গুলি বিনিয়া(১)
চলিতে নারিয়ে ধীরে ।
আমার করমে বিধির লিখন
মিছা দোষ দিব কারে ॥
ভাবিতে গণিতে কাহুর পিরীতি
পরাণ হইল সারা ।
সঘনে সঘনে সজল নয়ানে
নিরবধি বহে ধারা ॥
চণ্ডীদাস বলে শুন বিনোদিনি
দেখি এ অবোধ পারা ।
মিছা লোক কথা চাঁদ সখা যার
কিবা করে লাখ তারা ॥

(কামোদ)

শুন গো মরম-সখি ।
কাহুর পিরীতে পরাণ না রহে
বড় পরমাদ দেখি ॥
কিবা সে কুদিন দেখিল সে জনে
নয়ান পসারি ছুটি ।
সেই দিন হ'তে আন নাহি চিতে
পিরীতি আনলে ছুটি ॥
আন সে আনলে বারি 'ঢালি দিলে
তখনি নিভায়ে যায় ।
মনের আঁগুন নিবাইব কিসে
দ্বিগুণ জ্বলয়ে তায় ॥
বন পোড়ে বলে বনের আঁগুনি
দেখয়ে জগৎলোকে ।
এ বড় বিষম শুন লো সজনি
জলে উঠে বিনি ফুঁকে ॥
হের দেখ সখি অঙ্গে হাত দিয়ে
উঠিছে বিরহ আগি ।
সে শ্রাম-বিচ্ছেদে ক্ষুধার বিষাদে
সদা কাঁদি তার লাগি ॥
চণ্ডীদাসে বলে শুন বিনোদিনি
মিছাই ভাবনা কর ।
শ্রামের কলঙ্ক যত পরীবাদ(২)
হৃদয়ে যতনে পর ॥

১। বিগ্নস্ত করিয়া অর্থাৎ খুব সতর্কতার
সহিত ।

২। চন্দন করিয়া (পাঠান্তর) ।

১। দিবে দিক ।

২। বাড়াইতাম ।

(কামোদ)

সই, বড়ই প্রমাদ দেখি ।
 কাহুর সনে পিরীতি করিয়া
 নিরবধি বুঝে আঁখি ॥
 কাহারে কহিব মনের আগুন,
 জলিয়া জলিয়া উঠে !
 যেমন কুঞ্জর বাতুল(১) হইলে
 অক্ষুণ্ণ ভাঙ্গিয়া ছুটে ॥
 কিসে নিবারিব নিবারিতে নারি
 বিয়ম হইল লেটা ।
 হেন মনে করি উচ্চস্বরে কাঁদি
 তাহে গুরুজন কাঁটা ॥
 যাইয়া নিভূতে বসি একভিতে
 সদা ভাবি কালা কাহু ।
 বিরলে বসিয়া বুঝিতে বুঝিতে
 কবে হারাইব তহু ॥
 ধীরব দেখিয়া জলে যত মীন
 যেমন তরাসে কাঁপে ।
 আমার তেমতি ঘরের বসতি
 গরজি গরজি কাঁপে ॥
 ধরে গুরুজন বলে কুচবন
 যদি বা সহিতে পারি ।
 যাহার লাগিয়া এতেক সহিব
 সে রহে ধৈর্য ধরি ॥
 চণ্ডীদাস বলে শুন বিনোদিনি
 সকলি স্বপন মানি ।
 তুমি সে কালার কালিয়া তোমার
 জগতে সবাই জানি ॥

(কানাডা)

সই, পশিল বিয়ম বাঁশী ।
 বাহির করিতে যতন করিয়ে
 মরমে রহিল পশি ॥
 তেরছ(২) নয়নে বাণের সন্ধান
 না বাজে এমনি নয় ।
 বাজিলে অন্তরে আকুল করয়ে
 যতনে পরাণ রয় ॥
 নাহি দিবানিশি যেমন করিছে
 এ কথা কহিব কাহ(৩) ।
 মনের আগুন জ্বলিছে দ্বিগুণ
 কে না পরতীত(৪) যায় ॥

আকুয়া পুকুরে যেন মীন থাকে
 কাঁপয়ে ধীর জালে ।
 তেন আছি হাম এ ঘর করণে
 গুরুজন যত বলে ॥
 ক্ষুরের উপরে রাখার বসতি
 নড়িতে কাটয়ে(১) দেহ ।
 আমার দুঃখের আবার বিচার
 এ কথা বুঝিবে কেহ ॥
 বণিক(২) জনার করাত যেমন
 হৃদিক কাটিয়া যায় ।
 তেমন আমার গুরুজনা কাটে
 দ্বিজ চণ্ডীদাসে গায় ॥

(ধানশী)

হিম্মার মাঝারে যতনে রাখিব
 বিরল মনের কথা ।
 মরম না জানে ধরম বাথানে
 সে আর দ্বিগুণ ব্যথা ॥
 যারে নাহি দেখি শয়নে স্বপনে
 না দেখি নয়ানকোণে ।
 তবু সে সজনি দিবস রজনী
 সদাই পড়িছে মনে ॥
 হাম অভাগিনী পরের অধীনী
 সকলি পরের বশে ।
 সদাই এখনি পরাণ পোড়নি
 ঠেকিহু পিরীতি রসে ॥
 অক্ষুণ্ণ মন করে উচাটন
 মুখে না নিঃসরে কথা ।
 চণ্ডীদাসের মন অক্ষুণ্ণ নয়ন
 ভাবিতে অন্তরে ব্যথা ॥

(গান্ধার)

কেন বা পিরীতি কৈহু কালা কাহুর সনে(৩) ।
 ভাবিতে রসের তহু জারিলেক ঘুণে ॥
 কত ঘর বাহির হইল দিবারাতি ।
 বিয়ম হইল কালা কাহুর পিরীতি ॥
 না রুচে ভোজন পান কি মোর শয়নে ।
 বিষ মিশাইল মোর এ ঘর করণে ॥
 ঘরে গুরু ছুরজন ননদিনী আগি ।
 দু আঁখি মুদিলে বলে কাঁদে শ্রাম লাগি ॥

১। কাটে। ২। শঙ্খবণিকের (পাঠান্তর) ।

৩। কেনে বা পিরীতি কৈলাম শ্রাম বঁধুর সনে ।

১। উত্তম। ২। বাঁকা। ৩। কাহাকে। ৪। প্রত্যয় ।

আকাশ ষুড়িয়া ফাঁদ যাইতে পথ নাই ।
কহে বড়ু চণ্ডীদাস মিলিবে হেথাই ॥

(সুহই)

ধরম-করম গেল গুরু গরবিত ।
অবশ করিল কালা কামুর পিরীত ॥
ঘরে পরে কি না বলে করিব হাম কি ।
কেবা না করয়ে প্রেম আমি সে কলঙ্কী ।
বাহির হইতে নারি লোক-চরচাতে ।
হেন মনে করে বিষ খাইয়া মারতে(১) ॥
একে নারী কুলবতী অবলা বলে লোকে ।
কামু পরীবাদ হৈল পুড়িয়া মরি শোকে(২) ॥
খাইতে নারি যে কিছু রহিতে নারি ধরে ।
ভাবিতে ভাবিতে ব্যাধি গাঁধাইল অন্তরে ॥
জারিলেক তমু মন ব্যাপিল শরীর ।
চণ্ডীদাস বলে ভাল হইবে সুস্থিব ॥

(তুড়ি)

কি হৈল কি হৈল কামুর পিরীতি ।
আঁখি নুরে পুলকেতে প্রাণ কান্দে নিতি ॥
শুইলে সোয়াস্তি নাই নিদ গেল দূরে ।
কামু কামু করি প্রাণ নিরবধি নুরে ॥
নবীন পানীর মীন মরণ না জানে ।
নব অনুরাগে চিত্ত ধৈর্য না মানে ॥
এনা রস যে না জানে সে না আছে ভাল ।
হৃদয়ে রহিল মোর কামু-প্রেম শেল ॥
নিগূঢ় পিরীতিখানি আরভির ঘর ।
ইথে চণ্ডীদাস বড় হইল ফাঁপর ॥

(ধানশী)

সেই হইতে মোর মন,
নাহি হয় সংবরণ,
নিরন্তর নুরে ছুটি আঁখি,
একলা মন্দিরে থাকি,
কতু তারে নাহি দেখি,
সে কতু না দেখে আগারে ।
আমি কুলবতী বামা,
সে কেমনে জানে আমা,
কোন ধনী কহি দিল তারে ॥

১। “এমতি করয়ে মন বিষ খাই জীতে।” (পাঠান্তর)

২। “একে নারী কুলবতী পুড়ে মরি শোকে ।

তাহে কামু পরীবাদ দেয় পাপ লোকে।” (পাঠান্তর)।

না দেখিয়া ছিন্তু ভাল,
দেখিয়া অকাজ হলো,
না দেখিলে প্রাণ কেন কান্দে ।
চণ্ডীদাস কহে ধনি,
কামু সে পরশমণি,
ঠেকে গেলা মোহনিয়া ফান্দে ॥

(গান্ধার)

জনম গোঙামু দুখে কত বা সহিব বুকে
কামু কামু করি কত নিশি পোহাইব ।
অন্তরে রহিল ব্যথা কুলশীল গেল কোথা
কামু লাগি গরল ভথিব ॥
কামু দিমু তিলাঞ্জলি(১) গুরু দিঠে দিমু বালি
কামু লাগি এমতি করিমু ।
ছাড়িমু গৃহের সাধ কামু কৈল পরিবাদ
তাহার উচিত ফল পাইমু ॥
অবলা না গণে কিছু এমতি হইবে পিছু
তবে কি এমন প্রেম করে ।
ভাল মন্দ নাহি জানে পরমুখে যেবা শুনে
তেঞি ত অনলে পুড়ি মরে ॥
বড়ু চণ্ডীদাসে কয় প্রেম কি অনল হয়
শুধুই সে সুধাময় লাগে ।
ছাড়িলে না ছাড়ে সেহ এমতি দারুণ লেহ
সদাই হিয়ার মাঝে জাগে ॥

(ধানশী)

কাহারে কহিব মনের মরম
কেবা যাবে পরতীত ।
হিয়ার মাঝারে মরম-বেদনা
সদাই চমকে চিত ॥
গুরুজন আগে দাঁড়াইতে নারি
সদা ছল ছল আঁখি ।
পুলকে আকুল দিক নেহারিতে
সব শ্যামময় দেখি ॥
সখীর সহিতে জলেরে(২) যাইতে
সে কথা কহিবায় নয় ।
যমুনার জল করে ঝলমল
তাহে কি পরাণ রয়(৩) ?

১। “অস্তিম বিদায়-সূচক অর্থ।” ২। জল
আনিবার জন্ত। ৩। এখানে যমুনার জলের
সহিত শ্রীকৃষ্ণের রূপের তুলনা করা হইয়াছে এবং
সেই জন্ত শ্রীরাধিকা যমুনার জল ঝলমল করা
দেখিয়া এত অস্থির ।

কুলের ধরম রাখিতে নারিনু
কহিলাম সবার আগে ।
কহে চণ্ডীদাস শ্রাম সুনাগর
সদাই হিয়ায় জাগে ॥

(স্নহই)

আনিয়া অমিঞা পানা দুধে মিশাইয়া ।
লাগিল গরল যেন মীঠ তেয়াগিয়া ॥
তিতায় তিতিল দেহ মীঠ হবে কেন ।
জলস্ত অনলে মোর পুড়িছে পরাণ ॥
বাহিরে অনল জলে দেখে সর্বলোকে ।
অস্তর জলিয়া উঠে তাপ লাগে বৃকে ॥
পাপ দেহের তাপ মোর ঘুচিবেক কিসে ।
কানুর পরশে যাবে কহে চণ্ডীদাসে ॥

(পঠমঞ্জরী)

একে কাল হৈল মোর নয়লি(১) যৌবন ।
আর কাল হৈল মোর বার বৃন্দাবন ॥
আর কাল হৈল মোর কদম্বের তল ।
আর কাল হৈল মোর যমুনার জল ॥
আর কাল হৈল মোর রতন-ভূষণ ।
আর কাল হৈল মোর গিরি গোবর্ধন ॥
এত কাল সনে আমি থাকি একাকিনী ।
এমন ব্যথিত নাই শুনয়ে কাহিনী ॥
দ্বিজ চণ্ডীদাস কহে না কহ এমন ।
কার কোন দোষ নাই সব এক জন(২) ॥

(স্নহই)

কেন বা কানুর সনে পিরীতি করিনু ।
না ঘুচে দারুণ লেহা বুরিয়া মরিনু ॥
আর জালা সৈতে নারি কত উঠে তাপ
বচন নিঃসৃত নহে বৃকে খেলে সাপ ॥
জন্ম হইতে কুল গেল ধর্ম গেল দূরে ।
নিশি দিশি প্রাণ মোর কানু গুণে বুরে ॥
নিষেধিলে নাহি মানে ধরম-বিচার ।
বুঝিনু পিরীতের হয় স্বতন্ত্র আচার ॥
করমের দোষে এ জনমে কিবা করে ।
কহে বড় চণ্ডীদাস বাগুলির বরে ॥

(শ্রীরাগ)

যাহার সহিত - যাহার পিরীতি
সেই সে মরম জানে ।
লোক-চরচায়(১) ফিরিয়া না চায়
সদাই অস্তরে টানে ॥
গৃহকর্মে থাকি সদাই চমকি
শুমরে শুমরে(২) মরি ।
নাহি হেন জন করে নিবারণ
যেমন চোরের নারী ॥
ঘরে গুরুজন গজয়ে নানা
তাহা বা কাহারে কই ।
মরম সমান করে অপমান
বধুর লাগিয়া সই ॥
কাহারে কহিব কেবা নিবারিব
কে জানে মরমদুখ ।
চণ্ডীদাস কহে করহ ঘোষণা(৩)
তবে সে পাইবে সুখ ॥

(গান্ধার)

ধিক রহু জীবনে যে পরাধীন জীয়ে(৪) ।
তাঁহার অধিক ধিক(৫) পরবশ হয়ে ॥
এ পাপ কপালে বিধি এমতি লিখিল ।
সুধার সাগরে মোর গরল হইল ॥
অমিয়া বলিয়া যদি ডুব দিহু তায় ।
গরল ভরিয়া যেন উঠিল হিয়ায় ॥
শীতল বলিয়া যদি পাষণ কৈহু কোলে ।
এ দেহ অনল-তাপে পাষণ সে গলে ॥
ছায়া দেখি যাই যদি তরুলতাবনে ।
জলিয়া উঠয়ে তহু লতা-পাতা সনে ॥
যমুনার জলে যদি দিয়ে হাম ঝাঁপ ।
পরাণ জুড়াবে কি অধিক উঠে তাপ ॥
অতএব সে এ ছার পরাণ যাকে কিসে ।
নিচয়ে ভখিমু(৬) মুই এ গরল বিধে ॥
চণ্ডীদাস কহে দৈবগতি নাহি জানে ।
দারুণ পিরীতি মোর বধিল পরাণে ॥

চর্চায় ।

অস্তরের বেদনা সহ করিয়া মৃতপ্রায় হই ।
আশয় ছাড়হ । (পাঠান্তর) ।
যেহ । (পাঠান্তর) ।
দুঃখ পরাধীন লেহ । (পাঠান্তর) ।
নিশ্চয় খাইব ।

১। নুতন ।

২। শ্রীকৃষ্ণকে উদ্দেশ্য করিতেছেন ।

(শ্রীরাগ)*

কালিয়া কালিয়া বলিয়া বলিয়া
 জনম বিফল পাইলু ।
 হিয়া দগদগি পরাণ পোড়নি
 মনের অনলে মৈলু ॥
 মরিমু মরিমু মরিয়া গেমু
 ঠেকিমু পিরীতি রসে ।
 আর কেহ জানি এ রসে ভুলে না
 ঠেকিলে জানিবে শেষে ॥
 এ ঘর করণ বিহি নিদারুণ
 বসতি পরের বশে ।
 মাগো এই বর মরণ সফল
 কি আর এ সব আশে ॥
 অনেক যতনে পেয়েছি সে ধনে
 তাহা জানে চণ্ডীদাসে ।
 এখনি জানিলে আর কি জানিবে
 জানিবে পিরীতি শেষে ॥

(সুহই)

পিরীতি লাগিয়া দিমু পরাণ নিছনি ।
 কাহু বিহু দোসর দুকানে নাহি শুনি ॥
 কাহুরূপ নিরখিয়া রতি নাহি ছুটে ।
 কি বোল বলব আমি কত চিতে উঠে ॥
 মনোদুখে হৃদয়ে সদাই গোঙরিয়ে ।
 কাহু পরসঙ্গ বিহু তিলেক না জীয়ে ॥
 যাহার লাগিয়া আমি কাঁদি দিবারাতি ।
 নিছিয়া লৈয়াছি তারে কুল শীল জাতি ॥
 আর যত আভিমান দিমু বঁধু পায় ।
 বড় চণ্ডীদাস কহে যেবা যারে ভায় ॥

(গান্ধার)

যদি বা পিরীতিখানি সুজনের হয় ।
 নয়ানে নয়ন মিলন হইলে
 তবে সে ফিরিয়া লয় ॥
 যে মোর পরাণের মরম ব্যথিত
 তারে বা কিসের ভয় ?
 অতি দুঃস্বর বিষম পিরীতি
 সকলি পরাণে সয় ॥

* অধ্যাপক মণিবারুর 'চণ্ডীদাসের পদাবলি'
 গ্রন্থে এই পদটিতে চারি পংক্তি পর হইতে অগ্ররূপ
 দৃষ্ট হয় ।

অবলা হইয়া বিরলে বসিয়া
 না ছিল দোসর(২) জনা ।
 হাসিতে হাসিতে পিরীতি করিয়া
 পরাণ উপরে হানা(২)(৩) ॥
 যেন মলয়জ শিলায় ঘষিতে
 অধিক সৌরভময় ।
 শ্রাম বঁধুয়ার পিরীতি ঐছন
 দ্বিজ চণ্ডীদাসে কয় ॥

(সিন্ধুড়া)*

এমত ব্যভার(৪) না জানি তাহার
 পিরীতি যাহার সনে ।
 গোপত(৫) করিয়া কেনে না রাখিলে
 বেকত(৬) করিলে কেনে ॥
 মনের মরম জানিবে কে ।
 সেই সে জানে মনের মরম
 এ রসে মজিল যে ॥
 চোরের মা যেন পোয়ের(৭) লাগিয়া
 ফুকরি কাঁদিতে নারে ।
 কুলবতী হৈয়া পিরীতি করিলে
 এমতি সঙ্কট তারে ॥
 কে আছে ব্যথিত যাবে পরতীত(৮)
 এ দুঃখ কহিব কারে ।
 হয় দুঃখ-ভাগী পাই তার লাগি
 তবে সে কহি যে তারে ॥
 পর কি জানয়ে পরের বেদনা
 সে রত আপন কাজে ।
 চণ্ডীদাস কহে বনের ভিতরে
 কভু কি রোদন সাজে ॥

১। দ্বিতীয় ।

২। হাসিতে হাসিতে গীতের ডমক
 এ বড় সুগড় পনা । (পাঠাস্তর) ।৩। হাসিতে বাশিতে গীতের বামক
 এ বড় সুগড় পনা । (পাঠাস্তর) ।

* এই পুস্তকের অত্র পদে এই পদের ভাব
 ও ভাষার সাদৃশ্য পরিলক্ষিত হয় । "শিশুকাল হৈতে
 শ্রবণে শুনিমু" পদটি এই প্রসঙ্গে দ্রষ্টব্য ।

ব্যবহার ।

গোপন ।

ব্যক্ত ।

পুস্তকের ।

প্রত্যয় ।

(গান্ধার)* .

যত নিবারিয়ে তায় নিবার(১) না যায় রে ।
আন(২) পথে যাই সে পথে কাহু ধায় রে ॥
এ ছার রসনা মোর হইল কি বাম রে ।
যার নাম নাহি লই লয় তার নাম রে ॥
এ ছার নাসিকা মুই কত করু(৩) বন্ধ ।
তবু ত দারুণ নাসা পায় তার গন্ধ(৪) ॥
সে না কথা না শুনিব করি অন্তমান ।
পরসঙ্গে শুনিতে আপনি যায় কান(৫) ॥
ধিক্ রহ এ ছার ইন্দ্রিয় মোর সব ।
সদা সে কালিয়া কাহু হয় অনুতব ॥
কহে চণ্ডীদাসে রাই ভাল ভাবে আছ ।
মনের মরম কথা কাহে জানি পুঁছ ॥

(শ্রীরাগ)

কোন্ বিধি সিরজিল(৬) কুলবতী নারী ।
সদা পরাধীন ঘরে রহে একেশ্বরী ॥
ধিক্ রহ হেন জন হয়ে প্রেম করে ।
বৃথা সে জীবন রাখে তখনি না মরে ॥
বড় ডাকে(৭) কথাটি কহিতে যে না পারে
পরপুরুষেতে রতি ঘটে কেন তারে ॥
এ ছার জীবনেয় মুই ঘুচাইনু আশ ।
চণ্ডীদাস কহে কেন তাবহ উদাস ॥

(বিহাগড়া)

ধাতা কাতা(৮) বিধাতার কপালে(৯)
দিয়াছি ছাই ।
জনম হৈতে একা কৈল দোসর দিলেক নাই
না দিল রসিক মূঢ় পুরুষের সনে ।
এ মতি আছয়ে ত তোর এ পাপ বিধান ॥

* এই ধরণের পদ চণ্ডীদাসের ভণিতায় আরও
পরিলক্ষিত হয় । এই কারণে মনে হয়, কবি
চণ্ডীদাস বহু পদ রচনা করিয়াছিলেন ।

১। বারণ করা । ২। অন্ন । ৩। করি ।
৪। তবু ত দারুণ নাসা পায় শ্রামগন্ধ । (পাঠাস্তর) ।
৫। কর্ণ । ৬। সৃজন করিল । ৭। উচ্চ গলায় ।
৮। জীর্ণ কস্থার (কাঁথার) গ্রায় তুচ্ছ । ৯। বিধানে ।

যার লাগি প্রাণ কাঁদে তার নাই দেখা ।
এ পাপ করমে মোর এমতি লেখা জোকা ॥
ঘর-ছয়ারে আগুন দিয়া যাবো দূরদেশে(১) ।
আরতি পুরিবে কহে দ্বিজ চণ্ডীদাসে ॥

(শ্রীরাগ)

কাহারে করিব দুঃখ কে জানে অন্তর ।
যাহারে মরমী কহি সে বাসয়ে পর ॥
আপনা বলিতে বুঝি নাহিক সংসারে ।
এত দিনে বুঝিহু সে ভাবিয়া অন্তরে ॥
মনের মরম কহি জুড়াবার তরে ।
দ্বিগুণ আগুন সেই জালি দেয় মোরে ॥
এত দিনে বুঝিলাম মনেতে ভাবিয়া ।
এ তিন ভুবনে নাহি আপন বলিয়া ॥
এ দেশে না রব একা যাব দূরদেশে ।
সেই সে যুক্তি কহে দ্বিজ চণ্ডীদাসে ॥

(ধানশী)

শিশুকাল হৈতে শ্রবণে শুনিহু
সহজে পিরীতি কথা ।
সেই হৈতে মোর তহু জ্বরজ্বর
ভাবিতে অন্তর ব্যথা ॥
দৈবের ঘটতে(২) বঁধুর সহিতে
মিলন হইবে যবে ।
মান অভিমান বেদের বিধান
ধৈর্য ভাবিবে তবে ॥
জ্ঞাতি কুল বলি দিলাম তিলাঞ্জলি
ছাড়িহু পতির আশ ।
ধরম করম সরম শরম
সকলি করিহু নাশ ॥
কুলে কলঙ্কিনী বলি দেয় গালি
গুরু পরিজন মেলি ।
কাতর হইয়ে আদর করিয়ে
লইহু কলঙ্কের ডালি ॥
চোরের যা ঘেন পোয়ের লাগিয়ে
ফুকরি কাঁদিতে নারে ।
কুলবতী হয়ে পিরীতি করিলে
এমতি ঘটবে তারে ॥

১। বঁধুর পাশে । ঘটনায় ।

মুক্তি অভাগিনী কেবল দুখিনী
সকলি পরের আশে ।
আপনা খাইয়া পিরীতি করিহু
লোকে শুনি কেন হাসে ॥
চণ্ডীদাস বলে পিরীতি লক্ষণ
শুন গো বরজনারী ।
পিরীতি ঝুলিটি কাক্কেতে করিয়া
পিরীতি নগরে ফিরি ॥

(শ্রীরাগ)

কালার পিরীতি গরল সমান
না খাইলে থাকে স্মৃগে ।
পিরীতি-অনলে পুড়িয়া মরে যে
জনম যায় তার দুখে ॥
আর বিষ খেলে তখনি মরণ
এ বিষে জীবন শেষ ।
সদা ছটফট ঘুরুনি নিকট
লটপট তার বেশ ॥
মনের কোণে চাহে যাহা পানে
সে ছাড়ে জীবনের আশ ।
পরশ পাথর ঠেকিয়া রহিল
কহে বড় চণ্ডীদাস ॥

(সিকুড়া)

যে জন না জানে পিরীতি মরম
সে কেন পিরীতি করে ।
আপনি না বুঝে পরকে মজায়
পিরীতি রাখিতে নারে ॥
যে দেশে না শুনি পিরীতি মরম
সেই দেশে হাম যাব ।
মনের সহিত করিয়া যতন
মনকে প্রবোধ দিব ॥
পিরীতি রতন করিয়া যতন
পিরীতি করিব তায় ।
তুই মন এক করিতে পারিলে
তবে সে পিরীতি রয় ॥
কহে চণ্ডীদাসে মনের উল্লাসে
এমতি হইবে যে ।
সহজ ভঙ্গন পাইবে সে জন
সহজ মানুষ সে ॥

(ধানশী)

পিরীতি বিষম কাল ।
পরানে পরাণ মিলাইতে জানে
তবে সে পিরীতি ভাল ॥
ভ্রমরা সমান আছে কত জন
মধু লোভে করে প্রীত ।
মধু ফুরাইলে উড়ি যায় চলি
এমতি তাদের রীত ॥
হেন ভ্রমরার সাধ নহে কত
সে মধু করিতে পান ।
অজ্ঞানী পাইতে পারয়ে কি কত
রসিক জ্ঞানীর সন্ধান ॥
মনের সহিত যে করে পিরীতি
তারে প্রেম-কৃপা হয় ।
সেই সে রসিক অটল রূপের
ভাগ্যে দরশন পায় ॥
মনের সহিত করিয়া পিরীতি
থাকিব স্বরূপ আশে ।
স্বরূপ হইতে ওরূপ পাইব
কহে দ্বিজ চণ্ডীদাসে ॥

(বরাড়ী)

কেনে কৈহু পিরীতের সাধ ।
পিরীতি অক্ষর হৈতে যত দুখ পাইহু চিতে
শুনিলে গণিবে পরমাদ(১) ॥
মুক্তি যদি জানিতুঁ এত তবে কেন হব রত
না করিতুঁ হেন সব কাজ ।
ভুলিহু পরের বোলে কুলটা হইহু কুলে
জগত ভরিয়া রহিল লাজ ॥
যখন পিরীতি কৈল আনি চাঁদ হাতে দিল
পুন হাতে না পাই দেখিতে ।
কি করিতে কি না করি ঝুরিয়া ঝুরিয়া মরি
অবশেষে প্রাণ চায় নিতে ॥
পিরীতি আখর(২) তিন যাহার হৃদয়ে চিন(৩)
কিবা তার লাজ-কুল-ভয় ।
কহে দ্বিজ চণ্ডীদাস যে করে পিরীতি আশ
তার বুঝি এই সব হয়(৪) ॥

১। প্রমাদ—বিপদ ।

২। অক্ষর। ৩। চিহ্ন ।

৪। “তার বুঝি এই দশা হয় ।” (পাঠান্তর) ।

(শ্রীরাগ)

পিরীতি বলিয়া এ তিন আখর
এ তিন ভুবন সার ।
এই মোর মনে হয় রাত্তি-দিনে
ইহা বই নাহি আর ॥
বিহি একচিত্তে ভাবিতে ভাবিতে
নিরমাণ কৈল "পি ।"
রসের সাগর মস্থন করিতে
তাহে উপজিল "রী ॥"
পুনঃ যে মথিয়া অমিয়া হইল
তাহে ভিয়াইন(১) "তি ।"
সকল সুখের এ তিন আখর
তুলনা দিব যে কি ?
যাহার মরমে পশিল যতনে
এ তিন আখর সার ।
ধরম করম সরম ভরম
কিবা জ্ঞাতি কুল তার ॥
এ হেন পিরীতি না জানি কি রীতি
পরিণামে কিবা হয় ।
পিরীতি বন্ধন বড়ই বিষম
দ্বিজ চণ্ডীদাসে কয় ॥

(শ্রীরাগ)

পিরীতি পিরীতি মধুর পিরীতি
এ তিন ভুবনে কয় ।
পিরীতি করিয়ে দেখিলাম ভাবিয়ে
কেবল গরলময় ॥
পিরীতেরি কথা শুনিব হে যেথা
তাহাতে নাহিক যাব ।
মনের সহিত করিয়া পিরীতি
স্বরূপে চাহিয়া রব ॥
এমতি করিয়া স্মৃতি হইয়া
রহিব স্বরূপ আশে ।
স্বরূপ-প্রভাবে সে রূপ মিলিব
কহে দ্বিজ চণ্ডীদাসে ॥

(শ্রীরাগ)

পিরীতি বলিয়া এ তিন আখর
আর না বলিব মুখে ।
শ্রামের সঙ্গে পিরীতি করিয়া
অনম গোঙানু দুখে ॥

সখি এ বড়ি মরম ছিল ।

আমি ত অবলা কুলবতী বালা
তিন তার সঙ্গে গেল ॥
আগে না জানিয়া পাছে না গণিয়া
পিরীতি মনের সাধে ।
মনের ভরমে রতন হারানু
বিধি সে লাগিল বাদে ॥
পতি গুরুজন বোলে কুবচন
ঘরে মন নাহি বাঁধে ।
চণ্ডীদাস কহে বিরহে আকুল
ঠেকিলা কালিয়া ফাদে ॥

(শ্রীরাগ)

এ তিন আখর নাম যাহার
আপনা বলিবে যে ।
চাতকী হইয়া চাহিয়া চাহিয়া
পরান হারাবে সে ॥
সই পিরীতি জানিবে যারা ।
পরান পুতলী হইবে পাগলী
অশ্রু নয়ানে ধারা ॥
দৈবের নির্বন্ধে যেংতি হইল
বিধিরে বলিব কি ।
কামুর পিরীতে ঠেকিয়া রহিলা
শুন গো রাজার বি ॥
কুলের খাখার(১) না কৈলু বিচার
শুনলি বচন মোর ।
চণ্ডীদাস কহে পিরীতি রতন
যাহার নাহিক ওর ॥

(সিন্ধুড়া)

মনের দুখেতে বারটি আখর
সদাই ভাবয়ে চিত ।
নিষ্ঠুর সঙ্গে পিরীতি করিয়া
না বুঝি তাহার রীত ॥
সই আর না বলিও মোরে ।
শয়ানে স্বপনে পাশরিতে নারি
বাক্যাছে(২) প্রেমের ডোরে ॥
এমন না জানি নবীন পিরীতে
মোরে হবে পরমাদ ।
হেন গুণনিধি আমারে বঞ্চিত
পূরিল বিধির সাধ ॥

পিরীতি বেরাধি দ্বিগুণ বাড়িল
না জানি আপন হিত ।
চণ্ডীদাস কহে বেকত না কর
ধৈরজ ধরাও চিত ॥

(শ্রীরাগ)

শ্রামের পিরীতি মুরতি(১) হইলে
তবে কি পরাণ ফলে ।
পরাণ পিরীতি সমান করিলে
কে তারে জীয়ন্ত বলে ॥
যদি হাম শ্রাম বধু লাগি পাউ
তবে সে এ দুখ টুটে ।
আন মত গুণি মনের আগুনি
ঝলকে ঝলকে উঠে ॥
পরাণ রতন পিরীতি পদশ
জুকিহু(২) হৃদয়-তুলে ।
পিরীতি-রতন অধিক হইল
পরাণ উঠিল চুলে ॥
জাতি কুল বলি দিহু তিলাঞ্জলি
আর সতী চরচাতে ।
তমু ধন জন জীবন যৌবন
নিছিহু কালা-পিরীতে ॥
হিয়ায় রাগিব কারে না কহিব
পরাণে পরাণ যোড়া ।
কি জানি কি ক্ষণে কি দিয়া কি কৈল
নরিলে না যাম ছাড়া ॥
তিলেকে মরিষে যদি না দেখিষে
শয়নে স্বপনে বন্ধু ।
কহে চণ্ডীদাস মরমে রহল
পিরীতি অমিয়া-সিন্ধু ॥

(তিওট, বিহাগড়া)

বিধির বিধানে হাম আনল ভেজাই ।
যদি সে পরাণ-বধু তার লাগি পাই ॥
গুরু ছরজন যত বধুর দ্বেষ করে ।
সন্ধ্যাকালে সন্ধ্যামুনি তার বুক পড়ে ॥
আপন দোষ না দেখিয়া পরের দোষ গায় ।
কালসাপিনী যেন তার বুক খায় ॥
আমার বধুকে যে করিতে চাহে পর ।
দিবস দুপরে যেন পুড়ে তার ঘর ॥

১। হইল পিরীতি । (পাঠান্তর) ।

২। মাপিয়া দেখিলাম ।

এতেক সুবতী আছে গোকুলনগরে ।
কে না বধুরে দেখে বুক ফেটে মরে ॥
বাসুলী আদেশে দ্বিজ চণ্ডীদাস ভণে ।
তোমার বধু তোমার আছে
গালি পাড়িছ কেলে ॥

(শ্রীরাগ)

ছার দেশে বসতি হৈল নাহি দোসর জনা ।
মরমের মরমী নহিলে না জানে বেদনা ॥
চিত উচাটন সদা কত উঠে মনে ।
ননদী বচনে মোর পাঁজর বিঁধে ঘুণে ॥
জ্বালার উপরে জ্বালা সহিতে না পারি ।
বধু হইল বিমুখ ননদী হৈল বৈরী ॥
গুরুজয় কুবচন সদা শেলের ঘায় ।
কলঙ্ক ভরিল দেশ কি করি উপায় ?
বাসুলী-আদেশে দ্বিজ চণ্ডীদাসের গীত(১)
আপনা আপনি চিত রহ সঙ্ঘিত(২) ॥

(শ্রীরাগ)

পিরীতি পিরীতি সব জন কহে
পিরীতি সহজ কথা ।
বিরিখের(৩) ফল নহে 'ত পিরীতি
নাহি মিলে যথা তথা ॥
পিরীতি অন্তরে পিরীতি মস্তরে(৪)
পিরীতি সাধিল যে ।
পিরীতি রতন লভিল যে জন
বড় ভাগ্যবান সে ॥
পিরীতি লাগিয়া আপনা ভুলিয়া
পরেতে মিশিতে পারে ।
পরকে আপন করিতে পারিলে
পিরীতি মিলয়ে তারে ॥
পিরীতি সাধন বড়ই কঠিন
কহে দ্বিজ চণ্ডীদাস ।
হুই ঘুচাইয়া এক অঙ্গ হও
থাকিলে পিরীতি আশ ॥

১। বাসুলী কহায় বলে চণ্ডীদাস গীত ।
আপনার চিত ধনি করহ সঙ্ঘিত ॥ (পাঠান্তর) ।

২। শাস্ত ।

৩। বৃক্ষের ।

৪। মস্ত্রে ।

(শ্রীরাগ)

পিরীতি বলিয়া এ তিন আখর
বিদিত ভুবন-মাঝে ।
তাহে যে পশিল সেই সে জানিল
কি তার কুল ভয় লাঞ্জে ॥
বেদ বিধি পর সব অগোচর
ইহা কি জানে আনে ।
রসে গর গর রসের অন্তর
সেই সে মরম জানে ॥
দুহক(১) অধর সুধারস বাণী
তাহে উপজিল "পি ।"
হিয়ায় হিয়ায় পরশ করিতে
তাহার তুলনা কি ॥
কহে চণ্ডীদাস শুন বিনোদিনি
পিরীতি রসেতে ভোর ।
পিরীতি করিয়া ছাড়িতে নারিবে
আপনি হইয়ে চোর ॥

(শ্রীরাগ)

পিরীতি নগরে বসতি করিব
পিরীতে বাঁধিব ঘর ।
পিরীতি দেখিয়া পড়নৌ(২) করিব
তা বিনে সকল পর ॥
পিরীতি দ্বারের কবাট করিব
পিরীতে বাঁধিব চাল ।
পিরীতি আসকে(৩) গদাই থাকিব
পিরীতে গোঙাব কাল ॥
পিরীতি পালঙ্কে শয়ন করিব
পিরীতি সিথান(৪) মাথে ।
পিরীতি বালিসে আলিস(৫) ত্যজিব
থাকিব পিরীতি সাথে ॥
পিরীতি সরসে সিনান করিব
পিরীতি অঙ্গন লব ।
পিরীতি ধরম পিরীতি করম
পিরীতে পরাণ দিব ॥
পিরীতি নাসার বেশর(৬) করিব
ছলিবে নয়ন-কোণে ।
পিরীতি অঙ্গন লোচনে পন্নিব
ধ্বজ চণ্ডীদাসে ভণে ॥

- ১। উভয়ের । ২। প্রতিবেশী ।
৩। আসক্তিতে । ৪। মাথার বালিস ।
৫। আলস্য । ৬। অলঙ্কার ।

(সুহই)

জনম গেল পর-দুঃখে কত না সহিব ।
কামু কামু করি কত নিশি পোহাইব ॥
অন্তরে রহিল ব্যথা কুলে কি করিবে ।
অনুরাগে কোন্ দিন গরল ভথিবে ॥
মনেতে করেছি কুলে দিব তিলাঞ্জলি ।
দেশান্তরি হব গুরু দিঠে(১) দিয়া বালি ॥
ছাড়িমু গৃহের গাধ কামুর লাগিয়া ।
পাইমু উঁচত ফল আগে না বুঝিয়া ॥
অবলা কি জানে এমত হইবে পাছে ।
তবে এমন প্রেম করিব কেন যেচে ॥
ভাল মন্দ না জানিয়া সপেছি হে মন ।
তেঞি সে অনলে পুড়ি যাম দেহ প্রাণ ॥
চণ্ডীদাস কয় প্রেম হয় সুধাময় ।
কপালক্রমে অমৃতেতে বিষ উপজয় ॥

(কামোদ)

আমার বাসনা না হলে তোষণা
আঁখের হইল আর(২) ।
নিরবধি বিধি এমতি করিলে
কেমন ব্যাপার তার ॥
সায়র নিকটে চাঁদ মিলব
ধুঁচবে মনের দুখ ।
সুধা যে করিবে অঙ্গ জুড়াইবে
পাইবে পরম সুখ ॥
পাপ নারী করি জনমিলে হরি
পরের পতির আশে ।
কহে চণ্ডীদাসে না মিলল শেষে
আপন করমদোমে ॥

(কর্ণাট)

মরি মরি যাই শ্যামের বাঁশিয়া নাগরে ।
কুল ছাড়া বাঁশিটি কলঙ্ক হৈল মোরে ॥
নিতি নিতি ডাকে বাঁশি রহিতে নারি ঘরে
মরম সন্ধান দিয়ে হৃদয়ে বিদরে ॥
যদি বা বাজাবে বাঁশী না হও ত্রিভঙ্গ ।
কুলবতীর কুল বর্ণ(৩) না করিও তঙ্গ ॥
শান্তুড়ী সুরের ধার ননদীর জালা ।
মরমের মরম ব্যথা নাহি জানে কালা ॥

- ১। চক্ষে । ২। অন্তরালে । ৩। জাতি ।

কাল কাল বালিয়া আসএ জগতজন ।
চরণে শরণ নিলাম না বাসিহ ভিন ॥
একেতে অবলা জাতি পরের অধীন ।
* * * * *
নিরমল কুল ছিল তাহে দিহু কালি ।
হাতে তুলে মাখে দিহু কলঙ্কের ডালি ॥
ষিঞ্জ চণ্ডীদাসে বলে শুন রাজার বি ।
বাঁশীয়া দংশিল তোমা আমি করি কি ॥

(সুহই)

সুখের গায়রে দুঃখ উপজিল
ভাগিল(১) যৌবন মোর ।
আপনা জানিয়া পিরীতি করিলাম
বঁধুয়া হইল পর ॥
সুজন দেখিয়া পিরীতি করিলাম
কুজন বলিবে কে ।
অমৃত বালিয়া গরল ভখিলাম
ঢলিয়া পড়িহু সে ॥
আপনা ভাবিয়া পিরীতি করিলাম
পর কি আপনা হয় ।
মিছা প্রেম করি কান্দি কান্দি মরি
ষিঞ্জ চণ্ডীদাস কয় ॥

বাসকসজ্জা*

(গাঙ্কার)

গাধিকা আদেশে মনের হরষে
কুসুম রচনা করে ।
মল্লিকা মালতী আর জাতি ধুখী
সাজাইছে থরে থরে ॥

১। অতীত হইল। ভাঙ্গিল—(পাঠান্তর)।

* বাসকসজ্জা লক্ষণ—

স্ববাসকবশাৎ কাস্তে সমেঘ্যতি নিজং বপুঃ ।
সজ্জীকরোতি গেহঞ্চ যা সা বাসকসজ্জিকা ॥
(উজ্জলনীলমণি ১২৫-৬ পৃঃ)

“প্রিয়র সহিত বিলাসের আশ করি ।

গৃহশয়্যা মালা তাম্বুল স্নিগ্ধ বারি ॥

চন্দনাদি মালা গন্ধ বগন ভূষণ ।

সাজায় করিয়া সাধ প্রিয়র কারণ ॥”

(ভক্তমাল)

আজ রচয়ে বাসক-শেজ ।
মুনিগণচিত হেরি মুরছিত
কন্দর্পের ঘুচে তেজ ॥
ফুলের আচির ফুলের প্রাচীর
ফুলেতে ছাইল ঘর ।
ফুলের বালিস আলিস কারণ
প্রতি ফুলে(১) ফুলশর ॥
শুক পিক দ্বারী মদন প্রহরী
ভ্রমর ঝঞ্ঝারে তায় ।
ছয় ঋতু মত্ত সহিত বসন্ত
মলয়-পবন বায় ॥
উজ্জরোল(২) রাতি মণিময় বাতি
কপূর তাম্বুল বারি ।
চণ্ডীদাস ভণে রাখি স্থানে স্থানে
শয়ন করল গোরী ॥

উৎকণ্ঠিতা*

(ধানশী)

কিশলয় শেজ(৩) করি কেন জাগি রাতি ।
মদন দুর্জন(৪) তাথে সঙ্গ হৈল ভাঁতি ।
চন্দ্রকিরণ তাহে বৈরী মোর ভেল ।
দক্ষিণ পবন মোর সমূহ দুখ দেল ॥
আবহুঁ এখন(৫) বঁধু না আইল ইহা ।
কেমনে ধরিব প্রাণ এত দুখ সয়া ॥
কাল রাতি কাল মোর দংশিল শরীরে ।
কি আর অসুখ আছে বল না আমারে ॥
ধনস্তরি কাছে গিয়া সাধিব সব তন্ত্র ।
ঘুচাব সকল জালা কাল যে ভুজ্জ ॥
মৃতমণি মস্ত্রে যেন মৃত হয়ে যায় ।
তাহার অধিক যেন হৈল সব কায় ॥
চণ্ডীদাস বলে এই সময়ের দোষ ।
বিরস না ভাব তুমি না করিহ রোষ ॥

১। প্রতিকূল। (পাঠান্তর)।

২। উজ্জল ।

* অনাগসি প্রিয়তমে চিরমৃত্যুৎসুকা তুয়া ॥

বিবহোৎকণ্ঠিতা ভাববদিভিঃ সা লম্বীচিতা ॥

(উজ্জলনীলমণি .৯৭ পৃঃ)

৩। পদফুলের বিছানা ।

৪। দুর্জন ।

৫। এখন পর্য্যন্ত ।

বিপ্রলকা*

(ধানশী)

বধুর লাগিয়া শেজ বিছাইছ
গাঁথিছু ফুলের মালা ।
ভাম্বুল সাজিছু দীপ উজারিছু(১)
মন্দির হইল আলা ॥
সই, পাছে এ সব হবে আন ।
সে হেন নাগর গুণের সাগর
কাছে না মিলল কান ?
শাশুড়ী ননদে বঞ্চনা করিয়া
আইছ গহন বনে ।
বড় সাধ মনে এ রূপ যৌবনে
মিলিব বঁধুর সনে ॥
পথপানে চাহি কত না রহিব
কত প্রবোধিব মনে ?
রস-শিরোমণি আসিবে এখনি
বড় চণ্ডীদাস ভণে ॥

(শ্রীরাগ)*

দ্বারের আগে ফুলের বাগ
কি সুখ লাগিয়া রুইছ ।
মধু খাইতে খাইতে ভ্রমর মাতল
বিরহ-জ্বালাতে মৈছ ॥
জাতী রুইছ যুথি রুইছ
রুইছ গন্ধ মালতী ।
ফুলের বাসে নিদ্ নাহি আসে
পুরুষ নিঠুর জাতি ॥

* বিপ্রলকা-লক্ষণ—

“সখীর আশ্বাসে ধনী স্থির করি মন ।
প্রিয় আগমন-পথ করি নিরীক্ষণ ॥
বৃক্ষের পত্রে পত্রে যদি শব্দ হয় ।
এই আইসে প্রিয় বলে উঠিয়া বৈঠয় ॥
দূতী পাঠাইয়া দিল প্রিয়ার কারণে ।
ফিরিয়া আইল দূতী বজ্র হেন মানে ॥
এইরূপ বিচ্ছেদ বিষাদে নিশি যায় ।

* * *

(ভক্তমাল)

১। উজ্জল করিয়া দিলাম ।

* অধ্যাপক মণীন্দ্রমোহন বসু এই পদটিকে
“উৎকৃষ্টতা” পর্যায়ের অন্তর্ভুক্ত করিয়াছেন ।

কুমুম তুলিয়া বোটা তেয়াগিয়া
শেজ বিছাইছ কেনে ।
যদি শুই তায় কাঁটা ভুকে(১) গায়
রসিক নাগর বিনে ॥
চান্দ ঝলমল দিক্ নিরমল
পিককুল তারা বোলে ।
কোন গুণবতী অধিক গুণেতে
পিয়া ভুলাইয়া নিলে ॥
রতন-মন্দিরে সখীর সহিতে
তা সনে করিছ প্রেম ।
চণ্ডীদাস কহে কাহুর পিরীতি
যেন দরিদ্রের হেম ॥

(ধানশী)

দুকান পাতিয়া ছিল এতক্ষণ
বঁধু-পথপানে চাই ।
পরভাত নিশি দেখিয়া অমনি
চমকি উঠিল রাই ॥
পাতায় পাতায় পড়িছে শিশির
সখীরে কহিছে ধনী ।
বাহির হইয়া দেখ লো সজনি
বঁধুর শব্দ শুনি ॥
পুন কহে রাই না আসিল বঁধু
মরমে রহল ব্যথা ।
কি বুদ্ধি করিব পাষণে ধরিয়া
ভাঙ্গিব আপন মাথা ॥
ফুলের এ ডালা ফুলের এ মালা
শেজ বিছাইছ ফুলে ।
সব হৈল বাসি আর কেন সই
ভাসা গে যমুনা-জলে ॥
কুমুম কস্তুরী চুবক চন্দক
লাগিছে গরল হেন ।
ভাম্বুল বিরস ফুলহার ফণী
দংশিছে হৃদয়ে যেন(২) ॥
সকল লইয়া যমুনায় ডার(৩)
আর ত না যায় দেখা ।
ললাটের সিঁদুর মুছি কর দূর
নয়ানের কাজর-রেখা ॥

১। ফুটে—বিক্রে ।

২। ফুলের হার সর্প হইয়া যেন হৃদয়কে দংশন
করিতেছে । ৩। ফেলিয়া দাও ।

আর না রাখিব এ ছার পরাণ
না যাব লোকের মাঝে ।
ধির হও রাই চলু চণ্ডীদাস
আনিতে নিঠুররাজে(১) ॥

(সুহিনী)

সে যে	বুকভানু	সুতা ।
মরমে	পাইয়া	ব্যথা ॥
সজল	নয়ান	হৈয়া ।
রহে	পথপানে	চাহিয়া ॥
ফুল	শেজ	বিছাইয়া ।
রহয়ে	ধেয়ানি	হৈয়া ॥
উজ্জর(২)	চাঁদনি	রাতি ।
মন্দিরে	রতন	বাতি ॥
কহে	সব ভেল	আন ।
কাহে	না মিলিল	কান ॥
সকল	বিফল	হৈল ।
আধ	রজনী	গেল ॥
শ্রাম	বঁধুয়ার	পাশ ।
চলু	বড়ু	চণ্ডীদাস ॥

(পঠমঞ্জরী)

নিশি প্রভাত হৈল প্রিয়া না আইল ভবনে ।
হেদে রে মালতীর মালা কেন গাঁথিলাম যতনে
অঙ্কুর চন্দন চুয়া দিব কার গায় ।
জরজর হৈল তহু নিশি না পোহায় ॥
কপূর চন্দন চুয়া দিব কার মুখে ।
রজনী বন্ধিব হাম কারে লয়ে সুখে ॥
নাহ(৩) নিঠুর যদি না আইসে ইহা ।
যমুনার জলে সব দিব ভাসাইয়া ॥
কার লাগি রাখিব ইহা সংযোগ করিয়া ।
চণ্ডীদাসে কহে তবে মিলিব আসিয়া ॥

(পঠমঞ্জরী)

আর কি মিলিব মোরে প্রিয়া গুণনিধি ।
কি রাতি সুরাতি হবে অমুকুল বিধি ॥
গগনে আছিল চাঁদ সেহ অতি মন্দ ।
হিয়া জরজর হৈল খসিল পাঁজরের বন্ধ ॥

১। নিঠুর রাজা—শ্রীকৃষ্ণ ।
২। উজ্জল ।
৩। নাথ ।

এখানে না আইল প্রিয়া কে কৈল আটকে ।
নিজ ঘরে রহিল কিবা পড়িয়া বিপাকে ॥
শরীরে না রহে প্রাণ বাহিরায় এখনে ।
পরাণ গেলে কি করিবে প্রিয়া দরশনে ॥
চণ্ডীদাসে কহে প্রাণ যাইবেক কেনে ।
চিত স্থির করি রহ মিলিব এখনে ॥

(কামোদ)

নাহ নিঠুর চিত ভেল কাহার চিত
তাহি রহল আজু রাতি ।
প্রাণ গুণি গুণি খোয়াগু পরাণী
সহজে অবলা নারী জাতি ॥
চণ্ডীদাস ভণে মরম সমানে
না মিলিল আর কান ।
জীবন যৌবন বৃথা অকারণ
কেমনে ধরিব প্রাণ ॥

খণ্ডিতা*

চন্দ্রাবলীর উক্তি

(কামোদ)

এই পথে নিতি কর গতায়তি
নৃপুরের ধ্বনি শুনি ।
রাধা সঙ্গে বাস আমারে নৈরাশ
আমি বন্ধি একাকিনী ॥
বঁধু হে ! ছাড়িয়া নাহিক দিব ।
হিয়ার মাঝারে রাখিব তোমারে
- সদাই দেখিতে পাব ॥
শুন সখীগণ করিয়া যতন
লয়ে চল নিকেতনে ।
আজিকার নিশি রাধিকা রূপসী
বঞ্চুক নাগর বিনে ॥
এতেক শুনিয়া করেতে ধরিয়া
লইয়া চলিল বাস ।
রাধা-ভয়ে হরি কাঁপে থরহরি
ভণে দ্বিজ চণ্ডীদাস ।

* খণ্ডিতা-লক্ষণ—

“অন্য নায়িকা ভোগ করিয়া নায়ক ।
আইসে অঙ্গেতে নখ-চিহ্নাদি যাবক ॥
দেখিয়া কুপিত মনে ভৎসনাদি করি ।
উপেক্ষা করয়ে খণ্ডিতাবনত নারী ॥—(ভক্তমাল)

শ্রীকৃষ্ণের উক্তি

(শ্রীরাগ)

চন্দ্রাবলী (১) আজি ছাড়ি দেহ মোরে ।
 শ্রীদাম ডাকিছে যাব তার কাছে
 এই নিবেদন তোরে ॥
 কাল আসি হাম পুরাইব কাম
 ইথে নাহি কর রোষ ।
 চন্দ্রাবলী-নাথ ভুবনে বিদিত
 জগতে ঘোষয়ে দোষ ॥
 তুমি যে আমার আমি যে তোমার
 বিবাদে কি ফল আছে ?
 লোক জানাজানি কেন কর ধনি
 পিরীতি ভাঙ্গিবে পাছে ॥
 দাদা বলরাম করে অশেষণ
 ভ্রময়ে নগর-মাঝে ।
 চণ্ডীদাসে কয় সে যদি জানয়
 সবাই পড়িবে লাজে ॥

চন্দ্রাবলীর উক্তি

(বিহাগড়া)

কে বলে আমার তুমি সে রাধার
 তাহার দুখের দুখী ।
 করিয়া চাতুরি যাবে বুনি হরি
 রাধায় করিতে সুখী ॥
 বঁধু হে, তুমি ত রাধার নাথ ।
 তব ভারিভুরি(২) ভাঙ্গিব মুরারি
 রাখিব আপন সাথ ॥
 এতেক বলিয়া করেতে ধরিয়া
 চুষয়ে বদন-চাঁদে ।
 রসিক নাগর হইয়া ফাঁপর(৩)
 পড়িল বিষম ফাঁদে ॥
 হেথা সুবদনী সখী সঙে বাণী
 কহয়ে কাতর ভাষে ।
 নিশি পোহাইল পিয়া না আইল
 কহে দ্বিজ চণ্ডীদাসে ॥

(ধানশী)

চন্দ্রাবলী সনে কুমুম শয়নে
 সুখেতে ছিলেন শ্যাম ।
 প্রভাতে উঠিয়া ভয়তীত হইয়া
 আসিলা রাধার ধাম ॥
 গলে পীতবাস করিয়া সাহস
 দাঁড়াইল রাইয়ের আগে ।
 দেখে ফুলমালা তাম্বুলের ডালা
 ফেলিয়াছে রাই রাগে ॥
 নাগরে দেখিয়া মানিনী না চান
 আছেন আপন কোপে ।
 স্নেহে যে ভুরুর ভঙ্গিম দেখিয়া
 নাগর তরাসে কাঁপে ॥
 রোষেতে নাগরী থাকিতে না পারি
 নাগরেরে পাড়ে গালি ।
 চণ্ডীদাস ভণে লম্পটের সনে
 কণা কৈলে তবু তালি ॥

(ললিত)

ভাল হৈল আরে বঁধু আসিলা সকালে ।
 প্রভাতে দেখিলাম মুখ দিন যাবে ভালে ॥
 বঁধু তোমায় বলিহারি যাই ।
 ফিরিয়া দাঁড়াও তোমার চাঁদমুখ চাই ॥
 আই আই পড়েছে মুখে কাজরের শোভা ।
 ভালে সে সিন্দুর তোমার মূনির মনোলোভা ॥
 খর-নখ-দশনে অঙ্গ জরজর ।
 ভালে সে কঙ্কণ-দাগ হিয়ার উপর ॥
 নীল পাটের শাটী কোচার বলনী ।
 রমণীরমণ হৈয়া বঞ্চিলা রজনী ॥
 সুরঙ্গ যাবক(১) রঙ্গ উরে(২) ভাল গাজে ।
 এখন কহ মনের কথা আইলা কিবা কাজে ॥
 চারিদিকে চায় নাগর আঁচলে মুখ মুছে ।
 চণ্ডীদাস কহে লাজ ধুইলে না ঘুচে ॥

(রামকেলি)

ছুঁইও না ছুঁইও না বঁধু ঐখানে থাক ।
 মুকুর লইয়া চাঁদমুখখানি দেখ ॥ ১ ॥
 নয়ানের কাজর বয়ানে লেগেছে
 কালোর উপরে কাল ।
 প্রভাতে উঠিয়া ও মুখ দেখিলাম
 দিন যাবে আজ ভাল ॥

১। বৃকভানু রাজার ভ্রাতা রত্নভানু রাজার
 কন্যা ।

২। সঙ্গম ।

৩। অস্থির ।

১। আলতা। ২। বন্ধঃস্থল ।

অধরের তাশুল বন্নানে লেগেছে
 ঘুমে ঢুল ঢুল আঁখি ।
 আমা পানে চাও ফিরিয়া দাঁড়াও
 নম্নন ভরিয়া দেখি ॥
 টাচর কেশের চিকণ চূড়া
 সে কেন বুকের মাঝে ।
 সিন্দূরের দাগ আছে সর্বগায়
 মোরা হ'লে মরি লাঞ্জে ॥
 নীলকমল বামরু (৩) হইয়াছে
 মলিন হইয়াছে দেহ ।
 কোন্ রসবতী পেয়ে সুধানিধি
 নিঙড়ে লয়েছে সেহ ॥
 কুটিল নয়ানে কহিছে সুন্দরী
 অধিক করিয়া ত্বরা ।
 কহে চণ্ডীদাস আপন স্বভাব
 ছাড়িতে না পারে চোরা ॥

(বিভাস)

হেদে হে নিলাজ বঁধু লাজ নাহি বাস ।
 বিহানে (২) পরের বাড়ী কোন লাঞ্জে আস ॥
 বুকমাবো দেখি তোমার কঙ্কণের দাগ ।
 কোন্ কলাবতী (৩) আজি পেয়েছিল লাগ ?
 নখ পদ বিরাজিত রুধিরে পুরিত ।
 আহা মরি কিবা শোভায় করিল ভূষিত ॥
 কপালে সিন্দূর-রেখা অধরে কাজল ।
 সে ধনী বিহনে তোমার আঁখি ছল ছল ॥
 দ্বিজ চণ্ডীদাসে কহে শুন বিনোদিনী ।
 না ছুঁইও আমি ইহার সব রঙ্গ জানি ॥

(সিন্দুড়া)

বঁধু কহ না রসের কথা শুনি ।
 কেমন কামিনী সঙ্গে যাপিলা যামিনী সঙ্গে
 কত সুখে পোহালে রজনী ॥
 নীল নলিনী আভা কে নিলে অঙ্গের শোভা
 কাজরে মলিন অঙ্গখানি ।
 চিকণ চূড়ার চাঁদ কে নিলে বরিহা (৪) ফাঁদ
 আজি কেন পীঠে দোলে বেণী ?

- ১। মলিন ।
- ২। প্রাতে ।
- ৩। রসিকা ।
- ৪। উৎকৃষ্ট ।

ধনু সে বরজবধু যে পিয়ে অধর-মধু
 পাষণে নিশান তার সাথী ।
 রক্ত-উৎপল ফুলে যৈছে ভ্রমর বলে
 ঐহন ফিরিয়ে ছন আঁখি ॥
 রচিয়া সিন্দূরের বিন্দু কে নিল চন্দন ইন্দু
 নাগার ছলে নাকের মুকুতা ।
 দ্বিজ চণ্ডীদাসে কয় এ কথা অতুখা নয়
 ভালে জানে বুকভাহুসুতা ॥

(রামকেলি)

এস এস বঁধু করুণার সিন্দু
 রজনী গোঙালে ভালে ।
 রসিকা রমণী পেয়ে গুণমণি
 ভাল ত সুখেতে ছিলে ?
 নয়নে কাজর কপালে সিন্দূর
 ক্ষত-বিক্ষত হে হিয়া ।
 আঁখি চর চর পরি নীলাম্বর
 হরি এল হর সাজিয়া ॥
 ধিক্ ধিক্ নারী পর আশাধারী
 কি বলিব বিধি তোয়(১) ।
 এমন কপট ধুষ্ট লম্পট শঠ
 হাতেতে সৌপিলি মোয় ॥
 কাঁদিয়া যামিনী পেহালাম আমি
 তুমি ত সুখেতে ছিলে ।
 রতিচিহ্ন সব লইয়া মাধব
 প্রভাতে দেখাতে এলে ?
 এই মিনতি রাখ ঐখানেতে থাক
 আজিনাতে না আইস ।
 ছুঁইলে তোমারে ধরমে আমারে
 না করিবে পরশ ॥
 লোকমুখে কত শুনিলাম যত
 প্রতীত আজি হ'ল সব ।
 চণ্ডীদাস কয় নাগর দয়াময়
 এত দয়ার স্বভাব ॥

(ললিত)

আরে মোর আরে মোর সোনার বঁধুর ।
 অধরে কাজর দিল কপালে সিন্দূর ॥
 বদন-কমলে কিবা তাশুল শোভিত ।
 পায়ের নখর-ঘায় হিয়া বিদারিত ॥

১। তোমার ।

না এস না এস বঁধু আন্ধিনার কাছে ।
তোমারে দেখিলে(১) মোর ধরম যাবে পাছে ॥
শুনিয়া পরের মুখে নহে পরতীত ।
এবে সে দেখিছু তোমার এই সব রীতি ॥
সাধিলা মনের সাধ যে ছিল তোমারি ।
দূরে রহু দূরে রহু(২) প্রণাম হামারি ॥
চণ্ডীদাস বলে ইহা বলিয়া কেমনে ।
চোর ধরিলেও এত না কহে বচনে(৩) ॥

(ললিত)

আহা আহা বঁধু তোমার শুকায়েছে মুখ ।
কে সাজাল হেন সাজে হেরে বাসি দুখ ॥
কপালে কলঙ্ক-দাগ আহা মরি মরি ।
কে করিল হেন কাজ কেমন গোয়ারী ॥
দারণ নখের ঘা হিয়াতে বিরাজে ।
রক্তোৎপল ভাসে যেন নালসর মাঝে ॥
কেমন পাষাণী যার দেখি হেন রীতি ।
কে কোথা শিখাল তারে এ হেন পিরীতি ॥
ছল ছল আঁখি দেখি মনে ব্যথা পাই ।
কাছে বঁসে আঁচলেতে মুখানি মুছাই ॥
বড় কষ্ট পাইয়াছ রজনী জাগিয়া ।
চণ্ডীদাস কহে শোও হিয়ান আসিয়া ॥

শ্রীকৃষ্ণের উত্তর

(রামকেলি)

শুন শুন সুনয়নি আমার যে রীতি ।
কহিতে প্রতীত নহে জগতে বিদিত ॥
তুমি না মানিবে তাহা আমি ভাল জানি ।
এতেক না কহ ধনি অসম্ভব বাণী ॥
সঙ্গত হইলে ভাল শুনি পাই সুখ ।
অসঙ্গত হইলে পাইব বড় দুখ ॥ (৪)
মিছা কথায় কত পাপ জানহ আপনি ।
জানিয়া না মানে যে সেই ত পাপিনী ॥
পরে পরীবাদ দিলে ধরমে সবে(৫) কেনে ।
তাহার এমত বাদ হইবে তখনে ॥
চণ্ডীদাস বলে যেবা মিছা কথা কবে ।
সেই সে ঠেকিবে পাপে তোমার কি যাবে ॥

শ্রীরাধিকার প্রত্যুত্তর

(রামকেলি)

ভাল ভাল ভাল কালিয়া নাগর
শুনালে ধরম কথা ।
পরের রমণী মজ্জালে যখন
ধরম আছিল কোথা ?
চোরার মুখেতে ধরম কাহিনী
শুনিয়া পায় যে হাসি ।
পাপ পুণ্য জ্ঞান তোমার যতেক
জানয়ে বরজবাসী ॥
চলিবার তরে দেও উপদেশ
পাথর চাপিয়া পীঠে ।
বুকেতে মারিয়া চাকুর ঘা
তাহাতে লুণের ছিটে ॥
আর না দেখিব ও কাল মুখ
এখানে রহিলে কেনে ।
যাও চলি তথা মনের মাহুষ
যেখানে মন যে টানে ॥
কেন দাঁড়াইয়া পাপিনীর কাছে
পাপেতে ডুবিবা পাছে ।
কহে চণ্ডীদাস যাও চলি যথা
ধরমের থলি আছে ॥

পুনঃ শ্রীকৃষ্ণের উক্তি

(ধানশী)

না কর না কর ধনি এত অপমান ।
তরুণী হইয়া কেন একে দেখ আন ॥
বংশী পরশি আমি শপথ করিয়ে ।
তোমা বিহু দিবা-নিশি কিছু না জানিয়ে ॥
ফাগু-বিন্দু দেখি সিন্দুর-বিন্দু কহ ।
কণ্টকে কলঙ্ক-দাগ মিছাই ভাবহ ॥
এত কহি বিনোদ নাগর চলি যায় ঘর ।
চণ্ডীদাস কহে রাই কাঁপে থর থর ॥

সখীর উক্তি

(ধানশী)

ললিতা কহয়ে শুন হে হরি ।
দেখে শুনে আর রহিতে নারি ॥
শুন শুন ওহে রসিকরাজ ।
এই কি তোমার উচিত কাজ ॥

১। ছুঁইলে (পাঠান্তর) । ২। দূরে দূরে
রহু বঁধু (পাঠান্তর) । ৩। চোর ধরিলে কেবা
ছাড়য়ে এমন—(পাঠান্তর) । ৪। অসঙ্গত কৈলে
কি লাভ শুনিতো না হয় সুক (পাঠান্তর) । ৫। সহিবে।

উচিত কহিতে কাহার ডর ।
 কিবা সে আপন কিবা সে পর ॥
 শিশুকাল হইতে স্বভাব চুরি ।
 সে কি পারে রহিতে ধৈর্য্য ধরি ?
 এক ঘরে যদি না পোষে তায় ।
 ঘরে ঘরে ফিরে পায় কি না পায় ॥
 সোনা লোহা তামা পিতল কি আছে ।
 চোরের কি কখন নিবৃত্তি আছে ?
 এ রস দ্বিজ চণ্ডীদাস কয় ।
 চোরের কখন মন শুদ্ধ নয় ॥

শ্রীকৃষ্ণের অবস্থা

(ধানশী)

কনক বরণ করিয়া মনে ।
 ভ্রমই(১) মাধব গহন বনে ॥
 হিমকর হেরি মুরছি পড়ি ।
 ধুলায় ধূসর যাওত গড়ি ॥
 অপরাধী আমি কোথায় যাব ।
 রাই সুধামুখী কেমনে পাব ॥
 এতেক কহিতে মিললি রাই ।
 চণ্ডীদাস তব জীবন পায় ॥

মান

সখীর উক্তি

(ভাটিয়ারী)

রামা হে কি আর বলিব আন ।
 তোহারি চরণে শরণ সো হরি
 অবহঁ(১) না মিটে মান ॥
 গোবর্দ্ধন গিরি বাম করে ধরি
 যে কৈল গোকুল পার ।
 বিরহে সে ক্ষীণ করের কঙ্কণ
 মানয়ে গুরুয়া ভার ॥
 কালিয়া দমন করলে যেমন
 চরণ-যুগলবরে ।
 এবে সে ভুঞ্জঙ্গ ভরমে ভুলল
 হৃদয় না ধরে হারে ॥
 সহজে চাতক না ছাড়য়ে প্রীত
 না বৈসে নদীর তীরে ।
 নব জলধর বরিষণ বিহু
 না পিয়ে তাহার নীরে ॥
 যদি দৈবদোষে অধিক পিয়াসে
 পিবয়ে হেরিয়ে খোর(২) ।
 তবহঁ(৩) তাহারি নাম সোঙরিয়া(৪)
 গলয়ে শতগুণ লোর ॥

চণ্ডীদাস-বাণী

শুন বিনোদিনি

কি আর করহঁ মান ।

তুয়া অমুগত

শ্রাম মরকত

তো বিহু ভাবে না আন ॥

(সুহই)

শুন লো	রাজার	বি।
লোকে না	বলিবে	কি ?
মিছই	করিস	মান ।
তো বিহু	জাগল	কান ।
আনত	সঙ্কেত	করি ।
তাহা	জাগাইয়া	হরি ॥
উলটি	করিস	মান ।
বড়	চণ্ডীদাস	গান ॥

(বসন্ত)*

এ ধনি মানিনি মান নিবার ।
 আবীরে অরুণ শ্রাম-অঙ্গ মুকুর পর
 নিজ প্রতিবিম্ব নেহার ॥
 তুহ এক রমণী শিরোমণি রসবতী
 কোন্ ঐছে জগমাহ ? (২)
 তাহারি সমুখে শ্রাম সহ বিলসব(৩)
 কৈছন রস নিরবাহ (৪) ॥

১। এখন পর্য্যাস্ত ।

২। অল্প—কিঞ্চৎ পরিমাণ ।

৩। তবুও ।

৪। স্মরণ করিয়া ।

১। ভ্রমণ করিয়া বেড়ান ।

* এই পদটি সম্ভবতঃ “হোলি” উৎসবের পর্য্যায়ভুক্ত ।

২। তুমি রসিক-শিরোমণি, তোমার তুল্য জগতে কে আছে। ৩। বিলাস করিবে। ৪। নিরবাহ ।

ঐছন সহচরী বচন হৃদয়ে ধরি
 সরমে ভরমে মুখ ফেরি ।
 ঈষৎ হাসি সনে মান তেয়াগল
 উলসিত ছুইে দৌহা হেরি ॥
 পুন সব জন মেলি করয়ে বিনোদ কেলি
 পিচক্সরী করি হাতে ।
 দ্বিজ চণ্ডীদাস আবীর যোগাওত
 সকল সখাগণ সাথে ॥

কলহাস্তুরিতা

(ধানশী)

আপন শির হাম আপন হাতে কাটিমু
 কাহে করিমু হেন মান ।
 শ্যাম সুনাগর নটবর-শেখর
 কাঁহা(১) সখি কল পয়াণ ॥
 তপ(২) বরত(৩) কত করি দিন-যামিনী
 যো কামু কো নাহি পায় ।
 হেন অমূল ধন মনু(৪) পদে গড়ায়ল
 কোপে মুঞি ঠেলিমু পায় ॥
 আরে সই কি হবে উপায় ।
 কহিতে বিদরে হিয়া ছাড়িমু সে হেন পিয়া
 অতি ছার মানের দায় ॥
 জনম অধি মোর এ শেল রহিবে বুক
 এ পরাণ কি কাজ রাখিয়া ।
 কহে বড় চণ্ডীদাস কি ফল হইবে বল
 গোড়া কেটে আগে জল দিয়া ?

(শ্রীরাগ)

রাই-মুখে শুনল ঐছন বোল ।
 সখীগণ কহে ধনি নহ উতরোল(৫) ॥
 তুয়া মুখ দরশন পায়ল সেহ ।
 কৈছে আছল কছু সমুঝল এহ ॥
 তুহ কাহে(৬) এত উৎকণ্ঠিত ভেল ।
 তোহে হেরি সো আকুল ভৈ(৭) গেল
 ঐছে বিচার করত যাহা রাই ।
 তুরতহি(৮) এক সখী মিলল তাই ॥

১। কোথায় । ২। তপস্যা । ৩। ব্রত ।
 ৪। আমার । ৫। ব্যাকুল । ৬। কেন ।
 ৭। হইয়া । ৮। সত্তর ।

এ ধনি পহুমিনি কর অবধান ।
 তোহারি নিয়ড়ে(১) মূঝে(২) ভেজল(৩) কান ॥
 চণ্ডীদাস কহে বিধুমুখী রাই ।
 অতিশয় ব্যাকুল ভেল কানাই ॥

(ধানশী)

রাইক ঐছন সক্রমণ ভাষ ।
 শুনি সখী আয়ল কামুক পাশ ॥
 কহইতে ঐছন সকল সংবাদ ।
 গদগদ কহইতে করই বিবাদ ॥
 চল চল নাগর রস-শিরোমণি ।
 তুয়া বিমু রাখিকা অধিক তাপিনী ॥
 চণ্ডীদাস কহে বিনোদ রায় ।
 বাট চল রাইক মাঝ হৃদয় ॥

(শ্রীরাগ)

আসি সহচরী বহে ধীরি ধীরি
 শুনহ নাগর রায় ।
 অনেক যতনে ঘুচাইলাম মানে
 ধরিয়া রাইয়ের পায় ॥
 তবে যদি আর মান থাকে তার
 মানবি(৪) আপন দোষ ।
 তোমার বদন মলিন দেখিলে
 ঘুচিবে এখন রোষ ॥
 তুরিত গমনে এস আমা গনে
 গলেতে ধরিয়া বাস(৫) ।
 সো হেন নাগর হইয়া কাতর
 দাঁড়াইল রাইয়ের পাশ ॥
 রাই কমলিনী হেরি গুণমণি
 বধুয়া লইয়া কোলে ।
 দুহঁক হৃদয় আনন্দ বাঢ়িল
 দ্বিজ চণ্ডীদাস বলে ॥

(ধানশী)

ললিতার বাণী শুনি বিনোদিনী
 প্রসন্নবদনে কয় ।
 আমি ত কেবল তোদের অধীন
 যা বল শুনিতে হয় ॥

১। নিকটে । ২। আমাকে । ৩। পাঠাইল ।
 ৪। মানিয়া লইবে । ৫। গলবস্ত্র হইয়া ।

সখি, তোরা মোর কর এই হিতে ।
 আর যেন কখন না করে এমন
 পুছ(১) উহায় ভালমতে ॥
 উহার প্রণতি শ্রবণ গোচরে
 না করিব এ জনমে ।
 পুন যদি আর এমত ব্যভার
 করয়ে এ ব্রজভূমে ॥
 এত শুনি হরি গলে বাস ধরি
 কহয়ে কাতর বাণী ।
 শুন বিনোদিনী জনমে জনমে
 আমি আছি প্রেমে ধনী ॥
 এত শুনি গৌরী(২) ছু বাছ পসারি
 বঁধুয়া করিল কোলে ।
 এই মনে হয় রসামৃতময়
 চণ্ডীদাসে হৈছা বলে ॥

(ধানশী)

ছি ছি মানের লাগি শ্যাম বঁধুরে
 হারাইয়াছিলাম ।
 শ্যামল সুন্দর মধুর মুরতি
 পরশে শীতল হৈলাম ॥
 শ্রীমধুমঙ্গলে(৩) আন কুতূহলে
 ভুঞ্জাও ওদন(৪) দধি ।
 হারাদন যেন পুনহি মিলন
 সদয় হইল বিধি ॥
 নিজ সুখরসে পাপিনী পরশে
 না জানে পিয়াক সুখ ।
 কহে চণ্ডীদাসে এ লাগি আমার
 মনেতে উঠয়ে দুখ ॥

(সুহই)

ছি ছি দারুণ মানের লাগিয়া
 বঁধুরে হারাইয়াছিলাম ।
 শ্যাম সুন্দর রূপ মনোহর
 দেখিয়া পরাণ পেলাম ॥

সই, জুড়াইল মোর হিয়া ।
 শ্যাম-অঙ্গের শীতল পবন
 তাহার পরশ পাইয়া ॥
 তোরা সখীগণ করাহ সিনান
 আনিয়া যমুনা-নীরে ।
 আমার বঁধুর যত অমঙ্গল
 সকল যাউক দূরে ॥
 শ্রীমধুমঙ্গলে আনহ সকলে
 ভুঞ্জাহ পায়স দধি ।
 বঁধুর কল্যাণে দেহ নানা দানে
 আমারে সদয় বিধি ॥
 কহে চণ্ডীদাস শুনহ নাগর
 এমন উচিত নয় ।
 না দেখিলে যুগ শতেক মানয়ে
 ইথে কি পরাণ রয় ॥

(শ্রীরাগ)

রাইয়ের বচন শুনি সখীগণ
 আনল যমুনা-বারি ।
 নাগর সুন্দর সিনান করল
 উলসিত ভেল গৌরী ॥
 ললিতা আসিয়া হাসিয়া হাসিয়া
 পরায়ল পীতবাস ।
 পরিয়া বসন হরষিত মন
 বসিলা রাইক পাশ ॥
 রাই বিনোদিনী তেরছ(১) চাহনি
 হানল বঁধুর চিতে ।
 নাগর সুন্দর প্রেমে গরগর
 অঙ্গ চাহে পরশিতে ॥
 মনে আছে ভয় মানের সঙ্কয়
 সাহস নাহিক হয় ।
 অতি সে লালসে না পায় সাহসে
 দ্বিজ চণ্ডীদাস কয় ॥

(সুহই)

রাধার চরিত দেখি সেই সখী
 চলিলা রাধার কাছে ।
 সুধামুখী ধনী হয়েছে মানিনী
 অতি কোপ মনে আছে ॥

১। জিজ্ঞাসা কর। ২। শ্রীরাধিকা।
 ৩। বিশেষ রহস্যকারী বিদূষকদল।
 তার মধ্যে বিশেষতঃ শ্রীমধুমঙ্গল ॥
 শ্রীকৃষ্ণ থাকেন যবে প্রিয়গণ সনে ।
 তথায় যাইতে পারে নর্য সখীগণে ॥—ভক্তমাল।

৪। অন্ন।

১। বক্র কটাক্ষ।

কহে এক সখী শুন হে বচন
যদি বা মানেতে রাধা ।

* * *

ভবে কিবা সুখ উঠে কিবা দুখ
সে ধনী তেজিয়া কিবা ।

চল মোরা যাব রাধা মানাইব
করিয়া তাহার সেবা ॥

দুই চারি সখী রাই-পাশে গিয়া
কহিতে লাগিল তায় ।

কেন অভিমান কিসের কারণ
এ দুখী হয়্যাছ কায় ॥

* শ্রাম স্নানাগরে এ দেহ সঁপেছি
তার কিছু নাহি ভয় ।

সে জন বচনে অভিমান কেন
এ তোম উচিত নয় ॥

* * "শ্রাম পরসঙ্গ না কহ আরতি(১)
তোমরা তুরীতে গিয়া ।

শ্রাম-সোহাগিনী যতেক গোপিনী
তোমরা সেবহ গিয়া ॥

আমি না যাইব শ্রাম সাধ গেল
কিবা সে রহল তোরা ।"

চণ্ডীদাস দেখি মনের বিপথ
ধাইয়া চলিল ত্বরা ॥

(স্নহই)

গেল যত সখী বচন না শুনি
ষুকতি করিছে কতি ।

রাই মানাইতে না পারিলে মোর
কি কব ইহার গতি ॥

চলে ব্রজনারী যেখানে গোপিনী
কহিতে লাগিল তায় ।

"রাই মানাইতে না পারি বেকত
এ কথা কহিবে কায় ॥"

* আমরা সমস্ত ভয় ত্যাগ করিয়া শ্রাম-স্নানাগরকে দেহ সমর্পণ করিয়াছি, স্মতরাং তাঁহার কথায় মান করা উচিত নয় ।

* * রাধা কহিতেছেন—শ্রামপ্রসঙ্গ বা তাঁহার অমুরাগের কথা আর আমাকে কহিও না—তোমরা যাহারা শ্রামসোহাগিনী, তাহারা সত্বর গিয়া শ্রামের সেবা কর, আমি যাইব না ।

১। আৰ্ত্তি—অমুরাগ ।

হেথা শ্রামরায় রাধা না দেখিয়া
পুছে রসময় কান(১) ।

কহে এক সখী "শুন স্নানাগর
রাধার হয়েছে মান ॥

* * * *

অনেক যতনে বুঝাইল রাধা
কহেন বিষয় আন ॥"

"কেন বা মানিনী হয়েছে সে ধনী
কিসের কারণে বল ।"

"কহে স্নানাগরী শুন শ্রাণহরি
মানেতে হয়েছে চল ॥

তোমার বচন কহিলে যখন
কেন বা আইলে বনে ।

সেই সে কারণে অতি অভিমানে"
দ্বিজ চণ্ডীদাসে ভণে ॥

(ধানশী)

নিকুঞ্জে রসিয়া(২) নাগর বসিয়া
বড়ই হইলা দুখী ।

রাধার পিরীতি মনে হয় তখি
হিয়াতে না হয় সুখী ॥

বাঁশী মুখে দিয়া ব্যথিত হইয়া
পুরত সুস্বর বাণী ।

রাধা রাধা বই আন নাহি কই
তুরিতে গমন ধনি ॥

এই বাঁশী কয় মধুরস প্রায়
ঘনে ঘনে কহে রাই ।

বাঁশীতে সকলি নিশানে ব্যাকত(৩)
ভাবিয়া অমৃত তাই ॥

শুনি পশুপাখী পুলকিত মনে
বনের হরিণী যত ।

বাউল হইয়া মিলাইয়াছে শিলা
শুনি সে মুরলী-গীত ॥

মান ভাদ্রাইতে পুরিল মুরলী
রাধার না ঘুচে মান ।

অতি সো কোপিত না হয় সরল
দ্বিজ চণ্ডীদাস গান ॥

১। কানাই ।

২। রসিক ।

৩। ব্যক্ত ।

(সুহই)

রাই রাই নাম আর সব আন
চিবুকে মুরলী দিয়া ।
রাধা নাম ছুটি আখর জাপিসে
কোথা সে রসের পিয়া ॥
খেণে রাধাক্রপ ধ্যান করয়ে
অস্তরে ওরূপ দেখি ।
খেণেক নিখাসে অতি সে হতাশে
রাধা নাম তাহে লিখি ॥
মুদিত নয়ন সদা রাধা নাম
গাইয়া আপন মনে ।
তেজল সকল বেশ পরিপাটি
রহই একটি ধ্যানে ॥
করের অঙ্গুলি ধরি কত বেরি(১)
জপয়ে রাধার নাম ।
এই তন্ত্র মন্ত্র এই সুধারস
সঘনে কহই শ্রাম ॥
মুগদ(২) মুরারি রসের চাতুরী
আকুল হৈয়া চিতে ।
রাধা রাধা বিনে আন নাহি মনে
বসিল কুঞ্জের ভিত্তে(৩) ॥
কোথা রসমই দেহ দরশন
তো(৪) বিনে সকলি আন ।
তুমি কুঞ্জেশ্বরী তুমি সে মাধুরী
তোর সদা করি গান ॥
তোমার কারণে বাশীটি বদনে
শুনি বা কেমন রতি ।

• * *
এই সে বাশীতে সঙ্কেতে নিশান
বাজাই(৫) রসিক রায় ।
তবু না ভাবল মান অভিমান
চণ্ডীদাস পুন গায় ॥

(করুনা)

বাশী কাটপন(৬) কতক প্রকারে
বাজাল রসের তান ।
তবু না আইল বুকভাঙ্গুসুতা
রহল নিভৃত মান ॥

১। বার। ২। মুগ। ৩। ভিতরে।
৪। তুমি। ৫। বাজ করে। ৬। দূতীপনা
(পাঠাস্তর)।

বিনোদ নাগর হইল ফাঁফর
তেজিল সকল সুখ ।
রাধা পথ পানে চাহি ঘনে ঘনে
বাড়ল বিরহ-দুখ ॥
খেণে কত বেরি উঠল মুরারি
সঘনে নিখাস নাগা ।
আলসে কাতর রসিক নাগর
না করে একই ভাষা ॥
না জানি কোথারে পড়ল মাথার
পিচ্ছ(১) মুকুট চূড়া ।
কোথা না পড়ল কটির ঘাগর
সে পীতবসন ধড়া ॥
কোথা না পড়ল মণিময় হার
বলয়া বাহর বালা ।
কোথা না পড়ল চুড়ার বন্ধন
সে নব গুঞ্জার মালা ॥
কোথা না পড়ল মধুর মুরলী
নৃপুর পড়ল কতি ।
নয়নে বহত বহতর বারি
চণ্ডীদাস মুখমতি ॥

(সুহই)

খেণে রাধা পথপানে চাই ।
মুগধ সে লুবধ মাধাই ॥
কুঞ্জে লুটত নহি ঠাম ।
রাধা রাধা নাম করি গান ॥
কোথা রাধা স্কুমারী গৌরী ।
হেরত নয়ন পসারি ॥
পুন মুদত ছুই আঁখি ।
ধনি মণি কতি(২) নাহি দেখি ॥
এখনি কুঞ্জ নিকুঞ্জে ।
গান করত কত পুঞ্জে ॥
হা রাধা রাধা তনু আধ ।
হেরইতে পুন ভেল সাধ ॥
তো বিহু সব ভেল বাধা ।
হৃদি পর যা তাত রাধা ॥
ঐছন কাতর মুরারি ।
গদগদ নয়নক বারি ॥

১। ময়ূরপুচ্ছনির্মিত ।
২। গৌরী—(পাঠাস্তর) ।

খেণে উঠে খেণে করে গান ।
রাইক পথ পানে চান ॥
চণ্ডীদাস কহে পুন বেরি ।
আমি মিলব পুন হরি(১) ॥

(শ্রীরাগ)

এই পরমাদ ব্যথিত হইলা
নাগর রসিক রায় ।
রাই ভাবে তমু পুরিত হইয়া
তাশুল নাহিক খায় ॥
বিসরি সকল পূরব-পিরীতি
এবে হৈল অভিমান ।
কহে সুনাগর চতুর-শেখর
দুতি যাহ রাধা ঠান(২) ॥
রাই মানাইয়া(৩) আনিবে যতনে
তবে সে জীয়ই(৪) কান ।
ভুরিত গমন করহ এখন
ইহাতে না হয় আন(৫) ॥
বড় অভিমানী রাই বিনোদিনী
বসিয়া মাধবীয়ারা ।
সঙ্কতে মুরলী ডাকিল সুস্বরে
অনেক মানের কাজ ॥
তাহে যে গোপিনী গেছিল সেখানে
না ভাঙে রাধার মান ।
সেই গোপরামা পরাভব মানি
আয়ল আমার ঠান ॥
চণ্ডীদাস কহে শুন রসমই
রাধার বড়ই মান ।
আন আনিবারে কেহ সে নারিব
পয়গ(৬) করহ কান ॥

(কামোদ)

এ কথা শুনিয়া শ্রাম-মুখ চেয়া
দুতী কহে এক বাণী ।
রাই মানাইয়া এখন আনিব
শুন হে নাগর-মণি ॥

১। গোরী (পাঠাস্তর) । ২। স্থান । ৩।
সাধ্যসাধনা দ্বারা সম্বলিত করিয়া । ৪। জীবিত
থাকিবে । ৫। অন্তথা । ৬। প্রয়োগ কর ।

কহিছে নাগর চতুর-শেখর
এখনি চলিয়া যাও ।

* * * * *

চলি একমন দূতীর গমন
যেখানে আছে রাই ।

সেইখানে গিয়া দিল দরশন
কহিতে লাগিল তাই ॥

দূর হতে দেখি দূতীর গমন
কহিল শ্রীমুখে বন্ধ ।

হেন কালে দূতী দাঁড়াই সম্মুখে
কহেন রসের রঙ্গ ॥

দুতি বলে ভাল তোমার চরিত
বুঝিতে নারিল এ ।

সে হেন নাগরে পরিহর ধনি
যাহারে সঁপিলে দে(১) ॥

যার লাগি তুমি পথের মাঝারে
সঘনে সঘনে চাও ।

সে হেন বঁধুরে তেজি বহু দূরে
কত মেনে(২) সুখ পাও ॥

যাহার কারণে বেণীর বন্ধনে
দিনে কতবার কর ।

কালিয়ার সাধে কাল জাদখানি(৩)
ভাবে বেণীপর ধর ॥

চণ্ডীদাস কহে শুন সুধামুখি
কুঞ্জতে আকুল কান ।

ভুরিত গমন বিলম্ব না কর
তেজহ দারুণ মান ॥

(বিহাগড়া)

সে হেন রসিক কেনে রবি তথা
মলিন শ্রীমুগটাদ ।

যেন সেই বিধু তাহে নাহি মধু
কেবল বিষের ফাঁদ ॥

বিষের কাছেতে অমিয়া ঢলকে
কেবল গরল সারা ।

যে দেখি আমি তোমার চরিত
বিষম বিপাক ধারা ॥

১। দেহ ।

২। না জানি (অর্থে)

৩। রমণীগণের খোপার উপর পরিহিত কাল
জাল বিশেষ ।

হেন লস্ক মন শুনহ বচন
 এই সে বাসিএ ভাল ।
 সে হেন নাগরে তোমার হাবাশে (১)
 বিরহে হয়্যাছে চল ॥
 শীতল পঙ্কজ দল বিছাইয়া
 শয়ন করিতে চায় ।
 বিরহ-হতাশে সেই দল জল
 খেণে শুকাইছে গায় ॥
 সে চুয়া চন্দন মৃগমদ আদি
 লেপন করিতে অঙ্গে ।
 তাহা খেণে খেণে গরল সমান
 শুকাইল দেখ রঙ্গে ॥
 কমল নয়ন মলিন বয়ান
 সঘনে তৌহারি ধ্যান ।
 রাধা রাধা বই আন নাহি কই
 কিছুই নাহিক জ্ঞান ॥
 তেজল অঙ্গের নানা আভরণ
 ও নব মুকুট চূড়া ।
 অতি প্রিয় বাঁশী তাহা পরে কতি
 আর সে পাতের ধড়া ॥
 শুনহ সুন্দরি করহ গমন
 বিলম্ব না কর রাধা ।
 চণ্ডীদাস বলে তুমি নাহি গেলে
 সকলি হইল বাধা ॥

(মালব)

কি আর দেখহ রাই ।
 কাহু তুয়া গুণ গাই ॥
 পরিয়া নিকুঞ্জঠাম ।
 কেবল তোমার নাম ॥
 তুয়া পথ কত বেড়ি ।
 হেম রতন হার তোরি(২) ॥
 ডারল(৩) অভরণভার ।
 তাম্বুল দূরে করি ডার ।
 হেম-নুপুর করি দূর ।
 না কহি বরণ পুর(৪) ॥

১ । হতাশে (পাঠান্তর) ।

২ । দূর করিয়া ।

৩ । ত্যাগ করিল ।

৪ । পূর্ণ বর্ণ উচ্চারণ করিতেছে না অর্থাৎ
ভাল ভাবে কথা কহিতেছে না ।

যে হেন নাগররাজে ।
 অতি মান কভু সাজে ॥
 চণ্ডীদাস কহে ভালি ।
 তোমারে খেয়ান বনমালী ॥

(কামোদ)

কি আর বিলম্বে কাজ ।
 তুরিতে গমন করহ যতন
 ভেটহ নাগররাজ ॥
 কিসের কারণে মানিনী হয়্যাছ
 শুনহ কিশোরি গোরি ।
 সে শ্রাম নাগর তারে পরিহরি
 এ তোর মহিমা বোড়ী(১) ॥
 দেখিল যেমন শুনহ কারণ
 নিদান দেখিল শ্রামে ।
 তোমার বেণীর পদ্ম পড়িছিল
 তাহাই ধরিয়া বামে ॥
 সেই পদ্ম ধরি নিজ করে করি
 তাহা ত লইয়া কান্দে ।
 এমনি দেখিল দেখাইব চল
 বড়ই নিদান ছান্দে ॥
 তোমার খেয়ানে যেন যোগী জনে
 যেন মত(২) দেখিয়াছি ।
 তাহার কারণে আমি যে আসিয়ে
 তোমা নিতে আসিয়াছি ॥
 বাম করে ধরি করে অঙ্গুলি
 জপই তোমার নাম ।
 মান তেয়াগিয়া তুরিতে যাইয়া
 ভেটহ নাগর শ্রাম ॥
 চণ্ডীদাস বলে শুন শুন রাধে
 বিলম্ব কেন বা কর ।
 শ্রাম সস্তাষণে কাহুর মালাটি
 যতন করিয়া পর ॥

(কানাডা)

এই দেখ ধনি চাঁদমুখ তুলি
 কাহুর সন্দেহ(৩) লহ ।
 তোমার লাগিয়া রজনী লাগিয়া
 নিদান হইল সেহ ॥

১ । বড় বেশী । ২ । যে প্রকার । ৩ । সংবাদ ।

এই লহ রাধা শ্রামের কুসুম
 অতুল তাম্বুল হার ।
 গলায় পরিলে মান দূরে যাবে
 মুখ তোল একবার ॥
 যে হেরি তিলেক দেখিতে না পায়্যা
 হৃদয় ফাটিয়া মর ।
 সে জন কুঞ্জতে একাকী বসিয়া
 এখন এমত কর ॥
 তুমি স্নানাগরী প্রেমের আগরী(১)
 সে রস ছাড়িয়ে কেনে ।
 এত অভিমান কিসের কারণ
 তিলেক না কর মনে ॥
 মুখ তুলি চাহ নিদারুণ নহ
 শুন বিনোদিনী রাধা ।
 সে হেন নাগরে পরিহর কেনে
 সে রসে করহ বাধা ॥
 অতি নিদারুণ দেখি নিকরুণ
 না দেখি না শুনি কভু ।
 সে হেন নাগর গুণের সাগর
 তোমার বিরহে প্রভু ॥
 পুরুষ-ভূষণ কমল নয়ন
 তুরিতে ভেটহ কানে ।
 রাধারে বিনয় বচন কহিল
 দ্বিজ চণ্ডীদাস ভণে ॥

(কানাড়া)

রাই তুরিতে শ্রামেরে দেখ গিয়া ।
 যেন মরকত মণি ধূলায় লোটায়া ॥
 কোথা না পড়িল চূড়া মালতী মালা ।
 কোথা না পড়িল সেই বরিহার(২) জ্বালা ॥
 কোথা না পড়িল পীত ধড়ার অঞ্চল ।
 কোথা না পড়িল নব মুঞ্জরির দল ॥
 নিকুঞ্জে পড়িয়া অঙ্গ ধূলায় ধুলর ।
 রাধা রাধা বলি কান্দে করি উচ্চস্বর ॥
 মধুর মুরলী যার অতি প্রিয় সুধা ।
 সে কোথা পড়ল তার নাহিক সংবাদ(৩) ॥
 অচেতন মুদিত নয়ন কলেবর ।
 রাধা বিহু বিকল হইলা বংশীধর ॥

১ । আধার ।

২ । নুপুর বলয়া (পাঠাস্তর)

৩ । সঙ্ঘোষা (পাঠাস্তর) ।

তোমার কারণে ধনি তেজি সুখোন্মাস ।
 খেণে খেণে উঠে যেন বিরহ-হতাশ ॥
 মুখ তুলি কহ কথা শুন প্রেমমই ।
 চণ্ডীদাস ব্যথিত শুনিয়া ইহা হই ॥

(শ্রীরাগ)

দূতীর বচন শুনি সুধামুখী
 বয়ানে নাহিক বাণী ।
 হেঁট মাথে রহে ও চাঁদ বয়ান
 তাহাতে অধিক মানী ॥
 একে ছিল মান তাহাতে বাঢ়ল
 শতশুণ করি উঠে ।
 বিরহ-আগুন নহে নিবারণ
 সে যেন সঘনে ছুটে ॥
 বিরহ আগুন নহে নিবারণ
 নাহিক বচন ভাষা ।
 মনে অভিমানী রাই বিনোদিনী
 সঘনে নিশ্বাস নাশা ॥
 বিরস বদন আন ছলা করি
 উত্তর না দেই কিছু ।
 মাধবী তলাতে বসি ধন্য রাধে
 নখেতে ধরণী নিছু(১) ॥
 বঙ্কিম কটাক্ষে চাহে দূতী পানে
 খেণেকে মুদিত আঁখি ।
 তা দেখি ব্যথিত মনে গুণি আর
 চণ্ডীদাস তাহে সাখী(২) ॥

(মালব)

তবে কহে রাই দূতীর গোচরে
 কেন বা আইলে ইথে ।
 কিসের কারণে তোমার গমন
 কহ কহ শুন তাথে ॥
 কহে সেই সখী শুন চন্দ্রমুখি
 তোমারে আইল নিতে ।
 নিকুঞ্জে একলা বসিয়া নাগর
 চাহিয়া তোমার পথে ॥
 কেন বা তা সনে মান অভিমান
 যারে না দেখিলে মর ।
 সে হেন পিরীতি তেজিয়া আরতি
 তাহারে গুমান(৩) কর ॥

১ । লিখিতেছেন এই অর্থে । ২ । সাক্ষী ।

৩ । গুমন ।

সে নব নাগর তেজিয়া বৈভব
তোমার ধ্যান রাধা ।
তুয়া গুণগান জপিতে জপিতে
সে শ্রাম হইল আধা ॥
তুমি বিদগধ তুমি বৈদগধি
গুণের নাহিক সীমা ।
চতুর নাগরী গুণের আগরী
মান-পথে দেহ ক্ষেমা ॥
জগজনে কম রাধা ধীরময়
সকল গোচর আছে ।
সে বুঝে যে বুঝে কহি তার মাঝে
কহি এ তৌহার কাছে ॥
তুমি প্রেম সমা তুমি কুলরামা
তুমি সে রসের নদী ।
যার সব গুণ নিগূঢ় মরম
পঞ্চতত্ত্ব যার সিদ্ধি ॥
আট গুণ গুণ তার পছ গুণ
এ নব যাহার গতি ।
চণ্ডীদাস কহে রস-তত্ত্ব লাগি
কুঞ্জতে যাহার স্থিতি ॥

(বিহাগড়া)

শুনহ সুন্দরী রাধা ।
যে জন পরশে লাখ সুধানিধি
সেজনে কেন বা বাধা ॥
তোমার লাগিয়া ষেমন যোগিনী
ভজায় পরম পদ ।
তেমত যে শ্রাম তোমাতে ধ্যান
তারে কেন কর রদ(১) ॥
রস রস পর আর রস পর
পাঁচ রস আট মিট(২) ।
বেদ গুণ-গুণ গুণ রস পর
সায়র আসিয়া বিঠ ॥
সে জন রসের সমুদ্র থাকিতে
পিয়াসে মরয়ে কেনে ।
তুমি চাঁদ হয় চকোর পাখীরে
রসটি না দেহ পানে(৩) ॥

১। বধ (পাঠাস্তর) ।

২। মধুর ।

৩। পান করিতে ।

তুমি সে প্রেমের গাগরী থাকিতে
আন জন মরে শোষে(১) ।
এ কোন চরিত আচার বিচার
সেহ সে আছয়ে আশে ॥
চল চল রাধা বৃন্দাবনেশ্বরী
নিকুঞ্জ-মন্দিরে চল ।
চণ্ডীদাসে বলে তুরিতে ভেটহ
সে শ্রাম ভাবেতে চল ॥

(শ্রীরাগ)

তুমি বড় নিদম নিদান ।
উহারি কেবল ধ্যান ॥
সে জন ছাড়িয়া এখনে ।
একলা বসিয়া কুঞ্জবনে ॥
শুনহ সুন্দরি ধনি রাই ।
খেণে খেণে বিরহে লোটাই ॥
এত কিবা সহই পরাণ ।
ঝাট(২) করি দেখ গিয়া কান ॥
ভাহারে করহ ধনি রোষ ।
সকল সে জন দোষ ॥
তুমি সে নাগরী রামা ।
চিত্তে দেহ ধনি ক্ষেমা ॥
চলহ নিকুঞ্জমাঝে ।
তেজহি আনহি কাজ ॥
চণ্ডীদাসে ভাল জান ।
কহে দূতী কত অহুমান ॥

(সুহই)

কালার জালাটি বড় উপজল
বেশ কথা কিছু কয়া ।
তাহে কেন রাধা সেই সুখ বাধা
চলহ বিমুখ চায়া ॥
পরশ রতনে তেজহ সঘনে
রস-কথা কিছু কয় ।
হৈর(৩) দেখা দিয়া লহ না আসিয়া
এতন তামূল লয় ॥

১। আপ্‌শোষে—তুঃখে ।

২। সত্ত্বর ।

৩। হের—অর্থাৎ কেবল মাত্র দেহের
দেখা দিয়া (পাঠাস্তর)

মুখরস মধু(১) কত শত বিধু
 উলটা কহত বোল ।
 উত্তর না দেহ পরমাদ এহ
 শ্রামে কর গিয়া কোল ॥
 মুখ তুলি বল মানে আছে ঢল
 এ কোন্ বিচারি পণা ।
 একে নাম ধরি তরুণ ছায়াতে
 আছে হরি মন মনা(২) ?
 আমি আছানিতে কিবা তোর রীতে
 কহ কহ চন্দ্রমুখি ।
 কিবা কহ শুনি শুন বিনোদিনি
 কহত বচন লখি ॥
 এত পরমাদ মান পরিহর
 সুন্দরী শ্রামের প্রিয়া ।
 চণ্ডীদাস দেখি বেধিত হইয়া
 বিরস পাওল(৩) হিয়া ॥

(শ্রীরাগ)

কহে ধনি রাধা কেন তুমি হেথা
 কি হেতু ইহার বল ।
 কেন বা আইলে কিসের কারণে
 কে তোমা পাঠায়ে দিল ॥
 তবে কহে দূতী শুনহ আরতি
 মোরে পাঠাইল শ্রাম ।
 সে হেন নাগর আমি সে আইল
 ভাবিতে দারুণ মান ॥
 সে হেন নাগরে পরিহর ধনি
 আছহ মাধবী-তলে ।
 শ্রামের বিধাতা শুনি তার কথা
 কহিতে পরাণ বুঝে ॥
 কহে ধনি রাধা শুন মোর কথা
 জানিল তাহার চিত ।
 তা সনে কিসের মান অভিমান
 জানিল তাহার রীত ॥
 পরের বেদনা পর কি জানয়ে
 পর কি আনের বশ ।
 পরের পিরীতি আন্ধারে বসতি
 কিবা সে জানয়ে রস ॥

- ১। মুখামৃত ।
 ২। অন্তরে হরিময় ভাব ।
 ৩। পাইল ।

রসিক হইলে রস কি ছাড়য়ে
 সুদৃঢ়(১) চতুর জন ।
 যত বড় তেঁহো রসের রসিক
 সে সব গেলই জানা ॥
 কহে চণ্ডীদাস শুন হে সুন্দরি
 তুরিতে গমন কর ।
 শ্রামের সন্দেহ(২) হৃদয়ের মাল
 যতন করিয়া পর ॥

(কামোদ)

দূতি, না কহ শ্রামের কথা ।
 ফালা নাম দুটি আখর শুনিতে
 হৃদয়ে বাড়য়ে ব্যথা ॥
 আমি না যাইব সে শ্রাম দেখিতে
 পরশ কিসের লাগি ।
 শ্রবণে শুনিতে শ্রাম পরসঙ্গ(৩)
 অন্তরে উঠয়ে আগি() ॥
 কিসের কারণে তা সনে মিলন
 চলিয়া তুরিতে যাও ।
 তাহার মরম জাগিল এখন
 রহিল মাধবী-ছাও ॥
 তাহার কারণে সব তেয়াগিছু
 কুলে জলাঞ্জলি দিয়া ।
 তঁহু না পাইল সে নব নাগর
 কেমন রসের পিয়া ॥
 কুল শীল ছিল সকলি মঞ্জিল
 নিদানে কলঙ্ক সারা ।
 সুখের লাগিয়া পিরীতি করল
 তাহার এমতি ধারা ॥
 সুখের আরতি করিল পিরীতি
 সুখ গেল অতি দূরে ।
 সুখের সাগরে করহ পমাণ
 মনোরথ পরিপূরে ॥
 পাড়ার পড়সী কবে লোক হাসি
 শুনিয়ে এ সব কথা ।
 অন্তর-বেদন বুঝে কোন্ জন
 কে জন বুঝিব হেথা ॥

- ১। মুখর (পাঠান্তর)
 ২। সংবাদ ।
 ৩। প্রসঙ্গ ।
 ৪। অগ্নি ।

কাহ্নুর পিরীতি দিল সমাধান
না বহু আমার কাছে ।
কেবল বিষের রাশির সমান
হেন কে বা আর আছে ॥
তুমি যাহ সখি কাহ্নুর সমাজে
আমি সে নাহিক যাব ।
চণ্ডীদাস বলে বড় অভিমান
আমি শ্রামে যেয়ে কব ॥

(কানাড়া)

বেরি বেরি দূতি বচন সরস
কত সে আর শুনব ।
যথা না শুনব শ্রাম নাম-সুধা
সেখানে চলিয়া যাব ॥
তবে ত দারুণ ব্যথা উপজল
তবে সে ভালই হব ।
বেরি বেরি দূতি বচন সরস
এ কথা না শুনিতব ॥
শ্রবণে না শুনি কহে আন বাণী
কথা যে মনে না বাসি ।

শুন গো সজনি যে জন গরল
থায়(১) সে বিষের লাগি ।
জানিয়া শুনিয়া বিষ হাতে লয়া
থাইল করম ভাগি ॥
যে খায়ে গরল বিষে ঢল ঢল
তখনি মরিয়া যায় ।
আমি সে ভুখিল কাল কালবিষ
ঝাড়িলে রহে সে গায় ॥
কারে কি বলিব বলিতে না পারি
গুপতে গুমরি গেহা(২) ।
কালিয়া বরণ দেখিতে সূজন
করিতে রসের লেহা ॥
ভাবিতে শুনিত্তে মরি এ বুরিয়ে
শুন গো সজনি সখি ।
হেন মনে লয় পর্যণ সংশয়
নিদানে মরণ দেখি ॥

১। যায় (পাঠান্তর) ।

২। গেলাম—(নীলরতন বার) ।

যেন সে জলের বিম্বক(১) উপজে
তেমতি কাহ্নুর প্রীত ।
এবে সে জানল সে জন জালস(২)
চণ্ডীদাস কহে হিত ॥

(কানাড়া)

কাল হৈল ঘর আন কৈল পর
কাল সে করিল সারা ।
কালার ধ্যান আন নাহি মন
কালিয়া আঁখির তারা ॥
পর্যণ অধিক হিয়ার মানস
কালিয়া স্বপনে দেখি ।
গমনে কালিয়া জপেতে কালিয়া
নয়নে কালিয়া দেখি ॥
গগনে চাহিতে সেখানে কালিয়া
ভোজনে কালিয়া কাহ্নু ।
ক্রময় মুদিলে সেখানে কালিয়া
কালিয়া হইল তমু ॥
শুন হে সজনি কহিতে আগুনি
উঠয়ে কালার জালা ।
সে জন বিম্বক বিরাগ বচনে
পর্যণ হইল সারা ॥
তা সনে কিসের আরতি পিরীতি
সুচারু রসের লেহা ।
যাহার কারণে সব তেরাগিনু
পরিহরি নিজ গেহা ॥
কুজন সূজন তায় কিবা হয়
গরল অমিয়া নয় ।
কুটিল না হয় সরল না হয়
কাজেতে বুঝিলে হয় ॥
কহে চণ্ডীদাসে এই অভিনাষে
আশ পাশ তুয়া কাছে ।
তুমি সে তাহার সে জন তোমার
কোথা বা খুঁজিলে আছে ॥

(মালব)

দূতী কহে শুন আমার বচন
করিয়ে আদরপণা ।
সে হেন নাগর গুণের সাগর
অতি সে সূজন জনা ॥

১। বিম্ব—কণস্থায়ী অর্থ। ২। লম্পট

তোমার লাগিয়া রজনী জাগিয়া
সে হরি কাতর হয় ।
দিয়া দরশন কর পরশন
আমার মনেতে লয় ॥
এখনে ছাড়িয়া যাহত চলিয়া
দুঃখণ উঠয়ে দুখ ।
তাহার সনেতে কিবা পরিচয়
এ মেহা রসের সুখ ॥
জানিল তাহার যত বড় তেঁহো
কালিয়া বিষের রাশি ।
কুলের ধরম সরম ভরম
সকল হইল হাসি ॥
সে দেশে যাইব যথা না শুনিব
কালিয়াবরণ নাম ।
সেই দেশে যাব শুনহ সজনি
রহব সেই সে ঠাম ॥
অনেক যতন করিল সঘন
রাধার না ঘুচে মান ।
কাষ্ঠের পুতুলি রহে দাণ্ডাইয়া
মনেতে ভাবয়ে আন ॥
মান না ভাঙ্কিতে, পারল সজনি
চলিল শ্রামের পাশে ।
দূতী গেল যথা নাগরশেখর
কহেন এ চণ্ডীদাসে ॥

(সোয়ারি)

মাধবীতলাতে রহে এক ভিতে
সে হেন সুন্দরী রাই ।
মানে মনরিত(১) এ তার চরিত
অনেক বুঝাল তাই ॥
তোমার কুসুম হার মনোহর
দূরেতে ডারিয়া দিল ।
এ তিন তামূল কিছু না ছোঁয়ল
ক্রোধেতে কুপিত ভেল ॥
অনেক প্রবন্ধ প্রকার করিয়া
বুঝাইল রাই-পাশ ।
হেঁট মাথে রহে বচন না কহে
মুখেতে নাহিক ভাষ ॥

যে দেখি দারুণ মান উপজল
এ মান ভাঙ্কিতে গাঢ় ।
আপনে ষাইতে মান ভাঙ্কাইতে
বুঝল এ সব ধারা ॥
আপনি গমন করহ এখন
তবে সে আসিবে রাধা ।
নহে যা এ মান আন কোন জন
তাহারে করিব বাধা(১) ॥
দূতীর বচন শুনি সুনাগর
বড়ই হইল দুখী ।
এ কথা উচিত জানিল বেকত
চণ্ডীদাস আছে সাথী ॥

(মালব)

মাধবীতলাতে, দূতী পাঠাইয়া
বসিয়া চিবুকে হাত ।
আকুল সঘনে নিশ্বাস হতাশ
কাঁহা না বোলই বাত ॥
এক নব রামা আছে রাধা কাছে
তা সনে না কহে বোল ।
মাধবী-ডালেতে এক পিক বসি
কহত পঞ্চম বোল ॥
চাইয়া দেখিল মাধবী উপরে
রসময়ী ধনী রাই ।
কালার বরণ দেখি সুনাগরী
হেরিয়া দেখিল তাই ॥
করতালি দিয়া দিল উড়াইয়া
পিকেরে কহিছে কিছু ।
কি কারণে বসি ডাকহ সুন্দরে
তেঁই সে দিলাউ নিছু ॥
যাহ শ্রাম-পাশ নিকুঞ্জ-বিলাস
এখানে কিসের বাণী ।
এই অমুরাগ রাগে আর্ক্তিক (২)
কহেন কিশোরী ধনী ॥
উড়ি যাহ ঝাট ছাড়িয়া নিকট
এড়ান ছাড়িয়া জা ।
চণ্ডীদাসে কহে পিক চলি গেল
কহিতে বলিতে রা ॥

১ । নারিবে করিতে বাধা (পাঠাস্তর) ।

২ । অমুরাগে পীড়াযুক্তা ।

১ । মানে মান মরা ।

(জয়শ্রী)

ময়ূর ময়ূরী নাচে ফিরি ফিরি
আসিয়া মাধবীতলে ।
দেখিয়া কুপিত হইল বেকত
তারে ধনী কিছু বলে ॥
হেথা কেন তোরা নাচ হয় তোরা
দিতে সে শোচনা সারা ।
ঝাট করি যাও যেখানে রসিক
নাগর শেখর তারা ॥
নিকুঞ্জ-ভবনে যাহ সেইখানে
এখানে নাচহ কেনে ।
হেথা কিবা সুখ সুখের বিচার
ভাবিয়া দেখহ মনে ॥
তুমি না ধরিতে শ্রামল বরণ
তবে সে হইত ভাল ।
কালিয়া বরণ দেখি মোর মন
অনল উঠিয়া গেল ॥
কাল আছে যথা তোরা যাহ তথা
এখানে কিসের কাজ ।
কালিয়াবরণে বরণ মিশাহ
যেখানে রসিকরাজ ॥
কোপে সুধামুখী করতালি দিয়া
ময়ূর উড়ায়ে দিল ।
চণ্ডীদাস বলে অপর মানেন্তে
সে ধনী হইল চল ॥

(কাফি)

মাধবীলতায় ফুলের সৌরভে
যতক লমরা তারা ।
মকরন্দ পানে মুগধ হইয়া
মালতী সে রসে তোরা ॥
তা দেখি কিশোরী বিধুমুখী গৌরী
কহিতে লাগিল তায় ।
তুমি সে কালার বরণ ধরিয়া
কেন বা ধরিলে কায় ॥
এখানেহ তুমি ফুলে ভ্রমি ভ্রমি
ভ্রমহ কিসের লাগি ।
মোরে দিতে চাহ বিরহ-বেদনা
উঠাইতে দারুণ আগি ॥

তোমার চরিত্রে আছে বেয়াপিত(১)
সে শ্রাম অঙ্গের মালে ।
মধু খেয়া খেয়া রসেতে পুরিয়া
আইলে মাধবী-ডালে ॥
একে মরি ছালা আছিএ একলা
তাহে দেখা দিলে ভালে ।
অতি সে বিষাদ বাড়য়ে দ্বিগুণ
চণ্ডীদাস কিছু বলে ॥

(তুডি)

শুন হে লমর কেন বা বাঙ্কার
তোমার কালিয়া তনু ।
তোমারে দেখিএ বাঢ়ল বিষাদ
বিয়োগ উঠল দুহু(২) ॥
ঝাট চলি যাও কেন দুখ দাও
চমকে আমার হিয়া ।
বাহ বৃন্দাবনে নিকুঞ্জ-ভবনে
যথায় রসের পিয়া ॥
সেইখানে গিয়া ফুল-মধু খেয়া
থাকহ যেখানে কাহু ।
হেথা কেনে তুমি মধুর লালসে
তোমার কালিয়া তনু ॥
কালিয়াবরণ দেখি মোর মন
দ্বিগুণ জলিয়া যায় ।
মনের বেদনা বুঝে কোন জনা
এ কথা কহিব কায় ॥
এ কথা শ্রবণে শুনি মধুকর
তখনি চলিয়া গেল ।
কোথাও না দেখি মেলি দুটি আঁখি
তবে সে ধৈর্য ভেল ॥
নীল কাল জাদ(৩) ফেলিল ছিনিয়া(৪)
কিছু না রাখল ভালে ।
অঙ্গের কাঁচলি ফেলি দূর করি
নীলের উড়নী দূরে ॥
কাল আভরণ ফেলিয়া তখন
পরল ধবল বাস ।
হিয়ার কাঁচলি পরল ধবল
কহেন এ চণ্ডীদাস ॥

১। ব্যাপ্ত । ২। দ্বিগুণ ।

৩। জাল । ৪। ছিঁড়িয়া ।

(তুড়ি)

নয়ন-কাজল মুছিয়া ডারল
কাল আভরণ যত ।
সখী এক সঙ্গে কহে কিছু রঞ্জে
কহিছে রাধার মত ॥
শুন স্নানমুখি আমার বচন
তেজহ দারুণ মান ।
যে দেখি তোমার অভিমান অতি
পাছেতে তেজহ মান ॥
ধৈর্য ধরহ শুনহ সুন্দরি
এতেক কেন বা মান ।
সরম ভরম দূরে তেয়াগিয়া
কোপিত কহত আন ॥
যদি আছ তুমি বিরস-বদনে
শুনহ সুন্দরী রাই ।
কেন বা অঙ্গের ভূষণ সকল
তেজিয়া ফেলিলে ভাই ॥
তুমি স্নানগরী রসের আগরী
তেজহ দারুণ মান ।
সখীর বচনে কমল-নয়নী
ঈষৎ কটাক্ষে চান ॥
শুন গো সজনি কালিয়াবরণ
দেখিএ উঠএ তাপ ।
চণ্ডীদাস কহে হেন মনে হয়
মানসে দারুণ পাপ

(শ্রীরাগ)

কহে যদুগণি শুনহ সজনি
রাধা আনিবারে গেলে ।
কি শনি বচন কহ কহ দেখি
সঘনে সঘনে বলে ॥
সখী কহে তায় শুন শ্যামরায়
রাধার বড়ই রোষ ।
তুমি গেলে যদি তার মান ঘুচে
আমার কি আছে দোষ ॥
সখীর বচনে কমল-নয়ন
আপনি সাজত যান ।
বেশ সে সুবেশ অতি মনোহর
ভাঙ্গিতে রাধার মান ॥

বাধল কুন্তল লোটন(১) সুন্দর
বেড়িয়া মালতীদাম ।
তাহার পাশেতে মুকুতার মালা
শোভে অতি অমুপাম ॥
নানা আভরণ কঙ্কণ ভূষণ
নিবিড় কিঙ্কণীজাল ।
নীল বসনের ওড়নী সুন্দর
করে বীণায়ন্ত্র ভাল ॥
এক সখী সঙ্গে চলে বেশ ধরি
কেবল একই রামা ।
চলত নাগর বেশ মনোহর
সে সেই মাধুরীধামা(২) ॥
নারী বেশ ধরি চতুর মুরারি
মাধবীতলাতে যায় ।
কিবা অদভূত দেখিয়া বেকত
দ্বিজ চণ্ডীদাস গায় ॥

(তুড়ি)

মন্দ মন্দ গতি চলন চাতুরী
কুঞ্জর-গমনে তলি ।
যেমন কুঞ্জর চলন সুন্দর
এ দুই চলন ভালি ॥
মদনমোহন নব-ঘন-শ্যাম
কিবা এ আপন বেশ ।
কান্ধে লই বীণা নব-ঘন-শ্যাম
পরিমলে ভুলে দেশ ॥
চলিতে চরণে বাজএ সূতানে
বাজল নুপুর পায় ।
ফুলের সৌরভে অলিকুল যত
যুখে যুখে সব ধায় ॥
দূর হতে রাই দেখি নব রামা
বিস্মিত হইলা চিতে ।
কোন্ নব রামা কাঁধে যন্ত্র করি
আমারে আইল নিতে ॥
এই অমুমান করে দুই জন
রাধা বলে হের দেখ ।
রাধার বচনে দেখে মুখ তুলি
চন্দ্রবদনী মুখ ॥

১। খোপা ।

২। মাধুর্যের আকর ।

হেনই সময় আসিয়ে মিলল
সেই সে মাধবীতলে ।
নব পরিচয় চণ্ডীদাস তথা
হাসিয়া হাসিয়া বলে ॥

(সুহই)

দেখি নব রামা তুমি কোন্ জনা
কহ কহ দেখি মোরে ।
কেনে বা এখানে তোমার গমন
কহ কহ বলে তারে ॥
সখী কহে তাথে শুনহ সুন্দরি
গেছিল কানন-কুঞ্জে ।
যথা রসময় ব্রজরামাগণ
আছয়ে কতেক পুঞ্জে(১) ॥
মোরে বোলাইয়া গেছিল লইয়া
আমি সে বটিয়ে যতি ।
কিছু ভাল মান করিয়াছি গান
যে ছিল আপন শক্তি ॥
গৌরী নট আর কেদার সুন্দর
পূরবী সিকুড়া আড়া কো(২) ।
শ্রাম-নট আর মাধবী-মঙ্গল
হিল্লোল মঙ্গলা দো(৩) ॥
পাহিড়া দীপক আর বেলাবলি
সুরট মল্লার রাগ ।
গাইতে শ্রবণে প্রকার করুণে
তাহার মরমে লাগ ॥
এ রাগ শুনিতে বিনোদ নাগর
মোহিত হইলা গীতে ।
পুনঃ পুনঃ কহ ইহার উপর
আর কিছু শুনি চিতে ॥
তবে কৈল গান যে ছিল সুতান
তাহাই করিলা গান ।
রাধাকৃষ্ণ নাম অতি অমুপাম
বীণাতে উঠিল তান ॥
এ তান শুনিয়া নাগর রসিয়া
হরষ হইল বড়ি ।
এই সে গানের মধুর শুনিয়া
আমারে না দিল ছাড়ি ॥

১। দলবদ্ধ ভাবে । ২। আঢ়া কোঁ (পাঠান্তর)
৩। দৌ (পাঠান্তর)

রহ রহ ধনি আর গান শুনি
কহত প্রথম নাম ।
শুনিতে মধুর ও দুটি আখর
রাধা নাম অমুপাম ॥
কাহুর পিরীতি যে দেখিল রীতি
এ কথা কহিব কত ।
রাধা নামে কত অমিয়া আওল
রস উপজিল যত ॥
গাও গাও ধনি কহে গুণমণি
রাধা নাম কর গান ।
ঐ রস বই আন না শুনিব
এ বড় মধুর তান ॥
আলাপে রাগিণী রাগের উরণি
রাধা বলি যেন বাজ ।
তোমার ও গানে মোর মনে হানে
যেমতি হৃদয়ে বাজ ॥
চণ্ডীদাসে বলে এই গীতে মোহ
রসে ভেল অতি ভোর ।
মুগধ মাধব বহু বিদগধ
সুখের নাহিক ওর ॥

(সুহই)

শুন ধনি রাই তাঁন কিছু গাই
রাগেতে রাগিণী মেলা ।
গাইতে গাইতে মুগধ হইলা
নন্দের নন্দন কালা ॥
পুন কহে শ্রাম অতি অমুপাম
শুনিতে মধুর ধনি ।
রাধা রাধা বলি ডাকিছে বীণাটি
মুগধ হইলা শুনি ॥
এই রস তান অনেক সন্ধান
শুনিল রসিক শ্রাম ।
অতি বড় সুখী সুখেতে মোহিত
গাহিতে রাধার নাম ॥
ভাবে গদগদ অতি সে আমোদ
সে হেন রসিক কান ।
রাধা নাম বিনে আন নাহি জানে
শ্রবণে শুনল গান ॥
নয়ন-কমল যেন ঢল-ঢল
লোরেতে কমল আঁখি ।
যেমন ঘনের বরিখে শ্রাবণে
তেমতি ধরণ দেখি ॥

রাধা রাধা রাধা আন সব বাধা
 কেবল রাধার ধ্যান ।
 রাধা নাম গানে কমল-নয়নে
 কিছুই নাহিক আন ॥
 এই সব রস শুনিয়া অবশ
 রসিক নাগর কান ।
 যখন বাজাহু রাই নাম-সুধা
 কান্দিয়া আকুল শ্রাম ॥
 হইয়া মুগ্ধ অতি সে আমোদ
 দিল মুকুতার দাম ॥
 দেখ দেখ ধনি আমার উরসে
 এই মুকুতার মালা ।
 সে নব নাগর গুণের সাগর
 রাধা নামে বড় ভোলা ॥
 এই সব রসে তার মন তোষে
 বীণাতে করিল গান ।
 বিকল কিসে বা না জানি কেন বা
 কিসের কারণে ধ্যান ॥
 কুঞ্জে একাকিনী করেতে বাঁশীটি
 ধরিয়া নাগর রাম ।
 তোমারে কিছুই তান শুনাইতে
 আইল মাধবীছায় ॥
 চণ্ডীদাস দেখি অতি অপক্লপ
 অপার দৌহার লীলা ।
 কে ইহা জানিবে নিগূঢ় মরম
 দৌহে দুই রস মেলা ॥

(কেদারা)

শুন শুন রাধা কহে সেই ধনি(১)
 শুনহ রসের গান ।
 তোমারে এ গান শ্রবণ করাতে
 আইল মাধবী-স্থান ॥
 মুখ তুলি চাহ রসের প্রেয়সী
 গাই এ একটি রাগ ।
 শ্রবণ পরশি এ গান শুনিতে
 কতি যাব অহুরাগ ॥
 এ কথা শুনিয়া কহে সুধামুখী
 শুনহ সুন্দরী রাধা ।
 কর কিছু গান শুনি কিছু তান
 নবীন নাগরী শ্রামা ॥

১। গুণী (পাঠান্তর) ।

বীণাতে কেদার রাগ আলাপন
 গাওই মুগ্ধ রসে ।
 রাধা কৃষ্ণ নাম উঠে অমুপাম
 শুনিতে শ্রবণ পাশে ॥
 এ চারি আখর বাজন মধুর
 বীণাতে কহত রাই ।
 কেন বা মানিনী হয়ছ সে শ্রামে
 মধুর মধুর গাই ॥
 সে হেন নাগরে পরিহরি রাধে
 কি সুখে আছয়ে বসি ।
 মলিন হইল সে মুখমণ্ডল
 বলকে সে মুখশশী ॥
 খানে মন দুহু দেখি কীণ তহু
 ত্যজি আভরণ-ভার ।
 বচন কহিছ তাথে নাহি রস
 এত বা কিসের ভার ॥
 সে হেন নাগরে বিরস-বদনে
 আছয়ে মাধবীতলে ।
 বীণা গীত তালে বুঝায় সঘনে
 দীন চণ্ডীদাসে বলে ॥

(কেদারা)

মোরে বোলাইয়া গেছিল লইয়া
 নন্দের নন্দন কান ।
 সেখানে এ গুণ কিছু সে গাইল
 কিছুই রসের তান ॥
 সেখান হইতে আইল হেথায়
 দেখিয়া দুঃখিত কান ।
 সে হেন নাগরে ভেটহ সুন্দরী
 ত্যজিয়া বিষম মান ॥
 চণ্ডীদাস কহে অতি বড় মোহে
 সুন্দরী কিশোরী রাই ।
 ইহার কোপের বিপাক বিষম
 ভাঙ্গিতে নারিল সেই ॥

(কাফি)

গুণী না কহ কাহুর কথা ।
 শুনিতে মরমে সেইখানে হানে
 উঠত দাক্ষণ ব্যথা ॥

মনের আগুন বাঢ়ল দ্বিগুণ
নিভাইতে যদি সাধ ।
যে জানে বেদনা মরমে পশিহু
তমুখানি হইল আধ ॥
এ বড়ি বিষম বাঁশীটি বেঁধল
বুকে বাজী পিঠে পার ।
টানিলে যতনে বাহির না হয়
এ দুখে জীব কি আর ॥
দারুণ শেল যে নহে নিবারণ
আর সে বিরহ-আগি ।
এ দুই যাহার অন্তরে পেশল
কি ছার জীব(১) লাগি ॥
কাননে অনল কেন না নিভায়
আপনি নিভায় সেই ।
হৃদয়-অনল কেবা নিভাইব
বিষম আগুন এই ॥
কাহারে কহিব এ সব বিচার
মরম জানয়ে কে ।
চণ্ডীদাস কহে যে জানে মরম
সে জন বেধিত দে ॥

(শ্রীরাগ)

শুন নব রামা ওই পরসঙ্গ
যা কহ আমার কাছে ।
আন কথা কহ এ যন্ত্র বাজাহ
ও বোল কি বোল আছে ॥
যে জন কুঙ্কন সে নহে সরল
গাও গাও কিছু শুনি ।
এ কথা শুনিয়া হাসিয়া হাসিয়া
বাঁশী কঁধে নিল গুণী ॥
গাইতে লাগিল হিম্মোল নায়ক
রাগিণী ভুঞ্জায় তায় ।
মধুর মধুর তান মান রাগ
সে স্বর মধুর প্রায় ॥
প্রথম রাগেতে রাগিণী ডুবায়ে
গাওল প্রিয়ার নাম ।
দুইটি আঁখরে রাধা নাম ওটে
শুনিতে মধুর তান ॥
এই দুটি নাম বাজে অমুপাম
মুগধ হইল রাধা ।

*কটাক্ষে মিলনে অমিয়া বরিখে
কত কত বহে সুধা ॥
শুন শ্যামা সখি গাও আর দেখি
শুনিয়ে শ্রবণ ভরি ।
গাও গাও পুনঃ রসাল বচন
শুনহ শ্যামকু গৌরী(১) ॥
রাধা কান্নু বলি বাঁশীটি বাজয়ে
শুনিতে আনন্দ বড়ি ।
হার মনোহর মুকুতার মাল
দিছেন হিয়ার তোড়ি ॥
আগে আসি লহ গাইলে মধুর
তুরিতে দিয়াছি হার ।
চণ্ডীদাস কহে কিবা সে অদ্ভুত
সুখের নাহিক পার ॥”
* * * * * সুধা
শুন শ্যামা সখী * *
বচন শুনহ * * *
* * * * *
কে জানে এমন তোমার ধরণ
কপট আগুন ইপে ।
বহুবিধ মান কপট অন্তরে
ভাঙ্গল কপট চিতে ॥
আর কিবা আছে মান অভিমান
চলহ নিকুঞ্জবনে ।
করহ বেশের পরিপাটী যত
চলহ সখীর সনে ॥
শ্যাম সুনাগর চতুর-শেখর
চলিল নিকুঞ্জধামে ।
হেথা সুধামুখী বেশ পরিপাটী
কত যে মনের সনে ॥
চলল কিশোরী শ্যাম-দরশনে
বদনে মধুর হাসি ।
সঙ্গে সহচরী মধুর গমন
চাতুরী বদন শশী ॥
যেমন চিত্তের পুতলি চলিছে
ও চাঁদবদনী রাধা ।
নীললোচনী আধেক ওড়নী
বচন কহত আধা ॥

* অধ্যাপক মণীন্দ্রমোহন বসুর ও নীলরতন
বাবুর পুস্তকে ইহার পর হইতে পদটি এইরূপ আছে ।

শ্রীঅঙ্ক চলিতে গদগদ ভেল
বচন চপল আধা ।
চলিতে মধুর বাজয়ে পঞ্চম
মধুর মধুর নাদা(১) ॥
সুগন্ধ মলয় চন্দন কস্তুরী
অগুরু সৌরভ প্রায় ।
মত্ত অলিগণ কুমুম কোকিল
এ সব সবনে ধায় ॥

(শ্রী)

যে দিন হইতে তোমার সহিতে
পহিলে হয়েছে দেখা ।
সে সব বচন রয়েছে ঘোষণ
যেমত শেলেরই রেখা ॥
শপথি করিয়া পীরিতি করিলে
তাহা বা রাখিলে কই ।
কে আছে ব্যথিত কাহারে কহিব
যে দুখে আমরা রই ॥
আপনি বলিলে আপনি কহিলে
আবার এমত কর ।
আমরা হইলে মরিয়া যাইতাম
পুরুষ বলিয়া সার ॥
একটি বচন করি নিবেদন
শুন হে নাগর-রায় ।
সে দিন যাইয়া কি কাজ লাগিয়া
ধরেছিলে দুটি পায় ॥
দোগর বচন করি নিবেদন
শুন হে নন্দের সূত ।
সে দিন যাইয়া কি কাজ লাগিয়া
দশনে ধরিলে কুট(২) ॥
তেসর(৩) বচন করি নিবেদন
দাড়ায়ে শুন হে তুমি ।
এ জনমের মত ফিরে চাও তুমি
বিদায় হয়ে যাই আমি ॥
এ কথা শুনিয়া রসিক নাগর
ভাগিল নয়ানের জলে ।
রসিক নাগর হইল কাতর
দ্বিজ চণ্ডীদাস বলে ॥

১। ধনি ।

২। তৃণ । ৩। তৃতীয় ।

(কামোদ)

হেরয়ে রসিকবর রাইক চরিত ।
কি হেতু দেখিয়ে মান অতি অশুচিত ॥
তোমা বিনে নাহি জানি মরম কি বাত
কেন বা মলিন মুখ অবনত মাথ (১) ॥
স্বপনক বাত নাহি কর পরতীত ।
নয়নে দেখিলে কর যে হয় উচিত ॥
কোন রমণী দেখে রহল ছাপাই(২) ।
চণ্ডীদাস কহে বধুর কোন দোষ নাই ॥

(কানাড়া)*

রাই বড় সে দেখিল বিপরীত ।
সে নব নাগর কান তোমারে কেবল মন
দেখিল সদয় অতিচিত ॥
বিরহ-বেদনশরে ভেল তমু জরজরে
আন কহিতে নাহি আন ।
শুনিত্তে তোমার রীত পুলক মানয়ে চিত
লোরে আঁখি হরল গেয়ান ॥
শ্রবণ পরশি শুনে তোমার মাধুরী গুণে
মোহিত হইল কলেবর ।
কেবল তোমার নাম নিরবধি জপে শ্রাম
কাঁপে দুটি অধর সুন্দর ॥
শুনিয়া সখীর বাণী অতি ভেল বিরহিনী
কহ কহ শুন পিয়া-গুণে ।
সোনার পুতলী ঐছে অবনোঁতে লোটাঁইছে
ধারা বহে এ দুই নয়নে ॥
কেমন মথুবাপুরী কেমন নাগরী নারী
কহ দেখি মরম-সজনি ।
শুনিব শ্রবণ ভরি কেমন কুব্জা নারী
কত রূপ সে জন মালিনী ॥
তা সনে পিরীতি করে মুগধ রসিকবরে
শুনিয়াছি পর লোকমুখে ।
এত কি সহিতে পারি মনে সে গুমরি মরি
জনম গোঙামু এই দুখে ॥
এই অতি ভেল মান উঠিল দাক্ষণ মান
পিয়া কি গিয়াছে এত দূর ।
চণ্ডীদাস কহে ধনি মিলব নাগর-মণি
হব তুমি মনোরথ পুর ॥

১। মস্তক ।

২। ছাপাই—গোপন করিয়া,—লুকাইয়া ।

* এই পদটি মথুরা-প্রত্যাগত সখীর উক্তি
বলিয়াই প্রতিভাত হইতেছে ।

সখীর উক্তি
(ধানশী)
তোদের দৌহের দৈবের ঠাম ।
নিত্তি নিত্টি তোরা কলহ করিবি
কত না সাধিব হাম ॥
নিত্তি নিত্টি তোদের এমত্তি করিয়ে
কথাতে কথাতে হুন্দ ।
সে বলে রাই রসিক নহে
তু বলিস উহ মন্দ ॥

সে হেন নাগর গুণের সাগর
অগৎ-হুন্ন ভ লেহা(১) ।
তু হেন নাগরী প্রেমের আগরী(২)
কেন বাড়াইলি লেহা ॥
নিত্তি নিত্টি তোরা এমত্তি করিবি
ইথে কি পরাণ রয় ।
চণ্ডীদাস কহে অবলা-পরাণে
এত কি বেদনা সয় ॥

রাধার মান

(সুহই)

ত্যাগহ দারুণ মান ।
চলহ নিকুঞ্জ-ধাম ॥
সে হেন রসিক-রায় ।
তাম্বুল নাহিক খায় ॥
তুমি সে নিদয় বড়ি ।
কেমনে আছহ ছাড়ি ॥
এ রসে কেন বা ভঙ্গ ।
মিলহ তাকর(১) সঙ্গ ॥
কোপ পরিহর ধনি ।
তুমি সে রমণী-মণি ।
এ রন সুখের সার ।
এ মতি অমিয়া-ভার ॥
রসের নাগরী তোরা ।
পিও(২) সুধাকর-ধারা ॥
যাহার সমুখ বারি ।
পিয়াসে (৩) কেন বা পুড়ি ॥
যেমন চাতক পাখী ।
সুধাকর তেন সাখী ॥
যেমন সফরী মীনে ।
নাহি জীয়ে জল বিনে ॥
এমত্তি তুমি সে গতি ।
তাহা কর হেন রীতি ॥
ত্যাগহ বিরস মান ।
চণ্ডীদাস গুণ গান ॥

(নটনারায়ণ)

শুন গো সজনি পরমাদ শুনি
রাধার ঐছন দশা ।
বিরহে আকুল রসময় কান
সঘনে নিশ্বাস নাসা ॥
করেতে আছিল মোহন মুরলী
তাহা না পড়িল কতি ।
কমল নয়নে লোর বহি ঘনে(৩)
ভাসিয়া চলল তথি(৪) ॥
অঙ্গের সৌরভ এ চুয়া চন্দন
ভূষণ কোস্তভমণি ।
এ সব তিত্তিমা(৫) চলল ভাসিয়া
বিরহে চতুরমণি ॥
সে মোর প্রেমসী প্রেমময়ী রাধা
শুধুই সুধার রাশি ।
দাঁড়িয়ে দেখই ও মুখমণ্ডল
হেনক(৬) মনেতে বাসি ॥
যাহার লাগিয়া বনে ধেছু রাখি
তাহার দরশ আশে ।
মধুর মুরলী গাই দিবানিশি
ধরি নটবরবেশে ॥
ঐছন বিরহ নাগরশেখর
কণেক সঙ্ঘিত পায় ।
তুরিত গমন চল বৃন্দাবন
চণ্ডীদাস গুণ গায় ॥

- ১ । তাহার ।
২ । পান কর ।
৩ । পিপাসায় ।

- ১ । লেহা—স্নেহ । ২ । অগ্রগণ্য ।
৩ । প্রবল ধারায় । ৪ । তথায় ।
৫ । সিন্ধু হইয়া । ৬ । এইরূপ ।

(বেলোয়ার)

শুনিয়ে রাধার বাণী সখী কহে ভালে জানি
সকল কহিয়ে ভালমতে ।
শ্রবণ ভরিয়া শুন বিষাদ(১) ভাবিছ কেন
বুঝিয়ে করিবে যাহা চিতে ॥
মোরে সে ভেজল কান আইল তোমার স্থান
রাধারে তুষিবে ভালমতে ।
পেয়ে দশমীর দশা পাছে হবে ফলভাষা(২)
তুরিতে চলিয়ে যাহ পথে ॥
পাছে ধনী তেজে প্রাণ পাইয়া বিরহ-বাণ
তেঁই আমি আসিল তুরিত ।
কহিলা নাগররাজ যাইব গোকুল-মান
দেখিব সে প্রেমময়ী রীত ॥
পশ্চাতে গমন সাধে শুন সুখময়ী রাধে
পুন পাবে তাহার মিলন ।
বিষাদ করহ দূর হবে মনোরথ পূর
শুন শুন আমার বচন ॥
সঙ্গত করিয়া বাণী আসিব সে গুণমণি
হেন দশা কবে হবে মোর ।
পেয়ে সে নাগররাজ সাধিব আপন কাজ
কবে সে করব নিজ কোড়(৩) ॥
সখীর বচন শুনি হরষ হইল ধনী
পরশ করিব আমি যবে ।
তবে সে মনের সিদ্ধি যদি মিলায়ব বিধি
চণ্ডীদাস সুখী হবে তবে ॥

*ওহে বড়াই তাহার বিষম জরা(৪) ।

কিছু নাহি খায় সে তেজস্বে কায়
পাঁজ(৫) হৈয়াছে সারা ॥

শুনি কি না শুনি যেন সরু বাণী
যেন কৃষিরের ধারা(৬) ।

১। বিপদ (পাঠান্তর) । ২। কথামাত্র
পর্য্যবসিত । ৩। কোল ।

* এই পদটির অরূপ আর একটি পদ আমরা
দেখিত পাই। অরূপ পদটির ভাবধারা ও
রচনামূল্য এই পদটি হইতে নিম্ন স্তরের নহে ;
আমরা সমগ্র পদটি পাঠকের অবগতির জন্য উদ্ধৃত
করিয়া দিতেছি ।

৪। জরা—জর অর্থাৎ বিরহ-জর । ৪। পাঁজর
—কঙ্কালসার । ৫। কৃষিরের ধারা দেহ হইতে
বহির্গত হইলে শরীর দুর্বল হইয়া পড়িয়া তাহার
বাক্য যেমন ক্ষীণ হয়, তদ্রূপ ।

কনক-বদন হৈয়াছে মলিন
চকিত লোচন-তারা ॥
শ্রবণ নয়ন করে অক্ষুণ্ণ
যেনক শায়ণ ধারা(১) ।
নেতের বসনে মুছিব কেমনে
এত বল আছে কারা ॥
এখন তখন তাহার জীবন
না চলে কণ্ঠের জালা ।
চণ্ডীদাস কহে এ জালা না সহে
তুরিতে চলহ বালা ॥

সখীর উক্তি

(শ্রীকৃষ্ণের প্রতি)

ওহে বড়াই বিষম বিরহ-নারা(২) ।
কিছু নাহি খায় শিয়েতে(৩) লুকায়
পাঁজর হৈয়াছে সারা ॥
শুনি কি না শুনি কহে সরু বাণী
যেন অরুক্ষতী(৪) তারা ।
কনক রতন যেন জালিয়ান(৫)
চকিত লোচনতারা ॥
শ্রবণ নয়ন করে অক্ষুণ্ণ
যেমন শায়ণ ধারা ।
নেতের বসনে মুছিব কেমনে
এত বল আছে কারা ॥
এখন তখন তাহার জীবন
না চলে কণ্ঠের নালা ।
চণ্ডীদাস কহে তুরিতে চলহে
বিলম্ব না সহে কালা ॥

(শ্রী)

আই সেই সখী ভেটে চন্দ্রমুখী
শুন সুখময়ী রাধা ।
মুখ তুলি চাহ শুনহ সংবাদ
না কর তিলেক বাধা ॥

১। যেন শ্রাবণের ধারা ।
২। বিরহে বিচলিত ।
৩। শয্যার সহিত মিশিয়া গিয়াছে ।
৪। একটি তারকা—ইহাকে বশিষ্ঠের পত্নী
অরুক্ষতী নামে অতিহিত করা হইয়া থাকে ।
৫। জালিয়ান ।

মুখ তুলি রাই সখীপানে চাই
 কহত শ্রামের কথা ।
 শুনি কিবা রীতি তাহার পিরীতি
 ঘুচুক হিয়ার ব্যথা ॥
 কহ কহ শুনি জুড়াক পরাণী
 কেমনে আছয়ে পিয়া ।
 স্নেহের বারতা কহ দেখি হেথা
 শুনিয়া জুড়াক হিয়া ॥
 কহে সেই সখী শুন চন্দ্রমুখি
 শ্রামেরে দেখিয়ে আহু(১) ।
 কহিতে কহিতে শ্রামের কাহিনী
 মনের হতাশে মহু(২) ॥
 তোমার কাহিনী শুনি গুণমণি
 কান্দিয়া আকুল বড়ি(৩) ।
 নয়নের লোরে বহি চলে কোড়ে
 সঘনে নিখাস ছাড়ি ॥
 মথুরানগরে বসি এক ভিতে
 নিহৃত হইয়া কান ।
 মোরে বেরি বেরি পুছয়ে সে হরি
 তোহারি গুণের খ্যান(৪) ॥
 কহ কহ আগে রাধার কাহিনী
 সে অঙ্ক আছয়ে ভাল ।
 শুনিতে শুনিতে দশার কখন
 কাহু সে হইল ঢল ॥
 কত বা কহিব আদর পিরীতি
 তুমি পরসঙ্গ(৫) বিনে ।
 আন নাহি জানে সে বর নাগর
 দীন চণ্ডীদাস ভণে ॥

(সোয়ারী)

চল চল যাব রাই দরশনে
 শুন গো মরম-সখি ।
 সে গোরী নাগরী কেমনে বিসরি(৬)
 শয়নে স্বপনে দেখি ॥

আইহু—আগিলাম ।
 মরিলাম ।
 বড়ই ।
 কাহিনী ।
 প্রসঙ্গ ।
 বিশ্বত হই ।

মধুপুরে যদি থাকয়ে একলা
 সদাই ভাবিয়ে রাই ।
 নিশির স্বপনে দেখিয়ে সঘনে
 সদাই সে গুণ গাই ॥
 বসিতে রাধিকা গাইতে রাধিকা
 গুণেতে রাধিকা দেখি ।
 ভোজনে রাধিকা গমনে রাধিকা
 সদাই রাধিকা সাথী ॥
 হাস-পরিহাসে রাধার মহিমা
 সদাই পড়য়ে মনে ।
 কাহারে কহিব মনের বেদনা
 আপন মরমে জানে ॥
 আন কি জানব হৃদয় পোড়ানি
 সদা উচাটন(১) চিত ।
 মনে যবে পড়ে রাধার মুরতি
 বাঁশিতে গাইয়ে গাত ॥
 কহিব রাধারে তাহার অন্তরে
 সদাই আছিয়ে বাঁধা ।
 করে করি কর জপিয়ে অন্তর
 এই দুই অক্ষর রাধা ॥
 আগে যাহ সখি রাধার গোচর
 কহিব যতন করি ।
 আমি গিয়া পুনঃ দেখিব সে জন
 চণ্ডীদাস কহে ভালি ॥

নাপিতানী বেশে মিলন

(ধানশী)

নাপিতানী করে ধরি রাই চন্দ্রমুখী ।
 কেমন নাপিতানী তুমি হের এক দেখি ॥
 অঙ্গের বসন ধরি পাড়িয়া ফেলে দূরে ।
 রমণীর বেশ গেও(২) রসিক-গোচরে ॥
 পড়িল কল্পিত কুচ ভ্রম গেল দূরে ।
 সখীগণ চমকিত হেরিয়া নাগরে ॥
 কি ছার মানের লাগি রমণী সাজিল ।
 এত বলি সুন্দরী বামে দাঁড়াইল ॥
 মান-জনিত দুখ দূরে পরিহরি ।
 চণ্ডীদাস বলে দৌহার প্রেমের বলিহারি ॥

১। চঞ্চল চিত্ত ।

২। গেও—গেল ।

মানান্তে মিলন

(স্নহই—বেলোয়ার)

হেনক সময়ে এক সখী আসি
হাসি হাসি কহে কথা ।
উঠ উঠ ধনি ও চাঁদ-বদনি
ঘুচাহ মনের ব্যথা ॥
তব ছরদিন সব দূরে গেল
উঠিয়া বৈসহ রাই ।
তোমার মাধব নিকটে আওল(১)
দেখহ নয়ন চাই ॥
এ সব বারতা শুনি শুভ কথা
আনন্দে পুরল হিয়া ।
চকিত নয়নে চাহিতে মধনে
সম্মুখে দেখল প্রিয়া ॥
এস এস বলি ছুটি বাহু তুলি
হাসিয়া কহয়ে কথা ।
চিরদিনে বিধি মিলায়ল নিধি
ঘুচিল মনের ব্যথা ॥
সব সখী মেলি জয় হলাহলি(২)
দেওল দৌহার পাশ ।
আনন্দ-সাগর দেখিয়া বিভোর
গুণ গায় চণ্ডীদাস ॥

(বিহাগড়া)

কাহুর পীরিতি পাইয়া পরশ
মানতে মোহিত ছিল ।
হাসি নাগাপর অঙ্গুলি ভেজায়
ও নব নাগরী দিল ॥
কে জানে এমন তোমার ধরণ
কপট আগুন ইথে ।
বহুদিন মান কপট অন্তরে
ভাঙ্গল কপট চিতে ॥
আর কিবা আছে মান অভিমান
চলহ নিকুঞ্জ-বনে ।
করহ বেশের পরিপাটী যত
চলহ সখীর সনে ॥

১। আসিল ।

২। উলুধনি বা হলুধনি (মঙ্গলসূচক ধনি)

শ্যাম সূনাগর চতুর-শেখর
চলিল নিকুঞ্জধামে ।
হেথা সূধামুখী বেশ পরিপাটী
করে সে মনের সনে ॥
চলল কিশোরী শ্যাম-দরশনে
বদনে মধুর হাসি ।
সঙ্গে সহচরী মহুর গমন
চাতুরী বদনশশী ॥
যেমন চিত্তের পুতলি চলিছে
ও চাঁদবদনী রাধা ।
নীল-লোচনী আধেক ওড়নী
বচন কহত আধা ॥
শ্রীঅঙ্গ চলিতে গদগদ ভেল
বচন চপল আধ ।
চলিতে নুপুর বাজয়ে পঞ্চম
মধুর মধুর নাদ ॥
সুগন্ধ মলয় চন্দন কস্তুরী
অগুরু সৌরভ পায় ।
মত্ত অলিগণ কুসুম কোকিল
এ সব সঘনে ধায় ॥
বিচিত্র দুসারি সুগন্ধ কুসুম
বিছাই বনের পথে ।
নবীন কিশোরী সুখে পদ ছুটি
আরোপিয়া যায় তাতে ॥
চণ্ডীদাস কহে শ্যাম-দরশনে
চলিছেন ধনী রাধা ।
কিত্ত গেল মান বিরস বদন
আন কাজে গেল বাধা ॥

(শ্রী)

রাই অভিশার কর ।
বেশ ভূষা কর ধর(১) ॥
হংস-গমনী রাধা ।
চলে পদ আধা-আধা ॥
ঈষৎ হাসিয়া গোরী ।
গমন করত ভালি ॥

১। চাক (পাঠাস্তর) ।

প্রবেশ করল বনে ।
 জয় জয় গোপীগণে ॥
 নাম করে লই গন্ধ ।
 দক্ষিণ করে কুমুম সুগন্ধ ॥
 মিলল নিকুঞ্জ-মাঝ ।
 হেরয়ে নাগররাজ ॥
 শ্যাম-বামে বৈঠল রাই ।
 শোভা বর্ণনে না পাই ॥
 চন্দন সুগন্ধ সুবারি ।
 দেওল সুকুমারী গোরী ॥
 শ্রীঅঙ্গে লেপল ভাল ।
 গলে দিল মালতীর মাল ॥
 চণ্ডীদাস গুণ গান ।
 রাধাশ্যাম অমুপাম ॥

(কানাড়া)

রাধা বলে শুন আমার বচন
 করহ কিছুই গান ।
 তোমার বীণাটি অপরূপ বাজে
 আর কিছু শুনি তান ॥
 গাও গাও রামা মধুর বচন
 শুনিত্তে বড়ই সুখ ।
 কোথা না শুনিল হেনক বাজন
 দূরে যায় অতি দুখ ॥
 নবরামা শুন কোথা তোমার ঘর
 কেমনে আইলা তুমি ।
 কিবা তব নাম বলহ আমারে
 অতি মধুরস বাণী ॥
 বসতি গোকুলে আমরা গোম্বালে
 মোর নাম বটে শ্যামা ।
 গুণী গুণী জানি সবাই আদরে
 শুন রসবতী রামা ॥
 মোরে বোলাইয়া গেছিল লইয়া
 নন্দের নন্দন কান ।
 সেখানে এ গুণ কিছু সে গাইল
 কিছুই রসের তান ॥
 সেখান হইতে আইল হেথাতে
 দেখিয়া দুঃখিত কান ।
 সে হেন নাগরে ভেটহ সুন্দরী
 তেজিয়া বিষম মান ॥

চণ্ডীদাস কহে অতি বড় মোহে
 সুন্দরী কিশোরী রাই ।
 ইহার কোপের বিপাক বিষম
 ভাঙ্গিতে নারিল কই ॥

(শ্রী)

দেখ দুই রূপ অতি রসকূপ
 সুখের নাহিক সীমা ।
 দেখিতে দেখিতে হইল মোহিত
 যতেক ব্রজের রামা ॥
 শ্যাম মরকত রাই সে দামিনী
 এ দুই লখিতে(১) নয় ।
 এ কি এ জলদ এ কিয়ে কাঞ্চন
 মোর মনে হেন লয়ে ॥
 এ কি এ আতঙ্গী এ কিয়ে চম্পক
 কি দেখ বরণ-শোভা ।
 যেমন জলদ সোণার বিজুরী
 তেমতি দেখয়ে আভা ॥
 এই দুই বরণ নহে নিরূপণ
 দেখিতে নয়ান দুটি ।
 আঁখি পিছলয়ে হেন রূপ হয়ে
 কি ছার বিধুর কুড়ি(২) ॥
 অপরূপ রূপ রূপ মনোহর
 দৌহে দৌহা ভাল মিলে ।
 বিহরত(৩) সোই মুখর চতুর
 বিহরত দৌহে ভালে ॥
 নবীন নাগরী এ রস-নাগর
 রূপে করিয়াছে আলা ।
 চণ্ডীদাস কহে কিবা সে আনন্দ
 কল্পতরুর তলা ॥

(কামোদ)

রাধা-শ্যামরূপ দেখিয়া মোহিত
 নব নব বরনারী ।
 কে হেন আনন্দ রস পরিপাটী
 রূপ অপরূপ ভালি ॥

১। লক্ষ্য করিতে ।

২। অংশ এই অর্থে ; অথবা কোটিচন্দ্র অর্থে ।

৩। বিহার করিতেছে ।

বিহি(১) সে রসিয়া কেমনে পশিয়া
 গড়ল কেমন ছাঁদে ।
 কত সুধা দিয়া গড়ল এ দেহা
 মুখানি বন্ধন বাঁধে ॥
 ছুঁ ছুঁ রূপ দেখি নয়নিয়া পাখী
 চঞ্চল তাহার মন ।
 হেন করে মন চাঁদের ভরমে
 সুধারস পিতে কন ॥
 এ বর-নাগরী রসের গাগরী
 নাগর রসের সিকু ।
 দৌহার রূপেতে আলো বৃন্দাবন
 কৈল মুখ কোটি ইন্দু ॥
 ছুঁ ছুঁ রূপ হেরি বরজ-নাগরী
 মোহিত হইল সবে ।
 চণ্ডীদাস কহে দৌহার চরণ
 শরণ মাগয়ে সবে ॥

(কামোদ)

সই, হের আসি দেখসিয়া(২) ।
 নবীন নাগরী নাগরের কোলে
 আছে আরোপিত হৈয়া ॥
 লখিতে লখিতে আঁখির পুতলি
 সে অঙ্গে নাহিক থাকে ।
 বড় অপরূপ কিবা রসকূপ
 অমিয়া বরিখে লাখে ॥
 দেখ না চাহিয়া ছুঁ ছুঁ রূপখানি
 এমতি না দেখি কতি ।
 বহু দিন থাকি গোকুল নগরে
 না শুনি না দেখি রতি ॥
 যেমন নাগর নাগরী তেমন
 ছুঁ ছুঁ শোভিয়াছে ভালো ।
 নব বৃন্দাবন যত উপবন
 সকলি করিল আলো ॥
 যত গোপনারী নাগর হেরিয়া
 সুখের নাহিক ওর ।
 চণ্ডীদাস দেখি আনন্দে মোহিত
 বিনোদিনী শ্রাম-কোড় ॥

১। বিধি ।

২। দেখ আসিয়া—এখানে চাহিয়া এই অর্থে।

(কল্যাণ)

যত গোপনারী চন্দন অগোর
 লেপিছে দৌহার গায় ।
 কোন কোন জন শ্রীঅঙ্গ চাহিয়া
 করিছে পাথার বায় ॥
 কোন কোন জনে গাঁধি ফুলদামে
 দিয়াছে শ্রামের গলে ।
 কোন কোন গোপী শ্রীঅঙ্গ নেহালে(১)
 চামর ঢুলায় ভালে ॥
 কোন কোন গোপী নিজ সেবালকে(২)
 সেবন করিছে গাঢ়া ।
 এ অষ্ট রমণী কুলের কামিনী
 সকলি হইয়া ছাড়া ॥
 অষ্ট অষ্ট সখী গুণের আত্মিক(৩)
 মোক্ষ লক্ষ অষ্ট লিখি ।
 এ কুঞ্জ-কুটীর কুটীর ভিতর
 বেকত আছয়ে সখী ॥
 কোন কোন রস রসেতে বেকত
 রসিক-নাগর রায় ।
 এ রস-চাতুরী কে জন বুঝিব
 চণ্ডীদাস গুণ গায় ॥

(সুহই)

মগন হইলা গীতের আলাপে
 সে ধনী কিশোরী রাই ।
 আগে আইস শ্রামা হেদে নবরামা
 তোমারে মরম কই ॥
 ছু বাহু পসারি রাই সুনাগরী
 গুণীরে করিল কোড় ।
 শ্রামের অঙ্কের পরশ পাইয়া
 মনোরথ ভেল ভোর ॥
 অঙ্কের সৌরভ পরশ সুগন্ধ
 পাইতে কিশোরী গোরী ।
 হাসি রসপর কটাক্ষ চাহিতে
 জানিল সুরস প্যারী(৪) ॥

১। দেখে ।

২। সেবার সমস্ত আন্তরিকতা লইয়া—

সম্ভবতঃ এই অর্থে ব্যবহৃত হইয়াছে ।

৩। প্রতীক ?

৪। প্রিয়া ।

কপট মুরারি করিয়া চাতুরী
মান লয়া প্রিয়া মোর ।
দূরে গেল মান সরল বচন
সুখের নাহিক ওর (১) ॥
অনিল কপট নারী-বেশ ধরি
ভাঙ্গিতে দারুণ মান ।
অতি ভেল সুখ দূরে গেল দুখ
দ্বিধা চণ্ডীদাস গান ॥

(করুণা-শ্রী)

রাধা কহে শুন শ্যাম সুনাগর
কহিতে বাসিয়ে(২) লাজ ।
এক নিবেদন আছে রাক্ষা পায়ে
অধিক আছে কাস ॥
কহেন চতুর নাগর-শেখর
কহ কহ ধনী রাধা ।
যাহাই বলিবে তাহাই করিব
ইহা না করিব বাধা ॥

হাসি বিনোদিনী কহে আধবাণী
শুনিতে আছে সাধ ।
তোমার চুড়াটি মোরে বাঁধি দেহ
করহ বাঁশীর নাদ ॥
চুড়া বাঁশী দেহ মুরলী শিখাহ
এই মোর মনে হয় ।
সাধ আছে মনে যদি পূর কামে(১)
হেন মোর মনে লয় ॥

হাসিয়া নাগর রসিয়া চাহিয়া
চাহিয়া রাধার পানে ।
হের এস ধনি কুলের রমণী
শিখাব বাঁশীর গানে ॥
নাগর বসিলা তরুর তলাতে
বনাইতে রাধার চুড়া ।
চণ্ডীদাস বলে অপকূপ দেখি
নাগরী আগরি বাড়া ॥

বাঁশরী-শিক্ষা

(সুহই)

এইরূপে নব নাগর রসিক
করিতে রসের লীলা ।
গুপত পীরিতি করিতে আরতি
রচিল নাগর কালা ॥
নানা বৃক্ষগণ কবে সুশোভন
বিকসি কুমুম তারা ।
ফুলকুল তারা তরুকুলে যত
মকরন্দ বরে সারা ॥
ময়ূর-ময়ূরী চাতক-চাতকী
হংসিনী হংস যে জোড়ে(৩) ।
বেড়িয়া রতন মন্দির সুন্দর
কলরব বড় রাজে ॥
ভ্রমরা-ভ্রমরী কুমুমে গুঞ্জরি
সুধাপানে ভেল ভোরা ।
যমুনার যত জলচর কত
জোড়ে জোড়ে ফিরে তারা ॥

কমল-নলিনী বিকসিত যত
তা'পরে ভ্রমরা গান ।
শুনিতে মধুর বাক্য শব্দ
কি দেখি সুন্দর তান ॥
নানা জন্তু ফিরে উপবন-ধারে
আরোপি চামর(২) যত ।
হরিণী হরিণ দেখিতে শোভন
বানর বানরী কত ॥
দেখিতে দেখিতে ও নব-নাগরী
মোহিত হইলা চিতে ।
চণ্ডীদাস কহে কি শোভা আনন্দে(৩)
হু আঁখি মজিল তাতে ॥

(শ্রী)

বেশ বনাইছে শ্যাম ।
রাই বামকরে দিয়াছে মুকুরে
চুড়া বাঁধি অমুপাম ॥

১। সীমা ।

২। বাসি যে (পাঠান্তর) ।

৩। যুগলে ।

১। কামনা পূরাও বা পূর্ণ কর ।

২। এক প্রকার গাভী ।

৩। সানন্দ (পাঠান্তর) ।

মুকুতার মালে বেড়িয়া বসনে
 মাঝারে প্রবাল-পাঁতি ।
 তাহার উপরে কুন্দের কলিকা
 কি তার দেখিলা ভাতি ॥
 তার পরিমল পেয়ে অলিকুল
 ধাইয়া পড়িছে তায় ।
 তাহার উপরে মাণিক গাঁথুনি
 দেখি মন মুরছায় ॥
 নব নব নব বরিহ-শিখর(১)
 দেওলি চুড়ার পরে ।
 নয়ন-অঞ্জন অতি সুশোভন
 আকর্ণ পূরিত ধরে ॥
 সোঁথার সিন্দূর মুছিয়া তিলক
 দিল সে রাধার ভালে ।
 মৃগ-মদ-বিন্দু চন্দনের বিন্দু
 শোভিত সুন্দর সরে(২) ॥
 মলয়-চন্দন অঙ্গে সুলেপন
 আগোর(৩) কস্তুরী সনে ।
 নীল সে নিচোলে পরিলা গোচরে
 পীতধড়া পরিধানে ॥
 গোণার ঘাঘর বাঙ্করি দেওলি
 নৃপুর দেয়ত পায় ।
 রসিক নাগর বেশ বনাইয়া
 শ্রীমুখ নেহালে(৪) তায় ॥
 চণ্ডীদাস বলে দেখ কুতূহলে
 কিরূপ সাজল রাই ।
 রসিয়া(৫) নাগরী দেখ মনোহারী
 ওরূপ হেরয়ে তাই ॥

—

(গড়া)

রাধারূপ অতি দেখিয়া মুরতি
 বিকল হইল তারা ।
 কোথা হৈতে এত রূপ লয়েছিল
 এমনি মাধুরী-ধারা ॥

১। বর্হী,—ময়ূর, তাহার পুচ্ছ অর্থাৎ চুড়ার
 উপর ময়ূরপুচ্ছ ধারণ করিলেন ।

২। সরোবরে—এই অর্থ অনেকে করিবার
 চেষ্টা করিয়াছেন, কিন্তু ইহার কোন যুক্তি দেখা
 যায় না ।

৩। অগুরু—সুগন্ধ চন্দনবিশেষ ।

৪। দেখে ।

৫। রসিয়া—(পাঠান্তর) ।

যেমন নাগরী তেমন নাগর
 এ দুই একেক(১) প্রাণ ।
 আপনার চুড়া তেমতি বাঙ্কিল
 ইথে সে নাহিক আনু ॥
 রাই বামকরে নাগর-শেখরে
 ধরিয়া লইল কুঞ্জে ।
 বস ধনী রাধা মুরলী শিখাব
 এই সে কুটির-কুঞ্জে ॥
 হরষ-বদনী ও মৃগ-নয়নী
 কহেন হাসিয়া রসে ।
 দেহ করে বাঁশী ধনী কহে হাসি
 বৈঠহ আমার পাশে ॥
 যেমত বাজাও মধুর মুরলী
 তেমতি শিখাও মোরে ।
 শিখালে মুরলী যা চাহ তা দিব
 অধীন হইব তোরে(২) ॥
 নহ খলপণা খলের স্বভাব
 শিখাহ মুরলী গুণে ।
 হাসি রসপানে শিখাবে যতনে
 দ্বিজ চণ্ডীদাস ভণে ॥

(গড়া)

হাসিয়া নাগর চতুর-শেখর
 রাধারে কিছুই বলে ।
 কহিল সকল তোমার গোচর
 বাঁশীর বচন ছলে ॥
 কখন কখন বাজায় কেমন
 কখন মধুর সম ।
 কখন কখন গরল সমান
 গাইতে হইয়ে ভ্রম ॥
 কোন অভিলাষে বাজয়ে কেমন
 না জানি ইহার রীত ।
 মধুর মধুর বাজয়ে সুস্বর
 কত আনন্দের গীত ॥
 বাঁশী পরবশ নহে নিজে বশ
 কখন হয়নি ভাল ।
 বাঁশীর চরিত্ত বুঝিতে না পারি
 তুমি বা কি আর বল ॥

১। একৈক (পাঠান্তর)

২। তোমার ।

তুমি কি জানিবে মধুর মুরলী
নহে পরিচয় তায় ।
বাঁশী আগে কর বশীভূত পনা
তবে কিবা রস হয় ॥
যখন না ছিল পরিচিত রাধা
এবে হ'ল জানাশুনা ।
চণ্ডীদাস বলে আমি জানি ভালে
যে দেহ ছুকুলে হানা(১) ॥

(কাফি)

শুন সুনাগরী রাই ।
তোমার মহিমা এ রস-চাতুরী
সদা মুরলীতে গাই ॥
সদা লই নাম অতি অমুপাম
করে(২) নিশি দিশি জপি ।
রাধানাম দুটি প্রেমের অক্ষর
আপন হৃদয়ে রোপি ॥
উঠিতে বসিতে আন নাহি চিতে
নিরন্তর তোমা দেখি ।
যেন সে চাঁদের(৩) চকোর-লালসে
সদাই বসিয়া থাকি ॥
তেন মোর মন লুবধ(৪) চরিত
পরান তোমার পাশে ।
মনমথ হাতী অক্ষুশ না মানে
পিত(৫) চাহে রস রোষে(৬) ॥
চণ্ডীদাস কহে শুন সুনাগর
আনে কি জানয়ে লেহা ।
হুঁহু সে জানয়ে দৌহার মহিমা
আনে কি জানিবে ইহা ॥

১। স্বামিকুল ও পিতৃকুলে হানা পড়িল অর্থাৎ
উভয় কুল লোকচক্ষুতে নিম্নগ হইল ।

২। হাতে—জপের মালায় ও হাতের পর্কে
জপ হয় । মালায় জপই প্রায়শঃ হইয়া থাকে ।
অঙ্গুলীর যব-রেখার নাম কর । উভয় করের মধ্যস্থল
পর্ক । হাতের জপে পর্কজপই কর্তব্য, কররেখায়
জপ কর্তব্য নহে ।

৩। চাঁদের লালসে যেমন চকোর তেমনি
বসিয়া থাকি—(পাঠাস্তর) ।

৪। চকোর—(পাঠাস্তর) ।

৫। পান করিতে ।

৬। পিরীতি রসের আশে।—(পাঠাস্তর) ।

(গড়া)

রসিক নাগর বলে শুন বিনোদিনি ।
তোমারে শিখাই বাঁশী আমি ভালো জানি ॥
রাধা কহে কুটিল ছাড়িতে যদি পার ।
তবে গুণ শিখাইবে শুন বংশীধর ॥
কানু বলে কুটিল সে জানিল কেমনে ।
ধর বাঁশী কহে হাসি শিখাই যতনে ॥
রাই কহে বিনোদ নাগর রসময় ।
ভালমতে শিখাইতে আমার মনে হয় ॥
করেতে মুরলী দিলা হাসিয়া হাসিয়া ।
মনের হরিষে বাঁশী শিখায় বসিয়া ॥
কানু কহে শুন ধনি আমার বচন ।
ত্রিভঙ্গ হইয়া থাক পদ আরোহণ ॥
চরণে চরণ বেড় দাগুহ(১) ভঙ্গিমে ।
অঙ্গুলি ঘুরাহ রাধা বলে ধনশ্রামে ॥
কহে চণ্ডীদাসে বড় অপক্লপ বাণী ।
চূড়া বাঁধি মুরলী শিখয়ে বিনোদিনী ॥

(কামোদ)

নাগর চতুর-মণি কহেন একটি বাণী
শুন শুন সুকুমারী রাধে ।
দাগুহিতে শিখ আগে তবে সে ভালই লাগে
তবে বাঁশী শিখাইব সাধে ॥
ধরহ আমার বেশ আরহ(২) চরণ শেষ
পদের উপরে দেহ পদ ।
ত্রিভঙ্গ হইয়া রও বাঁশী সনে কথা কও
বাঁশী বাও(৩) হইয়া আমোদ ॥
শুনিয়া আনন্দ বড়ি সে নব কিশোরী গোরী
ত্রিভঙ্গিম ভঙ্গিম সূঠাম ।
ধরিয়া রাধার করে নাগর রসিকবরে
অঙ্গুলি ঘুরাইতে শিখান ॥
রকে, রকে, অঙ্গুলি শিখাইতে বনমালী
দেহ ফুঁক সুকুমারী রাধা ।
বাজাহ মধুর তান মন্দ মন্দ কর গান
তিলেক নাহিক কর বাধা ॥
হাসি কহে বিনোদিনী এবে কি শিখিতে জানি
অলপে অলপে যদি পারি ।
কহেন রসিকরাজ ভালে সে পাইবে লাজ
চণ্ডীদাস যায় বলিহারি ॥

১। দাগুহ । ২। আরোপণ কর ।

৩। বাজাও ।

(গড়া)

হেদে হে মুরলীধর না বাস আপন পর
হাসিয়া কহ না এক বোল ।
যে ছিল মনের সিন্ধি(১) তাহাই পুরাল বিধি
মুরলী শিখিল হাম(২) ভূর(৩) ॥
আর এক শুন কান আকুল রমণী-প্রাণ
আপনি বাজাহ নিজে বাঁশী ।
শুনি গোপ স্ননাগরী শুনিতে আনন্দ বড়ি
ঘুষে যেন হেন নিশি দিশি ॥
মধুর মধুর ধ্বনি গাও দেখি গুণমণি
নিজমুখে শুনিতে মধুর ।
কি জানি কি গাও গুণে বিষ ভরি মুখ খনে(৪)
শুনিলে দংশয়ে হিয়া মোর ॥
যেই ভুজঙ্গগণ করিলেই দংশন
চেতন গেয়ান নাহি থাকে ।
তেমতি তোমার বাঁশী কুল লেই হাসি হাসি
দংশন করয়ে আসি বৃকে(৫) ॥
কতু বাঁশী প্রেমধারা কখন ভুজঙ্গপারা
গরল সমান কতু হয় ।
কেন বা এমন হয় এ অবলা প্রাণে(৬) সয়
দীন চণ্ডীদাস ইহা কয় ॥

(আহীর)

শুন হে নাগর গুণমণি ।
এক রঞ্জে দুখনাতে বাজাহ ভালই মতে
যেমন মধুর উঠে ধ্বনি ॥
শুনিয়া রাধার বাণী হাসিল সে গুণমণি
মধুর বাঁশীতে দিল ফুঁক ।
রাধা-কৃষ্ণ দুটি নাম ধ্বনি উঠে অল্পপাম
শুনিতে মধুর অতি সুখ ॥

- ১। সিন্ধি—(অভিসিন্ধি) অভিলাষ ।
- ২। রাম (পাঠান্তর)—সম্ভবতঃ অধিক এই অর্থে ।
- ৩। ভূর—ভূরি পরিমাণে—ভাল করিয়া ।
- ৪। মুখে বিষ পুরিয়া কি করিয়া বাঁশী বাজাও যে, শুনিলেই সেই বাঁশী যেন সর্পের মত আসিয়া হৃদয়ে দংশন করে । খনে—তৎক্ষণাতঃ হইতে পারে ।
- ৫। তোমার বাঁশী হাসিয়া হাসিয়া দংশন করিয়া আমার কুল লইয়া থাকে, অর্থাৎ তোমার বাঁশী শুনিলে কুলে জলাঞ্জলি দিতে ইচ্ছা হয় ।
- ৬। প্রাণ লয় (পাঠান্তর)—অবলার প্রাণ-মন হরণ করে ।

এক রঞ্জে দুই জনে বায়ে(১) বাঁশী ঘনে ঘনে
মৃত তরু মুঞ্জরিতে চাহে ।
যমুনায় যত নীর কূলে পড়ে স্নানীর
গান শুনি পরাণ মিলায়ে ॥
রাই কহে শুন হরি এই যে বিনয় করি
ভালমতে মুরলী শিখাও ।
কোন্ রঞ্জে কোন্ বায় ফুঁক দিলে কিবা হয়
কোন্ রঞ্জে কোন্ গান(২) গায় ॥
দশাঙ্গুলি করে হয় সপ্তাঙ্গুলি পরিচয়
কোন্ আঙ্গুলে কিবা বোল ।
শ্রাম কহে শুন রাই যেহেতু শুনহ তাই
বাঁশী কিবা পরিচয় ছল ॥
কাননে মধুর বলে কোন্‌খানে কোন্‌ দিলে
আগে আছে ভাগবতে লেখা(৩) ।
পুরবে সে এতকালে মধু করি আনে ছলে
তিনজন আনি দিল দেখা ॥
সেই তিন বসি তথা কহিতে কানন-কথা
সেই মধু গাগরিতে ছিল ।
তিন জন অভিপ্রায় ঢালে মধু তথায়
সকল ঢালিয়া তায় দিল ॥
মধুবনে সেই মধু ঢালি দিল কোন্‌ বিধু
সেই মধু উপজিল কায় ।
হইয়া নারীর কায় দিব্যস্নিগ্ধ রূপ পায়
সেই রামা হইল রসহায় ॥
এবে তার শুন কথা কোন্‌ নর্ম্ম সখা হেথা
বড় পুণ্যবতী সেই নারী ।
দিল তার পরিচয় মনে মনে কথা কয়
চণ্ডীদাস বলে বলিহারি ॥

(ধানশী)

পুনরপি রাই মুরলী বাজাই
উঠিল একটি ধ্বনি ।
প্রথম সন্ধান উঠিল সন্ধান
কৃষ্ণ কৃষ্ণ উঠে বাণী ॥

- ১। বাজায় ।
- ২। রস—(পাঠান্তর) ।
- ৩। সম্ভবতঃ পদকর্তা এখানে ভাগবতের “বনঞ্চ তৎ কোমল-গোভিরঞ্চিতং জর্গো কলং বামদৃশাং মনোহরম্” ১০।২৯।৩ এই শ্লোকটির এবং বিশ্বনাথ চক্রবর্তীর টীকার প্রতি লক্ষ্য করিয়া বর্ণনা করিয়াছেন ।

কহে শ্রাম পর বাজে অপস্বর(১)
 না উঠিল রাধা-নাম ।
 আগে গাহ ধনি রাধা নাম শুনি
 তবে সুধা অমুপাম ॥
 তবে হাসি ধনী রাজার নন্দিনী
 কহিছে কাহুর কাছে ।
 মুরলী শিখিতে বড় সাধ আছে
 শিখাহ যে আর আছে ॥
 তুমি গুণমণি গুণের সাগর
 আমি যে অবলা জনে ।
 মুরলী শিখালে যাহা চাহ দিব
 দ্বিজ চণ্ডীদাস ভণে ॥

(স্নহই)

আট রঞ্জে আট গুণের মহিমা
 পাঁচ রস করে গান ।
 এ রাগ-রাগিণী প্রথম আখর
 কনিষ্ঠ অঙ্গুলি তান ॥
 তাথে মধু আছে অঙ্গুলির কাছে
 অতি সে সুস্বরে বটে ।
 রাই করে ধরি রসিক মুরারি
 গানের মাধুরী উঠে ॥
 গাও গাও কিছু মধুর মধুর
 কালিয়া আখর শুনি ।
 প্রেমরসে রাধা আবেশ হইয়া
 কহেন একটি বাণী ॥
 রাধা শ্রাম বলি বাজয়ে মুরলী
 যমুনা উজান ধরে ।
 খগ মৃগ পাখী দুসারি কাননে
 বঁশীটি শুনিয়া বুরে ॥
 একবার রাই বাঁশী ফুঁক দিল
 পুনঃ ফুঁক দেয় শ্রাম ।
 মধুর মধুর ঐ রাগ-রাগিণী
 বাজাই অমুহিপাম(২) ॥
 রাধা নাম ক্ষেণে শ্রাম নাম ক্ষেণে
 যেমন রসের বাঁশী ।
 চণ্ডীদাস কহে ছুঁছ সে রসিক
 মরমে মরমে পশি ॥

(কেদার)*

অঙ্গুলি ঘুরাইয়া রাই মুরলী মধুর পুর(১)
 শুনি যেন শ্রবণ পুরিয়া ।
 দেহ ফুঁক ধীরে ধীরে অঙ্গুলি নাড়হ রাধে
 তাহে শ্রাম দিছে দেখাইয়া ॥
 রাই, হের দেখ চেয়ে মোর পানে ।
 রঞ্জে রঞ্জে 'ও' রা-ধনি করের অঙ্গুলি ঢাক
 প্রথম রঞ্জেতে কর গানে ॥
 এ বোল শুনিয়া রাই শ্রামমুখপানে চাই
 ফুঁক দিল সব রসগান ।
 না উঠে কোনই গান ফাঁক ফুঁক পড়ে যেন
 হাসি কাহু না যায় ধরণ ॥
 পুন কহে স্ননাগর শুনহ নাগরী গৌরী
 নহিল নহিল এ না গান ।
 পুনঃ দেহ দৃঢ় ফুঁক বাড়ুক অনেক সুখ
 পুনঃ ধনি পুরহ সন্ধান ॥
 কাহুর বচন শুনি বুধভানুনন্দিনী
 কহে রাই বিনয়-বচনে ।
 প্রথমে মুরলী শিক্ষা কেবল লয়েছি দীক্ষা
 দ্বিজ চণ্ডীদাস কিছু ভণে ॥

(কামোদ.)

ছুঁছ কহে মধুর মুরলী ।
 অপক্লপ ছুঁছ রসকেলি ॥
 এক রঞ্জে দুজনে বাজায় ।
 রাধাকৃষ্ণ নাম উঠে তায় ॥
 রাই কহে শুন নাগর কান ।
 পুরল মনে অভিমান ॥
 সাধ ছিল শিখিতে মুরলী ।
 তাহাও শিখালে বনমালী ॥
 কাহু কহে আর কি শিখিবে ।
 নিশ্চয় কহিবে তুমি এবে ॥
 হাসি ধনী ধরণে না যায় ।
 দীন চণ্ডীদাস গায় ॥

* বাঁশরী-শিক্ষার পদগুলি পাঠ করিলে মনে হয়, পদকর্তার বংশী-বাদন-কলায় যথেষ্ট জ্ঞান ছিল । এই পদটি সম্বন্ধে অধ্যাপক মণীন্দ্রমোহন বসু বলেন—ইহা বংশীবাদন ও রাগলীলার প্রকারভেদ মাত্র ।

১। পূর্ণ।

১। বে-সুরো।

২। অমুপম।

কাকমালা মান

(সুহই)*

হলধর ভয়ে মালা নাহি পারে দিতে ।
ফিরিয়া আইল সখী করিয়া সঙ্কেতে ॥
হেনকালে আইল কাক খাচুদ্রব্য ব'লে ।
সেই হেতু নিল মালা ওষ্ঠে(১) করি তুলে ॥
আহার নাহিক হলো দিল ফেলাইয়া ।
পবনে দিলেক তাহা বেগে উড়াইয়া ॥
আগিয়া পড়িল ঠোঙ্গা চন্দ্রাবলী-ঘরে ।
খুলিয়া দেখিল মালা অতি মনোহরে ॥
সঙ্কেতে জানিয়া এথা খুঁজে শ্যামরায় ।
দেখিতে না পায় পুনঃ সাতলা খেলায় ॥
এথা সেই মালা লয়ে আনন্দে পুরিল ।
চন্দ্রা বেশ করি সেই মালা পরি এল ॥
রাইকে দেখিবার তরে এল তার পাশ ।
প্রশ্নেতে জানিল ভাল কহে চণ্ডীদাস ॥

সে শ্যাম নাগর জগৎ-দুর্লভ
কিসের অভাব তার ।
তোমা হেন কত কুলবতী গভী
দাসী হইয়াছে ষার ॥
তার চূড়া মেনে সুখেতে থাকুক
তাহে ময়ূরের পাখা ।
তোমা হেন কত কুলবতী গভী
দুয়ারে পাইবে দেখা ॥
অভিমानी হইয়া মোরে না কহিয়া
তেজিল আপন সুখে ।
আপনার শেল যতনে আপনি
হানিলি আপন কুকে ॥
মনের আগুনে মরহ পুড়িয়া
নিবাইবে আর কিসে ।
শ্যামজলধর আর না মিলিবে
কহে দ্বিজ চণ্ডীদাসে ॥

কলহাস্তুরিতা †

(ধানশী)

আসিয়া নাগর সম্মুখে দাঁড়াল
গলে পীতবাস লৈয়া ।
সে চাঁদ-বদনে ফিরি না চাহিল
তো বড়ি কঠিন গায়া(২) ॥

* এই পদটি আমরা পদকল্পতরুতে দেখিতে পাই না ।

† মান অস্ত্রে প্রিয়ের বিচ্ছেদ যে সূচন ।
অনুতাপে সেই কলহাস্তুরিতার লক্ষণ ॥ (ভক্তমাল)

১। ঠোঁটে। ২। মেয়ে।

(বিভাস)*

উহার নাম করো না নামে মোর নাহি কাজ ।
উনি করেছেন ধর্ম নষ্ট ভুবন ভরি লাজ ॥
উনি নাটের গুরু সেই উনি নাটের গুরু ।
উনি করেছেন কুলের বাহির নাচাইয়া তুরু ॥
এনে চন্দ্র হাতে দিলে যখন ছিল উঁহার কাজ ।
এখন উঁহার অনেক হলো আগরা পেলাম লাজ ॥
কহে বড়ু চণ্ডীদাস বাণুলী আদেশে ।
উঁহার সনে লেহ করে তহু হইল শেষে ॥

* এই পদটির ভাষা বড়ু চণ্ডীদাসের শ্রীকৃষ্ণকীর্তনের ভাষা হইতে একেবারেই ভিন্ন এবং আধুনিক বলিয়া মনে হয় ।

প্রবাস*

(ধানশী)

ললিতার কথা শুনি হাসি হাসি বিনোদিনী
কহিতে লাগিল ধনী রাই ।
আমারে ছাড়িয়া শ্রাম মধুপুরে যাইবেন
এ কথা ত কভু শুনি নাই ॥
হিয়ার মাঝারে মোর এ ঘর মন্দিরে গো
রতন পালঙ্ক বিছা(১) আছে ।
অনুরাগের তুলিকায় (২) বিছান হয়েছে তায়
শ্রামচাঁদ ঘুমায় রয়েছে ॥
তোমরা যে বল শ্রাম মধুপুরে যাইবেন
কোন্ পথে বধু পলাইবে ।
এ বুক চিরিয়া যবে বাহির করিয়া দিব
তবে শ্রাম মধুপুরে যাবে ॥
শুনিয়া রাইয়ের কথা ললিতা চম্পকলতা
মনে মনে ভাবিল বিস্ময় ।
চণ্ডীদাসের মনে হরষ হইল গো
ঘুচে গেল মাথুরের ভয় ॥

(ধানশী)

সখি রে মথুরা-মণ্ডলে গিয়া ।
আসি আসি বলি পুনঃ না আসিল
কুলিশ-পায়াণ হিয়া ॥
আসিবার আশে লিখিছু দিবসে
গোয়াইছু নখের ছন্দ(৩) ।
উঠিতে বসিতে পথে নিরখিতে
হু' আঁখি হইল অন্ধ ॥
এ ব্রহ্মমণ্ডলে কেহ কি না বলে
আসিবে কি নন্দলাল ?
মিছা পরিহার ত্যজিয়ে বিহার
রহিব কতক কাল ?
চণ্ডীদাস কহে মিছা আসা আশে
থাকিব কতক দিন ?
যে থাকে কপালে করি এককালে
মিটাইব আখর তিন ॥

* প্রবাস-লক্ষণ :—

“প্রেমসী ছাড়িয়া প্রিয় দূরদেশে যায় ।

তাহাকেই রীতি এই প্রবাস কহয় ॥”

১। পাতা আছে । ২। ভোষক ।

৩। লিখে লিখে নখ ক্ষয় হইয়া গিয়াছে ।

(সুহই)*

কাহ্নু-অঙ্গ পরশে শীতল হবে কবে ।
মদন-দহন-জ্বালা কবে সে ঘুচিবে ॥
বয়ানে বয়ান হরি কবে সে ধরিবে ?
বয়ানে বয়ান দিলে হিয়া জুড়াইবে ॥
করে ধরি পয়োধর কবে সে চাপিবে ?
দুঃখ-দশা ঘুচি(১) তবে সুখ উপজিবে
বাসুলী এমন দশা কবে সে করিবে ?
চণ্ডীদাসের মনোব্যথা কবে সে ঘুচিবে

(সিন্ধুড়া)

পিয়া গেল দূরদেশে হম অভাগিনী ।
শুনিতো না বাহিরায় এ পাপ পরাণী ॥
পরশে সোঙরি মোর সদা মন বুঝে ।
এমন গুণের নিধি জয়ে গেল পরে ॥
কাহারে কহিব সই আনি দিবে মোরে ।
রতন ছাড়িয়া গেল ফেলিয়া পাথারে ॥
গরল আনিয়া দেহ জ্বিহ্বার উপরে ।
ছাড়িব পরাণ মোর কি কাজ শরীরে ॥
চণ্ডীদাস কহে কেন এমতি করিবে ।
কাহ্নু সে প্রাণের নিধি আপনি মিলিবে ॥

(সুহই)

অগোর চন্দন চুষা দিব কার গায় ।
পিয়া বিছু হিয়া মোর ফাটিয়া যে যায় ॥
তাম্বুল কর্পূর আদি দিব কার মুখে ।
রজনী বঞ্চিব আমি কারে জয়া সুখে ॥
কার অঙ্গ পরশে শীতল হবে দেহা ।
কান্দিয়া গোঙাব কত না ছুটিল লেহা ॥
কোন্ দেশে গেল পিয়া মোরে পরিহরি ।
তুমি যদি বল সই বিষ খাইয়া মরি ॥
পিম্বার চুড়ার ফুল গলায় গাঁথিয়া ।
জ্বালাহ অনল সই মরিব পুড়িয়া ॥

* এই পদটি আমাদের নরোত্তম দাসের একটি পদের কথা স্মরণ করাইয়া দেয় ।

১। ঘুচিবে মনের দুঃখ—(পাঠান্তর) ।

সে গুণ সোঙরি মোর পাঁজর খসি যায় ।
দহনে দগধে মোর এ পাপ হিয়ায় ॥
তোমরা চলিয়া যাহ আপনার ঘরে ।
মরিব অনলে আমি যমুনার তীরে ॥
চণ্ডীদাসে বলে কেন কহ হেন কথা ।
শরীর ছাড়িলে প্রীতি রহিবেক কথা(১) ॥

(তুড়ি)

অকথ্য বেদনা সহি কহা নাহি(২) যায় ।
যে করে কাহুর নাম ধরে তার পায় ॥
পায়ে ধরি কান্দে তার চিকুর গড়ি যায় ।
সোনার পুতুলি যেন ধুলায় লুটায় ॥
পুছয়ে পিয়ার কথা ছল ছল আঁখি ।
তুমি কি দেখেছ কালা কহ না রে সখি ॥
চণ্ডীদাস কহে কান্দ কিসের লাগিয়া ।
সে কালা রয়েছে তোমার হৃদয়ে জাগিয়া(৩) ॥

(ধানশী)

কালি বলি কালা গেল মধুপুরে
সে কালের কত বাকি ?
যৌবন-সায়রে সরিতেছে ভাটা
তাহারে কেমনে রাখি ?
জোয়ারের পানী নারীর যৌবন
গেলে না ফিরিবে আর ।
জীবন থাকিলে বঁধুরে পাইব
যৌবন মিলন ভার ॥
যৌবনের গাছে না ফুটিতে ফুল
ভ্রমরা উড়িয়া গেল ।
এ ভরা যৌবন বিফলে গোঙানু
বঁধু ফিরে নাহি এল ॥
যাও সহচরি জানিয়া আসহ
বঁধুয়া আসে না আসে ।
নিঠুরের পাশ আমি যাই চলি
কহে দ্বিজ চণ্ডীদাসে ॥

(সিকুড়া)

সখি রে বরষা বহিয়া গেল বসন্ত আওল
ফুটল মাধবী লতা ।
কুহু কুহু করি কোকিল কুহরে
গুঞ্জরে ভ্রমরী যতা(৪) ॥

১। কোথা । ২। কহনে না (পাঠান্তর) ।
৩। জুড়িয়া । ৪। যত ।

আমার মাথার কেশ সুচারু অঙ্গের বেশ
গিয়া যদি মথুরা রছিল ।
ইহা নব যৌবন পরশ রতন ধন
কাচের সমান ভেল ॥
কোন্ সে নগরে নাগর রহল
নাগরী পাইয়া ভোর ।
কোন্ গুণবতী গুণেতে বেঁধেছে
লুবধ ভ্রমর মোর(১) ॥
যাও সহচরি মথুরা মণ্ডলে
বলিও আমার কথা ।
পিয়া এই দেশে আসে বা না আসে
জানিয়া আইস হেথা ॥
বিধুমুখী-বোলে সহচরী চলে
নিদ্রায় নিঠুর-পাশ ।
সহচরী গনে ভগ্নয়ে ভৎসয়ে
কবি বড় চণ্ডীদাস ॥

(কানাড়া)

সখি, কহিব কাহুর পায় ।
সে সুখ-সায়র দৈবে শুকায়ল
তিয়াসে(২) পরাণ যায় ॥
সখি, ধরবি কাহুর কর ।
আপনা বলিয়া বোল না তেজবি
মাগিয়া লইবি বর ॥
সখি, যতেক মনের সাধ ।
শয়নে স্বপনে করিহু ভাবনে
বিধি সে করিল বাদ ॥
সখি, হাম সে অবলা তায় ।
বিরহ-আগুন হৃদয়ে দ্বিগুণ
সহন নাহিক যায় ॥
সখি, বুঝিয়া কাহুর মন ।
যেমন করিলে আইসে(৩) কহিবে
দ্বিজ চণ্ডীদাস ভণ ॥

(বড়ারা)

ও-পারে বঁধুর ঘর বৈসে গুণনিধি ।
পাখী হয়ে উড়ে যেতে পাখা না দেয় বিধি
১। আমার লোভী ভ্রমর—শ্রীকৃষ্ণ ।
২। তৃষ্ণায় ।
৩। আইসে সে জন (পাঠান্তর) ।

যমুনাতে কাঁপ দিব না জানি সঁতার ।
 কলসে কলসে ছিঁচ না ঘুচে পাথার ॥
 মথুরার নাম শুনি প্রাণ কেমন করে ।
 সাধ করে বড়ই(১) গো কান্নু দেখিবারে ॥
 আর কি গোকুলচাঁদ না করিব কোলে ।
 হাতের পরশমণি হারাইলু হেলে ॥
 আগুনে দিই কাঁপ আগুন নিভায় ।
 পাষাণেতে দিই কোল পাষাণ নিলায়(২) ॥
 তরুতলে যাই যদি সেহ না দেয় ছায়া ।
 যার লাগি মুঁই সে হইল নিদয়া ॥
 কহে বড় চণ্ডীদাস বাণুলীর বরে ।
 ছটফট করে প্রাণ বঁধ নাহি ধরে ॥

(সুহই)

সখি কহিও তাহার পাশে ।
 যাহারে ছুঁইলে সিনান করিয়ে
 সে মোরে দেখিয়ে হাসে ॥
 কার শিরে হাত দিয়া ।
 কদম্বতলাতে কি কথা কহিলে
 যমুনার জল ছুঁয়া ॥
 মোর বৃন্দাবন আছে সাখী(৩) ।
 আর এক হয়, যদি মনে লয়
 কপোত নামেতে পাখী ॥
 এ কথা কহিও তারে ।
 সে গুণ বুঝিয়া যে জন মরিবে
 সে বধ লাগিবে তারে ॥
 দ্বিজ চণ্ডীদাসে ভণে ।
 যাহার লাগিয়ে যে জন মরয়ে
 সে তারে পাসরে(৪) কেনে ॥

১। বড়াই (পাঠাস্তর)

২। লীন হইয়া যায়। সাক্ষী।

৪। বিশ্বত হয়।

(বড়ারী)*

নিরবধি শ্যাম-ভাবনা মোর মনে ।
 শ্রীঅঙ্গ-সঙ্গম বিরলে চিস্তাই
 মরম-সখীর সনে ॥
 কদম্বতলায় বিনোদ নাগর
 তাহে চিত গেল বাঁধা ।
 মনমথ-জ্বরে হিয়া জ্বরজ্বর
 গুমরি কাঁদয়ে রাধা ॥
 কমল নয়নে কাজরে লেখা
 কালার মুরতি দেখি ।
 ভালে গো সিন্দুর আঁখি নিরখিয়া
 তাহার মুরতি পেখি ॥
 অসিত বরণ পরয়ে কখন
 করে কুবলয় দাম ।
 মণি মরকত মালায় সতত
 জপয়ে শ্যামের নাম ॥
 এমনি নিতি নিতি বঁধুর পিরীতি
 অবলা কতেক সয় ।
 কহে চণ্ডীদাস এমনি পিরীতি হৈলে
 তার গুণ তিন লোকে গায় ॥

(বড়ারী)

ধিক রহ কুলবতী কুল তেয়াগিয়া ।
 মরয়ে খলের সঙ্গে লেহ বাড়াইয়া ॥
 চিকণ চাঁচর কেশ বেশ খোয়াইয়া ।
 ধূলায় ধূসর কাঁদে নিশি পোহাইয়া ॥
 জাতি-কুলশীল দোষে আর গুরুজনা ।
 কাহারে না কহে সেই মরম-বেদনা ॥
 কে তোর মরমী আছে মরমে পশিয়া ।
 মরম-বেদনা তার লইবে বাঁটিয়া(১) ॥
 চণ্ডীদাসে কহে সেই বেদনা জানিয়া ।
 পিরীতি বেয়াধি রহে মরমে লাগিয়া ॥

* এই পদটি পদকল্পতরু পুস্তকে দেখিতে পাই।

১। ভাগ করিয়া।

মাথুর

(কাফি)

প্রভাত হইল সবাই জাগিল
 গুরুবিত(১) জনা ।
 গৃহকাজ যত সব সমাধিয়া
 আনা পথে আনাগোনা ॥
 গৃহমাবে গিয়া দেখি এল ধেন্না(২)
 শ্রামের চুড়ার মালা ।
 নীল অতসীর ফুল তাহে ছিল
 তা দেখি হইল জালা ॥
 আর কাল জাদ(৩) তা দেখি বিমাদ
 উঠিল বিরহ-আগি(৪) ।
 নয়ন অঞ্জন তখন(৫) মুছিল(৬)
 হইয়া বিরহ রাগি(৭) ॥
 খেনে শ্রামরায়(৮) পথ পানে চায়
 গৃহ-কাজে নাহি মন ।
 কখন হরষ কখন বিরস
 কি বলিতে কিবা কন ॥
 সময় হইল গোঠে যায় পাল
 মনেতে পড়িয়া গেল ।
 পুরুষ সঙ্কেতে(৯) করিতে বেকত
 তাহার লাগিয়া ভেল ॥
 কলরব শুনি রাই বিনোদিনী
 গবাক্ষে বদন দিয়া ।
 চণ্ডীদাস কহে কান্নু হেমমালা
 তুরিতে দেখহ গিয়া ॥

—

(ধানশী)

শ্রাম শুকপাখী সুন্দর নিখরি
 রাই ধরিল নয়ান-ফান্দে ।
 হৃদয়-পিঞ্জরে রাখিল সাদরে
 মনহি(১০) শিকলে বান্ধে ॥

তারে প্রেম-সুখা-নিধি দিয়ে ।

তারে পুষি পালি ধরাইল বুলি
 ডাকিত রাধা বলিয়ে ॥
 এখন হয়ে অবিশ্বাসী কাটিয়া আকুসি(১)
 পলায়ে এসেছে পুরে ।
 সন্ধান করিতে পাইলু শুনিতে
 কুন্ডা রেখেছে ধরে ॥
 আপনার ধন করিতে প্রার্থন
 রাই পাঠাইল মোরে ।
 চণ্ডীদাস দ্বিজে তব তজবিজে(২)
 পেতে পারে কি না পারে ॥

(জয়শ্রী)

শুন শুন শুন আমার বচন
 কহিছে মরম-সখী ।
 আঁখি আর কভু নাহও তাহার
 শুনহ কমলমুখি ॥
 রাই বলে বড় আছে ওই ভয়
 পরাণ না হয় স্থির ।
 মনের বেদনা বুঝে কোন্ জনা
 এ বুক মেলয়ে চির(৩) ॥
 স্বতন্ত্র লই গুরু পরিজনা
 তাহারে আছয়ে ডর ।
 যেন বেড়াঙ্গালে সফরী সলিলে
 তেমনি আমার ঘর ॥
 নহে(৪) বা শ্রামের অতি কুতূহলে
 হেরি ও বদন সদা ।
 সবার মাঝারে কুল-কলঙ্কিনী
 সব জন বলে রাধা ॥
 সে সব কলঙ্ক পরিবাদ যত
 সৌরভ(৫) করিয়া নিছু(৬) ।

গৌরবারিত । ২ । ধাইয়া ।

কাল জাদ—কালো রংএর গাত্রাবরণ বস্ত্র ।
 বিরহ-অগ্নি ।

প্রবল বিরহ জন্তু দুঃখে নয়ন হইতে অশ্রু

নির্গত হওয়ায় চোখের কজ্জল মুছিয়া গেল

৬ বুরুরে—(পাঠান্তর) ।

৭ শ্রামের বিরহ লাগি—(পাঠান্তর) ॥

৮ খেনে খেনে শ্রামপথ—(পাঠান্তর) ।

৯ পুরুষ সঙ্কেতে—(পাঠান্তর) ।

১০ মনোরূপ ।

১ । শিকলের কড়া যাহা দ্বারা পাখীর পা
 আবদ্ধ রাধা হয় । ২ । তজবিজে—বিচারে ।

৩ । আমার মনোবেদনার আধিক্য হেতু একরূপ
 হয় যেন বক্ষ বিদৌর্ণ হইতেছে ।

৪ । নহিলে শ্রামের—(পাঠান্তর) ।

৫ । আভরণ—(পাঠান্তর) ।

৬ । সকল কলঙ্ক ও নিন্দা অঙ্গের আভরণ
 করিয়া লইয়াছিলাম । সৌরভ যেমন লোক অঙ্গে
 সানন্দে লেপন করে তজ্রূপ ।

এত দিন যত, পাড়ার পড়শী
তাতে তিলাঞ্জলি দিহু(১) ॥
চণ্ডীদাস কহে সে শ্রাম তোমার
তুমি সে তাহার প্রিয়া ।
মিছাই(২) বচন লোকের শোচনা
আমি ভাল জানি ইহা ॥

(সুহই)

পিরীতি লাগিয়া দিহু পরাণ নিছনি ।
কানু বিনে দোসর দু'কানে না শুনি ॥
রূপ নিরখিয়া আরতি নাহি ছুটে(৩) ।
বোল কি বলিতে পারি যত উঠে চিতে ॥
মনোদুখে হৃদয়ে সদাই সোঙরিষে ।
কানু-পরসঙ্গ বিহু তিলেক না জীয়ে ॥
যাহার লাগিয়া আমি কাঁদি দিবারাতি ।
নিছিয়া লয়েছি(৪) তারে কুল-শীল জাতি(৫)
আর যত অভিমান(৬) দিহু বঁধুর পায় ।
বড়ু চণ্ডীদাস কহে যেবা যারে ভায় ॥

(সুহই)

সই মনে মোর এই ভয় উঠে* ।
শ্রাম বঁধুর পিরীতিখানি তিলে পাছে ছুটে ॥
গড়ন গড়িতে সই আছে কত জন ।
ভাঙ্কিলে গড়িতে পারে সে বড় সুজন ॥
এমন বঁধুরে মোর যে জন ভাঙ্কাবে ।
অবলা রাধার বধ তাহারে লাগিবে ॥
চণ্ডীদাস বলে রাধে ভাবিছ অনেক ।
তোমার পিরীতি বিনে না জীবে তিলেক ॥

১। মৃত ব্যক্তির উদ্দেশ্যেই তিলাঞ্জলি দেওয়া
বিধি, স্মতরাং পাড়া-প্রতিবেশী আমার নিকট মৃতের
শ্রায়, অর্থাৎ আমি কাহাকেও গ্রহ্য করি না ।

২। মিছাই রচন লোকের বচন—(পাঠাস্তর) ।

৩। কানুরূপ নিরখিয়া রতি নাহি ছুটে—
(পাঠাস্তর) ।

৪। করিয়া যেমতি—(পাঠাস্তর) ।

৫। কুল-শীল-জাতি ত্যাগ করিয়া তাহাকেই
শ্রেষ্ঠ বলিয়া বরণ করিয়া লইয়াছি ।

৬। অভিলাষ—(পাঠাস্তর) ।

*। এই পদের অনুরূপ আর একটি পদ আমরা
চণ্ডীদাসের পদাবলীতে পাই—এই ভয় মনে উঠে ।

(কাষোদ)

বাঁশীর নিঃস্বনকালে(১) সাক্কাইল(২) বিষম্বরে
এ অঙ্গ জলিয়া গেল মোর ।
কেবা করে প্রাণদান সেচয়ে বা কোন্ জন
তবে যায় এ দুখের ওর ॥
সই, হিয়া মোর কেন কাঁপে ।
নয়ানে ঝরয়ে নীর পরাণ না রহে স্থির
এই বাঁশীর মধুর আলাপে ॥
মিলাইছে শিলারাজি চকিত হইল শশী
মোর কাছে নাচিছে আসিয়া ।
নারীর যৌবন-ধন ভাতে তার আছে মন
তেঁই পুরে হাসিয়া হাসিয়া ॥
কহে দ্বিজ চণ্ডীদাসে শব্দ যায় আকাশে
মুনীন্দ্র মুরছি পড়ে যাতে ।
সে ধনি নারীর কানে হানয়ে মরমস্থানে
কেমনে সে ধরিবেক চিতে ॥

(ধানশী)

কালার লাগিয়া আমি হব বনবাসী ।
কাল নিলে জাতি-কুল প্রাণ নিলে বাঁশী ॥
তরল বাঁশের বাঁশী নামে বেড়াঞ্জাল ।
সংসারের সবার বাঁশী রাধার হৈল কাল ॥
মন মোর আর নাহি লাগে গৃহকাজে ।
নিশি দিশি কাঁদি আমি হাসি লোকলাজে ॥
ই রে সখি কি দারুণ বাঁশী ।
যাচিয়া যৌবন দিয়া হই শ্রামের দাসী ॥
অস্তুরে অগার বাঁশী বাহিরে সরল ।
পিবয়ে অধর-সুধা উগারে গরল ॥
যে ঝাড়ের তরল বাঁশী তার লাগি(৩) পাও ।
ডালে-মূলে উপাড়িয়া সাগরে ভাসাও ॥
দ্বিজ চণ্ডীদাস কহে বংশী কি করিবে ।
সকলের মূল কালা তারে না পারিবে ॥

(তুড়ি)

একা হাম হব বনবাসী ।
রামেরে ছাড়িয়া সীতা বনবাসী তেল গো
তেহ হাম মনে করিয়াছি ॥

১। নিঃস্বান কালে—(পাঠাস্তর) ।

২। সাক্কাইল—টুকিল ।

৩। নাগাল পাইলে অর্থাৎ ধরিতে পারিলে ।

কাননে রহিব একা না হবে কাহারে দেখা
 থাকি ধেন যোগীর ধোয়ানে ।
 তুলিয়া মূল আর ফল নবীন কুসুমদল
 এইগুলি রাখিব যতনে ॥
 তুলিয়া সিন্দুর-ভার(১) এ জটা ধরিব গার
 অমুরাগে ভ্রমিব কাননে ।
 তবে সে ঘুচিব তাপ এ দেহের অমুরাগ
 ইহা মেনে করিব যতনে ॥
 এ দুখে জীবাব নই(২) শুন গো মরমসই(৩)
 কি ছার গৃহের সাধ ।
 জানিল নিষ্ঠুর বড়ি সবাই রহিল ছাড়ি
 দিল পঁছ(৪) বহু বিসম্বাদ ॥
 শুনিয়া রাখার বাণী হেট মাথে গোরালিনী
 কহেন বচন কিছু ভাষ ।
 কহ কহ ধনী রাই পুরব শুনিয়ে তাই
 কহিতে লাগিলা চণ্ডীদাস ॥

(জয়শ্রী)

শুন গো সজনী সই ।
 কেমনে রহিব কাহু না দেখিয়া
 নিশি দিশি হেদে রোঁই(৫) ॥
 হের দেখ রূপ নয়ান ভরিয়া
 করেতে মোহন বাঁশী ।
 হাসিছে ঝরিছে মতিম মাণিক
 সুধা বারে কত রাশি ॥
 হেন মনে করি আঁচল চাপিয়া(৬)
 যতন করিয়া রাখি ।
 পাছে কোন জনে ডাকা-চুরী দিয়া(৭)
 পাছে লয়ে যায় সখী ॥
 এ রূপ-লাবণ্য কোথায় রাখিতে
 মোর পরতীত নাই(৮) ।
 হৃদয় বিদারি পরাণ যথায়
 সেখানে করেছি ঠাই ॥

সবার গোচর নাহি করে কত(১)
 রাখিব যতন করি ।
 পাছে সিঁদ দিয়া যবে যাই নিঁদ(২)
 কেহ বা করয়ে চুরি ॥
 চণ্ডীদাস বলে হেনক সম্পদ
 গোপনে রাখিয়া বটে ।
 আছে কত চোর তার নাহি ওর
 জানি সিঁদ দিয়া কাটে ॥

(কানাড়া)

হায় রে দারুণ বিধি ।
 ছাড়াইলে গুণনিধি ॥
 যে এত দিল তাপ ।
 তারে ধরু বহু পাপ ॥
 এত কি সহিতে পারি ।
 বিরহে এ তনু মরি ॥
 তিলেক দিবার সাধ ।
 এ সুখে দিলে কি বাদ ॥
 কবে পাব তার মেলি(৩) ।
 পুন সে করব রস-কেলি ॥
 আর কি হেরব নুগচন্দ্র ।
 ভাঙ্গব সকল বন্দ ॥
 পুন হরি মিলব মোর ।
 পিয়ারে করব নিজ কোড়(৪)
 পুন কি করব রাস কেলি ।
 নব নব গোপী হব মেলি ॥
 বাঁশী কি শুনব কানে ।
 যাব বৃন্দাবন পানে ॥
 ঘসিয়া চন্দনমালা ।
 কারে দিব আর গজা ॥
 বড়ু চণ্ডীদাস কয় ।
 তিলেক না কর ভয় ॥

(বালা ধানশী)

- ১। কপালের সিন্দুর তুলিয়া দিয়া ।
- ২। বাঁচিব না ।
- ৩। প্রাণের সখী ।
- ৪। প্রভু ।
- ৫। রোদন করি ।
- ৬। বাঁপিয়া—(পাঠান্তর) ।
- ৭। চুরী বা ডাকাতী করিয়া ।
- ৮। পরতীত—প্রত্যয় ।

বিরহ-জ্বরের
 রাইকে বেড়ি

- ১। নহে ত বেকত—(পাঠান্তর) ।
- ২। পাছে দিয়া সিঁদ যবে যাই নিঁদ—
 (পাঠান্তর) ।
- ৩। সজ ।
- ৪। কোড়

রাই মোর যেন কাঁচা সোনা ।
 ভূমে পড়ি গড়ি যাইছে যেন চাঁদের কণা ॥
 চমকি শ্যামের নামে রাই উঠে কত বেরি(১)
 ধলায় লোটার যেন সুগন্ধি কবরী(২) ॥
 কহিতে কহিতে চিতে হৈলা অচেতন ।
 রাই মূরছিত কান্দে আর সখীগণ ॥
 কহে কবি চণ্ডীদাস বিরহ-বেদন ।
 এমন বিরহে কেমনে রয়েছে জীবন ॥

(কাহুট)

ক্ষেণেক দাঁড়িয়ে দেখ ।
 হয় নয় ইহা বুঝা পরতীত
 কি আর রহায়ে রাখ(৩) ॥
 আনহ চন্দন কাষ্ঠ পরিমল
 ভালে সে মিলাহ চিতা ।
 মনের আনন্দে এ দেহ পোড়াই
 কি কহ তাহার কথা ॥
 এ কাজ যখন শ্রবণে শুনিল
 বেধিত কোন হি জনা ।
 রাই গলে ধরি অপার রোদন
 বেদন হানল রামা ॥
 তোমার এ অঙ্গ লাখ বাণ সোনা
 শ্রীমুখমণ্ডল-বিধু ।
 যার হাসি-রসে মণি কত হয়ে
 ঝরয়ে কতক মধু ॥
 এ অঙ্গদাহন কিসের কারণ
 শুনহ কিশোরী গোরী ।
 কোন শুভদিনে প্রসন্ন হইলে
 সো বর নাগর হরি ॥
 এ তনু রহিলে তনু তনু মিলে
 কোন দশা ফলে কত ।
 চেতন সমাধে শুন প্রিয় রাধে
 নিকটে মিলব প্রিয় ॥
 সে হেন রসিয়া রহিলা বসিয়া
 বিস্মিয়ে(৪) সব লেহা ।
 রাখা বলি যদি কভু কোন সাধে
 মনে পড়ে এই গেহা ॥

অনেক আরতি করিলা পিরীতি
 এ নব নায়রী(১) সনে ।
 নিকটে মিলব হেন মনে লসে
 দ্বিজ চণ্ডীদাস ভণে ॥

(ধানশী)

শুনি ধনী মূরছিত ভেলি ।
 সোঙরি(২) সে সুখরস-কেলি ॥
 পিয়া-গুণ ঝুরিতে ঝুরিতে(৩) ।
 পুলকিত ভেল হিয়া চিতে ॥
 পড়ল ধরণীতলে গৌরী ।
 মুছল লোর অতি ভোরি ॥
 সো পহ বিদগধ রায় ।
 মধুপুর রহল ছাপায়(৪) ॥
 এত কি সহিব কুলবালা ।
 এ অতি বিরহকি জ্বালা ॥
 কো(৫) নব নাগর সুজান ।
 ছোড়ল মোহ অবিধান ॥
 সব ভেল কুদজাক সঙ্গ ।
 তব ভেল সব সুখভঙ্গ ॥
 এ সখি তোরে বলি ব্যথা ।
 সাজাহ দারুণ অতি চিতা ॥
 এ দেহ করিব ছারখার ।
 কে এত সহিব জঞ্জাল ॥
 চণ্ডীদাস কহে পুন বোল ।
 নাগর মিলব আসি কোড় ॥

(ধানশী)

সখীর বচন শুনল সুন্দরি
 রাজার নন্দিনী ধনী ।
 মিলল নয়ান মুছল বয়ান
 কহে আধ আধ বাণী ॥
 সবার বচন যেন লাগে আসি
 গরল সমান মানি ।
 সেই সুনাগর বিনে নাহি আর
 কিছুই নাহিক জানি ॥

১ নব-নাগরী (নায়িকা) ।

২ সোঙরি—স্বরগ করিয়া ।

৩ ঝুরিতে ঝুরিতে—স্বতিপথে উদয় হইতে
 হইতে

৪ ছাপায়—আত্মগোপন করিয়া ।

৫ সো নব নাগর সনে—(পাঠান্তর) ।

১। বার ।

২। করবী—(পাঠান্তরে) ।

৩। রেখে ঢেকে রাখ ।

৪। বিস্ময়িয়া ।

মুখে দিয়া জল রাই উঠায়ল
 গৃহমাঝে নিল থুয়া ।
 সূচাকু পালকে রাই শুভায়ল(১)
 দুই চারি সখী লয়া ॥
 বসনের বায়ে(২) রাই-অঙ্ক তুষে
 কহেন মধুর বাণী ।
 তুরিতে মিলন সে নব নাগর
 আমি সে ভালই জানি ॥
 কেনে(৩) পরবাদ বিষম বিবাদ
 সে শ্রাম কতক দূর ।
 একজন গিয়া আনিব ডাকিয়া
 চণ্ডীদাস মন পূর ॥

(সুহই-নট)

সই কে যাবে মথুরাপুর ।
 এ হেন যাতনা তারে নিবেদিয়ে
 তবে পরিহর(৪) দূর ॥
 কেনে বা অবলা করিয়া বিকলা
 সেই সে আছয়ে ভাল ।
 বরজ-রমণী(৫) কুলের কামিনী
 তাহার পরাণ গেল ॥
 কে যাবে যাহত কাহুর সম্মুখে
 তারে দিব এই হার ।
 গজমতি ছড়া গাঁথুনি সুসারি
 গণনা নাহিক যার ॥
 এই হার তার গলায়ে পরাব
 কে এত আছয়ে হিত(৬) ।
 এক নবরামা কহে ধীরে ধীরে
 তোরে নিবেদিয়ে কিছু ॥
 অল্প কটাক্ষে গুপতে(৭) যাইতে
 কেহ সে লখিতে নারে ।
 দেখাই হইলে যাহাই কহিব
 যেবা সে অন্তরে আছে ॥
 সেই নবরামা করিল পয়াণ
 যেখানে রসিক-রায় ।
 চণ্ডীদাস বলে কাহু অশ্বেষণে
 তুরিত গমনে যায় ॥

- ১। শয়ন করাইল । ২। বাতাসে ।
 ৩। কোন—(পাঠান্তর) ।
 ৪। পরিহরি—(পাঠান্তর) ।
 ৫। ব্রজরমণী । ৬। হিতকারী । ৭। গুপ্তভাবে ।

(শ্রীরাগ)

বিরহ-কাতরা বিনোদিনী রাই
 পরাণে বাঁচে না বাঁচে ।
 নিদান(১) দেখিয়া আসিহু হেথায়
 কহিহু তোহারি কাছে ॥
 যদি দেখিবে তোমার প্যারী(২) ।
 চল এইক্ষণে রাধার শপথ
 আর না করি(৩) দেরি ॥
 কালিন্দী-পুলিনে কমলের শেষে
 রাখিয়া রাইএর দেহ ।
 কোন সখী অঙ্গে লিখে শ্রামনাম
 নিশ্বাস হেরয়ে কেহ ॥
 কেহ কহে তোর বধুয়া আসিল
 সে কথা শুনিয়া কানে ।
 মেলিয়া নয়ন চৌদিশ(৪) নেহারে
 দেখিয়া না সহে প্রাণে ॥
 যখন হইহু যমুনা পার
 দেখিহু সখীরা মেলি ।
 যমুনার জলে রাখে অন্তর্জলে
 রাই-দেহ হরি বলি ॥
 দেখিতে যতপি সাধ থাকে তব
 কাট চল ব্রজে যাই ।
 বলে চণ্ডীদাসে বিলম্ব হইলে
 আর না দেখিবে রাই ॥

(সুহই-সিন্ধুড়া)

হেদে গো স্বজনি সই তোমারে কিছুই কই
 এ দুখে জীবান নহে রাধা ।
 যে জন পরম বন্ধু সে দিল শোকের সিন্ধু
 ভাবিতে গুণিতে সেই লেহা ।
 বুঝিল আপন চিতে মরণ আইল নিতে
 আর কি রহিব পাপ দেহা ॥
 শুন গো সরম-সখি বড় পরমাদ দেখি
 এ তহু ত্যজিব আমি যবে ।
 কৃষ্ণের মালতী তথা সৈঁচি তাহে সর্সধা
 নিতি তাহা মার্জন করিবে ॥

- ১। শেষ অবস্থা ।
 ২। প্রিয়-কারিকা—শ্রীরাধা
 ৩। করিহ—(পাঠান্তর) ।
 ৪। চারি দিক ।

ভেজিব পরাণ যবে তোমা বই কেবা রবে(১)
 তোমরা ভাঙ্গহ রবির তাপে ।
 রাখিহ যতন করি জীতে না ভেটল হরি
 যেন পিয়া রাখি কোনরূপে ॥
 যা সনে পিরীতি করি তারে না দেখিলে মরি
 সে সকল দুখ বিসরিয়া ।
 কেমন ধরণ আর সে হিয়া পাষণ সার
 কেমনে বান্ধব সেই হিয়া ॥
 এই সব ধনী কহে কাতর বচন মোহে
 লোহে আগরল(২) দুই আঁখি ।
 দারুণ কঠিন প্রাণ এমন করয়ে কেন
 চণ্ডীদাস তাহে আছে সাগী(৩) ॥

(নটনারায়ণ)

বন্ধু কানাই তোমার চরিত এত দূর ।
 সে হেন কিশোরী রাধা তো বিমু হইয়া আধা
 তুমি কেনে এতক নিঠুর ॥
 চম্পক-বরণী ধনী লাখ বাণ হেম গণি
 সে রাধা মলিন মুখচাঁদে ।
 গিয়া নীপতরুমূলে লোটাঁইয়া ভূমিতলে
 নিশি দিশি পিয়া বলি কান্দে ॥
 খলিত নয়নজলে সে অঙ্গ ভাসিয়া চলে
 তিতে ভঙ্গ নীলের বসন ।
 খঞ্জন-নয়নী রাই কাঁদিয়া আকুল তাই
 দেখি যেন অরুণ-বরণ(৪) ॥
 জীয়ে কি না জীয়ে রাই কহিল তোমার ঠাই
 পরদশা আসি উপজিল ।
 বড়ই কঠিন দেখি শুনহ কমল-আঁখি
 তুরিত গমনে তুমি চল ॥
 আছে যদি রাই-এ কাজ তুরিতে সেখানে সাজ
 দেখ গিয়া ধনী বিরহিণী ।
 তুম্বা দরশন আশে তেঁই সে পরাণ আছে
 চণ্ডীদাস ভালমতে জানি ॥

(কানাড়া)

তুমি হে নিদয়া বড়ি ।
 সে নব নাগরী প্রেমের লহরী
 কেমনে রয়েছ ছাড়ি ॥

১। তোমাতেই বিমু রত—(পাঠান্তর) ।

২। অর্গলিত করিল—রুদ্ধ করিল ।

৩। সাগী । ৪। ক্রন্দন করিয়া চক্ষু
 রক্তবর্ণ হইয়াছে ।

নিশি দিশি রাধা কাঁদিয়া বিকল
 নয়ানে নাহিক ঘুম ।
 কারে কিছু ধনী না কহে উত্তর
 তিলেক হয়েছে ভ্রম ॥
 বদন উপর কর আচ্ছাদিয়া
 লোরেতে ভরিয়া আঁখি ।
 অঙ্গের বসন তিতল সকল
 আবেশে যে চক্ষুমুখী ॥
 গিয়া তরুণেরে কদম্ব কুহরে
 বসিয়া নবীন রাই ।
 তা দেখি বিষাদ বাড়িল অন্তর
 বিফলে কান্দিয়ে তাই ॥
 অঙ্গ জল কিছু না চলয়ে তার
 সদাই তুহারি ধ্যান ।
 প্রিয়া প্রিয়া বলি কথা রসকেলি
 ক্ষেণে ক্ষেণে হয় জ্ঞান ॥
 যদি বা তুরিত করহ গমন
 তবে সে মানিয়ে ভাল ।
 এ কথা শুনিতে রসময় কান
 বিরহে হইল ঢল ॥
 চণ্ডীদাস বলে শুন সুনাগর
 ঐছন দেখিল রাধা ।
 তোমার বিরহ সে নব কিশোরী
 সোনার বরণ আধা ॥ '

(সুহিনী)

ওহে ও কুবুজার বন্ধু(১) ।
 পাগরেছ রাই-মুখ-ইন্দু ॥
 ওহে ও পাগধারী ।
 পাগরেছ নবীন কিশোরী ॥
 রাই পাঠাইল মোরে ।
 দাসখত দেখাবার তরে ॥
 যাতে মোরা আছি সাখী ।
 পদতলে নাম দিলে লেখি ॥
 তুমি ব্রজে যাবে যবে ।
 করতালি বাজাইব সবে ॥
 ষিঙ্গ চণ্ডীদাস ভণে ।
 গালি দিব যত আছে মনে ॥

১। সখীরা শ্রীকৃষ্ণকে শ্রীরাধিকার বঁধু ভিন্ন
 জানিতেন না, মথুরাতে শ্রীকৃষ্ণ কুবুজাকে রাণী
 করিয়াছেন দেখিয়া সখী শ্বেষপূর্বক কুবুজার বঁধু
 বলিয়া সম্বোধন করিতেছেন ।

(শ্রীরাগ)

ধিক্ ধিক্ ধিক্ নিঠুর কালিয়া
কে তোরে এ বুদ্ধি দিল ।
কেবা সেধেছিল পিরীতি করিতে
মনে যদি এত ছিল ॥
ধিক্ ধিক্ ধিক্ নিঠুর কালিয়া
লাজের নাহিক লেশ ।
এক দেশে এলি অনল জালায়ে
জালাইতে আর দেশ ॥

জনম অবধি কালিয়া বদন
না ধুলি লাজের ঘাটে হে ।
ব্রজ-গোপী-হ'তে মথুরা নাগরী
কত রূপে গুণে বটে হে ॥
কিংবা কুবুজা নামে কুবুজিনী
তেঞি সে লেগেছে মনে ।
আপনি যেমন ত্রিভঙ্গ মুবারি
বিধি মিলাইছে জেনে ॥
কিংবা কুবুজা গুণে গুণবতী
গুণেতে করেছে বশ ।
পিরীতি সুখের কি জানে মজিতে
কিবা সে রেখেছে যশ ॥
যতেক তোমার পিরীতি করুক
তেমন পিরীতি হবে না ।
রাধানাথ বিনে কুবুজার নাথ
কেহ ত তোমারে কবে না ॥
কি আর কহিব মনের বেদনা
কহিতে যে দুখ পায় ।
চণ্ডীদাস কহে কহিতে বেদনা
পরান ফাটিয়া যায় ॥

(শ্রীরাগ)

ধিক্ ধিক্ ধিক্ তোরে রে কালিয়া
কে তোরে কুবুদ্ধি দিল ।
কেবা সেধেছিল পিরীতি করিতে
মনে যদি এত ছিল ॥
ধিক্ ধিক্ বঁধু লাজ নাহি বাস
না জান লেহের(১) লেশ ।
এক দেশে এলি অনল জালায়ে
জালাইতে আর দেশ ॥

১। পিরীতির—স্নেহের ।

অগাধ জলের মকর যেমন
না জানে মিঠা কি তিত ।
সুরস পায়স চিনি পরিহরি
চিটাতে(১) আদর এত ॥
চণ্ডীদাস ভণে মনের বেদনে
কহিতে পরান ফাটে ।
(তোমার) সোনার প্রতিমা ধুলায় গড়াগড়ি
কুবুজা বসিল খাটে ॥

(বেলাবলী)

রাইএর দশা সখীর মুখে ।
শুনিয়া নাগর মনের দুখে ॥
নয়নের জলে বহয়ে নদী ।
চাহিতে চাহিতে হরল সুধী (২) ॥
অর(৩) যতনে ধৈর্য ধরি ।
বরজ(৪)গমন ইচ্ছিল হরি ॥
আগে আশ্রয়ান করিয়া তার ।
সখী পাঠাওল কহিয়া গার ॥
এখন আসিছি(৫) মথুরা হৈতে ।
ইথে আন ভাব না ভাব চিতে ॥
অধিক উল্লাসে সখিনী ধায় ।
বড় চণ্ডীদাস তাহাই গায় ॥

(সুহা-বেলওয়ার)

সখীর বচন শুনিতে নাগর
বিস্মিত হইলা বড়ি ।
যেমন দারুণ শেল পশি হৃদে
তেমনি নিশ্বাস ছাড়ি ॥
ব্যাকুল বিরহ বচনস্বরূপ
চকিতে নমন চায় ।
ব্যথাটি পাইয়া সে নব নাগর
করণ-নয়নে চায় ॥
সখীমুখপানে চাহি কহে বাণী
রসিয়া নাগর কান ।
পুন পুন কহ রাধার সংবাদ
শুনিতে শুনিয়ে আন ॥

- ১। নিকৃষ্টশ্রেণীর গুড়—যাহাতে তামাক মাখা হয় ।
২। হরল সুধী—সুধী, জ্ঞান, জ্ঞান হরল, মুচ্ছিত হইল ।
৩। অনেক যতনে—(পাঠাস্তর) ।
৪। বরজ—ব্রজধাম ।
৫। আসিছো—(পাঠাস্তর) ।

সখী পুন কহে আঁখি ভরি লোহে
 মোহেতে(১) আকুল হয়ে ।
 সে নব কিশোরী তোমার বিরহে
 আছেন মুচ্ছিত হয়ে ॥
 তোমার সঙ্কেত মাধবী দেখিয়া
 সেখানে নিদান রাই ।
 সস্থিত না হয়ে মুদিত নয়ানে
 দেখিয়া আইলু তাই ॥
 মুখে বারি চারি(২) গাগরি গাগরি
 নাহিক চেতনা রাধা ।
 দেখিয়ে বিষম বৃষ্টিয়ে মরম
 যে কর মেনেতে সাধা ॥
 তুরিত গমন করহ এখন
 যদি বা দেখিবা এস ।
 চণ্ডীদাস পুন আইলা তুরিতে
 শ্রাম সুনাগর পাশ ॥

(শ্রী)

এ কথা শুনিয়া নাগর-শেখর
 গদগদ ভেল তনু ।
 কমল-নয়ন ধারা বরিখয়ে
 মুগধ হল কাহু ॥
 পীত বসন ধরিয়া সঘন
 মুহুত নয়ন-লোর ।
 দশমী দশাব শেষ রব শুনি
 তাহাই হইল ভোর ॥
 শুনহ স্বজন কহিতে কি হুয়ে
 যেমন(৩) দেখিলে রাধা ।
 নিশ্চয় কহিবে আছে কি বাঁচিয়া
 আমার সে তনু আধা ॥
 সে নব কিশোরী তারে কি পাসরি
 হৃদয়ে আছয়ে জাগি ।
 সে হেন পিরীতি করিতে না পেয়ে
 সদাই উঠিছে আগি ॥
 যারে না দেখিলে তিলেক না জায়ে
 হিয়া বিদরিয়া মরি ।
 দেখিলে জুড়াই সে মুখ-মণ্ডল
 কহিল মরম ভোরি ॥

রাধার কারণ গোঠে মাঠে ঘাটে
 চরাই ধেমুর পাল ।
 পথের মাঝারে কদম্বতলাতে
 দান সিরঞ্জিল ভাল ॥
 মধুর মুরলী করিয়া অঙ্গুলী
 বদনে মিশায়ে ভালি ।
 আনের রসালে(১) ফুঁকিয়ে রসালে
 সদা রাধা রাধা বলি ॥
 সে নব নাগরী কেমনে পাসরি
 শুনহ বচন মোর ।
 চণ্ডীদাস কহে তুরিত গমন
 নহে বা হইবে ভোর ॥

(বেলাবলি)

দেখিয়া রাধার দশা উপজিল
 উঠিল বিরহজ্বালা ।
 দশমী দশার এ সব লক্ষণ
 দেখিয়ে বিষম বালা ॥
 কোন নবরাম' কহে রাধা-পাশে
 রথ আরোহণে শ্রাম ।
 গোকুল প্রবেশি আঁওল তুরিতে
 শুনি কিছু হুয়ে জ্ঞান ॥
 চমকি চমকি মিলিত নয়ন
 চাহেন সদয় গোরী ।
 করে কর ধরি কোন নবরামা
 মুখেতে চারয়ে বারি ॥
 ক্ষেণেক চেতন পাইল কিশোরী
 চকিত নয়নে চায় ।
 সোনার পুতলি যেন গড়ি যায়
 ঐছন দেখিয়ে প্রায় ॥
 ঐছন অবনৌ উপরে ফুটল
 কনক-কমল প্রায় ।
 কাহুর বিরহে সে গুণ সুন্দরী
 ধুলাতে ধুসর কায় ॥
 শীতল চামর চারি কোন রামা
 মলয়-চন্দন দিয়া ।
 শীতল পাখার বাতাস করয়ে
 কোন নবরামা গিয়া ॥

১। মিশালে—(পাঠান্তর)

১। শোকোত্তে—(পাঠান্তর) ।

২। চাণিয়া ।

৩। কেমন (পাঠান্তর)

তাহে বাড়ে জ্বালা বিরহ-বেদন
 ছতাশ উঠয়ে দুহু(১) ।
 অন্ধের চন্দন যে ছিল লেপন
 তাহা শুকাইল তম্বু ॥
 বিরহ-আগুন হিয়ার ভিতরে
 কি করে মলয়-রাজে ।
 চণ্ডীদাস বলে কে এত জানব
 যে জন এ রসে মজে ॥

(ধানশী)

সই, জানি কু-দিন সু-দিন ভেল ।
 মাধব মন্দিরে তুরিতে আওব
 কপাল কহিয়া গেল ॥ ৩ ॥
 চিকুর ফুরিছে বসন খসিছে
 পুলক যৌবন-ভার ।
 বাম অঙ্গ আঁখি সঘনে নাচিছে
 ছলিছে হিয়ার হার ॥
 প্রভাত-সময়ে কাক কোলাকুলি
 আহাৰ বাঁটিয়া খায় ।
 পিয়া আসিবার নাম সুধাইতে
 উড়িয়া বসিল তায় ॥
 মুখের তাম্বুল খসিয়া পড়িছে
 দেবের মাথার কুল ।
 চণ্ডীদাস কহে সব সুলক্ষণ
 বিধি ভেল অমুকুল ॥

(কামোদ)

বঁধু কি আর বলিব আমি ।
 তোমা হেন ধন অমূল্য রতন
 তোমার তুলনা তুমি ॥
 তুমি বিদগধ গুণের সাগর
 রূপের নাহিক সীমা ।
 গুণে গুণবতী বেঁধেছে পিরৌতি
 অখল ব্রজের রামা ॥
 জাতিকুল দিয়া আপনা নিছিয়া
 শরণ লইয়াছি ।
 যে কর সে কর তোমার বড়াই
 এ দেহ সঁপিয়াছি ॥

১। দ্বিগুণ ।

আনের অনেক আছে কত জন
 রাখার কেবল তুমি ।
 ও দুটি চরণ শীতল দেখিয়া
 শরণ লইলু আমি ॥
 চণ্ডীদাস বলে শুন সুনাগর
 রাখারে না হও বাম ।
 লোকমুখে শুনি তোমার মহিমা
 সবল পঞ্চর নাম ॥

(গড়া)

বঁধু তুমি নিদারুণ নয় ।
 তোমার কারণে এত পরমাদ
 নিশ্চয় কহিলাম কয়ে ॥
 বেদন কহিব কহিতে কহিতে
 দ্বিগুণ উঠয়ে দুখ ।
 যেমন আমার ফাটিয়া পড়য়ে
 এমতি করয়ে বৃক ॥
 যদি কোনখানে কাঁদি লোকস্থানে
 শাশুড়ী ননদী তারা ।
 শ্রামনাম বলি কান্দে কলঙ্কিনী
 এমতি তাহার ধারা ॥
 হেন করে মন শুন কু-বচন
 গরল ভথিয়া মরি ।
 আর নাহি দায় শুন শ্রামরায়
 তোমারে ছাড়িতে নারি ॥
 তোমা হেন ধন ছাড়িব কেমনে
 তোমা করে দিয়া যাব ।
 চণ্ডীদাস কহে শুন বিনোদিনি
 আর কোথা গেলে পাব ॥

(রামকেলি)

বঁধু ছাড়িয়া না দিব তোরে ।
 মরম যেখানে রাখিব সেখানে
 হেন মোর মনে করে ॥
 লোক হাসি হউ যায় জাতি যাউ
 তবু না ছাড়িয়া দিব ।
 তুমি গেলে যদি শুন গুণনিধি
 আর কোথা তুষা পাব ॥
 আঁখি পালটিতে নাহি পরতীতে
 খুইতে সোয়াস্তি নাই ।
 এখন মরণ- দশা ।
 জুড়াব কোন বা ঠাই ॥

কাহাবে কহিব কেবা পিত্যায়িব(১)
আমার যাতনা মত ।
তোমার কারণে এতেক সহিয়ে
নহে পরমার হত ॥
রাধার বচন শুনি সুনাগর
গদগদ ভেলা দেহা ।
আমি সে তোমার প্রেমে আছি বশ
মরমে বেঁধেছি লেহা ॥
চণ্ডীদাস কয় হুঁহ এক হয়
ইহার না হয় ভিন্ন(২) ।
বিধি সে বসিয়া হুঁহ মিশাইয়া
গড়ল একই তনু ॥

(কামোদ)

ঈশৎ হাসিয়ে রাই পানে চেয়ে
কহে বিনোদিয়া কান ।
তোমার মহিমা চাতুরী ভঙ্গিমা
ইহা কে জানয়ে আন ॥
পরম দুর্লভ আনন্দ কৈশোর
নবীন কিশোরী রাধা ।
হিয়ায়ে হিয়ায়ে মরমে মরমে
সদাই আছয়ে বাধা ॥
তোমার কারণে নন্দের ভবনে
রাখিয়ে ধেনুর পাল ।
গোলোক ভেঞ্জিয়া গোকুলে বসতি
ইহাই জানিবে ভাল ॥
তোমার নামের মধুর মাধুরী
নিরবধি করি গান ।
রাধা বিনে সব সুখের বৈভব
মনেতে নাহিক আন ॥
শ্রামের বচন শুনি চণ্ডীদাস
আনন্দে ভাসেন কতি(৩) ।
এ রস-চাতুরী কি বা সে বুঝিব
কার আর আছে এত গতি ॥

(সুহই)

বধু কি আর বলিব তোরে ।
অলপ বয়সে পিরীতি করিয়া
রহিতে না দিলি ঘরে ॥

১। প্রত্যয় করিবে ।

২। ভিন্ন ।

৩। তথি—(পাঠান্তর) ।

কামনা করিয়া সাগরে মরিব
সাধিব মনের সাধা ।
মরিয়া হইব শ্রীনন্দের নন্দন
তোমারে করিব রাধা ॥
পিরীতি করিয়া ছাড়িয়া যাইব
রহিব কদম্বতলে ।
ত্রিভঙ্গ হইয়া মুরলী বাজাব
যখন যাইবে জলে ॥
মুরলী শুনিয়া মোহিত হইয়া
সহজ কুলের বালা ।
চণ্ডীদাস কয় তখনি জানিবে
পিরীতি কেমন জালা ॥

(সুহই)

অনেক সাধের পরাণ-বঁধুয়া
নয়ানে লুকায়ে ধোব ।
প্রেম-চিন্তামণির শোভা গাঁথিয়া
হিয়ার মাঝারে লব ॥
তুমি হেন ধন দিয়াছি যৌবন
কিনেছি বিশাখা জানে ।
কিবা(১) ধনে আর অধিকার কার
এ বড় গৌরব মনে ॥
বাড়িতে বাড়িতে ফল না বাড়িতে
গগনে চড়ালে মোরে ।
গগন হইতে ভূমে না ফেলাও
এই নিবেদন তোরে ॥
এই নিবেদন গলায় বসন
দিয়া কহি শ্রাম-পায় ।
চণ্ডীদাস কয় জীবনে মরণে
না ঠেলিবে রাজা পায় ॥

(ধানশী)

রাই কহে শুন কে জানে পিরীতি
আরতি রসের লেহ ।
আন কেবা জানে রসের মাধুরী
বুঝিতে পারয়ে কেহ ॥
পিরীতি আখরে যে জন পুরিত
কিছু কিছু জানে সেহ ।
রসের রসিক রসে আরোপিত
সেই সে জানয়ে সেহ ॥

১। কিনা—(পাঠান্তর) ।

কোন কুলরামা পিরীতি না জানে
সে জন আছয়ে ভাল ।
মুই সে পিরীতি করিয়া পশিহু
এ দেহ হইল কাল ॥
কার(১) মন চিতে ও রাঙা চরণে
শরণ লয়েছে রাধা ।
এ হেন সুখের ঘব বান্ধিয়াছি
তাহা কেন কর বাধা ॥
অনেক যতনে পিরীতি রতন
ভাঙ্কিতে তিলেক পারি ।
গড়িতে বিষম অতিশয় শ্রম
শুনহ প্রাণের হরি ॥
চণ্ডীদাস বলে এমন পিরীতি
শুনিতে অগৎ বশ ।
দৌহে সে জানয়ে দৌহার তনু
আন কে জানয়ে রস ॥

(সুহই)

পুছে পুন পুন কহত সঘন
সে বর-নাগর-গুণ ।
পুলক হৃদয় দুখ দূরে গেল
কহে রসময় পুন ॥
কেমন গোপের রমণী যতেক
কেমন বালক সখা ।
কেমন আছেন সে নন্দ যশোদা
পুন সে নাহি দেখা ॥
কেমন নগর চাতর(২) বাজার
কেমন আছয়ে রীতি ।
সে হেন যমুনা- পুলিন কানন
পুরবাসিগণ যতি ॥

১। কায়—(পাঠান্তর) ।

২। চত্বর—গৃহের প্রাঙ্গণ—আজিনা, উঠান ।

কহ সেই বলি বচন উত্তর
শুনিতে পিয়ার বাণী ।
কি আর কহিব সুধাইয়া দেখ
চণ্ডীদাস ভালে জানি ॥

(সুহই)

কেশপাশ দিয়া চরণ মুছায়ে
বিচিত্র পালঙ্কে লই ।
আত সুবাসিত বাবি ঢালি রাধা
ধোয়ল চরণ দুই ॥
মৃগমদ ভরি চন্দন-কটোরি(১)
অগোর তিমির তায় ।
মনের মানসে সুনাগরা রাধা
লোপিলে শ্রামের গায় ॥
নানা ফুলদাম অতি সুশোভন
গলে পরাইল রাধা ।
রূপ নিরীক্ষণ করে ধন ঘন
তিলেক নাহিক বাধা ॥
কানুর শ্রীমুখ যেন শশধর
যেমন পুর্ণিমার শশা ।
রাই সে চকোর পাই নিরস্তর
পিবই অবশ রাশি ॥
চণ্ডীদাস কহে হেন মনে করি
শুনহ কিশোরী রাধে ।
মনের মানসে পাশ আস দিয়া
ছুটি করে যেন বাঞ্চে ॥

১। চন্দনের বাটি ।

ভাব-সম্মিলন

(বেলাবেলি)

নন্দের নন্দন চতুর কান ।
মিলিল আসিয়া হৃদয়ে জ্ঞান ॥
যাহার যেমত পিরীতি গাঢ়া ।
তাহারে তেমতি করিলা বাঢ়া ॥
মথুরা হৈতে এখনি হরি ।
আইল বলিয়া শব্দ করি ॥
আপন ঘরে আপনি গেলা ।
পিতা মাতা জন্ম পরাণ পাইলা ॥
কোলেতে করিয়া নয়ন-জলে ।
সেচন করিয়া কাঁদিয়া বলে ॥
আর দূরদেশে না যাবে তুমি ।
বাহির আর না করিব আমি ॥
এত বলি কত দেওল চুষ ।
বারে বারে দেখে মুখারবিন্দ ॥
ঐছন মিলল সকল সখা ।
আর কত জন কে করু লেখা ॥
খাওয়াইয়া পিয়াইয়া শোয়াল ঘরে ।
ঘুমাক বলিয়া যতন করে ॥
তখন বুঝিয়া সময় পুন ।
আঁওল যমুনা-তীরক বন ॥
রাইয়ের নিকটে পাঠাইলা দূতী ।
বড় চণ্ডীদাস কহয়ে সতি ॥

(মল্লার)

সই কি আর বলিব তোরে ।
অনেক পুণ্যফলে সে হেন বধুয়া
আসিয়া মিলল মোরে ॥
এ ঘোর রজনী মেঘঘটা বঁধু
কেমনে আইল বাটে ।
আদিনার কোণে বঁধুয়া তিতিছে(১)
দেখিয়া পরাণ ফাটে ॥
ঘরে গুরুজন ননদী দারুণ(২)
বিলম্বে বাহির হৈমু ।
আহা মরি মরি সঙ্কেত করিয়া
কত না যন্ত্রণা দিমু ॥

১। তিতিতেছে ।

২। নহি স্বতন্ত্র গুরুজনা ডর—(পাঠান্তর)

বঁধুর পিরীতি আদর দেখিতে
মোর মনে হেন করে ।
বলঙ্কের ডালি(১) মাথায় করিয়া
আনল তেজাই ঘরে ॥
আপনার দুখ সুখ করি মানে
আমার দুখেতে দুখী ।
চণ্ডীদাস কহে কাহুর পিরীতি
শুনিতে জগৎ সুখী ॥

(বড়ারি)

সই হের না দেখহসিয় (২) ।
আমার নাগর রসের সাগর
করেতে মূলী লয়া ॥
ঐ যায় কাহু রাম-বামপাশে
সুবলের কর ধরি ।
রাই সুনাগরী মরম সখীরে
দেখান অঙ্গুলী ঠারি ॥
বিনোদ চুড়াটি বালমল করে
বেড়িয়া কুসুমদাম ।
তার মাঝে মাঝে মুকুতা ছ'গরি
সাজে অতি অমুপাম ॥
ময়ূর-শিখণ্ড বিনি বায়ে(৩) হেদে(৪)
হেলন-দোলন করে ।
তা দেখে মো মেনে(৫) নয়ান-চকোর
পিতে চাহে সুধাকরে ॥
কিবা ভুরু দুই নয়ান নাচনি
কটাফ ভঙ্গিম চায় ।
চপল পরাণে স্থির নাহি মানে
সদা মন আছে তায় ॥
চণ্ডীদাস হেরি মোহিত হইল
নটবর বেশ দেখি ।
হেন মনে করি রূপের মাধুরী
সদাই দেখিয়া থাকি ॥

১। ডালা ।

২। আসিয়া দেখহ ।

৩। বিনা বাতাসে ।

৪। হেলে—(পাঠান্তর) ।

৫। আমার মনে ।

(কামোদ)

মল্লিকা মালতী আর জাতি যুথী
সাজাইছে ধরে ধরে ।
আজ রচয়ে বাসক শেষ(১) ।
মুনিগণ-চিত হেরি মুরছিত
কন্দর্পের ঘুচে তেজ ॥
ফুলের আবির ফুলের প্রাচীর
ফুলের হইল ঘর ।
ফুলের বালিস আলিস কারণ
প্রতি ফুলে ফুলশর ॥
শুক পিক দ্বারী মদন প্রহরী
ভ্রমর ঝঞ্ঝারে ভায় ।
ছয় ঋতু মত্ত সছিত বসন্ত
মলয় পবন বাব ॥
উজ্জ্বল রাত্রি(২) মণিময় বাতি
কপূর তাম্বুল বারি ।
চণ্ডীদাস ভণে রাখি স্থানে স্থানে
শয়ন করিল গোরী(৩) ॥

(সুহই)

বিরলে বসিয়া আছিল শুতিয়া
শুন গো পরাণ-সখি ।
নিশিতে আগিয়া দিল দরশন
কমল নয়ান-আঁখি ॥
পেয়ে বহু ধন অমূল্য রতন
থুইতে নাহিক ঠাই ।
কোন্‌খানে খোদ সে হেন সম্পদ
মোর পরতীত(৪) নাই ॥
যত ছিল তাপ দূরে গেল পাপ
বিরহ-বেদনা যতি(৫) ।
রাখে পেয়ে ধন আমার তেমন
ইহা না রাখিব কতি(৬) ॥
আজি নিশি দিন ভেল শুভক্ষণ
বঁধুয়া মিলল কোলে ।
হাসি বিনোদিনী কহে আধ বাণী
হাসিয়া হাসিয়া বলে ॥

১। বাসর-শয্যা ।

২। উজ্জ্বল রাত্রি ।

৩। গোরী—রাধিকা ।

৪। পরতীত—বিশ্বাস ।

৫। যতি—যথায় ।

৬। কতি—কোথায় ।

না পাই কহিতে বিরল হইয়া
মনে মোর যত আছে ।
চণ্ডীদাস কহে আগি প্রিয়া মোরে
সে কথা কহিবে পাছে ॥

(সুহই)

কিয়ে শুভ দরশনে উলসিত লোচনে
ছুঁছ দৌহা হেরি মুখ-ছান্দে ।
তৃষিত চাতক নব জলধরে মিলল
ভুখিল চকোর চান্দে ॥
আধ নয়ানে ছুঁছ রূপ নিহারই
চাহনি আনহি ভাতি ।
রসের আবেশে ছুঁছ অঙ্গ হেলাহেলি
বিছুরল প্রেম-সাজাতি(১) ॥
শ্যাম সুখময় দেহ গোরী-পরশে সেহ
মিলায়ল যেন কাঁচা ননী ।
রাই তমু ধরিতে নারে আলাইল আনন্দভরে
শিরীষ-কুমুম কমলিনী ॥
অতসী-কুমুম সম সম শ্যাম সুনাগর
নায়রী চম্পক-গোর ।
নব জলধরে জমু চাঁদ আগোরল(২)
ঐছে রহল শ্যাম-কোর ॥
বিগলিত কেশ কুস্তল শিখি-চম্পক
বিগলিত নিতল নিচোল ।
ছুঁছক প্রেমরসে ভাসল নিধুবন
উছলল প্রেম-হিলোল ॥
চণ্ডীদাস কহে ছুঁছ রূপ নিরখিতে
বিছুরিল ইহ পরকাল ।
শ্যাম সুঘড়বর(৩) সুন্দর রসরাজ
সুন্দরী মিলই রসাল ॥

(সুহই)

শতক বরষ পরে বঁধুয়া মিলল ঘরে
রাধিকার অন্তরে উল্লাস ।
হারানিধি পাইলু বলি লইয়া হৃদয়ে তুলি
রাখিতে না সহে অবকাশ ॥

১। বন্ধুযুগলের প্রেম যুগপৎ বিকাশিত হইল ।

২। ঢাকিল ।

৩। সুগঠন ।

মিলল হুঁহু তম্বু কিবা অপক্লপ ।
 চকোর পাইল চাঁদ পাতিয়া পিরীতি-ফাদ
 কমলিনী পাওল মধুপ ॥
 রসভরে হুঁহু তম্বু খর খর কাঁপই
 কাঁপই হুঁহু দৌহা আবেশে ভোর ।
 হুঁহুক মিলনে আজি নিভাওল আনল
 পাওল বিরহক ওর ॥
 রতন-পালঙ্ক-পর বৈঠল হুঁহু জন
 হুঁহু মুখ হেরই হুঁহু আনন্দে ।
 হরষ-সলিল-ভরে হেরই না পারই
 অনিমিষে রহল ধন্দে ॥
 আজি মলয়ানিল মৃদু মৃদু বহত
 নিঃসল চাঁদ প্রকাশ(১) ।
 ভাবভরে গদগদ চামর চুলায়ত
 পাশে রহি চণ্ডীদাস ॥

(সুহই)

ভাবোন্মাদে ধনী বঁধুরে পাইয়া
 ভাবে গদগদ কয় ।
 ব্রজ পিরীতের প্রদীপ জালিয়ে
 দীপ কি নিভাতে হয় ॥
 কালিয়া কুটিল স্বভাব তোমার
 কপট পিরীত যত ।
 ভুরু নাচাইয়ে মৃচকি হাসিয়ে
 অবলা ভুলাইতে কত ॥
 পিরীতি-রসের রসিক বোলাও
 পিরীতি বুঝিতে নার ।
 মথুরা নগরের যত নাগরীর
 পিরীতের ধার ধার ॥
 শুন গিরিধারী মথুরা-বিহারী
 নারী-বধে নাহি ভয় ।
 পিরীতি করিয়ে তোমারে ভজিলে
 শেষে কি এই দশা হয় ॥
 পিরীতি করিলে কেন দগধিলে
 বিরহ-বেদনা দিয়ে ।
 কালিয়া কঠিন দয়াহীন জন
 তোর নিদারুণ হিসে ॥

১। এত দিন শ্রীকৃষ্ণের মথুরাগমন হেতু
 মলয়ানিল বহে নাই এবং নির্মল চন্দ্র উদয় হয় নাই,
 আজ তাঁহার আগমনে যেন মলয়ানিল মৃদু মৃদু
 বহিতেছে এবং নির্মল চন্দ্র উদয় হইয়াছে ।

সোই রসিকতা পিরীতি মমতা
 সমতা হইলে রাখে ।
 পিরীতি রতন রসের গঠন
 কুটলাতে নাহি থাকে ॥
 পিরীতির দায় প্রাণ ছাড়া যায়
 পিরীতি ছাড়িতে নারে ।
 পিরীতি-রসের পসরা তা নাকি
 রাখলে বহিতে পারে ॥
 যে জনা রসিক রসে ঢল ঢল
 মরমী(১) যে জন হয় ।
 হেরে রে রে করে ধবলী চরায়
 সে জনা রসিক নয় ॥
 রসিকের রীতি সহজ সরল
 রাখলে তাই কি জানে ।
 চণ্ডীদাস কহে রাধার গঞ্জনা
 সুধা সম কাহু মানেন ॥

(সুহই)

শুন শুন হে রসিক-রায় ।
 তোমারে ছাড়িয়া যে সুখে আছিহু
 নিবেদি যে তুয়া পায় ॥
 না জানি কি কণে কুমতি হইল
 গৌরবে ভরিয়া গেহু ।
 তোমা হেন বঁধু হেলায় হারায়
 বুরিয়া বুরিয়া মনু ॥
 জনম অবধি মায়ের সোহাগে
 সোহাগিনী বড় আমি ।
 প্রিয়সখীগণ দেখে প্রাণসম
 পরাণ-বঁধুয়া তুমি ॥
 সখীগণে কহে শ্যাম-সোহাগিনী
 গরবে ভরয়ে দে ।
 হামারি গৌরব তুঁহু বাঢ়ায়লি
 অব টুটায়ব কে ? (২) ॥
 তোহারি গরবে গরবিনী হাম
 গরবে ভরল বুক ।
 চণ্ডীদাস কহে এমতি নহিলে
 পিরীতি কিসের সুখ ?

১। হৃদয়বান্ ।

২। আমার সম্মান তুমিই বাড়াইয়াছ, কে
 এখন ইহা লাঘব করিতে সমর্থ ?

(সুহই)

বঁধু, কি আর বলিব আমি ।
জনমে জনমে জীবনে মরণে
প্রাণবঁধু(১) হইও তুমি ॥
অনেক পুণ্যবলে(২) গৌরী আরাধিয়ে
পেয়েছি কামনা করি ।
না জানি কি ক্ষণে দেখা তব সনে
তেঞি সে পরাণে মরি ॥
বড় শুভক্ষণে তোমা হেন ধনে
বিধি মিলাওল আনি ।
পরাণ হইতে শত শত গুণে
অধিক করিয়া মানি ॥
অনেক আছয়ে আন যত জন
আমার পরাণ তুমি ।
তোমার চরণ শীতল জানিয়া
শরণ লয়েছি আমি ॥
গুরু গরবেতে তারা বলে কত
সে সব গৌরব বাসি ।
তোমার কারণে গোকুল নগরে
দুকুল হইল হাসি(৩) ॥
চণ্ডীদাস বলে শুনহ নাগর
রাধার মিনতি রাখ ।
পিপীতি-রসেব চুড়ামণি হমে
সদাই অস্তরে থাক(৪) ॥

(সুহই) ৫

বঁধু কি আর বলিব আমি ।
মরণে জীবনে জনমে জনমে
প্রাণনাথ হৈয় তুমি ॥
তোমার চরণে আমার পরাণে
বাধিব প্রেমের ফাঁসি ।
সব সমপিয়া একমন হৈয়া
নিশ্চয় হইলাম দাসী(৫) ॥
ভাবিয়াছিলাম এ তিন ভুবনে
আর মোর কেহ আছে ।
রাধা বলি কেহ সুধাইতে নাই
দাঁড়াব কাহার কাছে ॥

এ কুলে ও কুলে দুকুলে গোকুলে
আপনা বলিব কায় ।
শীতল বলিয়া শরণ লইমু
ও দুটি কমল-পায় ॥
না ঠেলহ ছলে অবলা অথলে
যে হয় উচিত তোর(১) ।
আঁখির নিমিষে যদি নাহি হেরি
গতি যে নাহিক মোর ॥
ভাবিয়া দেখিমু প্রাণনাথ বিনে
তবে সে পরাণে মরি ।
চণ্ডীদাস কহে পরশ-রতন
গলায় গাঁথিয়া পরি(২) ॥

(সুহই)

শুন হে চিকণ কালা ।
বলিব কি আর চরণে তোমার
অবলার যত জালা ॥
চরণ থাকিতে না পারি চলিতে
সদাই পরের বশ ।
যদি কোন ছলে তব কাছে এলে
লোকে করে অপযশ ॥
বদন থাকিতে না পারি বলিতে
তেঞি সে অবলা নাম ।
নয়ন থাকিতে সদা-দরশন
না পেলেম নবীন শ্যাম ॥
অবলার যত দুখ প্রাণনাথ ।
সব থাকে মনে মনে ।
চণ্ডীদাস কয় রসিক যে হয়
সেই সে বেদনা জানে ॥

(সুহই)

বঁধু, কি আর বলিব আমি ।
যে মোর ভরম ধরম করম
সকলি জান হে তুমি ॥

১। বিভিন্ন পাঠ—

(ক) “অবলা অথলে, না ঠেল চরণে, ক্রটির নাহিক ওর

(খ) “না ঠেল না ঠেল ছলে, অবলা অথলে,
যে হয় উচিত তোর ॥”

(গ) “অবলার ক্রটি, যদি হয় কোটি,
ক্ষমিতে উচিত তোর !”

২। “গলায় বসন, করি নিবেদন, শুন হে রসিক রায়
চণ্ডীদাস কহে, অনুগত জনে,

ছাড়িতে উচিত নয় ।” (পাঠান্তর)

১। প্রাণপতি—পাঠান্তর ।

২। বহু পুণ্যফলে (পাঠান্তর) ৩। হাস্যাম্পদ ।

৪। রসেতে রসিয়া রাখ—পাঠান্তর ।

৫। জাতি কুলশীল, সকল যজ্ঞাঙ্গ, হইমু
তোমার দাসী—পাঠান্তর ।

যে তোমার করুণা না জানি আপনা
আনন্দে ভাসি যে নিতি ।
তোমার আদরে সবে স্নেহ করে
বুঝিতে না পারি রীতি ॥
মায়ের যেমন বাপার তেমন
তেমতি বরজপুরে ।
আর আদরে পরাণ বিদরে
সে সব গোচর তোরে ॥
সত্যী বা অসত্যী তোহে মোর মতি
তোমারি আনন্দে ভাসি ।
তোহারি বচন সালঙ্কার মোর
ভূষণে ভূষণ বাসি ॥
চণ্ডীদাস বলে শুনহ সকলে
বিনয়-বচন সার ।
বিনয় করিয়া বচন कहিলে
তুলনা নাহিক তার ॥

(সুহই)

শুন স্নানাগর করি যোড় কর
এক নিবেদিয়ে বাণী ।
এই কর মেনে ভাঞ্জে নাহি যেনে
নবীন পিরীতিখানি ॥
কুল শীল জাতি ছাড়ি নিজ পতি
কালি দিয়ে ছুই কুলে ।
এ নব যৌবন পরশ-রতন
সঁপেছি চরণতলে ॥
তিনহি আশ্রয় করিয়ে আদর
শিরেতে লযেছি আমি ।
অবলার আশ না কর নৈরাশ
সদাই পুরিবে তুমি ॥
তুমি রসরাজ রসের সমাজ
কি আর বলিব আমি ।
চণ্ডীদাস কহে জনমে জনমে
বিমুখ না হৈও তুমি ॥

(ধানশী)

নিবেদন শুন শুন বিনোদ নাগর ।
তোমারে ভজিয়া মোর কলঙ্ক অপার ॥
পর্যন্ত সমান কুল শীল তেয়াগিয়া ।
ঘরের বাহির হইলাম তোমার লাগিয়া ॥
নব রে নব রে নব নব-ঘনশ্যাম ।
তোমার পিরীতিখানি অতি অমুপাম ॥

কি দিব কি দিব বঁধু মনে করি আমি ।
যে ধন তোমারে দিব সেই ধন তুমি ॥
তুমি আমার প্রাণবঁধু আমি হে তোমার ।
তোমার ধন তোমারে দিতে ক্ষতি কি আমার
দ্বিজ চণ্ডীদাস কহে শুন ঘনশ্যাম ।
কৃপা করি এ দাসীরে দেহ শ্রীচরণ ॥

(সুহই)

বঁধু, তুমি সে পরশ-মণি হে,
বঁধু তুমি সে পরশ-মণি ।
ও অঙ্গ-পরশে এ অঙ্গ আমার
সোনার বরণখানি ॥
তুমি রস-শিরোমণি হে
বঁধু তুমি রস-শিরোমণি ।
(মোরা) অবলা অথলা আশীরিণী বালা
তো সেবা নাহি জানি ॥
তোহার লাগিয়া ধাই বনে বনে
(আমি) সুবল-বেশ ধরি হে ।
(এক) তিলে শত যুগ দরশনে মানি
ছেড়ে কি রইতে পারি হে ॥
অঙ্কের বরণ কস্তুরী চন্দন
আমি হৃদয়ে মাখিয়ে রাখি ।
ও দুটি চরণ পরাণে ধরিয়া
নয়ান মুদিয়া থাকি ॥
চণ্ডীদাস কহে শুন রসবতি
তুঁহু সে পিরীতি জান হে ।
বঁধু সে তোমার এক-কলেবর
তুঁহু সে এক প্রাণ হে ॥

(সুহই) .

বঁধু, তুমি সে আমার প্রাণ ।
দেহ মন আদি তোমারে সঁপেছি
কুল শীল জাতি মান ॥
অখিলের নাথ তুমি হে কালিয়া
যোগীর আরাধ্য ধন ।
গোপ-গোমালিনী হাম অতি হীনা
না জানি ভজন-পূজন ॥
পিরীতি রসেতে ঢালি তমু মন
দিয়াছি তোমার পায় ।
তুমি মোর পতি তুমি মোর গতি
মন নাহি আন ভায় ॥

কলঙ্কী বলিয়া ডাকে সব লোকে
তাহাতে নাহিক দুখ ।
তোমার লাগিয়া কলঙ্কের হার
গলায় পরিতে সুখ ॥
সত্যী বা অসত্যী তোমার(১) বিদিত
ভাল-মন্দ নাহি জানি ।
কহে চণ্ডীদাস পাপ পুণ্য সম
তোহারি চরণখানি ॥

(বিভাস)

শ্রাম কহে "শুন রাই বিনোদিনি
তুলিয়া বদনে(২) চাহ ।
সরস বদনে হাসি নিরখিয়া
আগাকে বিদায় দেহ ॥"
এ বোল শুনিতে বৃকভানুসুতে
পুলক স্বেদ অঙ্গ(৩) ।
আর কি সুজন শুনিব বচন
করিব রসের রঙ্গ ॥
গদগদ বোলে অতি প্রেমছলে
কহে বিনোদিনী রাধা ।
"কি বলিব আমি তোমার চরণে
সকলি হইল বাধা ॥
মুখে না নিঃসরে তোমারে বলিতে
কি বলিব আমি বাণী ।
বলহ আমারে কি বোল বলিব
কহিতে নাহিক জানি ॥
তোমা হেন ধন অমূল্য রতন
সদাই বেড়িয়া(৪) থাকি ।
তাহে যেতে চাহ নিজ বশ নহ
শুনহ কমল-আঁখি ॥"
তুরিতে(৫) গমন করিলা তখন
শ্রাম সুনাগর রায় ।
ঐহন(৬) পিরীতি করি গতাগতি
দ্বিজ চণ্ডীদাস গায় ॥

শ্রীকৃষ্ণের উত্তর

(সুহই)

রাই ! তুমি সে আমার গতি ।
তোমার কারণে রসতত্ত্ব লাগি
গোকুলে আমার স্থিতি ॥
নিশি দিশি সদা বসি আলাপনে(১)
মুরলী লইয়া করে ।
যমুনা-সিনানে তোমার কারণে
বসি থাকি তার তীরে ॥
তোমার রূপের মাধুরী দেখিতে
কদম্বতলাতে থাকি ।
শুনহ কিশোরি চাবিদিকে হেরি
যেমন চাতক পাখী ॥
তব রূপ-গুণ মধুর মাধুরী
সদাই ভাবনা মোর ।
করি অহুমান সদা করি গান
তব প্রেমে হৈয়া ভোর ॥
চণ্ডীদাস কয় ঐহন পিরীতি
জগতে আর কি হয় ।
এমত পিরীতি না দেখি কখন
কখন হবার নয় ॥

(সুহই)

বঁধু হে নয়নে লুকায়ে খোব ।
প্রেম-চিন্তামণি রসেতে গাঁথিয়া
হৃদয়ে তুলিয়া লব ॥
শিশুকাল হৈতে আন নাহি চিতে
ও পদ করেছি সার ।
ধন জন মন জীবন যৌবন
তুমি সে গলার হার ॥
শয়নে স্বপনে নিদ্রা জাগরণে
কভু না পারি তোমা ।
অবলার ক্রটি হয় শতকোটি
সকলি করিবৈ ক্ষমা ॥
না ঠেলিও বলে অবলা অথলে
যে হয় উচিত ভোর ।
ভাবিয়া দেখিতে তোমা-বঁধু বিনে
আর কেহ নাহি মোর ॥

১। তোমাতে—(পাঠান্তর) ।

২। মুখ তুলিয়া দেখ ।

৩। শ্রামের মুখে এইরূপ কথা শুনিয়া বৃকভানু-
নন্দিনী রাধার দেহ আনন্দে ঘর্ষাক্ত হইয়া উঠিল ।
ঘর্ষাক্ত হইয়া উঠা সাস্ত্রিক ভাবের একটি লক্ষণ ।

৪। বেষ্টন করিয়া ।

৫। সত্বর । ৬। ঐরূপ ।

১। নিশি দিশি বসি গীত আলাপনে—(পাঠান্তর) ।

তিলে আঁখি আড় করিতে না পারি
তবে যে মরি আমি ।
চণ্ডীদাস ভণে অহুগত জনে
দয়া না ছাড়িও তুমি ॥

শ্রীকৃষ্ণের উক্তি

(সুহই)

আর এক বাণী শুন বিনোদিন
দয়া না ছাড়িও মোরে ।
ভজন-সাধন কিছুই না জানি
সদাই ভাবি হে তোরে ॥
ভজন-সাধন করে যেই জন
তাহারে সদয় বিধি ।
আমার ভজন তোমার চরণ
তুমি রসময়ী নিধি ॥
ধাওত পিরীতি মদন বেয়াধি
তহু মন হলো ভোর ।
সকল ছাড়িয়া তোমারে ভজিয়া
এ দশা হইল মোর ॥
নব সন্নিপাতি দারুণ বেয়াধি
পরানে মরিহু আমি ।
রসের সাগরে ডুবাসে আমারে
অমর করহ তুমি ॥
যেবা কিছু আমি সব জান তুমি
তোমার আদেশ সার ।
তোমারে ভজিয়া নায়ে কড়ি দিয়া
ডুবে কি হইব পার ॥
বিপদ-পাথর না জানি সাঁতার
সম্পত্তি নাহিক মোর ।
বাণুলী-আদেশে কহে চণ্ডীদাসে
যে হয় উচিত তোর ॥

শ্রীরাধিকার উক্তি

(ভূপালী)

বহুদিন পরে বঁধুয়া এলে ।
দেখা না হইত পরাণ গেলে ॥
এতক সহিল অবলা বঁধে ।
ফাটিয়া যাইত পাষণ হ'লে ॥
দুখিনীর দিন দুখেতে গেল ।
মথুরানগরে ছিলে ত ভাল ॥

এ সব দুঃখ কিছু না গণি ।
তোমার কুশলে কুশল মানি ॥
এ সব দুঃখ গেল হে দূরে ।
হারান রতন পাইলাম কোরে ॥
(এখন) কোকিল আসিয়া করুক গান
ভ্রমরা ধরুক তাহার তান ॥
মলয়-পবন বহুক মন্দ ।
গগনে উদয় হউক চন্দ ॥
বাণুলী আদেশে কহে চণ্ডীদাসে
দুঃখ দূরে গেল সুখ-বিলাসে ॥

শ্রীকৃষ্ণের উক্তি

(সুহই)

জপিতে তোমার নাম বংশীধারী অমুপাম
তোমার বরণের পরি বাস ।
তুয়া প্রেম সাধি গোরি আইহু গোকুলপুরী
বরজমণ্ডলে পরকাশ ॥
ধনি, তোমার মহিমা জানে কে ?
অবিরাম যুগ শত গুণ গাই অবিরত
গাহিয়া করিতে নারি শেষ ॥
গজন বচন তোর শুনি সুখে নাহি ওর(১)
সুধা সম লাগয়ে মরমে ।
ভরল-কমল আঁখি তেরছ নয়নে দেখি
বিকাহু জনমে জনমে ॥
তোমা বিহু যেবা যত পিরীতি করিহু কত
সে পিরীতে না পুরিল আশ !
তোমার পিরীতি বিহু স্বতন্ত্র না হৈল তহু
অহুভাবে কহে চণ্ডীদাস ॥

শ্রীরাধিকার উক্তি

(সুহই)

শ্রাম-সুন্দর শরণ অপার(২)
শ্রাম শ্রাম সদা সার ।
শ্রাম সে জীবন শ্রাম প্রাণধন
শ্রাম সে গলার হার ॥
শ্রাম সে বেসর শ্রাম বেশ মোর
শ্রাম শাড়ী পরি সদা ।
শ্রাম তহু মন ভজন-পূজন
শ্রাম-দাসী হলো রাধা ॥

১। শেষ । ২। আমার—(পাঠান্তর) ।

শ্রাম ধন বল শ্রাম জাতি কুল
শ্রাম সে সুখের নিধি ।
শ্রাম হেন ধন অমূল্য যতন
ভাগ্যে মিলাইল বিধি ॥
কোকিল ভ্রমর করে পঞ্চস্বর
বঁধুয়া পেয়েছি কোলে ।
হিমার মাঝারে রাখিছ শ্রামেরে
দ্বিজ চণ্ডীদাসে বলে ॥

শ্রীকৃষ্ণের উক্তি

(সুহৃৎ)

উঠিতে কিশোরী বসিতে কিশোরী
কিশোরী হইল সারা ।
কিশোরী ভজন কিশোরী পূজন
কিশোরী নয়নভারা ॥
গৃহমাঝে রাধা কাননেতে রাধা
রাধাময় সব দেখি ।
শয়নেতে রাধা গমনেতে রাধা
রাধাময় হলো আঁখি ॥
স্নেহেতে রাধিকা প্রেমেতে রাধিকা
রাধিকা আরতি পাশে ।
রাধারে ভজিয়া রাধাবল্লভ নাম
পেয়েছি অনেক আশে ॥
শ্রামের বচন- মাধুরী শুনিয়া
প্রেমানন্দে ভাসে রাধা ।
চণ্ডীদাস কহে দৌহার পিরীতি
পরানে পরানে বাধা ॥

(সুহৃৎ)

উঠিলে কিশোরী বসিলে কিশোরী
কিশোরী গজার হার ।
কিশোরী ভজন কিশোরী পূজন
কিশোরী-চরণ সার ॥
শয়নে স্বপনে গমনে কিশোরী
ভোজনে কিশোরী আগে ।
করে করে বাঁশী ফিরে দিবানিশি
কিশোরীর অমুরাগে ॥
কিশোরী-চরণে পরাগ সঁপেছি
ভাবেতে হৃদয় ভরা ।
দেখ হে কিশোরী অমুগত জনে
করো না চরণ-ছাড়া ॥

কিশোরী-দাস(১) আমি পীতবাস
ইহাতে সন্দেহ যায় ।
কোটি যুগ যদি আমারে ভজরে
বিফল ভজন তায় ॥
কহিতে কহিতে রসিক নাগর
তিতিল নয়ন-জলে ।
চণ্ডীদাস কহে নবীন কিশোরী
বঁধুবে রিল কোলে ॥

কল্যাণী)

উঠিতে কিশোরী বসিতে কিশোরী
কিশোরী নয়নভারা ।
কিশোরী ভজন কিশোরী পূজন
কিশোরী গজার হারা ॥
রাধে । ভিন্ন না ভাবিহ তুমি ।
সব তেয়াগিয়া ও রাঙ্গা চরণে
শরণ ছইছ আমি ॥
শয়নে স্বপনে ঘুমে আগরণে
কভু না পাসরি তোমা ।
তুয়া পদাশ্রিত করিয়ে মিনতি
সকলি করিবা কমা ॥
গজায় বসন আর নিবেদন
বলি যে তুঁহারি ঠাই ।
চণ্ডীদাস ভণে ও রাঙ্গা চরণে
দয়া না ছাড়িও রাই ॥

(সিকুড়া)

তোনার পিরীতি কি জানি কি রীতি(২)
অবলা কুলের বালা ।
সুজন দেখিয়া পিরীতি করিছ
পরিণামে পাছে হয় জালা(৩) ॥
অবলা জনার দোষ না ধরিয়ে
তিলেকেতে হয় দোষ ।
তুমি কৃপা করি দয়া না ছাড়িবে
মোরে না করিবে রোষ ॥
তুমি সে পুরুষ সবল শক্তি
সকলি সহিতে হয় ।
কুলকামিনীর লেহা বাড়াইয়া
ছাড়িতে উচিত নয় ॥

১। কিশোরীর দাস—(পাঠান্তর) । ২। কি জানি শক্তি—(পাঠান্তর) । ৩। পরিণামে হল জালা—(পাঠান্তর) ।

রাগাত্মিক পদ*

নিত্যের আদেশে বাণুলী চলিল
 সহজ জানাবার তরে ।
 ভ্রমিতে ভ্রমিতে নাম্নুর গ্রামেতে
 প্রবেশ ঘাইয়া করে ॥
 বাণুলী আসিয়া চাপড় মারিয়া
 চণ্ডীদাসে কিছু কয় ।
 সহজ ভঞ্জন করহ যাজন
 ইহা ছাড়া কিছু নয় ॥
 ছাড়ি জপ তপ করহ আরোপ
 একতা করিয়া মনে ।
 যাহা কহি আমি তাহা শুন তুমি
 শুনহ চৌষটি মনে (১) ॥
 বসুতে গৃহেতে করিয়া একত্রে
 ভজহ তাহারে নিতি ।
 বাণের সহিতে সদাই যুক্তিতে
 সহজের এই রীতি ॥
 দক্ষিণ দেশেতে না যাবে কদাচিত্তে
 ঘাইলে প্রমাদ হবে (২) ।
 এই কথা মনে ভাব রাত্রি-দিনে
 আনন্দে থাকিবে তবে ॥

রতি পরকীয়া বাহারে কহিয়া
 সেই সে আরোপ সার ।
 ভঞ্জন তোমারি রজক-বিয়ারী
 রামিণী নাম যাহার ॥
 বাণুলী-আদেশে কহে চণ্ডীদাসে
 শুনহ দ্বিজের স্মৃত ।
 এ কথা সবে না না জানে যে জনা
 সেই সে কলির ভূত ॥

—

শুন রাজকিনী রামি ।
 ও দুটি চরণ শীতল জানিয়া
 শরণ লইহু আমি ॥
 তুমি বেদবাগিনী হরের ঘরণী
 তুমি সে নয়নের তারা ।
 তোমার ভঞ্নে ত্রিসন্ধ্যা যাজনে
 তুমি সে গলার হারা ॥
 রজকিনী-রূপ কিশোরী স্বরূপ
 কাম-গন্ধ নাহি তায় ।
 রজকিনী-প্রেম নিকষিত হেম
 বড়ু চণ্ডীদাস গায় ॥
 এক নিবেদন করি পুনঃ পুনঃ
 শুন রজকিনী রামি ।
 যুগল চরণ শীতল দেখিয়া
 শরণ লইলাম আমি ॥
 রজকিনী-রূপ কিশোরী-স্বরূপ
 কাম-গন্ধ নাহি তায় ।
 না দেখিলে মন করে উচাটন
 দেখিলে পরাণ জুড়ায় ॥
 তুমি রজকিনী আমার রমণী
 তুমি হও মাতৃ পিতৃ ।
 ত্রিসন্ধ্যা যাজন তোমারি ভঞ্জন
 তুমি বেদমাতা গায়ত্রী ॥
 তুমি বাগ্‌বাদিনী হরের ঘরণী
 তুমি সে গলার হারা ।
 তুমি স্বর্গ মর্ত্য পাতাল পর্বত
 তুমি সে নয়নের তারা ॥
 তোমা বিনা মোর সকল আঁধার
 দেখিলে জুড়ায় আঁখি ।
 যে দিনে না দেখি ও চাঁদ-বদন
 মরমে মরিয়া থাকি ॥

* রসিক ভক্তগণের সাধন-প্রণালীর নাম “রাগাত্মিক ।” রসিক ভক্তেরা “রাগাত্মক” ভক্ত ।

- ১। চৌষটি তত্ত্ব ।
 - ২। বসু শব্দে পৃথিবী কহি একুন আকার ।
 আছে সে গৃহদেশে প্রকৃতি সবার ॥
 গৃহ শব্দে আলয় কহি পুরুষের অঙ্গ ।
 বসুতে গৃহেতে যুক্তি করি পঞ্চবাণ সঙ্গ ॥
- * * * *
- এই স্থানে আছে ধন যদি দক্ষিণে কোদিকে
 ভীমকুল বরুল উঠিবে ধন নাহি পাবে ॥
- * * * *
- দক্ষিণে কোদিকে যদি শুন মহাশয় ।
 কৃষ্ণ-অনুরাগ হীন নরক নিশ্চয় ॥
 দক্ষিণের নায়ক যেই স্বস্থ সহিতে ।
 ভীমকলাদি পুত্রকন্যা উঠিবে তাহাতে ॥
 তাহার সহিত যদি কৃষ্ণপ্রাপ্তি নয় ।
 বিবাহ করিতে মানা বাণুলী কহয় ॥
- বিবর্তবিলাস—চতুর্থ বিলাস ।

ও রূপমাধুরী পাসরিতে নারি
 কি দিয়ে করিল বশ ।
 তুমি সে তন্ত্র তুমি সে মন্ত্র
 তুমি উপাসনা-রস ॥
 ভেবে দেখ মনে এ তিন ভুবনে
 কে আছে আমার আর ।
 বাস্তুগী-আদেশে কহে চণ্ডীদাসে
 ধোপানী-চরণ সার ॥

—

পুন আরবার আসি তরাতর
 বাস্তুগী জগতমাতা ।
 ধরিয়া রামিনী কহিছেন বাণী
 শুনহ আমার কথা ॥
 যাহা কহি বাণী শুনহ রামিনী
 এ কথা ভুবন-পার ।
 পরকীয়া রতি করহ আরতি
 সেই সে উজ্জন-সার ॥
 চণ্ডীদাস নামে আছে এক জন
 তাহারে আরোপ কর ।
 অবশ্য করিলে নিত্যধাম পাবে
 আমার বচন ধর ॥
 নেত্র (১) বেদ দিয়া (২) সদাই ভজিবা
 আনন্দে থাকিবা তবে ।
 সমুদ্র (৩) ছাড়িয়া নরকে যাইবা
 উজ্জন নাহিক হবে ॥
 আর তিন (৪) দিয়া বেদে (৫) মিশাইয়া
 সতত তাহাই যজ ।
 নিত্য একমনে ভাব রাত্রি-দিনে
 মম পদ সদা ভজ ॥
 ব্যভিচারী হৈলে প্রাপ্তি নাহি মিলে
 নরকে যাইবে তবে ।
 রতি স্থির মনে ভাব রাত্রি-দিনে
 সহজে পাইবে তবে ॥
 আর এক বাণী শুনহ রামিনী
 এ কথা রাখিও মনে ।
 বাস্তুগী-আদেশে কহে চণ্ডীদাসে
 এ কথা পাছে কেহ শুনে ॥

কহিছে রজকিনী রামি শুন চণ্ডীদাস তুমি
 নিশ্চয় মরম কহি জানে ।
 বাস্তুগী কহিছে যাহা সত্য করি মান তাহা
 বস্তু আছে দেহ বর্তমানে ॥
 আমি ত আশ্রয় হই বিষয় তোমারে কই
 রমণকালেতে গুরু তুমি ।
 আমার স্বভাব মন তোমার রতি ধ্যান
 তেঞি সে তোমায় গুরু করি মানি ॥
 সহজ মানুষ হব রসিক নগরে যাব
 থাকিব প্রণয়-রস-ঘরে ।
 শ্রীরাধিকা হবে রাজা হইব তাহার প্রজা
 ডুবিব রসের সরোবরে ॥
 সেই সরোবরে গিয়া মন-পদ প্রকাশিয়া
 হংস প্রায় হইয়া রহিব ।
 শ্রীরাধা-মাধবসঙ্গে আনন্দ-কৌতুক-রঙ্গে
 জনমে মরণে তুষা পাব ॥
 শুন চণ্ডীদাস প্রভু ভজন না হয় কভু
 মনের বিকার ধর্ম জানে ।
 সাধন শৃঙ্গার-রস হাঁহাতে হইবে দশ
 বস্তু আছে দেহ বর্তমানে ॥

চণ্ডীদাস কহে তুমি সে গুরু ।
 তুমি সে আমার কল্পতরু ॥
 যে প্রেম-রতন কহিলে মোরে ।
 কি ধন-রতনে তুষিব তোরে ॥
 ধন জন দারা সঁপিহু তোরে ।
 দয়া না ছাড়িও কখন মোরে ॥
 ধরম করম কিছু না জানি ।
 কেবল তোমার চরণ মানি ॥
 এক নিবেদন তোমারে কব ।
 মরিয়া দৌহাতে কিরূপ হব ॥
 বাস্তুগী কহিছে কি হব কি ।
 মরিয়া হইবে রজক-বি ॥
 পুরুষ ছাড়িয়া প্রকৃতি হবে ।
 একদেহ হয়ে নিত্যেতে যাবে ॥
 চণ্ডীদাস প্রেমে মুচ্ছিত হইলা ।
 বাস্তুগী চলিয়া নিত্যেতে গেলা ॥

১। নেত্র—(তিন) পিত্রীতি ।

২। “বেদ”—(চারি) রাধাকৃষ্ণ ।

৩। সমুদ্র—(সাত)

৪। “তিন”—রমণ ।

৫। “বেদ”—(চারি বৃন্দাবন) } শ্রীকৃষ্ণ

চণ্ডীদাস কহে শুনহ মাতা ।

কহিলে আমার সাধন-কথা ॥

সাতানী উপরে তিনের স্থিতি(১) ।
 সে তিন রহয়ে কাহার গতি ॥
 এ তিন দুয়ারে কি বীজ হয় ।
 কি বীজ সাধিয়া সাধক কয় ॥
 রতির আকৃতি বলিয়ে যারে ।
 রসের প্রকার কহিব মোরে ॥
 কি বীজ সাধিলে সাধিব রতি ।
 কি বীজ ভঞ্জিলে রসের গতি ॥
 সামান্ত রতিতে বিশেষ সাধে ।
 সামান্ত সাধিতে বিশেষ বাধে ॥
 সামান্ত বিশেষ একতা রতি ।
 এ কথা শুনিয়া সন্দেহ মতি ॥
 সামান্ত রতিতে কি বীজ হয় ।
 বিশেষ রতিতে কি বীজ কয় ॥
 সামান্ত রসকে কি রস ভজে(২) ।
 কি বীজ প্রকারে বিশেষ যজে(৩) ॥

তিনটি দুয়ারে থাকয়ে যে ।
 সেই তিন জন নিত্যের কে ॥
 চণ্ডীদাস কহে কহবে মোরে ।
 বাণুলী কহিছে কহিব তোরে ॥
 এ দেহে সে দেহে একই রূপ ।
 তবে সে জানিবে রসেরই কুপ ॥
 এ বীজে সে বীজে একতা হবে ।
 তবে সে প্রেমের সন্ধান পাবে ॥
 সে বীজ যজিয়ে এ বীজ ভজে ।
 সেই সে প্রেমের সাগরে মজে ॥
 রতিতে রসেতে একতা করি ।
 সাধিবে সাধক বিচার করি ॥
 বিশুদ্ধ রতিতে বিশুদ্ধ রস ।
 তাহাতে কিশোরা কিশোরী বশ ॥
 বিশুদ্ধ রতিতে করণ কি ।
 সাধহ সতত রজক-বি ॥
 সাতানী উপরে তাহার ঘর ।
 তিনটি দুয়ার তাহার পর ॥
 বীজে মিশাইয়া রামিনী যজ ।
 রসিকমণ্ডলে সতত ভজ ॥
 বিশুদ্ধ রতিতে বিকার পাবে ।
 সাধিতে নাহিলে নরকে যাবে ॥
 বাণুলী কহয়ে এই সে হয় ।
 চণ্ডীদাস কহে অত্যাধা নয়* ॥

বাণুলী কহিছে শুনহ দ্বিজ ।
 কহিব তোমারে সাধন-বীজ ॥
 প্রথম(১) দুয়ারে মদের গতি ।
 দ্বিতীয়(২) দুয়ারে আসক স্থিতি ॥
 তৃতীয়(৩) দুয়ারে কন্দর্প রয় ।
 কন্দর্পরূপেতে শ্রীকৃষ্ণ কয় ॥
 আসকরূপেতে শ্রীরাধা কই ।
 মদরূপ ধরি আমি সে হই ॥

* চণ্ডীদাসের এ জাতীয় অনেকগুলি পদ আমরা পদাবলী-সাহিত্যে দেখিতে পাই। অনেকে মনে করেন, চণ্ডীদাস এক জন সহজিয়া মার্গের সাধক ছিলেন এবং নিজের জীবনে এই সহজিয়া সাধন দ্বারা সিদ্ধি লাভ করেন। এ বিষয়ে বর্তমান সংস্করণের ভূমিকা দ্রষ্টব্য।

- ১। প্রথম দুয়ারে—সামর্থ্য।
 ২। দ্বিতীয় দুয়ারে—সাধারণী।
 ৩। তৃতীয় দুয়ারে—সামঞ্জস্য।

১। সাতানী—পঞ্চবাণ অর্থাৎ মদন, মাদন, শোষণ, উন্মাদন ও স্তম্ভন। পঞ্চপ্রাণ অর্থাৎ প্রাণ, অপান, সমান, উদান, ব্যান। পঞ্চভূত অর্থাৎ ক্ষিতি, অপ, তেজ, মরুৎ ব্যোম। পঞ্চভাব অর্থাৎ শব্দ, গন্ধ, রূপ, রস, স্পর্শ।

দশ ইন্দ্রিয়।

দশ দিক্।

দশ দশা যথা—

চিন্তাত্র জাগরুদ্বৈগৌ তানবং মলিনাজতা।

প্রসাদো ব্যাধিরুদ্ভাদো মোহো মৃত্যুদশা দশ ॥

নবধাজ ভক্তি ও আত্মভাব এই দশা।

যথা—শ্রবণ, কীর্তন, অর্চন, বন্দন, পদসেবন, দাস্ত, সখ্য, নিবেদন এবং স্বীয় ভাব।

অষ্টদিক্ যথা—উত্তর, দক্ষিণ, পূর্ব, পশ্চিম, নৈর্ঋত, বায়ু, অগ্নি ও ঈশান।

অষ্টকাল। যথা—প্রাতঃ, পূর্বাহ্ন, মধ্যাহ্ন, সায়াহ্ন, অপরাহ্ন, প্রদোষ, মধ্যরাত্রি, নিশাস্তক। ছয় রিপু

সাতানী উপর তিন—রতিসামর্থ্য, সাধারণী ও সামঞ্জস্য।

গতি—অধিকার।

সামর্থ্য—শ্রীরাধিকা ও গোপীগণ।

সাধারণী—কুন্ডা ও কুন্ডিকাগণ।

সামঞ্জস্য—রুক্ষ প্রভৃতি।

২। যাজে—(পাঠান্তর)।

৩। মজে—(পাঠান্তর)।

সাতাশী আখরে সাধিবে তিনে(১) ।
 একত্র করিয়া আপন মনে ॥
 রতির আকৃতি আসকে রয় ।
 রসের আকৃতি কন্দর্প হয় ॥
 তিনটি(২) আখরে রতিকে যজি ।
 পঞ্চম আখরে(৩) বাণকে(৪) ভজি
 দ্বিতীয়(৫) আখরে সামান্ত রতি ।
 তবে সে পাইবে বিশেষ স্থিতি ॥
 চতুর্থ(৬) আখর সামান্ত রস ।
 তাহাতে কিশোরী কিশোরী বশ ॥
 বাণুলী কহয়ে এই সে সার ।
 এ রসসমুদ্র বেদান্তপার* ॥

স্বরূপে আরোপ যার রসিক নাগর তার
 প্রাপ্তি হবে মদনমোহন ।
 গ্রাম্য দেব বাণুলীরে জিজ্ঞাস গে করযোড়ে
 রানী কহে শৃঙ্গার-সাধন ॥
 চণ্ডীদাস করযোড়ে বাণুলীর পায় ধরে
 মিনতি করিয়া পুছে বাণী ।
 শুন মাতা ধর্মমতি বাউল(৭) হইলু অতি
 কেমনে সুবুদ্ধি হবে প্রাণী ॥
 হাসিয়ে বাণুলী কয় শুন চণ্ডী মহাশয়
 আমি থাকি রসিক নগরে ।
 সে গ্রামদেবতা আমি ইহা জানে রজকিনী
 জিজ্ঞাস গে(৮) যতনে তাহারে ॥
 সে দেশের রজকিনী হয় রসের অধিকারী
 রাধিকা-স্বরূপ তার প্রাণ ।
 তুমি ত রমণের গুরু সেই রসের কল্পতরু
 তার সনে দাস অভিমান ॥
 চণ্ডীদাস কহে মাতা কহিলে সাধন-কথা
 রামী সত্য প্রাণপ্রিয়া হৈল ।

- ১। তিন—পিরীতি ।
 ২। তিনটি আখর—কন্দর্প । কেহ কেহ কায়,
 মন, বাক্য, এই অর্থ করিয়াছেন ।
 ৩। পঞ্চম আখর—শান্ত, দাস্ত, সখ্য,
 বাৎসল্য ও মাধুর্য্য ।
 ৪। বাণ—মদন ।
 ৫। দ্বিতীয় আখর—রাগান্বিক ও রাগানুগতা ।
 ৬। চতুর্থ আখর—রস ও রতি ।
 * এই পদটি আমরা দীন চণ্ডীদাস পদাবলী
 কিংবা পদকল্পতরু গ্রন্থে দেখিতে পাই না ।
 ৭। ব্যাকুল । ৮। গিয়া ।

নিশ্চয় সাধন-গুরু সেই রসের কল্পতরু
 তার প্রেমে চণ্ডীদাস মৈল ॥

এই সে রস নিগূঢ় ধন ।
 ব্রজ বিনা ইহা না জানে অশ্রু ॥
 দুই রসিক হইলে জানে ।
 সেই ধন সদা যতনে আনে ॥
 নয়নে নয়নে রাখিবে পিরীতি !
 রাগের উদয় এই সে রীতি ॥
 রাগের উদয় বগতি কোথা ।
 মদন মাদন শোষণ যথা ॥
 মদন বৈসে বাম নয়নে ।
 মাদন বৈসে দক্ষিণ কোণে ॥
 শোষণ বাণেতে উপানে চাই ।
 মোহন কুচেতে ধরয়ে ভাই ॥
 শুভন শৃঙ্গারে সদাই স্থিতি ।
 চণ্ডীদাসে কহে রসের রতি ॥

কাম আর মদন দুই প্রকৃতি পুরুষ ।
 তাহার পিতার পিতা সহজ যামুঘ ॥
 তাহা দেখ দূর নহে আছয়ে নিকটে ।
 ব্রহ্মাণ্ড ভিতরে তেঁহ রহে চিত্রপটে ॥
 সর্পের মস্তকে যদি রহে পঞ্চ মণি ।
 কীটের স্বভাব-দোষে তাহে নহে ধনী ॥
 গোরোচনা অন্যে দেখ গাভীর ভাণ্ডারে ।
 তাহার যতেক মূল্য সে জানিতে নারে ॥
 সুন্দর শরীরে হয় কৈতবের(১) বিন্দু ।
 কৈতব হইলে হয় গরলের সিন্দু ॥
 অকৈতবের বৃক্ষ যদি রহে এক ঠাই ।
 নাড়িলে বৃক্ষের মূল ফল নাহি পাই ॥
 নিদ্রার আবেশে দেখ কপাল পানে চেয়ে ।
 চিত্রপটে নৃত্য করে তার নাম মেয়ে ॥
 নিশিযোগে শুক-সারী যেই কথা কয় ।
 চণ্ডীদাস কহে কিছু বাণুলী-কুপায় ॥

শৃঙ্গার-রস বুঝিবে কে ?
 সব রস-সার শৃঙ্গার এ ॥
 শৃঙ্গার-রসের মরম বুঝে ।
 মরম বুঝিয়া ধরম যজ্ঞে ॥
 রসিক ভকত শৃঙ্গারে যরা ।
 সকল রসের শৃঙ্গার সারা ॥

কিশোরী কিশোরী দুইটি জন ।
শৃঙ্গার রসের মুরতি হন ॥
গুরু বস্তু এ যে বলিব কায় ।
বিরিঞ্চি ভবাদি সীমা না পায় ॥
কিশোরী কিশোরী যাহাকে ভঞ্জে ।
গুরু বস্তু সেই সদা যঞ্জে ॥
চণ্ডীদাস কহে না বুঝে কেহ ।
যে জন রসিক বুঝে সেহ ॥

রসিক রসিক সবাই কহয়ে
কেহ ত রসিক নয় ।
ভাবিয়া গণিয়া বুঝিয়া দেখিলে
কোটিতে গোটক(১) হয় ॥
সখি হে, রসিক বলিব কারে ।
বিবিধ মশলা রসেতে মিশায়
রসিক বলি যে তারে ॥
রস পরিপাটি সুবর্ণের খটি(২)
সম্মুখে পুরিয়া রাখে ।
খাইতে খাইতে পেট না ভরিবে
তাহাতে ডুবিয়া থাকে(৩) ॥
সেই রস পান রজনী-দিবসে
অঞ্জলি পুরিয়া খায় ।
খরচ করিলে দ্বিগুণ বাড়ায়
উছলিয়া বহি যায়(৩) ॥
চণ্ডীদাস কহে শুন রসবর্তি
তুমি সে রসের কুপ ।
রসিক জনা রসিক না পাইলে
দ্বিগুণ বাড়য়ে দুখ ॥

রসিকা নাগরী রসের মরা ।
রসিক লমর প্রেম পিয়ারা ॥
অবলা মুরতি রসের বাণ ।
রসে ডুবু ডুবু করে পরাণ ॥
রসবর্তী সদা হৃদয়ে জাগে ।
দরশ বাঢ়ায় পরশ মাগে(৫)
দরশে পরশে রস প্রকাশ ।
চণ্ডীদাস কহে রসবিলাস ॥

রসের কারণ রসিকা রসিক
কায়াটি ঘটনে রস ।
রসিক কারণ রসিকা হোয়ত
যাহাতে প্রেমবিলাস ॥
স্থলত পুরুষে কাম স্মৃষ্ণ গতি
স্থলত প্রকৃতি রতি ।
দুঁহুক ঘটনে যে রস হোয়ত
এবে তাহে নাহি গতি ॥
দুঁহুক ঘোটন বিনহি কখন
না হয় পুরুষ নারী ।
প্রকৃতি পুরুষে যো কছু হোয়ত
রতি প্রেম পরচারি ॥
পুরুষ অবশ প্রকৃতি সবশ
অধিক রস যে পিয়ে ।
রতিমুখকালে অধিক সুখহি
তা নাকি পুরুষে পায় ॥
দুঁহুক নয়নে নিকষয়ে বাণ
বাণ যে কামের হয় ।
রতির যে বাণ নাহিক কখন
তবে কৈছে নিকষয় ॥
কাম দাবানল রতি সে শীতল
সলিল প্রণয়পাত্র ।
কুল কাঠ খড় প্রেম যে আধেয়
পচনে পিরীতি মাত্র ॥
পচনে পচনে লোভ উপজিয়া
যবে ভেল দ্রবময় ।
সেই বস্তু এবে বিলাসে উপজে
তাহারে রস যে কয় ॥
বাসুলী-আদেশে চণ্ডীদাস তথি
রূপনারায়ণ(১) সঙ্গে ।
দুঁহু আলিঙ্গন করল তখন
ভাসল প্রেমতরঙ্গে ॥
প্রেমের আকৃতি দেখিয়া মুরতি
মন যদি তাতে ধায় ।
তবে ত সে জন রসিক কেমন
বুঝিতে বিষম তায় ॥

- ১। দুই একটি । ২। সুবর্ণের সমবায় ।
৩। সব সময় কামনার তীব্রতাকে জাগাইয়া
রাখে, বাসনা পূর্ণ নিবৃত্তি করিয়া ফেলে না ।
৪। কখনই শূন্য হইয়া যায় না বরং ব্যবহারের
দ্বারা বৃদ্ধি পাইতে থাকে ।
৫। দর্শনের দ্বারা সন্তোষের বাসনা জন্মায় ।

- ১। এই পদটিতে আমরা 'রূপনারায়ণ' এই
নামের উল্লেখ দেখিতে পাই, অনেকে এই নামটি
হইতে চণ্ডীদাস যে বিদ্যাপতির সমসাময়িক ছিলেন,
এই মত প্রকাশ করেন; এবং চণ্ডীদাস ও বিদ্যা-
পতির সাক্ষাৎকার সময়ে রাজা রূপনারায়ণ উপস্থিত
ছিলেন মনে করেন ।

আপন মাধুরী দেখিতে না পাই
সদাই অন্তর জলে ।

আপনা আপনি করয়ে ভাবনি
কি হৈল কি হৈল বলে ॥

মাধুস অভাবে মন মরীচিয়া
তরাসে আছাড় খায় ।

আছাড় খাইয়া করে ছটফট
জীবন্তে মরিয়া যায় ॥

তাহার মরণ জানে কোন জন
কেমন মরণ সেই ।

যে জনা জনয়ে সেই সে জীয়য়ে
মরণ বাটিয়া লই ॥

বাটিলে মরণ জায়ে দুই জন
লোকে তাহা নাহি জানে ॥

প্রেমের আকৃতি করে ছটফট
চণ্ডীদাস ইহা ভণে ॥

প্রেমের স'জন শুন সর্বজন
অতি সে নিগূঢ় রস ।

যখন সাধন করিবা তখন
এড়ায় টানিবা খাস ।

তাহা হইলে মন-বায়ু সে
আপনি হইবে বশ ।

তা হইলে কখন না হইবে পতন
জগৎ ঘোষিবে যশ ॥

বেদবিধি পার এমন আচার
যাজন করিবে যে ।

ব্রহ্মের নিত্য ধন পায় সেই জন
তাহার উপরে কে ॥

সদানন্দ হৃদয়ে নয়নে দেখয়ে
যুগলকিশোর রূপ ।

প্রেমের আচার নয়ন-গোচর
জানয়ে রসের কূপ ॥

চণ্ডীদাস কয় নিত্য বিলাসময়
হৃদয় আনন্দ-ভোরা ।

নয়নে নয়নে থাকে দুই জনে
যেন জীয়ন্তে মর'(১) ॥

শুন শুন দিদি প্রেম-সুধানিধি
কেমন তাহার জল ।

কেমন তাহার গভীর গভীর
উপরে শেহালা-দল ॥

কেমন ডবাক(১) ডুবেছে তাহাতে
না জানি কি লাগি ডুবে ।

ডুবিয়া রতন চিনিতে নারিলাম
পড়িয়া রহিলাম ভবে ॥

আমি মনে করি আছে কত ভারি
না জানি কি ধন আছে ।

নন্দের নন্দন কিশোরা কিশোরা
চমকি চমকি হাসে ॥

সখীগণ মেলি দেয় করতালি
স্বরূপে মিশায় রয় ।

স্বরূপ জানিয়ে রূপে মিশাইয়ে
ভাবিয়ে দেখিলে হয় ॥

ভাবের ভাবনা আশ্রয় যে জনা
ডুবিয়ে রহিল সে ।

আপনি তরিয়ে জগত তবায়
তাহাকে তরাবে কে ॥

চণ্ডীদাস বলে লাখে এক মিলে
জীবের লাগয়ে ধান্দা ।

শ্রীকৃপ করুণা যাহারে হইয়াছে
সেই সে সহজ বাক্ষা ॥

আপনা বুঝিয়া সুজন দেখিয়া
পিরীতি করিব তায় ।

পিরীতি-রতন করিব যতন
যদি সমানে সমানে হয় ॥

সখি হে, পিরীতি বিষম বড় ।
যদি পরাণে পরাণে মিশাইতে পারে
তবে সে পিরীতি দড় ॥

ভগ্নরা সমান আছে কত জন
মধুলোভে করে প্রীত ।

মধু পান করি উড়িয়ে পলায়
এমতি তাহার রীত ॥

বিধুর গহিত কুমুদ পিরীত
বসতি অনেক দূরে ।

সুজনে কুজনে পিরীতি হইলে
এমতি পরাণ বুঝে ॥

১ । ডুবুরী ।

১ । এই পদগুলিতে সহজিয়া সাধন-রীতির যে সমস্ত অস্থানের উল্লেখ করা হইয়াছে, তাহা সাধারণ পাঠকের নিকট দুর্ভেদ্য বলিলেই চলে। এই বিষয়ে বিস্তৃত ভাবে জানিতে হইলে 'মাসিক বসুমতী' পৌষ (১৩৫০)-এ প্রকাশিত যোগানন্দ ব্রহ্মচারীর 'সহজিয়া সাধন' প্রবন্ধ দ্রষ্টব্য ।

সুজনে কুজনে পিরীতি হইলে
 সদাই দুখের ঘর ।
 আপন সুখেতে যে করে পিরীতি
 তাহারে বাসিব পর ॥
 মরমে মরমে জীবনে মরণে
 জীয়েন্তে মরিগ যারা(১) ।
 নিতুই নতুন পিরীতি-রতন
 যতনে রাখিল তারা ॥
 আপন পিরীতি সুজনে বাধিতে
 সুজনে পিরীতি আশ ।
 ও যেন মো বিনে মঞ্জল অমনি
 এমতি দৌহার ভাষ ॥
 সুজনে সুজনে অনন্ত পিরীতি
 শুনিতে বাড়ে যে আশ ।
 তাহার চরণে নিছনি লৈয়া
 কহে দ্বিজ চণ্ডীদাস ॥

শুন গো সজনি আমার বাত ।
 পিরীতি করিব সুজন সাথ ॥
 সুজন পিরীতি পাষণ-রেখ ।
 পরিণামে কভু না হবে টোট ॥
 ঘষিতে ঘষিতে চন্দন সার ।
 দ্বিগুণ সৌরভ উঠয়ে তাব ॥
 চণ্ডীদাস কহে পিরীতি-রীতি ।
 ব্ৰিয়্যা সজনে করহ প্রীতি ॥

নিজ দেহ দিয়া ভজিতে পারে ।
 সহজ পিরীতি বলিব তারে ॥
 সহজে রসিক করয়ে প্রীত ।
 রাগের ভঞ্জন এমত রীত ॥
 এখানে সেখানে এক হইলে ।(২)
 সহজ পিরীতি না ছাড়ে মৈলে ॥
 সহজ ব্ৰিয়্যে যে হয় রত ।
 তাহার মহিমা কাঁহিব কত ॥
 চণ্ডীদাস কহে সহজ রীত ।
 ব্ৰিয়্যা নাগরী করহ প্রীত ॥

পিরীতি করিয়ে ভাঙ্গয়ে যে ।
 সাধন-অঙ্গ না পায় সে ॥

- ১ । ইন্দ্রিয়গণ জীবদ্দশায়ই মৃতবৎ রহিল ।
 ২ । সকল রকমের বিভেদ দূরীভূত হইলে

প্রেমের পিরীতি মাধুরীময় ।
 নন্দের নন্দন কতেক কয় ॥
 রাগ সাধনের এমতি রীত ।
 সে পঞ্চি জনার তেমনি চিত ॥
 সকল ছাড়িল যাহার তরে ।
 তাহারে ছাড়িতে সাধ যে করে ॥
 আদি চণ্ডীদাসে চারি সে বঝান ।
 দাউ(১) উঠাইলে যেমন মান ॥

প্রেমের পিরীতি কিসে উপজিল
 প্রেমাধারে নিব কারে ।
 কেবা কোথা হইল কেবা সে দেখিল
 এ কথা কাঁহিব কারে ॥
 পাতেল ফুলে ফুলের কিরণ
 তাহার মাঝারে যেই(২) ।
 তাহারে অনেক যতনে নিদ্রাড়ে
 চতুর রসিক সেই ॥
 প্রেমের চাতুরী চতুর হইয়া
 তিনের কাছেতে থাকে ।
 চারিটি আখর হরিতে পুরিলে(৩)
 তাহে যেবা বাকী থাকে ॥
 তাহার বাকিতে প্রেমের আখর
 পিরীতি আখর জড় ।
 সকল আখর এক করি দেখ
 প্রেমের কথাটি দড় ॥
 ছয়টি আখর মূল করি দেখ
 তাহার ঘুচাই দুই ।
 চণ্ডীদাস কহে এ কথা বুঝ
 রসিক হইবে যেই ॥

পিরীতি উপরে পিরীতি বৈসম্বে
 তাহার উপর ভাব ।
 ভাবের উপরে ভাবের(৪)বসতি
 তাহার উপরে লাভ (৫) ॥
 প্রেমের মাঝারে পুলকের স্থান
 পুলক উপরে ধারা(৬) ।
 ধারার উপরে রসের বসতি
 এ সুখ বুঝয়ে কারা ॥

- ১ । দপ করিয়া জলিয়া উঠার মত সহসা মান
 হইল । ২ । মধু । ৩ । হরণ পূরণ করিলে ।
 ৪ । “ভাব”—মধুর (মাধুর্য) । ৫ । “লাভ”
 —প্রেম
 ৬ । “ধারা”—কারুণ্যামৃত, লাভণ্যামৃত ।

ফুলের উপরে ফুলের বসতি
 তাহার উপরে গন্ধ ।
 গন্ধ উপরে এ তিন আখর
 এ বড় বুঝিতে ধন্ধ ॥
 ফুলের উপরে ফুলের বসতি
 তাহার উপরে চেউ ।
 চেউর উপরে চেউর বসতি
 ইহা জানে কেউ কেউ ॥
 দুয়ের উপরে দুয়ের বসতি
 কেহ কিছু ইহা জানে ।
 তাহার উপরে পিরীতি বৈসয়ে
 ঝিঞ্জ চণ্ডীদাস ভণে ॥

সতের সঙ্গে পিরীতি করিলে
 সতের বরণ হয় ।
 অসতের বাতাস অঙ্গেতে লাগিলে
 সদা পলায়ে যায় ॥
 সোনার ভিতরে তামার বসতি
 যেমন বরণ দেখি ।
 রাগের ধরেতে বৈদিক থাকিলে
 রসিক নাহিক দেখি ॥
 রসিকের প্রাণ যেমতি করয়ে
 এমতি কহিব কারে ।
 টলিয়া না টলে এমতি বুঝায়
 মরম কহিব কারে ॥
 এমতি করণ যাহার দেখিব
 তাহার নিকটে বসি ।
 চণ্ডীদাস কয় জনমে জনমে
 হয়ে রব তার দাগী ॥

সহজ আচার সহজ বিচার
 সহজ বলিয়ে কায় ।
 কেমন বরণ কিসের গঠন
 বিবরিয়া কহ তায় ॥
 শুনি নন্দমুত কহিতে লাগিল
 শুন বৃকভানু-বি ।
 সহজ পিরীতি কোথা তার স্থিতি
 আমি না জেনেছি শুনেছি ॥
 আনন্দের আলস কীরোদ সায়র
 প্রেমবিন্দু উপজিল ।
 গণ্ড পণ্ড হয় কামের সহিতে
 বেগেতে ধাইয়া গেল ॥

বিজুরী জিনিয়া বরণ যাহার
 কুটিল স্বভাব যার ।
 যাহার হৃদয়ে করয়ে উদয়
 সে অঙ্গ করয়ে ভার ॥
 এমতি আচার ভজন যে করে
 শুনহ রসিক ভাই ।
 চণ্ডীদাস কহে ইহার উপরে
 আর দেখি কিছু নাই* ॥

সহজ(১) সহজ সবাই কহয়ে
 সহজে জানিবে কে ।
 তিমির অন্ধকার যে হইয়াছে পার
 সহজ জেনেছে সে ॥
 চান্দে(২) কাছে অবলা(৩) আছে
 সেই সে পিরীতি সার ।
 বিধে অমৃতেতে মিলন একত্রে
 কে বুঝিবে মরম তার ॥
 বাহিরে তাহার একটি দুয়ার
 ভিতরে তিনটি আছে ।
 চতুর হইয়া দুইকে ছাড়িয়া
 থাকিবে একের কাছে ॥
 যেন আশ্রফল অতি সে রসাল
 বাহিরে কুশী ছাল কষা ।
 ইহার আশ্বাদন বুঝে যেই জন
 করহ তাহার আশা ॥
 অভাগিয়া কাকে স্বাহ নাহি জানে
 মজয়ে নিষের ফলে ।
 রসিক কোকিলা জ্ঞানের প্রভাবে
 মজয়ে চূত-মুকুলে ॥

নবীন মদন আছে এক জন
 গোকুলে তাহার থানা ।
 কামবীজ সহ ব্রজবধুগণ
 করে তার উপাসনা ॥
 সহজ কথাটি মনে করি রাখ
 শুন গো রজক-বি ।
 বাণুলী আদেশে জানিবে বিশেষে
 আমি আর বলিব কি ॥

* এই পদের ভাষা অতি আধুনিক বলিয়া
 মনে হয় ।

১। প্রণয় ।

২। চান্দ—কৃষ্ণচন্দ্র ।

৩। অবলা—গোপীগণ ।

রূপ করুণাতে পারিবে মিলিতে
ঘুচিবে মনের ধান্দা ।
কহে চণ্ডীদাস পূরিবেক আশ
তবে ত খাইবে সুখা ॥

সই সহজ মানুষ নিত্যের দেশে ।
মনের ভিতরে কেমনে আইসে ॥
ব্যাসের আচার করিবে যেই ।
বিরজা উপরে যাইবে সেই ॥
রাগতত্ত্ব লইয়া যে জন ভজে ।
সেই সে তাহার সন্ধান খুঁজে ॥
সহজ ভজন বিষম হয় ।
অনুগত বিনা কেহ না পায় ॥
চণ্ডীদাস বলে এ সার কথা ।
বুঝিলে যাইবে মনের বাধা ।

ব্রহ্মাণ্ড ব্যাপিয়া আছয়ে যে জন
কেহ না দেখয়ে তারে ।
প্রেমেব পিরীতি যে জন জানয়ে
সেই সে পাইতে পারে ॥
পিরীতি পিরীতি তিনটি আখর
জানিবে ভজন সার ।
রাগমার্গে যেই ভজন করয়ে
প্রাপ্তি হইবে তাব ॥
মুক্তিকার উপরে জলের বসতি
তাহার উপরে চেউ ।
তাহার উপরে পিরীতি বসতি
তাহা কি জানয়ে কেউ ॥
রসের পিরীতি রসিক জানয়ে
রস উদগারিল কে ।
সকল ত্যজিয়া বৃগল হইয়া
গোলোকে রহিল সে ॥
পুত্র পরিজন সংসার আপন
সকল ত্যজিয়া লেখ ।
পিরীতি করিলে তাহারে পাইবে
মনেতে ভাবিয়া দেখ ॥
পিরীতি পিরীতি তিনটি আখর
পিরীতি ত্রিবিধ মত ।
ভজিতে ভজিতে নিগূঢ় হইলে
হইবে একই মত ॥

পরকীয়া ধন সকল প্রধান
যতন করিয়া লই ।
নৈষ্ঠিক হইয়া ভজন করিলে
পদ্ধতি সাধক হই ॥
পদ্ধতি হইয়া রস আশ্বাদিয়া
নৈষ্ঠিকে প্রবৃত্ত হয় ।
তাহার চরণ হৃদয়ে ধরিয়া
দ্বিজ চণ্ডীদাসে কয় ॥

সাধন শরণ এ বড় কঠিন
বড়ই বিষম দায় ।
নব-সাধু সঙ্গ যদি হয় ভঙ্গ
জীবের জন্ম তায় ॥
অনর্থ নিবৃত্তি সতে দূর গতি
ভজন ক্রিয়াতে রতি ।
প্রেম গাঢ় রতি হল দিবা-রাত্তি
হয় যে তাহাতে প্রীতি ॥
আসক উকত (১) সবে দূরগত
সদৃশক আশ্রয়ে হবে ।
রতি আশ্বাদন করহ যতন
সখার সঙ্গিনী হবে ॥
দেহ রতিকর্য কুপত রতি হয়
সাধক সাধন পাকে ।
চণ্ডীদাস কয় বিনা দুঃখে নয়
কিশোরী চরণ দেখে ॥

কাতরা অধিকা দেখিয়া রাধিকা
বিশাখা কহিল তায় ।
চিত্তে এত ধনি ব্যাকুল হইলে
ধরম সরম যায় ॥
ধনি, কহব তোমার ঠাঞি ।
পরকীয়া রস করিতে হে বশ
অধিক চাতুরী চাঞি ॥
যাইবি দক্ষিণে থাকিবি পশ্চিমে
বলিবি পূর্বমুখে ।
গোপন পিরীতি গোপনে রাখিবি
থাকিবি মনের সুখে ॥
গোপন পিরীতি গোপনে রাখিবি
সাধিবি মনের কাজ ।
সাপের মুখেতে ভেকেরে নাচাবি
তবে ত রসিকরাজ ॥

১ । ভক্তিমদিরার আনির্ভাব ।

যে জন চতুর স্মেরু-শিখর
 স্মৃতায় গাঁথিতে পারে ।
 মাকসার জালে মাতঙ্গ বাঁধিলে
 এ রস মিলয়ে তারে ॥
 পিরৌতি যা সনে আদর সে ধনে
 সতত না লবি ঘর ।
 অন্তরে পরাণ বাঁটিয়া(১) দেওবি
 বাহিরে বাঁচিবি পর ॥
 বেদ-বেদান্তর না করবি বিচার
 না লৈবি বেদে বিরস ।
 হইবি সতী না হইবি অসতী
 না হইবি কাহার বশ ॥
 হইবি কুলটা কুল ত্যজিবি
 ভাবিতে ভাবিতে দেহা ।
 হেরি পরপতি হেমকান্তি গতি
 স্বপতি ভাবিবি লেহা ॥
 কলঙ্ক-সাগরে সিনান করিবি
 এলাহিয়া মাথার কেশ ।
 নীরে না ভিজিবি জল না ছুঁইবি
 সম দুখ সুখ ক্লেণ ॥
 কহে চণ্ডীদাসে বাস্তলী আদেশে
 বাস্তলীচরণে পড়ি ।
 হইবি গিন্নী ব্যঞ্জন বাঁটিবি
 না ছুঁইবি হাঁড়ি * ॥

মরম কহিতে ধরম না রয়
 নাহি বেদবিধি রস ।
 সতী যে হইবে আগুনি খাইবে(২)
 না হবে অন্তের বশ ॥
 যে জন যুবতী কুলবতী সতী
 সুশীল স্মৃতি যার ।
 হৃদয়-মাঝারে নায়ক লুকায়ে
 ভবনদী হয় পার ॥
 কুলটা হইবে কুল না ছাড়িবে
 কলঙ্কে ভাসিবে নিতি ।
 পাইয়া কাম রতি হবে অতপতি
 তাহাতে বলাব সতী ॥

১। বণ্টন করিয়া ।

* এই পদটিতে সহজ-তত্ত্বের মূলনীতিগুলিকে উপমার সাহায্যে কবি বুঝাইবার চেষ্টা করিয়াছেন ।

২। সহমৃতা হইবে ।

জ্ঞান না করিব জল না ছুঁইব
 আলাইয়া মাথার কেশ ।
 সমুদ্রে পশিব নীরে না তিতিব
 নাহি সুখ দুখ ক্লেণ ॥
 রজনী-দিবসে হব পরবশে
 স্বপনে রাখিব লেহা ।
 একত্রে থাকিব নাহি পরশিব
 ভাবিনী পরের দেহা ॥
 অন্তের পরশে সিনান করিব
 তবে সে রীতি গাজে ।
 কহে চণ্ডীদাস এ বড় উল্লাস
 থাকিব যুবতী-মাঝে ॥

হইলে স্মৃতি পুরুষের রীতি
 যে জাতি নায়িকা হয় ।
 আশ্রয় লইলে সিদ্ধ রতি মিলে
 কখন বিফল নয় ॥
 তেমতি নায়িকা হইলে রসিকা
 হীন জাতি পুরুষেরে ।
 স্বভাব লওয়ায় স্বজাতি ধরায়
 যেমত কাচপোকা ধরে ॥
 সহজ করণ রতি নিরূপণ
 যে জন পরীক্ষা জানে ।
 সেই ত রসিক হয় ব্যবসিক(১)
 দ্বিজ চণ্ডীদাস ভণে ॥

মিলা অমিলা দুই রসের লক্ষণ ।
 নায়ক নায়িকা নাম লক্ষণ কখন ॥
 পূর্বরাগ হইতে সীমা সমৃদ্ধি মান আদি ।
 রসের ভিজিত ক্রমে যতক অবধি ॥
 পতি উপপতি ভাবে দ্বাদশ যে রস ।
 পুন যে দ্বিগুণ হইয়া করয়ে প্রকাশ ॥
 কণ্ঠার বিবাহ আর অন্তের উপপতি ।
 ভাবভেদে এই হয় চক্ৰিশ রস-রীতি ॥
 পুন চারি গুণ করি হয় ছেয়ানই ।
 অনুকূল নক্ষিণ ধৃষ্ট আর শঠ তাই ॥
 এই সব নামভেদে নায়কের ভেদ ।
 পুন হয় তাহার লক্ষণ-বিভেদ ॥
 এই সব গুণ কৃষ্ণচন্দ্রে একা বর্তে ।
 চণ্ডীদাস কহে রস-ভেদ এক পায়ে ॥

১। রসের মর্মজ্ঞ ।

প্রবর্ত দেহের সাধনা করিলে
কোন্ বরণ হব ।
কোন্ কর্ম যাজন করিলে
কোন্ বৃন্দাবনে যাব ॥
কোন্ বৃন্দাবনে নব নাম হয়*
সকল আনন্দময় ।
কোন্ বৃন্দাবনে ঈশ্বরে মাহুষে
মিলিত হইয়া রয় ॥
কোন্ বৃন্দাবনে বিরজা বিলাসে
তরুলতা চারিপাশে ।
কোন্ বৃন্দাবনে কিশোর-কিশোরী
শ্রীরূপমঞ্জরী সাথে ॥
কোন্ বৃন্দাবনে রস উপজয়ে
সুধার জনম তায় ।
কোন্ বৃন্দাবনে বিকসিত পদ
ভ্রমরা পশিছে তায় ॥
গোপতেব পথ না হয় বেকত
রসিক জনার সনে ।
উপাসনা-ভেদ যাহার হয়েছে
সেই সে মরম জানে ॥
দ্বিজ চণ্ডীদাস না জানিয়ে তত্ত্ব
কেমনে হইবে পার ।
উত্তম কুলেতে লভিয়ে জনম
নীচ সহ ব্যবহার ॥

— —

নায়িকা সাধন শুনহ লক্ষণ
যেক্রমে সাধিতে হয় ।
শুক কাষ্ঠের সম আপনার
দেহ যে করিতে হয় ॥
সে কালে রমণ অতি নিত্য করণ
তাহাতে যে সাধন হবে ।
মেঘের বরণ রতির গঠন
তখন দেখিতে পাবে ॥
সে রতি-সাধন করেন যে জন
সেই সে রসিক সার ।
ভ্রমর হইয়া সন্ধান পুরিয়া
মরম বুঝয়ে তার ॥
তাহার উপর জলদ-বরণ
রতির বরণ হয় ।
সাধিতে সে রতি কাহার শক্তি
দ্বিজ চণ্ডীদাসে কয় ॥

* নব বৃন্দাবন—(পাঠান্তর) ।

সজনি শুন গো মাহুষের কাজ ।
এ তিন ভুবনে সে সব বচনে
কহিতে বাসিবেক লাজ ॥
কমল-উপরে জলের বসতি
তাহাতে বসিল তারা ।
তাহাদের তাহাদের রসিক মাহুষ
পরাণে হানিছে হারা ॥
সুমেরু-উপরে ভ্রমর পশিল
ভ্রমর ধরিল ফুল ।
তাহাদের তাহাদের রসিক মাহুষ
হারায়ছে জাতি-কুল ॥
হরিণ দেখিয়া বেয়াধ পলায়
কমলে গেল সে ভ্রম ।
যমের ভিতরে আলসের বসতি
রাহতে গিলিছে চন্দ্র ॥
সুমেরু-উপরে ভ্রমর পশিল
এ কথা বুঝিলে কে ?
চণ্ডীদাস কহে রসিক হইলে
বুঝিতে পরিবে সে ॥

সে কেমন যুবতী কুলবতী সতী
সুন্দর সুমতি সার ।
হিয়ার মাঝারে নায়কে লুকাইয়া
ভবনদী হয় পার ॥
ব্যভিচারী নারী না হবে কাণ্ডারী
নায়কে বাচিয়া লবে ।
তার আবছায়া পরশ করিলে
পুরুষ-ধরম যাবে ॥
সে কেমন পুরুষ পরশ-রতন
সেবা কোন্ গুণে হয় ।
সাতের বাড়ীতে (১) পাষণ পাড়িলে
পরশ পাষণময় ॥
সাতের বাড়ীতে ক্ষীরোদ-নদী
নারায়ণ শুভ যোগ ।
সেই যোগেতে স্থাপন করিলে
হয় রজনী মনহ যোগ ॥
রমণ ও রমণী তারা দুই জন
কাঁচা পাকা দুটি থাকে ।
এক রজু খসিয়া পড়িলে
রসিক মিলয়ে তাকে ॥

১ । প্রাণের মধ্যে ।

মনের আশ্রয় উঠিছে দ্বিগুণ
 তোলা-পাড়া হবে সার ।
 চণ্ডীদাস কহে ধন্য সে নারী
 তলাটে নাহিক আর ॥

নারীর স্বপ্নন অতি সে কঠিন
 কেবা সে জানিবে তায় ।
 জানিতে অবধি নারিলেক বিধি
 বিসাম্মতে (১) একত্র রয় ॥

যেমত দীপিকা উজরে অধিকা
 ভিতবে অনলশিখা ।
 পতঙ্গ দেখিয়া পাড়য়ে ঘুরিয়া
 পুড়িয়া মরয়ে পাখা ॥

জগৎ ঘুরিয়া তেমতি পড়িয়া
 কামানলে পুড়ি মরে ।
 রসজ্ঞ যে জন সে করয়ে পান
 বিষ ছাড়ি অম্মতেরে ॥

হংস চক্রবাক ছাড়িয়া উদক
 মৃগাল দুগ্ধ সদা খায় ।
 তেমতি নহিলে কোথা প্রেম মিলে
 দ্বিজ চণ্ডীদাস কয় ॥

এ তিন ভুবনে ঈশ্বর গতি ।
 ঈশ্বর ছাড়িতে পরে শক্তি ॥
 ঈশ্বর ছাড়িলে দেহ না রয় ।
 মানুষ ভঞ্জন কেমনে হয় ॥
 সাক্ষাৎ নহিলে কিছুই নয় ।
 মনেতে ভাবিলে স্বরূপ হয় ॥
 কহয়ে চণ্ডীদাস বুঝয়ে কে ।
 ইহার অধিক পুছয়ে যে ॥

রাগের ভজন শুনিয়া বিষম
 বেদের আচার ছাড়ে ।
 রাগানুগামত লোভ বাড়ে চিতে
 সে সব গ্রহণ করে ॥

ছাড়িতে বিষম তাহার কারণ
 আচার বিষম না পারে ।
 অতি অসম্ভব অলৌকিক সব
 লৌকিকে কেমনে করে ॥

১। কাম ও প্রেম

করিষা গ্রহণ রূপের জন্ম
 সে কেন সাধন করে ।
 বৃত্তিতে না পারে আনাগোনা করে
 ফাঁপরে পড়িয়া মরে ॥

তার এ কুল ও কুল দুকূল গেল
 পাথারে পড়িল সে ।
 চণ্ডীদাস কয় সে দেব নয়
 তাহারে তরাবে কে ॥

এ রূপগাধুবী যাহার মনে ।
 তাহার মরম সে সেই জানে ॥
 তিনটি দুয়ারে যাহার আশ ।
 আনন্দ-নগরে তাহার বাস ॥
 প্রেম-সরোবরে দুইটি ধারা (১) ।
 আস্থাদন করে রসিক যারা ॥
 দুই ধারা যখন একত্রে থাকে ।
 তখন রসিক-মৃগল দেখে ॥
 প্রেমে ভোর হয়ে করয়ে আন ।
 নিরবধি রসিক করয়ে পান ॥
 কহে চণ্ডীদাস ইহাই সাক্ষী ।
 এ রূপ-সাগরে ডুবিয়া থাকি ॥

স্বরূপ বিহনে 'রূপের জন্ম
 কখন নাহিক হয় ।
 অনুগত বিহনে কার্যসিদ্ধি
 কেমনে সাধকে কয় ॥

কেবা অনুগত কাহার সহিত
 জানিব কেমনে শুনে ।
 মনে অনুগত মূঞ্জরী সহিত
 ভাবিয়া দেখহ মনে ॥

দুই চারি করি আটটা আঁখর (২)
 তিনের (৩) জন্ম তায় ।
 এগার আঁখরে (৪) মূল বস্তু (৫) জানিলে
 একটি আঁখর (৬) হয় ॥

- ১। স্বকীয় ও পরকীয় ।
- ২। আটটা আঁখর—অষ্ট সখী । ললিতা, বিশাখা, চম্পকলতা, চিত্রা, তুঙ্গবিজা, ইন্দুলেখা, রজদেবী ও সুবেদী—এই অষ্টসখী ।
- ৩। তিন—পিরীত ।
- ৪। এগার আঁখর—দশ ইন্দ্রিয় ও মন ।
- ৫। মূল বস্তু—সেবা ।
- ৬। একটি আঁখর—ক (কৃষ্ণ) ।

চণ্ডীদাস কহে শুনহ মাগুষ তাই ।
সবার উপর মাগুষ সত্য
তাহার উপর নাই ॥

প্রবর্ত সাধিতে বস্তু অনায়াসে উঠে ।
নামাইতে বস্তু সাধক বিষম সঙ্কটে ॥
নামান আনন্দ মন কহিয়ে(১) নির্কারি ।
পৌষ মাঘ মাসের শিশির কুণ্ডে ভরি ॥
সেই পূর্ণ কুণ্ড যৈছে সবে পাতে ঢালি ।
সর্বাঙ্গে মস্তকে পাদ করয়ে শীতলি ॥
তৈছে সাধকের সেই সন্ধানের কার্য্য ।
তাকুণ্যামৃতধারা তরে নাম কৈল ধার্য্য ॥
লাবণ্যামৃতধাণা কহি সিদ্ধে সঙ্কটে ।
কাকুণ্যামৃত স্নান কহি প্রবর্ত দশাতে ॥
সংক্ষেপে কহিল তিন স্নানের বিধান ।
সম্যক কহিতে নারি বিদরে পরাণ ॥
অটল পরেতে এই পদ গুরু মর্ম্ম ।
চণ্ডীদাস লেখে ব্যক্ত আপনার ধর্ম্ম ॥

রতির করণ রবির কিরণ
যেমত জলেতে লাগে ।
অস্তরে অস্তরে শুক করে তারে
আকর্ষয়ে উর্দ্ধভাগে ॥
পুরুষ প্রকৃতি দৌহে এক রীতি
সে রতি সাধিতে হয় ।
পুরুষেরি যুতে নারিকার রীতে
যে মতে সংযোগ পায় ॥
পুরুষ-সিংহেতে পাদিনী নারীতে
সে সাধন উপজয় ।
স্বজাতি-অমুগা সোনাতে সোহাগা
পাইলে গলিয়া যায় ॥
সে জাতি যুবতী সাধিতে সে রতি
কুজাতি পুরুষে ধরে ।
কণ্টকে যেমত পুষ্প হয় ক্ষত
হৃদয় ফাটিয়া মরে ॥
পুরুষ তেমান্ত নারী হীনজাতি
রতির আশ্রয় লয় ।
ভূতে ধরে তারে মরে ঘুরে ফিরে
দ্বিজ চণ্ডীদাস কয় ॥
আমার পরাণ- পুতলি লইয়া
নাগর করয়ে পূজা ।

নাগর পরাণ- পুতলি আমার
হৃদয়-মান্বারে রাজা ॥
আনের পরাণ আনে করে চুরি
তিন আনে নাহি জানে ।
আগম নিগম দুর্গম সুগম
শ্রবণ নয়ন মনে ॥
এই সাত নদী অনন্ত অবধি
এ সাত যে দেশে নাই ।
সে দেশে তাহার বসতি নগর
এ দেশে কি মতে পাই ॥
এ সব করণ করে যেই জন
সে জন মাধার মণি ।
মরিলে সে জন জিয়াতে পারে
অমৃত-রস আনি ॥
হ্রীং সে অক্ষর তাহার উপর
নাচে এক বাজীকর
এক কুমুদিনী দুন্দুভি বাজাম
বাশী জিনি তার স্বর ॥
দুন্দুভি বাশীট যখন বাজিবে
তা শুনে মরিবে যে ।
রসিক ভকত ভুবনে বেকত
সখীর সঙ্গিনী সে ॥
এ সব ব্যবহার দেখিব যাহার
তাহার চরণ সার ।
মন-সুতা দিয়া তাহার চরণ
গাঁথিয়া পরিব হার ॥
বাণুলী-আদেশে কহে চণ্ডীদাসে
কাঁচা পাকা দুই ফল ।
যে ফল লইবে সে ফল পাইবে
তেমনি তাহা বিরল ॥

সদা বল তত্ত্ব তত্ত্ব কত তত্ত্ব শুন ।
চক্ৰিশ তত্ত্ব হয় দেহের গঠন ॥
পঞ্চভূত ক্ষেত্র তেজ মরুৎ ব্যোম আপ ।
ষড়রিপু কাম ক্রোধ লোভ মদ মাৎসর্য্য দম্ব ॥
দশ ইন্দ্র ক্ষত তারা হয়ত পৃথক্ ।
জ্ঞানেন্দ্রিয় কর্ম্মেন্দ্রিয় বিবিধ নামাত্মক ॥
জ্ঞানেন্দ্রিয় জিহ্বা কর্ণ নাসা ষক্ চক্ষু ।
কর্ম্মেন্দ্রিয় হস্ত পদ গুহ লিঙ্গ বপু ॥
মহাভূত অহঙ্কার আর হয় জ্ঞান ।
এই ত হয় চক্ৰিশ তত্ত্ব নিরূপণ ॥

কিবা কারিকরের আজব কারিকুরি ।
 তার মধ্যে ছয় পদ রাখিয়াছে পুরি ॥
 সহস্রারে হয় পদ সহস্রেক দল ।
 তার তলে মণিপুর পরমশিবের স্থল ॥
 নাসামূলে দ্বিদল পদ্ব খঞ্জনাঙ্গী ।
 কর্ণে গাঁথি ষোড়শ দল পদ্ব দিল রাখি ॥
 হৃৎ-পদ্ব নির্মিত আছে শতদলে ।
 কুলকুণ্ডলিনী দশদল হয় নাভিমূলে ॥
 নাভির নিম্নভাগে প্রেম-সরোবর ।
 অষ্টদল পদ্ব হয় তাহাব তিতর ॥
 তন্ম পরে নাড়ী ধরে সাদ্র তিন কোটি ।
 স্থল সূক্ষ্ম বত্রিশ তারা কিবা পরিপাটী ॥
 লিঙ্গমূলে ষড়্দলাযুজ্জ নিয়োজিত ।
 গুহমূলে চতুর্দল পদ্ব বিরাজিত ॥
 এই অষ্ট পদ্ব দেহমধ্যেতে আছে ।
 মতান্তরে হৃৎপদ্ব দ্বাদশদল কয় ॥
 সহস্রদল অষ্টদল দেহমধ্যে নয় ।
 এই দুই পদ্ব নিত্য বস্তুর আধার হয় ॥
 ষট্চক্রের মূল মূণাল হয় মেরুদণ্ড ।
 শিরসি পর্য্যন্ত সে ভেদ করি অণ্ড ॥
 দণ্ড দুই পার্শ্বে ইড়া পিঞ্জলা রহে ।
 মধ্যে স্থিত সুষুম্ণা সদা প্রবল বহে ॥
 মূলচক্র হয় হংস যোগের আধার ।
 অষ্টদল চক্রে জীলার সঞ্চার ॥
 দ্বিদল চক্রেতে হয় অমৃত নির্ভর ।
 আর পঞ্চ চক্রে পঞ্চ বায়ুর সঞ্চার ॥
 প্রাণ অপান ব্যান উদান সমান ।
 কণ্ঠস্থল্যাবধি চতুর্দলে অবস্থান ॥
 কণ্ঠপরে উদান হৃদিতে বহে প্রাণ ।
 নাভির তিতরে সমান করে সমাধান ॥
 চতুর্দলে অপান সর্বভূতেতে ব্যান ।
 মুখ্য অমুলোম বিলোম সকল প্রধান ॥
 অঙ্গপা নামেতে তারা কুণ্ডক রেচক ।
 অমুলোম উর্দ্ধরেতা নিলোম প্রবর্তক ॥
 প্রবর্ত সাধক হৃদ্ নাভিপদ্বের আশ্রয় ।
 সিদ্ধার্থ সহস্রারে আছে নিশ্চয় ॥
 রতি স্থির প্রেম-সরোবর অষ্টদলে ।
 সাধনের মূল এই চণ্ডীদাসে বলে ॥

মতান্তরে যে কহয়ে শুনহ নিশ্চয় ।
 মস্তক-উপরে সহস্রদল পদ্ব কয় ॥
 ক্রমধ্যে দ্বিদল কর্ণে ষোলদল ।
 হৃদিমধ্যে দ্বাদশ নাভিমূলে দশদল ॥

লিঙ্গমূলে ষড়্দল চতুর্দশ গুহমূলে ।
 বস্ত্রভেদ আছে তার চণ্ডীদাস বলে ॥
 সাধন-তত্ত্বে তার যোগ নাহি হয় ।
 বৈধিযোগ এই তত্ত্বে হয় ত নিশ্চয় ॥

চৌদ্দ ভুবন তিন(১) ।
 সপ্ত আঁখর তাহার চিন ॥
 দুইটি আঁখরে সদা পিরীতি ।
 তিনটি পরশে উপজে রতি ॥
 নির্জ্জন কাননে আছে ঘর(২) ।
 দুইটি আঁখর পাঁচের পর ॥
 কনক-আসন আছে তাতে ।
 মনসিজ রাজা বৈসয়ে যাতে ॥
 কর্পূর চন্দন শীতল জলে ।
 যেমন আনন্দ লেপনকালে ॥

১। শ্রীযুক্ত কুঞ্জলাল বন্দ্যোপাধ্যায় মহাশয়ের
 প্রতিপাদিত অর্থ এইরূপ, যথা—

চৌদ্দ ভুবন—সপ্ত স্বর্গ ও সপ্ত পাতাল ।
 ভুবন তিন—ব্রহ্ম, গোলোক ও দ্বারকা ।
 সপ্ত আঁখর—রাধা, রমণ, কুঞ্জ ।
 দুইটি আঁখর—রাধা ।
 তিনটি আঁখর—রমণ ।

২। নির্জ্জন কাননে ইত্যাদি—রাধারমণ, পরে
 কুঞ্জ । অষ্টম আঁখর—“স্থ” অর্থাৎ রাধারমণ কুঞ্জস্থ ।

শ্রীযুক্ত বাবু অক্ষয়চন্দ্র সরকার মহাশয়ের
 প্রতিপাদিত অর্থ এই :—

চৌদ্দ ভুবন—চতুর্দশ ইন্দ্রিয়বিশিষ্ট দেহ ।
 চতুর্দশ ইন্দ্রিয় অর্থাৎ পাঁচ জ্ঞানেন্দ্রিয়, পাঁচ
 কর্মোন্দ্রিয়, চারি অস্তরেন্দ্রিয় ।

ভুবন তিন—ভাব, কাস্তি ও বিলাস । ইহা
 সপ্তাক্ষর-বিশিষ্ট । কবির রীতি অনুসারে এ স্থলে
 অক্ষরগণনা হইয়াছে, তৎপ্রমাণ পিরীতি—আঁখর
 তিন ।

“দুইটি আঁখরে ভাব” ইহাতে সর্বদা প্রীতি
 বিরাজ করে ।

“তিনটি পরশে”—বিলাস । ইহাই রতির কারণ ।

“নির্জ্জন কাননে” ইত্যাদি—হৃদয়রূপ নির্জ্জন
 কাননস্থিত পঞ্চভূত আয়্যার পর বা কাস্তি ও
 বিলাসের পর দুইটি আঁখর ভাব ।

“কনক আসন” ইত্যাদি—ষট্চক্রমতে হৃদয়স্থিত
 রত্নবেদিকায় অভিন্ন মদন শ্রীকৃষ্ণ রাধা সহ বিরাজ
 করেন ।

তাপিত জনে সে আনন্দ পায় ।
শীত-ভীত জন ভয়ে পলায় ॥
পঞ্চরস(১) আদি একত্রে মিলি ।
যে যার স্বভাব আনন্দে কেলি ॥
অষ্ট আঁখর(২) একত্রে যবে ।
কনক-আসন জানিবে তবে ॥
পঞ্চরস অনুবাদ যে হয় ।
আদি চণ্ডীদাস বিধেয় কয় ॥

আপন আশা পরকে দেহী
চণ্ডীদাস কহে কুটিল সেহ ॥

(পঠমঞ্জরী)

ব্রহ্মরন্ধ্রে সহস্র দল পদে রূপের আশ্রয় ।
ইষ্টে অধিষ্ঠাতা তার স্বরূপ লক্ষণ হয় ॥
সেই ইষ্ট যাহার হয় গাঢ় অনুরাগ ।
সেই ধন লোক ধর্মাদি সব করে ত্যাগ ॥
কায়-মনোবাক্যে করে গুরুর সাধন ।
সেই ত করণে উপজয়ে প্রেয়-ধন ॥
তাৎসং যদি কোন বাধা মনে উপজিবে ।
চণ্ডীদাস বলে সে নরকে ডুবিবে ॥

ধরণী উপরে ধরিবে চারি ।
তবে সে চিনিবে সুগন্ধ বারি ॥
রাজ রূপা চিনিবে গায় ।
কুটিল চিনিবে কোন উপায় ॥
আগেতে কহে মধুর বাণী ।
পরের হৃদয় পাতিয়া আনি ॥

১। পঞ্চরস—শাস্ত, দাস্ত, বৎসল্য, সখ্য, মাধুর্য্য ।

২। অষ্ট আঁখর ইত্যাদি—ভাব কাস্তি বিলাসের পর 'জ' বুঝাইতেছে এবং তদীয় অধিষ্ঠান বশতঃ শ্রীকৃষ্ণকেই বুঝাইতেছে এবং তদীয় অধিষ্ঠান বশতই হৃদয় কনক-আসনরূপে ব্যক্ত হয় ।

পঞ্চরস ইত্যাদি প্রাপ্ত পঞ্চরসমধ্যে চণ্ডী-দাসের মতে মাধুর্য্য ও শৃঙ্গাররস প্রধান । তৎপ্রমাণে "সব রসগার শৃঙ্গার এ" ইত্যাদি পদ ।

জেলা বীরভূমের অন্তর্গত পাকুলিপুরগ্রামবাসী শ্রীযুক্ত জীউলাল মজুমদারের প্রতিপাদিত অর্থের কতকাংশ এই—

চৌদ্দভুবন—সপ্ত স্বর্গ ও সপ্ত পাতাল । ভূলোক, ভুবলোক, স্বলোক, মহলোক, জনলোক, তপোলোক ও সত্যলোক, এই সপ্ত স্বর্গ । অতল, বিতল, সূতল, তল, তলাতল, রসাতল ও পাতাল, এই সপ্তপাতাল । ভুবন তিন—গোলোক, বৈকুণ্ঠ, শ্রীবৃন্দাবন । মনসিজ রাজা—অপ্রাকৃত মদন শ্রীকৃষ্ণ ।

হাত দিয়া দেখ বড়াই মোর কলেবর ।
ধান দিলে খই হয় বিরহ-অনল যার ॥
জিভা খণ্ড খণ্ড হইল রাধা রাধা বলি ।
তাহার বিচ্ছেদে মোর বুক হইল কালি ॥
আমি মৈলে নরিব বড়াই তার নাহি দায়
রাধা বিনে নোর মনে আন নাহি ভায় ॥
নারলে পোড়াইও বড়াই যমুনার তীরে ।
সে ঘাটে আসিবে রাধা জল লইবারে ॥
মবিবার বেলে বড়াই সোঁওরাও রাধা ।
জনমে জনমে যেন মিলায় বিধাতা ॥
দ্বিজ চণ্ডীদাসে বলে রাখহ জীবন ।
দরশন দিয়া রাধে রাখহ জীবন ॥

মানুষ মানুষ ত্রিবিধ মানুষ
মানুষ বাছিয়া লহ ।

সহজ মানুষ অযোনি মানুষ
মানুষ সংস্কার দেহ ॥

সংস্কার খেই ব্রহ্মাণ্ডেতে সেই
সামান্য তাহার নাম ।

মরণে জীবনে করে গতাগতি
ক্ষীরোদ সায়েবে ধাম ॥

গোলোক-উপরে অযোনি মানুষ
নিত্যস্থানে সদা রয় ।

তাহার প্রকাশ বৈকুণ্ঠের পতি
লীলা কাযা যেনা হয় ॥

তাহার উপরে নিত্য বৃন্দাবন
সহজ মানুষ জানে ।

আনন্দে ঘটান রহে দুই জন
দ্বিজ চণ্ডীদাসে ভণে ॥

সহজ আচার সহজ বিচার
সহজ বলিব কায ।

না জানি মরম করে আচরণ
এ বড় বিষম দায় ॥

না জানি ধরম না জানি মরম
আচরিতে করে আশ ।

ত্রিনবের গান শুনিয়ে যেমন
কাকে করে অভিজ্ঞাষ ॥

সুধাকর দেখি খস্মোত যেমন
সম তেজ হ'তে চায় ।
শত শত কোটি করয়ে উদয়
তবু তার যোগ্য নয় ॥
পারিজাত পুষ্প দেবের দুর্লভ
কপিতে করয়ে আশ ।
শিব-নৃত্য দেখি ভূতগণ নাচে
দেবের সমাজে হাস ॥
এমন যে জন নিত্য সহজ ঘটায়
আচরিতে করে আশ ।
বাণুলি-আদেশে ভণে চণ্ডীদাসে
নরকে হইবে বাস ॥

ভাবের অস্তরে ভাবের উদয়
তাহার উপরে ভাব ।
ফুলের মধু চাঁপার পাপড়ি
গন্ধেতে দিল লাভ ॥

বড় বড় জন রসিক কহয়ে
রসিক কেহ ত নয় ।
তর তম করি বিচার করিলে
কোটিকে গুটিক হয় ॥
কোন্ রসে কোন্ রসের উদয়
কোন সুখে কোন্ সুখ ।
তাহার মাধুরী পশিয়া না পিয়ে
এ বড় মনের দুখ ॥
সবার উপরে কি বা সে ঝামর(১)
তাহার উপরে কে ।
ওরূপ দেখিয়ে মরম করয়ে
রসিক কহায় সে ॥
মৃত্তিকা উপরে আর এক মেওয়া
তাহার উপরে সুধা ।
সুধার উপরে যে মিষ্টতা আছে
বসি ধনী পিয়ে জুদা(২) ।

আক্ষেপ

(শ্রী)

সই, রহিতে নাহি ঘরে ।
নিরবধি বলে কাহু-কলঙ্কিনী
এ কথা কহিব কারে ॥
ঘরে গুরুজনে যত আছে মনে
কালার কলঙ্ক সারা ।
বিরলে বসিয়া সেখানে বসিয়া
নয়নে গলয়ে ধারা ॥
কি করিব বল ইহার উপায়
শুন গো মরম-সখি ।
এ পাপ পরাগ সদাই চঞ্চল
ঘরে স্থির নাহি থাকি ॥
বিষ ভেল গৃহ ভোজন না রুচে
ঘুম নাহিক হয় ।
শ্রাম-পরমঙ্গ বিনে নাহি ভায়
শ্রবণ তা পানে রয় ॥

গৃহকাজে চিত না রয় বেকত
কালার ভাবনা গাঢ়া ।
চণ্ডীদাসে বলে কালার পিরীতি
সকলি হইবে ছাড়া ॥

(ধানশী)

সই, কি আর জীবনে সাধ ।
একুল ওকুল দুকুল ভরিয়া
বাড়াইলা পরমাদ ॥
শাশুড়ী নন্দী গঞ্জে দিবারাতি
তাহা বা সহিব কত ।
পাড়ার পড়শী ইজিত আকারে
কুবচন বলে যত ॥

১ । ঝামার মত পাকা । ২ । জুদা—পৃথক ভাবে ।

অবলা-পরাণে এত কি না সয়
শুন গো পরাণ-সই ।
মনের বেদনা যতেক যাতনা
আপন বলিয়া কই ॥
এ ঘর করণ কুলের ধরম
ভরম সরম গেল ।
কলঙ্কিনী বলি জগৎ ভরিল
নিশ্চয় মরণ ভেল ॥
চণ্ডীদাস বলে শুন শুন রাধা
সে শ্রাম তোমার বটে ।
কি করিতে পারে গুরু দুর্জনা
কান্নু যে রয়েছে বাটে(১) ॥

(স্ত্রী)

পিরীতি-মুরতি কভু না হেরিব
এ ছুটি নয়ান-কোণে ।
পিরীতি বলিয়া নাম শুনাইতে
মুদিয়া রহিব কাণে ॥
সখি, আর কি বলিব তোরে ।
পিরীতি বলিয়া এ তিন আখর
এত দুখ দিল মোরে ॥
পিরীতি আরতি কভু না করিব
শয়নে স্বপনে মনে ।
পিরীতি নগরের বসতি ত্যজিয়া
রহিব গহন বনে ॥
পিরীতি-পবন পরশ লাগিয়া
তেজিব নিকুঞ্জবাস ।
পিরীতি বেয়াধি ছাড়িলে না ছাড়ে
ভাল জানে চণ্ডীদাস ॥

(ধানশী)

সই, মরিব গরল খেয়ে ।
কান্নুর পিরীতি বিষম বেয়াধি
আমারে বেরল গিয়ে(২) ॥
কত না সহিব অবলা পরাণে
কুবচনে ভাঙ্গা দেহ ।
মনের বেদনা বুঝে কোন্ জনা
আর কি বুঝিবে কেহ ॥

১। কান্নু যখন বাটে অর্থাৎ পথে রহিয়াছে, তখন দুর্জনা (দুর্জন) গুরুজন কি করিতে পারে ? তাৎপর্য—কান্নাই তোমার সহায় হইলে কেহই কিছু করিতে পারিবে না ।

২। বেরল—বেড়িল, বেড়িয়া ধরিল ।

হেন মনে করি বিয় খেয়ে মরি
দূরে যাউ যত দুখ ।
অথলা রমণী কুলের কামিনী
সবার হউক সুখ ॥
কত না সহিব সেই কুবচন
সহিতে হইলু কালি ।
হেন মনে করি এ ঘর করণে
দিব সে আনল জালি ॥
চণ্ডীদাসে বলে এমন পিরীতি
বিষম প্রেমের লেহা ।
পিরীতি আরতি যার উপজিল
তার কি আছয়ে দেহা ।

(ধানশী)

সই, কি কাজ এ ছার ঘরে ।
শ্রামনাম নিতে না পারি গৃহেতে
তবে তারা হেদে মরে ॥
কেবল রাধার পরিবাদ সার
সে সব কুলের মণি ।
লোক-চরাচরে মনু মনু মনু
কি ছার পড়ল গণি ॥
আমি সে ভয়েছি শ্রাম-হেমমালা
হৃদয়ে পরিয়াছি ।
কহে যত জন শত কুবচন
সে বহি লইয়াছি ॥
চণ্ডীদাস কহে শ্রাম সুনাগর
ভজহ কিশোরী গোরী ।
লোক-পরিবাদ মিছা যত হয়
গোকুলে গোপের নারী ॥

(ধানশী)

সই, আর কিছু কৈও না গো ।
সকল বজর পাড়িয়া পড়ল
গোকুলে নন্দের পো ॥
কে জানে পাইব এত অপবাদ
স্বপনে নাহিক জানি ।
তবে কি তা সনে বাড়ানু মরমে
অথবা কুলের বনী ॥
শয়নে স্বপনে আন নাহি মনে
দেখিয়া কালিয়া কান্নু ।
বিরহ বেয়াধি কত না সহিব
কবে সে তেজিব তনু ॥

শুনহ সজনি হেন মনে করি
গরল ভখিয়া মরি ।
তবে ঘুচে তাপ বিষম সন্তাপ
গোপতে গুমরি মরি ॥
কহে চণ্ডীদাস হিত আশ্বাস
পিরীতি এমতি রীতি ।
কেন এত তুমি করিছ বিবাদ
ক্লেবেক ধৈর্য চিত ॥

(ধানশী)

সই, কাহারে করিব রোষ ।
না জানি না দেখি সরল হইলু
সে পুনি আপন দোষ ॥
বাতাস বুঝিয়া ফেলাইলু পা
বাড়াই বুঝিয়া খেহ(১) ।
মাছুম বুঝিয়া কথা যে কহিয়ে
রসিক বুঝিয়া লেহ ॥
মরম বুঝিয়ে ধরিয়ে ডাল
ছায় সে বুঝিয়ে মাথা ।
গাহক বুঝিয়া(২) গুণ প্রকাশিয়া
ব্যথিত বুঝিয়া ব্যথা ॥
অবিচাবে সই করিল পিরীতি
কেন কৈল হেন কাজ ।
চণ্ডীদাস কহে ধী রহ সুন্দরী(৩)
কহিলে পাইবে লাজ ॥

(শ্রী)

পিরীতি অনল ছুঁইলে মরণ
শুনহ কুলের বধু ।
আমান বচন না শুন এখন
জানিবে কেমন মধু ॥
সই, ও বোল(৪) না বল মোকে ।
পিরীতি আনলে পুড়িয়া মরিবে
জনম যাইবে দুখে ॥
সদা ছটফট মুরলী বিকট
লটপটি তার বেশ ।
আর বিম খাইলে তখন মরিয়ে
বিষে ত জীবন শেষ ॥

১। খেহ—স্বৈর্য্য।

২। গাহক—গ্রাহক, খরিদার।

৩। --হে সুন্দরি, তুমি ধী রহ অর্থাৎ ধৈর্য্য
ধরিয়া থাক। ৪। বোল—কথা।

নয়ানের কোণে চাহে যাহা পানে
সে ছাড়ে জীবন-আশ ।
পরশ-পাথরে ঠেলিয়া রহিলে
কহে বড় চণ্ডীদাস ॥

(শ্রী)

কালিয়া কালিয়া বলিয়া বলিয়া
জনমে কি ফল পানু ।
হিয়া দগদগি পরাগ পোড়নি
মনের আগুনে মনু ॥
গোকুল নগরে কেবা কি না করে
তাছে কি নিষেধ বাধা ।
সতী কুলবতী সে সব যুবতী
হাম কলঙ্কিনী রাধা ॥
এ ঘর করণ বিধি নিদারুণ
পিরীতি পরের বশে ।
হেন করে মন হউক মরণ
আর যত অপযশে ॥
বাহির বেড়াতে লোকচরচাতে
বিষম হইল ঘরে(১) ।
পিরীতি বলিয়া যতক বৈরী
আপন বলিব কারে ॥
রাধা মেনে কেহ(২) নাম নাহি লবে
এখানে অমনি মলে ।
চণ্ডীদাস বলে সবারে পাইবে
বধু আপনার হ'লে ॥

(ধানশী)

কাহারে কহিব মনের মরম
কে বা যাবে পরতীত ।
হিয়ার মানারে মরম-বেদনা
সদাই চমকে চিত ॥
গুরুজন আগে দাঁড়াইতে নারি
সদা ছল ছল আঁখি ।
পুলকে আকুল দিক্ নোংারিতে
সব শ্রামময় দেখি ॥

১। লোকচরচাতে—লোকের চর্চায়, আলো-
চনায় ঘরে থাকা দায় হইল।

২। মেনে—কথার মাত্রা, কোন অর্থ নাই।

সখীর সহিতে জলেতে যাইতে
সে কথা কহিবার নয় ।
যমুনার জল করে ঝলমল
তাহে কি পরাণ রয় ॥
কুলের ধরম রাখিতে নারিহু
কহিলাম সবার আগে (১) ।
কহে চণ্ডীদাস শ্যাম সুনাগর
সদাই হিয়ায় জাগে ॥

(শ্রী)

কুলের ধরম ভরম সরম
সকলি হৈল ছাড়া ।
হাসিতে হাসিতে পিরীতি করিহু
এবে সে হইল গাঢ়া ॥
কে জানে এমন পারিণামে হবে
এমন পাইব দুখ ।
তবে কি পিরীতি করিমু আরতি
এ হেন প্রেমের সুখ ॥
এই দেখি ধারা প্রেম হইল হারা
বাঁচিতে সংশয় ভেল ।
আছিল আমার সোনার বরণ
কাল হৈয়া গেল ॥

চণ্ডীদাস বলে শ্যামের পিরীতি
যে ধনী করিয়াছে ।
পিরীতি অ'দর সে জন করিয়া
কেবা কোথা ভাল আছে ॥

(শ্রী)

কত ঘর বাহির হইব দিবারাতি ।
বিষম হইল কালা কাহুর পিরীতি ॥
খাইতে না রুচে অন্ন শুইতে না লয় মন ।
বিষ মিশাইলে যেন এ ঘর করণ ॥
পাসরিতে চাহ যদি পাসরা না যায় ।
তুষের অনল যেন জ্বলিছে হিয়ায় ॥
হাসিতে শ্যামের সনে পিরীতি করিয়া ।
নাহি যায় দিবা-নিশি মরমে রুরিয়া ॥
পিরীতি এমন জ্বালা জানিব কেমনে ।
তবে কেন বাড়াই লেহা (১) কালিয়ার সনে ॥
পিরীতি-গরলে মোর হেন গতি ভেল ।
আছিল সোনার দেহ হৈয়া গেল কাল ॥
তিলেক বিচ্ছেদ পাপ পরাণে না সহে ।
এমন পিরীতি দ্বিজ চণ্ডীদাসে কহে ॥

অভিঙ্গারিকা

(শ্রী)

এইমত সব গোপের রমণী
চলিল নাগরী রামা ।
রাই-পাশে গিয়া চলিল ধাইয়া
সঙ্কেতে বনহি ধামা ॥
চল চল ধনি রাই প্রেমমণি
চল চল যাব বনে ।
রসের আবেশে কহে নবরামা
কহিছে ধনীর স্থানে ॥
ইথে ধনি আসি রাধার শ্রবণে
পশিল যতনে তাই ।
তরল কণন রমণী অন্তর
কহেন সুন্দরী রাই ॥

১। আগে—কাছে, নিকটে ।

পুন শুন শুন ডাকে ঘন ঘন
মধুর মুরলী-তান ।
শুনিতে চমকে মুরলী ধমকে
চিত্তে নাহি কিছু আন ॥
রাধার আরতি সে নহে পিরীতি
তথাই আছয়ে মন ।
বৃন্দাবন যেতে রসের আবেশে
কহিছে সকল জন ॥
সুখময়ী রাধা বেশ বনাইল
বন্ধন করিল জাল ।
নানা ফুলদাম বেড়ি অমুপাম
দিয়া মুকুতার মাল (২) ॥

১। স্নেহ ।

২। মাল—মালা ।

দুসারি মাণিক তার পাশে পাশে
প্রবাল গাঁথিয়া মাল ।

কনক-চম্পক কবরী বেড়ল
ভ্রমরা গুঞ্জরে ভাল ॥

সাঁথায় সিন্দুর তার মাঝে মাঝে
দিয়েছে চন্দন-ফোটা ।

যেন শশধর চৌদিকে বেড়ল
কি তার কহিব ঘটা ॥

নাগার বেশর অতি মনোহর
হাসিতে মুকুতা খসে ।

কনক কাঁচুলি তার পরিপাটী
মুকুতা গাথুনী পাশে ॥

ঘাঘর কিঙ্কিনী বাজে রিগি বিনি
পিঠেতে ছলিছে কাঁপা ।

তাহার মাঝারে গাঁথি ধরে ধরে
সুবাস কনক-চাঁপা ॥

নোল উড়নি ভুবন-মোহিনী
সোনার নুপুর পায় ।

চলিতে চরণে পঞ্চম (১) বাজয়ে
হংস-গমনে যায় ॥

চণ্ডীদাস বলে বিনোদিনী রাধা
রূপে করিয়াছে আলো ।

দেখিতে নয়ন পিছলিয়া পড়ে (২)
দেখিতে যাইবে চলো ॥

(কামোদ)

আর এক গোপী যাইতে বাহিরে
দেখিল তাহার পতি ।

তাহারে কৃষিয়া কহিছে গঞ্জিয়া
নিশিতে যাইবে কতি ॥

একে ঘোর রাতি তাহাতে স্নিজাতি
ভয় নাহিক মনে ।

নাহি লাজ-ভয় কুলের কলঙ্ক
কি করি যাইবি বনে ॥

অনেক গঞ্জিয়া তাহারে ধরিয়া
লইয়া খুল যবে (৩) ।

(অসম্পূর্ণ)

(শ্রী)

হেদে হে বঁধুয়া আসি গো আমি ।
পথে আন ছলে দেখা হ'ল ভাল

কি আর বলিবে তুমি ॥

ভাল না হইবে কাজ ।

চন্দ্রাবলী-স্থানে যদি কেহ কহে
শুনিলে পাইবে লাজ ॥

সে যে করিবে দারুণ মান ।

একুল ওকুল দুকুল যাইবে
পাথারে (১) ভাসিবে শ্রাম ॥

ইতে (২) তোমার ভাল না হইবে ।

চণ্ডীদাস ভণে রাই যদি শুনে
কুঞ্জে উঠিতে না দিবে ॥

(জয়শ্রী)

রাই সুনাগরী প্রেমের আগরি (৩)
সঙ্কেত পড়ল মনে ।

বড়াইয়ে ডাকি কহে চন্দ্রমুখী
যাইব মথুরা পানে ॥

আনি গোপীগণ যুথের মিলন
চল চল যাব বিকে ॥

দধির পশরা সাজাহ তোমরা
বিলম্ব না কর মোকে ॥

সব গোপীগণ চলিলা ভবন
সাজায়ে পশরা লই ।

ঘৃত ছানা দুধ ঘোল বিবিধ
ভাণ্ডে সাজাইছে দই ॥

সোনার গাগরী সাজায়ে দু'গারি
ওড়নি বিচিত্র নেত ।

করে অতিশোভা যেন শশী আভা
বরণ কালিয়া সে ত ॥

নানা আভরণ পরে গোপীগণ
পশরা লইয়া মাথে ।

চণ্ডীদাস বলে সব যোগী মিলে
সব গোপী মিলে রাধে ॥

১। পঞ্চম—'গুঞ্জরীপঞ্চম' পায়ের অলঙ্কারবিশেষ ।

২। পিছলিয়া পড়ে—ঠিকরাইয়া পড়ে, আগ্রহে উজ্জল হইয়া উঠে । ৩। ঘরে—(পাঠান্তর) ।

১। সাগরে ।

২। ইথে—(পাঠান্তর) ।

৩। প্রধান ।

দানলীলা

(সিকুড়া)

শ্রীদাম সুদাম আর বলরাম
সুবল চলিয়া গেল ।
ইঙ্গিত জানিয়া সুবল বুঝিল
পাতিতে দানের ছল ॥
কুমুদ-কাননে চলিলা সঘনে
ধেহুগণ নিয়োজিয়া ।
মথুরার পথে চলে যত্নাথে
রাজপথখানি বয়া (১) ॥
হুগারি কদম্ব তরুবর মাঝে
বসিলা রসিক-রাম ।
মধুর মুরলী পুরিলা তখনি
আন ছলে কিছু গায় ॥
নটবর বেশ নাগর-শেখর
দান-ছলে আছে বসি ।
ক্ষণেক ক্ষণেক রহি পথ চেয়ে
পুরত মোহন বাঁশী ॥
চণ্ডীদাস কহে স্বরিত গমন
কর রসময়ি রাধে ।
ভোমার কারণ বসি বিনোদিয়া
গোষ্ঠ-রস করি বাধে ॥

(বড়ারি)

বিদগধ প্রেম রূপ নিরখিতে
প্রেম-রসময়ী রাই ।
কামুর মরমে রাধার নয়নে
সঁপিয়া পশিলা দুই ॥
ইঙ্গিত কটাক্ষে তরল চাহনি
দৌহে দৌহা দৌহে রীতি ।
সঙ্কেত বেকত আন নাহি জানে
গোষ্ঠেতে চলিলা চিত ॥
সঙ্কেত ইঙ্গিতে কহিয়া চলিল
রসিক নাগর কান ।
মথুরার পথে বিকি অমুগারে (২)
সাধিতে চলিলা দান ॥

দৌহে ঠারঠারি আঁগি ফিরি ফিবি
গোষ্ঠেতে গমন কেলি ।
হই হই বলি চলে বনমালী
ধেহু লয়ে গেলা চলি ॥
সব ব্রজবালা করি নানা খেলা
গোষ্ঠমাঝে চলি যায় ।
কামু আন ছলে মথুরার পথে
দ্বিজ চণ্ডীদাস গায় ॥

রাধার বেশে শোভা বনাইছে
চিকুর আঁচরি চুল ।
তাহে সুগন্ধি অগুরু চন্দন
বেড়িয়ে মল্লিকা ফুল ॥
বেণীর সুছাদ দৃঢ় করি বাঁধে
কি কব তাহার কথা ।
অতি শোভা দেখি কালজাদ সাথী
দেগিতে হিহাতে ব্যথা ॥
চাঁদ বাসমল শ্রীমুখমণ্ডল
ভালে সে সিন্দূর-ফোটা ।
তার মাবো মাবো চন্দনের বিন্দু
আঙ্গুলে বিধুর ঘটা ॥
নয়নে অঞ্জন শোভে বিলক্ষণ
অধর রাতুল দেখি ।
গলে গজমতি লম্বি আছে তখি
কাঁচুলি তাহাতে সাথী ॥
নিতম্ব-মণ্ডল ঘাঘর কিঙ্কণী
চলিতে বাজয়ে ভাল ।
নানা আভরণ বিবিধ ভূষণ
মোহিত সকলি ভেল ॥
সোনার বরণ তাহে আরোপিত
পীতের বসন ভালি ।
সোনার নুপুর চলিতে মধুর
বাজয়ে পঞ্চম তালি ॥
রাধা মাঝে করি চলে ব্রজনারী
পশরা লইয়া মাথে ।
চণ্ডীদাস বলে রাই বিনোদিনী
চলিলা মথুরা-পথে ॥

১ । বয়া—বাহিয়া ।

২ । জিনিষ বিক্রয় করার ছলে

(সিন্ধুড়া)

প্রেম চল চল নম্নন-কমল
 প্রেমময়ী ধনী রাই ।
 শ্রামচাঁদ-মালা (১) জপিতে জপিতে
 আনন্দে চলিয়া যাই ॥
 রাই বলে শুন রসিয়া বড়াই
 কত দূর মধুপুর ।
 নম্নান ভরিয়া তাকে দেখি গিয়া
 তবে মনোরথ পুর ॥
 হাসিয়া বড়াই কহিছে দড়াই
 ও-পারে দানের কাজ ।
 তোমার কারণে বসি আন ছলে
 আছয়ে রসিকরাজ ॥
 ক্রমে বলে রাধা ক্রমে করে বাধা
 তা সনে কিসের কাজ ।
 কেবা জানে তারে দানী বসিয়াছে
 এই রাজপথ মাঝ ॥
 আমরা কংসের যোগানো হইয়ে
 তারে বা কিসের ডর ।
 চণ্ডীদাস বলে গিয়ে নিল রাধে
 সে হরি রসিকবর ॥

(বড়ারি)

শুন গো বড়াই হেথা ।
 কহ কহ শুনি সে জন কেমন
 তার পরসঙ্গ-কথা ॥
 কোন্ নাম তার সে কোন্ দেবতা
 সে কেনে ঘাটেতে বসি ।
 বড়াই কহিছে এখনি জানিবে
 সন্ধে আছে তার বাঁশী ॥
 বাঁশীর নিশান জানিয়া তখন
 হাসি বিনোদিনী রাধা ।
 শ্রীরাধা । তা সনে কিসের পরিচয় মোর
 কি আর করহ বাধা ॥
 বড়াই । সে জন চাতুরী তাহার মাধুরী
 তার নাম কালা কাম্বু ।
 যা চাহে তা দেই ইথে আন নাই
 অতি সে রসের তনু ॥

১ । শ্রাম নাম মালা—(পাঠাস্তর)

রাধা বলে শুন বড়াই বেদেনি
 চলিতে না চলে পা ।
 বড়াই বলিছে রাই পানে চেয়ে
 তোমার রসের গা ॥
 বুড়ীরে কি বল যে বল সে বল
 বুড়ীর নাহিক লাজ ।
 যুবতী জনারে পরশিতে তনু
 চলই দানের মাঝ ॥
 চণ্ডীদাস বলে গিয়া দান-ছলে
 ভেটহ নাগর রায় ।
 শ্রাম সুনাগর রসের সাগর
 কদম্বতরুর ছায় ॥

(বড়ারি)

রাই বলে শুন হেদে গো বেদেনি(১)
 ঘাটের জানহ পথ ।
 বড়াইরে রাধা কহে এক কথা
 বড় দেখি অমুরথ(২) ॥
 আর কত দূর আছে মধুপুর
 কহ না বেদেনী বুড়ী ।
 সহজে আগল(৩) পথ নাহি চলে
 চলিয়া যাইতে নারি ॥
 কাম্বু পরসঙ্গ অলপ ইঞ্জিতে
 সুধাই যতন করি ।
 কহিতে কহিতে হইল মোহিত
 কহ কহ ওলো বুড়ী ॥
 কহিছে বড়াই আপনি ডরাই
 মাঝেতে যমুনা এ ।
 ও-পার হইলে যা চাহ তা পাবে
 এ-পারে নাহিক সে ॥
 হাসি কহে রাধা বলে আধা আধা
 এ-পারে কে আছে বল ।
 বড়াই বলিছে কহিলে কি হয়
 আগেতে দেখাই চল ॥
 হরষ-বদনী রাই বিনোদিনী
 পুনঃ সে সুধায় তায় ।
 সে জন কেমন কিবা তার নাম
 দ্বিজ চণ্ডীদাস গায় ॥

১ । বেদেনি—দরদী ।

২ । অমুরথ—বিপদ ।

৩ । আগল—অসমর্থ ।

(তুড়ি)

শ্যাম-পরসঙ্গ বড়াই সহিতে
কহিয়ে চলিয়া যায় ।
সব গোপীগণ হাসিতে হাসিতে
গমন করিছে তায় ॥
কোন সখী বলে নিকটে মথুরা
নিকটে(১) চাহিয়া দেখ ।
মেঘের বরণ দেখিয়া সঘন
ক্ষণেক এ-পারে থাক ॥
বড় অদভূত দেখি যে বেকত
মেঘ নামে আচম্বিতে ।
কি হেতু ইহার বুঝিতে না পারি
ভাবনা হইল চিতে ॥
তাহাতে বড়াই কহিছে ওখায়
ও নহে দেবের মেহা(২) ।
গোকুল নন্দের নন্দন রসেছে
তাহার বরণ দেহা ॥
বড়াই-বচন শুনি গোপীগণ
হরষ-বদনে চায় ।
চণ্ডীদাস বলে বিনোদিনী রাধে
আনন্দে ভাসল তায় ॥

(শ্রীমুহ)

রাধা বলে মোরা জাগাত বলিয়া(৩)
কতবার মোরা আসি ।
দান সাধে ঘাটে ঘটয়া(৪) লইয়া
কদম্বতলাতে বসি ॥
গোকুলে বসতি ইথে কি আরতি
কংসের যোগিনী মোরা ।
রাজার হুজুরে আরজি করিয়া
ইহারে করিব ভোরা(৫) ॥

১। উপরে—(পাঠান্তর) ।

২। শ্রীমতী যমুনাতীরে উপস্থিত হইয়া
পরপারে দৃষ্টি করিতেই তাঁহার মনে হইল, যেন
ওপারে গাঢ় মেঘের উদয় হইয়াছে । তাহা দেখিয়া
তিনি শঙ্কিতা হইলেন । সে কথা ব্যক্ত করাতে
বড়াই বলিতেছে, উহা মেঘ নহে । তবে উহা কি ?
না, উহা নন্দ-নন্দন শ্রীকৃষ্ণের বর্ণ । নবঘনের সহিত
শ্রীকৃষ্ণের বর্ণের এই উপমা অতি সার্থক হইয়াছে ।

৩। জাগাত—যাহারা কর আদায় করে ।
জাগাত না জানি—(পাঠান্তর) । ৪। ঘটয়া—ঘটা,
পাত্র ।

৫। ভোরা—জন্ম, দণ্ড ।

এই সব বটা দূর-পথ হৈতে
বুড়ীয়ে কহিছে যত ।
দেখি তার পাশে দানী কি বা করে
কহিব তাহার মত ॥
অরাজ হইত কংস রাজপাটে
অবিচার যদি করে ।
তবে যাব মোরা রাজার গোচরে
চণ্ডীদাস বলে তারে(১) ॥

(শ্রী)

কোন সখী বলে শুন রসময়ি
আজি যে বিষম বড়ি ।
মাবা রাজপথে আচম্বিতে দেহে
কেমনে যাইব এড়ি ॥
এত দিন মোরা করি আনাগোনা
জাগাত নাহিক শুনি ।
কে বা সে বা জন জাগাত বলিয়া
আমরা নাহিক জানি ॥
বড়াই কহিছে তব দেখাইছে
এ বড় বিষম দানী ।
এ দধি-দুধের নহে যে কাঙ্কাল
ঐহন যাদুয়া মনি ॥
ঘরে ধরে আছে দুধের বাখার(২)
নন্দ ঘোষ যাব পিতা ।
তার কি লালসা তার কিবা আশা
যশোমতী যার মাতা ॥
চণ্ডীদাস বলে শুন কহি রাধা
এ বড় বিষম দানী ।
হাসিল হইতে রাজকর ভিতে
ঘাটে রহে যাদুমণি ॥

(কানাড়া)

বড়াই।— শুন রসময়ি রাধা ।
চল সব গোপী বিলম্ব না কর
কেন বা করিছ বাধা ॥

১। যদি এ রাজ্য অরাজক হইত, তাহা হইলে
ভাবনার কথা ছিল । কিন্তু তাহা ত নহে । সিংহাসনে
রাজা কংস উপবিষ্ট । শ্রীকৃষ্ণ যদি অবিচার করে,
তবে মোরা রাজা কংসের নিকট যাইয়া অভিযোগ
করিব ।

২। বাখার—আড়ত ।

দেখ আগে হৈয়া(১) পশয়া লইয়া
 দানী আগে কিবা চায় ।
 তবে সে সকল জানিব কহিতে
 হেন আছে অভিপ্রায় ॥
 বড়াই-বচনে যত গোপীগণে
 চলিলা কদম্বতলে ।
 রহ রহ বলি শুন গোয়ালিনী
 দানী যে ডাকিয়া বলে ॥
 শ্রীকৃষ্ণ । বহু দিন রাধে পলাইছ সাধে
 আজু সে পাইয়াছি লাগি(২) ।
 যত অনুতাপ তাপিত আছয়ে
 উঠিছে দারুণ আগি ॥
 চণ্ডীদাস বলে বিপাকে পড়িলে
 ঠেকিলে দানীর হাতে ।
 একে আছে তাই সন্দেহে বড়াই
 অপযশ তার মাথে ॥

(তুড়ি)

রাধা বলে শুন বিনোদ বড়াই
 বড়াই বিষম শুনি ।
 এ পথে জাগাত ঘাটে ঘটয়াল
 কখন নাহিক শুনি ॥
 যে হয় সে হয় করে নাহি ভয়
 কহিব কংসেরে গিয়া ।
 তোমার যোগানী তার হেন গতি
 রাখিবে ধরিয়৷ লয়া ॥
 বড়াই বলিছে শুন বিনোদিয়া
 তরুণী আগুলি পথে ।
 এ কোন্ বিচার নহে ব্যবহার
 বড় হব অনুরথে ॥
 একে সে অবলা তাহে সে গোয়ালী
 ছুঁইলে কুলের ভয় ।
 জ্ঞানি কুল শাল সকলি মজিব
 এ তোম উচিত নয় ॥
 কানু কহে তাই শুনহ বড়াই
 রাজকর নিব বুঝি ।
 যে হয় সে দিয়া তুমি যাও লয়া
 যতেক গোয়ালী-ঝি ॥

১ । আগে গিয়া ।

২ । লাগি—নাগাল, দেখা পাইয়াছি ।

চণ্ডীদাসে কয় শুন রসময়
 এবার ছাড়িয়া দেহ ।
 পু বাহুড়িয়া এ পথে আসিলে
 যে হয় বুঝিয়া লিহ ।

(বড়ারি)

শ্রীরাধা ।— শুনহ নাগর কানু ।
 কে তোমা এ মাঠে দানী করিয়াছে
 ধরিয়৷ মোহন বেগু ॥
 হাসি হাসি চাহ কুল নিতে চাহ
 আপন বড়াই রাখ ।
 তিলেকে ভাঙ্গিবে ঠাকুরালিপণা
 আপনি দাঁড়য়ে দেখ ॥
 কানু বলে, আগে যাহাই করিবে
 তাহা আগে তুমি কর ।
 তবে সে তোমারে ছাড়ি আমি দিব
 যাহার ভরসা কর ॥
 কংসের যোগানী বলিয়া তোমার
 বড় অহঙ্কার দেখি !
 কোটি কোটি কংস করিয়াছি ধ্বংস
 শুনহ কমলমুখি ॥
 রাই বলে, ভাল জানিয়ে তোমারে
 রাখাল হইয়ে এত ।
 গরু না রাখিতে হাতে বাড়ি করে
 তবে সে হইত কত ॥
 কানু বলে, মোর এই ব্যবহার
 রাখি যে ধেমুর পাল ।
 গোপের গোধন ভূষণ চন্দন
 তাহার জীবিকা আর ॥
 শ্রীরাধা ।—পরিয়াছ মালা গুঞ্জা আছে গলা *
 গাঁথিয়া পরম মালা ।
 এ বেশে এ দেশে রমণী তুলিব
 যাহাই বরণ কালা ॥
 বনফুলে তুমি চুড়াটি বেধেছ
 এই যে নাগরপণা ।
 কত বড় তুমি ঠাকুর বটহ
 এবে সে গেলই জানা ॥
 চণ্ডীদাস বলে শুন গুণনিধি
 অবলা না দিহ ছুথ ।
 মথুরা যাইতে দেহ আন ভিত্তে
 করিতে বিকির সুখ ॥

* পরিয়াছ গলে তুলি গুঞ্জা ফল—(পাঠাস্তর)

(শ্রীপটমঞ্জরী)*

শ্রীকৃষ্ণ ।—শুন গোয়ালিনি উপমা দিয়াছ
কংসের আরতিপণা ।
ছাওয়াল বেলাতে(১) পূতনা বধিল
তার রীত আছে জানা ॥
কি করিতে পারে তোমর কংস রাজা
পূতনা বধিল যবে ।
তারে কি দেখাসি(২) যোগানী বলিয়া
তাহারে বধিব কবে ॥
চণ্ডীদাস বলে দৌহার পিরীতি
অমিয়া-রসের সার ।
ছ'ছ রসসিকু দানছলা রস
অপার মহিমা সার ॥

কানু কহে শুন গোপী আমার বচন ।
দান দিয়া মথুরাতে করহ গমন ॥
কড়ি নিব আজি বুঝি কড়া কড়া ।
রাজার হাসিল কড়ি(৩) নাহি যায় ছাড়া ॥
বহুদিন গেছ তোরা দানী ভাগাইয়া ।
আজি সে লইব দান পশরা লুটিয়া ॥
যাবে যদি বিকিকিনি করিতে মথুরা ।
রাজার হাসিল কড়ি দিয়া যাহ তোরা ॥
চণ্ডীদাস কহে শুন রাধা বিনোদিনি ।
কত দিন গেছ পথে, তাহা আমি জানি ॥

(শ্রীমুহূর্ষ)

কানুর বচন শুনি গোপীগণ
কহিতে লাগিলা তায় ।
কে জানে কিসের দানের বিচার
মোর মনে নাহি ভায় ॥
এই পথে মোরা করি আনাগোনা
কে জানে দানের কথা ।
আচম্বিতে শুনি দানের বিচার
কে বা কড়ি দিবে হেথা ॥

* পাঠান্তর—রাগ জয়ন্তী ।

১ । ছেলে বেলাতে ।

২ । দেখাসি—দেখাও ।

৩ । হাসিল কড়ি—শ্রীযা শুক ।

রাজকর মোরা গোকুলে দিয়াছি
মো সবার পত্তি জনা ।
কখন এ পথে তরুণী ষাইতে
কেহ নাহি করে মানা ॥
শ্রীকৃষ্ণ ।—তাহে কহে বাণী শুন বিনোদিনি
কে তোমা রাখিতে পারে ।
আজু সে লইব পশরা লুটিব
কে বা কি করিতে পারে ॥
চণ্ডীদাস কহে শুন ধনী রাধে
সুখে কর কিনিবিকি ।
ধরল বচন অমিয় রচন
বিকি কর সুধামুখি ॥

(বড়ারি)

বেরাইতে(১) রাধা নাহি পড়ে বাধা
পশরা লইতে মাথে ।
তবে কি এ পথে পশরা লইয়া(২)
আসিথু(৩) বড়াই সাথে ॥
সব গোপীগণ বিরস বদন
কহিছে কানুর কাছে(৪) ।
বিকি গেল বয়ে বেলা যে উচর(৫)
অমুরথ হয় পাছে(৬) ॥
অবলা দেখিয়া পথের মাঝারে
এত পরমাদ কর ।
তোমার চরিত বুঝিতে না পারি
কুবুদ্ধি ছাড়িতে নার ॥
রাই বলে, তুমি গোকুলে বসতি
শুনেছি তোমার রীত ।
যমুনার জলে কেহ যেতে নারে
তাহার হরহ চিত্ত ॥
কদম্ব-কাননে বসিয়া থাকহ
পরিয়া কদম্বফুল ।
অবলা দেখিয়া বাঁশী বাজাইয়া
সবার হরহ কুল ॥

বাহির হইতে ।

বিকি করিবারে—(পাঠান্তর) ।

আসিথু—আসিতাম ।

কহিছে কানুর পাশে—(পাঠান্তর) ।

বিক্রম করিবার কাল উত্তীর্ণ হইয়া গেল

দোষ পাব গেলে বাসে—(পাঠান্তর) ।

চণ্ডীদাসে বলে শুন বিনোদিনি
কাহুর চরিত বাঁকা(১) ।
যমুনা যাইয়া কে ধনী আসিব
তাহার ঘোবনে ডাকা(২) ॥

— —

(যতি)

শ্রীরাধা । ঠেকিমু দানীর হাতে ।
বহুদিন এই পথে আসি যাই
পশরা লইয়া মাথে ॥
যে বলে জাগতি যায় তার জাতি
কুলের বজর পড়ি ।
যত করে নাট আসি এই ঘাট
এই সে বড়াই বুড়া ॥
বুড়ীর বচনে এ পথে আসিয়া
ঠেকিল দানীর ঠাই ।
কেমনে ও-পারে গেলে সে আমরা
স্মর সে আসিব নাই ॥
কে জানে এমন হবে পরিণাম
তবে না আসিতাম মোরা ।
হেন বৃদ্ধি কাজ কুলশীল লাজ
এ দানী নিবেক পাবা ॥
ভালে ভালে বড়াই দূরে আওবিকি(৩)
ও-পারে লইয়া যা(৪) ।
দানীর বচন শুনি হিয়া কাঁপে
থর থর করে গা ॥
চণ্ডীদাস বলে শুন ধনী রাধে
কেন বা করহ ভয় ।
আদর পিরীতি কর বিকিকিনি
হেন মোর মনে লয় ॥

— —

(সুহই)

শ্রীরাধা ।—তুমি সে কেমন জানিয়ে আমরা
রাখাল হইয়া বনে ।
গোপের গোধন রাখহ রাখাল
বোলহ(৫) বালক সনে ॥

১ । বাঁকা—কৃটিল ।

২ । ডাকা—ডাকার্ত ।

৩ । আওবিকি—আসিব কি, যাইবি কি ।

৪ । দূরে আওবিকি ভাল এ বড়াই—
(পাঠান্তর) ।

৫ । বুলহ—ভ্রমণ কর ।

এক দিন বনে সুরতি হারায়ে
কাঁদিয়া বিকল তুমি ।
সে সব পাশর(১) নাহি পড়ে মনে
সকল জানিয়ে আঁমি ॥
এক দিন মায়ে পায়ে দড়ি দিয়ে
রেখেছিল উদূখলে ।
কাঁদিয়া বিকল বালক সকল
তাহা বা পড়য়ে মনে(২) ॥
নবনী কারণে বাঁধিয়া যতনে
রাখল নন্দের রাণী ।
দেখিয়া বিকলি হইছ পাগলি
তাহা সে সকলি জানি ॥
ইবে ঘাটে বসি হয়েছ জাগতি
তরুণী আঁগুলি রাখ ।
এবে সে জানিব যত বড় দানী
কখন নাহিক ঠেক ॥
চণ্ডীদাস বলে শুন বিনোদিনি
সুখেতে করছ বিকি ।
যে হয় উচিত দান সমাধিয়া
চলি যাহ যত সখী ॥

— —

বড়াইয়ের উক্তি

(কানাড়া)

(১)

কালিয়া বরণ ধরিলে নয়ন
মেজহ নয়ন দুটি ।
পুতলি উপরে ধরহ কালিয়া
তার তেন মুছি দুটি ॥
নোটন(৩) বন্ধান কুণ্ডল করিয়া
তাহা বা পরেছ রাধে ।
কাল জাদ কাল তাহা কেন ধনি
পরিয়াছ নিজ সাধে ॥
নয়নে পরিলে কাজল কালি
মুছিয়া করহ দূরে ।
হিয়ার কাঁচলি কালিয়া বরণ
কেন বা পরহ তারে ॥
ভাঙ ভুজ দুটি উপরে ধরিলে
অঙ্গের বসন কাল ।

১ । বিশ্বৃত হও ।

২ । তাহা মনে পাগরিলে—(পাঠান্তর) ।

৩ । নোটন—চূড়া ।

নিরবধি ভর যমুনার নীর
তাঁহা নিতি আন ভাল ॥
তোমার অঙ্কের নীল নব বাস
তাঁহা বা পরিলে কেনে ।
এ সব চাতুরী অপার বচন
দ্বিজ চণ্ডীদাস ভণে ॥

(২)

কালিয়া বরণ ধরিলে যতনে
মোহন নয়ন পরে ।
পুতলি উপরে ধর কাল তারা
কাটিয়া ফেলহ দূরে ॥
লোটন বন্ধান কুস্তল কালিয়া
তাঁহা ধরিয়াছ রাধে ।
কালজাদ কাল তাঁহা কেনে ধনি
পরিয়াছ নিজ সাধে ॥
নয়নে পরিলে কাজল কালিয়া
মুছিয়া করহ দূরে ।
হিয়ার কাঁচলি কালিয়া বরণ
কেন বা পরহ তারে ॥
ভাঙ ভুরু দুটি উপরে ধরিলে
অঙ্কের যে বলি কাল ।
নিরবধি ভর যমুনার নীর
তাঁহা নিতি আন ভাল ॥
তোমার অঙ্কের নীল নব বাস
তাঁহা বা পারিলে কেনে ।
এ সব চাতুরী অপার রচনা
চণ্ডীদাস ইহা জানে ॥*

* এই পদ দুইটির তাৎপর্য এই যে, শ্রীরাধা শ্রীকৃষ্ণকে গালি দিতেছেন দেখিয়া বড়াই তাঁহাকে লক্ষ্য করিয়া বলিতেছে, কালো রূপই যদি তোমার অসহ হয়, তাঁহা হইলে তুমি তোমার নয়নের তারা দুইটি মুছিয়া ফেল ; তোমার যে ঘনকৃষ্ণ কেশদাম চূড়ার অকারে বাঁধিয়াছ, তাঁহাও খুলিয়া ফেল ; সাধ করিয়া কালো রঙের যে ওড়না পরিয়াছ, তাঁহাও ফেলিয়া দাও ; চোখের কাজলও মুছিয়া ফেল ; তোমার কাঁচলির রংও কালো, সুতরাং তাঁহাও তুমি ত্যাগ কর ; তুমি এই যমুনার কালো জলে নিরন্তর বাস করিতে ভাল বাস, তাঁহাও ত্যাগ কর ; আর তোমার পরিধানে যে নীল বসন রহিয়াছে, তাঁহাই বা তুমি পরিধান করিয়াছ কেন ? সুতরাং এ গালি যে তোমার চাতুরী, তাঁহাতে আর সন্দেহ নাই । এখন এ সব ছলা ছাড়িয়া শ্রীকৃষ্ণের সহিত মিলিত হও ।

(শ্রীপটমঞ্জরী)

শ্রীকৃষ্ণ ।—শুনি ধনি রাধা রূপের গরব
কহ না আমার কাছে (১) ।
গুণ নাহি যার কিবা রূপ তার
শুন কহি তোর কাছে ॥
দেখিতে সুন্দর সোনার বরণ
উত্তম সোনার ফুল ।
রূপ আছে তাথে গুণ নাহি তার
ফেলায় করিয়া দূর ॥
কেহ নাহি পারে নাহি বাস গন্ধ
তার বা ঐছন রীত ।
নিগুণে কে করে গুণকে আদর
বুঝহ আপন চিত ॥
তার ফল যেন দেখি যে সুন্দর
খাইতে লাগয়ে তিতা(২) ।
কটার বরণ নহে সুশোভন
কি কহ রূপের কথা ॥
চণ্ডীদাস বলে শুন বিনোদিনি
দৌহার আরতি রীত ।
কে ইহা বুঝবে কাহার শক্তি
দৌহে সে দৌহার চিত ॥

(যতিশ্রী)

রাধা বলে তুমি কত চাহ দান
বলহ কি নিতে চাহ ।
যা নিবে তা দিব নাহি ভাড়াইব
সবারে ছাড়িয়া দিহ ॥
কানু বলে ভাল বলিলে আমারে
বুঝহ আমার কাছে ।
উচিত হইলে তাঁহা দিয়া যাবে
আন কথা হয় পাছে ॥
অমূল্য রতন নিব ত এখন
বেণীর যে হয় দান ।
এক লাখ নিব ইহার উচিত
ইহাতে না হয় আন ॥
সীতার সিন্দুর দুই লাখ নিব
নাসার বেশরে রাই ।
তিন লাখ নিব মুকুতার দান
বেশের উপমা নাই ॥

১ । কহ না—কহিও না, বলিও না ।

২ । তিতা—তিক্ত, ভেতো ।

হাসির সোসর পাঁচ লাখ পর
নিব সে এখনি গণি ।
যাহার হাসির মিশালে পড়য়ে
কত মাণিকের কণি ॥
কহে চণ্ডীদাস শুন রসময়
এত কি দানের লেখা ।
এ ঘাটে তরুণী গোপের রমণী
আর কি পাইব দেখা ॥

(বড়ারি)

কাঁচুলীর কড়ি দশ লাখ নিব
হারের বিংশতি লক্ষ ।
নয়ানেন কোণে আছে কত ধন
বন্ধিম যার কটাক্ষ ॥
নিতম্ব-মণ্ডল সাত লাখ নিব
নুপুর সহস্র পর ।
যুগল চরণ অমূল্য রতন
যাহার নাহিক ওর ॥
নীলবাস পর শোভিত সুন্দর
ইহা বা কিসের লেখা ।
দশ লাখ নিব কে তোমা রাখিব
পেয়েছি তোমার দেখা ॥
কিকিণী নুপুর কোটি লাখ নিব
যাহার উপমা নাই ।
যত হয় লেখা নাহি যায় রাখা
লইব তোমার ঠাই ॥
এত শুনি রাখা কহে আধা আধা
বসিয়া নাগর-পাশ ।
এত কিবা সহে দানের বিচার
কহে দ্বিজ চণ্ডীদাস ॥

(বড়ারি)

বড়াই ।— শুন হে রসিক নাতি ।
জাতি মিলায়ব ধন বিলায়ব
নেহ ত আঁচল পাতি ॥
হাসিয়া হাসিয়া রসিয়া বড়াই
কহিছে রাখার ঠাই ।
কি শুন নাতিয়া বচন সচন
কেমনে শুনহ রাই ॥

কুলশীলপণা শুনহ নাতিনা
নিতে চাহে ও না দানী ।
তার কিবা ভয় কিসের সংশয়
এই কর বিকিকিনি ॥
অমূল্য রতন যাহার বচন
কি বা সে লোকের ভয় ।
যে চাহে তা দিয়ে এই আন লয়ে
হেন সে মনেতে ভয় ॥
রাই পানে বলে বুড়ী কোন ছলে
কাণে কাণে কহে কথা ।
বারি হাতে করি গ্রাম বরাবরি
রাইয়া নাড়য়ে মাথা ॥
নাতিনী নাতিয়া দুই সে মিলন
করিয়া দিব যে ভালি ।
রসের পরশে সুখের লালসে
করহ রসের কেলি ॥
চণ্ডীদাস সুখী এ কথা শুনিয়া
গ্রামের বাজারে বিকি ।
হরষ-বদনে পশরা মাথায়
হাসি বসে সব সখী ॥

(কামোদ)

হাসিয়া হাসিয়া বড়াই রসিয়া
ধরিয়া রাখার করে ।
হাসিয়া রসিয়া রাই পানে চেয়ে
হরষে কহিছে তারে ॥
কত সুধানিধি আমার আঁচলে
করে সে পরশি লেহ ।
কি বা চাহ দান রসাল মিশালে
আসি ভাঙ্গাইয়া লেহ ॥
এক শত লাখ হাতে গণি পাবে
বচন অমিয়া-কণি ।
আর লক্ষ লক্ষ চাহনি যধুর
লেহত আসিয়া গণি ॥
আর কোটি লক্ষ লেহত অধর
সুন্দর কনক-ফুলে ।
যার নাহি তুল তার সমতুল
যার নাহি দিতে মূলে ॥
অমূল্য ভাণ্ডার লেহ ত জাগাত
বুঝিলে যে হয় লাভ ।
চণ্ডীদাস বলে যে বল সে হয়
এ কত বুঝিয়ে ভাব ॥

(বড়ারি)

শ্রীকৃষ্ণ ।—

সোনার বরণখানি মলিন হইয়াছ তুমি
হেলিয়া পড়েছ যেন লতা ।
অধর বান্ধুলি তোর নয়ান চাতক ওর
মলিন হইল তার পাতা ॥
বরণ বসন তায়(১) ঘামে ভিজ্ঞে এক ঠায়
চরণে চলিতে নার পথে ।
উতাপিত রেণু তায় কত না পুড়িছে পায়
পশরা বাজিলে তার মাথে ॥
রাখহ পশরাখানি নিকটে বৈঠহ তুমি
শীতল চামর দিয়ে বা(২) ।
শিরীষ কুমুম জিনি সুকোমল তনুখানি
মুখে না নিঃসরে এক রা(৩) ॥
বসিয়া রসিক রায় বলিয়া বুটিয়া(৪) তায়
হাসি রাখা বলিছে বড়াইয়ে ।
চণ্ডীদাস শুনি দেখি শুনহ কমল-মুখি
বৈসে ক্ষেণে কদম্বের ছায়ে(৫) ॥

(সুহই)

শ্রীকৃষ্ণ । পশরা নামাও রাধে ।
এ নব বয়সে বিকে পাঠাইতে
তিলেক নাহিক বাধে ॥
তোর নিজ পতি তার হেন রীতি
তোরে পাঠাইল বিকে ।
কেমনে ধৈর্য ধরিয়া আছয়ে
সে হেন পাষণ বৃকে ॥
যাউক তাহার ধনে পড়ু বাজ
এ হেন সম্পদ ছাড়ি ।
তাহার নাহিক যান্না দয়া মোহ
সে অতি কঠিন বড়ি ॥
বৈস বৈস রাধে রসের মোহিনী
বসনে করি যে বায় ।
সোনার বরণ রবির কিরণে
পাছে মিলাইয়া যায় ॥

১ । সরুয়া বসন তায়—(পাঠাশুর । ২ । বা—বায়ু ।

৩ । রা—কথা । ৪ । বুটিয়া—বুঝাইয়া ।

৫ । কহে স্বিঞ্জ চণ্ডীদাসে শ্রাম ধরি রাই-হাথে
বসাওল তরুর ছায়ায় ।

দধির পশরা আনি লয়া তার ছানা লুনি
আদরে বদনে দিতে চায় ॥—(পাঠাস্তর) ।

ভয় অতি মনে উঠিছে সঘনে
শুনহ সুন্দরী রাই ।
চাঁদমুখখানি মলিন হয়েছে
চণ্ডীদাস গুণ গাই ॥

(কানাড়া)*

শ্রীকৃষ্ণ । আইস ধনি রাখা তুমি তনু আধা
অনন্ত ভাবিয়া ভাবে ।
ভব বিরিকি তারা নিরন্তর
যে পদপল্লব লবে ॥
শুক সনাতন পরম কারণ
ও পদ আশে ।
ব্রজপুরে হেতা হয়ে গুল্ম-লতা
ইহাতে করিয়ে বাসে ॥
কেনে তরুলতা হইব দেবতা
কিসের কারণে হেন ।
ও পদ-পঙ্কজ রেণুর লাগিয়া
এ হেতু তাহার শুন ॥
ধেয়ানে না পায় যাহার চরণ
সে জনা দানের ছলে ।
আজু শুভ দিন পেয়ে দরশন
তোমারে পেয়েছি কোলে ॥
তুমি সে পরম আমার মরম
তোমারে ভাবিয়ে সদা ।
হৃদয় ভিতরে ভাবিয়ে তোমারে
সদাই আছয়ে বাধা ॥
কত ছলা-কলা তোমার কারণে
দানের আরতি তাই ।
চণ্ডীদাস বলে ঐরূপ পিরীতি
খুঁজিয়া পাইবে নাই ॥

(কানাড়া)

শ্রীকৃষ্ণ ।—আজু দান মোর হইল সফল
পাইল তোমার সঙ্গ ।
বিহি মিলাইয়া ভাল ঘটাইল
বিকি-কিনি হ'ল রঙ্গ ॥
তোমার কারণে দান সিরঞ্জিল
বসিল কদম্বতলে ।
দিনে কত বেরি বুলি ফেরি ফেরি
পাকিয়ে কতক ছলে ॥

৫ । রাগ আসোয়ারী

বাণীতে সঙ্কেত সদা নাম নিয়ে
 গোষ্ঠেতে গোধন রাখি ।
 তোমার কারণে এ পথে ও পথে
 সদাই ছলেতে থাকি ॥
 আদর পিরীতে রাই-মন তুষি
 নাগর রসিক রায় ।
 দধির পশরা লয়ে দধি দুধ পিম্বল
 চণ্ডীদাসে ভেল তায় ॥

(সুহই)

শ্রীকৃষ্ণ ।— আন জন যত বলে ।
 সে সব সৌরভ এ চুম্বা চন্দন
 করিয়া লইয়াছি হেলে(১) ॥
 তুমি মোর ধনী নয়ন-অঞ্জন
 দুটি সে আঁখির আঁখি ।
 যবে তিল আধ তোমাতে না দেখি
 মরমে মরিয়া থাকি ॥
 শয়নে ভোজনে নয়নে নয়নে
 আঁখির গোচর যবে ।
 তবে কি পরাণে জীবই জীবনে
 পরাণ না রহে তবে ॥
 তেজি আন পথ গোপত আরোপি
 সকল তোমার পায় ।
 নিরস্তর মন সঘন সঘন
 তুমি পথপানে চায় ॥
 গোলোক-বিহার পরিহরি রাখা
 গোকুলে গোপের ধরে ।
 তুমি আসে বাস পরশ লাগিয়া
 আইহু তোমার তরে ॥
 তোমা হেন নিধি মোরে দিল বিধি
 শুনহ কিশোরী গোরী ।
 চণ্ডীদাস কয় হেন মনে লয়
 কাছে আড় করি ॥

(কানাডা)

শ্রীকৃষ্ণ ।— তুমি সে আঁখির তারা ।
 আঁখির নিমিষে কত শত বার
 নিমেষে হইয়ে সারা(২) ॥

১ । কত লোক কত কথাই বলে, কিন্তু আমি
 সে সব তোমার জন্ম চন্দন-চুম্বার সৌরভের মত
 হেলায় লইয়াছি, অর্থাৎ আমি লোকনিন্দা গ্রাহ্য করি
 নাই । ২ । হারা—(পাঠান্তর) ।

তোমা হেন ধন অমূল রতন
 পাইল কদম্ব-তলে ।
 বৈস বৈস রাখা কত না বেজেছে
 ও রাজা চরণ-তলে ॥
 শিরীষ শরীর ছটায় রবির
 মলিন হয়েছে মুখ ।
 আহা মরি মরি বিষম গমনে
 কত না পেয়েছ দুখ ॥
 কবি ।—আপনা পীতের বসন আঁচলে
 রাই-মুখ মুছে শ্রাগ ।
 বসন-বাতাসে শ্রম দূরে গেল
 মিটিল অঙ্গের ঘাম ॥
 নীল-কদম্ব তরুয়ার তলে
 সহচরী গোপীগণে ।
 রস-সরসিজ সরস বচনে
 চাহিয়া শ্রামের পানে ॥
 রসিয়া বড়াই কহিছেন তথি
 শুনহ রমণী যত ।
 প্রেম-রস দান কর সমাধান
 তাহা না বুঝায় কত ॥
 ইজিতে ইজিতে কহে এক ভিতে
 সেহ সে চতুর বড়ী ।
 উগি(১) দিয়া চাহে আন পথে রহে
 পড়িল হাতের বারি ॥
 কানু করে লই ছেনা দুধ দই
 বদনে ঢালিয়া দেয় ।
 কার বা বসন লইল যতন
 কার অঙ্গে হার লয় ॥
 ঐছন কি রীতি করিয়া পিরীতি
 ধরিয়া রাখার করে ।
 গুপ(২) তরুবার কদম্বের তলে
 বৈঠল নাগরবরে ॥
 চণ্ডীদাস দেখি দুঁহ রূপখানি
 মনেতে লাগিল ভালো ।
 একুল ওকুল যমুনা-কিনার
 সকলি করিল আলো ॥

জয়শ্রী

ওগো বড়াই কি দেখ কদম্বতলে ।
 দেখি অদভূত নয়নে না ধরে ॥

১ । উঁকি ।

২ । গুপ—গুপ্ত, গোপন স্থানস্থিত ।

কিরূপ করিল আলো ।
 দেখাইয়া দিব চলো ॥
 মেঘে উপজল চাঁদ ।
 না জানি কেমন ছাঁদ ॥
 হাসিয়া বড়াই কহে ।
 ও মেঘ ও চাঁদ নহে ॥
 চাঁদ আর পিব হে ।
 দুই তম্বু একই দেহে ॥
 কো কহু আনন্দ ওর ।
 ওরা মনমথ ভেল জোর ॥
 আজু যুগল-কিশোর ।
 কালিন্দীকূলে উজোর ॥
 দেখ রাধা বিনোদিনী রায় ।
 কদম্ব-তরুর ছায় ॥
 দুই তম্বু আনন্দ-বিভোর ।
 চণ্ডীদাস দেখি ওর ॥

(বড়ারি)

বড় অদভূত দেখিল বেকত
 নবধন আসি নামে ।
 সে জন জলদ পুঞ্জ ঘোর অতি
 বসিয়া কুম্বদামে ॥
 মেঘের উপরে চাঁদ ফলিয়াছে
 হের না আসিয়া দেখ ।
 এই সব গোপী প্রেমের নবরূপী
 কেমনে জলদ-রেখ(১) ॥
 মেঘে চাঁদ ফলে নাহি কোন কালে
 নাহি তার পাতা ফুল ।
 চারু শাখা তায় দেখিল তথায়
 মেঘের গঞ্জন দূর ॥
 শাখায় শাখায় তার সরু ডালে
 বিংশতি চাঁদের খেলা ।
 আর চারুমূলে বিশ শশধর
 চল্লিশ চাঁদের মেলা ॥
 মেঘের উপর নাচিছে ময়ূর
 তাহার গর্জন শনি ।
 সহস্র গো ভূষণ মুখেতে
 নাচত একই ফণী ॥

(১) শ্রীকৃষ্ণের কোলে শ্রীমতী উপবেশন করায় মনে হইতেছে, যেন মেঘের উপর চাঁদ বসিয়া আছে ; আর গোপনারীরা শ্রীকৃষ্ণকে বেড়িয়া থাকায় তাহাদিগকে জলদ-রেখ অর্থাৎ বিদ্যুতের ছায় মনে হইতেছে ।

ফল-যুগল তাহে শশধর
 বেড়িয়া রষেছে ওই ।
 এ বস-মাধুরী চতুর চাতুরী
 বুঝিতে না পাবে কই ॥
 কুলিশ-যুগল তার পরে ফল
 তাহে সে চাতক আশে ।
 চাতক-বাদর মেঘ রসালিয়া
 সে জন আছয়ে শেষে ॥
 এই দুই আদর পাইয়া বাদর
 দেখিয়া গোপের নারী ।
 চণ্ডীদাস বলে আন কি বুঝিবে
 বেকত বুঝিতে পারি ॥

(কানাড়া)

কহিছে বড়াই শুন ধনী বাই
 বেলা সে উচর হ'ল(১) ।
 তোলহ পশরা অতি রবি খরা
 তুরিত করিয়া চল ॥
 গৃহপতি তারা অতি সে মুখরা
 গঞ্জিব কতেক গালি ।
 শনি উঠে তাপ বিমন সস্তাপ
 গমন তুরিতে ভালি ॥
 লোক-চরচাতে হেন মনে করে
 সকল বুড়ীর দোষ ।
 আমি না আইলে কেবা লয়ে যায়
 কাহারে করিব রোষ ॥
 রাধা বলে তাষ কিবা আছে ভয়
 যে করু সে করু পাছে ।
 এ হেন সম্পদ পাইয়া আমরা
 আর কি জগতে আছে ॥
 শুন গো বেদেনী বড়াই চেতনী
 তুমি সে নাটের নাট ।
 গোপনী(২) যে রস করিলে বেকত(৩)
 পাতালে বসের হাট ॥
 এখন কেন বা ভয় পরিসর
 তখনি ভরসা বাধ ।
 কামুর চরণে ভেজাতে যতনে
 যতনে তাহাই ছাঁদ ॥

১ । বেলা বাড়িতে লাগিল ।
 ২ । গোপনী—গোপনীয় ।
 ৩ । বেকত—ব্যক্ত, প্রকাশ ।

চণ্ডীদাস বলে চলহ তুরিতে
বিলম্ব নাহিক ধনি ।
বহু দূরপথ গোকুলনগরী
সাজাহ পশরাখানি ॥

(জয়শ্রী)

রাই বলে শুন বেদিনী বড়াই
মোর ঘরে গিয়া বল ।
কানুর চরণে শরণ পশিল
মনের মানস ভেল ॥
ব্রহ্মা আদি দেবে যেই পদ সেবে
ধেয়ানে নাহিক পায় ।
হেনক সম্পদ অলসে পাইল
কেমনে ছাড়িব তায় ॥
কি করিব কুল সব যায় দূর
যাহারে দেখিলে জী(১) ।
এ সব ছাড়িয়া কি আর করিব
গৃহস্থে কাজ কি ॥
যায় জাতি কুল সেও মোর ভাল
ছাড়ে ছাড়ু গুরুজনা ।
ও রাঙ্গা চরণে শরণ লইলাম
কি আর কুলের পণা ॥
শুন সব সখি তোমরা যাইয়া
কহিও রাধার ঘরে ।
শ্রামের বাজারে দিল সে রাধারে
চণ্ডীদাস জানে ভালে ॥

(ভূড়ি)

শ্রীরাধা— শুন গো বড়াই মোর ।
আজু শুভদিন হইল আমার
বঁধুয়া পাইলু কোড় ॥
যাহার লাগিয়া এত পরমাদ
সে সব সফল মানি ।
মনের বাসনা পূরিল আমার
বাটে পাছু যজুমাণি ॥
আয়ানে যাইয়া এই কহ গিয়া
রাধারে সঁপিল শ্রামে ।
রাধা বটে রাধা তার রাঙা পায়ে
পশিল মনের সনে ॥

১ । জী—জীবন পাই ।

আর কি বা মোর সে ঘর করণে
ধরম সরম কাজ ।
কুল শীল মোর যে হকু সে হকু
পড়িয়া যাউক বাজ ॥
বহু পুণ্যদশা পাই ফল ভাসা
সফল করিয়া মানি ।
চণ্ডীদাস সুখী দৌহার পিরীতি
এমন নাহিক শুনি ॥

(শ্রী)

শ্রীরাধা—যে পদ যোগীরা জপে নিরন্তর
অনন্ত না জানে রীতি ।
মুনি-অগোচর যে সুখ-সম্পদ
তাহা না পাইলে হীতি ॥
আর কি ইহাকে আছে কত ধন
বিকাল পশরা মোর ।
ও রাঙা চরণে দধি দুগ্ধ যত
বিকাইল সব মোর ॥
কামনার ফল এই নীপমূলে
সফল হইল বিকি ।
আমার করমে এই সে সকলি
তোরা যাহ যত সখী ॥
গদগদ বাণী কহে বিনোদিনী
নয়নে গলয়ে ধারা ।
কুসুম চন্দন ' যে ছিল লেপন
ভাসিয়া চলিল তারা ॥
মোহে লোহে আঁখি পুলক কদম্ব
যেমন যমুনা বহে ।
তেন আঁখি ভরি লোর বহি চলে
দ্বিজ চণ্ডীদাস কহে ॥

(সিন্ধুড়া)

হাসিমুখ ধনী রাধা বিনোদিনী
চাহিয়া শ্রামের পানে ।
পূর্ণ হ'ল কাম যতেক কামনা
যে দুখ আছিল মনে ॥
তাহা বিধি আনি ভালে মিলায়ল
কামনা পুরল আজি ।
প্রেম পরাশয়া লালস পাইয়া
পশরা আনিত্তে গাজি ॥
বিকি-কিনি হল কদম্বতলাতে
মনোরথ হ'ল সিধি ।
বেলা সে হইল ঘরে যে যাইতে
কহি শুন গুণনিধি ॥

পুনঃ কালি মোরা পশরা সাজিয়ে
আসিব মথুরা-পথে ।
গৃহ দূরপথ আছে অমুরথ
গুরুজনা বলে তাতে ॥

হরষ-বদনে কহ না সদনে
যাইতে গোকুলপুর ।
চণ্ডীদাস বলে চলহ তুরিতে
পথ আছে বহু দূর ॥

নৌকা-বিলাস

(কানাড়া)

সব গোপীগণ আহীর-বমণী(১)
পশরা তুলিয়া মাথে ।
মাঝে স্ননাগরী প্রেমের আগরী
আনন্দে চলিল পথে ॥
হাসি রসখনি রাই বিনোদিনী
বড়াই পানেতে চায় ।
আর কত দূর গোকুল নগর
ক্ষণেক স্মথায় ভায় ॥
বড়াই কহিছে আগে সে যমুনা
ও-পারে সবার ধর ।
বড় দেখি রাধা সব দেখি বাধা
যমুনা বাড়ল জল ॥
কেমনে সকলে পার হইয়া যাব
ইহার উপায় বল ।
কিসে পার হবে কেমনে যাইবে
ফিবিয়া সবাই চল ॥
সেই সে কদম্ব তলাতে চলহ
যেখানে রসের কাম্ব ।
সেখানে যাইয়া মিনতি করিয়া
নিবসে রসের তম্ব ॥
এ বোল বলিতে কাম্ব আচম্বিতে
আসিয়া মিলল তায় ।
আর এক লীলা পুনঃ উপজিল
দ্বিজ চণ্ডীদাস গায় ॥

(করুণা)

দেখিয়া যমুনা- নদীর তরঙ্গ
উঠিছে দারুণ ফেনা ।
দেখিয়া নাগরী সকল গোয়ালী
লাগিল বিশ্বয়পণা ॥

কেমনে এ নদী যমুনা পেরাব(১)
মোর মনে হেন জয় ।
তরঙ্গ অপার বহিছে দুধার
হইছে সবার ভয় ॥
কোন গোপী বলে কোন গোয়ালিনী
এ বড়ি বিষম দেখি ।
ইহার উপায় কি বুদ্ধি করিব
বলহ সকল সখি ॥
কোন বা সাহসে যদি জলে নামি
ডুবিয়া মরিব তবে ।
উপায় হইলে তবে সে যাইবে
নহে বা কি আর হবে ॥
কিসে পার হব না জানি সাঁতার
কেমনে যাইব পার ।
বড়াই কহিছে চাহি রাধা-পানে
শুন গো আমার বাণী ।
কাম্বুর চরণে মিনতি করহ
পার করে গুণমণি ॥
চণ্ডীদাস দেখি যমুনা-তরঙ্গ
ইহার উপায় কই ।
এই দরিয়াতে(২) আনের শক্তি
নাহিক কালিয়া বই ॥

(বড়ারি)

হেদে হে নাগর চতুর-শেখর
সবারে করিবে পার ।
যাহা চাহ দিব ও-পার হইলে
তোমার শুধিব ধার ॥
মনে না ভাবিহ তোমার মজুরী
যে হয় উচিত দিয়ে ।
তবে সে গোপিনী যত গোয়ালিনী
যাবত ও-পার হয়ে ॥

হাসি কহে কানু করে লয়ে বেণু
শুনহ সুন্দরী রাধা ।
তোমা পার করি দিতে সে আমার
তিলেক নাহিক বাধা ॥
তবে করি পার ও-পারে রাখিব
শুন গোয়ালিনী যত ;
ও-পার হইলে কত দান নিব
পইব সবার মত ॥
বুটী(১) কহে তাতে কিবা নিতে চাও
কহ না বেকত করি ।
তাহাই করিব যাহা চাহ দিব
শুনহ পরাণ হরি ॥
চণ্ডীদাস বলে নাগর চতুর
শুন রসময় কান ।
রাধা পার কর বিলম্ব না কর
ইহাতে নাহিক আন ॥

(কানাড়া)

হাসিয়া নাগর চতুর-শেখর
যতনে আনল তরী ।
চাপায়ে রাধারে সবারে সুধায়
খেয়া দেয়া আছে ভারি ॥
একে একে করি সবে পার করি
আমার এ না-টি ভাঙ্গা ।
পাছে দরিয়াতে ডুবহ বেকতে
মোটা আছে কার গা ॥
ক্ষীণ যার গায় চড়সিয়া(২) নায়
সবারে করিব পার ।
মোর কাছে থোহ বচন শুনহ
যত আভরণ-ভার ॥
রাধা বলে ভাল দানের বিচার
বিষম দানীর লেঠা ।
কুঞ্জন সংহতি কুবচন অতি
বড়াই বন্টক কাঁটা ॥
বড়াই-চরিত অতি বিপরীত
যা কহে তা শুনে দানী ।
আভরণ মাগে এ বড়ি বিষম
কি হেতু নাহিক জানি ॥

ভয়ে মনোদুখ সবাই বিমুখ
হইল বিষম বড়ি ।
ইহার উপায় কহ কহ দেখি
শুন গো বড়াই বুড়ী ॥
নৌকার উপর সবা চড়াইয়া
চালাতে লাগিল তাই ।
কেরয়াল(১) বাহ যায় আন পথে
কহে বিনোদিনী রাই ॥
ও পথে বাহিছ চলে তরীখানি
এ দিকে রয়েছে পথ ।
এত দিনে জানি তোমার চরিত
বড় কর অনুরথ ॥
দরিয়া যে দিকে বাহ কেরয়াল
মাঝারে মকর(২) ভাসে ।
ফের কেরয়াল শুন নন্দলাল
কহে দ্বিজ চণ্ডীদাসে ॥

(জয়শ্রী)

রাধার কাকুতি করিছে আরাতি
শুনহ নাগর-রায় ।
বুঝি হেন মন লইবে পরাণ
হেন বুঝি অভিপ্রায় ॥
এবার বাঁচাহ জীব যত কাল
ঘুষিব তোমার গুণে ।
কিসের কারণ এত অপমান
করহ আপন মনে ॥
কানু কহে তাহে তখনি বলেছি
ভাঙ্গা নৌকাখানি মোর ।
তোমরা গোয়ালী ছেনা দুগ্ন খেয়ে
আছে অঙ্গ ভারী তোর ॥
মোর ভাঙ্গা নায়ে এত কিবা সহে
না-খানি ডুবিতে চায় ।
মোর কিবা দোষ মোরে কর রোষ
সকলি চাপিলে নায় ॥
শ্রীরাধা ।—মকর কুণ্ডীর ভাসে শত শত
তাহার নাহিক লেখা ।
পরাণ উড়িছে তাহারে দেখিয়া
কার সনে আর দেখা ॥

১। বুটী শব্দটি রাধিকাকে লক্ষ্য করিয়া
প্রযুক্ত হইয়াছে ।

২। চড়সিয়া—আসিয়া চড়, আরোহণ কর ।

১। কেরয়াল—নৌকার হাল ।

২। এক প্রকার জলজন্তু ।

কান্থ বলে শুন বিনোদিনী রাধা
আমার কি আছে দোষ ।
ভাঙ্গা নৌকাখানি দরিয়াতে ঘুরে
আমার কি আছে দোষ ॥
চণ্ডীদাস কহে শুন সুনাগর
অবলা কি জানে রীত ।
তোমার চাতুরী কিবা সে বুঝিবে
কে জানে তোমার চিত(১) ॥

(বেলা)

শ্রীরাধা ।—টল টল করে অঙ্গ-মোর ঘুরে
যাইতে যমুনা নদা ।
নানা জন্তু আছে তারা জলে ভাসে
দেখহ পরাণ-নিধি ॥
হেন মনে করে এবার কি জীব
কেন বা আইছু বিকে ।
ভাল দূরে যাক জীবন সংশয়
কি আর বলিব কাকে ॥
এমন জানিলে তবে কি বাহির
আহীর-রমণী হয়ে ।
এ কোন্ বিচার না জানি আচার
পরাণ লইতে চাহে ॥
সব গোপীগণ হসে একমন
পড়হ নেয়ার(২) পায় ।
সরস বচন করহ যতন
ও পারে রাখিয়া যায় ॥
এবার ও-পারে লইয়া চলহ
হেদে হে রসের কান্থ ।
তোমার চরণে শরণ লয়েছি
দিয়াছি আপন তনু ॥
প্রাণের দোসর এ নব কৈশোদ
তোমাতে করিল দান ।
এ বার ও-পারে লহ সবাকারে
শুনহ নাগর কান ॥
হাসি বিনোদিয়া কহে সব আগে
তবে সে করিব পার ।
এ নব যৌবন কর অরপণ
তবে লাগাইব ধার ॥
চণ্ডীদাস তাহে আকুল পরাণ
রাধার বিনতি দেখি ।
অবলা পরাণ দেখি ভয় লাগে
শুনহ কমল-অঁখি ॥

(জয়শ্রী)

হাসি কহে তবে সব গোপনারী
আব কিবা দিতে আছে ।
এ নব যৌবন কুল সমাপন
দিয়াছি তোমাব কাছে ॥
কায়-মন-চিত্তে বিধির বিধান
শরণ লইয়াছি ।
আব কিবা চাহ আগে তাহা লহ
আমরা জানিয়াছি ॥
তুমি তরুলতা মোরা ফল-পাতা
তুলিরা লইতে কি ।
নহ অতি দূর বড পরিশ্রম
তোমাতে বলিব কি ॥
এ তিল তুলসী তোমার চরণে
গঁপিয়াছি জাতিকুল ।
তোমা বিনে আর কে আছে আমার
তুমি সবাকার মূল ॥
তুয়া বিনে আন নাহি কোন জন
আর বা বলিব কেহ ।
জনমে জনমে জীবনে মরণে
দিয়াছি আপন দেহ ॥
যে কর সে কর আপন বড়াই
আমরা কুলের নারী ।
আমরা জানিয়ে তুমি প্রাণপতি
শুনহ প্রাণের হরি ॥
ধরে পরিবাদ কলঙ্ক দু'সাবি
তোমাব কারণে এত ।
গুরুর গঞ্জনা লোকের তুলনা
এ সব সহি যে কত ॥
চণ্ডীদাস বলে শুনহ চতুর
রসিক নাগর কান ।
পার কর হরি আগে লেহ তবী
ইহাতে নাহিক আন ॥

(পটমঞ্জরী)

হাসিয়া হাসিয়া নাগর রসিয়া
না'খানি উজান বাহে ।
দরিয়া হইতে ও-পার কবিলঃ
নৌকা কলে গিয়া রহে ॥

জনে জনে সবে আনন্দ হইলা
ও-পার হইল রাধা ।
জনে জনে ববে চলিলা হরিষে
আন নাহি কিছু বাধা ॥
এত বলি সবে গেলা নিজ গৃহে
আহীর-রমণী যত ।
পশরা এলায়ে গৃহ সমাপিয়া
গৃহপতি বলে কত ॥
এতক্ষণে কেনে বেলি অবসানে
আইলা গৃহের মাঝ ।
ছি ছি মুখে যেন লাগি নাছি বাস
মুণ্ডেতে পড়ুক বাজ ॥

কুল-কুলটিনী তোরা কলঙ্কিনী
আনের রমণী ভাল ।
এ ঘরে কিরূপে কেমনে বঞ্চিব
বাহির হইয়া চল ॥
গৃহপতি কহে সবে কহে তাহে
যমুনা দু'ধার বহি ।
তে কারণে মোরা পার হতে নারি
বিলম্ব গমন রহি ॥
চণ্ডীদাস বলে এই মিথ্যা নহে
যমুনা-তরঙ্গ বড়ি ।
হয় নয় ডাকি সুধাই তোমরা
বিদ্যমান আছে বড়ী ॥

বন-বিহার

যজ্ঞদীক্ষিত ব্রাহ্মণের পত্নীর নিকট

হইতে অন্তর্গত

(কানাড়া)

হেথা কাহু যত পার করি গোপী
গোষ্ঠেতে পড়িল মন ।
কেমনে তা সবা কিরূপ কহিব
চলিতে বচন কন ॥
চতুর মূবারি মনেতে ভাবিলা
ইহার উপায় এই ।
করিল সৃজন কমললোচন
চোরা বলি দু'টি গাই(১) ॥
সেই গাই সনে চলিলা সধনে
কানাই চতুরমণি ।
গাতীর পুচ্ছেতে বাম কর দিয়া
করিলা একটি ধ্বনি ॥
হৈ হৈ রব শুনি ব্রহ্মশিশু
তুরিতে আইলা ধয়ে ।
কোথা কার ভাবে গিয়েছিলে তুমি
কহিবে কানাই ভয়ে ॥
ভাগীর কাননে(২) দিলা দরশনে
মিলিলা ব্রজের বাল্য ।
কাহুরে বাঙ্গল কহিছে সকল
তুমিহ কোথায় ছিল ॥

১। যে গাতী পাল হইতে পলাইয়া যায়
২। যে বনে ভাগীর নামক বটবৃক্ষ ছিল ।

চণ্ডীদাস বলে কিবা সে বুঝিব
অপার যাহার লীলা ।
কে পারে বুঝিতে কাহার শক্তি
মুরতি রসের কালা ॥

(সারঙ্গ)

সুবল বলিছে হাসিয়া হাসিয়া
কাহুর পানেতে চেয়ে ।
চোরা ধেমু বলে রাখিতে নারিলা
বুলেছ অনেক ধয়ে ॥
আমি সব জানি তোমার চরিত্ত
ইহারা বুঝিবে কে ।
অপার মহিমা লহনি(১) গরিমা
কেহ সে জানায় কে ॥
গোপত পিরীতি কেহ না জানয়ে
ব্রহ্মশিশুগণ যত ।
এ কথা মরম তোমার গোচর
আনে কি জানিবে এত ॥
এ কথা কহিয়া ব্রহ্মশিশু লয়া
গোধন রাখয়ে বনে ।
কানাই আগেতে বলরাম তাম
কহিতে লাগিলা মনে ॥

৩। লোভনীয় ।

তোমারে খুঁজিয়া আকুল হইয়া
না পাই তোমার দেখা ।
কাঁদিয়া আকুল সব বেয়াকুল
তোমার যতক সখা ॥
চণ্ডীদাস কহে বলরাম আগে
ধেমু হারাইয়াছিল ।
চোরা ধেমু সনে ফিরি বনে বনে
তেঁই সে বিলম্ব হ'ল ॥

(সারঙ্গ)

বলরাম আগে(১) কহিছে কানাই
বড় দিল মনে দুখ ।
চোরা ধেমু হেঁদে বনেতে হইতে
গেছিল মথুরামুখ ॥
তাহা ফিরাইতে তেঁই সে বিলম্ব
শুন বলরাম দাদা ।
তোমা ছাড়া হয়ে তবে কিবা থাকি
পরান এখানে বাঁধা ॥
বলরাম ।—ভাল হইল ভাই আসিয়া মিলিলে
বলে, কি খেলাবে খেল ।
ভুরিত করিয়া হেলিয়া ছলিয়া
ঘরে রে যাইব চল ॥
আজি যবে আসি গোঠেতে সাজিয়া
দেখেছি বনেতে ভয় ।
কংস-চর আসি সবারে ধরিয়া
লখেছে মনেতে লয় ॥
কানাই থাকিতে তার ভয় নাহি
সঙ্কটতারণ তুমি ।
কত কত কংস সৃজিতে পারহ
তাহা সে আমি জানি ॥
তুমি কোন দেব দেবের দেবতা
আমরা অহীর-বালা(২) ।
কি জানি তোমার মহিমা অগম্য
অপার যাহার লীলা ॥
সব শিশু বলে কানাই-গোচর
শুন হে কমল-আঁখি ।
আজু সে ক্ষুধায় ক্ষুধিত হইয়া
ভোগ কিছু নাহি দেখি ॥

১। আগে—নিকটে । ২। 'বালক' অর্থে বালা

এই বনে যদি অন্ন আনি দেহ
সকল বালকে থাই ।
এই বড় মনে ক্ষুধার কারণে
শুনহ কানই ভাই ॥
বালক-বচনে হরষ-বদন
গোপাল হইলা বডি ।
বলরাম পানে কমল-নয়ান
চাহিলা নয়ন জুড়ি ॥
কাহু কহে শুন বলরাম দাদা
ক্ষুধায় বালক দুখী ।
চল চল যাব যজ্ঞপত্নী-স্থানে
চণ্ডীদাস তাহে স্মখী ॥

(কানাড়া)

কৃষ্ণ বলরাম চলিলা ত্বরিতে
যথা যজ্ঞপত্নী রহে ।
তথা দুই ভাই চলিলা সঘনে
দুয়ারে যাইয়া রহে ॥
দেখিয়া ব্রাহ্মণী কৃষ্ণ বলরাম
পুলকে পূরিত অঙ্গ ।
গদগদ ভাষে কহিতে লাগিলা
কিবা শুভ দিন রঙ্গ ॥
আজু বড় শুভ করম ফলিল
ভাগ্যের নাহিক সীমা ।
নয়ন ভরিয়া দেখিলাম আঁখে
রাম-কৃষ্ণ দুই জনা ॥
কহ কহ কেনে এলে দুই জনে
কি হেতু ইহার শনি ।
কহিতে লাগিলা কৃষ্ণ-বলরাম
ক্ষুধায় আকুল প্রাণী ॥
অন্ন দেহ মোরে ইহার কারণে
আইল তোমার আশে ।
ক্ষুধায় আকুল বালক সকল
অন্ন মাগে মোর পাশে ॥
এ কথা শুনিয়া তখনি ব্রাহ্মণী
পঞ্চাশ-ব্যঞ্জন অন্ন ।
সুবর্ণের থালি ভরি কবি পূর(১)
চলিলা কতক বর্ষ ॥

১। পূর্ণ।

চণ্ডীদাস দোহা বিশ্বয় মানিল
বনে কোথা হতে ভাত ।
রাখাল-মণ্ডলী করি বনমালী
বিছাইল বটপাত ॥

(কানাড়া)

সবে অন্ন খাষ মাঝে যত্নরায়
দিচ্ছেন সবার মুখে ।
খাঠিয়া খাওয়ায় মুখে মুখে তায়
তিলেক নাচিক ছুখে ॥
কৃষ্ণ বলরাম শ্রীদাম সুদাম
সুবল যতেক দেখা ।
বসিয়া বালক রাখাল-মণ্ডল
তাব কিছু নাহি লেখা ॥
কেহ বলে ভাই কানাই বলাই
বডই দয়াল হয়ে ।
কোথা হতে অন্ন আনিল নবান্ন
সকল বালক খায়ে ॥
এ বড়ি মহিমা যার নাহি সীমা
এ মহানগুল-মাঝ ।
বনের মাঝাবে এ অন্ন-ব্যঞ্জন
কে বুঝে তোমার কাজ ॥
পুষ্কল কামুর চরিত অদুত্ত
এ মেনে(১) নামুষ নয় ।
চণ্ডীদাস বলে জানি অনুমানে
গোলোক-ঈশ্বর হয় ॥

(বরাড়ি)

বিশ্বয় ভাবিল বালক সকল
কহিতে লাগিলা তায় ।
এ জন নন্দের ভবনে জন্মিল
ধরিয়া মামুষ-কায় ॥
কেবল ঈশ্বর দেব দামোদর
নাহিলে এমন হয় !
নানা সে আপদ সঙ্কট নিকট
ঘুচায় সবার ভয় ॥
বিষপান বেলা সবাই মরিলা
এই সে যমুনা-তটে ।
অমৃত-দৃষ্টিতে চাহিয়া বাচামে
সকল বালক উঠে ॥

১। মনে হয় ।

অঘাসুর আদি যতেক অসুর
সকলি করিল ধ্বংস ।
পুষ্কল সাম্প্রতে এমন সম্পদ
কেবল দেবের অংশ ॥
আজি হৈতে ভাই সকল রাখাল
কানাই-কাঁধেতে না চড় ।
উঁচ্ছষ্ট ভোজন মুখে মুখে দিতে
এ মেনে সবাই ছাড় ॥
চণ্ডীদাস বলে শুন সখাগণ
অপার সাহার লীলা ।
রাখাল-মণ্ডলে রাখালি করিয়া
করে নানামত খেলা ॥

(বরাড়ি)

সকল রাখাল ভোজন করিতে
ত'ল অবসান বেলি ।
নিজ গৃহে যেতে ধেমুর সহিতে
দিয়া উঠে জয়তালি ॥
হেন কালে কামু মনে পড়ে ধেমু
শাঙলী-ধবলী কোথা ।
ভোজন বিশেষ করি অভিলাষ
লইয়া চলিল তথা ॥
সেখানে না দেখি শাঙলী-ধবলী
কোথা গেলা দুটি গাই ।
এখানে আছিল কোথা তারা গেল
শুনহ হে রাখাল ভাই ॥
আয় আয় আয় ডাকে যত্নরায়
অঞ্জলি ভরিয়া দুটি ।
ধেষে এস বনে দেহ দরশনে
বরায়ে আগল(১) ছুটি ॥
ডাকিতে ডাকিতে না দেখি সে ভিতে
শাঙলী-ধবলী গাই ।
কোন্ পথে গেল কিছু না জানিল
খুঁজিব কোন্ বাঠাই ॥
বিকল হইয়া বনে বনে ধেয়া
না দেখি ধবলী গাই ।
এ রসমাধুরী ধেমু বৎস চুর
দোন চণ্ডীদাস গাই ॥

১। অগ্রবর্তী হইল ।

ধেনু-হরণ

(বরাড়ি)

শুন হে বলাই দাদা ।
 আজি বন-ভোজনে কি হইল কাননে
 সকল হইল বাধা ॥
 এমন কে জানে না শুনি শ্রবণে
 শাঙলী-ধবলী হারা ।
 এ বোল বলিতে হেদে আচম্বিতে
 যুগল-নয়নে ধারা ॥
 কি বলিব কায় যশোমতী মায়
 হারাল শাঙলী গাই ।
 মোরে কি বলিবে এ মন্দ কহিবে
 সেই যশোমতী মাই ॥
 বলিছে রাখাল শুন হে গোপাল
 আমরা কহিব গিয়া ।
 আচম্বিতে গাই হারাল তথাই
 রাখি পরবোধ দিয়া ॥
 যশোদা রাণীরে কহিব তাহারে
 কাহুর নাহিক দোষ ।
 কালি খুঁজি বনে বালক সকলে
 কাহুরে না কর দোষ ॥
 সকল বালকে খুঁজি একে একে
 আজু না মিলল তাই ।
 কালি আনি দিব শাঙলী-ধবলী
 চণ্ডীদাস গুণ গাই ॥

(কানাড়া)

ইহার বিস্তার ভাগবতে* আছে
 কহিয়ে একটি বাণী ।
 সে যে অগোচর গোচর না হয়
 কি হেতু ইহার না শুনি ॥

* ভাগবতের দশমস্কন্ধের ত্রয়োদশ অধ্যায়ে
 আমরা এই ধেনু-বৎস হরণ আখ্যায়িকার সন্ধান পাই ।
 এই পদটির এবং পরবর্তী দুইটি পদের অর্থ হৈয়ালীতে
 ভরা ; তবে, এই পদগুলিতে সাধন-তত্ত্ব সম্বন্ধেই যে
 কিছু বলা হইয়াছে, তাহার আভাষ পাওয়া যায় ।
 এই পদগুলি চণ্ডীদাসের ধরিয়া লইলে, তিনি যে
 ভাগবত শাস্ত্রেও পণ্ডিত ছিলেন, তাহা বেশ বুঝিতে
 পারা যায় ।

মধুর মধুর এক পথ আছে
 গন্ধ আমোদিত তায় ।
 পদ্ম বিকসিত এ মহীমণ্ডল
 একহি একাদশ কায় ॥
 তার রন্ধে, চৌদ্দ ব্রহ্মাণ্ড ভেদিয়া
 উঠিল কোন বা খানে ।
 পুনঃ এক রন্ধে, কোটি কোটি মৃগ
 গত্যাত নাহি জানে ॥
 এক বন্ধে, বাজে আর নাহি তার
 বেণিত আঁধারে মানি ।
 কোন্ কোন্ খানে তার এক ফুটে
 ব্রহ্ম গত্যাত জানি ॥
 এক রন্ধে পুনঃ শত কোটি মৃত
 বিংশতি কলায় ফুটে ।
 তার তিন কলা বাজে পুনঃ পুনঃ
 সহস্র পুরিত উঠে ॥
 তার শত কলা কলার অংশ
 কিছু সে জানিয়াছে ।
 চণ্ডীদাস বলে বেহবে ছকুম
 এক বন্ধে, তার আছে ॥

(শ্রী)

আর এক গুণ পরম নির্গুণ
 তিনের উপর তিন ।
 সাতের উপরে এক জ্যোতির্ময়
 পুরুষ ভূষণ-চিন(১) ॥
 এক পদ্ম তার মুদিত বেকত
 তা পরে মণ্ডল চারি ।
 তা পরে বসতি এক সে পুরুষ
 নয়নে মুদিত টারি ॥
 সেই ষোল কলা ত্রিগুণ করিতে
 তাহার কলার কলা ।
 কলার যে অংশ সেই শত গুণ
 তাহাতে নয়নের মেলা ॥
 নয় নয় গুণ গুণ মিশাইলে
 তাহাতে যে গুণ হয় ।
 তা পর যে রহে সেই গুণ দর
 জগতে সে গুণ নয় ॥

১ । চিন—চিহ্ন ।

অষ্ট অষ্ট গোহ রসে রসে রস
 ত্রিগুণ গুণের গুণে ।
 সে গুণ গাইতে বড় অভিলাষ
 দ্বিজ চণ্ডীদাস ভণে ॥

(গোড়সারঙ্গ)

আর কহি শুন অদভূত কথা
 কহিতে নহিলে নয় ।
 মহা অভূরক্ষ, আট সে প্রবন্ধ
 কেহ কেহ জন কয় ॥
 একটি কমল তার তিন দল
 ব্রহ্মাণ্ড ভেদিয়া আছে ।
 আর এক দল এ মহীমণ্ডল
 ব্যাপিত হইয়া আছে ॥
 আর এক দল ফণিলোক ভরি
 তিন দল তিন লোকে ।
 এক এক দলে সহস্র বিংশতি
 তাথে রেখ এক থাকে ॥
 সে রেখ গণিতে কাহার শক্তি
 রেখেতে পলক হয় ।
 একেক রেখেতে লাখেক নিমিখ
 এই বড় অতিশয় ॥
 কোটি পলকে সহস্র বিংশতি
 ক্ষণেক পলক হয় ।
 নব কোটি শত পলক বেকত
 কলার সহস্র কয় ॥
 লক্ষ কলাপর অংশ যেই হয়
 তাহে ভবিষ্যতি কাল ।
 তিন দিন কলা অংশের একলি
 রেখে করে দোলমাল ॥
 এক নিমিখ তার এক রেখ
 পলটি অলসে থাকে ।
 ব্রহ্মার পলক কলা অংশ ভরি
 সে কেনে এইরূপে রাখে ॥
 কলার গরিমা রেখের মহিমা
 ব্রহ্মার এমন দিন ।
 চণ্ডীদাস কহে এ রেখ গণিতে
 শক্তি সবার হীন ॥

)
 শাওলা-ধবলী(১) বনে না পাইয়া
 আকুল হইলা কানু ।
 বেণু বাঁশী পুরি সঘনে সঘনে
 তবু না মিলিল ধেনু ॥
 আকুল হইল নন্দের নন্দন
 ধেনু হারাইয়া বনে ।
 আন নাহি চিতে চাহি চারিতিতে
 আন সে নাহিক মনে ॥
 কি বোল বলিব যশোদা মায়েরে
 বনে ধেনু হল হারা ।
 এ বোল বলিতে ফুকরি ফুকরি
 নয়নে গলয়ে ধারা ॥
 হায় হায় আজি বনের ভোজনে
 বড়ই পাইল তাপ ।
 কি বোল বলিব মুখে না নিঃসরে
 ভোজন হইল পাপ ॥
 এমন কে জানে নিব গাই বনে
 শাওলা-ধবলী গাই ।
 আজু আচরিতে গেল কোন্ ভিতে
 কিছু না জানিল তাই ॥
 কেমনে গৃহেতে যাইব সাক্ষাতে
 সেই নন্দ ঘোষ পাশে ।
 ধেনু বৎস বনে হরে কোন্ জনে
 কহে দ্বিজ চণ্ডীদাসে ॥

(শ্রী)

দেহ দরশন করহ ভোজন
 শাওলা-ধবলী বলি ।
 দুটি কর ভরি এ অন্ন-ব্যঞ্জন
 ডাকিছেন বনমালা ॥
 কোথা আছ তোরা দেখা দেহ মোরে
 হৃদয় পরাণ কাঁদে ।
 তোমার বিহনে জানি এ পরাণে
 মোর বুক নাহি বাঁধে ॥
 কাঁদে যদুনাথ বৃকে দিয়া হাত
 ফুকরি ফুকরি রোই ।
 তোমা না দেখিলে এই বন-ভিতে
 শাওলা-ধবলী গাই ॥

১। এই পদগুলিতে কেবল মাত্র শাওলা-ধবলী
 হরণই বর্ণিত ; কিন্তু ভাগবতে আমরা দেখিতে পাই
 সমস্ত গোবৎস অপহৃত হইয়াছিল ।

এ বোল বলিতে ফুকরি রোইতে
নন্দের নন্দন কান ।
খুঁজি চারিভিতে কোথা না পাইয়া
বলিছে আকুল প্রাণ ॥
না যাব গৃহেতে রহি বন-ভিতে
তোমরা চলিয়া যাও ।
ঘরে গিয়া কহ মায়ের সাক্ষাতে
আমার শপথি(১) খাও ॥
ধেখু হারাইয়া না পাইল খুঁজিয়া
কানাই রহিল তথা ।
শুনি সখাগণ বিরস বদন
হৃদয়ে পশিল ব্যথা ॥
কাঁদিয়া আকুল বালক সকল
কাহুর বদন চায় ।
দেব-অগোচর(২) সে জন মোহিত
চণ্ডীদাস গুণ গায় ॥

(কাফি)

আর বা কেমনে ঘর যাব মেনে
ধেখু হারাইয়া বনে ।
সেই ঘোষ নন্দ বলে কত মন্দ
মোরে পরতীত জানে ॥
ধেখু না পাইলে গৃহে না যাইব
শুনহ রাখাল ভাই ।
নহে এই বনে রহিব যতনে
শুনহ হলধর ভাই ॥
অতি বড় স্নেহ যশোদা মায়ের
পরান-পুতলি গাই ।
তাহার কারণে এ পঞ্চ ব্যঞ্জন
রাখি যশোমতী মাই ॥
আগে দুই গাই গেলে সে সুধাই
তবে সে আনের কথা ।
এই পরমাদ উঠিছে বিষাদ
মরমে হইল ব্যথা ॥
রাখাল যতেক কহিল সকল
শুনহ হে কানাই ভাই ।
আগে চল গিয়া খুঁজিব যাইয়া
শাঙলী-ধবলী গাই ॥

১। দিব্য—মাথার দিব্য অর্থে যেমন কোথাও
'মাথা খাও' কথা ব্যবহৃত হয়, তদ্রূপ ।

২। যিনি দেবতাদিগের নিকটেই অগোচর ।

কাহুর বেদনা দেখি সব জনা
খুঁজিতে লাগিল বনে ।
ধেখু না পাইয়া বিকল হইলা
দ্বিজ চণ্ডীদাস ভণে ॥

(পুরবী)

পুনঃ শিশুগণে করল হরণ
রাখিল গোপন ২ রি ।
ব্রজার মনেতে করি কিছু চিতে
ইহ কি গোলোক-হরি ॥
এই দাঁড়াইয়া ধেখু বৎস লয়া
বুঝিতে আপন মন ।
তেই সে রহিল বালক সকল
বুঝিবে বা কোন্ জন ॥
হেথা বনমালী খুঁজিয়া বিকলি
না পাই ধেখুর লাগি(১) ।
কমললোচন না ফুরে বচন
উঠত বিবহ-আগি ॥
আসি সেইখানে ভোজনের স্থানে
না দেখি বালকগণে ।
হইয়া বিরস এ কি পরমাদ
এমন হইল কেনে ॥
বদনে না ফুরে একটি বচন
নমনে গলয়ে বারি ।
কে হেন করিল বিপদ আপদ
বিরহ দেওল চারি ॥
কোথা ব্রজবালী রাখালের মেলা(২)
সে হেন সুন্দর গাই ।
কোথায় রহল কিছু না জানল
দ্বিজ চণ্ডীদাস গাই ॥

(সুহা)

এস ভাই সখা দেহ মোরে দেখা
পরান কেমন করে ।
কোথা আছ ভাই খুঁজিতে না পাই
এ কি পরমাদ মোরে ॥
আর কার সনে খেলিব যতনে
বনে ফিরাইব পাল ।
আর না শুনিব মধুর বচন
বেশ না করিব ভাল ॥

১। খোঁজ । ২। দল ।

কাহুর বিষাদ রোদন বেদন
 শুনি পশু পাখীগণে ।
 পাষণ গলিত শাখিকুল বস
 লম্বিত চরণ পানে ॥
 আর আর ভাই ডাকয়ে মাধাই
 উত্তর না দেহ কেনে ।
 দিয়া দরশন রাখহ জীবন
 এত নিদাক্ষণ কেনে ॥
 ভাই বলি কেনে দয়া নাহি মনে
 সকল পাশরিবে ।
 আমার যাতনা দেখিয়ে বেদনা
 বড় পরমাদ হবে ॥
 কহে চণ্ডীদাস কাহুর চরণে
 এক নিবেদন করি ।
 এ ব্রহ্মগেয়ানে দেখহ ধিয়ানে
 কে হেন করিল চুরি ॥

(সূহা)

কোথা আছ ভাই ছিদাম সুদাম
 বসুদাম আদি যত ।
 দেহ দরশন না রহে জীবন
 ফুকরি ডাকত কত ॥
 কোন্ বনমাবে আছ কোন্ কাজে
 উত্তর না দেহ কেনে ।
 ভাই ভাই বলি করিয়া বিকলি
 বুলত বনহি বনে ॥
 কাঁদিয়া আকুল নন্দের নন্দন
 বচন না সরে মুখে ।
 আজি সে দুর্দিন হইল মিলন
 পাইল ভোজন-দুখে ॥
 প্রাণের দোসর রাখাল সকল
 তারা বা চলিল কোথা ।
 হৃদয় বিদারি কাটিয়া লইল
 মরমে হানিয়া ব্যথা ॥
 কাহুর রোদন বেদন দেখিয়া
 চণ্ডীদাস বলে তাথে ।
 এ কথা যে জন করিল শুখন
 জানিয়াছি অমুরথে(১) ॥

(শ্রী)

কমল নয়ন ধ্যান স্মরণ
 মুদিয়া নয়ান দুটি ।
 ব্রহ্মজ্ঞানেতে দেখি হৃদয়েতে
 ব্রহ্মার হেনক কুটি(১) ॥
 আমায় ছলিতে আসি বনভিতে
 ঐছন তাহার কাজ ।
 মোর তথ্য কিছু জানিতে নারিয়ে
 বুঝিব শক্তি আজ ॥
 আমি কি বটিয়ে জানিতে নারিয়ে
 পাইয়ে মরমে ব্যথা ।
 তেঁই শিশু বৎস হরিয়া লইল
 জানিল এ তথ্য কথা ॥
 ভাল ভাল বলি জানিয়ে অস্তরে
 নন্দের নন্দন কান ।
 সৃজিল রাখাল যত ধেমুপাল
 ইথে সে নাহিক আন ॥
 সেই ব্রজবাল(২) তখনি সৃজিলা
 শাঙলী ধবলী গাই ।
 তা দেখি ব্রহ্মার ভাঙ্গিল সংশয়
 ভাবিতে লাগিলা ভাই ॥
 ইহ দেব হরি দেবের দেবতা
 ইহাতে নাহিক আন ।
 ফাঁফর হইয়া ধেমু বৎস লইয়া
 আইল কাহুর স্থান ॥
 করপুট করি ধরিয়া চরণ
 পড়িল ধরণীতলে ।
 কাঁদিতে কাঁদিতে আকুল হইয়া
 কাতরে কিছুই বলে ॥
 চণ্ডীদাস বলে ব্রহ্মার আরতি
 বাঁধিয়া চরণ দুই ।
 বহু স্তব করে কাঁদি উচ্চস্বরে
 অঝর নয়নে রোই ॥

(বড়ারি)

বেদ বেদ বর্ণ চাক্র সে পুরিত
 এক চক্রবর্তী সাই ।
 সপ্ত সপ্ত শত সহস্র মেহুল
 মণ্যাছি পল্লব যাই ॥

১। সম্ভবতঃ 'কষ্টে' এই অর্থে চণ্ডীদাস এই শব্দটির ব্যবহার করিয়াছেন

১। কুটি—কুটিলতা ।

২। ব্রজবাল—ব্রজবালকগণ ।

তাছে শশঙ্কর দীপ্তি নবপর
 দশমী দয়র অংশে ।
 কশ্মিশ মানগ তিপর যাকর
 ওখল ভেল আতংশে ॥
 পট কি টাটক ফনী মণি দশপর
 যে দশ যাকর আসি ।
 সেখল খগতি যত্নপর যো রীতি
 বেণী বেণীক লাগি ।
 মমিস আশপাশ তার পর যো রয়া
 সুরস ষাঁহাকে লাগি ॥
 বারহি অক্ষর চৌদহি যে রহে
 সোবহি সেলহি ধক্ষ ।
 চণ্ডীদাস কহে যাকর আশপর
 বেড়াল সাঁতহি ধক্ষ ॥

(ক্রী)

তুমি দেব হরি দেবের দেবতা
 তুমি হিতকারী হও ।
 তুমি চন্দ্র দিবা তুমি মহাতেজা
 তুমি ত তারণ হও ॥
 তুমি সে পুরুষ- ভূষণ-শক্তি
 তুমি সে জগৎ-সিন্ধু ।
 তুমি দয়াবান্ এ নব বৈভব
 অনাথ জনার বন্ধু ॥
 তুমি জল স্থল তুমি দিবাকর
 তুমি সে ঐশ্বর্য্য লীলা ।
 তুমি তরুলতা তুমি ফল শাখা
 তুমি সে দরিয়া ধারা ॥
 যার অগোচর এ মহী ব্রহ্মাণ্ড
 তোমায়ে জানিতে পারে ।
 ক্ষেম(১) অপরাধ বিষম বিপাক
 প্রভু দয়া কর মোরে ॥
 আমার হৃদয়ে তম উপঞ্জিল
 পাইলু তাহার চিহ্ন ।
 অপরাধ ক্ষেম প্রভু দয়াবান
 আমি কি জানিয়ে বর্ণ ॥
 চণ্ডীদাস কহে এ রীত আকৃতি
 কে তুমি বুঝিতে পারে ।
 চতুর্বেদ যার মহিমা চাতুরী
 কহিয়া কহিতে নারে ॥

১ । ক্ষমা কর ।

(বরারি)

প্রভুর আরতি কি জানি কাকৃতি
 তুমি সে পরমপতি ।
 অপরাধ করি ক্ষেম দেব হরি
 তুমি অগতির গতি ॥
 দেব ভগবান্ ইথে নাহি আন
 ইবে সে জানিল ইহা ।
 বহু স্তুতি করি ধরিয়া চরণে
 ধরনী পড়িয়া দেহা ॥
 ষাহার মহিমা নাহি পায় সীমা
 বেদে অগোচর যেই ।
 কি বলিতে জানি, যার যেন রীত
 বুঝিতে নারিল এই ॥
 বহু স্তুতি করে পড়িয়া ভুতলে
 চরণকমল ধরি ।
 চণ্ডীদাসে বলে এ রস-মাধুরী
 কেবা জানিবারে পারি ॥

(নটনারায়ণ)

মোর অপরাধ ক্ষেম ।
 এ দেহ ধরিয়া হেন না করিব
 হেনক না হয় যেন ॥
 প্রভু ভগবান্ আকার কারণ
 করণ-প্রবণ ধাতা ।
 নিশা তরতম চন্দ্র দিবাকর
 ব্রহ্মাণ্ডেতে গতায়াতা ॥
 তুমি চরাচর তুমি সে সত্যর
 ভৈরব আগম সার ।
 যার নাহি পার গমন বিচার
 যাহাতে না পায় পার ॥
 ক্ষেম ক্ষেমতম অন্ধকার ভূম
 অধির নিবিড় গতা ।
 তুমি সে পুরুষ- ভূষণ-শক্তি
 তুমি সে দেবের ধাতা ॥
 যার লোমকূপে লক্ষ শত কোটি
 এ চৌদ্ধ ব্রহ্মাণ্ড জাতা ॥
 তার এক কূট শত শত অংশ
 এক ধুম রেণু বৈসে ।
 ধুমস পলক পালাটি কটাক
 নিমিখ গণিয়ে কিসে ॥

নিমিত্ত গণিতে কাহার শক্তি
 এক পল কুটি সাতে ।
 তাহার অক্ষর তাহাতে যে হয়ে
 তাহার পালটি যাতে ॥
 জাহ্নু জাহ্নু তাহ্নু কিরণ ছটায়ে
 তাহার কিরণ এক ।
 কোটি পঙ্গক দেখি যে অনেক
 তাহার অনেক রেখ ॥
 এ জন যাহার বৈভব নামক
 সে জন ব্রজেতে স্থিতি ।
 তাহার মহিমা আগম গরিমা
 কেবা সে জানিব গতি ॥
 চণ্ডীদাসে কহে এ মহীমণ্ডলে
 জনম লভিয়াছে ।
 গোপ গোপিনী নয়ন-অঞ্জন
 করিয়া রাখিয়াছে ॥

(বড়ারি)

মোর অপরাধ ক্ষেম যত্নাথ
 করিহু এমন কাজ ।
 তুমি দয়ানিধি দয়া না করিলে
 পাব অতি বড় লাজ ॥
 না জানিয়া যদি কেহ করে দোষ
 রোষ পরিহর তুমি ।
 অহঙ্কার হেতু না জানি বেকত
 কি আর বলিব আমি ॥
 যে জন এ তিন ভুবন-ঈশ্বর
 এবে সে জানিল দৃঢ়(১) ।
 কপট নিকট ছাড়হ সঙ্কট
 আমারে হইল গাঢ় ॥
 ব্রহ্মাণ্ড অগাধ বহু বৈদগ্ধ
 যাহার ইহাতে গতি ।
 গুণ শত শত অতি অমুমত
 চারি চারি গতি রীতি ॥
 প্রণয় দুর্লভ সাতগুণ গুণ
 চক্র সাই যার হয় ।
 নব নব রেখ রেখের উপমা
 তাহার যে রস হয় ॥

১। দৃঢ়—স্থির।

সে রস এ চাকু প্রকার আরতি
 তুমি সে মুরতি কায়া ।
 তার এক কলা কলার অংশ
 ত্রিকুটি কুটির ছায়া ॥
 ছায়ার বিষুক সামগ্রাহিপার
 তাপর জ্যোতিক হেম ।
 গৃঢ় অতিতর তাহার ঈশ্বর
 কে জানে ঐছন প্রেম ॥
 প্রবাহ পল্লব যোগী ফণিবর
 মূনির মানস সেই ।
 এ রস-চাতুরী মধুর পঙ্কজ
 চণ্ডীদাসে মাগে এই ॥

(শ্রী)

কহেন কারণ নন্দের নন্দন
 তুমি কি জানহ মোরে ।
 কোটি ব্রহ্মা আছে কিবা তার কাছে
 গণনা আছয়ে তোরে ॥
 মুদহ নন্মান দেখহ গেয়ান
 দেখাব কতক ব্রহ্মা ।
 এক সে পলকে দেখহ টাটকে
 জানহ কতক জুনা ॥
 শতমুখ দেখ সহস্রমুখ দেখ
 দশমুখ পাছে কতি ।
 এ সব দেখল মুদিত নয়ন
 কে জানে ঐছন গতি ॥
 মন বিচারিয়া দেখল বেকত
 হইল ফাঁফর মনে ।
 চরণে পড়িয়া স্তুতি করে শত
 কে তোমা মহিমা জানে ॥
 ক্ষেম অপরাধ কর পরসাদ
 শুনহ গোলোক হরি ।
 আমি না জানিয়ে অপার অগাধ
 এ রস-মহিমা কেলি ॥
 চণ্ডীদাস কহে দয়ার সাগর
 ধরিয়া এ দুই বাহে ।
 উঠ উঠ বলি কহে বনমালী
 পাইয়া কিছুই মোহে ॥

মা যশোদা

(সিকুড়া)

কান্নু কহে শুন রাখাল যতেক
হইল উহর(১) বেলা ।
ছিদাম স্নদাম ভাই বলরাম
আর কি করহ খেলা ॥
ধেমু কর জড় আর খেলা ছাড়
কালি সে খেলিহ খেলা ।
আজু চল ধরে যাব কুতুহলে
ধেমুগণ কর মেলা ॥
আজুকর গোষ্ঠে হইল সঙ্কটে
বিপাক পড়িয়া গেল ।
ধেমুগণ লয়া হৈ হৈ রব দিয়া
আজুকর মত চল ॥
পথে চলি যায় মাবো যতুরায়
মুরলী বদনে গায় ।
শিঙ্গা বেগু রবে আনন্দে চলয়ে
গোকুল মুখেতে ধায় ॥
যমুনা-পুলিন প্রবেশ হইয়া
নিজ গৃহে চলি যায় ।
ধেমুগণ গৃহে রাখিয়ে গোয়ালে
যশোমতী মুখ চায় ॥
কোলেতে লইয়া নন্দের নন্দন
বদন চুম্বন রসে ।
কত শত শত অমিয়া পাইয়া
রসের আনন্দে ভাসে ॥

যশোদা ।—এতক্ষণ কোথা হিয়া দিয়া ব্যথা
গেছিলে কোন্ বা বনে ।
এখানে এ ধড় গৃহ-মাবো ছিল
পরান তোমার সনে ॥
আঁখির তারাটি গেছিল খসিয়া
এবে আঁখি আসি বসি ।
চণ্ডীদাস বলে ক্ষেণেক নেহালে
ও-মুখ বদনশশী ॥

(শ্রীমুহা)

বদন নেহারি চর চর বারি
ও অঙ্গ বাহিয়া পড়ে ।
নিশ্বাস ছতাশ ঘন ঘন দেখি
অতি সে করুণ-স্বরে ॥

১। অনেক

এ ক্ষীর নবনী ছেনা সর আনি
দেওলি কানাই-মুখে ।
যতন করিয়া পিয়ানিছে রাণী
দুরে গেল যত দুঃখে ॥
যশোদা ।—কহ দেখি বাছা আজু কোন্ বনে
চরাইলে সব ধেমু ।
আজু কেন বাপু শুনিতে না পাই
তোমার মোহন বেগু ॥
আন দিন শূনি বেগু-রবখানি
আজু না শুনিতে পায়ে ।
মনে উঠে কত বিষম সস্তাপ
শুনিলে থাকিয়ে জীয়ে ॥
তখন বলেছি যমুনা-নিকটে
রাখিও ধেমুর পাল ।
আপনি যাইয়া তোরে দেখি গিয়া
তবে সে জুড়াই ভাল ॥
এ ক্ষীর নবনী শাকর সেবনি
রাখিল যতন করি ।
কোন শিশুগণে নিবার কারণে
না আইল যতন করি ॥
তাই বড় দুখ নাহি হয় সুখ
উঠিল আগুন বড় ।
চণ্ডীদাসে বলে রাণীর করুণা
বড়ই দেখিল দড় ॥

(সুহ-সিকুড়া)

যশোদা ।—আহা মরি মরি পরান-পুতলি
বাছনি কালিয়া সোনা ।
কত না পেয়েছ ক্ষুধায় পীড়িত
বনে যেতে করি মানা ॥
এ দুঃখে না জীব নন্দে কি বলিব
এ শিশু পাঠায়ে বনে ।
এ ঘর-করণে আনল ভেজাব
কি বা সে করয়ে ধনে ॥
ইহাকে অধিক আর কিবা ধন
যারে না দেখিলে মরি ।
কালি আর গোষ্ঠে না পাঠাব মাঠে
কে বা কি করিতে পারি ॥

মধুর বচনে কহে নন্দরাণী
 মরমে পাইয়া ব্যথা ।
 দ্বিগুণ আশুন অজিছে হিরায়
 শুনিয়া পুত্রের কথা ॥
 তোমারে লইয়া আন দেশে যাব
 না রব নন্দের ঘরে ।
 তোমা হেন ধন আর কোথা পাব
 বিধাতা দিয়াছে মোরে ॥
 কত কত বার ছেনা ননী সর
 পিয়াই রজনী জাগি ।
 কটেরো ভরিয়ে রাখিয়ে থাকিয়ে
 রাখিয়ে যাহার লাগি ॥
 এ জন কেমনে এই ধেনু সনে
 ফিরিবে বনেতে বনে ।
 অভাগী মায়ের বিষম অন্তর
 ক্ষেণে কত উঠে মনে ॥
 মায়ের রোদন বেদন দেখিয়া
 কহিছে কানাই তাই ।
 পরিবোধ চিতে বেদনী জননী
 দ্বিজ চণ্ডীদাস গায় ॥

(পুরবী)

যশোদা ।—তুমি মোর প্রাণ- পুতলি সমান
 যতক্ষণ নাহি দেখি ।
 হৃদয় বিদরে তোর অগোচরে
 মরমে মরিয়া থাকি ॥
 যেন বা কি ধন অমূল্য রতন
 পাইয়া আনন্দ বড়ি ।
 ভাসি অশ্রুজলে আনন্দ হিল্লোলে
 গৃহকাজ যত ছাড়ি ॥
 শুনহ কানাই আর কেহ নাই
 কেবল নয়ন-তারি ।
 আঁখির নিমিষে পলকে পলকে
 কতবার হই হারা ॥
 মরু মেনে সব যত ধেনু গাই
 তোমার বালাই লয়া ।
 কাজি হৈতে বাপু ধেনু গোঠ মাঠ
 না পাঠাব বন দিয়া ॥
 কি বলিব নন্দ তোমার যুক্তি
 কানু পাঠাইয়া বনে ।
 না জানি কখন কিবা জানি হয়
 হেন লয় মোর মনে ॥

বনে ভয়ঙ্কর বৈসে ভয়ঙ্কর
 শাদ্দুল ভুঞ্জক রহে ।
 না জানি কখন করয়ে দংশন
 এ বড় বিষম মোহে ॥
 আনের অনেক আছে কত জন
 আমার পরাণ তুমি ।
 ভাল মন্দ হৈলে আঁখির পলকে
 তখনি মরিব আমি ॥
 চণ্ডীদাস বলে অতি বড় স্নেহ
 দেখিল যশোদা মায় ।
 এ না কভু শনি জগতে না দেখি
 জগতে এ যশ গায় ॥

(কামোদ)

বিচিত্র পালকে শয়ন করায়
 নন্দরাণী কিছু বলে ।
 আজি কেন ধেনু উজর(১) গমন
 আনিলে যতেক পালে ॥
 মায়ের কিছু বলে গমন-বিলম্ব
 শুনহ বেদনী মাই ।
 চোরা ধেনু সনে যাইতে যাইতে
 বনে বনে বুলি(২) তাই ॥
 বিষম বিপাকে চোরা ধেনু সনে
 পাইয়ে যাতনা বড়ি ।
 একলা কত না ফিরাব বাছুরি(৩)
 কাননে যাইয়া পড়ি ॥
 যদি কিছু বলি ভাই বলরামে
 ফিরাইতে ধেনু-পাল ।
 শীতল ছায়াতে বসিয়া থাকেন
 কোপেতে লোচন জাল ॥
 আর শিশুগণে আপন কাজেতে
 তাদের এমন রীতি ।
 কেবা করে কার নিজ কাজে দড়
 সবার সমান মতি ॥
 আর বনে আমি না যাব জননি
 এত কি বেদনা সয় ।
 শনি নন্দরাণী করুণ-হৃদয়
 কাষ্ঠের পুতলি রয় ॥

- ১। উজর—ছুটাছুটি ।
 ২। বুলি—বুলিয়া, ঘুরিয়া ।
 ৩। বাছুরি—বৎস, বাছুর ।

কত না কুধায় পীড়িত হয়েছ
বাছনি(১) যাহুয়া মোর ।
চণ্ডীদাস বলে শুনিয়া যশোদা
সুখের নাহিক ওর ॥

(সুহা)

চিবাইতে দিল কর্পূর তাম্বুল
স্নেহে সে যশোদা মা ।
ধরিয়া চরণ জাতিয়া(২) দিছেন
শীতল পাখার বা ॥
বদন নেহালে যশোদা সুন্দরী
ঘুমল কমল-আঁখি ।
গৃহ-কাজে মন করিল গমন
আন আন কাজ দেখি ॥

যশোদা — শুন নন্দ ঘোষ পাছে কর রোষ
কহিয়ে তোমার কাছে ।
শুনিল বনের দুখের বিচার
কহিতে কি আর আছে ॥
চোরা ধেছু সনে বহু দুখ মেনে
পাইল যাদব মোর ।
শুনিতে শুনিতে পরাণ বিদরে
দুখের নাহিক ওর ॥
বল দেখি তুমি এমন ধবলী
কেন বা পাঠাও বনে ।
রাজকর লাগি এমন বয়সে
বঞ্চিল ধেমুর সনে ॥
নন্দ কহে শুন এমন সম্পদ
আর না পাঠাব বনে ।
চণ্ডীদাস বলে ঐছন আরতি
এ লীলা বুঝিতে পারে ॥

রাই রাজা

(শ্রী)

সব গোপীগণে কমল-নয়ানে
কহিল একটি বাণী ।
হের শুনি আসি কহে হাসি হাসি
এক মনে অনুমানি ॥
কহে গোপীগণ হরষ বদন
কহেন নাগর রায় ।
কি হেতু হৃদয় করল নাগর
কহ না শুনিয়ে তায় ॥
মনের বেদনা মরমের খেলা
কহিল সবার কাছে ।
এক অভিলাষ মনের মানস
ইহাই কহিতে আছে ॥
কহ না বিচারি কহিল নাগরী
চাহিয়া নাগর পানে ।
কহিতে লাগিলা রসের রসিক
উগারল যে বা মনে ॥

- ১ । বাছা—যাহু বাছা স্নেহ-সম্বোধন ।
২ । শক্ত করিয়া ধরিয়া ।

এই বৃন্দাবনে রতন-আসনে
রাধারে করিব রাজা ।
রমণী-মাঝারে জয় জয় দিয়া
বাধিয়া রাখিব ধ্বজা ॥
সবার মাঝারে ছত্রদণ্ড দিব
ধরিয়া আড়ানি মাথে ।
চণ্ডীদাস বলে অদভূত লীলা
ইহা বা বুঝিবে কতে ॥

(শ্রী)

এ বোল শুনিয়া হাসিয়া হাসিয়া
কহেন গোপের নারী ।
বড় অদভূত শুনিল বেকত
ইহা পরমাদ বড়ি ॥
ভাল ভাল বলি বলে গোপীগণ
যাহাই করিবে তুমি ।
সেই সত্যফল সেই সে সুদিন
কি আর বলিব আমি ॥

কেহ বলে শুন নাগর মোহন
না দেখি না শুনি কানে ।
রাধারে রাজত্ব দিব যে বেকত
দেখিয়ে মনের সনে ॥
আনন্দে অধীর হইয়া নাগরী
কহেন কাহুর পাশে ।
রাধা পাঠাইয়া সকল গোপিনী
বদনে বসনে(১) হাসে ॥
অপক্লপ লীলা কিবা সে সৃজলা
রসিক নাগর কান ।
এমন আনন্দ-রসের লহরী
চণ্ডীদাস গুণ গান ॥

(মালব)

অসীম সুকর সাজল সুন্দর
নবীন কিশোরী গোরী ।
মঙ্গল বচন যত ব্রজজনা
কুঞ্জতে লইল সরি(২) ॥
রত্ন সিংহাসনে বসাই যতনে
উৎসব করল রাধা ।
ভলাহলি দিয়া যত গোপীগণ
আনন্দে নাহিক বাধা ॥
কেহ শিরে দেই দুর্বাদল আনি
কেহ সে দিলেক ধান ।
কেহ কেহ ফেঁকে শিরের ছ'পাশে
গুবাক সুগন্ধ পান ॥
নানা ফল পুষ্প দধি মীন ঘট
রাখল সম্মুখে ধরি ।
রতন প্রদীপ জ্বালল ছ'সারি
হেম ঘটে ধাপি বারি ॥
মঙ্গল চন্দন মুগমদ ঘন
অগোর কস্তুরী চূয়া ।
নিকুঞ্জ-মাঝারে কুটীর-ভিতরে
ভারল(৩) গোপিনী লয়া ॥
সুগন্ধ কুসুম বিছাই চৌদিকে
অতি সে সৌরভ বাসি ।
মধুলোভে অলি লাখ লাখ কোটি
তাহাতে উড়িয়া বসি ॥

নানা বাজ বাজে তাল মান রসে
মৃদঙ্গ কাঁবারি বীণা ।
শঙ্খ করতাল মদন ভেউর(১)
ররাব খঞ্জরী পিনা ॥
পাখোয়াজ বাজে কাহাল রসাল
হেগুর শব্দ-রসে ;
বাঁশী করতাল এ সব মণ্ডল
ঘণ্টা কলরব শেষে ॥
এই সব যন্ত্র বাজয়ে সুতন্ত্র
জয় জয় উঠে ধনি ।
মঙ্গল সুচার বেদ সে বিধান
করল যতেক ধনী ॥
বৈঠল কিশোরী আসন-উপরি
রাজ-আভরণ সাজে ।
জয় জয় দিল গোপিনী-মণ্ডল
রাধিকা করল মাঝে ॥
ময়ূর ধরিল আড়ানি(২) শিরেতে
ময়ূরী ধরিল তা ।
ফেকন(৩) ধরিয়া রাই-শিরে দিয়া
এই দুই রহল তথা ॥
রাজভাট ডাকে কোকিল-কোকিলা
ডাহকী ডাহক বলে ।
অমর-বাঙ্কারে শানাই শব্দ
তাহা সে গাইল ভালে ॥
চণ্ডীদাস বলে অপক্লপ লীলা
কুঞ্জ রাধা ভেল রাজা ।
রমণী-মাঝারে রমণী-মোহন
বাঁধিয়া দিল সে ধবজা ॥

(কাফি)

কেহ কেহ গোপী যমুনার তীর
তুলল পঙ্কজফুল ।
কোন গোপী তুলে নানা সে কুসুম
সুসম মৃগাল ফুল ॥
কোন গোপী তুলে চাপা নাগেশ্বর
মল্লিকা মাধবী লতা ।
কানড়া কুসুম ধাতকী সুসম
তুলল বামরু-পাতা ॥

১। কাপড়ে মুখ ঢাকা দিয়া ।

২। সংস্কার করিয়া ।

৩। ঢালিল ।

১। কামোদ্দীপক বংশী-বিশেষ ।

২। আবরণ ।

৩। পেখম ।

কুন্দ করবী আমলি সুন্দর
চম্পক কেতকী বেলী ।
কিবা মনোহর তুলল গোলাপ
তাছে সুন্দর চামেলী ॥
নানা জাতি ফুল তুলল সুন্দর
নাগরী গোপের রামা ।
কেহ করে ভালি গাঁথে বনমালা
নিকুঞ্জ সহরে জানা ॥
নিকুঞ্জ-বেদিকা বেড়িয়া রোপল
সুন্দর কদলীদল ।
সুবর্ণের ঘট বারি সে পুরল
আশ্রয়খা তার পর ॥
কোন ব্রজনারী এ তৈল হলুদী
বিবিধ সৌরভ বারি ॥
নানা গন্ধ আদি আছিল যে বিধি
বসাইল আসন পরি ॥
সহস্র ধারা করি তাহা বারি চারি
স্নান করাইল গোরী ।
নানা বেদধ্বনি করিয়া গোপিনী
সবাই মগন কেলি ॥
জয় জয় ধ্বনি কতেক গোপিনী
দেওলি নিকুঞ্জ-মারে ।
বিনোদ নাগর অভিশেক করে
শঙ্খ ঘণ্টা জোড়া বাজে ॥
স্নান সমাধিয়া রাধারে লইয়া
করত বেশের শোভা ।
বিনোদ পাণ্ডুড়ি বিনোদ বন্ধান
বাকুল আনন্দ-লোভা ॥
তাছে আরোপিত মাণিকের সুরি
দেওল পাণ্ডুড়ি পাছে ।
তমু আচ্ছাদন নীল তমুক্রোণ
অতি সে রঙ্গীম কাছে ॥
তাছে সে বাকুল নেতের পটুকা
বেড়ল ভালই তাথে ।
চণ্ডীদাস অতি দেখিয়া মুরতি
যেছন টাঁদের মতে ॥

(মঙ্গল)

নিকুঞ্জ সহর সব গোপীগণ
সাজাইল সারি সারি ।
দু দিকে কুটীর আয়ারি বাকুল
রসিক চতুর ধারুণী ॥

বাজার দু'সারি যত ব্রজনারী
সহরে বৈঠল তারা ।
চিত্রা দেবী ভেল রাজকারবার
ঐছন সবার ধারা ॥
সহর-কোটাল হইল রসাল
এ নব-নাগর কান ।
রাজকর সাথে রসিক নাগর
মনে ভেল অমুপাম ॥
কোটাল প্রহরী রসিক নাগরী
সাধয়ে রসের দান ॥
ষতেক গোপিনী হইয়ে সেনানী
সার দিয়া আশুমান ॥
রাজার দোহাই দোসারি ফিরাই
ফিরিয়া চলত তাই ।
করহ চৌদল ফিরাই সুন্দর
রচহ উপায় এই ॥
এ নব নাগরী চৌদল করল
বাধা চড়াইল তার ।
লইয়া সহরে ফিরায় সুন্দরী
দীন চণ্ডীদাস গায় ॥

(কেদার)

সহর ফিরায়ে ধনী রমণীর শিরোমণি
লীলাবতী চামর তুলায় ।
চম্পাবতী আদি নারী এ নব অষ্ট নারী
সেবা করে মনে অভিপ্রায় ॥
ফিরাইল বিনোদিনী নব নব গোপিনী
সবে লয়ে গেল সেই কুঞ্জে ।
এই লীলা রচে কান আইল সে কুঞ্জধাম
দেখ ইহা সব নব কুঞ্জে ॥
করিতে রাসের রস মদনে হইয়ে বশ
রচিলা নাগরবর কান ।
কহেন রসিক রায় মোর মনে হেন ভায়
বিকুল মদন শর-বাণ ॥
পুনঃ ধনী করে বেশ বাঁধল টাঁচর কেশ
বেণীর বন্ধান করে ছাঁদে ।
নব মল্লিকার মাল বেড়িয়া কনকজাল
মাণিক কোঁপনি দিয়া বাঁধে ॥
সী'ধায় সিন্দুর-শোভা যেমন রবির আভা
তাছে শোভে চন্দনের বিন্দু ।
মেঘ হইতে যেন শশী আসিয়া যেমন বসি
কত ঘটা ছটা কোটি ইন্দু ॥

অধর রাতুল দেখি হিঙ্গুল কিসে বা লখি
 নাগার বেশর বলমল ।
 কাঁচুলী সে অমুপাম বেড়িয়া মুকুতাদাম
 অমুপাম কি তার সুন্দর ॥
 নানা আভরণ সাজে কিঙ্কিনী সূচারু বাজে
 চরণে নুপুর করে ধ্বনি ।
 কি আনন্দ দেখি তায় মনমথ মুরছায়
 চণ্ডীদাস যাইছে নিছনি ॥

(কেদার)

শ্রাম-বামে বৈঠল কিশোরী ।
 মেঘে যেন মিশয়ে বিজুরী ॥

সোনার কমলে মধুকর ।
 তেমতি সাজল কলেবর ॥
 হুঁহু রূপ না যায় কখন ।
 কোটি কোটি মুরছে মদন ॥
 সহচরী কুঞ্জ-নিকেতনে ।
 কেহ করে চামর ব্যঞ্জে ॥
 কেহ চন্দন দিছে গায় ।
 কেহ চুয়া চন্দন যোগায় ॥
 কেহ করে পাখা মন্দ বায় ।
 চণ্ডীদাস হুঁহু গুণ গায় ॥

যুগল-মিলন

(কল্যাণ)

সকল গোপিনী মোহিত হইল
 দেখিয়া দৌহার রূপ ।
 ক্ষেণে ক্ষেণে সুখ আনন্দ বাড়িছে
 প্রেমের রসের কূপ ॥
 দেখ দেখ দেখি নয়ান ভরিয়া
 কি শোভা আনন্দ বড়ি ।
 এ দু'টি নয়ান তা পানে না রহে
 পিছলি পড়য়ে ছড়ি ॥
 কোন্ সে বিধাতা রূপ নিরমিল
 এমন রসের সার ।
 ও রূপ-লহরী দেখিতে কি দেখি
 কেবল অমিয়া-ধার ॥
 এত দিন বসি গোকুল নগরে
 না দেখি এমন জনা ।
 নিকুঞ্জে শোভল এত রূপ যেন
 কেবল কালিয়া সোনা ॥
 ভাবের আবেশে ও নব নাগরী
 সুখের নাহিক সীমা ।
 চণ্ডীদাস বলে দৌহার রূপেতে
 মোহিত ব্রজের রামা ॥

(সুহই-মঙ্গল)

দেখ নব কিশোর-কিশোরী ।
 ও নব নাগরী দেখ নাগরের কোলে গো
 অঙ্গে অঙ্গে আছয়ে পশারি ॥
 নব ঘন যেন শ্রাম রাই সে চম্পকদাম
 হুঁহু তমু এ দুই সমান ।
 মস্ত করিবর কাছে যেমন কুরঙ্গ-রাজে
 মস্ত ভূজ কুমুম সূঠাম ॥
 শিখিপুচ্ছ উড়ে বায়(১) এক বেণী শোভা পায়
 এক কপালে শশধর ধরে ।
 আর কপালমাবো কিবা সে অরুণ সাজে
 নীল পীত বসন সুন্দরে ॥
 বলয়া বালুটি(২) টার(৩) আর বৈসে মতিহার
 বেশর সে আভরণ সারা ॥
 মণি-মঞ্জরী পায় তাহে সে পঞ্চম গায়
 আর পদে নুপুর বিকারা ॥
 হুঁহু সে মধুর হাসি অমিয়া বরিখে রাশি
 বৃন্দাবন কি শোভা আনন্দে ।
 চণ্ডীদাস বলে ভাল হুঁহুরূপ করে আলো
 গোপীগণ মোহিত আনন্দে ॥

১। বায়—বাতাসে ।

২। বাউটি ।

৩। তাড়বাল ।

(কামোদ)

দেখ অপরূপ সিয়ে(১) ।
 ধরণী উপরে এ চারু পঙ্কজ
 দেখয়ে নয়ানে চেয়ে ॥
 পঙ্কজ উপরে বিশ শশধর
 চাঁদের উপরে গজ ।
 এ চারি গজের উপরে যুগল
 কেশরী শোভিত রাজ ॥
 কেশরী উপরে এ দুই সায়র
 সায়র উপরে গিরি ।
 গিরির উপরে এ দুই তমাল
 চারু শাখা তাহে ধরি ॥
 তাহে এক শুন একটি তমাল
 নবঘন সম দেখি ।
 একটি তমাল সোনার বরণ
 শুন গো মরম-সগী ॥
 তাহে ফলিয়াছে অরুণ বরণ
 এ চারু উত্তম ফল ।
 ফলের ভিতরে ফুল ফুটিয়াছে
 নাহি তার শাখা-দল ॥
 তাহার উপরে কিরের(২) বসতি
 তা পরে চকোর চারি ।
 তা পরে চাঁদের এ দুই বৈসত
 পিতেই তাহার বারি ॥
 তাহার উপরে বিধু সে অরুণ
 তা পরে ময়ূর অছি ।
 চণ্ডীদাস দেখি মোহিত মানস
 এ কথা জানিবা কহি ॥

দেখ দেখ সখি চাহিয়া দু অঁখি
 কিশোর কিশোরী শোভা ।
 যেমন ঘনেতে বিজরী বেঢ়ল
 কি দেখি বরণ আভা ॥
 সখীগণ কহে হেন মনে লয়ে
 মেঘ আসি কিবা নামে ।
 গগন হইতে আসি আচরীতে
 কল্পতরুর ঠামে ॥

১ । সিয়ে—আসিয়া ।

২ । কির—শুকপক্ষী, কীর বিকল্পে ।

কোন সখী কহে এই ঘন নহে
 ও দেখি শ্রামের দেহা ।
 বিজরী বলিয়া দেখিলে তালিয়া
 ও রূপ কিশোরী সেহা ॥
 যার অপরূপ দেখিলু স্বরূপ
 কহিলে কি জানি কি হয় ।
 হুঁহু অমুপাম বেশের আভাতে
 বৃন্দাবন শোভাময় ॥
 এক তরুবর কালিয়া বরণ
 আর তরুবর গোরা ।
 বড় অদভূত কি হেতু ইহার
 বিচারি কহ না তোরা ॥
 সখীর বচনে আর সখী তাহে
 চাহিল বনের পানে ।
 দেখিল বেকত আধ সে গউর
 আধ সে কালিয়া সনে ॥
 এক সখী ছিল চেতন গোয়াল
 বিচারি কহিছে তায় ।
 এ কথা কহিতে কাহার শক্তি
 কে না পরভীত যায় ॥
 রসের সামর রূপের দরিয়া
 তাহে আছে এক সুধা ।
 সেই সুধা আনি বিধি সে রাখিল
 বেকত করিয়া জুদা ॥
 আর কুপমাবো যে ছিল অমিয়া
 লইল যতন করি ।
 সেই দুই সুধা বিধি সে আনন্দে
 রাখল একক ধরি ॥
 চণ্ডীদাস কহে অপার চাতুরী
 কে জন বুঝিবে ইহা ।
 বিধি সে রসিয়া তাহাতে পশিয়া
 গড়ল দৌহার দেহা ॥

(সুহই-মঙ্গল)

এ নব নাগর গুণের সাগর
 রাধার বদন হেরি ।
 হাসি রসে রসে অমিয়া বরিষে
 বামে শোভিয়াছে গৌরী ॥
 দেখ দেখ রূপ সিয়া ।
 কোন্ বিধি এত রূপ নিরমিল
 কে জানে কি সুধা দিয়া ॥

এত রূপ খানি কেমনে গড়ল
ধত্র সে রসিয়া জনে ।
কোন্ বিধি এত রূপ নিরমিল
কুন্দল মনের সনে ॥
শুভ ক্ষণ দিনে অমিয়ার সনে
মুখেতে দিয়াছে ঢালি ।
চণ্ডীদাস কহে দুই রূপখানি
হিয়াতে রাখিয়ে ভালি ॥

(ধানশী)

এক এক দেহ দেহের গণন
এ দেহ আছয়ে বহু ।
নব নব শত সহস্র পুয়িত
অনন্ত সমন্দ কহু ॥
কোন অঙ্গ কোন করত সেবন
সহস্র পুটকে ছটা ।
ইন্দু বিন্দু বিন্দু বিষহ আভাস
বৈস সে সব ঘটা ॥
সাত পুট ঘাট সারল্য শব্দক
চিহ্ন চিহ্ন অতিশয় ।
এক এক দেহ দেহ ভিন্ন নহে
দেহে রস তার হয় ॥
কোন সে স্বভাবে কিসে কোন রতি
রতির আর্ন্তিক কত ।
কোন সে প্রধানে কোন সে বেকত
কোন সে মোক্ষক যত ॥
চারি চারি চারি অঙ্গ অঙ্গ বহু
এ অঙ্গ কে রতি পায় ।
চণ্ডীদাস কহে কোন কোন জন
কেহ সে খুঁজিয়া পায় ॥

(সুহই)

দুই সুধা লয়ে বিধি গেল ধয়ে
গড়ল মুরতি দুই ।
কুন্দন সুন্দর অতি মনোহর
মুরতি হইল সেই ॥
যখন গড়ল প্রথম পৃথক
নিরমাণ কৈল দেহা ।
সম্মুখে আছিল রূপের সুধায়ে
পড়িল কাজর রেহা ॥

সেই সুধা লয়ে গড়ল মুরতি
কালিয়া হইল শ্যাম ।
আর সুধা ছিল আন ঘটে পুরি
তার কহি পরমাণ ॥
তবে সেহ বিধি গড়ল মুরতি
অনেক যতন করি ।
চামস করকলা গড়ল তাহাতে
তাহাতে হইল গৌরী ॥
বিধি নিরমিয়া চলল সেখানে
যেখানে রসের নদী ।
সেই নদীজল ধোয়ল সুন্দর
মাজত বেকত সিধি ॥
কোনখানে কৈল সেই সে সম্পদ
এ তিন ভুবনে ধাতা ।
চণ্ডীদাস বলে এ দুই মুরতি
কে জানে এ সুখ-কথা ॥

(কানাড়া)

এই সব তত্ত্ব কছিল বেকত
ইহা কে কহিতে পারে ।
ছায়ার মুকুর, দেহ সে দেখহ
এ কথা দেখিবে ছলে ॥
কালার ছটায়ে কালরূপ ধরে
এ সব তরুর কুলে ।
গৌর দেহেতে গৌরবরণ
ধরিয়াছে অবহেলে ॥
সখীর বচন হাসিয়া সঘন
সকলি গৌর দেখি ।
আপনার দেহ দেখল গৌর
দেখল সকল সখী ॥
নিকুঞ্জ-ভুবন সেই ভ গৌর
গৌর কালিয়া কাহু ।
সকল গৌর দেখল বেকত
গৌর আপন তমু ॥
সকল গৌর দেখিয়ে সখিনী
মনেতে লাগল ধন্দ ।
চণ্ডীদাস কহে ও নব নাগর
গৌর হইল কুঞ্জ ॥*

* গোষ্ঠসৌভার বিখ্যাত পদ —

“চণ্ডীদাস মনে মনে হাসে

এ রূপ হইবে কোন দেশের জায় এই পদেও

চৈতন্য মহাপ্রভুর আবির্ভাবের পূর্বাভাষ লক্ষণীয় ।

(কেদার)

রসিক নাগর চতুর শেখর
করিতে রসের রঙ্গ ।
মনমথ হেন কুঞ্জর ছুটল
রমণী মোহিত সঙ্গ ॥
ধৈর্য না মানৈ আর নাহি শুনে
মস্তচিত ভেল তায় ।
নাগরী সকল দেখিয়া বিকল
কটাকলহরে চায় ॥
ঈষৎ হাসিয়া নাগর রসিয়া
করিতে রমণ-কেলি ।
যেমন কুসুম দেখিয়া সুধম(১)
লোভিত হইয়া অলি ॥
যেন করিবর করিণী দেখিয়া
ধৈর্য নাহিক মানৈ ।
মত্ত মৃগ যেন মৃগিণী দেখিয়া
ছুটিয়া বুলয়ে বনে ॥
তৈছন লুবধ মাধব মৃগধ
সহিত তরুণীগণে ।
অতি রসলীলা নাগর করিলা
দ্বিজ চণ্ডীদাস ভণে ॥ *

(সুহই)

তৈখনে(২) দেখল আর অপরূপ
তমাল-তরুর গাছে ।
সে গাছে কতেক চাঁদ ফলিয়াছে
দেখি অদভূত সাজে ॥
কোথা হতে এল এত শশধর
অরুণ সেখানে কেনে ।
ময়ূর-ফণীতে একত্র দেখিয়ে
কি হেতু ইহার সনে ॥
সখীর বচন শুনিয়া তখন
কহেন কোন বা সখী ।
ও নব তমাল ও নব কিশোরী
তাহাতে বেড়িয়া থাকি ॥
ফুলে ফুলে এক দেখ পরতেক
ভুঞ্জক না হয় এই ।

১। সুধমা—সৌন্দর্য্য ।

* অধ্যাপক মণীন্দ্রমোহন বসুর মতে এখানে রাসলীলার নূতন রূপ লক্ষ্য করা যায় ।

২। তখনে—সেই সময় ।

ভুঞ্জক সমান রাধার বেণী সে
দেখ না(১) হইছে ওই ॥
বিধু যত দেখে ও নখচন্দ্রক
উপমা গণিব কিসে ।
হুঁ হুঁ ওই দেখিতে লখই
কহেন এ চণ্ডীদাসে ॥

(কামোদ)

বন শব্দ তাল মান
অখল রমণী করত গান
মগন হইয়া গাওয়ে বাওয়ে
বরজ-রমণী ধনী ।
ঝাঁঝরি গান মৃদঙ্গ তান
রবাব ঠমকি তান মান
মুরজ ফেরি ভেরী বায়
দৃমি দৃমি ঘন বাজনি ॥
বীণা বেণু সব মণ্ডলী গায়
পাখোয়াজ সব কি গতি বায়
সুন্দরী পিনাক মধুর গাওনী ।
চণ্ডীদাস দেখি মগন তায়
গোপীর মণ্ডলী কি শোভা পায়
আনন্দ বাড়ি সে রসের গার
ফেরি ফেরি মগন চিত্ত
বিসখ বিছল কামিনী ॥*

(বিহাগড়া)

ফুটল ফুল মাধবী জাতি
পারল কিংশুক ধাবক ভাতি
কেতকী কুন্দ কদম্ব-পাঁতি
ধরণী লম্বিত রসাল ফুল
বরণ কুসুম-কাননে ।
কেয়া আমলকী পলাশ ফুল
ফুটল মল্লিকা দুসারি কুল
করবী গুলাল সৌরভ পূর
গন্ধে আমোদ কাননকুঞ্জ
মধুকরকর শোভনে ॥

১। পাঠান্তর—“দোল না-ই বেনী সঙ্গত বলিয়া মনে হয় ।

* এই পদটি ও অন্ত্য কয়েকটি পদের ভাষা বিশেষ লক্ষণীয় । এই পদগুলি লক্ষ্য করিলে বোঝা যায়, চণ্ডীদাস শুধু কবিই ছিলেন না, গীত-বাণেশও তিনি নিপুণ ছিলেন ।

গাওত কতেক তান মান
হেরি মুরতি রসের প্রাণ
অতি মগন এ পাঁচ বাণ

রসিক-নাগর শোভনে ।

বাঘনথি আর কুবল আদি
ফুটল ফুল সব সমাধি
চণ্ডীদাস গুণ গাওত সাধি

অপরূপ রূপ কাননে ॥

(বিহাগড়া)

নিকুঞ্জ-শোভিত কি রসকেলি
এ মণিমণ্ডপ করিয়া মেলি
রতন-মণ্ডিত পরেশ দোল
সুস্ত সুচারু গড়ল ভাল

রতন-মন্দিরে শোভিতে ।

ঝাঁঝার ন'বকে এ চাক পাশ
মুকুতা দুসারি গাঁথনি সারি
গন্ধ-মল্লিকা জাতি সুবাস
কুঞ্জ-কুটীরে চৌদিকে ভাল

সুগন্ধে আমোদ মোহিতে ॥

চৌদিকে ভ্রমরা-ভ্রমরী গান
চকোর-চকোরী গাওত তান
হংস-হংসী কর জোড়েতে ফিরত
নিকুঞ্জ-মাবে মাবে ঘুরি

মণ্ডলগণ সারিতে ।

ময়ূর-ময়ূরী সরস ভাল
কোকিল ডাক্তা ডালে রসাল
সারী শুক পিক ডাক্ত সার

জয় জয় কৃষ্ণমোহিতে ॥

হরিণ-হরিণী সারস পাখী
ভুলোক গগন ফেরত আঁখি
যেছে দিক উজর রেখি
সুচারু গমন করত কেলি

হেরি নয়নমোহিতে ।

চামর-চামরু কুঞ্জরাজ
দেওত নিকুঞ্জ-মন্দির মাঝ
তাহাতে সাজল রাজ
তাহার বামে নারী গৌরী

হেরি চণ্ডীদাস গাইতে ॥

(কামোদ)

রাই শ্যাম একই পরাণ ।
হেরি নাগর ধরণে না যান ॥
শ্যাম-অঙ্কেতে অঙ্গ হেলাইয়া
বাহ বাহ আছয়ে বেড়িয়া ॥
গোনাম সোহাগা যেন মিলে !
তেমতি নাগরী নাগর-কোলে ।
এক অঙ্গ দু'হু নহে ভিন ।
চণ্ডীদাস দেখি নিশিদিন ॥

নব-নারী কুঞ্জর

(ধানশী)

নাগর-নাগরী প্রেমের সাগরী
এ দুই গমন সরে ।
ধরিয়া নাগরী নাগরের কর
নিকুঞ্জ-মাঝারে ফিরে ॥
এ নব কুঞ্জর আকার সুন্দর
দেখিয়া নাগররাজ ।
এক শত নারী কুঞ্জর-আকার
আসিয়া মিলল মানা ॥
তা দেখি নন্দের নন্দন আনন্দ
চড়িয়া কুঞ্জর' পরে ।
রাধাশ্রাম তাই চড়ল তাহাই
বিহার করই তারে ॥
কুঞ্জর-কামিনী বরজ-রমণী
ফিরই যে কুঞ্জে কুঞ্জে ।
এই রস-কেলি করে দুই জনে
সকল কাননপুঞ্জে ॥
চণ্ডীদাস দেখি আনন্দ-মগন
সুখের নাহিক ওর ।
নাগর-নাগরী প্রেমের লহরী
মনমথে হ'ল ভোর ॥

(কেদার)

দেখ দেখ অপরূপ ।
এ নব কুঞ্জর শোভিছে সুন্দর
বড় আনন্দের কূপ ॥
নিকুঞ্জ-ভবনে বিলাসি সঘনে
লহরী মদন ভাতি ।
মদন দংশল হিম্মার মাঝারে
হেরিয়া ধবল রাত্তি(১) ॥
গমন মোহিত গোপিনী মোহিতে
তেজিয়া কুঞ্জের বাস ।
বিকল মদন ধানকী ধনুক
ছাড়িয়া নাগর পাশ ॥
পরের রমণী নিশিতে গমন
জানিয়া নাগর রাস ।
অপরূপ রসে মগন হইল
ষিঁজ চণ্ডীদাস গার ॥

(কানাড়া)

রাস-লীলা অবসান ।
সুরত-আগল(১) শ্রম অতিভরে
বিকল হইল প্রাণ ॥
রাস জাগরণে অলস সঘনে
আঁখি ঢুলু ঢুলু করে ।
আর আমি যেনে চলিতে না পারি
শুনহ নাগর রে ॥
তবে সে যাইতে পারি এ কাননে
যদি কাঁধে করি লহ ।
তবে সে যাইতে পারি বন ভিতে
আগে সে কবুল কর ॥
হাসি কহে কিছু রসময় কান
ইহার এমন রীত ।
রাধার যেমত দশা উপজল
তেমতি ইহার চিত ॥
ভাল ভাল বলি কহে বনমালী
তোমারে লইব কাঁধে ।
বড় নহে এই তার পরিণাম
কহিলা শ্রামর টাদে ॥
সরস বচন পেয়ে সেই গোপী
উঠিয়া বসল কাঁধে ।
হের আসি কহে আর কিবা মোহে
মোরে আসি লহ কাঁধে ॥
সুঘর শেখর জানিল অন্তরে
ইহার এমন দশা ।
মদ অহঙ্কার হইল ইহার
পাণ্ডল বিষম দিশা ॥
হাসি গুণমণি কহে এক বাণী
তুমি কি চড়িবে কাঁধে ।
চণ্ডীদাস কয় বিপাক পড়িল
সে গোপী পড়ল ধক্কে ।

(শ্রী)

শুন গুণমণি কহি এক বাণী
কাঁধেতে করহ মোরে ।
তবে সে এ পথে পারিবে চলিতে
নিশ্চয় কহিয়ে তোরে ॥

(১) আগল—কাতর ।

আইস ধনী রামা কাঁধে করি তোমা
সেখানে বসিলা হরি ।
শ্যামের সরস বচন পাইয়া
দাঁড়াইল গোপনারী ॥
বসন নিবিড় করিয়া বাঁধল
সেই যে চড়ব কাঁধে ।
হেন বেলে তথি চলি গেলা কতি
সে নব গোকুলচাঁদে ॥
সেই নব নারী কাষ্ঠের পুতলী
দাঁড়ায়ে চেতন হরি ।
যেমন আকাশে বজর ভাঙ্গিয়া
পড়ল শিরের পরি ॥
কান্দায়ে করুণে পড়িয়ে কাননে
ধূলায় ধূসর তমু ।
যেমন হরিণী বিফল হইয়া
কাননে বেড়ায় পুহু(১) ॥
অচেতন স্বরে রোদন বেদন
শ্রায়ে পরাণ পতি ।
কোথা গেলে নাথ ছাড়ি মোর সাথ
তোমারে না দেখি কতি ॥
সেই নব রামা শ্যামেরে খুঁজিয়ে
একাকী কাননে পড়ি ।
মুখে নাহি বাণী যেন অনাধিনী
শিরে করাঘাত পাড়ি ॥
যেন সে ধরণী সোনার পুতলী
পড়িয়া কানন বনে ।
বিকল হইয়ে মূরছা যাইয়ে
দীন চণ্ডীদাস ভণে ॥

(স্ত্রী)

হেথা রাধা বিনোদিনী রমণীর শিরোমণি
কাঁদিতে কাঁদিতে সেই পথে ।
প্রিয় সহচরী সনে চলে সখী অশেষণে
বড়ই হইল অমুরথে ॥
বিরহে আকুল ধনি আর যত গোপিনী
সেই বনে প্রবেশিল গিয়া ।
দেখিল চরণ-চিহ্ন বিহি পদ আছে শূন্য
তার কাছে কাছে আরসিয়া ॥

১। পুনরায় ।

রমণীর পদ আছে সে পদের কাছে কাছে
ঐ দেখ নয়ন চাহিয়া ।
ঐ দেখ গুণমণি আনিয়া বা কোন ধনী
বেশ কৈল হরষ হইয়া ॥
তার চিহ্ন দেখ আরে সিন্দুর দেওল তারে
পত্রে মাখি পরাইল ভালে
সেই পত্র ঐ দেখ কাজলের আছে রেখ
সুবেশ করল কুতূহলে ॥
চন্দন দিয়াছে অঙ্গে তার চিহ্ন দেখ রঙ্গে
এই দেখ তাহার নিশান ।
নয়ন আগুন হয়ে বদনে বসন লয়ে
পতি বড় উঠি গেল মান ॥
তুলিয়া বনের ফুলে বেশ বানাইল ভালে
এই দেখ কুমুম তুলিয়া ।
এই বৃক্ষ লতা ধরি কুমুম ভাঙ্গল হরি
তার চিহ্ন দেখ না আসিয়া ॥
তা দেখিয়া অমুরাগী বিরহ উঠিল আগি
কোন রামা এল কৃষ্ণ লয়ে ।
চণ্ডীদাস কহে জানি সঙ্গে লয়ে গোপধনী
তারে কান্না গেছেন ছাড়িয়ে ॥*

(কেদার)

ওহে নাথ কি করিয়া গেলে ।
বজর পড়িল মোর ভালে ॥
আমি সে করল কোন কাজ ।
পরিহরি সতীপণা লাজ ॥
আগু পাছু কিছু না গণিহু ।
ছার মুখে কি বোল বলিহু ॥
তুমি পতি পুরুষ-রতনে ।
ইহা না জানিল পরিণামে ॥
অপরাধ ক্ষেম এইবার ।
শুন নাথ মহিমা তোমার ॥
অবলা কি জানে গুণরাশি ।
আমি তোমার চরণের দাসী ॥
আপনার গুণে কর দয়া ।
লইয়াছি তুয়া পদ-ছায়া ॥
দীন হীন চণ্ডীদাস বলে ।
কান্না খুঁজিবারে ধনী চলে ॥

* ভাগবতে শ্রীরাধার উল্লেখ নাই । গোপিনীগণ
শ্রীকৃষ্ণের অশেষণে আসিয়া শ্রীকৃষ্ণের সহিত নারীপদ-
চিহ্ন লক্ষ্য করেন ।

(কানাড়া)

অতি সে আকুল দেখিয়া বিকল
সে নব কিশোরী রাই ।
অতি দুঃস্বর মানেতে মোহিত
কিছু না বোলয়ে তাই ॥
সে কোন্ কামিনী কুলের রমণী
কেমন তাহার কাজ ।
সবারে তেজিয়া বঁধুরে লইয়া
বিহরে বনের মাঝ ॥
একে বিরহিণী বিয়োগ বিরাগে
তাছে ভেল অতিরাগী ।
যে আছে মরমে তাহা সে করিব
যদি বা পাইয়ে লাগি ॥
সে এত ব্যথিত এ সব থাকিতে
সে হইল এতেক ভাল ।
এই অমুরাগ রাগিণী অন্তরে
বিয়োগ উঠিয়া গেল ॥
সেই পথে চলি যায় সবে মিলি
রাধার সঙ্কেতে দেখা ।
সেই গোপনারী মূচ্ছিত হইয়া
পড়িয়া আছিল একা ॥
চণ্ডীদাস বলে শুন বিনোদিনী
ইহার ঐছন দশা ।
নিষ্ঠুর বচন কহিতে ইহার
পাইলা পর ভাষা ॥

(কামোদ)

১। রাধা ।—শুন গো সজনি সই কি বুঝি করিব ।
কালিয়া কাহুর লাগি অনলে পশিব ॥
যাহার লাগিয়া হ'ল এত পরমাদ ।
সে জন করিল সুখ-সম্পদেতে বাদ ॥
সকল গোপিনী বলে আর কিবা দেখ ।
সে শ্রাম নৈরাশ হ'ল কি আর উপেখ ॥
যে জন করিত দয়া সে হ'ল নিষ্ঠুর ।
তেজিয়া বিমুখ ভেল কৈল অতিদূর ॥
যমুনাতে গিয়ে চল মরিব ডুবিয়া ।
এ ছার জীবন কেন থাকি রে ধরিয়া ॥
দীন চণ্ডীদাস বলে এত পরমাদ ।
এখনি মিলব কাহু মিটিবেক সাধ ॥

(কানাড়া)

সখী ।—(রাধার প্রতি)—

সখি, এমন তোমারে কেন দেখি ।
একলা গহন বনে পড়িয়া আছহ কেনে
আভরণ সকল উপেখি ॥
রাধা আগে কহে বাণী কি আর পুছহ তুমি
কহিতে বহুত হয়ে লাঞ্ছ ।
শ্রীরাধা ।—মুই অভাগিনী নারী বচন-চাতুরী করি
করিলাম আপনি অকাজ ॥
বৃন্দাবন-রাসরসে জাগি সব গোপী শেষে
উজাগর(১) নিশিশেষে এই ।
রাধার বাসনা সাথে কাহুর চরিত কাঁখে
তোমারে তেজিয়া গেল সেই ॥
আমারে লইয়া শ্রাম আইলা সে বনঠাম
আগে সে কহিল ফস ভাসা ।
ভাজি মোর অহঙ্কার সুখ গেল ছারখার
আমার হইল হেন দশা ॥

সখি ।—

তোমার ভাজিতে মান, তেজি গেল কোন্ স্থান
সেইমত একাকিনী বনে ।
শুনি সুধামুখী রাধা হৃদয়ে পাইয়ে ব্যথা
দীন চণ্ডীদাস ইহা ভণে ॥

(মুহিনী)

এ কথা শুনিয়া বিনোদিনী ।
অধিক হইলা বিরহিণী ॥
কি আর বলিব সখি বল ।
কাহু বড় নিদয় হইল ॥
বনে বনে খুঁজিতে মাধাই ।
তার দরশন নাহি পাই ॥
তেজব কঠিন পরাণ ।
সো পহুঁ করল নিদান ॥
জানল মোহে ভেল বাম ।
আমরা কি পাওব কান ॥
যার লাগি তেজল গেহ ।
তার পদে সোঁপহু দেহ ॥
গুরুজন পরিজন আশ ।
দূরে ডারহু অভিলাষ ॥
কুবচন করিল ভূষণ ।
অপথ সপথ কৈল পণ ॥

পাড়ার পড়সী দিল ডোর ।
সে কাহ্নু করিল নিজ কোর ॥
নিশ্চয় তেজল গুণমণি ।
অহুরাগে যতেক গোপিনী ॥
দীন চণ্ডীদাস বলে ভায় ।
এখনি মিলিব যতুরায় ॥

(কানাড়া)

শুনহ সজনি আর কি দেখহ
মরণ হইল সারা ।
যাইয়া যমুনা মরিব সঙনি
এ শুন আমার ধারা ॥
এই মনে মানি সকল গোপিনী
যাইয়া যমুনা-কূলে ।
সব গোপীগণ হেন কৈল মন
ঝাঁপ দিতে সেই জলে ॥
বুঝিল নিশ্চয় সেই যতুরায়
স্বীকৃত-পাতকভয়ে ।
আসি দেখা দিব সেই সে নাগর
বচন মধুর কয়ে ॥
দেখিয়া নাগর গুণের সাগর
নবীন ব্রজের রায়া ।
চণ্ডীদাস বলে নাগরী সকল
উথলি উঠল প্রেমা ॥*

(সুহই)

নাগর পাইয়া নাগরী সকল
সুখের নাহিক ওর ।
যেন বা কে ধন পাইয়া ভেমন
বঁধুয়া করিল কোর ॥
নয়নের তারা খসিয়া গেছিল
আসিয়া বসিল পুন ।
জল-ছাড়া হয়ে সফরী বিকল
সে জল পাইল হেন ॥
যেমন চাঁদের রসের বিহনে
চকোর অবশ হয়ে ।
রস পেয়ে যেন পরাণ জিয়ল
ভেন সে শ্রামেরে পেয়ে ॥

* ভাগবতে বর্ণিত আছে যে, প্রেম-ব্যাকুল
গোপিনীগণ যমুনাগুলিনে ত্রীকক্ষের দর্শন লাভ
করিয়াছিলেন ।

যেন মেঘরস(১) লাগিয়া চাতক
পিয়াসে পিওসে পিও ।
রস-আলাপনে চাতক বাঁচল
এ রস না জানে কেও ॥
পাইয়া নাগর নাগরী সকল
কহিতে লাগিল তায়ে ।
এমন পীরিত্তি নাহি দেখি কতি
চণ্ডীদাস গুণ গায়ে ॥

(সিকুড়া)

হেদে হে কমল কান কা সনে করহ মান
দোষ-গুণ কিছুই না লও ।
পরবশ রস প্রেম এবে সে জানিল হেম
অমিয়া-সেচনে কথা কও ॥
তোমার অমৃত-বাণী কত বোল পেয়ে জানি
হাসি পরকিত(২) সুধাময় ।
এমন রতন ধন পাইলা অবলা জন
কোথা ছিল হেন মনে লয় ॥
তোমার কারণে হরি গৃহকাজ পরিহরি
গুরু-গরবিত যত জনে ।
তোমার কলঙ্ক-মালা হৃদয়ে পরেছি কালা
লইলাম করিয়া চন্দনে ॥
যে বল সে বল কাহ্নু তোমারে সঁপিহু তহু
মো সব ছাড়িবে জানি পাছে ।
দেখ দেখি ত্রিভুবনে কেবা আছে তোমা বিনে
আর যে দাঁড়াব কার কাছে ॥
যে কর উচিত কাজ শুন হে নাগর-রাজ
পরতাব না করিহ মনে ।
ব্রজনারী-মনকাম(৩) কে পূরাবে ওহে শ্রাম
দীন ক্ষীণ চণ্ডীদাস ভণে ॥

(ধানশী)

ভাল হইল বঁধু তোমার পীরিত্তি
নিশির স্বপন যেন ।
কহিতে কহিতে দেখিতে দেখিতে
সে সব মিছাই মেন ॥

১। মেঘরস—বৃষ্টি ।

২। প্রকৃত ।

৩। পাঠান্তর—মনস্কাম ।

আমরা অবলা অখলা রমণী
 তিলে কতবার ভুলি ।
 দোষ গুণ আদি কিসের অবধি
 ধরিয়াজ্ছ বনমালী ॥
 ভাল সে তোমার চরিত্ত বেভার
 এবে সে জানিষু কাহু ।
 নিম্ববশ নও পরবশ হও
 তোমারি স্বপন তমু ॥
 তুমি দয়া কর দয়ার সাগর
 কলপতরুর গাছে ।
 শীতল দেখিয়া ও দুটি পঙ্কজ
 শরণ লয়েছি কাছে ॥
 এ নহে তোমার মহিমা করিতে
 অবলা জনার দুখ ।
 এড়িয়া কাননে গেল কোন স্থানে
 কত না হইল সুখ ॥
 চণ্ডীদাস বলে যে হ'ল সে হ'ল
 এখন পাইলা কান ।
 পরশ-রতন করিরা ভূষণ
 হৃদয়ে করহ স্থান ॥

(সিকুড়া)

কি আর বলিব পায় ।
 শুন হে নাগর-রায় ॥
 তারা কি পরাণ এড়ি ।
 কাননে রহিলা ছাড়ি ॥
 আমরা অবলা নারী ।
 দোষগুণ নাহি ধরি ॥
 তুমি সে পরাণ-বন্ধু ।
 কেবল করুণাসিকু ॥
 দীন চণ্ডীদাস কয় ।
 সুধারস তুমি ময় ॥

(ধানশী)

বধু ভাল সে বটহ তুমি ।
 এক অপরাধ জনম অবধি
 করিয়া আছিল আমি ॥
 সেই অপরাধ বিষম বিবাদ
 করিলা নাগর-রায় ।
 আমরা অবলা অখলা কি জানি
 সকল গোচর পায় ॥

কালিয়া যে জন কঠিন সে জন
 এবে সে জানিল দড় ।
 কালার সন্মুখে যে করে পিরীতি
 পরিণামে হয় আর ॥
 যখন না ছিল তোমার মিলন
 তখন আছিল ভাল ।
 হাসিয়া হাসিয়া জাতিকুল নিয়া
 নিদানে অনল জাল ॥
 পরের পরাণ হরিতে তোমার
 তিলেক নাহিক দয়া ।
 পরবশ তুমি কি বলিব আমি
 যেমন কায়ার ছায়া ॥
 যেমন জলের বিশ্বক সম্মুখে
 দেখিয়া মিলায়ে যায় ।
 তোমার পিরীতি দেখিতে তেমন
 দীন চণ্ডীদাস গায় ॥

(সিকুড়া)

শুনিয়া রাখার বিনয়-বচনে
 কহিতে লাগিলা তায় ।
 তোমার পিরীতে এ দেহ সঁপেছি
 এ কথা কহিব কায় ॥
 তোমা না দেখিয়া আঁখির পলক
 যদি বা নাহিক দেখি ।
 দেখিলে জুড়াই না দেখিলে মরি
 শুন শশধরমুখি ॥
 হাসিয়া হাসিয়া নাগর রসিয়া
 তুষিতে লাগিল তায় ।
 রসাল বচনে করিয়া সেচনে
 কটাক্ষ-নয়নে চায় ॥
 যা হ'ল তা হ'ল মনে না ভাবিহ
 শুনহ সুন্দরি রাখা ।
 তোমার মরমে আমার মরমে
 সদাই আছয়ে বাধা ॥
 রমণী-মাঝারে তুষিয়া নাগর
 চাহিয়া সবার পানে ।
 এমন পিরীতি কোথাও না দেখি
 চণ্ডীদাস রস ভণে ॥

(পুরবী)

দেখিলা নাগর নাগরী সকল
 দিয়া সে রসের ভারা ।
 যেমন কুম্বম মধুর সরসে
 অলিকুল পিয়ে তারা ॥
 খতে খতে খতে লাখ শত শত
 রমণী একেক রয় ।
 কাহু সে লুবধ ভ্রমর যেমন
 মধুপানে অতিশয় ॥
 মধুর সে মাতি যেন মত্ত হাতী
 অক্ষুণ নাহিক মানে ।
 সবারে তুষিয়া নাগর রসিয়া
 করুণ বাশীর গানে ॥

মধুরস-স্বরে বাশী বাজাইয়া
 নাগর চতুর-রায় ।
 গুপত পিরীতি বাশীর আরতি
 এ কথা না জানে মায় ॥
 নিজ নিজ গৃহে গেলা গোপীগণ
 না জানে গৃহের পতি ।
 যেমন যে ছিল তেমন পৈশল
 ঐছন আরতি গতি ॥
 যত্নাথ গেলা নন্দের মহলে
 শুভলি মায়ের কোলে ।
 জননী না জানে এ রস-বেতার
 দীন চণ্ডীদাস বলে ॥ *

গোচারণ

(ধানশী)

নিশি গেল দূর প্রভাত হইল
 উঠল শ্যামরচন্দ্র ।
 মুখশশীখানি সুবাসিত জলে
 ধোয়াল গোকুলচন্দ্র ॥
 স্নেহে যশোমতী আদর স্বভাবে
 এ ক্ষীর নবনী আনি ।
 কানাই-বদনে দিয়া সে যতনে
 কছেন মধুব বাণী ॥
 আজু বনে তুমি যাবে যাছমণি
 শুনিতে লাগয়ে ডর ।
 লোকমুখে শুনি বিষম কাহিনী
 থাকয়ে কংসের চর ॥
 কাহু বলে মাতা না কর সংশয়
 তোমার চরণ আশে(১) ।
 কি করিতে পারে ছুঁই কংস-চরে
 তারে বা গণিয়ে কিসে ॥
 মায়ের করুণ বচন শুনিতে
 সে হেন যাদব-রায় ।
 মধুর বচন করিয়া ছন্দন
 আরতি কহিছে মায় ॥

কোটি কংস তারে কটাক্ষ নিমিষে
 করিতে পারিয়ে ধ্বংস ।
 কি করিতে পারে ছুঁই কংস মোরে
 আমি বহুকুলবংশ ॥
 মায়েরে তুমিয়ে চতুর কানাই
 শুন গো বেদনী(১) মায় ।
 বেশের রচনা করহ রচনি
 দীন চণ্ডীদাস গায় ॥

(বেলোয়ার)

বেশ বানাইছে মায় ।
 টাচর চিকুর বলাই সুন্দর
 চুড়াটি বাধিল তায় ॥
 বেড়িয়া মালতী আনি জাতি যুথী
 কুন্দের কলিকা দিয়ে ।
 তাহার উপরে মুকুতার মালা
 প্রবাল মাঝারে দিয়ে ॥

* এখানে আদর্শ-নায়ক শ্রীকৃষ্ণ একই সঙ্গে
 সকল গোপিনীকে আনন্দিত ও সার্থক করিতেছেন,
 ইহা লক্ষ্যণীয় ।

সোনার ছু থরি মালা দিয়া ফেরি
মাণিক খোপনি সাজে ।
পরশ-পাথর গাঁথি থরে থর
কি শোভা দেখ না মাঝে ॥
ময়ূর-শিখণ্ড দিয়া তার পর
বিনি বায়ে দেখ উড়ে ।
ফুলের সৌরভে অলিকুল যত
উড়িয়া উড়িয়া পড়ে ॥
ছদিকে ছুকানে কদম্বের ফুল
কি শোভা পেয়েছে দেখি ।
নীলমণি যেন হেন লয় মন
নবঘন কিসে পেখি ॥
কপালে মলয়-চন্দন-তিলক
তাছে গোরোচনা-ফোটা ।
শ্রীমুখ বালকে যেমন অলকে
পূর্ণিমা-চাঁদের ঘটা ॥
অধর বাকুলী যেন রাতাগুলি
কি জানি হিঙ্গুলে দলি ।
নয়ন চাতক তাহাতে কাজল
অতি সে শোভন ভালি ॥
বাহে(১) টার বাল্য গলে বনমালা
কটিতে ঘুঙ্গুর বায় ।
করেতে মুরলী শোভে দেখ ভালি
রতন-নূপুর পায় ॥
চণ্ডীদাস কম নটবর রূপ
সদাই দেখিয়ে থাকি ।
হেন মনে হয় নীল নবঘন
হিয়াতে ভরিয়া রাখি ॥

(রামকেলি)

হেন বেলে যত রাখাল বালক
আইল কানাই নিতে ।
শ্রীদাম সুদাম আর বসুদাম
বান্দী শিক্কা বেণু গীতে ॥
চল চল কাশু কি কাজ বিলম্বে
হইল উজর বেলা ।
এখন কি কাজে আছ গৃহমাঝে
করহ ধেমুর মেলা ॥
শাঙলী ধবলী অতি চোরা গাভী
যদি বা উচর হয় ।
দূর বনে গিয়ে কোথা পড়ে ধেমুর
এই উঠে মনে ভয় ॥

১। বাহে—বাহতে ।

তুরিত গমন কি আর বিলম্ব
রাখাল আজিনা ভরা ।
কহে হলধর যশোদা গোচর
তুমি সে করহ তুরা ॥
এ কথা শুনিতে যশোদা হৃদয়ে
উঠিল বেদনা বড় ।
কেমনে পাঠাব এ হেন ছাওয়াল
তুমি সে হইও দড় ॥
বলরাম করে ধরি কিছু বলে
শুন হলধর তুমি ।
তোমার করেতে সঁপিল যাতুরে
কি আর বলিব আমি ॥
কত শত বেরী কটোরাতে ভরি
রাখিয়ে এ ক্ষীর সর ।
নিশিতে পিয়াই তার নাহি লেখা
ভরিয়া এ ছুটি কর ॥
কহেন বচন বলরাম হেন
এ হরি সবার প্রাণ ।
আমি যে থাকিতে কিবা ভয় কর
দীন চণ্ডীদাস গান ॥

(বেলোয়ার)

চলিলা রাখাল সকল মণ্ডল
লইয়া ধেমুর পাল ।
হে হে বলি দিয়ে করতালি
নন্দের নন্দন ভাল ॥
কেহ নাচে গাঘ কেহ বেণু নাম
কেহ বেণু দেয় সাড়া ।
কেহ তাল মান করে অতি গান
কেহ নাচে অতি গাঢ়া ॥
কেহ বলে তাই কোন্ বনে যাবে
কহ ত বোল ত ভেয়ে ।
সেই বন পানে চলে ধেমুরগণে
তবে যাই ধেমুর লয়ে ॥
বলরাম ভায় কহিছে সব হি
কানাই যাহাই বলে ।
সেই দিক পানে চালাহ রাখাল
আমি যে কহিয়ে ভাল ॥
যতক রাখাল কহে বারে বারে
শুন হে রাখাল কাশু ।
আজু কোন্ বনে বলহ বচনে
কোথারে চালাব ধেমুর ॥

কাহ্ন বলে আজু চালাহ সঘনে
ভাগীর-কানন বনে ।
সেই বন মাঝে চালাইব পাল
দীন চণ্ডীদাস ভণে ॥

এই বড় উঠে ভয় হেন মোর মনে ভয়
তৃণাকুর বাজে বা চরণে ।
ঘরে বসি থাক বাপু তোমা না পাঠাব কতু
দীন চণ্ডীদাস ইহা ভণে ॥

(পুরবী)

চলত নাগর কান ।
রাখাল চলিয়া যান ॥
কেহ নাচে গুণগানে ।
যমুনা সরস মানে ॥
উঠিল বেণুর সান(১) ।
ধেমু চলে আশ্রয়ান ॥
মুরলী-সুন্দর রবে ।
পাষণ হইছে দ্রবে ॥
কাহ্নর বাশীর গানে ।
যমুনা উজ্জান পানে ॥
চাল যায় নানা রঙ্গে ।
নবীন রাখাল সঙ্গে ॥
গোকুল মুখেতে চলে ।
হৈ হৈ রব বলে ॥
কোঁ কঁহু চলিল পথ বাই(২)
চণ্ডীদাস গুণ গাই ॥

(বেলোয়ার)

দেখ দেখ নন্দরায় কি আনন্দ শোভা পায়
বিধু যেন চল চল দেখ যমুনায় ।
নবনীল ঘনচাঁদ মনমথ জিনি ফাঁদ
অমিয়-সাগর সুখসায়রে ভাসায় ॥
দেখিয়া আনন্দ বড়ি নন্দঘোষ রূপ হেরি
ধরণে নাহিক যেন যায় ।
কোলে লয়ে নন্দরাণী 'ও মোর যাছয়া মনি
চুষন করিয়া কাঁদে মায় ॥
এ বেশে কেমনে বনে যাইবে ধেমুর সনে
পদযুগ অতি সে কোমল ।
বিষম ভাহ্নর তাপ লাগিবে কি উত্তাপ
জানিবা(৩) গলিয়া হয় জল ॥

- ১ ! ইন্দিত ।
২ ! পথ বাহিয়া- -ধরিয়া
৩ মনে হয় ।

(রামকেলি)

যশোদা ।—পুনঃ পুনঃ কহি রে ।
শুন বাপু হৃদয়ে ॥
কেবল আঁখির আঁখি ।
তাহার পুতলী সাখী ॥
তুমি ত প্রবীণ বট ।
আমার যাছয়া ছোট ॥
আপনার ক্ষুধার বেলে ।
খাইতে দিও ত ভাল ॥
সম্মুখে রাখিও কাহ্ন ।
তুমি চরাইবে ধেমু ॥
কাহ্নর ধড়াতে বাঁধি ।
ক্ষীর ছান ননী টাচি ॥
যাছরে করিয়া কোলে ।
আপনি খাইবে বলে ॥
দুঃখিনী অভাগী আমি ।
কেবল ভরসা তুমি ॥
তিলে না দেখিলে মরি ।
এই নিবেদন করি ॥
এ কথা যশোদা বলে ।
চণ্ডীদাস কহে ভাল ॥

(বেলোয়ার)

ভাগীর-কাননে চলে ধেমুগণে
সকল রাখাল মেজি ।
নানামত খেলা সকল রাখালে
দিয়ে উঠে করতালি ॥
আর যত লীলা বিস্তার আছয়ে
ভাগবত সুখ-কেলি ।
সংক্ষেপ রচনা কিছু কিছু আছে
কেবল ফুটক বলি ।
আর পরমাদ (১) পড়িল সংশয়
গোকুলে নন্দর ঘরে ।
এ কথা না জানে কৃষ্ণ-বলরাম
গোঠেতে লীলাতে ভোলে ॥

১। অতুর গমনরূপ বিপদ ।

নানামত খেলা সকল রাখাল
খেলে মনের সনে ।
অবসান-কাল আসিয়া হইল
জানিল বালকগণে ॥
আজিকার মত খেলা সমাধিয়া
চলহ গোকুলপুরে ।
কালি আসি বনে খেলাব যতনে
শুন ভাই হলধরে ॥
জড় কর পাল, সদল রাখাল
শিক্ষাতে দেহ ত গান ।
চলি যাম সব রাখালমণ্ডল
দ্বিজ চণ্ডীদাস গান ॥

(গৌরী)

শিক্ষা বেণু শনি যশোদা রোহিণী
নাহিক সুখের ওর ।

ঐ শুন শুন মধুর মুরলী
মাধুরী কাছুর জোর ॥
সোনার পুতলী বনে পাঠাইয়া
আছিল চেতন হরি ।
যরা তরু যেন বরিষ পাইলে
সে যেন মঞ্জরী সরি ॥
কতক্ষণ হেরি সে চাঁদ-বদন
তবে সে জুড়ায় প্রাণ ।
আঁখির তারাটি খসিয়া গেছিল
পুন সে বৈঠল ঠায় ॥
এই সে আশ্বাস যশোদা রোহিণী
কহয়ে মধুর বাণী ।
দূর হৈতে ছুঁছ শনে এক রস
শিক্ষার মুরলাধ্বনি ॥
আনন্দমগনে ছুঁই সে ভাসল
সুখের নাহিক সীমা ।
চণ্ডীদাস বড় সুখী হয় চিতে
দেখিয়ে দৌহার প্রেমা ॥

অক্রুর-সংবাদ

বৃন্দাবন-প্রবেশ

(সুহই)

কংস নরপতি করিল আরতি(১)
যজ্ঞ-আরম্ভণ কাজে ।
বহু নরপতি নিমন্ত্রণ তথি
ভেজল(২) সমাজ-মাঝে ॥
গোকুল নগরে ভেজব কাহারে
কৃষ্ণ-বলরাম-কাছে ।
লাগিল মনেতে বৃপতি ভাবিতে
মথুবা তেজিতে সে আসে ॥
মনেতে পড়িল অক্রুর বলিয়া
ডাকিয়া আনিল তথি ।
কহে নরপতি যাহ শীঘ্রগতি
কৃষ্ণ-বলরাম প্রতি ॥
ধনুর্শয় যজ্ঞ করি আরম্ভণ
তুমি সে গোকুলে গিয়া ।
কৃষ্ণ-বলরামে আনহ স্বজনে
স্বরায় আসিবে লয়া ॥

এ কথা শুনিয়া গদগদ হৈয়া
কহেন অক্রুর রায় ।
রথ-আরোহণে বিদায় হইয়া
কৃষ্ণ আনিবারে যায় ॥
পথে যেতে যেতে আনন্দ সহিতে
ভাবিতে ভাবিতে কত ।
চণ্ডীদাস বলে ভাবের পুলকে
উঠিল বিভাব যত ॥

(গড়া)

অক্রুর ।—

আজু বড় মোর শুভ দিন দিল
নিশি পোহায়ল মোর ।
গদগদ হৈয়া ভাবে আবেশিয়া
সুখের নাহিক ওর ॥
আজু দেখিব চরণ দুখানি
লোটারে পড়িব তায় ।
প্রেমে কত শত প্রণাম করিব
সে ছুটি কমল-পায় ॥

১। আরতি—ইচ্ছা ।

২। পাঠাইল ।

ভবে যত্নাথ ধরি ছুটি হাত
 পরশ করব মোরে ।
 আলিঙ্গন-রসে গদগদ হব
 ও নব নাগরবরে ॥
 পাইয়া পরশ হইব হরষ
 ভাসিব আনন্দ-জলে ।
 এ সব কাহিনী কহিতে চলল
 দীন চণ্ডীদাস বলে ॥

(সিদ্ধুড়া)

অক্রুর ।—

মুনিগণ যারে ভাবে নিরস্তরে
 অনন্ত সহস্রমুখে ।
 সে জন না পায় মহিমা অপার
 আন কি জানিব লোকে ॥
 ধৃত্ত সে গোকুল নগর সফল
 সদাই দেখয়ে কাম্বু ।
 ধৃত্ত সে যশোদা ধৃত্ত সে গোপিনী
 সঁপিল আপন তম্বু ॥
 ব্রজবাসী বাল্য ভাল পেয়ে মেলা
 কানাই সঙ্গেতে খেলে ।
 ভাই ভাই বলি কাঁধে করে লয়ে
 চরায় ধেমুর পালে ॥
 না জানে লোকেতে গোলোক-ঈশ্বর
 বিহরে গোলোকপতি ।
 নয়ন ভরিয়া চাঁদমুখ দেখে
 আনন্দে এ দিন রাতি ॥
 স্নেহভাবে সেই নন্দ-যশোমতী
 করিয়া বালক-ভাব ।
 পতিভাবে গোপী পিরীতি করিয়া
 তার শেষে হরিলাত ॥
 কানাই রাখাল করিয়া মানল
 গোকুলপুরের লোক ।
 কৃষ্ণরূপ হেরি আনন্দে বিহরে
 নাহি কোন দুঃখ শোক ॥
 চণ্ডীদাস আশ করে পদতল
 তাহার কণিকা পেতে ।
 মনে নহে ভাল চিন্ত নহে দৃঢ়
 কেমনে পাইব তাথে * ॥

(গড়া)

এ সব বচন ভাবিতে ভাবিতে
 অক্রুর চলিয়া যায় ।
 প্রেমের স্বভাবে রসে আবেশিয়া
 পুলক হইছে গায় ॥
 যেন কদম্ব- কেশর ফুটল
 তৈছন অক্রুর-দেহা ।
 প্রেম-অশ্রুজলে আঁখি চল চল
 বিসরল নিজ গেহা ॥
 স্নেদবিন্দু অতি ক্ষেণেক চেতন
 ক্ষেণেক অবশ হয় ।
 ভাবের বিকারে আপনা পাসরে
 আপনার বশ নয় ॥
 কংস রাজা হইতে আমার হইল
 ও পদ দর্শন লেহ ।
 সে রাজাচরণে লোটায়ে পড়িব
 নিজ আপনার দেহ ॥
 কিবা সুখদশা সুখে নাহি সীমা
 জনম সফল মানি ।
 প্রভুর চরণ দেখিব নয়নে
 কহিব বচন বাণী ॥
 যে পদ-পরশ আশে অবিরত
 ব্রহ্মাদি যতোক দেবতা ।
 বৃন্দাবনে আসি তরুলতা হয়ে
 থাকিয়া করয় সেবা ॥
 দেব শূলপাণি অবিরত গুণি
 গাইছে পরম সুখে ।
 মুনি-ঋষিগণ করয়ে শুবন
 অতি সে পরম রসে ॥
 গোলোক-ঈশ্বর গোকুলে আসিয়া
 জন্মিলা নন্দের ঘরে ।
 চণ্ডীদাস বলে হেনক সম্পদ
 হেরিব মনের সরে ॥

(শ্রী)

গদগদ প্রেমে পথে যায় চলি
 আনন্দ হইয়া বড়ি ।
 অশ্রুজলে অঙ্গ তিতিল সকল
 রথের উপরে পড়ি ॥

* এই পদটিতে বৈষ্ণব-ভজন রীতি অতি সুন্দর-
 রূপে পরিষ্ফুট হইয়াছে ।

এই মত কত ভাবের উদয়
অকুর মহা সে মতি ।
শুভ দশা মোর আঞ্জি সে ফলিল
দেখিৰ গোলোকপতি ॥
যে পদ-পল্লব যোগীর ধ্যান
করিলে নাহিক পায় ।
সে জন দেখিব নয়ন ভরিয়া
হু আঁখি জুড়াব তায় ॥
এই সব কথা ভকত বিচার
করি গেলা মনে মনে ।
বিষম পড়িল গোকুল নগরে
দীন চণ্ডীদাস ভণে ॥

—

(শ্রী)

আসিতে অকুর দেখি অদভুত
পথের মাঝারে চিহ্ন ।
শঙ্খ-চক্র গদা পদ্ম সে পতাকা
রহিছেন অণু অণু ॥
দেখি সে চরণ পড়িয়া সঘন
লোটাইয়া পড়ে অঙ্গ ।
প্রেমে গদগদ সুখের আমোদ
উঠিল আনন্দ-রঙ্গ ॥
প্রদক্ষিণ করি অষ্টাঙ্গ প্রণাম
সহস্র সহস্র করে ।
নয়নের জলে অঙ্গ বাহি যায়
যেমন যমুনা-নীরে ॥
অচেতন হয়ে পড়ে মুরছিয়ে
চেতন নাহিক হয় ।
বহুক্ষেণে তবে চেতন পাইয়ে
উঠিল সে মহাশয় ॥
যমুনা দেখিয়া প্রণাম করিলা
তুমি সে সুধন্থ মানি ।
তোমার তীরেতে বিহরি খেলয়ে
সে হরি গোকুলমণি ॥
এ বোল বলিয়া গেল পার হইয়া
প্রবেশে গোকুলপুরে ।
নন্দের দুয়ারে রথ আরোপিয়া
চলিলা মন্দির পরে ॥
দেখি নন্দ ঘোষ হইলা সন্তোষ
বসিতে আসন দিয়া ।
পাশ্চ অর্ঘ্য দিয়া তাহারে তুষিল
অতি সে আনন্দ হয় ॥

নানা আয়োজন বিবিধ ব্যঞ্জন
রন্ধন করায় তথি ।
ঘৃত দুগ্ধ তথি মিষ্টায় শাকরি
বিবিধ ভোজন রীতি ॥
চণ্ডীদাস বলে নন্দের সনেতে
দৌহে করে কোলাকুলি ।
আনন্দ-মগন ভেল দুই জন
কথার চাতুরী মেলি ॥

—

(গৌরী)

বিচিত্র আসনে বসিলা সঘনে
রন্ধন করিলা তায় ।
ভোজন করিলা অতি বিলক্ষণ
আচমন করি তায় ॥
আচমন করি বিচিত্র পালঙ্কে
শুভল অকুর রায় ।
কপূর তাম্বুল আনল মধুর
নন্দ যোগাইল তায় ॥
তবে পুছে বাণী কহ কহ শুনি
কেন বা আইলে ইথে ।
কহ সমাচার কি হেতু বেতার
অকুর বলেন তাথে ॥
ধনুর্ধর যজ্ঞ করে নরপতি
শুন নন্দ ঘোষ রায় ।
কৃষ্ণ বলরাম দুজনে লইতে
আইল আরতি তায় ॥
মোরে পাঠাইল গোকুল নগরে
লইতে এ দুই ভাই ।
শুনিতে নন্দের হিয়া দর-দর
আঁধার মানিল তাই ॥
কি বোল বলিলে যেমন বজ্র
পড়িল নন্দের মুণ্ডে ।
যেমন আকাশ কুলিশ পড়ল
শুনিতে তাহার তুণ্ডে ॥
চণ্ডীদাস বলে আর কি বাঁচিব
গোকুলে গোপীর প্রাণ ।
বিকল করল সকল অধির
ছাড়ব নাগর কান ॥

—

শ্রীরাধার স্বপ্নবর্ণন

(ভৈরবী)

প্রভাতে উঠিয়া বিনোদিনী রাধা
 কহিতে লাগিল কথা ।
 তোমরা শুনিলে এ সব কাহিনী
 হিয়ায় পাইবে ব্যথা ॥
 আজুক নিশিতে স্বপন দেখিল
 অতি অদ্ভুত বাণী ।
 শুনহ সঙ্গনি তোমরা চেতনি
 কি হয়ে নাহিক জানি ॥
 সব সখী বলে কহ কহ রাধা
 কি হেতু ইহার শুনি ।
 রাই কহে সব নিশির স্বপন
 কহিতে লাগিল বাণী ॥
 নিশি অবশেষে ঘুমে অচেতন
 হেনক সময়কালে ।
 রথ-আরোহণ করি এক জন
 আইল গোকুলপুরে ॥
 আমি যেন বিকে বড়াইয়ের সাথে
 গেছিল গোকুলপুরে ।
 হেন বেলা দেখা হইল আমার
 কহিতে লাগিল তারে ॥
 রথ-আরোহণে কোথারে গমন
 এ পথে যাইছ তুমি ।
 কি নাম তোমার কহিবে গোচর
 তাহারে কহিল আমি ॥
 কহিতে লাগিল সব বিবরণ
 অতুর আমার নাম ।
 কৃষ্ণ বলরামে আনিতে যতনে
 এ কংস রাজার ধাম ॥
 এ কথা শুনিয়া বেদন পাইয়া
 আসিতে গৃহের মাঝে ।
 চণ্ডীদাস বলে নিশির স্বপন
 মিছা হয় সব কাজে ॥

(ভৈরবী)

এ কথা কহিতে সব সখীগণ
 কহিছে রাধার কাছে ।
 স্বপন আপন না হয় কখন
 শতে এক সঁচা আছে ॥

হেন বেলে মোর নিঁদ দূরে গেল
 হিয়ায়ে হইল দুখ ।
 সেই সত্য মোর কিছু নাহি ভায়ে
 অজ্ঞেতে নাহিক সুখ ॥
 কোন সখী বলে অমুভাবে দেখি
 ঐছন করিয়া হিয়া ।
 কি জানি স্বপন কি না হয়ে পুন
 গণাহ গণক লয়া ॥
 ভাল না কহিলে মরম সখি হে
 মনেতে লাগল মোর ।
 দেয়াশীর(১) ঘর যাহ এক জন
 বুঝহ ইহার ওর ॥
 এক গোপনারী দেয়াশীর ঘর
 গেল সে বিরসমতি ।
 গৌরীর মাথায় ফুল চড়াইয়া
 বুঝহ এ কাজ গতি ॥
 ফুল চড়াইল গৌরীর মাথায়
 দেয়াশী কহিছে ভালে ।
 যে কারণে গোপী আরাধল আসি
 দিবে সে মাথার ফুলে ॥
 ফুল নাহি নড়ে ভূমে নাহি পড়ে
 দেয়াশী কহল তারে ।
 অতি অমঙ্গল পড়ল গোকুল
 না জানি কি জানি হয় ॥
 চণ্ডীদাস বলে শুন গোপনারী
 সকল মিছাই নয় ।
 কখন কখন কাজের গোচর
 কিছু কিছু সত্য হয় ॥

(ভৈরবী)

সেই গোপনারী রাধার গোচর
 কহিতে লাগল গিয়া ।
 সেই গৌরীশিরে পুষ্প চড়াইতে
 দেয়াশী বিনয় হৈয়া ॥
 না পড়ল তার শিরে এক ফুল
 শুনহ সুনন্দী রাধা ।
 অমঙ্গল যেন অনেক অস্তরে
 সকল দেখিল রাধা ॥

এ কথা শুনিয়া সবার চিন্তেতে
বিস্ময় ভাবিল বড়ি !
গণক আনিয়া ভারে গণাইব
সে জন পাড়িয়ে খড়ি ॥
আসিয়া গণক সিলেন তখি
লিখিল বোলই ঘর ।
তাতে আঁক রাখে বেদ পরিমাণ
খড়ি দিল তার পর ॥
প্রথম রামের ঘর ছাড়াইয়া
তার পাশে পড়ে খড়ি ।
সীতার ঘরেতে খড়ি বসাইল
এ কথা কহিল ডেড়ি (১) ॥
সীতার ঘরেতে বহু দুখ বোলে
গণক কহিল তায় ।
এতেক কহিয়া নীরব হইল
মুখেতে কিছু না ভায় ॥
মনে করি কিবা কহে খড়ি দিয়া
গণক কহিল পুন ।
এই মনে কর রহে গিরিধর
মথুবা না যায় যেন ॥
সীতার ঘরেতে এ খড়ি উঠিল
সামাল কহল তায় ।
এ কথা শুনিয়া ব্যথিত হইল
ধ্বজ চণ্ডীদাস গায় ॥

(পটমঞ্জরী)

এই অমুমান করে গোপীগণ
আকুল হইল প্রাণ ।
কেমনে রহিবে কহ কহ দেখি
রসিক নাগর কান ॥
কহে গোপীগণ শুনহ বচন
এই যে ভালই মানি ।
কৃষ্ণ ছাড়ি গেল কি আর করিব
তবে সে তেজিব প্রাণী ॥
যে জন না দেখি আঁখির পলকে
তবে সে মরিয়া থাকি ।
দেখিলে ছুড়াই এ পাপ-পরাণ
শুন গো মরম-সখি ॥

তিলেক কখন বা সনে বিরোধ
যদি বা কখন হয় ।
লাখ যুগ মানি কি হয় না জানি
এমত গতিকে কয় ॥
সে জন বিহনে বাঁচিব কেমনে
তবে কি পরাণে জীব ।
আঁখি আড় হৈলে অবলার প্রাণ
তখনি মরিয়া যাব ॥
যাহার কারণে সব ভেয়াগিহু
কুলেতে দিয়াছি ডোর ।
গুরু গরবিত এ হেন ব্যথিত
যত জন প্রাণ মোর ॥
চণ্ডীদাস বলে শুন ধনি রাধে
ঐছন পিরীতি তার ।
এমন পিরীতি ছাড়িব কেমনে
যমুনা হইব পার ॥

মথুরা-যাত্রা ।

(ধানশী)

এ কথা যখন শুনিল যশোদা
কহিতে লাগিল তায় ।
কি বোল কি বোল আর আর বল
ঘন ঘন পুছে তায় ॥
কাদি কহে নন্দ ঘুটিল আনন্দ
অক্রুর আইল নিতে ।
কৃষ্ণ-বলরাম লইতে দুজন
এই যে কংসের চিতে ॥
এ কথা শুনিয়া নন্দ পানে চেয়ে
পড়িল ধরনীতলে ।
কি হ'ল কি হ'ল গোকুল নগরে
কাঁদিয়া কাঁদিয়া বলে ॥
যেমন কুলিণ ভান্দিয়া পড়িল
তেমন যশোদামাথে ।
কি শুনিল মুই দারুণ বচন
অক্রুর আইল নিতে ॥
যাহার ভয়েতে ব্যথিত অস্তর
নিতি (১) পাঠাইত চর ।
যাহু ধরিবারে গহন কাননে
আছে কত হয়ে ডর ॥

তাহে কংস থানে (১) যাব দুই জনে
 না জানি না জানি করে ।
 মায়ের অন্তর যাবে অরজর
 এমন নাহিক সরে ॥
 চণ্ডীদাস বলে শুন নন্দরাণি
 যে জন গোকুলপতি ।
 কি করিতে পারে কংস নৃপবরে
 সে জন রহিব কতি ॥

(গৌরী)

হেন বেলে শিঙ্গা বেণু বাজাইয়া
 রাখাল আসিছে পথে ।
 কৃষ্ণ-বলরাম মাঝারে করিয়া
 ধেমু-পাল লয়ে যতে ॥
 হৈ হৈ রবে প্রবেশ করল
 গোকুল-নগরপুরে ।
 নিজ গৃহে গৃহে গেল ব্রজবালী (২)
 লইয়া ধেমুর পালে ॥
 নিজ গৃহে গেলা কৃষ্ণ বলরাম
 যশোদা আনন্দ বড়ি ।
 ধেমুগণ যত সব সমাধিয়া
 সঘনে নিশ্বাস ছাড়ি ॥
 কোলে লয়ে কানু এ ক্ষীর নবনী
 পিয়ার মনের স্মখে ।
 বিবিধ শাকর চিনি ছেনা সর
 দিছেন ও চাঁদমুখে ॥
 কানাই পুহল শুন গো জননী
 ষারে বা কিসের রথ ।
 কহেন যশোদা কানাই-গোচর
 বড় হ'ল অমুরথ ॥
 শ্রীকৃষ্ণ ।—কহ কহ শুন যশোদা জননি
 শুন কি তাহার বোলে ॥
 যশোদা ।—কংস পাঠাইয়ে অক্রুর আসিল
 কৃষ্ণ-বলরাম নিতে ।
 ধর্ম্ম-যজ্ঞ করে নরপতি
 সেই সে তাহার চিতে ॥
 হাসি যত্নাথ বচন ভারতী
 কহেন মায়ের পাশে ।
 ভায় কি বা ভয় না কর সংশয়
 কহেন এ চণ্ডীদাসে ॥

১। স্থানে। ২। ব্রজবালী—ব্রজবালক ।

(কানড়া)

হেনক সময় অক্রুর দেখল
 আয়ল অক্রুরপতি ।
 চরণ-কমলে পড়ল শুখন
 করেন আরতি রীতি ॥
 কৃষ্ণ-বলরাম ধরি দুই জন
 করিল তাহারে কোড় ।
 আলিঙ্গন দিয়া বচন মধুর
 স্মখের নাহিক ওর ॥
 কহ কহ দেখি কিসের কারণে
 আইলে গোকুলপুরে ।
 অক্রুর ।—তোমা লইবারে আমার গমন
 শুনহ বচন ধীরে ॥
 বলরাম আর দেব দামোদর
 কহিল নৃপতি মোরে ।
 ধর্ম্ম-যজ্ঞ করে নরপতি
 আয়ল গোকুলপুরে ॥
 কৃষ্ণ-বলরাম আনহ দুজনে
 তুরিত গমনে গিয়া ।
 রথ-আরোহণে করহ গমনে
 তুরিতে আসিবে লয়া ॥
 এ কথা শুনিয়া অক্রুরে তুষিয়া
 কৃষ্ণ-বলরাম দুই ।
 কৃষ্ণমুখ চেয়ে গদগদ হয়ে
 চণ্ডীদাস গুণ গাই ॥

(শ্রী)

অক্রুর চরণে পড়িয়ে করয়ে
 শুবন স্মরণ ধ্যান ।
 পরশ করিতে তাহার হৃদয়ে
 হইল ব্রহ্মহি জ্ঞান ॥
 তুমি চক্রপাণি তুমি বেদধনি
 তুমি যে পরম কায় ।
 যে জন শুবনে না পায় ধ্যানে
 বুঝিতে না পারি মায়া ॥
 তুমি চন্দ্র আদি দিবাকর সিদ্ধি
 তুমি ত ভুবন-ধাতা ।
 তুমি চরাচর তুমি সে আকাশ
 তুমি যে দেবের কর্তা ॥

তুমি হতাশন তুমি সে কারণ
 তুমি সে করুণাসিদ্ধ ।
 এ ভব-সায়র করণ ধরম
 তুমি সবাকার বন্ধু ॥
 বেদে দিতে নারে যাহার সে গীমা
 অনন্ত সহস্রমুখে ।
 বলিয়া বলিতে না পারে বদনে
 আন কি জ্ঞানব মোকে ॥
 তুমি বাসুদেব তুমি নারায়ণ
 অচ্যুত অনন্ত হরি ।
 তুমি হৃষীকেশ তুমি দামোদর
 তুমি হও বনগালী ॥
 তুমি জগন্নাথ ত্রিলোকের পতি
 দর্প-দন্তনাশকারী ।
 তুমি সে মাধব তুমি পুণ্যলাভ
 তুমি পুণ্ডরীকধারী ॥
 তুমি জনার্দন তুমি পুরুষোত্তম
 কি জ্ঞানি মহিমা তায় ।
 দেব অগোচর না হয় গোচর
 চণ্ডীদাস গুণ গায় ॥

(বড়ারি)

করপুট হইয়া গদগদ ভাবে
 এ সব কহিলা যবে ।
 হরষ-বদন মদনমোহন
 কহিতে লাগিলা তবে ॥
 তুমি সে পরম পবিত্র মানল
 কহেন গোলোকপতি ।
 হাতে ধরি তবে উঠায়ল হরি
 করল পিরীতি রীতি ॥
 কহেন অত্রুর বচন মধুর
 আজু শুভদিন মোর ।
 তোমার পরশে এত দিন মুই
 পবিত্র করল কোড় ॥
 জন্ম শুভদিন হইল আমার
 পাইল পরম পদে ।
 কি কহিব আমি কহন না যায়
 ও পদ পাইল সাধে ॥
 করে ধরি হরি বসাইল বেরি
 আনন্দ-রসের কথা ।
 নানা উপচার বিবিধ বিধানে
 পূজল সে নন্দ তথা ॥

কহে নন্দ ঘোষ ঘোষণা সকল
 ডাকিয়া আনিল গোপে ।
 দধি দুগ্ধ ঘৃতে সাজাই শকটে
 আরতি হইল ভূপে ॥
 শকট লইয়া ঘৃত-দধি লয়া
 সাজাইয়া তুরিত করি ।
 প্রভাত হইলে যাইব মথুরা
 রাম হলধর ধরি ॥
 চণ্ডীদাস বলে বিষম হইল
 আকুল গোকুলবাসী ।
 সুখ গেল দূর দুখ অবশেষ
 উঠল দুখের রাশি ॥

(রামকেলি)

পড়িল ঘোষণা নগর চত্বরে
 যত যত গোপগণে ।
 শকটে শকটে পুরিল সকলে
 দধি দুগ্ধ ঘৃত সনে ॥
 বাজায় বাজনা নন্দের ছয়ারে
 পড়িয়াছে ধাম্মা-ধাই ।
 এ কথা শুনল ব্রজরামাগণ
 কিসের বাজনা ওই ॥
 এক নব রামা রাধা পাঠাওল
 বুঝি কি হেতু কাজ ।
 ত্বরিত গমন করহ এখন
 যাইয়ে নন্দের মাঝ ॥
 সেই গোপনারা ত্বরিত গমন
 করল নন্দের ঘরে ।
 যাইয়া সকল বুঝল সকল
 বজর পড়িল শিরে ॥
 প্রভাত হইলে কৃষ্ণ-বলরাম
 যাইব মথুরাপুরে ।
 এ কথা শুনিয়া সেই নবরামা
 তুরিতে গমন করে ॥
 রাধারে কহিতে চলে সেই সখী
 শুনহ আমার বাণী ।
 কহিলে কি হয় হেন মনে লয়
 শুনহ রমণী ধনি ॥
 কহ কহ শুনি কি হৈল গেছিল
 কহিতে লাগিল বাণী ।
 আসিয়াছি আমি গোকুল হইতে
 বিশেষ করিয়া জানি ॥

অক্রুর বসিয়া আইল এক জন
কৃষ্ণ-বলরাম নিতে ।
রথ-আরোহণ করিয়া আইল
ওহে সে দেখিল ভিতে ॥
চণ্ডীদাস বলে নিশ্চয় যাইব
কৃষ্ণ-বলরাম দুই ।
মুরছিত হয়ে পড়িল গোপিনী
এত দিনে গেল এই ॥

ব্রজ-বিলাপ

(বেলোয়ার)

অতি আনাগোনা বিষম বাজনা
শুনিয়া গোপিনী ষত ।
হিয়া ছটফট অতি সে ব্যথিত
তাহা না সহিব কত ॥
আর কি করব পরাণে কি জীব
কি শুনি দারুণ বাণী ।
যে দেখি স্বপনে সেই ফলে আসি
নিশ্চয় স্বপন মানি ॥
দেয়াশী জানল গণক কহিল
মিছা নহে কোন কথা ।
তাহা সে দেখল মনে বিচারল
বিফল নহিল হেথা ॥
কাদে গোপীগণ হইয়া বিমন
উপায় কহ না সখি ।
কিসে বৃন্দাবনে রহে বনমালী
সে হেন কমল-আঁখি ॥
প্রভাত হইলে যাবে মধুপুরে
ঘোষণা শুনিয়ে বড়ি ।
গোপগণ করে দধির আটন
শকট সাজিল সারি ॥
নন্দর দুয়ারে বিষম বাজনা
বাজিছে নাকড়ি ।
চণ্ডীদাস বলে প্রভাত হইলে
যাইব গোলোক-হরি ॥

(পটমঞ্জরী)

গগনে দারুণ নিশি ।
প্রভাত হইল হেন বাসি ॥
নিশি তোরে করিয়ে গিনতি ।
ঐহন থাকহ তুমি নিতি ॥

প্রভাত না হও তুমি টান ।
বেকত রহিত গতি ছাদ ॥
কেহ বলে শুন ধনী রাই ।
উপায় করিতে আছে তাই ॥
আঁচলে ঢাকিব নিশি-টাদে ।
যেন মতে অন্ধকার বাধে ॥
কেহ বলে হব রাহ বাসি ।
টাদে যেন থাকিয়ে গরাসি ॥
যেমনে নহত পরভাতে ।
তবে রহে প্রভু জগন্নাথে ॥
কেহ বলে হব দিঠি বাধা ।
অমঙ্গল উচাকু সমাধা ॥
কেহ বলে হইব শৃগালী ।
দক্ষিণে চলিয়া যাব ভালি ॥
কেহ বলে সশ্লুখে যোগিনী ।
বাধা মানি রহে গুণমণি ॥
কেহ হব বজর কুলিশে ।
বধির অক্রুর মরে জিসে ॥
তবে সে রহেন গুণমণি ।
চণ্ডীদাস কহে কিছু বাণী ॥

(পটমঞ্জরী)

হেনক সময় প্রভাত হইল
সাজল সকল লোক ।
দধি দুগ্ধ সর শকটে পুরল
পাইল দারুণ শোক ॥
রথের সাজন করিতে তখন
সেই সে অক্রুরমতি ।
চল চল বলি পড়ে ছলাছলি
পরমাদ পড়ে তখি ॥
নন্দ বলে বাপু কৃষ্ণ হলধর
করহ বেশের কাজ ।
মধুপুর ঘর যাইতে হইল
ভূপতি কংসের মাঝ ॥
নানা পরিপাটী নীল ধড়া আঁটি
বাধল বিনোদ চূড়া ।
নানা ফুলদাম বেশ অমুপাম
তাঁহে মালতীর বেড়া ॥
হেম মুকুতার বেড়ি তার মালা
কি তার গাঁথনি পাশে ।
তা দেখি সকল নাগরী ভুলল
ভুলল গোকুল দেশে ॥

ভাহে সুশোভন অতি বিলক্ষণ
 নব ময়ূরের পাখা ।
 যেমন আকাশে আসিয়া বেড়ল
 ইন্দ্রধনু দিল দেখা ॥
 চন্দনে লেপিত শ্রীঅঙ্ক শোভন
 এ তাড় বলয় সাজে ।
 সোনার ঘুঙ্ঘুর বাজয়ে মধুর
 সোনার নুপুর বাজে ॥
 ছুঁ এক বেশ সমান সাজল
 কি তার কহিব কথা ।
 করেতে মোহন বাঁশীটি শোভন
 দেখিতে হৃদয়ে ব্যথা ॥
 হলধর-হাতে শিলাটি সাজল
 ছুঁ সে মায়ের কাছে ।
 চণ্ডীদাস বলে দেখিয়া জননী
 পরাণ ভেজয়ে পাছে ॥

(যতি)

যশোদা ।—কি শুনি দারুণ কুলিশ যেমন
 মাথায় পড়িয়া গেল ।
 আচম্বিতে হেরি এই সে অকুর
 কোথা বা হইতে এল ॥
 পরাণ জইতে এই তার চিতে
 জীবধ-পাতকী লাগি ।
 এ সব গোকুল আকুল করিল
 সবার বধের ভাগী ॥
 কিবা দেখ নন্দ ঘুচিল আনন্দ
 বেড়ল আপদ আসি ।
 সুখ গেল দূর দুঃখ রয়ে পাশে
 কেমনে বঞ্চিব নিশি ॥
 দর দর দর হিয়া অরঅর
 নন্দ যশোমতী মায় ।
 যাহুর সে মুখ চাঁদ নিরখিয়া
 দৌছে কঁাদে উভরায় ॥
 চণ্ডীদাস কঁাদে বুঝ নাহি বাধে
 যেনক বাজল শেল ।
 বৃকেতে পশিয়া পিঠে পার হয়া
 বাহির হইয়া গেল ॥

(শ্রী)

যশোদা ।— আর কি পরাণে জীব ।
 তোমা ধন ছাড়ি কেমনে বঞ্চিব
 এখনি পরাণ দিব ॥
 যশোদা রোহিণী চাঁদমুখ চেয়ে
 কঁাদয়ে করুণ স্বরে ।
 হিয়া আনচান কি যেন করিছে
 পরাণ কেমন করে ॥
 মায়ের পরাণ ধৈর্য না রহে
 বিষম বেদনা পায় ।
 অচেতন তম্বু পড়িয়া ভুতলে
 হলধর পানে চায় ॥
 আর সে কাহারে আনিয়া নবনী
 সে চাঁদ বয়ানে দিব ।
 যনে যনে মুখ দূরে যাবে দুখ
 এ শোকে কেমনে জীব ॥
 শুন নন্দ ঘোষ আমার বচন
 গোপালে বিদায় দিয়া ।
 এ ঘর-দুয়ারে অনল ভেজায়
 যাব সে বাহির হয়া ॥
 আঁধি গেলে তার কি ছার জীবনে
 বাঁচিতে কি আর সাধ ।
 অনেক তপের ফল পরশমে
 বিধি সে করিল বাদ ॥
 কোন্ পাপে আজ এ হেন প্রমাদ
 কিছুই নাহিক জানি ।
 চণ্ডীদাস কহে শুন গো জনমি
 এই সে ভালই মানি ॥

(ভুড়ি)

যশোদা ।— কোথারে সাজিয়েছ(১) ।
 কাহার জনম সফল করিতে
 এ বেশ বনিয়েছ ॥
 চাঁদমুখ চেয়ে যশোদা জননী
 পড়ে মুরছিত হয়ে ।
 কেমনে বাঁচিব তিলেক না জীব
 দেখহ বেকত হয়ে ॥

কোথারে—কোথায় যাইবার ভয়

কিসের কারণে এ-ঘর করণে
 আঙুনি ভেজিয়ে দিয়া(১) ।
 তোমার বিহনে মরিব সঘনে(২)
 যাব সে বাহির হইয়া ॥
 কেবল নয়ান- তারার পুতলি
 তোমা না দেখিলে গরি ।
 দখন দেখিয়ে ও চাঁদ-বদন
 তবে সে চেতন ধরি ॥
 যবে যাহ গোষ্ঠে ধেমুগণ লয়ে
 সেখানে থাকয়ে প্রাণ ।
 যবে সে শুনিয়ে কুশল বারতা
 শুনিয়ে বেগুর পান ॥
 অনেক তপের ফল পরশনে
 পাইয়ে তোমা সে ধনে ।
 বিধি নিকরুণ এবে সে জানল
 দীন চণ্ডীদাস ভণে ॥

(সুহই)

যশোদা—আরে মোর বাছনি কানাই ।
 এ বেশে সাজিলা কোন্ ঠাই ॥
 এ নব বরণ তমুখানি ।
 আতপে মিলায়ে হেন জানি ॥
 যখন যাইতে দূর-বন ।
 রবিরে করিথু(৩) সমর্পণ ॥
 বনদেবে পুজিথু(৪) হেথাই ।
 ভাল রাখ কানাই বলাই ॥
 পবনে মিনতি বহু সাধি ।
 মন্দ মন্দ বাতাস সুসাধি ॥
 দিনমণি না জানি কি করে ।
 পাছে নাহি অঙ্গে ছায়া ধরে ॥
 অগোচর গোচর না হয় ।
 সেই সে বাসিয়ে মনে ভয় ॥
 নয়ন ভরিয়া দেখ আগে ।
 বদন চুম্বন কর ভাগে ॥
 স্তবে কর যে আছে উচিত ।
 গোপালেরে নাহিল রাখিতে ॥
 চণ্ডীদাস ধূলার লোচায় ।
 এত কি কহিতে পারে যায় ॥

(নটরাগ)

যশোদা বলেন শুন গো রোহিণি
 আর কি দাঁড়িয়ে দেখ ।
 কৃষ্ণ-বলরাম ছাড়িয়ে চলিল
 আর কি পরাণ রাখ ॥
 অনেক যতনে পাইয়া রতনে
 বিধি দিয়াছিল মোরে ।
 পুন হরি নিল কোন্ অপরাধে
 আমার করম-ফলে ॥
 দেব আরাধিয়া যখন পূজল
 যবে দিয়াছিল বর ।
 গৌরীর ছুয়ারে অপরাধ-ফলে
 না পূজিলা তাতে হর ॥
 সেই দোষে রোষ দেবের হইল
 তাহাতে এ দশা ভেল ।
 কোলের বালক রাখিতে নাহিল
 এবে সে ছাড়িয়ে গেল ॥
 দেবী রজ বন্ধি রাখিতে না পারি
 ঐছন কাজের গতি ।
 দেব তুষ্ট হবে তাহে ফল ধরে
 শুনহ ইহার রীতি ॥
 যখন ক্ষীরোদ বালুকা-উপরে
 করিল অনেক তপ ।
 দেবা সে সাধিতে বিধি বহুমতে
 করিল অনেক তপ ॥
 যখন নৈবেদ্য সব সাজাইয়া
 ঘরে হইতে যাই ।
 পূরব এক গোটা গন্ধুড়ের বেটা
 উড়িয়া লইল তাই ॥
 সেই সে নৈবেদ্য উচ্ছিষ্ট হইল
 সেই অপরাধফলে ।
 তাহার কারণে আনন্দ ছাড়ল
 এই সে মানিয়ে ভাল ॥
 চণ্ডীদাস কহে শুনহ জননি
 একটি কহিয়ে বাণী ।
 ধন্য ধন্য ধন্য তুমি ভাগ্যবতী
 তেজিবে গোকুলমণি ॥

(স্ত্রী)

১। আঙুনি ভেজিয়ে—আঙুন দিয়া ।
 ২। সঘনে—এখনি । ৩। করিথু—করিতাম ।
 ৪। পুজিথু—পূজা করিতাম ।

যশোদা ।—একবার চাহ মায়ের পানে ।
 কে তোরে যুক্তি দিল নিশ্চয় আমারে বল
 এই সে আছিল তোর মনে ॥

গোকুলের যত লোক পাইয়া দারুণ শোক
তখনি মরিব তুয়া গুণে ।
ব্রহ্মশিশু যত জন ভাবিতে তোমার গুণ
ভারা এবে তেজিব পরাণে ॥
গোঠে মাঠে ধেমু সনে কে আর ফিরিবে বনে
কে আর করিবে নানা খেলা ।
আর না শুনিব বাণী মধুর বচনখানি
কে আর করিব পাল মেলা ॥
শ্রীমুখ-বদন মেলি দিব ছেনা দুধ ননী
কে আর ডাকিবে মা বলিয়ে ।
কাঁদে নন্দ ঘোষ রায় অবনৌতে গড়ি যায়
কাঁদে রাণী গলায় ধরিয়ে ॥
চণ্ডীদাস মুরছিতে পড়ে কাঁদি এক ভিত্তে
যশোদার ধরিতে চরণে ।
এ সকল কথা শুনি আহীররমণী ধনী
ধাইয়া আইল সেইখানে ॥

(মুহূর্ত)

যশোদা!—শুন শুন বাছা জীবন-কানাই
তুমি কি ছাড়িবে মায় ।
স্বীকৃত-পাতক ভয় নাহি মান
এই সে তোমাতে ভায় ॥
তাহাতে অকাল আঘাত বচন
আসি ঘুচাওল সাধ ।
তুমি যে কানাই নয়নের মণি
কেন বা ঘটাও বাদ ॥
কে জানে আনন্দ দুখ দিবে বলি
স্বপনে নাহিক জানি ।
মথুরাগমন এ কথা শুনিতে
ফাটয়ে মায়ের প্রাণী ॥
এ শোক পড়িল যখন হিয়ায়
তখনি জানিল ইহা ।
তোমা না দেখিলে আর কি বাঁচিব
তেজব আপন দেহা ॥
এ ঘরে আনল ভেজায় এখনি
মরিব যমুনাঙ্গলে ।
এত পরমাদ তোমার কারণে
দীন চণ্ডীদাস বলে ॥

(কানড়া)

কানাই করিয়া কোলে ।
যশোদা কিছুই বলে ॥

তুমি কি ছাড়িবে মায় ।
শুনহ হে যাদব রায় ॥
কি দোষ পাইয়া মোর ।
কিছু না জানিল গুর ॥
মায়ের কি দোষ ধরি ।
দোষ-গুণ না বিচারি ॥
তোরে উদূখলে বাঁধি ।
কি দোষ তাহার সাধি ॥
সে দোষ পাইয়া যদি ।
ছাড়ি যাবে গুণনিধি ॥
অনেক তপের ফলে ।
তোমারে পাইল কোলে ॥
মুই সে অভাগী নারী ।
ছাড়হ অনাথ করি ॥
মায়ের করুণ শুনি ।
হেঁট-মাথে গুণমণি ॥
চণ্ডীদাস গুণ গায় ।
কিছু না কহয়ে মায় ॥

(শ্রীনট)

কোলে লয়ে যাদুমণি বদন চুষয়ে রাণী
দরদর বহে প্রেমবারি ।
ধরিয়া গোপাল-করে কান্তর হইয়ে বলে
ছুই বাছ ধরিয়া পসারি ॥
শ্রীমুখমণ্ডল দেখি তাহাতে নমন রাখি
পড়ে রাণী মুরছিত হয়ে ।
যশোদা বোহিণী কাঁদে স্থির নাহিক বাঁধে
গোপী রহে চাঁদমুখ চেয়ে ॥
গোপের রমণীগণ সবে হৈয়া একমন
ধুলায় ধূসর কলেবর ।
কে আর করিবে খেলা হইয়ে বালক-মেলা
কারে দিবে ছেনা ননী সর ॥
কে আর যাইয়া ঘরে মহটা(১) লইয়ে করে
এ সর নবনী দিব মুখে ।
এ সব ছাড়িয়ে মায় কোথারে বাঁহিতে চায়
মায়ের অন্তরে দিতে ছুখে ॥
কহে কত নন্দ ঘোষ কারে কত দিব দোষ
আমার করম হীন বড়ি ।
নয়ন ছাড়িয়ে গেলে কি কাজ জীবনে বলে
উচিত মরিতে হয় ডারি(২) ॥

১। মাঠা ।

২। জীবন ত্যাগ করিয়া ।

নন্দ বলে শুন রাণি এই মনে অহুমানি
চল বাব বাহির হইয়া ।
কিবা ঘরে আছে সাধ রুচিল(১) সে দিন বাদ
চণ্ডীদাস পড়ে মূরছিয়া ॥

সুবল-সংবাদ

(কানাড়া)

হেথা সে অক্রুর রথ সাজাইয়া
করযোড় করি কয় ।
মধুপুর দেশ চল হৃষীকেশ
বিলম্ব নাহিক সয় ॥
এ বোল শুনিয়া শ্রবণ পুরিয়া
কৃষ্ণ-বলরাম দুই ।
ভাল ভাল বলি ভরিত গমন
মধুর মধুর কই ॥
মোর সখাগণ তুষ্টি তার মন
তবে চড়িব রথে ।
সবারে লইয়া আনল যতনে
কহিতে লাগিল তাথে ॥
অনেক খেলিল শ্রীদাম সুদাম
সুবল সবার সনে ।
কিছু না ভাবিহ মরমে রাখিহ
না কর ভাবনা মনে ॥
তোমাদের চিত্তে আছি অবিরতে
হিয়ায়ে হিয়ায়ে মেলা ।
এই সখাগণে লয়ে ধেনুগণে
জনম করিয়ে খেলা ॥
এ যত্ননন্দন করয়ে রোদন
ছলে সে কমল-আঁখি ।
হেন সুরধুনী তরঙ্গ তেমনি
বনে ভেয়াগল লখী(২) ॥
ফুলি ফুলি মুখ সে বিধুমণ্ডল,
কহিতে না করে বাণী ।
চণ্ডীদাস কহে আঁখি ভরি লোহে(৩)
কহিলে কি হয়ে জানি ॥

(শ্রীসুহা)

গদ গদ বোলে শুন বংশীধর
কোথাকারে যাবে তুমি ।
এ ব্রজবালক করিয়া বিকল
কিবা না জানিয়ে আমি ॥

১। সাধিল। ২। লখী—লক্ষ্মী। ৩। অশ্রুতে।

কেমনে তোমার চরিত ব্যভার
এই সে করিলে পাছে ।
তবে কেন এত শ্রীত বাড়াইলে
ধাকিব কাহার কাছে ॥
স্বপন নয়নে ভোজন গমনে
সদাই তোমারে দেখি ।
কেমনে তোমার লেহ(১) পাসরিব
শুনহ কমল-আঁখি ॥
কাদে শিশুগণ হয়ে অচেতন
শ্রীমুখ-পানেতে চেয়ে ।
কেহ কোথা পড়ে নাহিক সংবিৎ
অতি সে বেদন পেয়ে ॥
কেহ বলে নাম আর না শনিব
মধুর মধুর বাণী ।
আর না খেলিব ধেনু নিয়োজিয়া
না নিব বাঁশীর ধ্বনি ॥
ভাই ভাই বলি আর না শনিব
বিহ্বল বৈকাল বেলে ।
চণ্ডীদাস কহে অতি বড় মোহে
পড়িয়া চরণতলে ॥

(কানাড়া)

শ্রীকৃষ্ণ ।—উঠ উঠ ভাই শ্রীদাম-সুদাম
চাহ ত আমার পানে ।
সরল হৃদয়ে কহত বচন
তবে সুখ হয় মনে ॥
এক বোল বল মথুরা গমন
সাইতে বলহ মোরে ।
কহিতে কহিতে দু-আঁখি ভরল
কহিতে না পায় লোরে ॥
শুনহ হে সুবল ভাই সখাগণ
তুমি সে আমার প্রাণ ।
হৃদয়ে হৃদয়ে মরমে মরমে
ইহাতে না হয় আন ॥
বহ সুখকথা তোমার সহিতে
সকল জানহ তুমি ।
তোমার মায়াটি ছাড়িব কেমনে
পরবশ হই আমি ॥

১। লেহ।

শুনহ সুবল মরম-বেদন
তোমারে না দেখি যবে ।
হিয়া জরজর করয়ে অস্তর
দেখিলে জুড়াই তবে ॥
সুবল কহেন কানুর গোচর
তুমি সে নিঠুর এবে ।
তবে কেন লেহ(১) বাড়াইলে মোহ
মোর কোন্ গতি হবে ॥
পিরীতি করিয়া ছাড়িয়ে সবারে
এ নহে উচিত পনা ।
কে আছে এ-মহী- মণ্ডল-মাঝারে
এমন বেধিত জনা ॥
চণ্ডীদাস কহে কমল-নয়ন
ছল-ছল ছুটি ঝাঁপি ।
বচন না করে বেধিত অস্তর
বয়ান বন্ধিম রাখি ॥

(বড়ারি)

কহেন বচন এ বহুন্দন
শুন হে সুবল ভাই ।
তোমাদের ঠাই আড়িয়ে সদাই
ইথে আন কথা নাই ॥
আমি গিয়া আসি কংসরাজে তুষি
পুনঃ সে করিব খেলা ।
সরল-হৃদয়ে বিদায় করহ
পুনঃ সে হইব মেলা ॥
এ কথা শুনিয়া গদগদ হৈয়া
কাদয়ে বালক যতে ।
ধূলার ধূসর হস্মে কলেবর
করাঘাত হানে মাথে ॥
কি বল কি শুনি সবে কহে বাণী
নিঠুর হইল কাশু ।
আমরা তোমার বিরহ বেদনে
এখনি তেজিব তহু ॥
আর কি বাঁচিব ও তহু রাখিব
না দেখি ও চাঁদমুখ ।
এবে সে জানিল বিধি নিকরণ
দিয়ে অতি বড় হুখ ॥

১। ভালবাসা ।

তোমার বিহনে জীব(১) বা কেমনে
ইহার উপায় বল ।
তবে সে যাইবে মথুরা নগরী
শুনিতে কানাই ঢল(২) ॥
হেঁট-মাথে রহে বচন না ক্ষুয়ে
নাগর চতুর-রায় ।
কাদে ব্রজবাল্য বিরহ-বেদনে
চণ্ডীদাস কাদে তায় ॥

(বেলোয়ার)

সুখল ।—তবে কেন প্রীত বাড়াইলে হিত
গোপের বালক সনে ।
পরিণামে এত করিবে বেকত
ইহা বা কে জন জানে ॥
যদি বা জানিখু স্বপন-ইচ্ছিতে
নিদ্র হইবে তুমি ।
বাদিয়ার ঘরে গিয়া কুতুহলে
গরল ভাখিখু আমি ॥
এ সব কেমনে পাগরিব মনে
তোমার পিরীতি-লীলা ।
যবে পড়ে মনে সে রস মাধুরী
গলিত মানয়ে শিলা ॥
দেখ মনে ভাবি বালক সংহতি
ক্রোড়াতে বঞ্চিল নিশি ।
ধেহু বনে বনে রাখিয়া সঘনে
ভাণ্ডীর-গভরে(৩) বসি ॥
নানামত খেলা তুমি সে সৃজিলা
বঞ্চিহু তোমার সনে ।
যবে সেই লীলা মনে পড়ি গেলা
কেমনে জীব সে দিনে ॥
তো বিহু মরিব সকল বালক
তিলেক নাহিক জীব ।
তোমার সম্মুখে মরিব সবাই
এখনি পরাণ দিব ॥
কি ছার বাঁচিতে সাধ নাহি চিতে
ছাড়িয়া আনন্দনিধি ।
চণ্ডীদাস মোহে ছল-ছল লোহে
কে কৈলে নিদ্রা বিধি ॥

১। বাঁচিব ।

২। ঢল = বিহ্বল ।

৩। ভাণ্ডীর গর্ভে = ভাণ্ডীর বনের ভিতরে

(নট-নারায়ণ)

ফুলি ফুলি কাঁদে স্থির নাহি বাঁধে
সে হেন রসিক-রায় ।
সদয় হৃদয় কাঁদিতে কাঁদিতে
সুবল পানেতে চায় ॥
শ্রীকৃষ্ণ ।—না বল না কহ ও সব বচন
কহিতে পরাণ ফাটে ।
হিয়া জরজর পুড়য়ে অস্তর
অধিক জলিয়া উঠে ॥
শ্রীদাম সুদাম আর বসুদাম
অপর যতেক সখা ।
সখাগণ ।—আর না হেরব ও মুখমণ্ডল
আর না হইবে দেখা ॥
যো সব বিসরি(১) যাবে মধুপুরী
শ্রবণে শুনিতে ইহা ।
কিসের কারণে জীব সগাগণে
কি ছার রাখিতে দেহা ॥
কহে বনমালী লোরে আঁখি ভরি
সবারে তুমিয়া কহি ।
সরল হৃদয় করহ বিদায়
লাজে মুখ বাঁকে রহি ॥
কহে সখাগণ কেমন বচন
এ বোল কেমনে বলি ।
হয় নহে দেখ মনে বিচারিয়া
শুন কাশু বনমালী ॥
চণ্ডীদাস বলে এ বোল কেমনে
কহিয়ে না লয়ে মন ।
প্রাণের দোসর তুমি সে সবার
যেমন বাপের ধন ॥

(বেলোয়ার)

সুবল ।—যখন করিলে বনে অতিমুখ
লীলা সে খেলিলে খেলা ।
কতক অম্বর বধিলে নিঠুর
হয়া বালকের মেলা ॥
যে দিনে কালিন্দী দহের সন্মুখে
সে জলে গরজ ছিল ।
সে জল খাইয়া সেখানে বালক
সবে শুধু তেয়াগিল ॥

১। বিন্মত হইয়া ।

ফুলে পড়ি সবে মরিল বালক
তুমি সে গেছিল কতি ।
আসিয়া দেখিলে কিবা মাত্র দিলে
করিলে সবার গতি ॥
কেন বা জীয়ালে এ দুঃখ দেখিতে
তখনি মারিতেছিল ।
মধুরা গমন করিবে এখন
ইহাই দেখিতে হ'ল ॥
কেমনে বন্ধিব তোমা না দেখিয়া
শুন হে কানাই ভেয়া ।
নিঠুর নহিও বচন কহিও
কহত বদন চেয়া ॥
এ যত্ননন্দন না ফুরে বচন
হেঁটমাথে রহে কাশু ।
কিবা না বলিব মুখে নাহি বাণী
পূবল বিরহে তনু ॥
চণ্ডীদাস কহে শুনহে বচন
চলহ যমুনা-জলে ।
কাঁপ দিয়া ম'র করিয়া ধোয়ান
সুবল ইহাই বলে ॥

(শ্রী)

সুবল ।—কিবা করে ধনে কিবা করে জনে
তোমারে অধিক কি ।
এ ধন সঞ্চয় মনের সহিতে
জানয়ে গোপের বি ॥
প্রেমের স্বরূপ রসের চাতুরী
জানয়ে কিশোরী রাই ।
রস-পরিপাটী জানে গুণি গুণি
সো পছ' তু গুণ গাই ॥
রসের আগরি সে নব কিশোরী
কেহ সে জানয়ে নাই ।
ঐছন রসিকা কভু না মিলব
রাইয়ের তুলনা রাই ॥
কি জানিয়ে তব গুণের মহিমা
সহস্র মুখেতে গান ।
এই মত চারি যুগ ফিরি ফিরি
তবু সে নাহিক পান ॥
এ ধন পাইয়া রাখিতে না রল
করম অভাগী বড়ি ।
হিয়া সে দারুণ শেল পশি দিয়া
মধুপুর যাবে ছাড়ি ॥

কে আর ডাকিব ভাই ভাই বলি
 মধুর বচন-রসে ।
 পড়িয়া চরণে কাঁদয়ে সঘনে
 কহেন এ চণ্ডীদাসে ॥

(শ্রী)

সুবল ।—তুমি সে নিদয়া নিঠুরাই পনা
 এবে সে জানিল দৃঢ় ।
 পিরীতি করিয়া হিয়া ব্যথা দিয়া
 এবে সে জানিল দৃঢ় ॥
 কেন প্রীতি কৈলে বালক-সংহতি
 নাচিলে খেলিলে রঞ্জে ।
 ভেয়া ভেয়া বলি প্রেমে ঢল-ঢল
 করিলে এ সব সঙ্কে ॥
 আরতি পিরীতি সুখের কি রীতি
 ইহারি শরীর কিসে ।
 তোমা না দেখিলে তিলেক না জীব
 নিদান করিলে শেষে ॥
 মরিলে তরিব মরিয়া হইব
 তোমার চরণে সখা ।
 শ্রীদাম সুদাম আর বসুদাম
 আর না হইব দেখা ॥
 কহে গুণমণি কাঁদিতে কাঁদিতে
 সুবল-পানেতে চেয়ে ।
 চণ্ডীদাস কহে অতি বড় মোহে
 পড়ে মূরছিত হয়ে ॥

(শ্রী)

প্রেম বাড়াইয়া ফেল উজ্জটিয়া
 তবু না ছাড়িব তোমা ।
 তোমার বিরহে মরিলে এখনি
 পরিণামে পাবে প্রেমা ॥
 যারে যেনা ভাবি যখন মরয়ে
 সে জনে অবশ্য পায় ।
 ত্রিভঙ্গ পোক দেখ আন জীব মাঝে
 সে হয় ভূজের কায় ॥
 পূরবে আছিল এক মুনিগণ
 তপেতে মহাই তেজা ।
 ফস ফস মূল পদ্মের মৃগাল
 ভক্ষণ করিত সদা ॥

সেই বনে এক হরিণ হরিণী
 সঙ্কেতে তাহার শিশু ।
 হেনক সময়ে এক ব্যাধ শরে
 বিকল থাকিয়ে পাছু ॥
 ছই জনা মারি ব্যাধ চলি গেল
 হরিণী-ছাওল রহে ।
 যেখানে আছয়ে সেই মুনিবরে
 দেখিতেন অতি মোহে ॥
 চণ্ডীদাস বলে এ বড় আকুতি
 শুনহ নাগর কান ।
 ভাগবতে আছে কিছুই আখ্যান
 এবে কহি তত্ত্বজ্ঞান ॥

(কানাড়া)

সুবল ।—সেই মুনি সেই হরিণী-ছাওয়াল
 রাখল সে মুনিবরে ।
 প্রতিদিন দিন ভক্ষণ সেবন
 করছে অবহি হেলে ॥
 কতদিন বই সেই মৃগশিশু
 পাইয়া হরিণী-সঙ্গ ।
 আন বনে গেলা রতি রসসুখে
 করিতে রসের সঙ্গ ॥
 না দেখি সেই মৃগী বড়ই বিয়োগী
 মুনির হইল শোক ।
 হরিণ হরিণ ক্ষণে অমুক্ষণ
 পাইয়া বিয়োগ-রোগ ॥
 যবে সেই মুনি কাল উপস্থিত
 হরিণ-ধেম্মানে মরে ।
 হরিণ হইল আনহি জনমে
 দুখ হ'ল মৃগবরে ॥
 যারে যেনা ভাবে তারে তাহা লবে
 মরিলে পাইব তোমা ।
 আনহি জনমে পাইব সঘনে
 কানাই-ভেয়ের প্রেমা ॥
 চণ্ডীদাস কহে রসতত্ত্বকথা
 শুনিতে নাগর কান ।
 হেঁট মাথে রহে বচন না কহে
 উঠল বিরহ-মান ॥

উঠ উঠ ভাই সব সখাগণ
কাঁদিয়া নাগর রায় ।
প্রবোধ বচন করিল তখন
ধ্বজ চণ্ডীদাস গায় ॥

(বড়ারি)

এত বলি যত বালকমণ্ডল
শ্রীমুখ পানেতে চেয়ে ।
কেহ কাঁদে ভাই ভাই ভাই বলি
পড়ে মূরছিত হয়ে ॥
ছল ছল বারি চতুর মুরারি
উঠল রথের পরে ।

তেন বেলে সব গোপিনী ধাওল
পাইয়া নিশ্চয় করে ॥

কতি যাবে ছাড়ি অখল রমণী
মো সব সঙ্কেতে লহ ।

কিবা আর সাধ সব হ'ল বাদ
এই সে কারণে গেহ ॥

লেখ বাড়াইয়া নিদান করিলে
স্ত্রীবধ-পাতকী সারা ।

মধুপুর দেশে যাইবে ছাড়িয়া
এই সে তোমার ধারা ॥

এত ছিল মনে লেহ কৈলে কেনে
অবলা রমণী সনে ।

আর কি দেখহ মথুরা গমন
দীন চণ্ডীদাস ভণে ॥

ব্রজনারীর খেদ

(বেলোয়ার)

কি শুনি কি শুনি দারুণ বচন
যেনক বাজল শেল ।

বুকে পশি পশি মরম ভেদিয়া
পিঠে পার হইয়া গেল ॥

যেমন হরিণী বিকল বেয়াধি
লইয়া ধনুক-শর ।

আচম্বিতে বাজে পড়ে বনমারে
খাইয়া বিষম শর ॥

তেমন ধাওল হরিণীর প্রায়
সে জন চৌদিকে ধায় ।

কাষ্ঠের পুতলি রহে দাঁড়াইয়া
চিত্রের কায়ার প্রায় ॥

কেহ বলে কোথা হইতে আইল
অক্রুর কহিয়া নাম ।
অরি হইয়া আসি হিয়া দিয়া ফাঁসী
সাধিতে আপন কাম ॥

এত দিন মোরা সুখের সাগরে
নাহিনু মনের সুখে ।

এখন সুখের সাগরে সিন্ধি
বেড়ল আপদ দুখে ॥

চণ্ডীদাস আশ করিতে আছিল
দেখিতে নয়ন ভরি ।

অক্রুর আসিয়া লইল কাড়িয়া
হিয়ার হইতে চুরি ॥

(বক্রুণা)

প্রাণনাথ বধুয়া আদরে ।
কেবা ইহা কহিবারে পারে ॥

মরিব গরল বিষ খেয়ে ।
কাজ নাই এ তনু রাখিয়ে ॥

এত যদি ছিল তোর মনে ।
তবে প্রেম বাড়াইলে কেনে ॥

একে মরি গৃহ-পরিবাদে ।
শান্তুড়ী নন্দী কৈল আধে ॥

তাহে ভেল তোমার বিরহে ।
কতক সহে আর দেহে ॥

রাধা বলি কে আর ডাকিব ।
শুনি ধনী সে সুখ পাইব ॥

বিধি বড়ি নিকরুণ ভেলি ।
মহাদুখ-সাগরে পসারি ॥

নিকরুণ নহ ত মাধাই ।
শরণ পশিয়াছিল রাই ॥

দীন হীন চণ্ডীদাস গায় ।
কাঁধে পহঁ ধরণে না যায় ॥

(সুহই-সিন্ধুড়া)

শ্রীরাধা ।—শুনহ নাগর গুণের সাগর
এই সে মহিমা তোর ।

অবলা অখলে ফেলাইলা জলে
কে আর আছয়ে মোর ॥

তোমার শীতল চরণ দেখিয়ে
দেখি এ কুলের বালা ।

ছায়ার কারণে শীতল বলিয়া
তাহে ভেল এত জালা ॥

সিকু দেখি মোর! তৃষ্ণা পাই তোরা(১)
 পিয়াস যাইব দূর।
 অধিক বাড়ল পিয়াস অন্তর
 মনোরথ নাহি পূর ॥
 ছায়ার কারণে তরুরে সেবিমু
 তাপ হইল বড়ি।
 চন্দন সৌরভ দূরে কতি গেল
 কেশাই(২) নহল পড়ি ॥
 ফলের কারণে করিমু যতন
 সেবিমু অমিয়-লতা।
 ফল ধরি মেনে শাখা গেল দূরে
 উড়ি গেল লতাপাতা ॥
 নব জলধর সেবিমু তাহারে
 পাইতে রসের বারি।
 কিছু না পরশি গরলের রাশি
 বরিখে গোকুলপুরী ॥
 চণ্ডীদাস বলে এ কথা নিশ্চয়ে
 শুনহ সুন্দরী রাধা।
 আছিল সম্পদ বেড়িল আপদ
 এ সুখে করল বাধা ॥

(শ্রী)

শ্রীরাধা।—

তোমাতে ছাড়িতে নারিব কালিয়া
 যে বল সে বল মোরে।
 তোমার কারণে পরাণ তেজিব
 গিয়ে যমুনার নীরে ॥
 মরিলে তরিব মুরতি হইব
 নন্দের নন্দন কান।
 দেখিতে বেকত নহে আন মন
 এ কথা না হবে আন ॥
 নন্দের নন্দন হইব যখন
 তোমাতে কহিব রাই।
 বিরহ-বেদন না বুঝ এখন
 যেমন বেদনা পাই ॥
 পরের বেদন না বুঝ এখন
 পরিণামে পাবে সাথী।
 আন জন দুখ পামু কত সুখ
 শুন হে কমল-আঁখি ॥

১। বিভোরা।

২। এক প্রকার গাছ, যাহার রস মসীকালিতে ব্যবহৃত হয়।

তোমার কারণে সব ভেয়াগিল
 কুলের গৌরবপণা।
 শাশুড়ী ননদী বাসিত অবধি
 যেমন কানের সোনা ॥
 এখন বাসয়ে যেন কালকূটী
 নমনে আছয়ে মিশি।
 কথায় ছেদনা বড়ই যাতনা
 দিছয়ে এ দিন-রাতি ॥
 সকল ছাড়িল যাহার কারণ
 তাহার এমন রীতে।
 হাসিয়া হাসিয়া প্রেম বাড়াইলে
 ভাঙ্গিল গৃহের ভিত্তে ॥
 এখন এমন কেমন বরণ
 মথুরা যাইতে চাহ।
 সব গোপীগণ করিয়াছি পণ
 সব্বারে সংহতি লহ ॥
 যদি বা পরাণ-পুতলি ছাড়িল
 কি আর নয়ন দুটি।
 চণ্ডীদাস বলে কি হৈল গোকুলে
 ঘেরল আপদ কোটি ॥

(করুণা)

শ্রীরাধা।—প্রাণনাথ একবার চাহিয়া কহ কথা।
 সে সুখ পাসর এবে তুহঁ মধুপুর যাবে
 রমণী-মরমে দিয়ে ব্যথা ॥
 এমন করিবে তুমি স্বপনে নাহিক জানি
 তবে কি করিখু নব লেহা।
 তাপেতে তাপিনী যত তাহা না কহিব কত
 কুবচনে ভাজা এই দেহা ॥
 অনেক কহিলে বাণী শুন ওহে ষড়মণি
 সকল গোচর রাজা পায়।
 এবে নিদারুণ কেনে বধিয়া রমণীগণে
 কি সুখে মথুরাপুরী যাও ॥
 বিরলে তু নিয়া ঘর দেখা-শুনা নিরন্তর
 শীতল চামরে দিব বা(১)।
 কুসুমশয়ন শেষে বিচিত্র পালক সাজে
 জাতি জাতি দিব ছুটি পা ॥

১। বাতাস।

কপূর তাম্বুল দিব বাটা ভরি পান নিব
 দিব তুলি শ্রীমুখমণ্ডলে ।
 শ্রম-নিবারণ হব এ চূয়া-চন্দন দিব
 চরণ পাখালি কুতূহলে ॥
 এ সুখ-সম্পদ ছাড়ি কোথারে যাইবে এড়ি
 রহ রহ প্রাণের কানাই ।
 চণ্ডীদাস বলে ভায় শুন নাথ যত্নরায়
 আমরা দাঁড়াব কোন্ ঠাই ॥

(সুহই-সিন্ধুড়া)

শুন হে নাগর গুণমণি ।
 সাগরে ফেলিব বিনোদিনী ॥
 একুল ওকুল নাহি ত'থে ।
 ভাসাইল মান্ন-দরিয়াতে ॥
 এত যদি ছিল তোর মনে ।
 তবে প্রেম বাঁচাইলে কেনে ॥
 পরিচর কি দোষ দেখিয়া ।
 তবে তুমি যাঁচবে ছাড়িয়া ॥
 কে তোমা লইয়া যেতে পারে ।
 স্ত্রীবধ-পাতকী দিব তারে ॥
 সেই জন দেখিব কেমন ।
 পরবধ করিতে যতন ॥
 দোষগুণ আগেতে বিচারি ।
 তবহঁ যাইবে মধুপুৰী ॥
 তুমি যাবে মধুপুৰ দেশ ।
 গোপীগনে দিয়া অতি ক্লেশ ॥
 যত কৈলে বহ্নী রসিয়া ।
 সে সকল রহ পাসরিয়া ॥
 যে দিন মাধবী-তরুছায় ।
 কি বোল বলিলে যত্নরায় ॥
 করেছিলে যুক্তি(১) সুন্দর ।
 অনেক করিলে ছন্দ বন্ধ ॥
 সঙ্কেতে আছিল এবে ।
 কোন্ সাহসে ছাড়ি যাবে ॥
 দেখ দেখি মনে বিচারিয়া ।
 সত্য মিথ্যা দেখহ ভাবিয়া ॥
 তখন করিলে তুমি পণ ।
 এবে কর এখন এমন ॥
 কহিলে যথারে যাবে তুমি ।
 কহিলে তোমারে নিব আমি ॥

চণ্ডীদাস কহে তাহে পুরি
 নিদান কহিছে নব গৌরী ।

(কানাড়া)

এত বলি বিনোদিনী রাই ।
 ক্লেণে ক্লেণে ধরনী লোটাই ॥
 অচেতন চেতন না হয় ।
 শ্রামপানে নয়ন থাপয় ॥
 ক্লেণে আঁখি মুদি রহে রাই ।
 পুন রাই পথপানে চাই ॥
 যেন চাঁদ মুখের বয়ান ।
 ভেল যেন অধিক মেলান ॥
 হতাশ পাইয়া চন্দ্রমুখী ।
 সদ' শ্রামরূপখানি দেখি ॥
 সোনার পুতলি যেন লুটে ।
 অবনী উপরে যেন উঠে ॥
 বয়ানে নাহিক কিছু ভাষ ।
 চরণে লোটাষ চণ্ডীদাস ॥

(বরাড়ি)

কেহ কোথা' রহে কাশুর বিরহে
 ধূলায় ধূসর তম্বু ।
 গোকুল ছাড়িয়া অনাথ করিয়া
 কোথারে যাইবে কাহু ॥
 কে আর করিব দয়া মোহ অতি
 কারে সে করিব মান ।
 আর না শুনিব শ্রবণ পুরিয়া
 মধুর বাঁশীর তান ॥
 ইহাই বলিয়া বরজ-রমণী
 পড়ল কতহি ঠামে ।
 উচ্চস্বর করি কান্দে ব্রজনারী
 করিয়া যাহার নামে ॥
 কেহ রথ হাতে ধবিয়া বহয়ে
 কেহ কারে নাহি দেখি ।
 কেহ কার পানে চাহিয়া বদনে
 লোরে না দেখে আঁখি ॥
 ধরনী উপরে চিত্তের পুতলী
 বরজ-রমণী ধনী ।
 নাহিক নিশ্বাস নাহি কোন ভাষ
 কপালে ছ কর হানি ॥

কেহ কার অঙ্গে অঙ্গ পরশিয়া
 পড়ল ঐছন গতি ।
 কোথায় পড়ল অভরণ ভার
 তাহা সে না জানে রীতি ॥
 কেহ বা যমুনা- কিনারে পড়িল
 যেখানে উঠিল রথ ।
 সেখানে রহল যত গোপনারী
 আঙুলি রহিল পথ ॥
 কেহ কার মুখ বারি চারি দেয়
 চেতনা নাহিক হয়ে ।
 উর্দ্ধবাহু কার ধূলায়ে পড়িয়া
 চণ্ডীদাস তাঁহি রহে ॥

(শ্রীপটমঞ্জরী)

শ্রীরাধা।—হেদে হে রমণ রমণী-মোহন
 বধিয়ে যাইবে তুমি ।
 তবে সে ছাড়িব অঙ্গে বসন
 পড়িয়া রহিব আমি ॥
 কোন গোপী বলে শুনহ নাগর
 দেখহ বদন চাই ।
 অবনী গড়ায়ে রয়েছে পড়িয়া
 তোমার কিশোরী রাই ॥
 চাহ রাই পানে কমল-নয়ানে
 বয়ানে তোষই বোল ।
 একবার চাহ কর মেলে লেহ
 তিলেক হইল ভোর ॥
 রমণীমোহন ছলে সে নয়ন
 গলয়ে প্রেমের ধারা ।
 কটাক্ষ ইন্দ্ৰিতে চাহিয়া সে ভিত্তে
 পড়িয়া রহল সারা ॥
 এক গোপীগণ দেখল তখন
 চেতন করয়ে রাধা ।
 না হয়ে চেতন হয়ে অগেয়ান
 তনু সে হয়েছে আধা ॥
 চণ্ডীদাস দেখি বড়ই ব্যথিত
 রাধার দশমী দশা । (১)
 বড় দেখি মেনে হের নবধনে
 বিষম দেখিয়ে দিশা ॥

১। যত্ন ।

(বরাড়ি)

শ্রীকৃষ্ণ।—শুন ধনি রাই কহি তুমি ঠাই
 না কর বিষাদপণা ।
 তোমার হৃদয়ে আছিয়ে সদাই
 তাহা সে আছিয়ে জানা ॥
 তুমি রসমই তোরে কিছু কই
 শুনহ আমার বাণী ।
 পরবশ হয় যাইতে হইল
 পুন সে আসিব ধনি ॥
 রথের উপর যখন বৈঠল
 রসিক নাগর ধারী ।
 অঙ্গুলি তুলিয়া দেখায় রসিক
 বসি এক হেন ঠারি ॥
 হেনক সময় সারথি তুরিত
 চালায়ে সুন্দর রথ ।
 সব গোপীগণ হইয়া বিমন
 সবে আঙুলিল পথ ॥
 দু বাহু পসারি নবীন কিশোরী
 পড়ল রথের তলে ।
 যাহ যাহ দেখি রাধারে মারিয়া
 সকল গোপিনী বলে ॥
 পড়ল রথের চাকার সম্মুখে
 অবলা অখলা রাগা ।
 বধ করি যাহ এ সব গোপিনী
 জানিল তোমার প্রেমা ॥
 চণ্ডীদাস দেখি রাধার হতাশ
 বিরহ-বেদন চিত্ত ।
 গিয়া শ্রাম পাশে করযোড় করি
 বুঝাইছে কোন রীত ॥

(কামোদ)

রাধা বলে শুন রসিক নাগর
 মোর সে কোন বা গতি ।
 তুমি দয়ানিধি সব পরিহারি
 রাখিয়া চলহ কতি ॥
 প্রেম বাড়াইলে অমিয়া সিঞ্চনে
 করিলে অনেক সুখ ।
 কে জানে এমন তোমার ধরম
 পরিণামে দিলে দুখ ॥

মোরে লেহ সাধ শুন বহুনাথ
 সাধ গড়য়া যাব ।
 এ ছুখে এবে সে তোমার বিহনে
 কেমন করিয়া রব ॥
 শাস্ত্রী তাপিনী ননদী পাপিনী
 তাহা সে সকল জান ।
 তোমার চরণে এ দেহ সঁপেছি
 তাহে নিকরুণ কেন ॥
 তোমা না দেখিলে তিলেক না জীব
 মরিব তোমার গুণে ।
 এমন পিরীতি নাহি দেখি কতি
 দীন চণ্ডীদাস ভণে ॥

(শ্রী)

পাষণ নিশান তোমার পিরীতি
 ইথে কি করহ আন ।
 তোমার বচন ছাড়িব কেমনে
 এ নব নাগরী-প্রাণ ॥
 তুমি জল হরি আমরা সফরী
 তুমি চাঁদ মোরা সুধা ।
 তুমি তরুবর তাহে মোরা ফল
 তাহাতে আছয়ে বাঁধা ॥
 তুমি নব ঘন আমরা চাতক
 শুষিব তাহার রসে ।
 তুমি বিধুবর আমরা চকোর
 সুধার লালস-রসে ॥
 তুমি কায়্য যদি আমরা ত্রিবলী
 বেড়িয়া রহিব তাথে ।
 তুমি সে নমন মোরা কামধন
 বেড়িয়া রহব নাথে ॥
 তুমি দিবাকর আমরা কিরণ
 কতু না ছাড়িব তোরে ।
 তুমি চন্দ্র যদি আমরা সুধায়ে
 বহিব আনন্দ হেরে ॥
 তুমি জলনিধি দরিয়া অথাই
 আমরা ইহার মীন ।
 তুমি যদি বট ষট্‌পদ হও
 আমরা পাখার চিন ॥
 তুমি যদি হও মনমথ দেব
 আমরা হইব কাম ।
 এ রস বিরহ ব্রজশিশু লাগি
 বিজ চণ্ডীদাস গান ॥

(শ্রী)

কেহ বলে ভাল মোরা যাব চল
 মথুরানগর পুহু(১) ।
 কিবা কুল-ভয়ে হেন মনে লয়ে
 ধরিয়া রাখিব কাহু ॥
 ষাহার লাগিয়া কত পরমাদ
 হ'ল সে লোকের হাসি ।
 কেহ গোপনারী বসনেতে ধরি
 কাড়িয়া লইব বাশী ॥
 প্রেম বাড়াইয়া নিদান করিয়া
 মথুরা সাজল এবে ।
 এত কিবা সহে অবলা-পরানে
 কেমন তাহার ভাবে ॥
 কুলশীলপণা ঘুচাইল এবে
 শুন গো মরম-সখি ।
 বাঁচিতে সংশয় এবে সে হইল
 বড় পরমাদ দেখি ॥
 কেহ বলে আর রাখিতে নারিল
 এ হেন পরাণপতি ।
 এখন কি কর এ দেহ রাখহ
 শুনহ আমার রীতি ॥
 ষমুনার জলে এখন মরিব
 কি কাজে পরাণ রাখ ।
 হস্র নয় আসি দেখ গে রহসি
 তিলেক দাঁড়ায়ে দেখ ॥
 চণ্ডীদাস বলে ভাবিতে গুণিতে
 এখন মরণ হবে ।
 সবার মরণ দেখ নবঘন
 তবে সে মথুরা যাবে ॥

(নটনারায়ণ)

কেহ আই দড়(২) কেশ নাহি বাঁধে
 মথুরা পানেতে মন ।
 কেহ অচেতন পড়িয়া আছেন
 ত্যজি আভরণগণ ॥
 কেহ সে ধুলায়ে অন্ধ লুটাইয়া
 আছয়ে মুচ্ছিত হয়া ।
 কেহ নব রামা যেমন শুনল
 বাশীর গানেতে ধেরা ॥

১। পুনরায় । ২। উদগ্র—উৎকণ্ঠিত ।

কোন নব রামা শ্যামরূপ হেরি
চলয়ে কদম্বতলে ।
কোন নব রামা নব অভিসার
করয়ে মনের ছলে ॥
এ সব প্রলাপ দেখি ঘন ঘন
গেয়ান নাহিক হয় ।
ক্ষেণে অচেতন ক্ষেণে সচেতন
ক্ষেণেক ভ্রমিয়া কয় ॥
কেহ বলে সখি পুন সে গোকুলে
গোবিন্দ আইল ফিরি ।
এ কথা শ্রবণে পশিতে কাহাব
উঠয়ে চেতন ধরি ॥
স্বপন সমান নাহিক জ্ঞেয়ান
ঐহন প্রলাপ হয় ।
কাদিতে কাদিতে রাধা-পাশে গিয়া
চণ্ডীদাস কিছু কয় ॥

(সুহই)

হেদে হে পবাণ-বকু ফিরিয়া না চাহ একবাব ।
পাসরি সে সব সুখ উলটি না চাহ মুখ
বড় নহে মহিমা তোমার ॥
আঙু পাছু না গণিয়া সে ধনী করম খেয়া
প্রেম কবে পরের পুরুষে ।
পরিণামে পায় দুখ কখন নাহিক সুখ
আগর(১) পাথারে পড়ে শেবে ॥
কহিবার কথা নয় কহিলে কি জানি হয়
হাতে টাঁদ দিল হাসি হাসি ।
পড়ে বা না পড়ে মনে বসন লইল দিনে
কদম্বতরুর তলে বসি ॥
সে সব করিয়া সত্য তাহার নাহিক সত্য
বড় জ্ঞান এ বড় পিরীতি ।
হাসি রসে চেয়ে কথা মরমে মরমে ব্যথা
কতবার পাঠাইতে দৃতি ॥
এখন করমফলে বিধি নহে অমুকুলে
পতিকুলে বে করিল ধাতা ।
যে জন পরের বশ সে কি জানে গান রস
কহিতে ছিয়ায় হয় ব্যথা ॥
কারে সে করিব রোষ সকল আমার দোষ
সেই দোষ ফলে এত দিনে ।
না চাহ ফিরিয়া নাথ সকল তোমার হাত
ছাড় নাথ মথুরা-গমনে ॥

১। অগম্য ।

এত বলি বিনোদিনী ধূলায় ধূলর ধনী
আভরণ দূরেতে ফেলিয়া ।
বিকল বরজ-ধনী মুখে না নিঃসরে বাণী
চণ্ডীদাস মুখি লোটায় ॥

(গড়া)

তনিয়ে আভীরিণী চিতগত(১) বোল ।
মাধব কহে কেন এত উতরোল ॥
হাম মাথুর নাহি করব পয়াণ(২) ।
দৃঢ়তর বচন বিচল নাহি জ্ঞান ।
অবহু(৩) বিবহ-দুখ দূরে দেহ ডারি ।
কবহু(৪)না যাওব তুয়া গুণ ছাড়ি ॥
কত পরবোধই(৫) রসগয় কান ।
যেছে(৬) অবলাকুল প্রবোধই মান ॥
সকল সমাধিয়ে(৭) চলল মুরারি ।
চণ্ডীদাস তহি হৃদয়ে বিচারি ॥

(সুহই)

আগার কিশোরী কিছু না জানয়ে
বঞ্চিব কেমন করি ।
সব পাসরিয়া চলিলে ছাড়িয়া
আঁধান গোকুলপুরী ॥
এ নব যৌবনী কুলের কামিনী
রমণী এ রসবাল্য ।
কোথা রাখি লেচ বাঁচাইয়া যাহ
দিয়া যাহ এত জালা ॥
কি করিব আর রস পরিপূব
নিবিড় বসের প্রেম ।
তা ত্যেজ এমন নবীন কিশোরী
যেন লাখ বাণ হেম ॥
তেজিয়া গোকুল নাগরী সকল
মথুরা গমন এবে ।
তা সভা তোমার মনেতে পড়িল
সে নব কৈশোরলোভে ॥
নিঠুর না হও এ গোপ-গোপিনী
মরিব তোমা না দেখি ।
স্বীবধ-পাতকী ভয় না গণহ
শুনহ কমল-আঁখি ॥

১। প্রাণের । ২। প্রয়াণ, প্রস্থান । ৩। এখন ।
৪। কখন । ৫। প্রবোধ দিয়া । ৬। যাহাতে ।
৭। সমাধান করিয়া ।

যে জনা না জীয়ে ষাঁহা না দেখিলে
কেমনে জীবই সে ।
চণ্ডীদাস বলে কাতর হইয়া
এ কথা জানয়ে কে ॥

(নট-নারায়ণ)

সোনার পুতলি অবনী-উপরে
যেন ঘন গড়ি যায় ।
নিশ্বাস হতাশে নাসার মুকুতা
হেলিছে ছলিছে বায় ॥
তা দেখি গোপিনী মনে অমুমানি
রাধা মেনে আছে জিয়া ।
হেন মনে ছিল রাধা কি বাঁচিব
এ হেন বিরহ পেয়া ॥
উঠ উঠ ধনি রাধা বিনোদিনি
এত অগেয়ান কেনে ।
যে দেখি তোমার চরিত খেতার(১)
পরান হারাবে মেনে ॥
এত বলি এক গর্ভসখী ছিল
ধরিয়া তুলিল রাধা ।
মুখে জল দিয়া ধরিল তুলিয়া
দেখল সকল বাধা ॥
চৌদ্দিকে নেহালি(২) নয়নেতে ভালি
সকল আঁধার হেন ।
ঘরের প্রদীপ যেনক নিভায়ে
অন্ধকার হয়ে যেন ॥
গোকুল উজর আছিল তখন
এখন কানন ভেল ।
চণ্ডীদাস কহে অক্রুর আছিল
কামু হরে নিয়ে গেল ॥

(ত্রী)

সব সখী আসি মিলি রাধা পাশে
কতক বিরহ পেয়ে ।
রামা নব রামা সঙ্ঘোধ পাইয়া
বৈঠল কিশোরী জয়ে ॥
রাধারে তুষিয়া সঙ্ঘোধ করিয়া
বৈঠল সখীর মেলা ।
কেহ বলে শুন আমার বচন
ওহে বুযভানু-বালী ॥

১। ব্যবহার ।

২। নেহারি—দেখিয়া ।

হেন মনে বাসি হ'ক কুলে হাসি
চল মধুপুর গিয়া ।
সে চাঁদবদন দেখিয়ে নয়নে
তবে সে জুড়াবে হিয়া ॥
এক তিল যারে যদি নাহি দেখি
শত যুগ হেন মানি ।
আঁখির পলকে হারাই তিলেকে
হেনক যে জন জানি ॥
তিলেক না জিয়ে বন্ধু না দেখিয়ে
আর কি পরান রয় ।
রাধার বিরহ- বচন শুনিয়া
দান চণ্ডীদাস কয় ॥

(যতি)

তুমি নিদারুণ নও ।
তুমি ছাড়ি যাবে উচিত কহিবে
নিশ্চয় করিয়া কও ॥
তখন করিলে অনেক যতন
সে সব বিসর(১) এবে ।
নাহি পড়ে মনে কদম্ব-কাননে
কি বোল বলিলে তবে ॥
তোমার বচন পাষণ-নিশান
এবে সে রাঙ্গের পারা(২) ।
পুরুষ-বচন নহে নিবারণ
এ দেখি কেমন ধারা ॥
কুন্দ দরশন বেড়ায় যখন
এ নাহি লুকায়ে আর ।
যেমন বচন সূচল সূচন
দেখহ এ গতি তার ॥
তোমার পিরীতি ঐছন নহিব
কিগের রসের বাঁত ।
এমতি পিরীতি জানহ আরতি
সরল যাহার চিত ॥
তোমার কালিয়া বরণখানি যে
দেখিতে রূপস বড় ।
উপরে মধুর দেখি মনোহর
অস্তরে আছয়ে গাঢ় ॥
পরের পরান হরিতে সঘন
ঐছন তোমার রীত ।
এত যদি ছিল তোমার মনেতে
তবে কেন কৈলে প্রীত ॥

১। বিস্মর—ভোল । ২। রাঙ্গের মত (তুচ্ছ) ।

প্রেম বাড়াইয়া নিদারুণ হয়
 যাইবে মথুরাপুর ।
 চণ্ডীদাস বলে আকুল করিল
 গোকুল অনেক দূর ॥

(বরাড়ি)

শ্রীরাধা ।—জাতি কুল শীল সকলি মঞ্জিল
 ও রাজা চরণতলে ।
 হাসিতে হাসিতে পিরীতি করিয়া
 নিদান ডারিলে(১) জলে ॥
 তখন আনিয়া চাঁদ করে দিল
 অনেক কহিলা মোরে ।
 তোমা না ছাড়িব সঙ্কে করি নিব
 বলিলে মাধবীতলে ॥
 এবে কোথা যাহ ছাড়িয়া রাধারে
 সংহতি করিয়া লহ ।
 বিষম দারুণ শেল বুকে বাধি
 এবে কেন তুমি দেহ ॥
 অঁপি-আড হ'লে এখনি মরিব
 এখানে দাঁড়িয়ে দেখ ।
 হয় নয় এই দেখ তবে যাই
 ক্রণেক দাঁড়িয়ে থাক ॥

একটি বচন কহ কহ শুনি
 জুড়াক রাধার প্রাণ ।
 রাই কবে ধরি এক গোয়ালিনী
 কহিতে লাগিল আন ॥
 এমন কুমারী নবীন কিশোরী
 রাখিয়া যাইবে কোথা ।
 অলপ বয়সে প্রেম বাড়াইয়া
 এবে দিয়া হিয়া-ব্যথা ॥
 চণ্ডীদাস বলে শুন-সুনাগরি
 ও চাঁদবদনী রাধা ।
 কেমনে বঞ্চিব এ গোপনাগরী
 ইহা না করিহ বাধা ॥

(কানাড়া)

শ্রীরাধা ।—ক্রণেক দাঁড়িয়ে রও ।
 চাঁদমুখখানি আগে নিরাখিয়ে
 তবে সে মথুরা যেও ॥

১ । নিষ্কপ করিলে—পারিত্যাগ করিলে ।

আমার নয়ন চকোর সখন
 পিতে চাহে ঐ বিধু ।
 লুবধ ভ্রমর যেমন জীয়ে
 পাইলে ফুলের মধু ॥
 একবার দেখি নটবেশখানি
 জুড়াক রাধার হিয়া ।
 তখন এ বেশে সিঞ্চল অন্তরে
 এবে কেন কর ইয়া ॥
 এ দেহ সঁপিল সকল মঞ্জিল
 জাতিকুল দিহু তোরে ।
 এত পরমান তোমার কারণে
 গঞ্জনা এ ঘরে পরে ॥
 সকল ছাড়িল তোমার কারণে
 তাহে নিদারুণ তুমি ।
 কি বলিব পায়ে সকল গোচর
 কি আর বলিব আমি ॥
 কহে চণ্ডীদাস কামুর চরণে
 মিনতি করিয়া কত ।
 কুলবতী জনে কি হবে উপায়
 পরাণে না সহে এত ॥

(কানাড়া)

স্বপনে কালিয়া নয়নে কালিয়া
 চেতনে কালিয়া মোর ।
 শুইতে কালিয়া বাসিতে কালিয়া
 কালিয়া কলঙ্ক কোর ॥
 ভোজনে কালিয়া গমনে কালিয়া
 কালিয়া কালিয়া বলি ।
 কালা সেই বামে(১) কালিয়া মুরতি
 ভূষণ করিয়া পরি ॥
 গগনে চাহিতে কালিয়া বরণ
 দেখিয়ে মেঘের রূপ ।
 তবে যে জুড়িয়ে এ পাপ পরাণ
 উঠয়ে রসের কুপ ॥
 নীল বনশ্যাম যে দেখি সম্মুখে
 তাহাই দেখিয়া রই
 আকাশের গায় যে কালো বরণ
 তা দেখি বাঁচিয়া রই ॥

১ । পাঠান্তর—হাইবাসে—(সহবাসে)

বেণী করি পরি নীল জাদখানি
কুস্তলে বাধিয়া রাখি ।
কস্তুরী কালিয়া বরণ ভালিয়া
তাছে সে যতনে মাখি ॥
সুগন্ধি কুমুমে হার বনাইয়া
রাখিয়ে আপন পাশে ।
কুঙ্কলিকার মালা গাঁথি নিজে
ধরিয়ে আপন কেশে ॥
তোমার চরণ ধরয়ে সঘন
ময়ুর পাখীর গায় ।
তোমার বরণ না দেখি যখন
এ চিত রাখিয়ে তায় ॥
নব নীলপদ্ম লইয়া করেতে
হেরিয়ে নয়ন ভরি ।
অতসীর ফুল তুলি মনোহর
যতন করিয়া পরি ॥
এ সব যাকর(১) বেদন উঠয়ে
সে জন ছাড়িতে চায় ।
চণ্ডীদাস কহে এতেক বিরহে
কো ধনী বাঁচবে তায় ॥

(শ্রীকানাড়া)

শ্রীরাধা ।— বধু উলটি কহত এক বোল ।
নিশ্চয় মথুরা যাবে কি না পারা
দয়া কি নাহিক তোর ॥
হৃদয় কঠিন যেমন পাষণ
তার কি আছয়ে মোহ ।
তোমার কারণে এত পরমাদ
তেজিল আনন্দ গৃহ ॥
কুবচন বোল তোমার কারণে
চন্দন করিয়া নিল ।
পাড়ার পড়শী আপন রহসি
তাছে পরিহরি দিল ॥
যে বোল সে শ্রাম- পরসঙ্গকথা
তাহারে বসিয়ে ভাল ।
শ্রামনাম নিতে যে করে নিষেধ
তারে তেয়াগল দিল ॥
আপন যে জন তারে কৈলে পর
পরের করিল ধর ।
তোমার কারণে এত পরমাদ
শুন হে মুরলীধর ॥

অনেক যাতনা গুরুর গঞ্জনা
তাহা না কহিব কত ।
পরিবাদ বলে তোমার ঘোষণা
তাহা না কহিল যত ॥
চণ্ডীদাস বলে শুন বিনোদিনী
বড় পরমাদ দেখি ।
তুমি না হইও নিষ্ঠুরহিপণা
বিমুখ ও রাজা আঁখি ॥

(কানাড়া)

রাই-মুখ হেরি নাগর মুরারি
রোদন বেদন পায় ।
স্বাধার বেদন হেরিয়ে সঘন
রথের উপরে রয় ॥
তুরিত করিয়া পুন সে আসিষ
ইহাতে নাহিক আন ।
তুমি দেহ বাণী মথুরা ষাইতে
অখল রমণী-প্রাণ ॥
এ বোল বলিতে বরজ রমণী
মরমে বিকল শর ।
হিয়া ছটপট পরাণ-পুতলি
তনু হ'ল জরজর ॥
এ বোল শুনিয়া নাগর রসিয়া
বন্ধিম নয়ানে চায় ।
রথ চালাইয়া তুরিত গমন
অকুর লইয়া যায় ॥
দেখল সকল গোপিনীমণ্ডল
মথুরা চলিয়া গেল ।
নয়ানে চাহিতে দেখল বেকত
যেনক বাঞ্জিল শেল ॥
সম্বিত পাইয়া চলে সে ষাইয়া
ও বররমণী রাই ।
কান্দি কহে কিছু থাকি গোপী পাছু
দীন চণ্ডীদাস গাই ॥

(কানাড়া)

শ্রীমুখ-পঙ্কজ চাহি গোপীগণ
নয়নে বহয়ে লোর ।
যেন মুরধুনী- তরঙ্গ তেমনি
ভিজিল বসন জোর ॥

গাগরি গাগরি যেন বারি চারি
 লোচন-কমল তায় ।
 চিত্রের পুতলি সে নব কিশোরী
 কাঠের পুতলী প্রায় ॥
 স্বপনে না জানি লোকমুখে শুনি
 ছাড়িব গোকুলপুরে ।
 মনমথ কাম ভেল সেই ঠাম
 এ সব করিয়া দূরে ॥
 তুমি কি যাইবে মধুপুর দূর
 কেমনে জীবই মোরা ।
 কেবল রাধার পরাণ-পুতলি
 কেবল নয়নতারা ॥
 এখনি মরিব গরল ভণিয়া
 সায়রে তেজিব প্রাণ ।
 রাধার নিনতি আরতি শুনিতে
 দীনচণ্ডীদাস গান ॥

(যতি)

যতক্ষণ নয়নে চাঁও ও রথ দেখিত পাও
 দেখ ধ্বজ উড়নি সুন্দর ।
 তবে সে চৈতন্য আছে সারি সারি গোপীদামে
 যবে শুনি গমন উত্তর ॥
 গগনে উঠয়ে ধূলি যব রথ চলে ভালি
 ঘো ডার শব্দ উতরোল ।
 যবে না দেখিল ধ্বজ পড়ল ধরনীমার
 আর দশা আসি ভেল ভোর ॥
 পড়িয়া সকল জনে ঠারে করে অমুমান
 প্রিয়া মাথুর দূরদেশে ।
 বধিয়া রমণী-প্রাণ এখন জানয়ে কোন্
 পিরীতি ছাড়া নব লেশে ॥
 স্বপনে জানিখু যদি সে হেন গুণের নিধি
 লুকাইখু হৃদয়-মাঝারে ।
 আসিয়া অক্ষর রায় আমল শমন প্রায়
 প্রবেশিলা গোকুল নগরে ॥
 হরি লয়ে গেল দূর তার মনোরথ পূর
 মথুরা-নাগরী পুণ্যবান্ ।
 হেরিবে নয়ান ভরি পাইয়া গোলোক-হরি
 গোকুল হইল সম বন ॥
 এত ভাবি গোপীগণ হইয়ে বিকলমন
 লুটায়ৈ ধরনীতল চূমে ।
 চণ্ডীদাস পড়ি কাদে হিয়া স্থির নাহি বাধে
 রাধা সে পড়িয়া আছে সূমে ॥

(জয়শ্রী)

গোকুল তেজল না কি কান
 মথুরা কমল প্রয়াণ ॥
 এ সখি জানল নিদান(১) ।
 সব জনে হরল পরাণ ॥
 যব আসি পশিল অক্ষর ।
 তবহি পড়ল মতি দূর ॥
 যাকর আশ প্রয়াসে ।
 সে জন হৈল নৈরাশে ॥
 কো এত করল বিঘিনি(২) ।
 সে হউ ইহ পাতকিনী ॥
 জরজর অন্তর জারি ।
 কো কহে মরম হামারি ॥
 কুঞ্জ নিকুঞ্জ ভেল শূন্য ।
 গৃহ যেন হইল অরণ্য ॥
 পুরবাসী নয়নে না দেখি ।
 বারি সঘন দো আঁখি ॥
 ইহ বড় দঘধন(৩) ভেল ।
 প্রাণ তাহা সঙ্গে চলি গেল ॥
 চণ্ডীদাস পড়িয়া বেণিত ।
 কণেক ধৈর্য ধরি চিত ॥

(গড়া)

কেন বা লইয়া-আইলা মোরে ।
 দেখি নবঘন যুবতী মোহন
 নয়ন-চকোর শোষ করে ॥
 নয়নে নয়ন ভরি রূপ পিতে মনে করি
 হেন বেলে চালাইল রথ ।
 দেখিতে না পায় রূপ উঠিল বিরহ-কূপ
 এই সে হইল অমুরথ ॥
 সে জন কঠিন বড় এবে সে জানল দড়
 বড়ই কঠিন তার হিয়া ।
 মথুরা নগর মুখে লইয়া চলল সুখে
 রমণীর হিয়ায় দিয়া ব্যথা ॥
 ধন্য তার মাতা পিতা কি আর কহিব কথা
 অক্ষর বলিয়া থুইল নাম ।
 প্রথম আখর সার(৪) দেখাইলে অন্তকাল
 শেষের আখর সেই ধাম ॥

১। পরিগতি ।

২। যুগাহীন—নির্লঙ্ক । ৩। দঘন ।

৪। প্রথম অক্ষর 'অ'—প্রণবের আত্মকর ।

কে বলে অক্রুর(১) সেহ বড়ই কঠিনদেহ
 গৃহ ভাঙ্গাইয়া সেই জনা ।
 মথুরা-নাগরীগণে সে সব হরষ মনে
 দিল মোর বিরহ-বেদনা ॥
 এ সব কারণ স্মরে বিষম নিশ্বাস ছাড়ে
 কাঁদে যত আহীররমণী ।
 চণ্ডীদাস কহে ভাল আমরা তুরিতে চল
 দেখি গিয়া গোলোকের মণি ॥

(জয়শ্রী)

ধেমুগণ সব করি হাঙ্গারব
 মথুরা-মুখেতে ধায় ।
 ধেমুর বাছুরি বিয়োগ পাইয়া
 সে দুধ নাহি খায় ॥
 পুচ্ছ উচ্চ করি মায়ে পরিহারি
 মথুরাগমন দিগে ।
 যথা সে রসিক নাগর-শেখর
 সে দিক্ গমন ভাগে ॥
 খগমুগগণ রোদন বেদন
 আহার নাহিক খায় ।
 ডালে বসি খগ শ্রাম শ্রাম করি
 রাত্তি-দিন নাম লয় ॥
 মৃগগণ অতি চেয়ে আছে কতি
 নয়নে বহয়ে লোর ।
 কুম্ভের বিরহে পেয়ে অতি মোহে
 এ সব হইলা ভোব ॥
 সেই পিকবরে এ পঞ্চ শব্দে
 শুনিতে আনন্দ বাড়ি ।
 সে সব শব্দ নাহিক আপদ
 সে ডাল চলল ছাড়ি ॥
 ভ্রমর-ভ্রমরী সদাই গুঞ্জরি
 সে নাহি শব্দ কবে ।
 চকোর ডালুকী চাতক-চাতকী
 তাহা না শব্দ বলে ॥

১। 'অক্রুর' শব্দের 'অ' ক্রুরতার অর্থাৎ সূচনা করে, তাই কবি বলিতেছেন যে, বর্ণের সার বর্ণটি তোমার নামের আদিতে অর্থাৎ অর্থে ব্যবহৃত হইয়াছে। শেষের অক্ষর "র" অর্থে অগ্নি, ইহা উক্তাপের আধার। 'অ' অর্থে অমৃতও হয়, ইহা স্নিগ্ধ, শীতল, আর র অর্থে অগ্নি, অতএব কবি বলিতেছেন যে, অক্রুর নামটি বড়ই অমৃত, ইহার আদিতে স্নিগ্ধতা, আর অন্তে উক্তাপ, যেন পরোমুখ বিষকুণ্ড।

হংস হংসিনী শুক সারী গণি
 তাহা না শব্দ একে ।
 নিশবদ হই নিরস্তর রোঁই
 না জানি কোথায় থাকে ॥
 পুরবাসী যত খবর নয়নে
 বুঝা বুদ্ধ বাল যত ।
 শোকেতে আকুল বিয়োগ সকল
 তাহা বা কহিব কত ॥
 চণ্ডীদাস-বাণী শুন বিনোদিনি
 ধৈর্য করহ মন ।
 হেন বাসি চিতে দেখছ বেকতে
 মিলব সে রস-ধন ॥

(নটনারায়ণ)

শ্রামমুখ হেরি আকাশের বিধু
 মলিন হইয়া ছিল ।
 এখন পূর্ণকলা হয়ে উদয় হউক
 এখন সে চাঁদ গেল ॥
 কাহুর সে দুটি নয়ন হেরিয়া
 খঞ্জন আছিল কতি ।
 এখন আসিয়া ফিরুক নাচিয়া
 মাথুর পরাণপতি ॥
 পিয়ার নাগার গঠন দেখিয়া
 খগেন্দ্র গেছিল দর ।
 এখন আনন্দে পরম সানন্দে
 দেখা দেও অমুকুল ॥
 কাহুর অধর সুরঙ্গ দেখিয়া
 বাকুলী মলিন ছিল ।
 আপনাব রঙ্গ করুক সুন্দর
 এবে শুভদশা ভেল ॥
 দশন হেরিয়া কুন্দ সে কুসুম
 কলিকা নাহিক হয়ে ।
 লঙ্কিত হইয়া বিকশিত দশা
 দীন চণ্ডীদাস কয়ে ॥

(কানাড়া)

রোদন গুমান সব পরিহারি
 নিজ নিজ গৃহে চলে ।
 বিরহ-বেদনৌ যতোক গোপিনী
 রাখারে কিছুই বলে ॥

বিরহ-সমুদ্রে নাহিতে আমরা
বিধি সে কবল কাজ ।
শুষ্ক পরিজন করিতে তাড়ন
পাইব অনেক লাভ ॥
তবে বিধি যদি অমুকুল হয়ে
মিলব রসের পিয়া ।
এখন চেতন ধরহ যতন
এ বৃকে পাষণ দিয়া ॥
এই অমুমান করে গোপীগণ
নিজ নিজ গৃহে চলে ।
বিরস-বরণী সে চাঁদ-বদনী
সখীরে কিছুই বলে ॥
পাসরিতে নারি শ্রামরূপখানি
সদাই হিয়ায়ে জাগে ।
করয়ে যেমন হিয়া আনচান
কহিব কাহার আগে ॥
চণ্ডীদাস কর শুন রসময়
আমি সে মথুরা যাব ।
সব বিবরণ শ্রাম-অঙ্ঘেষণ
তোমারে আসিয়া কব ॥

(শ্রী)

শ্রামের জলদ- রূপ হেরি হেরি
জলদ গগনে যত ।
লাজ লুকাইয়া রহল সকল
রহল শত হি শত ॥
এখন আনন্দে বিকসিত হই
আর কি তাহার ভয়ে ।
বাহর গঠন দেখিয়া তখন
করী গেল অতিশয়ে ॥
এবে যত জনে করুক সঘনে
আপন আপন কেলি ।
হরি নিদারুণ হয়ে নিকরুণ
মোহে নিদারুণ ভেলি ॥
আর না হেরিব আর না শুনিব
সে নব মধুর ধ্বনি ।
না জানি স্বপনে তেজিব সে ধনে
মোরা কি এমন জানি ॥
আকুল করল গোকুল সকল
তেজল গোপিনীগণে ।
আর না হেরিব সে চাঁদ-বদন
দীন চণ্ডীদাস ভণে ॥

মথুরা প্রবেশ

(শ্রীমুহা)

রথ আরোহণে কৃষ্ণ-বলরাম
চলয়ে অক্রুর সাথে ।
শিখা-বাণী-রবে পাষণ দ্রবয়ে
এই রঙ্গে পথে পথে ॥
নানা সুবাসিত বিচিত্র মোদক
মিষ্টান্ন শাকরি চিনি ।
ছেনা চাঁপা কলা ছাঁচি সিতা মিশ্রী
দুগ্ধ আবর্তন ঘনি ॥
স্নান আচরিল ভাই দুই জনে
সেই সে যমুনা-নীরে ।
এ সব ভোজন করি দুই জন
উঠিল রথের পরে ॥
কর্পূর তাশুল বদনে দেওল
বেশ বানাওল তায় ।
বেশ করে অতি এই দুই মুরতি
করল অক্রুর রায় ॥
তাহাকে অধিক বেশ বনাওলি
ধরণী পুলক মানি ।
গগন হইতে দেবগণ মোহে
পাতালের যত ফণী ॥
তিন লোক দেখি পুলক মানিল
মোহিত অক্রুর রায় ।
কাদিতে কাদিতে অতি পুলকিতে
ধরিয়া পড়ল পায় ॥
কহে দুই ভাই শুনহ এথাই
করহ সিনান সেবা ।
স্নান আচরিয়া যাইব চলিয়া
পূজহ আপন দেবা ॥
শুনিয়া অক্রুর বচন মধুর
প্রভুর আরতি পেয়া ।
যমুনার জলে নামি কুতূহলে
নাহি হরষিত হয় ॥
অক্রুর ডুবিয়া জলের ভিতরে
রাম-কৃষ্ণ দুই দেখি ।
বড় অদভূত জলের ভিতরে
লখিল কেমন লখি ॥
বিস্মিত মানল আপন অন্তরে
উঠল মস্তক তুলি ।
যমুনার কূলে রথের উপরে
দেখে রাম বনমালী ॥

পুনরপি ডুবি জলের ভিতরে
তথা দেখি ছুটি ভাই ।
বিস্মিত হইয়া তুরিতে উঠিয়া
চরণে পড়ল যাই ॥
তুমি দেব হরি এবে সে জানল
মুই কি জানব তোমা ।
চণ্ডীদাস বলে যব অবহেলে
বরিখে কতই প্রেমা ॥

(শ্রীমুহা)

পড়িয়ে চরণে অক্রুর সঘনে
করয়ে অনেক স্তুতি ।
তুমি হিতকারী তুমি সে প্রলয়
তুমি সে সবার গতি ॥
তুমি চরাচর তুমি দিবাকর
আকাশমণ্ডল ছায়া ।
তুমি সনাতন পরম কারণ
তুমি পূর্ণ পূর্ণকারী ॥
ব্রহ্মা মহেশ্বর যে জন না পায়
তোমার গুণের রীতি ।
চণ্ডীদাস বলে আমি কি জানিব
অতি হই মুঢ়মতি ॥

(শ্রী)

দুই করে ধরি অক্রুর গোহারি
করল নিজহি কোর ।
আলিঙ্গন দিয়া শ্রীঅঙ্গ স্পর্শিয়া
শুখের নাহিক ওর ॥

শ্রীঅঙ্গ পরশে প্রেমের অবশে
উঠল অক্রুর রায় ।
ভোজন-অবশেষ যে কিছু আছিল
পাণ্ডল আনন্দে তায় ॥
রথ চালাইল মথুরার মুখে
যমুনা হইল পার ।
মথুরা নগর প্রবেশিল গিয়ে
রসের আনন্দ সার ॥
শিঙ্গা-মুরলীর গানে উতরোল
মথুরা নগর ধনি ।
নগরের লোক বাহির হইয়া
দেখয়ে গোকুলমণি ॥
মথুরা-নাগরী নয়ন পসারি
দেখে রাম-হৃদধরে ।
এতক্ষণে কেহ নাহিক পালটে
নিমিখ নাহিক ধরে ॥
আহা মরি মরি কি রূপ-মাধুরী
লখিতে নাহিক পারে ।
হেন মনে করি সহস্র নয়ন
অঙ্গে অঙ্গে যদি ধরে ॥
বিধি দিয়াছেন যুগল নয়ন
ইহাতে দেখিব কত ।
তবে সে দেখিখু নয়ান ভরিয়া
এ লাখ নয়ান হত ॥
আপনা-আপনি মথুরা-নাগরী
অভিমান করে পতি ।
চণ্ডীদাস কহে কলার অংশ
তাহার রূপের কতি ॥

মথুরাবিলাস

(নটনারায়ণ)

(কানাড়া)

মথুরা-নাগরী রূপ হেরি হেরি
লাগল রসের লেহা ।
কি জানি কি করে কোথা না আছে
ছাড়িয়া আপন গেহা ॥
নটবর বেশ সুখের লালস
ঐছন দেখিয়া থাকি ।
নহি স্বভঙ্গর পরবশ হয়
ধাকিয়ে এ বাধা পাখী ॥
গৃহপতি মোর বড় খরতন
কথায় যাতনা দেই ।
মনের মরম আপন বেদন
শুন গো মরম-সই ॥
যত সখীগণ অতি সে মগন
দেখিয়ে দৌহার রূপ ।
অতি সে রসের লহরী উঠিল
উঠল রসের রূপ ॥
কৃষ্ণ-বলরাম দেখিয়ে দুজন
ধরিতে না পারে হিয়া ।
চণ্ডীদাস কহে ও রূপ দেখিতে
কুলশীল যাবে দিয়া ॥

রূপ দেখি যত মথুরা-নাগরী
মোহিত হইল তারা ।
তাথে প্রেমরসে কুলের কামিনী
চৈতন্য নাহিক কারা ॥
কে হেন ওরূপ নিরমাণ কৈল
কত সুখা দিয়া রাশি ।
গড়ল হরসে এমনি পরশে
এমতি গতিকে বাসি ॥
ধন্য সে রসিয়া এমন কালিয়া
নিরমান কৈল দেহা ।
গঠন স্মঠাম করি একমন
নয়ন খঞ্জন-রেহা ॥
চৌরস(১) কপাল উঘ(২) রাতাপল
দর্শন কুন্দের কলি ।
দেখিয়া শুনিয়া ফুলের ভরমে
উড়িয়া বুলিছে অলি ॥
বাহু সে মৃগাল অতি সে বিশাল
হৃদয় কুঞ্জর-কুণ্ড ।
করীর বদন করে যেই জন
নিতম্ব ক্ষীণহি দম্ভ ॥
যেন বা হিজুল ফলিয়া অঞ্জন
যাবক মিশায় তায় ।
এমন না শুনি চরণ হুঁখানি
দীন চণ্ডীদাস গায় ॥

(সুহা)

প্রেম যুবতী যত রয়া যুখে
শ্রামল বরণ রূপ হেরিছে
রয়া এক ভিতে ।
যতেক সখী তারা ভাবের রথে ভোরা
রূপ নিরখিয়ে প্রেম বলকে
রসের ভারা চিতে ॥
শ্রামল বরণ তনু সে রতন
জহু যেন হুঁহু রূপে আলো
করে যেমন মদন ভাহু ।
হুঁহু রূপে আলা কিবা বরণ কালা
বররূপটি আলো করে ।
কিবা রসের তনু ॥
যত নাগরী জনে চেয়ে কাঙ্ক্ষর পানে
মনের সনে সুখা পিয়ে
পেয়ে রসের কাঙ্ক্ষ ।
চণ্ডীদাসে কয় হেন মনে লয়
প্রেম-নারী মনে করে
প্রেমের সিদ্ধ ॥

(রাজবিজয়)

এমন রূপের ছটা ।
ভুবনমোহন বেশ করেছে
যেমন মেঘের খটা ।
বনফুলে চূড়া বাঁধে
কিবা ছলে নাট ॥
সোনার খোপে কসে বাঁধে
যেন মুকুতার হাট ॥
গণি-মাণিকে গাঁথা মালা
তায় দিয়াছে বেড়া ।
নয়ন-পাখা উড়ে বায়ে
কিরণ-মাথা চূড়া ॥

১ । চতুরঙ্গ ;—প্রশস্ত ।

২ । ওষ্ঠ ।

কোন যুবতী বাঁধে চূড়া
সেই সে আপন মনে ।
হাসির ঠাটে অগৎ টুটে
মধু বারে ঘনে ॥
গলায় মালা ভুবন মালা
হাতে মোহন বাঁশী ॥
বদন দেখি রূপ রাখি
মাঝারে জলদ পশি ॥
প্রেম-নাগরীর কথা শুনে
কহে চণ্ডীদাস ।
ও রূপ দেখি কোন্ যুবতী
চ'লে যাবে বাস ॥

—

(সুহই)

হেদে লো মরগ-সই ।
ও রূপ দেখিতে ছেন লয় চিতে
নয়ান তাকিয়া রই ॥
এ বেশে সে দেশে তেঁই সে ভুলল
যতেক বরজ-নারী ।
সব তেয়গিয়া গুরুগরাবত
দেখয়ে নয়ন ভরি ॥
কিবা সে বিনোদ চূড়ার টালনি
উড়িছে ময়ূর-পাখা ।
নানা ফুলদাম অতি গম্বুপাম
ইন্দ্রধনু দিছে দেখা ॥
নয়ন বন্ধিনে চাহিলে যা পানে
সে কিয়ৈ নৈরয় ধরে ।
কোন কুলবতী সে কোন্ যুবতী
কুল লয়ে যায় ধরে ॥
হাসির মিশানে কত সুধা ধরে
তাহাতে বাঁশীর গীত ।
হাসিতে কি জীয়ে শখর রমণী
চেতন ধরিব চিত ॥

এই অমুমান মথুরা নাগরী
মোহিত হইল তায় ।
চণ্ডীদাস বলে শুনহ তরুণি
ভজহ কমল-পায় ॥

(রাজবিজয়)

এমন বেশে গোকুল দেশে
নিয়ে আসি ছলে ।
রূপের ঠাটে তেঁই সে নাটে
সদাই কদমতলে ॥
সব ছাড়িয়া ব্রজের নারী
দিয়াছে জাতি কুল ।
বিনোদ নাগর রসের সাগর
মজায়েছ গোকুল ॥
হেন আমরা মনে করি
পরিহরি লাজ ।
হেমের মালা করে পরি
রাখি হিম্মার মাঝা ॥
আর যুবতী বলে শুন
কহিলে ভাল মেনে ।
চক্ষে ভরা এই যে নাগর
রাখিব মনের সনে ॥
আর রমণী কহে ভাল
কহিলি ওলো দিদি ।
বিরল পেলে কহিব ভাল
কাল আসে গোকুল-দী(১) ॥
এমন করে থাকি সখন
ছাড়ি গৃহের কাজ ।
* * * *
হিম্মার ভিতর রাখি সদাই
এই যে ভালই মানি ।
প্রেমে তোমরা থাকি তারে
সুধা-রসের খনি ॥

১। দী—দীপ, গোকুলের উজ্জল প্রদীপস্বরূপ ।

কুব্জা মিলন

(বড়ারি)

রথ চড়ি সেই করয়ে গমন
কৃষ্ণ-হলধর দুই ।
প্রবেশে নগরে বাজার চাতর
শিখা বেণু উতরোই ॥
হেনক সময়ে কুব্জা মালিনী
রাজপথে চলি যায় ।
শুন লো সুন্দরি চন্দন কটোরি(১)
হরে মন হরে তায় ॥
সুগন্ধি কুমুম গাঁথিয়া-সুষম
লইছ কাহার তরে ।
কুব্জা তখন দৌহার সদন
কাতর হইয়া বলে ॥
কংসের যোগানী আমি সে মালিনী
লয়ে যাই কংস তরে ।
এই গন্ধ মালা দেহ মোর গলে
সরসে কানাই বলে ॥
শুনিয়া সুন্দরী করল চাতুরী
নৃপতি যে কবে মোরে ।
নিজক গন্ধক দিছেন সুন্দরী
দিছেন দৌহার উরে(২) ॥
জানিল এ নহে মাহুষ আকার
এ দুই দেবের শক্তি ।
পরশ হইয়া কুব্জা সুন্দরী
পাওল আনন্দ-মূর্তি ॥
বিলক্ষণ রামা যেন কাঁচা সোনা
উর্কশী কিসে বা লিখি ।
গোবিন্দ-পরশে তাহে মন তোষে
চণ্ডীদাস তাহে সুখী(৩) ॥

(শ্রীমুহা)

রূপ দেখি হিয়া কেমন করে ।
না দেখিয়া ছিনু ভাল দেখি পরমাদ ভেল
কেন বা লইয়া আইল মোরে ॥

১। কটোরি—কটরা, বাটি। ২। বন্ধে ।
৩। ভাগবতের দশম স্কন্ধে ৪২শ অধ্যায়ে এইরূপ
বর্ণনা আছে ।

হৃদয়ে পশিল আসি এ হেন রূপের রাশি
অবলার পরাগ তরল ।
পাছে আছে এক দোষ জানি কবে অনিরোধ
গুরুজন জানি করে বল ॥
শুনহ মরম-প্রিয়া এ হেন রসিক লয়া
করিহু রসের নব লেহা ।
অমূল্য রতন-ধন আর কিবা প্রয়োজন
গুরুজন পরিজন গেহা ॥
কোন সখী বলে শুন এত অভিমান কেন
যে করু সে করু গুরুজনে ।
গৃহমুখে দিয়ে ছাই চল চল চল যাই
পড়ি গিয়ে শ্রামের চরণে ॥
শ্রাম সে পরশমণি যতনে ভজিব ধনী
মোর মনে এই সে ভালই ।
এইমত সে নাগরী হাসিয়া আনন্দরতি
চণ্ডীদাস তছু গুণ গাই ॥

(শ্রী)

কুব্জা কহেন চরণে পড়িয়া
তুমি সে পরাগ-পতি ।
মুই কি জানিব তোমার শক্তি
অবলা যুবতী যতি ॥
কহেন গোবিন্দ কুব্জা পরশি
তুমি সে উত্তম রামা ।
তোমার শক্তি স্বভাব শক্তি
দেখিল কটাক্ষ প্রেমা ॥
পড়িয়া ভূতলে কাঁদি কিছু বলে
মোর অপরাধ ক্ষেম ।
মুই মুঢ় জাতি করিল যুবতী
তিলে কত হই ভূম ॥
তুমি সনাতন পরম কারণ
দেবের দেবতা তুমি ।
কেনে হই মুই অধম দুর্গতি
কিসে বা আমারে গণি ॥
চণ্ডীদাস বলে তোমার শক্তি
নিবিড় অস্তরে লেহা ।
তথির কারণে পরশ পাইয়া
বিলক্ষণ হ'ল দেহা ॥

(শ্রী)

কুব্জা সুন্দরী অতি মনোহারী
 দেখিল আপন অঙ্গ ।
 ত্রিভঙ্গ আছিল মোহিনী হইল
 এ বড়ি রসের রঙ্গ ॥
 মোহিত হইল নগর সকল
 এ কি অদভূত শুনি ।
 ত্রিভঙ্গ যে ছিল সুন্দরী হইল
 এমন নাহিক জানি ॥
 কুব্জা দেখিতে নগর হইতে
 দেখিতে আইল তারা ।
 নিশ্চয় শুনিল নয়নে দেখিল
 এই সে কেমন ধারা ॥
 কেহ বলে ভাই রথে ছই ভাই
 মাখল চন্দন চান্দ ।

মালা বিলক্ষণ দেখিল সঘন
 দু ভাই হাসল মন্দ ॥
 হেনক সময়ে ইহার পরশে
 কুঞ্জ গেল কতি দূরে ।
 অতি বিলক্ষণ দেখিল নয়ন
 এ কথা কহিব কারে ॥
 এ নহে মানুষ জানিল স্বরূপ
 কেবল জগৎপতি ।
 ত্রিভঙ্গ শরীর হইল সুন্দর
 বুলল কাজের গতি ॥
 চণ্ডীদাস বলে যাহার নামেতে
 এ তিন ভুবন ঘোষে ।
 এই ভাগ্যবতী পেয়ে প্রাণপতি
 পাইল যাহার স্পর্শে ॥

কংস-বধ ও পিতৃমিলন

(ধানশী)

(যতি)

হেনক সময় এক সে রজক
 লইয়া বসন করে ।
 সে যায়ে চলিয়া রাজপথ দিয়া
 কংসের আরাতি ধরে ॥
 কৃষ্ণ-বলরাম পুছিল কারণ
 কাহার বসন এ ।
 কহিছে রজক তাহার উত্তর
 তুমি সে বটহ কে ॥
 তোমাকে কহিলে কিবা জানি হয়ে
 কংসের যোগানী আমি ।
 তাহার বসন কাচিয়া সঘন
 কি আর পুছহ তুমি ॥
 কানাই কহেন উত্তম বসন
 দেহ পরি ছই ভাই ।
 কোপে বলে ধোবা তুমি বট কেবা
 রাজার বসন এই ॥
 পরমাদ হব এ কথা শুনিয়া
 তাড়ন করিব রাজা
 চণ্ডীদাস বলে ও নব নাগর
 তাহার রূপের ধ্বজা ॥

এ কথা শুনিয়া কৃষ্ণ-বলরাম
 লইল বসন কাড়ি ।
 পরিলা বসন ভাই ছই জন
 তাহে মল্লবেশ ধরি ॥
 কাড়িয়া বসন মৃত্তিকা-ভূষণ
 রাজা ধূলা মাখি গায় ।
 নিবিড় বসন বাঞ্ছিল সঘন
 পীতমড়া দিল তায় ॥
 নবীন মঞ্জরী পরি ছটি ভাই
 সমান দে হার বেশ ।
 দেখিয়া মুরতি অল্পম বেষ
 ভুলল মথুরা দেশ ॥
 শুনে কংস রাজা কৃষ্ণ-বলরাম
 আসি ধরে মল্লবেশ ।
 রজক বধিয়া বসন কাড়িয়া
 লইল সে স্বমীকেশ ॥
 ক্রোধে কংস রায় ধরণ না যায়
 ডাকিল কুবল হাতী ।
 শুণ্ডে জড়াইয়া মার ছই জনে
 এই যে বাড়িয়ে রীতি ॥

চণ্ডীদাস দেখি হাশিতে লাগিল
 সুনীয়া কংসের কথা ।
 যে জন গোলোক- সম্পদ তা সনে
 কিবা হঠ কর হেথা ॥

(স্নহই)

কুবলয় হাতী ধায় বেগে অস্তি
 মারিতে এ দুই ভাই ।
 গরজি গরজি দশন ফিরজি
 দু ভাই চিরিতে যায় ॥
 লটাপটি শুণ্ডে যেন বাহুদণ্ডে
 প্রচণ্ড প্রতাপভরে ।
 গিয়া সে কাশুর ধরল দু'বাহু
 অতি সে নিবিড় করে ॥
 ধরি করি শুণ্ড দু'ভাই প্রচণ্ড
 উথারি দশন দুই ।
 কুবলয় পায় অস্তি অনুশয়
 দশন এ দুই লই ॥
 দেখিল পড়ল কুবলয়-বল
 কংসের হইল ভয় ।
 স্থির নাহি মানে ভাই দুই জনে
 করেতে দশন লয় ॥
 হেনক সময় চাগুর-মুষ্টিক
 ডাকিয়া আনিল কংস ।
 তোমরা দুজনে বল-পরিক্রমে
 কৃষ্ণ-বলরামে ধরংস ॥
 চাগুর-মুষ্টিক আসি দেখা দিল
 কৃষ্ণ-বলরাম-পাশে ।
 বাজিল বচন বোলা চারি ঘন
 কহেন এ চণ্ডীদাসে ॥

(স্নহই)]

চাগুর-মুষ্টিক দুই জন আসি
 মিলল দোহার পাশে ।
 হাতাহাতি তথি মুটকা-মুটকি
 মহা ঘোর খেলা আসে ॥
 মহা মল্লযুদ্ধ বাজিল দুজনে
 দেখিল যতেক পুর ।
 ধরিয়া চাগুর মুষ্টিক অমুর
 তার মাথা কৈল চুর ॥

বধিয়া অমুর প্রচণ্ড প্রচুর
 গেলা যথা কংস রায় ।
 যোর অতিতর কৃষ্ণ-হলধর
 বাজিল দুজনে তায় ॥
 কৃষ্ণ হাতে ভালি ধরি তার চুলি
 কংসেরে বধিল হরি ।
 হস্তদণ্ড দিয়া উগ্রসেনে আনি
 মথুরাতে রাজা করি ॥
 তুরিতে তখন কারাতে গমন
 বলরামে সঙ্গে করি ।
 বসুদেব পিতা দেবকী সে মাতা
 উদ্ধার করিলা হরি ॥
 গৃহমাবো গিয়া মাতা পিতা লয়া
 অনেক করিলা স্তুতি ।
 চণ্ডীদাস বলে বসুদেব কোলে
 লইলা গোলোকপতি ॥

(স্নহই)

দৈবকী ।— এত দিন ছিলে কোথা ।
 ছাড়িয়া জননী বাছা বাহু মণি
 হিয়ারে মারিয়ে ব্যথা ॥
 ও মোর বাছনি চাঁদমুখখানি
 দেখিয়ে নয়ান ভরি ।
 দুষ্ট কংস লাগি তোমা হেন পুত্রে
 ভেজল গোকুলপুরী ॥
 শোকেতে আকুল পরাণ বিকল
 এই দেখ তনু সারা ।
 যেন আঁখি আসি তারা দুটি বসি
 দেখিল উজোর পারা ॥
 পরাণ-প্রদীপ কেবল লোচন
 এত দিন ছিলে কোথা ।
 কোলে বাহু মণি এ ক্ষীর নবনী
 বদনে দেওল তোমা ॥
 বসুদেব-সুত লীলা অদভুত
 অপার মহিমা যার ।
 বিজকুল যত কুলের আখ্যান
 করিতে আছয়ে তার ॥
 এ চূড়াকরণ বিবিধ বিধান
 আরোজন করে অস্তি ।
 চণ্ডীদাস কহে নন্দের বিদায়
 আগে সে করহ ইতি ॥

(কল্পনা)

এ কথা পরোক্ষে যখন শুনল
শ্রবণে পশিল আসি ।
নন্দের নন্দন পাইল বেদন
শ্রীবুকে ঠেকিল বাণী ॥
চাঁদমুখ মহী- তলে নিরখিয়া
ভাবিতে লাগিল মনে ।
কেমনে কহিব নন্দের বিদায়
চাহি হৃদয় পানে ॥
অনেক করিল বিলাস বৈভব
ধন্য সে যশোদা মাই ।
যার এক কলা গৃহের কখন
খুঁজিয়া পাইতে নাই ॥

কত কত আছে এ মহীমণ্ডলে
আছে অনেকের মাতা ।
এমন না শুনি না দেখি না শুনি
তাহে নন্দ ঘোষ পিতা ॥
এ হেন ঘোষেয়ে বিদায় করিতে
মোর মনে নাহি লয় ।
বিদায় করিতে যবে মনে করি
পরাম নাহিক রয় ॥
চণ্ডীদাস কহে অতি বড় মোহে
লোরে ছল-ছল আঁখি ।
নন্দের নন্দন পাইয়া বেদন
বড় পরমাদ দেখি ॥

নন্দ-বিলাপ

(শ্রীমুহা)

শুন হৃদয় ভাই ।
কেমন করিয়া নন্দের বিদায়
কহিব কহ ত ভাই ॥
এ কথা শুনিয়া মোহিত হইয়া
রোদন যশোদা-সুত ।
হৃদয়-পাশে নিশ্বাস এড়ই
তরল করল চিত ॥
নন্দ হেন পিতা কি কহিব কথা
যার স্নেহে নাহি সীমা ।
বহু সুখ অতি কি তার পিরীতি
যশোমতী অতি সমা ॥
যশোদার স্নেহ কি করিব এহ
এ দেহ পূরিত সুখে ।
এ জন বিদায় কেমনে করিব
না লয় আমার মুখে ॥
কহে হৃদয় শুন দামোদর
এই সে উপায় মানি ।
পশ্চাতে গোকুল গমন করিব
আগেতে চলহ তুমি ॥
এ কথা রচিল কৃষ্ণ-হৃদয়
আগেতে ছুঁভাই গিয়া ।
দণ্ডাই ছুঁজনে নন্দমুখপানে
গদগদ হয় হিয়া ॥

বিমুখ হইয়া রহে আনপানে
গোকুল-দৈবর হরি ।
চণ্ডীদাস বলে মোহিত হইয়া
আন সে কহিতে নারি ॥

(মুহুই)

কৃষ্ণ-হৃদয় বিমুখ অন্তর
লাজতে না সরে বাণী ।
আন ছলা করি কহেন বচন
কেহ সে নাহিক জানি ॥
উঠ উঠ বলি কহে বসুদেব
শুনহ বচন মোর ।
তোমার নিবিড় পিরীতি আরতি
আন কি জানয়ে ওর ॥
নন্দ যশোবতী স্নেহের পিরীতি
কহিতে কহিব কত ।
এ মহীমণ্ডলে নাহিক গণনা
আদর পিরীতি যত ॥
স্নেহভাবে ভাল পাওল সম্পদ
তুমি সে পবিত্র লেখি ।
এ মহীমণ্ডল গণিতে বিস্তর
এমন নাহিক দেখি ॥

কৃষ্ণ-বলরাম কেবল তোমার
নহেন আনের বশে ।
না হ'লে এত কি আনের শক্তি
কহেন এ চণ্ডীদাসে ॥

(সুহই)

কহে বলরাম এক নিবেদন
শুন নন্দ ঘোষ রায় ।
কত দিন মোরা রহিলা কহিলা
এ বসু-দৈবকী মায় ॥
এ কথা শুনিতে বলরাম-মুখে
নন্দের বেদনা অতি ।
যেন আচম্বিতে অসি হিয়াছেদে
মরমে বাজিল তপি ॥
নহে নিবারণ নিঠুর বচন
শ্রবণে শুনল যবে ।
ব্যথাটি পাইয়া মূচ্ছিত হইয়া
ধরনী পড়ল তবে ॥
এই সে তোমার মনেতে আছিল
রহিতে মথুরাপুরে ।
রাখিয়া এখানে হিয়ার পুতলী
কেমনে যাইব ঘরে ॥
কিবা লয়া আছ কিবা লয়া যাব
কিবা সে বলিব মোকে ।
যশোদা রোহিণী গোপের রমণী
কি তারা বলিব মোকে ॥
চণ্ডীদাস বলে শুন নন্দরায়
কি আর দেখহ তুমি ।
শকট আটন করহ সাজন
ভালমতে জানি আমি ॥

(শ্রী)

এ কথা শুনিয়া নন্দের বিরহ
বাটল বিষম জালা ।
বহে প্রেমজল বসন ভিজল
যেমন কালিন্দী-ধারা ॥
ক্লেণেক নিশাস ক্লেণেক হতাশ
ক্লেণেক সশ্রিত হয় ।
একদৃষ্টে চাহে অতি বড় মোহে
নরাম মিলিয়া রয় ॥

ঘোষের নয়ানে দৌহার বয়ানে
তৈছন দেখিয়ে হয় ।
অনিমিখে চাহে লোর নাহি বহে
যেন পাগলেরি প্রায় ॥
এত কি সহয়ে নন্দের পরাণে
বিষম দারুণ আগি ।
এ শোকে আর কি তিলেক বাঁচিব
হৃদয়ে রহল জাগি ॥
কেমনে যাইব গোকুল নগরে
কৃষ্ণ-বলরাম রাখি ।
যশোদা রোহিণী কিসে প্রবোধিব
বড় পরমাদ দেখি ॥
কেমনে বাঁচিব গোপী কিসে জীব
যত সখাগণ তারা ।
চণ্ডীদাস বলে গোকুল তেজিলে
বুঝল এমন ধারা ॥

(রামকেলি)

আরে মোর যাদুয়া দুলাল ।
অনেক তপের ফলে এ ধন পেয়েছি কোলে
মধুপুরে হারাইল ভাল ॥
ভাল হ'ল যা করিলে দরিয়াতে ভাসাইলে
এ নহে তোমার ঠাকুরালি ।
বাড়াইলে অতিপ্ৰীত এবে কর অনুচিত
হিয়ায়ে অনল দিয়ে ভালি ॥
বিরহ কঠিন বড় এ কথা জানিল দঢ়
পরবশ না গুণিহ মনে ।
উগারিয়া মধুরাশি প্রেম কৈল অহনিশি
ইহা তুমি ঘুচাহ কেমনে ॥
গোকুলের গোপিনীগণ আন সখা আন জন
সে সকল পাশর কেমনে ।
শাঙলী-ধবলী ধেনু হান্নারবে ওরে কামু
খুঁজিয়ে বেড়ায় তোরে বনে ॥
যশোদা রোহিণী কাঁদে তারা বুক নাহি বাঁধে
যবে আসি প্রবেশিলা পুরে ।
আছে তারা পথ চাই কবে আসিবে কানাই
কবে দেখি নয়ন-গোচরে ॥
এ কথা শুনিব যবে তারা কি তিলেক জীবে
মরিব সে জলে প্রবেশিয়া ।
না কর নিঠুরপণা শুন বাপু ছই জনা
রহা নহে জননী তেজিয়া ॥

দর দর প্রেমবারি চতুর মুরলীধারী
 পুরব পড়িয়া গেল মনে ।
 পীতবাস করে ধরি আঁখির পুছয়ে বারি
 দেখে বলরাম অভিমানে ॥
 কৃষ্ণের বদন পানে চাহি কাঁদে বলরামে
 ছুঁহে মুছে বদনের বারি ।
 চণ্ডীদাস কহে ভায় কহিলে দেবকী মায়
 রহি হেথা চতুর মুরারি ॥

(কেদার)

নন্দের করুণ শুনি ।
 পাষণ গলিত দেখই বেকত
 ফুরয়ে কুলের ধনী ॥
 ভূমে গড়ি যায় কান্দে নন্দ রায়
 সঙ্ঘিত নাহিক চিতে ।
 যেমন পাটল চৌদিকে আগল
 দিক দিশা নাহি তাথে ॥
 শুন হলধর দেব দামোদর
 তুমি গোলোকের পতি ।
 মাহুষ গেয়ান করেছিল মন
 এবে সে জানল রীতি ॥
 পরোক্ষে শুনেছি যখন জন্মিলে
 দেবকী-ঈঠর হ'তে ।
 চতুর্ভুজ হয় ক্ষোভ দেখাইয়া
 বুঝিতে জননী-চিত্তে ॥
 পুন মায়ী ধরি দ্বিভুজ পসারি
 রাখিল গোকুলপুরে ।
 যশোদার কোলে রাখি কুতুহলে
 বসুদেব চলে পুরে ॥
 পুত্রস্নেহবশে সুখের হতাশে
 লালন-পালন করে ।
 চণ্ডীদাস বলে অপার মহিমা
 কে ইহা বুঝিতে পারে ॥

(বড়ারি)

যখন এ তত্ত্ব তত্ত্বজ্ঞান করে
 জানল জগৎপতি ।
 অনন্ত আনি গুণে পরাইতে
 এ গুণ বিখ্যাত রীতি ॥

এক দশ গুণ দশ গুণ পর
 যেখানে মহল স্থান ।
 সেখানে উঠিল আখ্যান শক্তি
 দশের মদের স্থান ॥
 পুন মান রাগ এ তিন প্রকার
 চারি চারি করে গুণি ।
 যখন এ তত্ত্ব প্রকাশি কায়াতে
 দূরে গেল তত্ত্বখানি ॥
 সে যে ছিল জ্ঞান গেল কোন্ স্থান
 আর দশা আসি ঘেরে ।
 বাজা বাজা বলি যে তত্ত্ব পাগলী
 উনমত হইয়া ফেরে ॥
 তত্ত্ব দূরে গেল মায়ী প্রবেশিল
 জানল তনয় মোর ।
 চণ্ডীদাস বলে বুঝল শক্তি
 মাহুষ ভিতরে তোর ॥

(সুহই)

বহুক্ষণ তবে চেতন পাইয়া
 উঠে নন্দ ঘোষ রায় ।
 করুণ-নয়নে বিরস-বদনে
 দুই মুখপানে চায় ॥
 বুঝল সকল কমল-লোচন
 রহিবা মথুরাপুরে ।
 হের এস দুই বরণ হেরিব
 দুখ যাই অতিদূরে ॥
 ঢল ঢল ঢল বহে প্রেমজল
 দৌহার বদন হেরি ।
 বিকল মরমে বাণ অতিশয়
 মরমে রহল ভোরি ॥
 কোলে দুই ভাই আনল তথাই
 বদন চুম্বন ভালে ।
 লাজে মুখ বাঁকি কমলিয়া আঁখি
 কিছুই নাহিক বোলে ॥
 বসুদেব সনে করি আলিঙ্গনে
 দেবকীরে কহে বাণী ।
 গোকুল নগরে বিদায় মাগিয়ে
 চণ্ডীদাস ইহা জানি ॥

হরিষে বিষাদ

(সুহই)

সাজল শকট চলল নিকট
কাঁদিতে কাঁদিতে পথে ।
শুধু দেহ যেন করল গমন
পরান রহল ইথে ॥
লোরে(১) পথে কিছু দেখিতে না পায়ে
শোকতে আকুল মানি ।
সঘন নিশ্বাস বিষম ছতাশ
কহে গদগদ বাণী ।
এহরূপ পাই বিরহ-বেদনা
যমুনা হইল পার ।
শকটের ধ্বনি শুনল শ্রবণে
কহয়ে আনন্দ সার ॥
কোন সংগণ তুরিতে গমন
শকট-শব্দ শুনি ।
গৃহকাজ ফেলি তুরিতে বাহির
হইলা নন্দের রাণী ॥
কোন পুরজন হাতে নড়ি ধরি
বাহির হইল কেহ ।
বালা বৃদ্ধ যত চলিলা তুরিতে
আর সে কুলের বহু ॥
যত গোপীগণ শুনল শ্রবণে
রাম-কৃষ্ণ আইলা ঘরে ।
এ কথা শুনিতে মরা তরু যেন
মুঞ্জরে শাখার সরে ॥
চণ্ডীদাস ভেল অতি আনন্দিত
পুরল মনের কাম ।
নয়ান ভরিয়া আজু সে হেরষ
সেই নবঘনশ্রাম ॥

(নটনারায়ণ)

হেন বেলে প্রবেশিল পুরে ।
শুনি শকটের রোল করে সবে উত্তরোল
চলে সবে শ্রাম দেখিবারে ॥
যশোদা রোহিণী ধায় মৃত তরু যেন প্রায়
কোথা কৃষ্ণ হলধর মোর ।
দেখিয়ে নয়ন ভরি বদন চুষন করি
স্বখের নাহিক কিছু ওর ॥

গোপ-গোপী পুরবাসী চলে সবে প্রেমে ভাসি
কৃষ্ণ-হলধর আইল পুরে ।
গিয়ে যমুনার ধারে দেখিল শকট'পরে
তাতে নাই কৃষ্ণ-হলধরে ॥
বিস্মিত হইয়া চিতে কহে যশোমতী চিতে
কোথা কৃষ্ণ দেখিতে না পাই ।
এ কথা শুনিয়া নন্দ কাঁদে বহু মন্দ মন্দ
মোরে তেজি রহে দুই ভাই ॥
কি আর পুছহ তোরা কৃষ্ণ-বলরামহারা
রহি দু'ছ মথুরা নগরী ।
মোর মাথে পড়ে বাজ সাধিতে আপন কাজ
মোরে দিল ডারিয়া পাথারি ॥
শকট হইতে নন্দ পড়িয়ে বিনিয়ে কান্দে
লোরে আঁখি দেখিতে না পায় ।
ধরে নন্দ ঘোষে তুলি চণ্ডীদাস বেয়াকুলি
সব জন ধরিয়া রহায় ॥

(সুহই)

যশোদা ।— কি লয়ে আইলে তুমি ।
এ ঘর করণ দূরে তেয়াগিয়া
জলে প্রবেশিব আমি ॥
অন্ধ মোর নড়ি বাছারে কানায়
কোথা না রাখিয়ে এলে ।
কেমনে বাঁচিব তাহা না দেখিয়া
বড় দুখ মেনে দিলে ॥
কোথা হতে এল রাজা কংসদুত
অক্রুর তাহার নাম ।
শমন সমান প্রবেশি গোকুলে
লইল সবার প্রাণ ॥
যেমন সোনার পুতুলি ধূসর
অবনী উপরে দেখি ।
নয়নের জলে তিতিয়া বসন
যমুনা-তরঙ্গ দেখি ॥
কেহ কার অঙ্গে অন্ধ হেলাইয়া
মুদিয়া নয়ন দুটি ।
যেমন চামর তাহার চামর
অবনীমাঝারে লুটি ॥

যেমন ধাউল(১) হইয়া বাউল
খাইয়া ব্যাধের শর ।
তেমত বিরহ- বাণে তনু জর
না চিনে আপন পর ॥
আন বাণ যদি অস্তরে পৈশয়ে
তখনি তেজয়ে তনু ।
এ বড়ি বিষম নহে নিবারণ
হিয়ায় পৈশয়ে জহু ॥
চণ্ডীদাস বলে কি আর বাঁচিব
এ হেন বিরহ-শরে ।
অনল জালিয়া তাহে প্রবেশিয়া
কি ছার জীবন ধ'রে ।

দৌহার বদন খোহন মদন
চল আগে গিয়া দেখি ।
বদন চুষন করিব যতন
এই সে তাহার সাখা ॥
এই বলি কাঁদে যশোদা রোহিণী
তিল স্থির নাহি বাঁধে ।
কানাই কানাই বলিয়া বলিয়া
নিরবধি রাণী কাঁদে ॥
চণ্ডীদাস বলে বজ্র পড়িল
কি আর দেখহ তোরা ।
সবারে তেজিয়া রহল তথায়
সেই সে নয়নতারা ॥

(শ্রীমুহা)

তুমি নন্দ বড়ই নিদয়া ।
কোথা না রাখিল মোহ মায়া ॥
যারে না দেখিলে আমি গরি ।
কেমনে বাঁচিব গোপনারী ॥
কি লয়ে আইলা তুমি ঘরে ।
ছাড়ি মোর কৃষ্ণ-হলধরে ॥
কাঁদে রাণী ভূমে অচেতন ।
ধায় যত গোপ-গোপীগণ ॥
রোদন বেদন উপজল(২) ।
শোকেতে হইয়া গেল চল ॥
চণ্ডীদাস শুনিয়া মুচ্ছিত ।
ইহা কিবা শুনি আর্চয়িত ॥

(বড়ারি)

কোথা গেলে পাব রাম-কৃষ্ণ দুই
জগৎ-জীবনধন ।
আর কি হেরব সবার গোচরে
তথাই আছয়ে মন ॥
শুন নন্দ ঘোষ আমার বচন
চল যাব সেই ঠাম ।
তু বাছ পসারি কোলেতে জইয়া
দেখি নবঘনশ্রাম ॥
এ ক্ষীর নবনী ছেনা দুগ্ধ চিনি
দিব সে দৌহার মুখে ।
তবে সে যাইব আদর আশুন(৩)
হইব অতি সে মুখে ॥

১। ধাইল । ২। উপস্থিত হইল
৩। আশুন—পাঠাস্বর ।

(শ্রী)

আর কি শুনব তার বাণী ।
শুনিয়া জুড়াব মোর প্রাণী ॥
এ ক্ষীর নবনী দিব ফায় ।
আর কে ডাকিবে বলি মায় ॥
মুই বড় অশাগিনী রামা ।
ত্রিভুবনে নাহি কোন জনা ॥
যে পুত্র নবীন তনুখানি ।
আতপে মিলয়ে হেন জানি ॥
যে জন চিরায়ৈ পিয়ে দুধ ।
হেন বা কয়ে অমুবোধ ॥
সে শিশু রহল মধুপুর ।
মথুরা রহল বহু দূব ॥
মরিব গরল বিষ খেয়ে ।
কিবা ছার এ তনু রাখিয়ে ॥
জানিল বিধাতা তেল বাম ।
যবই তেজল ঘনশ্রাম ॥
এমন না জানিথু স্বপনে ।
তবে কি ছাড়িথু নবঘনে ॥
চণ্ডীদাস ব্যাধিত হিয়ায় ।
নন্দেরে সে ধরিয়া রহায় ॥

(বড়ারি)

শুন নন্দ ঘোষ আমার বচন
জালহ অনল জালি ।
তাহে প্রবেশিব যশোদা রোহিণী
দেহ ত আনল জালি ॥

কেহ বলে যদি কৃষ্ণ নাহি এল
বিসরি রহল গেহা ।

কি ছার জীবন কিসের কারণ
এখনি তেজিব দেহা ॥

যাহার লাগিয়া এ ঘর করণ
সেই সে রহল দূরে ।

নয়নের তারা পরাণ দোসর
বাঁচিব কাহার তরে ॥

কাদে নন্দ ঘোষ যশোদা রোহিণী
সঙ্কের বালক যত ।

পুরবাসিগণ যত গোয়ালিনী
কান্দে লাগে কত শত ॥

হাতে নড়ি করি কত শত অঙ্ক
কান্দয়ে করুণ স্বরে ।

আছিল সম্পদ বেড়ল আপদ
কি হৈল গোকুলপুরে ॥

চাঁদ তেজি গেল হইল আকার
যেমন কানন সম ।

বিষম দারুণ কাল সে সঘন
যেন তিমিঙ্গল ভ্রম ॥

জগত-জীবন পরম কারণ
গোকুলের সবার প্রাণ ।

উনমত হই মুরছি কান্দই
চণ্ডীদাস গুণগান ॥

(ধানশী)

অনেক তপের ফলে বিধি আনি দিল মোরে
সে হেন আদর নটরায় ।

কোন অপরাধ হ'ল জননী ছাড়িয়ে গেল
হেনক আমার মনে ভায় ॥

সে হেন নবীন তম্বু যেন পদ কর ভাঙ্গু
হিঙ্গুলে গঞ্জিত বিষধরে ।

নবঘন তম্বুখানি অজনে দলিত শ্রেণী
নয়ন-কমল শশধরে ॥

কিবা সে মধুর হাসি মধু করে রাশি রাশি
নবীন কোকিল জিনি বোলে ।

করিশুণ্ড হল জিনি বাহর সে সুবলিনী
তাহা দেখি সদাই মন বুঝে ॥

সে হেন যাদবধনে রাখি আইলে কোনখানে
সদাই সে বুঝয়ে অস্তরে ।

যে মোর হয়েছে মন এ কথা জানিবে কোন
এ কথা সে কহিব কাহারে ॥

কর ভরি দিতে সর মুখ দেখি শশধর
বদন চাহিয়া যবে আসি ।

ভাবিতে শুনিতে সেহ মলিন হইল দেহ
মনে মোর পড়ে নিশি দিশি ॥

যশোদার করুণা শুনি গলিত পাষণ মানি
মৃগ তরু কাঁদয়ে কাঁদয়ে ।

সঘন নিশ্বাস নাশা শুনিয়া করুণ ভাষা
চণ্ডীদাস পড়িয়া ভুতলে ॥

(কানাড়া)

কাহারে কহিব মনের বেদনা
ছাড়িল গোলোকপতি ।

সুখের আমোদ বৈভব বসতি
ভাঙ্গল এ দিন-রাতি ॥

আর কিবা দেখ কানাই ছাড়িল
ভাঙ্গিল রসের হাট ।

আসিয়ে অকুর কৈল এত দূর
সেই সে পড়িল বাট ॥

তার সনে ছিল কিসের বিবাদ
সাধিল আপন কাজ ।

তার মনোরথ পুরল সুন্দর
মোর শিরে দিয়ে বাজ ॥

কিসে প্রবোধিব প্রবোধ না মানে
জলে প্রবেশিব গিয়া ।

এ কথা বলিয়া রাণী যশোমতী
পড়ে অচেতন হয় ॥

করে কর ধরি যশোদা সুন্দরী
তুলল চেতন ধনী ।

মুখে জল দিয়া গৃহে গেল লয়া
কহেন ঐছন বাণী ॥

চণ্ডীদাস কাদে স্থির নাহি বাঁধে
অবনী গড়িয়া যায় ।

লোরে পথ অতি না দেখি মুরতি
যেমন পাষণ কায় ॥

(সুহই)

শ্রীরাধা ।— মন্দির গরল ভথি ।

তাহার বিহনে ভাবিতে গণিতে
পরাণ হারাব দেখি ॥

কালিয়া বরণ ধরয়ে যে জন
সে জন কঠিন বড় ।
পরের পিরীতি সুখের আরতি
এবে সে জানিল দড় ॥
পরের পরাণ হরিতে কি সুখ
সুখের নাহিক লেহা ।
ভাবিতে গণিতে মলিন হইল
অল্প হইল দেহা ॥
অনেক যতনে সে পঁছ রতন
আছিল নিজহি কোর ।
বিধি নিদারুণ তাহে ভেল বাদ
সকল হইল ভোর ॥
পহিলা পিরীতি যখন করিলে
হাতে আনি দিলা চাঁদ ।
কুল ভেয়াগিয়া কলঙ্ক রাখিল
লাগাইয়া শ্রেম-ফাঁদ ॥
চণ্ডীদাস শুনি রাখার বিরহ
উঠিল দারুণ দুখ ।
নিরমল বর রসের সাগর
হেরব তাকর মুখ ॥

(সুহই)

কামুর আদর পিরীতি ভাবিতে
পাঁজর হইল শেষ ।
করম বিফল সেই সে ফলব
সুখের নাহিক লেশ ॥
জনম গৌয়ায় বিরহ-বেদনে
তিলেক নাহিক সুখ ।
পরিণামে সারা এই হ'ল পারা
দিলা বিরহের দুখ ॥
কে জানে নিঠুর হইব সবারে
মথুরা রহল গিয়ে ।
কখন না জানি স্বপনে না শুনি
ছাড়িয়া যাইব প্রিয়ে ॥
আলাপ ইঙ্গিতে যদি বা জানিখু
পরবাস হবে কান ।
নিজ কেশপাশে নিবিড় বন্ধনে
বাধিয়া রাখিখু শ্যাম ॥

পরিহরি দূর রহে মধুপুর
কি জানি করিব বল ।
এই মনে গুণি হেন অমুগানি
সে দেশে যাইব চল ॥
যাহারে না দেখি তিলেক না জানি
কেমনে বঞ্চিব ঘরে ।
চণ্ডীদাস বলে নিকটে মিলব
সেই সে মুরলীধরে ॥

(বিভাস)

এ কথা শুনল শ্রবণ ভরিয়া
কৃষ্ণ না আইলা আর ।
মধুপুর রহে সব জন কহে
রহিল যমুনাপার ॥
বরজ-রমণী কুলের কামিনী
সবে গেলা রাখা-পাশে ।
নন্দ ঘোষ আসি পুরেতে প্রবেশি
গোবিন্দ মাথুর দেশে ॥
এ কথা শুনিয়া সবে এল খেয়ে
এ কি পরমাদ শুনি ।
ছাড়িল গোকুল রহে বহু দূর
স্বপনে নাহিক জানি ॥
আছিল মনেতে আসিব গোকুলে
তা মেনে নৈরাশ ভেল ।
বরজ-রমণী কুলের কামিনী
সবার পরাণ গেল ॥
যাই এক জন নন্দের ভবন
বুঝহ কি রীতি তার ।
তবে পরিণাম করি যত জন
শুধিব তাহার ধার ॥
চণ্ডীদাস বলে শুন বিনোদিনি
বজর পড়িল মাথে ।
মধুপুর রহে কামু গুণমণি,
বড় ভেল অমুরথে ॥

কত কত ভেল কানন-বিরহ
করিলে কটকপণা ।
কুলবতী শত করিলে বেকত
ছাড়িয়া কুলের বামা ॥
কছিল তোমারে কাঁধে করিবারে
কোথারে চলিলে কালা ।
কাতর পরাণ কালা কালা করি
কঠিন পাইল জালা ॥
কহে চণ্ডীদাস কাতর হইয়া
কাহুর চরণে বাণী ।
করে কর ভরি না জানি কখন
বিষপান করে ধনী ॥

(শ্রীকরণা)

খলপণা ছাড় খল খল কহ(১)
ক্ষেণেক খসাহ বোল ।
খল সান(২) খলে খরতর দুখ
খণিক ক্ষেমহ ওর(৩) ॥
ক্ষেমা তব নাহি ক্ষীণ তমু ভেল
খসল নয়নতাবা ।
ক্ষেণেক ক্ষেণেক বিষম ক্ষেণেক
ক্ষেণেক পরাণ সারা ॥
খাইতে না কচে খঞ্জন-নমনী
খোঁজত সে নব লেহ ।
খল খল খল সে যুহু হাসিয়া
ক্ষেণেক দণ্ডাহ সেহ ॥
খুঁজিতে এমন নাগর সুন্দর
খোঁয়ল খঞ্জনী রাই ।
ক্ষিতিতলে ক্ষীণ ক্ষীণ হি অন্তর
পড়িয়া রহল তাই ॥
খসল কবরী ক্ষীণ চাঁদমুখ
ক্ষেমা সে নাহিক চিত ।
ক্ষেপণ যতেক ক্ষীণ তমুখানি
চণ্ডীদাস সে দুঃখিত ॥

(কানাড়া)

গুণিত গোপত পিরীতি বেকত
গাইতে তোমার গুণে ।
গুমরি গুমরি গুণিতে গুণিতে
পঞ্জর জারিল ঘুণে ॥

গরবিত গুরু গঞ্জনা যে দিল
গৌরব গরিমাপনা ।
গাখানি গরজি গরজি জারল
গুরু পরিবারপণা(১) ॥
গোকুলে গোপের গরিমা যতেক
গেল সে গাই সে গুণে ।
গোপবাজাগণ যত সখাগণ
তা সব পাসর কেনে ॥
গোধন লইয়া গভীর কাননে
গোচার করিবে কে ।
গোকুল হইয়া গোধন লইয়া
গাইয়া জুড়াব সে ॥
গৌরী আরাধিয়া গোবিন্দ পাইয়া
গোপিনী রসের লেহ ।
গোপত পিরীতি গাইতে গাইতে
কালিয়া হইল সেহ ॥
গৃহে যত কাজ গহন সমান
গরল সদৃশ ভেল ।
গোধন দোহন গহন কানন
গোরস বাধক দিল ॥
গোপীগণ যত মথুরা গমন
মাথায় পশরা গৌরী ।
গাইতে গাইতে সে গুণ-মাধুরী
চণ্ডীদাস কহে ভালি ॥

(নটমারায়ণ)

ধেরল আপদ ঘুচিল বিবাদ
ঘরের ঘোষণা জাতি ।
ঘুমিতে ঘুমিতে ঘোষণা সেচনা
ঘনয়া ঘোষণা মতি ॥
ঘুণে যেন ঘর সদা করে জর
ঘেরিয়া ঘেরিয়া কাটে ।
ঘুমিতে ঘুমিতে গুণ ঘর মর
ঘন ঘন কাটি উঠে ॥
ঘোষ নন্দ ঘোষ ঘরের বাহিরে
ঘন ঘন শ্রাম করে ।
ঘোষ ঘটা করি ঘৃত দুগ্ধ ঘটে
পুরিয়া পুরিয়া ধরে ॥

১। সহজ ভাবে বল ।

২। 'খরশান' হইতে—অতিশয় চতুর

৩। আবরণ ।

১। গুরুজনের অভিভাবক-সুলভ গঞ্জনা গৌরব
দান করে ।

ঘোষণা নগরে এ ঘৃত পসারে
ঘরের হইতে আনে ।
ঘন ঘটে পুরি ঘেষাঘেষি করি
রাখয়ে এ ঘটপানে ॥
ঘোরতর ঘন নন্দ ঘোষ মন
ঘন বেশ করি দেই ।
ঘরে নন্দরাণী ঘরে গুণমণি
ঘরেতে লইয়া যাই ॥
ঘৃত ঘোল সব রাখি কর পুরে
ঘুচল ঘেরল বিধি ।
ঘন নব ঘন ঘন ঘন ঘন
ঘুনায়ে হেরব নিধি ॥
ঘর ছাড়ি যাব অকুর ঘেরল
জানিল এ ঘরখানা ।
ঘোষণা ঘুনায়ে ঘরে রথ লয়া
ঘরেতে আইল তারা ॥
ঘরে সে আঁধার ঘর সে দাঁঘল
অকুর আইল যবে ।
শুন নবঘন খাউল হইল
ঘরের বাহির এবে ॥
ঘট গলে বাঁধি তোমার অবধি
মরিলে তবে সে যেও ।
ঘোষণা রহিল এই ঘোরতর
চণ্ডীদাস বলে রও ॥*

(কানটি)

চেতন হরিয়া চলিল ছাড়িয়া
কহিতে পরাণ ফাটে ।
চিত্ত বেয়াকুল চমকে অন্তর
চাঁদ ছাড়ে কোন নাটে ॥
চাঁদ সে বয়ানে চন্দ্রমুখী রাই
না শুন আমার বাণী ।
চাঁচর চিকুর চূড়া না বাঁধব
চাঁপার ফুল সে আনি ॥
চন্দন-চর্চিত্ত সে অঙ্গে লেপিত
চূড়ার সঙ্কেতে মিশা ।
চপল রমণী সে চাঁদবদনী
চলিব করিয়া দিশা ॥

অকুরাগমনের পরবর্তী ঘটনা বর্ণিত হইয়াছে ।

চাঁদ মাল চাঁদ মুখ নিরখিল
চটাইব উরুপরে ।
চিনি চাঁপাকলা ছেনা চাঁছি সর
দিব সে আনন্দে কারে ॥
চাঁদ-মুখ পর চর্চিত্ত কর্পুর
চাহিয়া মাগিব কারে ।
চপল রমণী চেতন করিয়া
চলিয়া আপন বশে ॥
চাহিব কা পানে চামর ঢুলাব
দিব সে শ্রীঅঙ্গে বা ।
চিত্তের বসন করিব শয়ন
চর্চিত্ত সোনার গা ॥
চারি দিক দিব চাঁপা নাগেশ্বর
চামেলি চম্পকলতা ।
এ চন্দ্রমল্লিকা চুয়া মিশাইয়া
আসন করিব হেথা ॥
চণ্ডীদাস কহে চেতন হেরিয়া
চাহিলা গোপিনী পানে ।
চিরকাল রহ চাঁদমুখ দেখি
জুড়াক সবার প্রাণে ॥

(নটশ্রী)

ছটফট করে ছায়া দূরে গেল
ছাপিতে(১) নাহিক ঠাই ।
ছলা করি ছট বেশ না করিব
ছলা সে করিব নাই ॥
ছেনা ননী ঘৃত দধির পশরা
ছান্দিব পশরা'পরে ।
ছন্দ বন্ধ ছাঁদে ছলা যে করিব
শান্তী নন্দী বোলে ॥
ছাঁদিয়া চরণ ছাঁদে দান সাধি
ছেনা দধি নিব ছলে ।
ছল ছল ছল গোপিনী সকল
ছি ছি ছি সো বলি বলে ॥
ছলা করি তবে বড়াই যাইয়া
ছন্দ করি কথা কয়ে ।
ছাপিয়ে রাখারে বসনের ছায়ে
সে নব কিশোরী লয়ে ॥

২ । আবৃত্ত করিতে ।

ছটা বেশ দেখি ছটার উপমা
ছাতিতে করিয়ে ঠাই ।
ছলা দান ঘাটে সিরঞ্জিব(১) কেবা
চণ্ডীদাস গুণ গাই ॥

(বরাড়ি)

জরজর জর জারিল(২) অস্তর
যবে সে শুনিল ইহা ।
যাইতে মথুবা নাগর চতুরা
জারল রাধার দেহা ॥
যার লাগি যাই নিকুঞ্জ ভবনে
বোলা তেজাইব ভালে ।
যমুনা-কিনারে যশোদা-নন্দন
রহিব কদম্বতলে ॥
যাচিয়া যাচিয়া যতন করিয়া
কে দিব কদম্বফুল ।
জীবন সমান দেখিত সে কাশু
কি দিব তাহার তুল ॥
জানল সে যবে যবে আইল রথ
যবে সে পড়ল সাড়া ।
যাই এক জন বুঝল কারণ
জারল বিরহ গাঢ়া ॥
যে জন যাইব তোমারে লইয়া
যমুনা হইলে পার ।
জীবন তেজিব যতন করিয়া
জানিবে বিচার-ভার ॥
জানে চণ্ডীদাস যাইব মথুরা
যবে সে শুনিল কানে ।
জরজর তমু জারল অস্তর
ধৈর্য নাহিক মানে ॥

(নটনারায়ণ)

ঝর ঝর ঝর বহে প্রেমবারি
ঝামরু নয়ন দুটি ।
ঝলকে ঝলকে ঝর ঝর ঝর
বিরহের বারি উঠি ॥
ঝাঁঝর পাঁজর ঝরঝর ভেল
ঝটকে পরাণ যায় ।
ঝট করি জীউ ঝামরু ঝামরু
ঝটকে ব্যথাটি পায় ॥

ঝন্ ঝন্ করে কঙ্কণ ঝটকি
করমে হানয়ে ধনি ।
ঝিএর কঙ্কণা ঝট করি আসি
ঝুঝামু রাজা রাণী ॥
ঝক ঝক পাটে ঝলক আয়াটে
ঝারে ঝরঝর আঁখি ।
ঝন্ ঝন্ ঝন্ ঝলক ঝলক
ঝলকি রথের ঠাটি ॥
ঝাঁঝরি মহরী ঝটু ঝটু ঝাজে
ঝটকে নাচয়ে নাট ।
ঝামরু ঝামরু ঝাঁজর ঝাজয়ে
ঝটিতি চলয়ে ঝাট ॥
'লমল করে ঝলকে কুস্তল
ঝাপটী মুরলী করে ।
ঝাঝা বহি আয়ে ঝটু ঝটু হেদে
ঝাঁদয়ে বরুণ স্বরে ॥
ঝামরু ভলায়ে ঝটকি পড়িল
সে হেন সুন্দরী রাধা ।
ঝাঁঝরি করিল গোপীগণ যত
ঝটসে করল বাধা ॥
ঝটু চণ্ডীদাস ঝামরু হইয়ে
পড়িয়ে রহয়ে পায়ে ।
ঝটু করি দেহে ঝটু ঝটু করি
লইয়ে যাইতে চায়ে* ॥

(নটনারায়ণ)

ঞ কি মথুবা এ কি চতুরা
ঞ কি পরের বশে ।
ঞ কি নিদান এ কি পরাণ
ঞ কি ছাড়িব বাসে ॥
ঞ কি গোধন তেজিয়া সদন
ঞ কি তেজিব মায়ে ।
ঞ কি ঝালক তেজিব সকল
ঞ কি মথুরা মায়ে ॥

* এ পদটিতে শ্রীকৃষ্ণ মথুরা চলিয়া গিয়াছেন বলিয়া বিরহব্যাকুল শ্রীমতীর চিত্রটি কবি এখানে অঙ্কিত করিয়াছেন। এবং শব্দ ঝঙ্কারের সহিত ছন্দ ও ভাবের এক অপূর্ব মিলনের প্রয়াস পাইয়াছেন। ইহার পরবর্তী পদগুলি কবি বর্ণানুক্ৰমিক সূত্রে রচনা করিয়া কৃতিত্ব দেখাইয়াছেন।

ঞ্জ কি গোপিনী তেজিব এখনি
 ঞ্জ কি নিদয়া হয়।
 ঞ্জ কি গোকুল তেজিব সকল
 ঞ্জ কি এ শোক দিয়া ॥
 ঞ্জ কি পাষণ হৃদয়-নিদান
 ঞ্জ কি মথুরা যাব।
 ঞ্জহার কারণে ইন্দ্রিতে আকারে
 এখনি পরাণ দিব ॥
 ঞ্জ কি মথুরা নাগরী-বিলাসে
 ঞ্জ কি বঞ্চিব তথা।
 ঞ্জ কি সেখানে বঞ্চিব সঘনে
 ঞ্জ কি ছাড়িব হেথা ॥
 ঞ্জ কি রাধার মরণ দেখিয়া
 ঞ্জ কি মথুরাদেশ।
 ঞ্জ কি অক্রুর সঙ্ঘেতে ঞ্জাইব
 দিয়ৈ অতি বড় ক্রেশ ॥
 ঞ্জ কি সুখের লালস তেজিয়া
 গোপিনী ছাড়িব পারা।
 ঞ্জ কি বঞ্চিত করব সকল
 চণ্ডীদাস বুকে ধারা ॥

(যত্নিনী)

টল হল করে টল টল দেছে
 টেরা সে বিষম গাঁসি।
 টানিলে না টলে বুকে টেরা হয়
 হৃদয়ে রহল পশি ॥
 টাটক(১) হইয়া সুধামুখী ধনী
 টেরা সে নয়ানে চেয়া।
 টারিয়া(২) ঞ্জাইবে তটস্থ রমণী
 টুটিল বিরহ দিয়া ॥
 টানাটানি করে টেরেতে লইয়া
 মরিতে টাকর দিয়া।
 টান টোন করি টাকাই(৩) তা সনে
 টের দূর দিকে রয়া ॥
 টিপ টাপ করে টেটালির পারা
 টিকা যিনি পারা রাধা।
 টল টল করে অবলা পরাণ
 সকল করিল বাধা ॥

১। সম্ভবতঃ গুপ্ত বা ব্যথিত অর্থে ব্যবহৃত।

২। বিচলিত করিয়া। ৩। তাকাই।

টাটক হইয়া টানিয়া রাখিব
 আপনার নিজ পতি।
 টেরেতে থাকিয়া টেটকারি দিয়া
 অক্রুর মহা সে মতি ॥
 চণ্ডীদাস কহে টাটক হইয়া
 টারল গোকুলনাথ।
 টিপানে জ্ঞানিল টেরা হয়ে নাথ
 ছাড়ব গোপীর সাথ ॥

(বেলোয়ার)

ঠালল রমণ ঠমকে বৈঠল
 ঠারঠারি করে ॥
 ঠাট করি রথ ঠেলাঠেলি যত
 ঠারিল রমণ সারা ॥
 ঠান বেশ ধরি ঠমকে ঞ্জাইবে রথে।
 ঠকের ঠাকুর ঠকমকি সারা
 ঠাকুর বলিয়ে তারে।
 ঠাকুর হইলে ঠাকুরালি পণা
 ঠমক সে জন করে ॥
 ঠকাইয়া এবে ঠমকে ঞ্জাইবে
 ঠানিল গোপের রাগা।
 ঠার নাহি চিতে অবলা বধিতে
 ঠারে ঠেলিব তোমা ॥
 ঠানিল মরণ ঠাকুর তখন
 ঠারে যোগাইব রথ।
 ঠারে চণ্ডীদাস হয়ে একমন
 ঠাহর যোগাইব রথ ॥

(বেলোয়ার)

ডাহিনে শৃগালী ডাকে একজন
 ডাহিনে কাটিয়ে যাব।
 ডর পেয়ে মনে অশুভ দেখিয়া
 ডরে ডরাইয়া রব ॥
 ডোর দিলে ঘরে ডোর দিলে পরে
 ডাগর হইল বাণী।
 ডরে ডরাইয়া ডরেতে ডরিয়া
 ডাহিন নাহিক গণি ॥
 ডারিলে দরিয়া ডহর দেখিয়া
 পড়িল সকল জলে।
 ডোর দিলে বড়ি অতি তড়াবড়ি
 এমন কে জন জানে ॥

ভাগর দেখিয়া বামেতে ডারিয়া
 ডাগর কদম্বফুল ।
 ডগমগ ডগ উড়ে শিখিচুড়া
 বাঁধিয়া চাঁচর চুল ॥
 ডাহে চণ্ডীদাস পড়িল চরণে
 ডারিলা সাগরজলে ।
 ডহ ডহ ডহ ডাহয়ে অস্তরে
 হৃদয়ে আনল জালে ॥

(বরাড়ি)

ঢর ঢর ঢর বহে অনিবার
 ঢরকি ঢরকি লোর ।
 ঢলিয়া পড়য়ে ঢাকিলে না রহে
 নাহি ডোর দিলে ওর ॥
 ঢারিয়ে অমিয়া বহু ঢারি দিলে
 ঢল ঢল করে অঙ্গ ।
 ঢারি পুন দিলে ঢারিয়ে আগর
 ঢারে ঢারিলে সঙ্গ ॥
 ঢোর পরবশে ঢাকির চরণে
 ঢাপন বিরহ কোর ।
 ঢোকল ঢাবলে ঢারির ঢাপনে
 ঢিবব ঢঙ্গ সূচোর ॥
 ঢর ঢর ঢর গোপ সূনাগরী
 চরল বিরহ-সরে ।
 ঢারিলে বিরহ আনল দ্বিগুণ
 ঢালি চণ্ডীদাস বুঝে ॥

(ভাটানি যঙ্গল)

তুমি কি নিদান তাহা সে না জানি
 তবে কি এমন করি ।
 তার তার তম তখন করিখু
 অখলা কুলের নারী ॥
 ততল সরল তো বিমু গরল
 তখনই খাইব আমি ।
 তবে তাপ যাবে তখনি মরিব
 তবে সে জানিবে তুমি ॥
 তোমার কারণে তেজি গুরুজনে
 তাহা সে সকলি জান ।
 তুমি নিদারুণ তাহে কর হেন
 তাহা তুমি যদি জান ॥

তোমারি পিরীতি হৃদয়ে পুরিত
 তাহা না কহিব কত ।
 তাপেতে তাপিত তাহা কব কত
 তোমার কারণে যত ॥
 তাপেতে তাপিত গজয়ে সতত
 তাপিনী বড়ই আমি ।
 তোমার চরণে' সকলি গোচর
 তাহে নিদারুণ তুমি ॥
 তাহে চণ্ডীদাস তাপিত হৃদয়
 তনু জরজর ভেল ॥
 তাপে যত সখী তাহা মুখ দেখি
 হৃদয়ে বাজয়ে শেল ॥

(সুহই)

থাকি থাকি থাকি বেথিত অস্তর
 কাঁদিয়া কাঁদিয়া উঠে ।
 থির নাহি চিতে থাকিয়া বেথিত
 যেমন অনল ছুটে ॥
 থোর দরশন থাকিত থোকিত
 থির থির নাহি মান ।
 থাপিল তোমার যুগল চরণ
 থল সে নাহিক জান ॥
 থির করি চিত থর থর করে
 থাকি থাকি কেন কাঁদে ।
 থাকুক থাকুক তোমার পিরীতি
 থির আর নাহি বাঁধে ॥
 থল না রাখিলে খুইবে খেয়াতি
 থাকুক তোমার লেহা ।
 থির থির তাহে কহে বিনোদিনী
 থাকি না রহল দেহা ॥
 থির করি চিত থাকিহ গোকুলে
 থামি(১) সে হইয়া থাক ।
 চণ্ডীদাস কহে থল রাখ নাথ
 গোপীর গুমান(২) রাখ ॥

(সুহই-সিকুড়া)

দক্ষিণ নয়নে নাচিল যখন
 দেখিল বিপদ দশা ।
 দিয়া সে দেবতা দেবীরে পূজিতে
 দেখল আপদ ভাসা ॥

১। স্থায়ী ।

২। গরিমা, গর্ভ ।

দেবতা উপরে দিয়া ফুলদল
 দেয়াশী জুড়ল কর ।
 দেহ মাতা দেবি দরিয়া হইয়া
 ঘরে রহে দামোদর ॥
 দেবী সে না দিল মাথার সে ফুল
 তাহাতে জানল মনে ।
 দিব বহু দুখ দুখের সাগরে
 ফেলাব নাগর কানে ॥
 দেখিয়া দয়াল গুণের সাগর
 দর দর দুটি আঁখি ।
 দয়াতে মোহিত দেবের দেবতা
 শ্রীমুখ বঙ্কিমে রাখি ॥
 দোষ গুণ যদি দেখিয়া রাখার
 ছাড়িয়া যাইতে চাহ ।
 দেখিব তা লও দোসর নাহিক
 চণ্ডীদাস গুণ গাহ ॥

(কানাড়া)

ধরম করম সকলি মল্লিল
 ধাধসে(১) পরাগ রাখি ।
 ধেয়ান তোমার ধনী সে আকার
 শুধু দেহ আছে সাখী ॥
 ধন জন যত সে সব বেকত
 ধরম ভরম তুমি ।
 ধরিয়া চরণ লইলু শরণ
 তোমা না ছাড়িব আমি ॥
 ধরিব যেমন ধরে মৌনগণ
 ধাধসে সফরি যত ।
 ধনী বিনোদিনী ধাধসে তেমনি
 ধৈর্য ধরিব কত ॥
 ধক্ ধক্ ধকি পরমাদ দেখি
 ধরিতে না পারি হিয়া ।
 চণ্ডীদাস কয়ে ধরিয়া চলয়ে
 বচন চরণ সেরা ॥

(শ্রীনট)

নবীন নাগরী নবীন লোরেতে
 দেখিতে নাহিক পায় ।
 নীরস বচন নাহিক কখন
 মস্তিকে কেমন ভায় ॥

১। সংস্কৃত 'সাধস' হইতে—ভয়, সন্মম ও চিন্তাচঞ্চল্য অর্থে ।

নব নব রামা না ফেল পাথারে
 নাহিক আপন কেহ ।
 না জানি পিরীতি না জানি কি রীতি
 কেবল সঁপিল দেহ ॥
 নয়নে নয়ন মিলিল যে দিন
 সে দিন আছিলে ভাল ।
 নাগরী আগরি যমুনা নাগর
 গেই সে কদম্বতল ॥
 নানা রঙ্গ তথা নানা রসকথা
 আন আন ছলে কয়া ।
 নীর আনি ছলে নানা বেশ ধরি
 কহিমু বদন চেয়া ॥
 নাগরীর প্রেম পাসর কেমনে
 কেমন তোমার প্রীতি ।
 নাহি গণ এবে সে সব আরতি(১)
 চণ্ডীদাস কহে রীতি ॥

(বড়ারি)

পরবশে তুমি পরের কথায়
 পহিলে এমন কর ।
 প্রেম বাড়াইয়া পরশ রতন
 গলায়ে গাঁথিয়া পর ॥
 পরে দিয়া জ্বালা পরঘরখালা(২)
 পলাহ পরের বোলে ।
 পতি ছরমতি তাহার পিরীতি
 তেজমু অবহি হেলে ॥
 পাথারে ফেলহ পরিহারি যাহ
 পাসর পরম লেহা ।
 পতি জাতি কুল পহিলে সকল
 পরিহার দিল গেহা ॥
 পথে কত শত পাওল বেদনা
 পহিলে বিকের ছলে ।
 পরিয়া কদম্ব মালা মনোহর
 পাইতে কদম্বতলে ॥
 পরিহাস-রসে প্রেম রহাইসে
 পাইয়া পসরা যতি ।
 পথে লুটি নিতে দধি দুগ্ধ যত
 সে সব তেজিলে কতি ॥

১। সং 'আর্তি' হইতে—প্রীতি, প্রেম অর্থে ।

২। সং 'ঘাত' হইতে—ঘাল, বধ, পরের ঘর ভাঙ্গা অর্থে ।

পরশ রতন পাইয়া সঘনে
পরাণে মিশিয়াছিল ।
শ্রেমে দিয়া এবে ছাড়ি কার বোলে
চণ্ডীদাস দুখী ভেল ॥

(কাফি)

ফিরিয়া না চাহ ফিরি কথা কহ
ফের দিয়া কোথা যাবে ।
ফসল পাইয়া ফাঁফর করিয়া
ফিরিয়া চলহ ঘরে ॥
ফিরাইতে যবে ফিরিয়া ফিরিয়া
শাঙলী-ধবলী গাই ।
ফেনেতে চাহিলে ফাঁফর হইলে
ফিরিয়া কাঁদয়ে মাই ॥
ফটল(যখন) ফণী বিষধর
ফুল(২) শ্রী অঙ্গখানি ।
ফের ফিরি ফিরি গোপিনী দুসারি
ফুল অনেক বাণী ।
ফাটয়ে পরাণ ফাঁফর গোকুল
ফেসাহ দরিয়ামারে ।
ফুরল সকল ফাঁফর গোকুল
চণ্ডীদাস সঙ্গে সাজে ॥

(সুহই)

বল বল দেখি বিকল পরাণ
বুক বিদরিয়া মরি ।
বেদনা জানব বরজরনণী
বিকল হইয়া বড়ি ॥
বলরাম হৈতে বড় সে জানয়ে
বড় সে করিয়ে প্রেম ।
বিহুর (৩) যেমন বহু রত্ন ধন
লাখে লাখে পায় হেম ॥
বড় যেন দুখ বহু গেল দুখ
বড়ই আনন্দ তার ।
বহুমূল্য ধন তুমি সে তেমন
ভুবন করিল সার ॥

বটে কিবা নয় বুঝ রসময়
বলিল গোচর পায় ।
বেণী কাল জাদ বসিয়া বিরলে
রূপ নিরখিয়ে তায় ॥
বেশ পরিপাটী বেপের সন্ধান
বেলি অবসান কালে ।
বলি রাধা রাধা বাজাও মুরলী
তখনি যাইথু জলে ॥
বুন্দাবন বন্ধান সঙ্কেত মুরলী
শ্রবণে শুনিয়ে যবে ।
বেকত কামিনী কুলের রমণী
পরাণ না ধরে তবে ॥
বিকল হইয়া সঙ্কেত পাইয়া
কনক-গাগরী কাঁখে ।
বলে চণ্ডীদাস বেদনা পাইয়া
যেন ধন পেয়া রাখে ॥

(বরাড়ি)

বল বল সখি বিরস হইলে
বাঁচিব কেমন করি ।
বিনোদ বিনোদ বিনোদ আয়োদ
এ কি এ ভেজিতে পারি ॥
বিনোদ বেশের বিনোদ মাধুরী
বিনোদ কেশের চূড়া ।
বিনোদ কুসুমে হার বনাইয়া
বিনোদ দিয়াছে বেড়া ॥
বিনোদ ময়ূর- পাখা তাহে দিয়া
বিনোদ বিনোদ উড়ে ।
বিনোদ নাগরী বিনোদ মরম
পরাণ রহে সে ছাড়ে ॥
বিনোদ বিপিনে রাস জাগরণ
বিনোদ গোপের রামা ।
বিনোদ চাতুরী আর না করিব
বিনোদ বিনোদ প্রেমা ॥
বিনোদ মুরলী বিনোদ বোলব
শুনিব শ্রবণ ভরি ।
বিনোদ বেশের বেশ না করিব
বিনোদ যাইব চলি ॥
বিনোদ সৌরভ হার মনোহর
সুগন্ধি চন্দন করে ।
বিনোদ আকৃতে বিনোদ নাগরী
লেপিত শ্রীঅঙ্গ'পরে ॥

১। সং 'ক্ষুট' হইতে—বিস্তারিত করা ।

২। সং ক্ষুট হইতে—বিদীর্ণ করা অর্থে—দংশন করিল । ৩। বিহুর—দু অর্থে দুঃখ, অতএব অতিশয় দুর্দশাগ্রস্ত লোক ।

বিকায়ল পায়ে বিনি মূল পেয়ে
চণ্ডীদাস গুণ গায়।
বিনোদ নাগরী কি কহিব গতি
হেন মন মোর ভায় ॥

(কাফি)

ভালের বড় তু ভামিনীর প্রিয়(১)
ভালে সে জানল তোরে ।
ভরম সরম ভাসল সকল
ভাষালে দরিয়া'পরে ॥
ভাল মন্দ মোরা কিছুই না জানি
ভরসা কেবল পায় ।
ভরসা অস্তরে ভাবি ভাবি তাহে
ভয় ত হইল গায় ॥
ভরসা করিল ভরম সরম
ভালে সে জানিল মোরা ।
ভাল মন্দ কেবা জানে ভাল মতে
এমন তোমার ধারা ॥
ভৈ গেল (২) ভাবের ভরসা সকল
ভেল সে গরল পারা ।
ভাল্লল সকল সুখের বৈভব
ভাবিতে গণিতে সারা ॥
ভিগল(৩) মরমে তোমার ভাবনা
ভালে সে পশিয়া গেল ।
ভাবিতে গণিতে ভাসল সাগরে
ভণে চণ্ডীদাস ভাল ॥

(শ্রীমুহা)

মনের মরম মনেতে জানহ
মানস মরমে যতি ।
মনসুখ যত মানসে জানিয়ে
মদন-তরঙ্গে মাতি ॥
মদন-মোহন রমণীর মন
মোহিলে মনের সুখে ।
মধুপুর দূর মথুরা নাগরী
মনে সে পড়ল তাকে ॥

- ১ । রমণীমোহন ।
২ । ভাবিল ।
৩ । বিদ্ধ হইল ।

মনেতে লাগিল মনোহর রূপ
মগন হইয়া চিতে ।
মনে নাহি ভয় গোকুল নগরী
কি রূপ আছে ইথে ॥
মদমত্ত হাতী মারিয়ে কেশরী
শৃগাল মারিতে চায় ।
মাণিকের কাছে তুলনা থাকয়ে
কাচের ফলের প্রায় ॥
মন যে মজিয়া পর যে যজিয়া
রঙ্গে তেন অতি ভোরা ।
মোতিম(১) তেজিয়া কুলিশে পাওব
চণ্ডীদাস ভেল ভোরা ॥

(শ্রী)

যাহার কারণে জগজন ভরি
যত বড় তেল লাজ ।
যত্নাথ তুমি জানহ সকল
ভুবনমণ্ডল-মার ॥
যদি নাকি চাবে সে হেন শ্রীমুখ
জর জর করে দেহা ।
যাইয়া যমুনা জল ভরি ছলে
দেখিয়ে বাড়য়ে লেহা ॥
যদি যাহ নাথ যমুনা-উপরে
মগন ধেমুর পাল ।
যবে নাহি দেখি দেখিলে জুড়াই
বিকের ছলায়ে ভাল ॥
যাহার বেদনা জানে কোন জনা
যাহার হৃদয়ে পশি ।
জানে সেই জনা বিরহ-বেদনা
যেমন রসের রসি ॥
যাবে মধুপুর যবহঁ শুনল
ভবে কি পরাণ জীব ।
যমুনার জলে যেয়ে কুতুহলে
তখনি পরাণ দিব ॥
যদি না হইবে স্ত্রীবধপাতকী
তবহঁ তেজয় গেহা ।
যতনে যাইয়া যমুনা মরিতে
তেজব আপন দেহা ॥

- ১ । মৌক্তিক—মুক্তা

অরজর ভেল জারিল অস্তর
চণ্ডীদাস গুণ বুঝে ।
এত দিন ছিল যতেক আনন্দ
ঘুচল গোকুলপুরে ॥

(কাফি)

রসে রসাইয়া রমণী তেজিয়া
রভস(১) রসের কেলি ।
রসিক হইয়া রস তেয়াগিয়া
এবে সে জানিল ভালি ॥
রাতুল চরণ রঞ্জিয়া(২) নাগরী
রসয়া রসান ছিল ।
রসের ঘরেতে রস ভাঙ্গাইয়া
বিধি নিকরুণ(৩) ভেল ॥
রাত্রিদিন বুঝি বিরহে সুন্দরী
রহই তুহারি ধ্যান ।
রব শুনি যব মুরতি কৈশর
রাজিয়া মুরলী গান ॥
রাধা রাধা রবে অঙ্গ পুলকিত
মুঞ্জরে তরুর ডাল ।
রহে সে যমুনা রহে নিরমল
উজান হইয়া ভাল ॥
রাস অমুরাগে যে জনা রহল
তার কি পরাণ রয় ।

* * * *

রাগরসে মাতি রাগ যবে উঠে
রাগ সে বিষম বড়ি ।
রাগে উনমত(৪) রাগ সে বেকত
রাগে সে পরাণ ছাড়ি ॥
রাগে সে মগন রহই ধ্যেয়ান
রাগে সে মরণ গাঢ়(৫) ।
রাগিণী অস্তরে রাগ বহু পেলে
পরাণ তেজব সারা ॥
রাতুল চরণ লয়েছি শরণ
রহিব ও পদসেবা ।
রহিল বিরহে বেকত পড়িয়া
চণ্ডীদাস পুছে কেবা ॥

- ১। রভস—অত্যন্ত আনন্দজনক ।
২। রঞ্জিত করিয়া ।
৩। নিকরুণ—নির্দয় ।
৪। উন্মত্ত । ৫। গাঢ়—নিশ্চিত

(ত্রী)

নহ নিদারুণ নবীন নাগর
ললিত ত্রিভঙ্গধারী ।
নব নব বেশ নট মনোহর
ছহু লহু মুহু বোলি ॥
লালসে লালসে নবীন নাগরী
নোটন ঘোটন বেশে ।
নব অমুরাগ নব নব রসে
নব রসা জিয়ে কিসে ॥
নলিনী নওয়া শেষ বিছাইয়ে
লওল সুগন্ধি তাথে ।
চওল বিচিত্রে চামর ঢালর
নাইব সুখের যুথে ॥
লাগাইব অঙ্গে এ ছয় রসাল
মিশান কুম্ভুম্ভ তায় ।
নবীন কিশোরী রসাল সে গোপী
লেপব শ্যামের গায় ॥
লাবণ্য-লহরী লেহ না করব
লে চলু অকুর রায় ।
লাজ পরিহারি নব নব গোপী
চণ্ডীদাস গুণ গায় ॥

(শ্রীপটমঞ্জরী)

শ্যাম শ্যাম বলি সদা শ্যাম হেরি
সকল সঁপিল শ্যামে ।
শ্যাম পরিবাদ সকল গোকুল
এ তমু সঁপিহু শ্যামে ॥
শ্যামের কারণে সব তেয়াগিহু
সবাই করিল সারা ।
শ্যাম-কলঙ্কিনী শব্দ উঠিল
তাহার এমন ধারা ॥
সহিতে সহিতে সে সব কারণ
শুনিতে পরাণ ফাটে ।
শঙ্খবণিকের করাত যেমন
এদিক্ ওদিক্ কাটে ॥
শরণ যে লয় শীতল চরণে
সে জন এমন দশা ।
সাধ ছিল মনে সদা নিঃখিব
ঘুচিল সে সব আশা ॥

সে সব আরতি সুখের আরতি
সে জন ভাঙ্গিয়া দিল ।
চণ্ডীদাস বলে সে জন অকুর
শমন সমান ভেল ॥

(সুহই)

শ্রাম সূনাগর রায় ।
শরণ লয়েছি সকল তেজিয়া
সহজে ঠেল না পায় ॥
শুনিল যখন শ্রবণ ভরিয়া
সকল কুলের নারী ।
সরল হৃদয়ে সম্মুখ হইয়া
শুন হে মূদলীধারী ॥
শূত্র করি যাবে সব গোপীগণে
সবাই মরিগ শোকে ।
সব গোপীগণ সঘনে স্বরূপে
শেল দিয়া গেল বৃকে ॥
শান্তুড়ী ননদী সদাই সবাই
শাসিল সবার আগে ।

সে দিন পাসর দেখি মনে কর
স্বরূপে লইব নগে ॥
সব পাসরিয়া সমুদ্রে ডারিয়া
শেষেতে করিলে হেন ।
সহজে অবলা হইয়া অখলা
তাহে নিদারুণ কেন ॥
সুখের ঘরেতে দুখ সার হৈল
শোচনা রহিল বড়ি ।
চণ্ডীদাস বলে আশ পাশ(১) গেল
এবে হ'ল বড় ভেড়ি ॥

(কানাড়া)

শুন হে নাগর শরণ যে লয়
তারে সে এমন কর ।
সরল হৃদয় সরল স্বভাবে
সবারে করিয়া জর ॥
শ্রাম শ্রাম বলি শ্রামরী(২) সকল
শ্রামল হইয়া গেল ।
সঘনে সঘনে সে গুণ ভাবিতে
কুলে তিলাঞ্জলি দিল ॥

১ । আশ পাশ—আশার বন্ধন ।

২ । শ্রামরী—শ্রাম-পিসারী ।

সুজন-পিরীতি সুখের আরতি
সে ভেল গরলময় ।
সুখ দূরে গেল দুখ অবশেষ
মরণ হইল ভয় ॥
সময় হইল দশমী দশার
এই সে সকল মোয় ।
শরণ যে লয় সে জন তেজহ
জনম অবধি রোঁয়(১) ॥
সহজে অবলা শান্তুড়ী তাপিনী
সকল জানহ তুমি ।
সহিতে সহিতে সে যে করে চিতে
বিষ খেয়ে মরি আমি ॥
সাহসে ধাধসে সব গোপীগণ
কাঠের পুতলি প্রায় ।
শ্রামপদে পড়ি করে নিবেদন
চণ্ডীদাস গুণ গায় ॥

(সুহই)

হা হরি হা হরি হরি হরি হরি
হব সে হতাশে সারা ।
হরি কি হিয়ায়ে হরি বাণ সব
হরি বা কেমন পারা ॥
হের দেখি হরি হরষ পরশ
তেজহ কিসের লাগি ।
হিয়াতে হতাশ হয় নহে হরি
বিদারি দেখহ আগি ॥
হাসি-পরিহাস রভস হারাস
হরি নিদারুণ হও ।
হরষে গোপিনী যমুনাতে গিয়ে
মরিলে তবে সে যেও ॥
হরিণী যেমন হানে ব্যাধগণ
হিয়াতে বিক্রমে শর ।
হোরে গিয়ে যেন পড়য়ে হতাশে
বাণেতে হইয়া জর ॥
হরিণী হতাশে হরির বিরহ
তেমতি সমান বাণ ।
হিয়াতে বাজল হরিণী সমান
চণ্ডীদাস গুণ গান ॥

১ । রোঁয়—রোদন করে ।

(নটনারায়ণ)

কণে কত শত কমা নাহি চিত
কত উঠে কত বেরি ।
ক্লেয়াতি রছিল ক্ষিত্তি মহীতল
কমা কর যতু হরি ॥
কণেক কমহ দোষ অপরাধ
কমা সে করিতে চায় ।
ক্লেপল(১) সকল গোপিনী যতেক
কমা চিন্তে নাহি লয় ॥

কণেক কণেক বিরহ-আশুন
কণে ক্ষীণ করি দিল ।
ক্ষুধায় আকুল পিরীতি বিহনে
কণেক ভাঙ্গিয়া লৈল ॥
ক্ষিত্তিতলে লুটি রাধা সুধামুখী
কণেক বদন চাহি
কণেক বোধয়(১) ক্ষীণ তনু হয়ে
চণ্ডীদাস গুণ গাহি ॥

চতুর্দশ পদাবলী*

(১)

সরূপ রূপেতে একত্র করিঞা
মিসাল(২) করিঞা খুবে ।
সেই সে রতিতে একান্ত করিলে
তবে সে ছীমতী(৩) পাবে ॥
রসের স্বরূপ প্রেমের নিঅড়()
তাহাতে রাখিবে রূপ ।
তাহার উপরে ছীমতী রাখিয়া
প্রেম সরোবর ভূপ ।
তাহাতে আসক নাঅক(৫) রসিক
সিদ্ধীর(৬) আবেসে রবে ।
রূপে রূপ তিনে একু(৭) করিয়া
আমোদিলে রস পাবে ॥

স্থানে স্থানে রস বিলাস এ রস
আসে কিনে সদা রবে ।
নহে কামানুগা বটে রাগানুগা
আসক করিলে পাবে ॥
রূপের স্বরূপ রূপা অমুগত
রূপ রতি অঙ্গে খুবে ।
তবে সে জানিঅ চইতরূপার
সিদ্ধ দেহে প্রাপ্তি পাবে ॥
পরকিআ যত আসক সহিত
সরূপে এ রতি খুবে ।
কহে চণ্ডীদাসে রসের উল্লাসে
রজকিনী সঙ্গে রবে ॥

১। ত্যাগ করিল—ভুলিল ।

* এই পদগুলি সংশোধন করিবার কোন চেষ্টা করা হইল না, সুতরাং যেমন পাওয়া গিয়াছে, তাহাই রছিল, যে পুঁথিতে এই চতুর্দশ পদাবলী পাওয়া গিয়াছে, তাহার শেষে লেখা আছে—

“ইতি শ্রীচণ্ডীদাসস্য চতুর্দশ-পদাবলী সমাপ্তং ।
লেখক শ্রীগণেশরাম শর্ম্মণঃ, সাং কুতুলপুর ।
পঠনার্থে শ্রীদেবকীনন্দন ঠাকুর মহাশয় । ইতি
সন ১০০৯ । তারিখ ২ বৈশাখ । বেলা ৪ দণ্ড
থাকিতে সমাপ্ত হইল ।”

২। মিলিত । ৩। শ্রীরাধিকা । ৪। নিকট
৫। নাঅক । ৬। শৃঙ্গার । ৭। এক ।

(২)

প্রেম-সরোবরে জন্মিয়া সে করে
আসক সরূপ অঙ্গ ।
তাহাতে বাঢ়িল আসক বিলাস
করে রাধিকাএ সঙ্গ ॥
সেই রসামৃতে গিলিল যাহাতে
আসক সহিত টানে ।
আসক সরূপে আসক মরএ
রতি মুক্ত হৈলে জানে ॥

১। কণিক জ্ঞান হয় ।

সরূপের রতি রূপের বসতি
 অকৈতব সে কথাএ ।
 এ কথা বুঝিলে পরাণ সংশয়
 সরূপ পাঞাছে সাএ(১) ॥
 নিতি অনুরাগ প্রেম বিঅোগ
 পরাণ সংশয় তাএ(২) ।
 সরূপে মিসাতে যে জন রসিক
 আছয়ে এমন তাএ ॥
 রসিকে জনম রসিকে পশুন
 রসিকে জনম হঅ(৩) ।
 তবে সে জানিঅ সরূপের রতি
 উদঅ করণ সঅ ॥
 সরূপ বলিঞা রসের আধার
 একজন হঅ সেঅ(৪) ।
 বুঝিতে না পারি রূপের মাধুরী
 অন্ধেতে পাঞাছে লেঅ(৫) ।
 কহে চণ্ডীদাসে সরূপ বিশ্বাসে
 আর কি বলিব কারে ।
 মনের নানসে রজকিনী তারে
 নিজ গুরু করি ধরে ॥

(৩)

সকল ত্যাগ করি আসকে রবে ।
 তবে সে জানিঅ নিউড় পাবে ॥
 পিতৃ-গোত্র আদি কিছু না রঅ ।
 রসের দেহেতে রস আশ্রঅ ॥
 রসের বিলাস নাইকে হবে ।
 কুলটা বিচার গোউনে রবে ॥
 গোউনে রাখি তাহা আস করিত ।
 ফল সে ফুটি গেল ফল সহিত ॥
 ফল সে পাকিলে কিছু না রবে ।
 সভারে দেখাঞা কুলটা হবে ॥
 কার সনে সেঅ মিশিবে নাহি ।
 এই সে কলঙ্ক আসক দাঁড়ি ॥
 এই সে আসক করিয়ে খুবে ।
 আসকে করিলে আসক পাবে ॥
 সুরসিক হঞা করিবে কাজ ।
 যেন না পড়ে রসেতে বাজ ॥
 এ সব বুঝিঅ আসকে রবে ।
 তবে সে জানিঅ রসিক পাবে ॥

- ১। সম্মতিতে, ইতিতে ।
 ২। তাহাতে । ৩। হয়
 ৪। সেই । ৫। লেহ ।

এ রস ভাঙ্কিলে আর না হবে ।
 বিরসিক জনে প্রেম না খুবে ॥
 কহে চণ্ডীদাসে নিউড় করে ।
 রজকিনী সঙ্গে হইব পরে ॥

(৪)

প্রেমের সরূপ প্রেমেতে জনম
 রসের মানুষ সে যে ।
 চৌষটি রসের একটি মানুষ
 হিঅঅ(১) মাঝারে থে ॥
 রাগের মানুষ নিস্তের মানুষ
 একত্র করিঞা নিবে ।
 পরসি পরসে একত্র করিঞা
 রূপে মিসাইয়া খুবে ॥
 এই সে মানুষে আসক করিঞা
 সে রতি বুঝিঞা নিবে ।
 রূপে রতি তাহে একান্ত করিয়া
 হিঅতে(২) মানুষ হবে ॥
 আমার প্রকৃতি করিঞা রতিতে
 মিসাল করিঞা নিবে ।
 নহে কামানুগা বুঝিবে ইহাতে
 রাগের মানুষে পাবে ।
 সরূপে সরূপ আসকে আসক
 মরিঞা জনম হবে ।
 তবে সিদ্ধ দেহে সখার সজিনী
 আসক সরূপে পাবে ॥
 কহে চণ্ডীদাসে শুন রজকিনী
 বলিএ তোমারে তুমি সিগা(৩) যদি দিবে ।
 তবে সে পাইব ছীরূপ(৪)মাধুরী
 মিসাল করিঞা নিবে ॥

(৫)

রূপ রতি তাএ যদি কেঅ পাএ
 অস্তরঙ্গী বলি যারে ।
 রূপেতে সরূপে এই একু করি
 মিসাল করিঞা খুবে ॥
 চইত রূপার সব রতি যার
 ছীরূপ মঞ্জরী হএ ।
 নারীর মিসালে নারী হঞা যদি
 মানুষ সোধনে রএ ।

- ১। হৃদয় ।
 ২। হৃদয়ে ।
 ৩। শিক্ষা ।
 ৪। শ্রীরূপ ।

সোধন করিয়া হিঅতে বাটীঞা
রসিক মামুসে নিবে ॥

নহে কামামুগা আসাদন করি
আপনি করিবে আলা ॥

সকল চন্দ বরণ মামুস
এ কথা বুঝিবে কেঅ ।

যে জনা পাঞাছে এই সে মামুস
মরিঞা রঞ্জেছে সেঅ ॥

কহে চণ্ডীদাস শুন রজকিনি
আপনা করিঞা নিবে ।

তুমার পরাণে আমার পরাণে
একত্র বাধিয়া খুবে ॥

(৬)

অধরে অধর মিসাল করিঞা
আসাদন করি নিবে ।

মামুস জন্মিলে আপনা হিঅতে
সখীর সঙ্গিনী হবে ॥

একটি করিয়া প্রেমেতে জন্মাঞা
আবেস করিয়া খুবে ।

যতন করিঞা মামুস জন্মাঞা
গমন হইলে পাবে ॥

প্রেমের ডুবাকু যে জন হইবে
রসের ডুবাকু আর ।

রসিক বিহনে না জন্মএ রতি
সখীর সঙ্গিনী যার ॥

চইত রূপাতে কেবল জানিঅ
রাগ সরোবর আর ।

ইহার মাঝারে মন ভুঙ্গ হঞা
যাএ যদি হএ পার ॥

তবে সে হইব চইত রূপার
রাগ রতি দশা আর ।

মুখ্য পরকিয়া চইত রূপাতে
প্রেমে অমুগত যার ॥

ইহাতে বুঝিঞা মনেতে জন্মায়া
যখন দেখিতে পাবে ।

মন বাহু দুই অন্তর্দিশা সেই
প্রকৃতি হইঞা রবে ॥

আপনার দেঅ করি প্রেম সেঅ
আসক করিঞা খুবে ।

যে কালে যেমন রূপ রতি কালা
সেমতে বুঝিলে পাবে ।

কহে চণ্ডীদাস প্রেমের উলাসে
রজকিনী রাধা হএ ।

ইহাতে বুঝিলে সকলি আছয়ে
বুঝি যদি সেঅ রএ ॥

(৭)

তুমার চরণে আমার পরাণে
একত্র করিয়া খুব ।

হিয়ার মাঝারে রতন কমল
তুমারে করিঞা নিব ॥

আচ্ছঅ(১) হইঞা সিন্ধা সে করিব
দুই মন একু করি ।

তুমি যদি কুপা করহ আমারে
রূপেতে মিসিতে পারি ॥

তুমা বিনে আর কে আছে আমার
নিউড় বসতে রব ।

অকিঞ্চন করি তুমি সে কিশোরী
যতন করিঞা খুব ॥

যে কালে যে ভাব করিঞা এ সব
চইত রূপাতে রব ।

রাধার মাধুর্জ(২) রূপের সহিত
একান্ত করিয়া খুব ॥

কহে চণ্ডীদাসে শুন রজকিনি
তুমার চরণ সার ।

তুমার চরণ আচ্ছঅ হইঞা
ভবে সে হইব পার ॥

(৮)

তুমার চরণে আমার পরাণে
একত্র করিঞা খুব ।

রাগ রতি দিঞা বসন লইয়া
সেবা সে করিঞা রব ॥

কুল ক্রীড়া যত তুমার সহিত
আর কিছু নাই মনে ।

অকিঞ্চন করি রাখঅ কিশোরী
সাধ আছে মোর মনে ॥

কুল অভিমান নাহি মোর জ্ঞান
না দেখি যখন চোরে ।

তুমার আসকে যতন করিঞা
বিরতি করাএ মোরে ॥

১। আশ্রয় ।

২। মাধুর্ঘ্য ।

বৈষ্ণব-পদাবলী

তুমার পারা করিঞা আমারে
সজিনী করিয়া নিবে ।
তিলেক বিচ্ছেদ শতবার মরি
চরণ একান্ত দিবে ॥
চণ্ডীদাস কএ মনে হেন লএ
বলিব কি আর তোরে ।
আসক দিঞা সে শুন রজকিনি
রহিছু চরণতলে ॥

(৯)

সনাএ(১) সোহাগা একত্র করিঞা
পুড়িলে উজল হএ ।
রাজের মিসালে পরেস না মিসে
এ কথা বুঝিয়া লএ ॥
যতন করিঞা প্রেম বাড়াইয়া
রতি মুক্ত দিনে তাঅ ।
আপনা করিঞা রাখিবে আমারে
আপনা করিঞা রাখ ॥
রাগের অমুগা করিঞা আমারে
সখীর আচ্ছঅ দিবে ।
আসক সক্রপে চরণ-কমল
নিছনৌ আমারে দিবে ॥
তুমার সহিতে আসক আসঅ
নিসচয়(২) আছয়ে মোর ।
অবতীন্ন স্থিতি যত উতপত্তি
তুমার লাগিঞা আর ॥
কহে চণ্ডীদাসে পাবে অবসেষে
রজকিনী কেবল সার ।
ইহার গুণ সে রজকিনী জানে
সেই করিবেক পার ॥

(১০)

এক অঙ্গী রতি উপজে কাহাতে
তাহার মানুষ কেঅ ।
তাহারে বাছিঞা নিউড় করিয়া
সভার সক্রপ সেঅ ॥
সেই সে মানুষে অঙ্গের সহিতে
রাগের জনম হএ ।
নাই গুরু তার নাইখ উদেস
বীজাশ্রয় নাই রএ ॥

১। সোনার ।

২। নিশ্চয় ।

আপহিঁ(১) ধার আপহিঁ রাগ
আপহিঁ রাগ উদঅ ।
জনম নাইখ(২) আছয়ে রতিতে
অঙ্গের সৌরবে রএ ॥
আপন করণ আপনি করএ
কারে না সে জনা কঅ ।
আপনা হইতে যে কিছু করণ
সাক্ষাতে রাগ উদঅ ॥
কহে চণ্ডীদাসে রজকিনী বেশে
আমারে করিঞা নিবে ।
রাগের জনম অঙ্গ হইতে উঠে
আসক সক্রপে পাবে ॥

(১১)

তাহে এক আছে মন সরোবর
কিসে উপজল আর ।
গাছ সে নাইখ ফল সে ধরএ
বুঝিতে বিষম ভার ॥
মন রতি দিঞা বিসেতে রহিঞা
অমৃত রতিতে পাবে ।
যতন করিয়া পরেস ধরিঞা
মথিয়া সে ধন নিবে ॥
সেই সে মথিলে নানা রাগ তাএ
বাছিঞা লইবে তার ।
রূপ সরোবরে যদি মন চরে
তবে সে হইবে পার ॥
কেবল জানিঅ রতি সে আনিঅ
সে ধারা চরণ হৈতে ।
ঢাকা দিঞা তাএ ভুলিবেই দাএ
রাখিবে রূপের হাথে ॥
এক দিগে তাএ সাধক ইথাএ
আসকে কথাঅ তাএ ।
রতি সে রূপেতে আবার করিঞা
আসক রতিতে পাএ ॥
চণ্ডীদাসে কএ এ রতি আশ্রয়
সোল আনা যদি হবে ।
রজকিনী পাসে উদার করিঞা
রূপে মিশাইয়া খুবে ॥

১। নিজে নিজে—আপনা হইতে ।

২। নাইক অর্থে—নাই ।

৩। এই দায়ের ।

(১২)

দুতীঅ(১) প্রহর নিসি দুঁছে এক স্থানে বসি
কহে কিছু রস অভিনঅ ।
পুরুষ রতন যেই রসিক-শেখর সেই
আর জন্ম কেমনে সে কঅ ॥
স্বাবর সে জন্ম ধনু মলঅ পবন গণ্য
তার গন্ধ অঙ্গ সে ভরঅ ।
প্রসবএ কুল কুল ধনু তার কলেবর
কাম পর্স নাই তার হঅ ॥
এমতি সে দেখ স্থিতি ইহা নাহি মিলে কতি
সুন্ধ জন্ম অতিসঅ ॥
কটাক্ষ নয়ন সরে সে অঙ্গ সে রসে ভরে
গন্ধে পুরএ সেই দেহ ।
মহাভাব-রস-সার সুলভ জন্ম তার
সেই গর্ভে হয় কার লেহ ॥
অখিল রসের সার কেহ নাহি পাই পার
হেন রসে যার দেহ হএ ।
কামগন্ধ সকপট গন্ধ নাই যায় বধ
সুন্ধ মাংস তারে কএ ॥

* * * *

মহাভাব কেমনে সে হএ ।
সুগন্ধ সুমনোহর নয়ান কটাক্ষ বর
এইরূপে যার জন্ম কএ ॥
নাইকার জন্মাত্র অষ্টভাব ভূষা যত্র
কুন্দনে কলিত যার দেহ ।
সদা অমুরাগ মন গন্ধোন্মাদ ঘুরানন
নাইকার সিরোমণি সেহ ॥
অকথন কথা শুনি রাখি ভনএ বাণী
শুনি শুনি চণ্ডীদাস ভোর ।
তাকর বচনে অবস কলেবর
সুন্ধি পঢ়ল তাই ঠোর ॥

(১৩)

সৌরবে পাখল পরম সুখ ।
পরসে মিটল নঅন দুখ ॥
অমৃত তাপিত্ত বচন ভাস ।
শ্রবণ হরস বাড়ল পিআস ॥
এ তিন সে অঙ্গে পরস ভেল ।
তিনে এক হঞা করল মেল ॥
উভঅ ঘটন দুহঁর অঙ্গ ।
অখিল রসেতে রূপতরঙ্গ ॥

১। দ্বিতীয়

আট ভাব হএ এমতি তার ।
মহাভাব রূপে অঙ্গ সে জার ॥
পিরীতি পাইলে পরসি রএ ।
পিরীতি বিহনে সূত্র সে কএ ॥
রসের পরান এই হত তার ।
সঅন সপনে কারণ সার ॥
এ সব বচন প্রবেশ কানে ।
রামু চণ্ডীদাস এই সে ভণে ॥

(১৪)

পহিল মিলনে দরস নঅনে
তাতে উপজল পিঅ ।
রসের সাঅরে রতির উদঅ
হিআঅ রসের রিঅ ॥
চরণ-কমল সরস হইতে
ঈথিতে নারিলাঙ কি ।
নীল উতপল অতি সে বিমল
তাহাতে দেখলুঁ তি ॥
তিনটি আখর সমান করিতে
রসের সাঅরে পসি ।
উলটি নঅনে বঅন হেরিতে
নয়নে পসিল সসী ॥
অপর সরসে সরস পরসে
মনেতে হইল ভোর ।
তিসিত চাতক চাতকী পাইলে
নব জলধরে জোর ॥
অনুদিনে রতি আরতি পিরীতি
নিতুই নতন সরে ।
রসিআ নাগরী রসের সাগরী
তাহাতে পিরীতি সরে ॥
তিজ্জগত ভরি আনন্দ-লহরী
এই সে মাখুষ সার ।
অদভূত রীত ইহার চরিত
দাস চণ্ডীদাস যার ॥

(১)

পিরীতি বলিয়া তিনটি আখর
শ্রবণে শুনিলাঙ কথা ।
পিরীতি কমল হিমাএ ফুটিল
পরান পুস্তলি যথা ॥

পিরীতি করিল জগতে ভাসিল
ধোবিনী ছিজের সনে ।

জগতে জানিল কলঙ্ক ভাসিল
কানাকানি লোকজনে ॥

গুপত পিরীতি ব্যকত আরতি
বসতি গ্রামের মাঝ ।

ছিজের পাড়াতে বসতি তাহাতে
কথার হইল লাজ ॥

পিরীতি চরচা লোকজনে করে
কুটুম্ব দুই এক বলে ।

সে কথা শুনিয়া দ্বিজগণ বলে
কলঙ্ক ভাসিল কুলে ॥

সকল মেলিয়া একত্র হইয়া
সন্ধ্যাকালে সবে আসি ।

নকুল(১) সাক্ষাতে সভাই বলিছে
চণ্ডীদাস কাছে বসি ॥

(২)

বলে দ্বিজগণ করি নিবেদন
শুন শুন চণ্ডীদাস ।

তোমার লাগিয়া আমরা সকল
ক্রিয়াকাণ্ডে সর্কনাশ ॥

তোমার পিরীতে আমরা পাত্ত
নকুল ডাকিয়া বলে ।

ঘরে ঘরে সব কুটুম্ব ভোজন
করিয়া উঠাব কুলে ॥

পিরীতের পাড়া বেদবিধি ছাড়া
বিধির ভিতরে নাঞি ।

পিরীতি যাহার বিধি অগোচর
ব্রহ্মপুত্র তার ঠাঞি ॥

শুনি চণ্ডীদাস ছাড়িয়া নিশ্বাস
ভিজিয়া নমান-জলে ।

ধোবিনী সহিতে আমি যেন তাথে
উদ্ধার হইব কুলে ॥

পিরীতি আলম্ব পিরীতি কুটুম্ব
পিরীতি সমুদ্র বিধি ।

পিরীতি উন্মাদ পিরীতি আশ্বাদ
পিরীতে পাঠব নিধি ॥

পিরীতি আচার পিরীতি ব্যভার
পিরীতে তোমরা ভাই ।

পিরীতের তরে ছুয়ারে ছুয়ারে
আদর করিতে চাই ॥

(৩)

শুন হে নকুল ভাই ।

কুটুম্ব ভোজন সব তুমি জান
সে সব তোমার ঠাঞি ॥

আমার এ চিন্তে খাইতে শুইতে
কেবল পিরীতি সার ।

যা করে পিরীতি তাহা মোর যতি
আপনে কি বল আর ॥

তুমি এক জন বিজ্ঞ মহাজন
সকলে পুঞ্জিত বট ।

ধোবিনী আশ্রম চণ্ডীদাস কহে
কে বলে পিরীতি ছোট ॥

(৪)

শুনিয়া নকুল কহিতে লাগিল
শুন চণ্ডীদাস ভাই ।

কুটুম্বের দল অতি মহাবল
সকল সভাতে চাই ॥

তোমার বাড়িকে(১) যদি কেহো গেল
সে যদি না খাল্য(২) ঘরে ।

তবে সে বিষম হইল কেমন
কুটুম্ব গঞ্জিয়া মারে ॥

যে জন অক্ষিত সে যদি দ্রষ্টিত
কুটুম্ব লোকেতে ভজে ।

তাহার ব্যভার সকলের ধরে
সে জন লোকেতে পূজে ॥

তুমি এক জন সবলে উত্তম
দ্বিজ-কুলে উপাদান ।

কুটুম্ব সকলে বিজ্ঞমতে বলে
বিদ্যাতে বিজ্ঞাভিরাম ॥

আমি সে তোমার তুমি সে আমার
ক্রিয়া বেদমার্গে হই ।

এ ঘোর সংসারে বলিবে আমারে
আপনা করিয়া লই ॥

শ্রীগুরুচরণ যার দৃঢ় মন
পিরীতি হইল তায় ।

নকুল সন্দেশে চণ্ডীদাস সাধে
ছুজনে বিচার যায় ॥

১। বাড়ীতে

২। খাইল ।

(৫)

শুনি চণ্ডীদাস ছাড়িয়া নিখাস
ধীরি ধীরি কিছু বলে ।
পিরীতি সংসার পিরীতি ব্যভার
পিরীতে কুটুঘ মিলে ॥
তুমি বড় লোক জানে তোমা লোক
আমাতে পিরীতি কুল ।
তোমার অজ্ঞাতে পাঞাছি পিরীতে
পিরীতি সকল মূল ॥
পিরীতি জ্ঞাতি পিরীতি জ্ঞাতি
পিরীতি কুটুঘ হয় ।
পিরীতি স্বভাব পিরীতি বিভব
পিরীতি এমন বয় ॥
তোমার বচন অমৃত সিঞ্চন
কাটিতে না পারি আমি ।
তুমি সে আমার সকলের সার
যা কর তা কর তুমি ॥
শুনিয়া নকুল হইল আকুল
ভিজিয়া নয়নজলে ।
তোমার চরিত জগতে পবিত্র
উদ্ধারিবে যেন কুলে ॥
তোমার কারণে সকল চরণে
বসন বান্ধিব গলে ।
দুয়ারে দুয়ারে ফিরি ঘরে ঘরে
কে বা তাহে কিছু বলে ॥
যে জন বলিব সকল শুনিব
আমঙ্গল আগে করি ।
ধোবিনী আবেগে কহে চণ্ডীদাসে
তোমার গুণেতে মরি ॥

(৬)

ঠাকুর নকুল মনেতে বাড়িল
আমঙ্গল ঘরে ঘরে ।
আপনে আসিয়া বসন বান্ধিয়া
কুটুঘ-গৃহেতে ফিরে ॥
সকলে বসিল আমঙ্গল দিল
বচন উঠাল্য(১) ভায় ।
দশ জনে বলে ঠাকুর নকুলে
কি কাজ করিবে রায় ॥

১। উঠাইল ।

সব দ্বিজগণে একত্র আসনে
কি কাজ করিবে ঘরে ।
কি কাজ না গিয়া বসন বান্ধিয়া
এতটা কাতর কারে ॥
তুমি এক জন সভার পূজন
দশ জনে তোমা মানে ।
সকলে পূজিত কুটুঘে বেষ্টিত
এমন কাতর কেনে ॥
শুনিয়া নকুল সকলে বলিল
তোমরা আমার গোড়া ।
ধোবিনী সহিতে চণ্ডীদাস তাপে
জ্ঞাতি পাতে হলা ছাড়া ॥

(৭)

শুনিয়া বচন বলে দশ জন
শুনহ নকুল রায় ।
উত্তম করম করে যেই জন
সে জন দুখ কি পায় ॥
নৌচের মনেতে আসক তাহাতে
যাহার ডুবিল মন ।
ইহকালে তার পবকালে পাব
করে কোন মহাজন ॥
তুমি এক জন বট মহাজন
সকল করিতে পার ।
তোমার বচনে ডুবে কোন্ জনে
এতটা করিবে কার ॥
আপনার যে করিবেক সে
মজাবে আপনা জ্ঞাতি ।
আমি নিজে বলি কুলে জলাঞ্জলি
যাহার এমন মতি ॥
আমরা নারিব এমন করিতে
ব্যভারে দিতে সে পান ॥
কহিব উচিত বড় বিপরীত
ব্যভারে সে অপমান ॥
পুল পরিবার আছহ সংসাব
তাহারা সম্মত নহে ।
ধোবিনী আবেসে কহে চণ্ডীদাসে
বড় বিপরীত কহে ॥

(৮)

অতি সে কাতরে নিবেদন করে
নকুল দ্বিজের মণি ।
তোমরা সকলে উদ্ধারিবে কুলে
আজ্ঞা দেহ সতে জানি ॥

আমি সে অধম অতি নরাধম
তোমরা সকল সার ।
তোমরা নহিলে কি গতি হইব
কোন্ জনে করে পার ॥
দশ জনা যারে আপনার করে
সে জন জগতে ধন্য ।
সুমেরু হেলাতে পারএ বাহুতে
কি করিতে পারে অন্য় ॥
আজ্ঞা দেহ মোরে যাই দ্বিজ ঘরে
দৃঢ় করি দেহ পান ।
পান শিরে ধরি যাই ধীরি ধীরি
সামগ্রী করিতে জন ॥
নকুল ভঞ্চিত্তে দশ জনা তাথে
কায়মনে দিল পান ।
তোমাতে হইতে পার হলা জাতে
তোমার হইল নাম ॥
তুমি সে ধন্য তোমা বিনে অন্য়
হেন কাজ কেবা করে ।
ধোবিনী সহিতে উদ্ধারিল জাতে
দশ জনে সব পারে ॥
আমি সে নফর হইব দশের
সকল জনের জন ।
দশ জন বলে তবে যাব হেলে
চরণে রহুক মন ॥
এই কথা বলি দিঞা করতালি
প্রণাম করিল তায় ।
ধোবিনী আবেসে কহে চণ্ডীদাসে
পিরীতে সমান যায় ॥

(৯)

দ্বিজের ভবনে করিল গমনে
নকুল আইল তথা ।
চণ্ডীদাস ঘরে কিবা কাজ করে
যেখানে যে থাকে যেথা ॥
সকল ব্রাহ্মণ করিবে ভোজন
সকলে দিলেন পান ।
সকলের মূল সামগ্রী করিলে
আমি হই পরিভ্রাণ ॥
তুমি যে কি বল ভাঙ্গিয়া সকল
অস্তুর বাহির মনে ।
আওজন করি সামগ্রী আবারি
তবে সে কুটুম জানে ॥

ধন্য পিরীতি আওজন তথি
সামগ্রী পিরীতি সার ।
যে ধন মাগিবে সে ধন পাইবে
পিরীতি হঞাছে যার ॥
নকুল বলিল কেমন পিরীতি
কিবা সে ধনের ধন ।
ধোবিনী আবেসে কহে চণ্ডীদাসে
নকুল পাইল মন ॥

(১০)

নকুল সজ্জতে বকুলতলাতে
গমন করিল তায় ।
বিরলে দু'জনে বসি একাসনে
কি ধন মাগিছ রায় ॥
নকুল বলিছে কিবা ধন আছে
সে বিনে পিরীতি ধনে ।
যে ধন মাগিবে সে ধন পাইবে
যদি দড়াইবে(১) মনে ॥
নকুল বামন শুনিয়া তখন
কহিছে দ্বিজের রায় ।
ভজন যজন পিরীতি সাধন
পিরীতি সেবিলে পায় ॥
ভজিব পিরীতি স্বভাব আরতি
পিরীতি পরাণ সার ।
পিরীতি করম পিরীতি ধরম
এ ভবে পিরীতি পার ॥
পিরীতি সাধনে আপনার মনে
যদি দড়াইতে পারি ।
ই দেহেতে এই সে দেহেতে সেই
পিরীতি কিশোরী গুরি ॥
সাধক দেহেতে সাধিতে সাধিতে
সাধন পিরীতি নাম ।
বলিতে বলিতে হেদে আচম্বিতে
নকুল হইল আন ॥
নকুল শরীর হইল অস্থির
হৃদয় দেখিলুঁ দুই ।
নকুল মনেতে দৃঢ় হইল চিতে
মন-কথা মনে থুই ॥
আপন মনেতে উদয় তাহাতে
কেবল সাধন যার ।
ধোবিনী আবেসে কহে চণ্ডীদাসে
নারীর জনম সার ॥

১। দৃঢ় করিবে ।

(১১)

নকুল তখন করে আওজন
কুটুম্ব ভোজন লাগি ।
নিজ একমনে করে আওজনে
কত দিবা নিশি জাগি ॥
সামগ্রী করিল সকল হইল
গুড়িয়া(১) বসাল্য ঘরে ।
নানা উপহার ঘৃতপক আর
গুড়িয়া বনান কবে ॥
জিলেপি মালপা কচোরী আলকা
পুরি থিরি চিনী কলা ।
সীতা মিশ্র আদি পিরীতি ঐষধি
তাহার গাঁথিব মালা ॥
সামগ্রী পিরীতি উপহার তপি
সীতামিশ্রী নামে মেওআ ।
ধোবিনী আবেসে কহে চণ্ডীদাসে
পিরীতি চরণ ধেআ ॥

(১২)

ধোবিনী নিকটে স্নান করি ঘাটে
দেখিল নকুল রায় ।
নকুল দেখিঞা আকুল হইল
ধোবিনী উলটি চায় ॥
ধোবিনী জপিছে পিরীতি পিরীতি
পিরীতি জপিল জলে ।
জলেতে পিরীতি স্থলেতে পিরীতি
ধেয়ানে পিরীতি মিলে ॥
পিরীতি দেখিল ঠাকুর নকুল
মনের ভিতরে রাখে ॥
তা দেখি ধোবিনী কহে কিছু বাণী
এ কথা কহিব কাখে ॥
শুনি নাহি ভাষ পিরীতি নৈরাশ
কুটুম্ব ভোজনে মন ।
ঠাকুর নকুল হয়েছে সকল
তুমি এক মহাজন ॥
তোমার চরিত্রে জগত পবিত্র
তোমার সাধু যে বাদ ।
তুমি যে সকল জাত্যে পাতে্যে তোল
নীচ প্রেমে উনমাদ ॥

বর্ণাশ্রম ছার পিরীতিকে দঢ়
যাহার পিরীতি হয ।
এ সব ভাবিঞা যে জন করিল
সে কেন ভারতে রয় ॥
এ কথা বলিয়া ধোবিনী চাহিয়া
গমন করিল ঘরে ।
নয়নেব জলে কাঁদিয়া বিকলা
মনে বোধ দিতে নায়ে ॥
গৃহেতে যাইঞা পালক পাড়িয়া
শয়ন করিল তায় ।
কান্দিয়া মুছিছে নিশ্বাস রাখিছে
পৃথিবী ভিজিয়া যায় ॥
নুল আশিয়া দ্বিষ্টেরে দেখিয়া
ভাবিল আপন মনে ।
ধোবিনী আবেসে পিরীতির পাশে
চণ্ডীদাস কান্দে কেনে ॥

(১৩)

ধোবিনী উঠিয়া কুলীকে আনিয়া
বকুলতলাতে বসি ।
পৃথিবী উপরে লেখে দ্বিজবরে
পিরীতি বলিয়া ফাঁসি ॥
বিরলে একলা বকুলের তলা
ডাঁড়ায় নিশ্বাস ফেলে ।
তা দেখি নকুল হইল আকুল
ভিজিছে নয়নজলে ॥
জিজ্ঞাসে নকুল হইঞা আকুল
বসিয়া ধোপিনী পাশে ।
বিকল হইয়া ধোবিনী কান্দিয়া
কেবল নিশ্বাসে ভাসে ॥
নকুল পাএতে ধরি ছুটি হাতে
ধোবিনী কান্দিয়া বলে ।
তুমি মহাজন শুন হে ব্রাহ্মণ
পিরীতির কিবা মূলে ॥
আমি অতি হীন পিরীতি অধীন
পিরীতি আমার গুরু ।
এ তিন আখর হৃদয়ে যাহার
সে জনা কল্পতরু ॥
পিরীতি ভজিল পিরীতি সাধিল
পিরীতি একান্ত মনে ।
চণ্ডীদাস সাথে ধোবিনী সহিত
মিশ্রিত একুই প্রাণে ॥

(১৪)

বিনোদ রায়(১) বন্ধু বিনোদ রায় ।
 ভাল হল্য ঘুচাইলে পিরীতের দায় ॥
 ভালই করিলে বন্ধু ভালই করিলে ।
 করিঞা নবীন প্রেম পিরীতে ডোর দিলে ॥
 ভাল হল্য ঘুচাইলে পিরীতের দায় ।
 ঘুটিয়া লইলা কালি সে কি ধূল্যে যায় ॥
 একটু নগরে ঘর পরিচয় আছে ।
 দেখা শুনা বড় ভাল কেবা করে দিছে ॥
 তুমি সে পুরুষ-জ্ঞাতি চঞ্চল মতি ।
 পাশাণে নিশান রৈল তোমার পিরীতি ॥
 তোমার পিরীতি লাগি তমু ফোতে আইলাঙ ।
 আপনার তমু দিঞা তোমা না পাইলাঙ ॥
 সঘনে নিশ্বাস রাখি ধোবিনী ফুকরে ।
 চণ্ডীদাস দ্বিজ তবে নিজ দেহ ফিরে ॥

(১৫)

পদ্মে দিয়া গেল ব্রাহ্মণ বজিল
 অন্ন আন চণ্ডীদাস ।

। জটনৈক গ্রামবাসী

তোমার অয়েতে বিকিত জগতে
 পুরিল সভার আশ ॥
 দিয়া করতালি হরি হরি বলি
 অন্ন দিল সৰ্বপাতে ।
 ধোবিনী দেখিছে দাগুইয়া নাচে
 ভাল দিঞা দুটি হাতে ॥
 ব্যঞ্জন কটোরা শাক সূপ ভরা
 ঝাল নাকরাদি আনে ।
 আনিল ঘণ্টের ব্যঞ্জন সকা
 সুখে খায় দ্বিজগণে ॥
 হাতে বেতে পাতে ভোজন করিতে
 রন্ধন বাথানে দ্বিজে ।
 ধোবিনী ডাঁড়িয়া দ্বিজপানে চাঞা
 পিরীতি পিরীতি ভঞ্জে ॥
 দ্বিজগণে ডাকে ব্যঞ্জন আনিতে
 ধোবিনী তখন যায় ।
 * * * * *
 (ইহার অপর অংশ পাওয়া যায় নাই)

বিবিধ

(বেলওয়ার)

মা বাপ জনম না ছিল যখন
আমার জনম হ'ল ।
দাদার জনম না ছিল যখন
পাকিল মাথার চুল ॥
ভগ্নীর জনম না ছিল যখন
ভাগিনা হইলা বুড়া ।
অনিত্য কুলের এ কি বিপরীতে
ন পিতা ন পিতা খুড়া ॥
খশুর খাশুড়ী না ছিল যখন
তখন হয়েছে বউ ।
ঘরের ভিতর বসিয়া রয়েছে
ইহা না বুঝয়ে কেউ ॥
নাটির জনম না ছিল যখন
তখন করেছি চাম ।
দিবস রজনী না ছিল যখন
তখন গণেছি মাস ॥
(এখন) একুল ওকুল দুকুল ডুবিল
পাথারে পড়িল দেহ ।
কহে চণ্ডীদাস কে আমি কে তুমি
ইহা না বুঝয়ে কেহ ॥

(কানাড়া)

মেঘের বিদ্যুৎ তাঁদের উদ্ভিত
বাম করে যেন ধরে ।
তোমার আমার রসের চাতুরী
আভাষে বুঝিতে পারে ॥
মানুষ মুরতি হিঙ্গোল আকৃতি
অরুণ-বরণ আঁখি ।
দাড়িষ-কুমুদ বরণ সুষম
যেন সৌদামিনী পাখী ॥
জবাতর পাখী জ্বাপুস্পে থাকি
ভিন্নভেদ নাহি হয় ।
একটি করয়ে গমনাগমন
সন্ধান নাহিক পায় ॥

রক্ত পদ্মপর রক্তবর্ণ মর
রক্তবর্ণের পঞ্চমথী ।
এ সব লইয়া করে নিত্যলীলা
আছে যমুনা শাখী ॥
হিঙ্গোল রাগের মানুষ ভজন
হিঙ্গোল রসের সেবা ।
কিবা নর-নারী গন্ধর্ষ-কিম্বরী
কিবা দেবী আর দেবা ॥
কিবা মৃগপাখী কিবা বৃক্ষ কাঁকে
কিবা কাঁট জলচর ।
হিঙ্গোল রাগেতে আরোপিত হলে
হিঙ্গোল বরণ তার ॥
হিঙ্গোল রাগেতে কহে চণ্ডীদাসে
হিঙ্গোল পাখীর ঠাই ।
হিঙ্গোল রাগেতে যে জনা ভজিবে
সে জনা মানুষ পাই ॥

(শ্রীনট)

একা কাঁখে কুম্ব করি যমুনাতে জল ভরি
জলের ভিতরে শ্রাম রায় ।
ফুলের চূড়াটি মাথে মোহন মুরলী হাতে
পুন কাহু জলেতে লুকায ॥
যমুনাতে দিতে চেউ আর না দেখিল কেউ
চেউ স্থির মাঝে পুন কাহু ।
কতক প্রবন্ধ করি ধরিবারে চাই হরি
ধীরে ধীরে হাত বাড়াইহু ॥
* * * * *
হাত বাড়াইয়া নাই পাই ডুবিয়ে ধরিতে চাই
কাঁদিতে কাঁদিতে ঘরে আইহু ।
চণ্ডীদাসের বাণী শুন রাধা বিনোদিনী
মিছে কেন ডুবেছিলে জলে ॥
বুঝিতে নারিলে মায়া জলে ছিল অজহায়া
শ্রাম ছিল কদম্বের ডালে ॥

(ধানশী)

প্রেমের পিরীতি অতি বিপরীতি
 দেহ-রতি নাহি রয় ।
 প্রকৃতি প্রভাবে স্বভাব রাখিবে
 এ কথা কহিতে ভয় ॥
 অনলেতে ঘৃত যদি হয় স্থিত
 তাহার তুলনা সেই ।
 ক্রোড়ে কোন জন আছয়ে এমন
 যাজন করেছে যেই ॥
 পুরুষের রতি শূন্য দিয়া তথি
 প্রকৃতি রসের অঙ্গ ।
 প্রকৃতি হইয়া পুরুষ আচরে
 করিবে সে নারীর সঙ্গ ॥
 উলটায় রতি অতি বিপরীতি
 প্রেম রতি অতি নয় ।
 চণ্ডীদাসে কয় দেহ-রতি নয়
 বিন্দুপাত নাহি হয় ॥

(সুহই)

তিনটি আখরে না জানি কি আছে
 তিনেরে করিল বশ ।
 তিন ভয়ে তনু সঘনে কম্পিত
 তিনে করে অপযশ ॥
 সখি হে, তিনের মূল কি বটে ।
 যেন তিন লাগিয়া দুই বেয়াকুল
 তিন গায় বাটে মাঠে ॥
 তিন সো গারিয়া তিন হি লাগিয়া
 তিনে স্থির নাহি বাধে ।
 তিন সে কেমন বৃদ্ধ সুজন
 তিনেতে জগৎ সাধে ॥
 যাবে দুই মিলে আর দুই গেলে
 দুয়ে দুয়ে হ'ল চারি ।
 তিনে চার মিশাইল সাত অক্ষর হইল
 তিনের বলিহারি ॥
 কণমাত্র নাই চেরে দুই গেলে
 তাহা দগি লোক হাসে ।
 সেই দুই কখন তিন সদাক্ষণ
 তাহে চণ্ডীদাস ভাসে ॥

(শ্রী)

কামের স্বরূপ নাহিক ইহাতে
 রাসের স্বরূপ রয় ।
 একান্ত করিঞা প্রকৃতি হইঞা
 মানুষ জন্মাবেশ হয় ॥
 নিষ্কামী হইঞা রাখা রতি লঞা
 একান্ত করিঞা রবে ।
 তবে সে জানিবে দেহ রতিশূন্য
 প্রকৃতি জানিতে পাবে ॥
 সখী গোত্র ধরি করি অঙ্গীকার
 অত্র গোত্র নাহি রবে ।
 প্রকৃতি সেবিঞা পুনঃ সঙ্গ হ'লে
 এ ঘোর নরকে যাবে ॥
 রাগের সাধনা প্রেম-রতিগুণ
 দেহ-রতি নাহি রবে ।
 পুনঃ ইহা হঞে অত্র অত্র মনে
 তবে সে নাহিক পাবে ॥
 চৈত্র রূপার নিগূঢ় করণ
 এই সে কহিলাম সার ।
 চণ্ডীদাসে কয় কামাঙ্গুগা নয়
 যেন সে করাত ধার ॥

(কাফি)

মানুষ মানুষ সবাই বয়ে
 মানুষ কেমন জন ।
 মানুষ রতন মানুষ জীবন
 মানুষ পরাণ ধন ॥
 ভুবনে ভুলয়ে এ সব লোক
 মরম নাহিক জানে ।
 মানুষের প্রেমা নাহি জীব কে
 মানুষে সে প্রেমা জানে ॥
 যে জন মানুষ সে জানে মানুষ
 মানুষে মানুষ চিনে ।
 এ লোক মানুষ এ ছয়ের বল
 মানুষে মানুষ জানে ॥
 মানুষ যারা জীমস্তে মরা
 সেই ত মানুষ সার ।
 মানুষ লক্ষণ মহাভাগ্যান্
 মানুষ সবার পর ॥

মানুষ নাম বিরল ধাম
বিরল তাহার রীতি ।
চণ্ডীদাস কহে সকলি বিরল
কে জানে তাহার রীতি ॥

চণ্ডীদাস কহে পাইতে বিরল
এই ত মানুষ রস ।
যাহার আলাপে দুখ ভয় ভঞ্জে
সবা হইতে প্রেম-রস ॥

(বেলোয়ার)

(সিন্ধুড়া)

বসিয়া অবস্থিপূরে পড়িয়া পড়ন পড়ে ।
হেন কালে এক রসের নাগরী
দরশন দিল মোরে ।
সে যে চাহিল আমার পানে,
তায় হানিল মদন-বাণে ।
সেই হৈতে মন করে উচাটন,
ধৈর্য না মানে প্রাণে ॥
সে যে রসের পুতলী বালা,
তার মদন-মোহন লীলা ।
চেতন সহিতে চড়ি মনোরথে
করয়ে বিবিধ খেলা ॥
পাপভয় করি মনে,
তারে ছাড়িতে চাহি যেমনে ।
বাঢ়িল মদন করিল রমণ
যাপল রমণী সঙ্গে ॥
সে জগৎজননী উমা,
রাখিতে নারিল আশা ।
দেখিয়া সে রূপ নবীন পিরীতি
জাতিকুলে দিল সীমা ॥
যত মনে করি বারা,
ততু রজক রমণী সারা ।
চণ্ডীদাস বলে নবীন পিরীতে
জীয়েন্তে হইলাম মরা ॥

(সুহই-মঙ্গল)

কে বা সে প্রকৃতি পুরুষ কে বা ।
কে বা সে মানুষ কার করে সেবা ॥
প্রকৃতি বলিয়া বলয়ে জগতে ।
প্রকৃতি কি বস্তু না জানে তসে ॥
রসের মাধুরী সবা হইতে ভারি
বৃষ্টিতে শক্তি কার ।
এ সব বিরল অদভূত সকল
ইহাতে মানুষ অধিকার ॥

তার পর দিনে দেবী আরাধনে বসিলাম যতন করি ।
অই শুভ দিনে দেবী-বার স্বর্ণ আভিনায় পেখলু গোরী ॥
হায় মন চলি গেল কেন ।
দেখিঞা সেরূপ নবীন পিরীতি স্বরণ লইলা যেন ॥
শুন শুন দেবি তোমা সে আমি বিচল হইল মোর ।
পুণ্য গেল মোক্ষাদি সকল চরণ না পেলাম তোর ॥
দেবী কহে পুনঃ শুনহ বচন বিরোধ না বাস তুমি ।
বহু ভাগ্যের উদয়ে শুভার যোগবলে জানি আমি ॥
জনম সফল জরামৃত্যু গেল, ঘুচিল যতেক দায় ।
হরি হর ব্রহ্মা তৃষ্ণা দিক কথা ধয়ানে নাহিক পায় ॥
পিরীতি রতনে করিবে যতন, আমার বচন মানি ।
ভজ শুদ্ধ রতি স্বরূপেতে স্থিতি প্রেম অনুসারে গনি ॥
ইহাকে নাহি সারাৎসার জপিবে জগৎমাঝে ।
আমি হেন কত দেবী দেবা গেলে
কি করে তোমার কাছে ॥
চণ্ডীদাস কয় এই সত্য হয় স্বভাব স্বরূপ দেহা ।
বাশুলী-বচনে সত্য জানি মনে ধোবিনী সঙ্গতি লেহা ॥

(তিরোতা-ধানশী)

যেবা জন জানে কহিতে না পারে
গুমরে গুমরে সেহ ।
সে আপনার গুণে তরিল আপনে
তাহারে তরাবে কেহ ॥
শুনহ রসিক ভকত জন ।
জগতে জানি রাখিবে মন ॥
রসিক নাগরী পাইয়া যথা ।
কামের কোতুক বাড়াবে তথা ॥
রসিক যুবতী হইবে যে ।
রসিক পাইলে না ছাড়ে সে ॥
প্রকৃতি হইয়া রস না জানে ।
জনমিয়া সে মৈল না কেনে ॥
যে না জানে রসের রীতি ।
সদাই আনন্দ তাহার চিত ॥
কি নারী পুরুষ দৌহেতে একা ।
কহে চণ্ডীদাসে পিরীতি লেখা ॥

(৩)

দূরতি দূর সে প্রেমরতি পুন এক আছে রসভঙ্গ ।
এমতি জানিঞা রসিক দেখিঞা করিবে সে নারীসঙ্গ ॥
রসিক জানয়ে রসের চাতুরী সেই সে তাহার

সোণায় সোহাগা যেন ।
রসের পরাণে প্রেমের পিরীতি মিশাইয়া আছে তেন ॥
না দেখিলে মরি দেখিলে কি করি

হিয়াএ হিয়াএ খোব ।
আপনা বেচিঞা তাহারে কিনিব
লোকাপেক্ষা নাহি নিব ॥

লোক কুবচন গুরুর গঙ্গন মেল মানিলাম বিধে ।
চণ্ডীদাস বলে গোপত না হলে পরকিয়া হবে কিসে ॥

(সুহ-বেলাবনি)

পুরব সে অবতারে পূর্ণ পূর্ণ অবতারে
সূর্য্যবংশ রাম অবতার ।

নব-দুর্বাদলতমু করে ধরি শর ধমু
দশরথসুত অনিবার ॥

পালিতে বাপের সত্য এ চৌদ্দ বৎসর গত
শিরে জটা পরিয়া বাকল ।

করিয়া সীতারে সঙ্গ বন ভ্রমি নানা রঙ্গ
সীতাপতি শ্রীরাম সুন্দর ॥

সেই সীতা দশাননে হরিয়া জইয়া বনে
জকাতে জইয়া গেল তারে ।

কেবল দৈশ্বর অংশ রাবণ করিয়া ধ্বংস
করি পছ সীতার উদ্ধারে ॥

সাতার উদ্ধার করি অযোধ্যাতে অবতরি
ছত্র দণ্ড দিয়া কৈলা রাজা ।

কোন লোক অপরাধে পাইয়া সে রঘুনাথে
সীতা বনবাসে দিল ভেজা(১) ॥

ভেজি রঘুনাথসঙ্গ সুপথে হইল ভঙ্গ
পুরব-কাহিনী কহে রাধা ।

রাধার যুক্তি এই নিশ্চয় করিব সেই
চণ্ডীদাস কহে কিছু বোধা ॥

(বেলাবলী)

নিপট নালজ বনমালি ।
বাথানে কি ভেটে চন্দ্রাবলী ॥
হেমঘট দেখিয়া পাথারে ।
সে রাধার মন সাতপাঁচ করে ॥

১। ভেজা—পাঠাইয়া ।

মাকড়ের হাতে নারিকেল ।
খাইতে সাধ ভাজিতে নাহি বল ॥
সাপের মাথায় মণি জলে ।
বড়ু কহে বাণুলীর বলে ॥

(সুহই)

অনুরাগে রাধা বেধিত অন্তরে
পাইয়া বিষম জালা ।

ক্লেণে কত শত উঠে অচুরথ
দেখিয়া কদম্বতলা ॥

সেই সে যমুনা জল-কেলিপথ
ঘাটের মাঝারে গিয়া ।

পুরব পিরীতি যেখানে করিল
দেখি পড়ে মুরছিয়া ॥

যেখানে বসন হরণ করিল
রসিক নাগর কান ।

তা দেখি কিশোরী সকল বিসরি
উঠিল দারুণ মান ॥

যেখানে সঙ্কেত দেখিল বেকত
ধরিয়া মাধবা-ডাল ।

বিষম বিদ্রহ তাহে উপজিল
নমনে বহয়ে ধার ॥

যেখানে সঙ্গত করল নাগর
গিয়া সে কিশোরী রাই ।

তা দেখি লুটত মহীর উপরে
চণ্ডীদাস গুণ গাই ॥

(৩)

গৃহমাবে রাধা কাননেতে রাধা
সকলে রাধারে দেখি ।

শয়নে ভোজনে গমনে রাধিকা
রাধিকা সদাই মতি ॥

প্রেমেতে রাধিকা স্নেহেতে রাধিকা
রাধিকা আরতি পাশে ।

রাধারে ভজিয়া রাধাকান্ত নাম
পেয়েছি অনেক আশে ॥

জ্ঞানেতে রাধিকা ধ্যানেতে রাধিকা
রূপেতে রাধিকাময় ।

সর্ব্বাঙ্গে রাধিকা স্বপ্নেহ রাধিকা
সর্ব্বত্র রাধিকাময় ॥

শ্রামের বচন আরতি ভকতি
 শুনি রসমই রাখা ।
 চণ্ডীদাস বলে এমন পিরীতি
 হৃদয়ে হৃদয়ে বাঁধা ॥

(করুণা-বরাড়ি)

তোমার মহিমা বেদে দিতে গীমা
 কেহ সে নারিয়াছে ।
 তব বিরিকির তার অগোচর
 কেহ সে জাগিয়াছে ॥
 কত শত শত ভাব অল্পরত
 যে জন মজিয়া থাকে ।
 সোটক গুটিক কোন এক খানে
 রসিক পাইয়া থাকে ॥
 রসে রস পুরি প্রেমের গাগরি
 সায়রে খুঁজিলে পাবে ।
 তিনে তিন মিলি হইবে বেকত
 নয় গুণ যারে লবে ॥
 এ তিন তটস্থ এ তিন বেকত
 যত গুণ যাতে বসি ।
 তর তম করি বিচার করিলে
 সেই এর অভিজাষী ॥
 চণ্ডীদাস কহে গুণে গুণ মিশি
 এ তিন বস্তু সাধে ।
 আছে এক রতি তাহে নাহি গতি
 এ কথা বুঝিতে সাদে ॥

(কানাড়া)

রাই তোমার মহিমা বড়ি ।
 গোলোক তেজিয়া রহিতে নারিনু
 আইল তথায় ছাড়ি ॥
 রসতত্ত্বখানি আন অবতারে
 বুঝিতে নারিয়াছি ।
 তাহার কারণে নন্দের ভবনে
 জনম লভিয়াছি ॥
 বর্ণ বর্ণ ভেদ রস চাক্র বেদ
 ভেদ আছে নয় রস ।
 চাক্র সে পল্লব ছয় ছয় গুণ
 ইহা কি আনের বশ ॥

নবর্ষক রতি আঠার প্রকার
 পাঁচ গুণ তার হয় ।
 তর তম করি রসিক বুঝিলে
 সিদ্ধি সাধনে কয় ॥
 বৃজ বৃজপুর ব্রজের মহিমা
 তুমি সে ইহার রতি ।
 আট আট গুণ তটস্থ করিলে
 বুঝিতে পারয়ে রীতি ॥
 চণ্ডীদাস কহে এই সে মাধুরী
 ব্রজেশ্বরী প্রিয় রাখা ।
 অসীম চাতুরী দৌহার পিরীতি
 প্রেম-সুধারসে বাঁধা ॥

—

(শ্রী)

রাই বিনে মনে সকলি আঁধার
 দেখিলে জুড়ায় আঁখি ।
 তোরে রসময়ি যবে নাহি দেখি
 মরমে মরিয়া থাকি ॥
 তোমার পিরীতি সুখের আরতি
 তো বিনে নাহিক আন ।
 তুমি সাথে রাখে পীতের বসন
 পরিষে করিবে গান ॥
 তোমার মহিমা ও সুখ-গরিমা
 রাখার আখর দুটি ।
 হামারি মস্তে করে কর ধরি
 নিরবধি জপি কোটি ॥
 রাখা বিনে যত সে সব নৈরাশ
 আশবাস তুমি পাশ ।
 তুমি মন্ত্র তন্ত্র তুমি সুধাকর
 তুমি উপাসনা বাস ॥
 চণ্ডীদাস বলে বড় অদভূত
 দৌহার মহিমা রীতি ।
 কেবা ইহা তত্ত্ব বুঝিব বেকত
 যার আছে রসে চিত ॥

(কাফি)

তোমার বরণ অতি অল্পপাম
 যে দিন না দেখি তোয় ।
 তুমি সে চম্পক অতি মনোহর
 নিরখিতে আঁখি রোঁয় ॥

পল্লিশি

গোষ্ঠবিহার

(গুঞ্জরী)

বদন হেরিয়া গদগদ হৈয়া
কহে বিনোদিনী রাই ।
শুন লো স্বজনি হেন মনে গণি
আন ছলে পথে যাই ॥
হেরি শ্যামরূপ নয়ন ভরিয়া
আঁখির নিমিষ নয় ।
এক আছে দোষ গুরুজন রোষ
তাহাই বাসিয়ে ভয় ॥
আঁখির পুতলী তারার মণি
যেমন খসিয়া পড়ে ।
শিরীষ কুসুম জিনিয়া কোমল
পাছে বা গলিয়ে পড়ে ॥
নীর অধিক শরীর কোমল
বিষম ভায়ুর তাপে ॥
জানি বা ও অঙ্গ গলি পানি হয়
ভয়ে সদা তমু কাঁপে ॥
কেমন যশোদা নন্দ ঘোষ পিতা
হেনক(১) সম্পদ ছাড়ি ।
কেমনে হৃদয় ধরিয়া আছয়
এই ত বিষম বড়ি ॥
ছারেখারে যাক এ সব সম্পদ
অনলে পুড়িয়া যাক ।
এ হেন ছাওয়ালে ধেনু নিয়োজিয়া
পায় কত সুখ পাক ॥
চণ্ডীদাস বলে শুন ধনি রাধা
সকল গুপত যানি ।
কোন্ কোন্ ছলা যাহার কারণে
আমি সে সকল জানি ॥

(বেহাগ)

আজু কে গো মুরলী বাজায় ।
এত কভু নহে শ্যামরায় ॥
ইহার গৌর বরণে করে আলো ।
চুড়াটি বাধিয়া কে বা দিলো ॥

১। হেনক এমন ।

তাহার ইন্দ্রনীল কাস্ত তমু ।
এ ত নহে নন্দমুত কাহু ॥
ইহার রূপ দেখি নবীন আকৃতি ।
নটবর বেশ পাইল কথি ॥
বনমালা গলে দোলে ভাল ।
এনা(১) বেশ কোন্ দেশে ছিল ॥
কে বানাইল হেন রূপখানি ।
ইহার বামে দেখি চিকণবরনী ॥
হবে বুঝি ইহার সুন্দরী ।
সখীগণ করে ঠারঠারি ॥
কুঞ্জে ছিল কাহু কমলিনী ।
কোথায় গেল কিছুই না জানি ॥
আজু কেন দেখি বিপরীত ।
হবে বুঝি দৌহার চরিত ॥
চণ্ডীদাস মনে মনে হাসে ।
এরূপ হইবে কোন দেশে ?*

স্বপ্নরমোদগার

(বরাড়ি)

চলহু সই জল ভরিতে যাই ।
যে ঘাটে চন্দন চুয়া ভাসে ।
কলসী ভাঙ্গিয়া ঝিকটি খেলিব
যাবৎ কৃষ্ণ না আইসে ॥
এসহ সকল সখি বৈসহ আমার কাছে
স্বপন কহি যে তোমার আগে ।
নিশি দ্বিপ্রহরে স্বপন দেখিমু
বঁধুয়া শিয়রে জাগে ॥
শিয়রে বসিয়া ঈষৎ হাসিয়া
গায়তে বুলায় হাত ।
সুতার সঞ্চার দ্বার নাইক নড়ে
কোন্ পথে গেলা প্রাণনাথ ॥

১। এমন ।

* এই পদটি চণ্ডীদাসের ভূমিকায় পাওয়া গেলেও
ইহাকে আমরা মহাপ্রভুর পরবর্তী যুগের পদ বলিয়া
নিঃসন্দেহে ধরিয়া লইতে পারি। কারণ, এই পদে
আমরা শ্রীচৈতন্যদেবেরই রূপ বর্ণনা সমধিক স্পষ্ট-
ভাবে দেখিতে পাই।

ডাহকী ডাকয়ে কোকিল কুহরে
চকোর ছাড়য়ে নিখাস ।
বাসুদী-চরণ শিরেতে বন্দিয়া
কহে বড় চণ্ডীদাস

ঠোঁহা রূপ গুণ স্মরি ধৈরজ ধরিতে নারি
মুরছিত মুরলীর গানে ।
হৃদয়ে বাড়য়ে রক্তি যে না মিলে পতি সতী
কুলের ধরম নাহি জানে ॥

* * * *

অমুরাগ—সখী-সম্বোধনে

কি-রূপ দেখিছু সই কদম্বের তলে ।
লখিতে নারিছু রূপ নয়নের জলে ॥
কি বৃদ্ধি করিব সই কি বৃদ্ধি করিব ।
নিতি নব অমুরাগে পরাণ হারাব ॥
কিবা নিশি কিবা দিশি কালা পড়ে মনে ।
দেখিলে এমন হবে জানিব কেমনে ॥
গৃহ-কাঞ্জে নাহি মন কর নাহি সরে ।
শ্রামনাম শুনিতে পুলকে অঙ্গ ভরে ॥
তাহে সে মোহন বানী রাখা রাখা বাঞ্জে ।
পবাণ কেমন করে মনু লোকলাঞ্জে ॥

(গড়া)

কেন বা কান্নকে আমি উপেখি আইছু ।
আপনা আপনি কেন গরল খাইছু ॥
হায় হায় কি মাটি খাইয়া মুই এমতি করিছু ।
হাতের রতন পায়ে ফেলাইছু ॥
সুধা পিবহিতে গেলু ডুবিলাম বিবে ।
হিয়া গদগদি হইল জুড়াইব কিসে ॥
চন্দন-তরুর কাছে গেলাম ভালে ।
অমৃতের বিষফল হইল দেবলে ॥
কি জানি ললাটে মোর এমতি আছিল ।
চণ্ডীদাস কয় সই উদয় হইল ॥

অমুরাগ—প্রকারান্তর

যাবট নিকট গিয়া যায় বেণু বাজাইয়া
তখন আমি ছুয়ারে দাঁড়ায়ে ।
দেখি বলি আইছু আমি ফিরিয়া না চাহিলে তুমি
আঁখি রছিল চাঁদমুখ চেয়ে ॥
শ্রীদামের সঙ্গে সঙ্গে নাচিতে নাচিতে রঙ্গে
দাঁড়াইলে হলধরের বামে ।
কাঁদিতে কাঁদিতে হাম হয়ে বাউরী নিয়ম
প্রবেশিলাম ললিতার ধামে ॥

অপ্রকাশিত পদাবলী

শ্রীযুত যোগানন্দ ব্রহ্মচারী (বাদীটোলা,
মালদহ) মালদহের সন্নিক্ত সাহাপুর গ্রামে ১২৫০
সনে শ্রীহরিপ্রসাদ দাসের হস্তলিখিত পুঁথি হইতে
চণ্ডীদাসের নিম্নলিখিত অপ্রকাশিত পদগুলি উদ্ধার
করিয়া "মাসিক বসুমতী" পত্রিকায় প্রকাশ করেন :

(১)

কৈশর বয়স তার যুগে যুগে হয় ।
আনন্দেতে লীলা-খেলা কুঞ্জেতে করয় ॥
আসি চোরাসি ক্রোশ এই দেহ মধ্যে ।
নিধুবন ইহার দেখ পরতেকে ॥
কাম্যবন কোটাতটে এই মনহর ।
বেন বোন শোভা করে উরুর উপর ॥
এমন দেহের গম্য বুঝিতে না পারে ।
তে কারণে জন্মে জন্মে নরকেতে পড়ে ॥
ধ্বিজ চণ্ডীদাস বলে এই দেহ সার ।
এই দেহ বিনে মন না ভাবিহ আর ॥

(২)

পিরীতি বলিয়া তিনটা আখর
বুঝিতে বিসম বড় ।
না জানে মুরুখ পিরীতির সুখ
করিতে না পারে দড় ॥
সই সেই সে মুরুখ কে ।
না জানে মরম বাথানে ধরম
বিস্ত মুকুখ সে ॥
প এতে পরাণ র এতে জীবন
ত এ পতিব্রতা সতি ।
বেদবিধি ধর্ম কুল শীল মর্ম
এ কাস্ত রতি ॥
হেরিয়া গরল চাতক যেমন
পিউ-পিউ সদা ডাকে ।
সপ্তসমুদ্র নদী সরোবর
তার বিন্দু নাহি দেখে ॥

যে জানে পিরীতি তার এই গতি
সেই সে পিরীতি জানে ।
পিরীতি ঠাঁপিল তাহারে সকল
তা বিনে আনে না মানেন ॥
পরম পিরীতি তাহে বস্তু-প্রাপ্তি
রিজ অরিজের রোধ ।
নিজ প্রাণ-ধন আর যে মরম
নিছনে আপনা শোধ ॥
আপনা আপনি সখি তারে জানে
আপনা চিনেছে যে ।
লোক চরাচর ধরম করম
সকলি ছেড়াছে যে ॥
শত শত জন পিরীতি বাখানে
কেহ সে বুঝিতে নারে ।
চণ্ডীদাসে বলে ব্রাহ্ম সকলে
কে কারে পিরীতি করে ॥

(৩)

শুন সো সুন্দরী প্রেমে বল হরি
বিচার করিয়া লবে ।
ধনের উদ্দেশে যাবে নানা দেশে
সুমেধু-শিখরে পাবে ॥
সুমেধু-শিখরে জনম তার ধরে
তাহাতে রসের নদী ।
হেমের গলিতা প্রেমের প্রণীতা
জীব-অগোচর খুদি ॥
হেন প্রেমধন দেবে আরাধন
জীবে কেহো নাহি পাই ।
ডুবাকু হইলে চিন্তামণি মেলে
শুন হে রসিক তাই ॥
ডুবাকু হইবে রসেতে ডুবাবে
ডুবাবে বস্তুর যাসে ।
বস্তু মহাস্থল সংসারের মূল
ক' দীন চণ্ডীদাসে ॥

(৪)

রতি রতি বলি বাক্য বলে সর্বজন ।
প্রেম-রতি হৃদয় করি কর আশ্বাদন ॥
নিত্য আশ্বাদিবে তারে কণ্ঠ করিয়া ।
কাম রতি রাখ সবে দূরে তেয়াগিয়া ॥
কামরসে নাই ব্রজলীলা আশ্বাদন ।
তবে সে করয়ে রতি দেহের কারণ ॥

দেহ-সুখ লাগি জীব নানা কর্ম জানি ।
আপনি না এক ব্যাধি বস্তু করি মানি ॥
চণ্ডীদাস বলে প্রভু মোর নিবেদন ।
স্বপনে কামিনী সনে না হয় গমন ॥

(৫)

সহজ পিরীতি সতাই কয় ।
কেমন সহজ পিরীতি হয় ॥
যদি কেহ কেহ উছন কয় ।
নারীতে পুরুষে পিরীতি নয় ॥
নারীতে পুরুষে রজসে মন ।
পুরুষে পুরুষে কেমন হয় ॥
পুরুষে-পিরীতি দূরেতে থাকে ।
নারীতে নারীতে পিরীতি রাখে ॥
নারীতে নারীতে যতপি হয় ।
ছিদ্র দোষ কিছুই নয় ॥
চেষ্টা সুখ মর্ম থাকিতে নয় ।
এ তিন ছাড়িলে তবে সে হয় ॥
সত রজ তম না থাকে জাতে ।
চণ্ডীদাসের মন হরিল তাতে ॥

(৬)

বঁধু পিরীতি কেমনে হয় ।
কথাটি শুনিয়া মরমে পশিল
কহিতে বাসি যে ভয় ॥
প্রেম দুঃখ সুখ কিসে উপজিল
কোথা বা তাহার ধাম ।
পিরীতি কেমন কেবা সে আনিল
কহ না আমারে শ্রাম ॥
হাসিয়ে নাগর কহেন উত্তর
শুন বুকভানু-বি ।
সহজ পিরীতি কোথা তার স্থিতি
বুঝিতে নারিয়েছি ॥
পৃথিবী ভিতর এক সরোবর
তাহার ভিতর ফুল ।
ফুলের ভিতর ফলের জনম
তাহার ভিতরে মূল ॥
মূলের ভিতরে ধনের বসতি
সদাই তথাই রয় ।
সেই ধন আসি জগতেরে পশি
সব রস তার হয় ॥
আহা এমন স্বভাব তার ।
মনকে হরিয়া যায় সে চলিয়া
পৃথিবী হইয়া পার ॥

দোহার আশ্রয় নোহার ভঞ্জন
একের আশ্রয় শোভে ।
ইহা না জানিলে যাইতে নারিবে
ডুবিয়ে মরিবে ভবে ॥
চণ্ডীদাস কহে চরণে ধরিসে
শুনহে রসিক ভাই ।
দোহারি আশ্রয় ভঞ্জন.....
তবে সে দোহাবে পাই ॥ *

বানের সাহিত সতত যজিবে
সহজ তাহাকে কয় ।
কাম লোভে পড়ি যে করে পিরীতি
নরকে ডুবিয়া রয় ॥
অমুরাগে পড়ি কাম লোভ ছাড়ি
পিরীতি করয় যে ।
বামুলী আদেশে কহে চণ্ডীদাসে
মামুষ পাইবে সে ॥

(২)

মালদহ জিলার অন্তর্গত কানসাট গ্রামের শ্রীমন্
নারায়ণ প্রেস হইতে কবির হারাধন বৈষ্ণব ঠাকুর
এণ্ড সন্স কর্তৃক প্রকাশিত "আশ্রয়-সিদ্ধান্ত-
চন্দ্রোদয়" গ্রন্থে নিম্ন কয়টি পদাবলী আছে—

(১)

সহজ পিরীতি জীবে না সম্ভবে
সহজ মামুষ বৈ ।
সহজ পিরীতি বতি না টলিবে
তবে ত সহজ কৈ ॥

পিরীতি পিরীতি সবজন কহে
পিরীতি সহজ কথা ।
বিরিংদের ফল নহে ত পিরীতি
নাহি মিলে যথা তথা ॥
পিরীতি অন্তরে পিরীতি মস্তরে
পিরীতি সাধিল যে ।
পিরীতি রতন লভিল সে জন
বড় ভাগ্যবান সে ॥
পিরীতি লাগিয়া আপনা ভুলিয়া
পরেতে মিশিতে পারে ।
পরকে আপন করিতে পারিলে
পিরীতি মিলয় তারে ॥
পিরীতি সাধন বড়ই কঠিন
কহে স্বল্প চণ্ডীদাস ।
দুই ঘুচাইয়া এক অঙ্গ হও
ধাকিলে পিরীতি আশ ॥

(৩)

(নিম্নলিখিত পদটির ত্রায় চণ্ডীদাসের পদ পূর্বে
প্রকাশিত হইলেও, ইহাতে এত পাঠান্তর আছে
যে, পদটি নূতনের ত্রায় শোনাইতেছে ।)

* এই বারটি পদের মধ্যে দুইটি পদে পদকর্তার
ভণিতা নাই । যে বহু পুরাতন হস্তলিখিত পুঁতি
হইতে এই পদগুলি সংগৃহীত হইয়াছে, তাহাতে
অন্যান্য প্রাচীন বৈষ্ণব কবির রচিত পদও সন্নিবিষ্ট
আছে ; এ অবস্থায় ভণিতাবিহীন পদ দুইটি যে
চণ্ডীদাসেরই রচিত, ইহার প্রমাণ কি ? অবশিষ্ট
দশটি পদের দুইটিতে 'দ্বিজ' চণ্ডীদাসের ও একটিতে
'দীন' চণ্ডীদাসের ভণিতা আছে । ইহারা প্রাচীন
বৈষ্ণব কবিগণের রচিত পদাবলী সম্বন্ধে গবেষণা
করিতেছেন, তাহারা নানাবিধ যুক্তি দ্বারা প্রতিপন্ন
করিতে চাহেন—চণ্ডীদাস, 'বড়ু' চণ্ডীদাস, 'দীন'
চণ্ডীদাস, 'দ্বিজ' চণ্ডীদাসের ভণিতায়ুক্ত পদগুলি
একাধিক পদকর্তার রচনা । তাহার চালিত্য,
মাধুর্য এবং ভাব-সম্পদ ও সরস বর্ণনা-ভঙ্গিতে
চণ্ডীদাসের পদাবলী বঙ্গসাহিত্যে অতুলনীয় ; কিন্তু
নব-প্রকাশিত পদগুলিতে চণ্ডীদাসের রচনার
অমুকরণীয় বৈশিষ্ট্যের সম্পূর্ণ অভাব লক্ষিত হইতেছে,
এ অল্প স্বভাবতঃই মনে এই প্রশ্নের উদয় হয়—এই
সকল পদের রচয়িতা কোন্ চণ্ডীদাস ? কেবল
ভণিতা দেখিয়া যে-কোন পদ বামুলী-সেবক নাম্বরের
বিখ্যাত চণ্ডীদাসের রচিত বলিয়া ধারণা করা সম্ভব
নহে ; তথাপি চণ্ডীদাসের ভণিতায়ুক্ত এই সকল পদ
পূর্বে চণ্ডীদাসের পদ-সংগ্রহে প্রকাশিত না হওয়ার
আমরা এখানে প্রকাশ করিলাম ।

পিরীতি নগরে বসতি করিব
পিরীতে বাধিব ঘর ।
পিরীতি দেখিয়া পড়সী করিব
তা বিমু সকলি পর ॥
পিরীতি দ্বারের কপাট করিব
পিরীতে বাধিব চাল ।
পিরীতি আসকে সদাই থাকিব
পিরীতি গোষ্ঠাব কাল ॥
পিরীতি পালঙ্কে শয়ন করিব
পিরীতি সিথান মাথে ।
পিরীতি বালিসে আলিস ত্যজিব
থাকিব পিরীতি মাথে ॥

পিরীতি মৎসে গিনান করিব
 পিরীতি অঙ্গন লব ।
 পিরীতি করম পিরীতি ধরম
 পিরীতি পরাণ দিব ॥
 পিরীতি নাগার বেসর করিব
 কুলিবে নয়ন-কোণে ।
 পিরীতি অঙ্গন লোচনে পরিব
 দ্বিজ চণ্ডীদাস ভণে ॥

(৪)

চন্দ্র পক্ষ নেত্র দেব ।
 দ্বিগুণ করিয়া করিবে ভেদ ॥
 চৌগুণে ধরিলে স্তম্ভন হয় ।
 স্তম্ভনে হয় চাঁদের উদয় ॥
 রাগের সহিতে সাধিবে যোগ ।
 উদয়ে যাইবে ভবাদি রোগ ॥
 জীবের জীবত্ব হইবে নাশ ।
 যোগসিদ্ধি হয় ধরিলে শ্বাস ॥
 এই ভাক্তে যোগ যাহাতে আছে ।
 বিকারের পথে সেই ত বাচে ॥
 ষোল অঙ্ক যদি পবনে ধরে ।
 স্তম্ভনে চৌমটি অবধি করে ॥
 বাত্রিশ শ্বাস বাহির দ্বারে ।
 চমৎকার রূপ মোহনে ছেরে ॥

হেলা দোলা দুই তিনের তিন ।
 চণ্ডীদাস কহে পিরীতি বিন ॥
 আমার সাধন এই ত সার ।
 চণ্ডীদাস কিছু না করে আর ॥

(৫)

(নিম্নলিখিত পদটির গ্রায় পদ পূর্বে বাহির হইলেও, ইহাতে এত পাঠান্তর আছে যে, পদটি নূতনের গ্রায় বোধ হইতেছে ।)

পিরীতি পিরীতি পিরীতি মূর্তি
 হৃদয়ে লাগল সে ।
 পরাণ ছাড়া পিরীতি না ছাড়ে
 পিরীতি গড়ল কে ॥
 পিরীতি বলিয়া এ তিন আখর
 না জানি আছিল কোথা ।
 পিরীতি কণ্টক হিয়ায় ফুটল
 পরাণ পুতলী যথা ॥
 পিরীতি পিরীতি পিরীতি অনল
 দ্বিগুণ জ্বলিয়া গেল ।
 বিষম অনল নিবাইলে নহে
 হিয়ায় রহল শেল ॥
 চণ্ডীদাস বলি শুন বিনোদিনী
 পিরীতি না কহে কথা ।
 পিরীতি লাগিয়া পরাণ ছাড়িলে
 পিরীতি মিলয়ে তথা ॥

সমাপ্ত

